

Chaff H
And 2^a
Woffle

GRATIANI CANONES

GENUINI AB APOCRYPHIS DISCRETI,

CORRUPTI AD EMENDATORUM

codicum fidem exacti, difficiliores commodâ
interpretatione illustrati

OPERA ET STUDIO

CAROLI SEBASTIANI BERARDI

Presbyteri Uneliensis,

In Regio Athenæo Jurisconsultorum Collegio adscripti,

Et Jurisprudentiæ Studiis in Regia Academia Præfecti.

PARS II. TOMUS III.



SUPERIORUM PERMISSU.

MATRITI, MDCCCLXXXIII.

Ex TYPOGRAPHIA MICHAELIS ESCRIBANO.

Se hallará en la Librería de Don Bernardo Alberá.

LIBRARY OF THE UNIVERSITY OF TORONTO
CARTA D'ANTONIO GONZALEZ
CONCERNANTE LA MENDICATORUM
OPERA ET STUDI
CARLO SEBASTIANI HERARDI
SASPICIUS Uerius
TURINENSIS COLLEGIO SPECIOSI
TOMUS XI
MARTII MDCCCLXXXIX



LIBRARY OF THE UNIVERSITY OF TORONTO
CARTA D'ANTONIO GONZALEZ
CONCERNANTE LA MENDICATORUM
OPERA ET STUDI
CARLO SEBASTIANI HERARDI
SASPICIUS Uerius
TURINENSIS COLLEGIO SPECIOSI
TOMUS XI
MARTII MDCCCLXXXIX

INDEX CAPITUM,

Quæ in hoc Tertio Volumine continentur.

<i>Cap. 59. De Gregorio Magno.....</i>	<i>Pag. 1.</i>
<i>Cap. 60. De Bonifacio III.....</i>	<i>158.</i>
<i>Cap. 61. De Bonifacio IV.....</i>	<i>160.</i>
<i>Cap. 62. De Deusdedit.....</i>	<i>163.</i>
<i>Cap. 63. De Honorio.....</i>	<i>165.</i>
<i>Cap. 64. De Martino.....</i>	<i>166.</i>
<i>Cap. 65. De Eugenio.....</i>	<i>167.</i>
<i>Cap. 66. De Agathone.....</i>	<i>169.</i>
<i>Cap. 67. De Sergio.....</i>	<i>169.</i>
<i>Cap. 68. De Gregorio II. & Gregorio III.....</i>	<i>171.</i>
<i>Cap. 69. De Zurburia.....</i>	<i>183.</i>
<i>Appendix de aliquibus Bonifacii Episcopi & Martyris monumentis.....</i>	<i>194.</i>
<i>Cap. 70. De Stephano II., aut III., vel etiam IV.....</i>	<i>196.</i>
<i>Cap. 71. De Hadriano.....</i>	<i>200.</i>
<i>Appendix de Canone 21. caus. 1. quæst. 1. adscripto Ta- rasio Episcopo Constantinopolitano.....</i>	<i>214.</i>
<i>Cap. 72. De Leone III.....</i>	<i>215.</i>
<i>Cap. 73. De Stephano IV. seu V.....</i>	<i>220.</i>
<i>Cap. 74. De Paschali.....</i>	<i>221.</i>
<i>Cap. 75. De Gregorio IV.....</i>	<i>225.</i>
	<i>Cap.</i>

<i>De Canone 8. caus. 35. quæst. 9.</i>	230.
<i>Cap. 76. De Leone IV.</i>	230.
<i>Cap. 77. De Nicolao.</i>	247.
<i>Cap. 78. De Joanne VIII.</i>	303.
<i>Cap. 79. De Stephano V. seu VI.</i>	317.
<i>Cap. 80. De Leone VIII.</i>	330.
<i>Cap. 81. De Leone IX.</i>	331.
<i>De Canone 55. de cons. dist. 1.</i>	334.
<i>Cap. 82. De Nicolao II.</i>	335.
<i>Cap. 83. De Alexandro II.</i>	340.
<i>Cap. 84. De Gregorio VII.</i>	358.
<i>Appendix de Confessione Berengarii.</i>	375.
<i>Cap. 85. De Urbano II.</i>	376.
<i>De Canone 2. caus. 19. quæst. 2.</i>	395.
<i>De Canone 2. caus. 8. quæst. 3.</i>	397.
<i>Cap. 86. De Paschali II.</i>	407.
<i>Cap. ult. De Innocentio II.</i>	417.

CA-

C A P U T L I X .

De Gregorio Magno.

Nemō est aut ex Pontificibus Maximis, aut ex Sanctis Ecclesiæ Patribus, qui adeò frequentè à Gratiano laudetur, quemadmodū Gregorius Magnus. Id sequentia capita demonstrant, quæ, ut numero plurima sunt, ita accuratiori ordine exhiberi debuerunt.

Sectio 1. de epistolis, Italiam universam spectantibus.

- | | | |
|---|---|---|
| Ex epist. ad Mauricium & Vitalianum, magistros militum. | { | Can. 18. caus. 23. q. 8. non omnino certæ auctoritatis. |
| Ex epist. ad Velecem, magistrum militum. | | |

Sectio 2. de epistolis, directis ad Cives Urbis Romæ.

- | | | |
|-----------------------------------|---|---|
| Ex epist. ad Gratiostum Subdiaco- | { | Can. 75. caus. 12. q. 2. vix varius in diversis exemplaribus. |
| num. | | |
| Ex epist. ad Montanam, & Thomam. | { | Can. 68. caus. 12. q. 2. ex integra epistola supplendus. |
| Ex epist. ad Theodorum Consilia- | | Can. 15. caus. 25. q. 1. Gratiani proposito parum accommodatus. |
| rium. | { | Can. 67. caus. 12. q. 2. consonat cum integris epistolæ exemplaribus. |
| Ex epistola ad Quertenium Ex- | | Can. 8. dist. 88. incertæ auctoritatis, & alienus à proposito Gratiani. |
| praefectum. | { | Can. 12. de cons. dist. 3. consonat cum integris exemplaribus. |
| Ex epist. ad omnes cives Romanos. | | Can. 1. dist. 68. à Gratiani sententia alienus. |

Sectio 3. de Epistolis ad Ravennates.

- | | | |
|---|---|--|
| Ex epist. ad Castorium Notarium. | { | Can. 8. caus. 2. q. 5. jungendus cum epistolis ad Marinianum Ravennatem. |
| Ex epist. ad Joannem Episcopum Ravennatem. | | |
| Ex epistola ad Joannem Subdiaconum. | { | Can. 1. dist. 68. à Gratiani sententia alienus. |
| Can. 22. dist. 93. jungendus cum can. 7. & 8. dist. 100. | | |
| Can. 7. dist. 100. | { | Can. 2. caus. 16. q. 1. jungendus cum can. 26. caus. 18. q. 2. |
| Can. 8. dist. 100. | | |
| Can. 26. caus. 18. q. 2. jungendus cum can. 2. caus. 16. q. 1. | { | Can. 1. caus. 33. q. 1. est potius Rhabani epist. ad Heribaldum. |
| Can. 2. caus. 33. q. 1. pertinet potius ad Capitularia Francorum. | | |
| Can. 10. dist. 63. conferendus cum can. 33. caus. 24. q. 1. | { | Can. 3. caus. 16. q. 5. ex integra epistola supplendus. |
| Tom. III. | | |

PARS SECUNDA. CAPUT LIX.

Ex epistola ad
Marinianum Epis-
copum.

Ex epistola ad
Secundum.

Ex epistola ad
Barbarum Bene-
ventanum.

- Can. 11. dist. 50. consonat cum integris epistola exemplaribus.
 Can. 1. dist. 58. jungendus cum can. 28. caus. 18. q. 2.
 Can. 9. caus. 2. q. 5. jungendus cum can. 8. caus. 2. q. 5.
 Can. 2. caus. 5. q. 1. ex integris exemplaribus emendandus.
 Can. 13. caus. 7. q. 1. paulo varius in diversis codicibus.
 Can. 3. caus. 12. q. 5. paulo varius in diversis exemplaribus.
 Can. 37. caus. 16. q. 1. jungendus cum can. 27. caus. 18. q. 2.
 Can. 27. caus. 18. q. 2. jungendus cum can. 37. caus. 16. q. 1.
 Can. 28. caus. 18. q. 2. jungendus cum can. 11. dist. 50.*
- Can. 6. dist. 86. cum integris epistola codicibus consonat.*

Sectio 4. de Epistolis, per Samnium directis.

Ex epistola ad
Agnellum Epis-
cop. Terracinae.

Ex epist. ad Anthe-
mum Subdiaco-
num Campaniae.

Ex epist. ad Bene-
natum Episco-
pum.

Ex epist. ad Cle-
mentinam Neapo-
litanam.

Ex epist. ad Fortu-
natum Neapoliti-
tanum Episco-
pum.

Ex epist. ad Gau-
dentium Nola-
num Episcopum.

Ex epist. ad Go-
discalcum Du-
cem Campaniae.

- Can. 16. dist. 61. ad integrum epistolam exigendus.*

- Can. 5. caus. 21. q. 1. Simil Jungendi, & ex integra
 Can. 6. caus. 21. q. 1. epistola supplendi.*

- Can. 1. dist. 84. ex integra epistola supplendus.
 Can. 2. dist. 84. ex integra epistola supplendus.
 Can. 2. dist. 89. conferendus cum can. 1. dist. 84.
 Can. 20. caus. 7. q. 1. ex integra epistola supplendus.
 Can. 32. caus. 16. q. 1. jungendus cum can. 39. caus. 27. q. 1.
 Can. 2. caus. 17. q. 4. ex integra epistola supplendus.
 Can. 5. caus. 20. q. 1. ex Gregoriani temporis adjunctis expli-
 candum.*

- Can. 39. caus. 27. q. 1. jungendus cum can. 32. caus. 16. q. 1.
 Can. 11. dist. 61. minus accommodus proposito Gratiani.
 Can. 48. caus. 16. q. 1. paulo varius in diversis exemplaribus.*

- Can. 3. dist. 89. paulo varius in aliis codicibus.*

- Can. 15. dist. 54. ex integra epistola supplendus.
 Can. 5. dist. 71. consonat cum integris epistola exemplaribus.
 Can. 6. caus. 19. q. 3. conferendus cum can. 1. dist. 53.
 Can. 28. caus. 27. q. 2. ex integra epistola supplendus.
 Can. 6. caus. 29. q. 2. paulo varius in diversis exemplaribus.*

- Can. 19. dist. 61. paulo varius in diversis exemplaribus.*

- Can. 67. caus. 11. q. 3. ex integris exemplaribus emendandus.*

Ex epist. ad Joannem Episcopum Velitranum.	Can. 44. caus. 7. q. 1. paulò varius in diversis exemplaribus.
	Can. 49. caus. 16. q. 1 paulò varius in diversis exemplaribus.
Ex epist. ad Cle- rum, & Nobiles Neapolitanos.	Can. 4. dist. 28.
	Can. 1. dist. 39.
Ex epist. ad Milites Neapolitanos.	Can. 4. dist. 47.
	Can. 15. dist. 61.
Ex epist. ad Pas- chasiū Episcop. Neapolitanum.	Can. 17. caus. 8. q. 1.
	Can. 7. caus. 23. q. 1. incerta auctoritatis.
Ex epist. ad Pas- chasiū Episcop. Neapolitanum.	Can. 3. dist. 45. paulò varius in diversis codicibus.

Sectio 6. de epistolis, directis per Illyricum.

Ex epist. ad Antonium Subdiacōnum in Dalmatia.	Can. 8. dist. 74. jungendus cum can. 40. caus. 7. q. 1.
	Can. 1. caus. 8. q. 2. paulò varius in diversis exemplaribus.
	Can. 64. caus. 11. q. 3. ad integrā epistolam exigendus.
Ex epist. ad Episcopos Epiri.	Can. 11. dist. 100. ex optimis codicibus emendandus.
Ex epist. ad Episcopos per Elladiam.	Can. 117. caus. 1. q. 1. consonat cum aliis Gregorii epistolis.
Ex epist. ad Joannem, Episcopum Primæ Justinianæ.	Can. 9. dist. 63. } simul jungendi ; nec non cum can. 11.
	Can. 10. dist. 100. } dist. 100.
	Can. 44. caus. 2. q. 7. ex integra epistola emendandus.
Ex epist. ad Joannem Episcopum Corinthi.	Can. 3. dist. 100. ex integra epistola emendandus.
	Can. 116. caus. 1. q. 1. referendus ad canonem 3. dist. 100.
	Can. 6. caus. 2. q. 3. } simul jungendi , & ex integra epis- Can. 7. caus. 2. q. 3. } tola emendandi.
Ex epist. ad Joannem Episcopum Larissæum.	Can. 52. caus. 16. q. 1. ad integrā epistolam exigendus.
	Can. 13. caus. 25. q. 1 referendus ad can. 52. caus. 16. q. 1.
Ex epistola ad Maximum Salonitanum.	Can. 9. dist. 12. ex integra epistola supplendus.
	Can. 1. caus. 6. q. 5. ex integra epistola emendandus.
	Can. 1. caus. 9. q. 1. ex integra epistola supplendus.
Ex epist. ad Natalem Episcopum Salonitanum.	Can. 5. dist. 44. ex integra epistola emendandus.
	Can. 6. dist. 44. consonat cum integris epistola exemplaribus.
	Can. 2. dist. 74. consonat cum integris epistola exemplaribus.
Ex epist. ad omnes Salonæ Consistentes.	Can. 40. caus. 7. q. 1. jungendus cum can. 5. dist. 44.
	Can. 15. caus. 24. q. 3. jungendus cum can. 10. caus. 25. q. 2.
	Can. 10. caus. 25. q. 2. supplendus ex integris epistola exemplaribus.
Ex epist. ad Sabianum Episcopum Jadertinum.	Can. 2. dist. 93. } simul jungendi , ac referendi etiam Can. 2. caus. 1. q. 6. } ad epistolas ad Maximum Salo- nitanum , de quibus supra.
	Can. 3. dist. 50. ex integra epistola emendandus.

Sectio 7. de epistolis, per Apuliam, & Calabriam directis.

- Ex epistola ad An-
dream Tarenti- } Can. 7. dist. 33. conferendus cum epist. ad Joannem Callopolitanum.
num.
- Ex epist. ad Ser-
gium Defensorem } Can. 19. caus. 27. q. 1. jungendus cum can. 18. caus. 27. q. 1.
Sipontinum.
- Ex epist. ad Vitalia-
num Episcopum } Can. 18. caus. 27. q. 1. jungendus cum can. 19. caus. 27. q. 1.
Sipontinum.

Sectio 8. de epistolis, directis per Lucaniam, & Brutios.

- Ex epist. ad Boni-
facium Episco-
pum Regiensem. } Can. 9. dist. 32. jungendus cum can. 1. dist. 28. & can. 1. dist. 31.
Can. 49. caus. 12. q. 2. consonat cum integris epistola exemplaribus.
Can. 2. caus. 27. q. 1. non pertinet ad epistolas Gregorii Magni.
- Ex epist. ad Feli-
cem Episcopum
de Acropoli. } Can. 14. caus. 12. q. 1. ex ipsa epistola supplendus.
Can. 10. dist. 34. jungendus cum can. 3. dist. 98. & can. 42.
caus. 7. q. 1.
- Ex epist. ad Joan-
nem Episcopum
Squillatinum. } Can. 3. dist. 98. jungendus cum can. 10. dist. 34. & can. 42.
caus. 7. q. 1.
Can. 42. caus. 7. q. 1. jungendus cum can. 10. dist. 34., &
can. 3. dist. 98.
Can. 41. caus. 17. q. 4. ex integris exemplaribus emendandus.
Can. 42. caus. 17. q. 4. idem est cum §. ult. can. 5. caus. 18. q. 2.
- Ex epist. ad Sabi-
num Subdiaconum
Regionarium. } Can. 4. caus. 17. q. 4. consonat cum integris epistola exemplaribus.

Sectio 9. de epistolis, directis per Siciliam.

- Ex epist. ad Cypria-
num Diaconum. } Can. 2. caus. 12. q. 5. consonat cum integris epistola exemplaribus.
Can. 8. caus. 19. q. 3. parum aptus proposito Gratiani.
- Ex epist. ad Do-
num Messanen-
sem Episcopum. } Can. 14. caus. 12. q. 2. simul jungendi, & ex integra
Can. 16. caus. 12. q. 2. epistola supplendi.
- Ex epist. ad Fanti-
num Defensorem. } Can. 2. caus. 14. q. 6. ex integra epistola emendandus.
Can. 98. de cons. dist. 4. ex optimis codicibus emendandus.
- Ex epist. ad Feli-
cem Episcopum-
Messanensem. } Can. 4. caus. 25. q. 2. apocryphus quidem; sed consonat cum aliis
Gregorii sententiis.
Can. 10. caus. 35. q. 2. apocryphus, & ex integra epistola supplendus.
- Ex epist. ad Hadria-
num Notarium
Panormitanum. } Can. 2. caus. 35. q. 8. apocryphus, & ad integros codices exigendus.
Can. 8. caus. 26. q. 5. supplendus ex integra epistola.
Can. 21. caus. 27. q. 2. paulo varius in diversis exemplaribus.

- Ex epist. ad Joan-
nem Episcopum Panormitanum } Can. 10. dist. 28. ex integris epistolæ exemplaribus emendandus.
Can. 23. dist. 86. consonat cum integris epistolæ exemplaribus.
Can. 2. caus. 15. q. 7. idem est cum can. 23. dist. 86.
- Ex epist. ad Joan-
nem Episcopum Syracusanum. } Can. 4. dist. 22. ad integros epistolæ codices exigendus,
Can. 6. dist. 74. paulò varius in aliis exemplaribus.
Can. 21. dist. 93. paulò varius in diversis exemplaribus.
- Ex epist. ad Justi-
num Prætorem. } Can. 6. caus. 2. q. 5. paulò varius in diversis exemplaribus.
- Ex epist. ad Liber-
tinum Præfec-
tum. } Can. 13. dist. 54. ex integra epistola supplendus.
- Ex epist. ad Leo-
nem Episcopum Catanensem. } Can. 2. dist. 32. ex integra epistola supplendus.
Can. 63. caus. 16. q. 1. consonat cum antiquis Gelasii Decretalibus.
Can. 20. caus. 27. q. 2. idem est cum can. 2. dist. 32.
- Ex ad epist. Maxi-
mianum Episco-
pum Syracusa-
num. } Can. 3. caus. 7. q. 1. ex optimis exemplaribus emendandus.
Can. 29. caus. 12. q. 2.
Can. 45. caus. 12. q. 2.
Can. 38. caus. 16. q. 1. } simul jungendi, atque ad integros
Can. 12. caus. 20. q. 1. codices exigendi.
- Ex epist. ad Præfec-
tem Illustrum Pa-
normitanum. } Can. 12. caus. 25. q. 2. consonat cum can. 1. caus. 35. q. 9.
- Ex epist. ad Pe-
trum Subdiaco-
num. } Can. 1. dist. 28. emendandus ex can. 1. dist. 31.
Can. 1. dist. 31. consonat cum integris epistolæ exemplaribus.
Can. 2. caus. 16. q. 4. consonat cum recepta Justiniani disciplina.
Can. 4. caus. 16. q. 6. ex integris exemplaribus emendandus.
Can. 5. caus. 16. q. 6. ex integra epistola supplendus.
- Ex epist. ad Roma-
num Defensorem. } Can. 25. dist. 81. ex integra epistola supplendus.
Can. 4. dist. 88. ex optimis codicibus emendandus.
Can. 39. caus. 11. q. 1. jungendus cum can. 4. dist. 88. mūq
Can. 3. caus. 14. q. 6. ex integra epistola supplendus.
- Ex epist. ad Secun-
dinum. } Can. 16. dist. 50. falsò Gregorio tributus.
Can. 24. dist. 50. apocryphus, & referendus ad can. 16. dist. 50.
Can. 34. caus. 16. q. 7. ex integra epistola supplendus.
Can. 7. caus. 18. q. 2. ex optimis exemplaribus emendandus.
- Ex epist. ad Venan-
tium exmonachum Syracusanum. } Can. 4. dist. 43. emendandus ex vulgatis epistolæ exemplaribus.
Can. 3. caus. 17. q. 1. consonat cum vulgatis epistolæ exemplaribus.
- Ex epist. ad Urbi-
cum Abbatem. } Can. 25. caus. 27. q. 2. consonat cum optimis epistolæ exem-
plaribus.
- Ex epist. ad plures Siciliæ Episcopos. } Can. 1. dist. 53. ad Gregoriani temporis causas exigendus.
Can. 1. dist. 94. ex optimis codicibus emendandus.
Can. 9. caus. 10 q. 3. ex optimis codicibus emendandus.

Sectio 10. de epistolis, directis per Tusciam, & Umbriam.

- Ex epist. ad Candi-
dum Episcopum Urbevetanum. } Can. 2. caus. 7. q. 1. paulispèr varius in diversis exemplaribus.

- Ex epist. ad Joannem Episcopum Urbevetanum. } Can. 13. caus. 16. q. 1. ex *integra epistola emendandus.*
- Ex epist. ad Valentinum Abbatem. } Can. 20. caus. 18. q. 2. consonat cum can. 103. & 104. de cons. dist. 4.
- Ex epist. ad Venantium Episcopum Lunensem. } Can. 10. dist. 50; ex *duabus Gregorii epistolis compositus.*

Sectio 11. de epistolis, per Picenum directis.

- Ex epist. ad Castorum Episcopum Ariminensem. } Can. 2. caus. 18. q. 2. } Simul jungendi, atque ad integrum codices exigendi.
- Ex epist. ad Valerianum & Demetrium Clericos Firmanos. } Can. 3. caus. 18. q. 2.
- Ex epist. ad Joannem Episcopum in vicinia Anconitana. } Can. 6. caus. 18. q. 2. Can. 15. caus. 12. q. 2. cum *integra epistola consonat.*
- Ex epist. ad Pasivum Episcopum Firmanum. } Can. 1. dist. 85. ex *integra epistola supplendus, atque emendandus.*
- Can. 18. dist. 61. ferè consonat cum *integrissima epistola exemplaribus.*

Sectio 12. de epistolis, ad Mediolanenses scriptis.

- Ex epist. ad Deodatum Episcopum. } Can. 12. caus. 12. q. 2. referendus ad can. 1. caus. 12. q. 5. Can. 1. caus. 12. q. 5. ex *integra epistola supplendus.*
- Ex epist. ad Constantium Episcopum. } Can. 1. dist. 50. ferè consonat cum optimis epistolæ exemplaribus. Can. 52. caus. 11. q. 3. paulò varius in diversis exemplaribus.
- Ex epist. ad Magnum Presbyterum. } Can. 74. caus. 11. q. 3. cum ipsa Gregorii epistola consonat.
- Ex epist. ad Clerum Mediolanensem. } Can. 2. caus. 24. q. 3. à Gratiani proposito alienus.
- Can. 2. caus. 8. q. 2. cum *integra Gregorii epistola consonat.*
- Can. 6. caus. 9. q. 1. ex *integra epistola supplendus.*

Sectio 13. de epistolis, per Sardiniam directis.

- Can. 9. dist. 50. propemodū consonat cum optimis exemplaribus.
- Can. 16. dist. 54. ex *integrissimis codicibus supplendus.*
- Can. 29. dist. 81. consonat cum integrissima epistola exemplaribus.
- Can. 24. dist. 86. propemodū consonat cum integrissimis exemplaribus.
- Can. 5. dist. 89. ex *integrissimis exemplaribus emendandus.*
- Can. 1. dist. 95. ex *optimis exemplaribus emendandus.*
- Can. 11. caus. 1. q. 7. referendus ad canonem 24. dist. 86.

Ex epist. ad Janua-
rium Calarita-
num Episcopum.

- Can. 28. caus. 2. q. 7. ex optimis codicibus emendandus.
 Can. 4. caus. 5. q. 6. ex integris exemplaribus supplendus.
 Can. 40. caus. 12. q. 1. ad initium hujus epistole pertinet.
 Can. 4. caus. 13. q. 2. ex integra epistola emendandus.
 Can. 12. caus. 13. q. 2. ex integra epistola emendandus.
 Can. 14. caus. 16. q. 1. ex integra epistola supplendus.
 Can. 7. caus. 19. q. 3. jungendus cum can. 13. caus. 25. q. 2.
 Can. 27. caus. 23. q. 4. consonat cum optimis exemplaribus.
 Can. 4. caus. 23. q. 6. à Gratiani proposito alienus.
 Can. 13. caus. 25. q. 2. jungendus cum can. 7. caus. 19. q. 3.
 Can. 10. caus. 26. q. 5. consonat cum sexti saeculi disciplina.
 Can. 28. caus. 27. q. 1. paulò varius in diversis codicibus.
 Can. 29. caus. 27. q. 1. ex integra epistola supplendus.
 Can. 120. de cons. dist. 4. ex optimis codicibus emendandus.

Ex epist ad Inno-
centium, aliosque
Episcopos.

- Can. 45. caus. 2. q. 7. ex integra epistola emendandus.

Ex epist. ad Vene-
rium Episcopum
Calaritanum.

- Can. 29. caus. 27. q. 2. referendus ad can. 1. caus. 33.
q. 1.

Ex epist. ad Vita-
lem Defensorem.

- Can. 1. caus. 35. q. 10. Gregorio falsò tributus.
 Can. 19. caus. 18. q. 2. ex optimis exemplaribus emen-
dandus.

Sectio 14. de epistolis, directis per Corsicam.

Ex epist. ad Boni-
facium Defenso-
rem.

- Can. 7. caus. 25. q. 2. ex integra epistola emendandus.

Ex epist. ad Pe-
trum Episcopum.

- Can. 121. caus. 1. q. 1. ex integris epistola exemplaribus emen-
dandus.

Ex epist. ad Sim-
machum Defen-
sorem.

- Can. 24. dist. 81. paulò varius in diversis exemplaribus.

Sectio 15. de epistolis ad Gallicanos.

Ex epist. ad Arc-
gium Vapincen-
sem.

- Can. 10. dist. 23. } Consonant cum vulgaris epistola exem-
Can. 5. dist. 100. } plaribus.

Ex epist. ad Bru-
nichildem Regi-
nam.

- Can. 1. dist. 61. ex integra epistola supplendus.
 Can. 2. dist. 100. ad Gregoriani temporis adjuncta exigendus.
 Can. 7. caus. 2. q. 5. partim Gregorio, partim recentiori Pontifi-
ci tribuendus.

Ex epist. ad Cons-
tantiam Reginam.

- Can. 47. caus. 23. q. 4. jungendus cum can. 2. dist. 100.
 Can. 8. caus. 12. q. 2. } Simil Jungendi, ac tribuendi
 Can. 9. caus. 12. q. 2. } potius Gregorio V.

Ex epist. ad De-
siderium Episco-
pum.

- Can. 5. dist. 86. paulò varius in diversis Codicibus.

- Ex epist. ad Ethe-
rium Lugdunen-
sem. } Can. 14. caus. 7. q. 1. ex optimis codicibus emendandus.
- Ex epist. ad Sere-
num Massiliensem
Episcopum. } Can. 27. de cons. dist. 3. consonat cum integra epistola.
- Ex epist. ad Sya-
grium Episco-
pum Augustodu-
nensem. } Can. 7. dist. 17. ad integrum epistolam exigendum.
Can. 7. dist. 47. jungendus cum can. 2. caus. 1. q. 1.
Can. 2. dist. 48. ex integra epistola emendandus.
Can. 3. dist. 59. ex integris exemplaribus emendandus.
Can. 5. dist. 83. paulo varius in diversis codicibus.
Can. 9. dist. 100. jugendus cum can. 7. dist. 17.
Can. 2. caus. 1. q. 1. jungendus cum can. 7. dist. 47.
Can. 4. caus. 1. q. 1. referendus ad can. 13. caus. 1. q. 1.
Can. 5. caus. 1. non verbis, sed sententiis Gregorii consonat.
Can. 13. caus. 1. q. 1. paulo varius in diversis exemplaribus.
Can. 27. caus. 1. q. 1. jungendus cum can. 7. caus. 14. q. 5.
Can. 3. caus. 1. q. 6. paulo varius in diversis exemplaribus.
Can. 7. caus. 14. q. 5. referendus ad canonem 27. caus. 1. q. 1.
- Ex epist. ad Theo-
doricum, & Theo-
debertum, Re-
ges. } Can. 20. caus. 1. q. 1. consonat cum integris epistola exemplaribus.
Can. 28. caus. 1. q. 1. ex integra epistola emendandus.
- Ex epist. ad Virgi-
lium Episcopum
Arelatensem. } Can. 2. dist. 49. ex integra epistola emendandus.
Can. 6. dist. 100. ex integra epistola supplendus.
Can. 59. caus. 2. q. 7. ex optimis codicibus emendandus.
Can. 9. caus. 25. q. 2. ex integris epistola exemplaribus emen-
dandus.
- Ex epist. ad omnes
Episcopos Gallia-
rum. } Can. 7. dist. 89. ex optimis codicibus emendandus.
Can. 2. caus. 1. q. 3. apocryphus, sed sententiis Gregorii conformis.
Can. 16. caus. 35. q. 2. pertinet ad Capitularia Francorum.

Sectio 16. de epistolis ad Hispanos.

- Ex epist. ad omnes
Hispaniae Episco-
pos. } Can. 1. caus. 1. q. 3. apocryphus; sed sententiis Gregorii consonat.
- Ex epistola ad Joan-
nem Defenso-
rem. } Can. 7. caus. 2. q. 1.
Can. 38. caus. 11. q. 1. } simul jungendi, dubiae fidei, atque
Can. 3. caus. 16. q. 6. } ex optimis codicibus emendandi.
- Ex epist. ad Lean-
drum Episcopum
Hispalensem. } Can. 80. de cons. dist. 4. ex optimis codicibus emendandus.
- Ex epist. ad Recca-
redum Regem. } Can. 48. caus. 7. q. 1. jungendus cum can. 11. caus. 14. q. 5.
Can. 11. caus. 14. q. 5. ex integris exemplaribus emendandus.

Sectio 17. de epistolis, in Angliam missis.

- Can. 6. dist. 4. apocryphus; nec ad hanc, ex qua laudatur, episto-
lam pertinet.

Catt.

DE GREGORIO MAGNO.

9

- | | |
|---|---|
| Ex epist. ad Augustinum Episcopum.
Dubia omnes auctoritatis. | Can. 1. dist. 5. } simul jungendi, & ex integra epistola emen-
Can. 2. dist. 5. } dandi.
Can. 3. dist. 5. paulo varius in diversis exemplaribus.
Can. 4. dist. 5. consonat cum integris epistola exemplaribus.
Can. 1. dist. 6. } simul jungendi, atque ex integra epistola
Can. 2. dist. 6. } emendandi.
Can. 10. dist. 12. consonat cum sententiis Ambrosii.
Can. 3. dist. 32. idem est cum can. 8. caus. 12. q. 1.
Can. 6. dist. 80. ex integris epistola exemplaribus supplendus.
Can. 1. caus. 6. q. 3. jungendus cum can. 3. caus. 25. q. 2.
Can. 8. caus. 12. q. 1. jungendus cum can. 30. caus. 12. q. 2.
Can. 11. caus. 12. q. 2. adversari videtur aliis Gratiani mo-
numentis.
Can. 30. caus. 12. q. 2. consonat cum sententiis Gelasii Papæ.
Can. 2. caus. 20. q. 1. potius Gregorio III. tribuendus.
Can. 3. caus. 25. q. 2. jungendus cum can. 1. caus. 6. q. 3.
Can. 7. caus. 33. q. 4. paulo varius in diversis exemplaribus.
Can. 20. caus. 35. q. 2. jungendus cum can. 2. caus. 35. q. 8. |
|---|---|

Sectio 18. de epistolis ad Afros.

Ex epist. ad Episcopos Concilii Bi-
zaceni.

Can. 46. caus. 2. q. 7. ex integra epistola emendandus.

Ex epist. ad Colum-
bum Episcopum
Numidiæ.

Can. 7. dist. 56. consonat cum integris epistola exemplaribus.

Ex epist. ad Domi-
nicum Carthagi-
nensem.

Can. 120. caus. 1. q. 1. consonat cum integris epistola exem-
plaribus.

Ex epist. ad Gen-
nadium Patricium,
& Exarchum.

Can. 8. caus. 25. q. 2. paulo varius in diversis codicibus.

Ex epist. ad Epis-
copos Numi-
diæ.

Can. 48. caus. 23. q. 4. ex optimis codicibus emendandus.

Can. 49. caus. 23. q. 4. ex optimis codicibus emendandus.

Ex epist. ad Adeo-
datum Episcopum
Numidiæ.

Can. 8. dist. 12. paulo varius in diversis exemplaribus.

Can. 119. caus. 1. q. 1. paulo varius in diversis codicibus.

Sectio 19. de epistolis, ad Constantinopolitanos directis.

Ex epist. ad Ana-
tolium Diaco-
num.

Can. 1. caus. 7. q. 1. adhuc ex integra epistola emendandus.

Ex epist. ad Cy-
riacum Episco-
pum Constantino-
politanum.

Can. 10. dist. 40 consonat cum integris epistola exemplaribus.

Can. 9. caus. 8. q. 1. paulo varius in diversis codicibus.

- Ex epist. ad Domini-
tianum Episco-
pum Melitini. } Can. 3. caus. 2. q. 1. ex optimis codicibus emendandus.
- Ex epist. ad Eliam
Presbyterum, &
Abbatem Isauriae. } Can. 122. caus. 1. q. 1. ex optimis codicibus emendandus.
- Ex epist. ad Ioan-
nem Episcopum
Constantinopoli-
tarium. } Can. 2. dist. 15. supplendus ex integris epistola exemplaribus.
Can. 6. dist. 41. paulo varius in diversis codicibus.
Can. 1. dist. 45. ex integra epistola illustrandus.
Can. 93. caus. 1. q. 1. paulo varius in diversis codicibus.
- Ex epist. ad Qui-
ricum, aliosque
in Hiberia Epis-
copos. } Can. 44. de cons. dist. 4. ex integris exemplaribus emendandus.
Can. 84. de cons. dist. 4. jungendus cum can. 44. eadem dist. 4.
- Ex epist. ad Sabi-
nianum Diaconum,
& Apocry-
sarium. } Can. 20. caus. 23. q. 8. dubiae auctoritatis.
- Ex epist. ad Mauri-
tium Imperato-
rem. } Can. 41. caus. 11. q. 1. paulo varius in diversis exemplaribus.
Can. 11. caus. 27. q. 2. falso tributus Gregorio.
- Ex epist. ad Cons-
tantinam Augus-
tam. } Can. 24. dist. 63. } simul jungendi, & ex integris codicibus
Can. 6. caus. 21. q. 5. } emendandi.
Can. 8. caus. 12. q. 2. ex variis monumentis contextus.
Can. 40. caus. 2. q. 1. ex integra epistola supplendus.
- Ex epist. ad Theo-
tistam Patritiam. } Can. 11. caus. 6. q. 1. ex integra epistola supplendus.
Can. 19. caus. 27. q. 2. ex optimis exemplaribus emendandus.
Can. 6. §. 1. deponit. dist. 3. ex optimis exemplaribus emendandus.

Sectio 20. de epistolis, directis Alexandriam, Antiochiam, & Jerusalem.

- Ex epist. ad Eulo-
gium Episcopum
Alexandrinum. } Can. 5. dist. 99. ex adjunctis Gregoriani temporis interpretandus.
- Ex epist. ad Anas-
tasium Episco-
pum Antioche-
num. } Can. 26. caus. 1. q. 1. ex integra epistola supplendus.
- Ex epist. ad Anas-
tasium Presbyte-
rum Jerosolymi-
tanum. } Can. 4. dist. 40. ex integra epistola supplendus.
- Ex epist. ad Pa-
lladium Presby-
rum de Monte
Syna. } Can. 55. caus. 11. q. 3. ex optimis codicibus emendandus.

Sectio 21. de aliis canonibus, ex Regesto Gregorii laudatis.

- { Can. 9. caus. 1. q. 7. falso tributus Gregorio Pape.
Can. 3. caus. 5. q. 6. referendus potius ad monumenta Joannis Diaconi.
Can.

DE GREGORIO MAGNO.

T I

- Can. 3. caus. 1. q. 1. recentioris Collectoris manu editus juxta sententias Gregorii.
- Can. 115. caus. 1. q. 1. ad alia Gregorii I., vel Gregorii VII. monumenta exigendus.
- Can. 63. caus. 13. q. 3. pertinet potius ad epistolas Simplicii.
- Can. 1. caus. 35. q. 8. falso tributus Gregorio.
- Can. 39. caus. 16. q. 1. ad integram Gregorii epistolam exigendus.

Sectio 22. de canonibus, sub nomine Decreti Gregoriani laudatis.

- | | |
|-----------------------|---|
| Ad Episcopos omnes. | <ul style="list-style-type: none"> Can. 1. dist. 89. referendus ad monumenta Joannis Diaconi. Can. 11. caus. 2. q. 6. pertinet potius ad Gregorium IV. Can. 5. caus. 18. q. 2. saeculo XI. aut XII. confititus. Can. 23. dist. 54. multo aliter legitur in aliis exemplaribus. Can. 2. dist. 92. dubia apud aliquos auctoritatis. Can. 4. caus. 1. q. 2. consonat cum aliis Gregorii monumentis. Can. 58. caus. 2. q. 7. consonat cum aliis Gregorii monumentis. Can. 1. caus. 16. q. 6. ex adjunctis Gregoriani temporis interpretandus. |
| In Concilio Generali. | <ul style="list-style-type: none"> Can. 1. caus. 35. q. 2. falso tributus Gregorio Magno. |
| In Concilio Melensi. | |

Sectio 23. de Capitibus ex libris Moralium, seu Commentariorum in Job.

- Can. 2. dist. 13. ex integris codicibus supplendus, atque emendandus.
- Can. 13. dist. 38. ex integra Gregorii epistola supplendus.
- Can. 9. dist. 45. ex integris codicibus emendandus.
- Can. 14. dist. 45. consonat cum integris codicibus.
- Can. 1. dist. 46. ex integris codicibus supplendus.
- Can. 2. dist. 46. consonat cum integris codicibus.
- Can. 3. dist. 47. paulo varius in diversis exemplaribus.
- Can. 18. dist. 50. Gratiani proposito minime accommodatus.
- Can. 9. caus. 1. q. 4. consonat cum integris codicibus.
- Can. 3. caus. 3. q. 7. ex optimis codicibus emendandus.
- Can. 5. caus. 3. q. 7. ex variis Gregorii monumentis compositus.
- Can. 10. caus. 8. q. 1. simul jungendi, atque ex optimis codicibus emendandi.
- Can. 99. caus. 11. q. 3. codicibus emendandi.
- Can. 10. caus. 22. q. 2. ex integris Gregorii codicibus supplendus, atque emendandus.
- Can. 19. caus. 22. q. 2. simul jungendi, atque ex optimis codicibus emendandi.
- Can. 20. caus. 22. q. 2. codicibus emendandi.
- Can. 11. caus. 22. q. 5. recentiore Interpretum manu corruptus.
- Can. 22. caus. 24. q. 1. paulo aliter in optimis codicibus descriptus.
- Can. 12. caus. 24. q. 3. ex integris codicibus emendandus.
- Can. 13. caus. 32. q. 4. consonat cum optimis exemplaribus.
- Can. 13. caus. 32. q. 5. paulo varius in diversis exemplaribus.
- Can. 82. de paen. dist. 1. ex integris exemplaribus emendandus.
- Can. 4. de paen. dist. 2. ex optimis exemplaribus emendandus.

PARS SECUNDA. CAPUT LIX.

- Can. 22. de pœn. dist. cum integris codicibus consonat.
 Can. 23. de pœn. dist. 2. ex optimis exemplaribus emendandus.
 Can. 43. de pœn. dist. 2. summa contineat canonis 44. sequentis.
 Can. 44. de pœn. dist. 2. ex integris codicibus supplendus, atque
 emendandus.
 Can. 45. de pœn. dist. 2. ex integris codicibus emendandus.
 Can. 17. de pœn. dist. 3. consonat cum integris exemplaribus.
 Can. 13. de pœn. dist. 4. ex integris exemplaribus emendandus.
 Can. 5. de cons. dist. 4. consonat cum integris exemplaribus.
 Can. 22. de cons. dist. 5. consonat cum integris exemplaribus.

Sectio 24. de Capitulis, ex libris Homiliarum depromptis.

Ex homiliis in Ezechielem.

- Can. 17. dist. 50. Gratiani proposito perperam accommodatus.
 Can. 4. caus. 17. q. 1. ad integros codices exigendus.
 Can. 9. de pœn. dist. 2. ex integris codicibus emendandus.
 Can. 10. de pœn. dist. 2. } simul jungendi, atque ex integris codi-
 Can. 11. de pœn. dist. 2. } cibus emendandi.
 Can. 15. de pœn. dist. 2. ex integris codicibus emendandus.
 Can. 29. de pœn. dist. 3. ex integris codicibus emendandus.
 Can. 40. de pœn. dist. 3. ex integris codicibus emendandus.
 Can. 16. de pœn. dist. 4. } consonant cum integris exempla-
 Can. 17. de pœn. dist. 4. } ribus.
 Can. 15. dist. 45. ex optimis codicibus emendandus.
 Can. 53. dist. 50. ex optimis codicibus emendandus.
 Can. 114. caus. 1. q. 1. consonat cum integris exemplaribus.
 Can. 10. caus. 1. q. 3. ex optimis exemplaribus emendandus.
 Can. 1. caus. 11. q. 3. ex optimis exemplaribus emendandus.
 Can. 60. caus. 11. q. 3. }
 Can. 61. caus. 11. q. 3. } simul jungendi; item ex optimis
 Can. 62. caus. 11. q. 3. } exemplaribus supplendi, atque
 Can. 88. caus. 11. q. 3. } emendandi.
 Can. 15. caus. 23. q. 4. ex integris codicibus emendandus.
 Can. 16. caus. 23. q. 4. ex integris codicibus emendandus.
 Can. 28. caus. 23. q. 4. referendus ad canones 1. 60. 61. 62. &
 88. caus. 11. q. 3.

Ex homiliis in Evangelia.

- Can. 45. caus. 27. q. 2. consonat cum integris exemplaribus.
 Can. 10. caus. 32. q. 1. ferè consonat cum integris exempla-
 ribus.
 Can. 6. de pœn. dist. 3. consonat cum integris exemplaribus.
 Can. 47. de pœn. dist. 3. ad integros Gregorii codices exigen-
 dus.
 Can. 7. de pœn. dist. 5. ex integris codicibus supplendus.
 Can. 7. caus. 36. q. 2. referendus ad canonem 10. caus. 32. q. 1.
 Can. 34. de cons. dist. 2. pertinet potius ad Lanfrancum.
 Can. 73. princ. de cons. dist. 2. consonat cum integris exempla-
 ribus.
 Can. 67. de cons. dist. 4. jungi potest cum can. 10. caus. 32. q. 1.
 Can. 16. de cons. dist. 5. ex integris Gregorii codicibus emen-
 dandus.

Sectio 25. de libro Pastorali.

- Can. 10. dist. 38. ex integris codicibus emendandus.
 Can. 1. dist. 43. paulò varius in diversis codicibus.
 Can. 1. dist. 49. paulò varius in diversis codicibus.
 Can. 2. dist. 83. referendus ad can. 32. caus. 2. q. 7.
 Can. 57. caus. 2. q. 7. ex integris codicibus emendandus.
 Can. 13. de pœn. dist. 3. { simil jungendi, ex integris exemplaribus supplendi, atque ex aliis monumentis explicandi.
 Can. 14. de pœn. dist. 3.
 Can. 15. de pœn. dist. 3.
 Can. 16. de pœn. dist. 3.

Omnes incertæ auctoritatis.

Sectio 26. de libro Dialogorum.

- Can. 4. dist. 25. paulò varius in diversis exemplaribus.
 Can. 18. dist. 32. parùm accommodatus proposito Gratiani.
 Can. 72. caus. 1. q. 1. exigendus ad canonem 42. caus. 24. q. 1.
 Can. 49. caus. 7. q. 1. ex integris codicibus supplendus.
 Can. 17. caus. 13. q. 2. consonat cum sententia S. Augustini.
 Can. 21. caus. 23. q. 4. ferè consonat cum integris exemplaribus.
 Can. 16. caus. 23. q. 8. ferè consonat cum integris exemplaribus.
 Can. 42. caus. 24. q. 1. idem propemodum est cum can. 72. caus. 1. q. 1.
 Can. 60. de pœn. dist. 1. ferè consonat cum integris exemplaribus.
 Can. 2. de pœn. dist. 4. ex integris codicibus emendandus.
 Can. 22. de cons. dist. 1. consonat cum aliis Gregorii monumentis.
 Can. 73. vers. hæc salutaris de cons. dist. 2. partim ex Dialogorum, partim ex Alcuini libris compositus.

Sectio ultima, de ceteris Capitibus, Gregorii nomine relatis.

- Can. 4. dist. 17. est potius Pelagii I.
 Can. 2. dist. 29. pertinet potius ad Gregorium VII.
 Can. 2. dist. 33. referendus ad librum de Ecclesiast. dogmat. Augustino tributum.
 Can. 3. dist. 40. consonat alias Gregorii monumentis.
 Can. 11. dist. 40. ad integras Gregorii sententias exigendus.
 Can. 29. dist. 63. pertinet potius ad Pontificalem Librum Anastasi.
 Can. 23. dist. 81. referendus ad Romanam Synodus sub Zacharia.
 Can. 12. caus. 1. q. 1. referendus potius ad Paschalem II.
 Can. 84. caus. 1. q. 1. ex variis plurium Patrum fragmentis compositus.
 Can. 89. caus. 1. q. 1. potius ad Augustini sententias exigendus.
 Can. 11. caus. 1. q. 4. potius pertinet ad Alexandrum II.
 Can. 42. caus. 2. q. 7. potius pertinet ad Gregorium IV.
 Can. 43. caus. 2. q. 7. referendus ad canonem 44. caus. 2. q. 7.
 Can. 2. caus. 5. q. 6. referendus ad canonem 3. caus. 5. q. 6.
 Can. 20. caus. 11. q. 1. potius Pelagio I. tribuendus.
 Can. 66. caus. 11. q. 3. pertinet potius ad Isidorum Hispalensem.

- Can. 70. caus. 11. q. 3. ad varias Gregorii sententias exigendus.
 Can. 78. caus. 11. q. 3. pertinet potius ad Isidorum Hispalensem.
 Can. 3. vers. soror, caus. 13. q. 2. ad Gregorii Dialogos referendus.
 Can. 3. caus. 15. q. 6. potius pertinere videtur ad Gregorium VII.
 Can. 23. caus. 16. q. 1. apocryphi, atque ad canones Concilii Neman-
 Can. 24. caus. 16. q. 1. sensis exigendi.
 Can. 35. caus. 16. q. 7. pertinet ad Capitularia Francorum.
 Can. 1. caus. 23. q. 1. est potius Origenis.
 Can. 7. caus. 23. q. 5. exigendus ad canonem 3. caus. 14. q. 6.
 Can. 22. caus. 24. q. 3. exigendus ad canones Concilii Troslejensis.
 Can. 15. caus. 27. q. 1. exigendus ad epistolam Gregorii ad Marinianum.
 Can. 14. caus. 27. q. 2. perperam tributus Gregorio.
 Can. 2. caus. 28. q. 2. ad Commentaria, Ambrosio tributa, exigendus.
 Can. 22. caus. 32. q. 7. falsò tributus Gregorio.
 Can. 2. de pœn. dist. 6. recentiori auctori tribuendus.
 Can. 3. caus. 35. q. 5. recentiori auctori tribuendus.
 Can. 1. caus. 35. q. 9. referendus ad canonem. 12. caus. 25. q. 2.
 Can. 4. caus. 35. q. 9. tribuendus est Nicolao I.
 Can. 17. de cons. dist. 1. referendus ad epistolam, Felici IV. tributam.
 Can. 23. de cons. dist. 1. falsò tributus Gregorio.

Quo tempore in pejus ruebant res Italiae, instantibus Longobardis, propè finem sexti saeculi, sive anno 590. Maximum Pontificatum ges- sit Gregorius, cognomento Magnus, vir æquè illustris sanctitate morum, atque ad res publicas summā prudentiā, ac vi- giliantiā administrandas idoneus, longo- que usu instructus. Eximiae pietatis, atque in Deum religionis, ita dixerim, fundamenta jecerat apud Monachos, qui dudum, sancto Benedicto institutore, in Occidentalibus Provinciis vita optimæ rationem profitebantur: nimirūm Gre- gorius monasticæ vitae addicetus illam adēd coluit, ut aliis dein auctor extite- rit nova monasteria erigendo, quæ etiā & beneficiis auxit, & gratiā suā munivit. Illinc verò ad graviora negotia vo- catus, Apocrysarii munere fungi cœpit apud Imperatorem in urbe Constantino- politana; ubi sanè, quid optimi regimi- nis, quid Ecclesiasticæ prudentiæ ratio exigeret eā ætate, diù addiscere potuit: quamobrèm post Pelagium II. dignus ha- bitus est Pontificatu Maximo, universo suffragante Romano Populo, ipso etiā consentiente Imperatore. Imperium tunc regebat Mauritius, cui deinde successit

Phocas, adhuc vivente Gregorio: cum tamè in Oriente plurimū laboraret Imperator, ut Persarum irruptentium impetus cohiberet, indefensam prope modūm Italiam Barbarorum incursioni- bus reliquerat. Eam ob rem nihil Imperatori gratius esse potuit, quām ut elec- tus Gregorius esset in Romanum Antis- tititem, cui ipse tanquam sibi necessitu- dine juncto publica Imperii negotia com- mittere in Italia, quemadmodū rever- à & Imperii incolumentem, & salutem Italiae universæ commisit, uti constat ex epistolis Gregorii, numero plurimis. Id sanè quodammodo invitum se fuisse exequutum Gregorius ipse testatur, probè noscens, quantum ex saecularibus totius Imperii Occidentalis curis detrahi pos- set Ecclesiasticis utilitatibus; quibus tamè sicuti ipse non defuit, ita in ceteris se se solertissimum, optimum æquè Principem, ac Pontificem exhibuit, ut & necessitati rerum, & populi mœrore confecti desiderio, & expectationi Mauri- tii Augusti abundè satisficerit. Id do- luit sanctus Pontifex in epist. ad Theoc- tistam, Imperatoris Sororem lib. 1. epist. 5. ita scribens: *Sub colore Episcopatus ad saeculum sum reductus. Tantis terra curis in-*

servio, quantis me in vita laica nequaquam deservisse reminiscor. Et infrā: Ecce Serenissimus dominus Imperator fieri simiam leonem jussit; & quidem pro jussione illius vocari leo potest, fieri autem leo non potest. Unde necesse est, omnes culpas, ac negligentias meas non mihi, sed sue pietati deputet, qui virtutis ministerium infirmo commisit. Itēm in epist. 25. lib. 1. ad Joannem Constantinopolitanum, atque alios majores Orientis Episcopos, ait: Suscepito itaque pastoralis curae onere, cum cuncta hæc, atque alia hujusmodi multa considero, videor, quod esse non possum, maximè quia in hoc loco quisquis pastor dicitur, curis exterioribus graviter occupatur, ita ut sāpē incertum fiat, urum Pastoris officium, an terreni Proceris agat. Id ipsum conqueritur in homil. 17. in Evangelia, ubi: Est & aliud, Fratres charissimi, quod me de vita Pastorum vehementer affligit, sed ne cui hoc injuriousum videatur fortasse, quod assero, me quoque pariter accuso, quamvis barbarici temporis necessitate compulsus valde in his jaceo invitus. Ad exteriora enim negotia delapsi sumus, & aliud ex honore suscipimus, atque aliud ex officio actionis exhibemus. Necessitas itaque publica eā ētate ita redegerat Ecclesiastica munera, ut civium incolumentati, Republicæ saluti, Imperatore ipso enīxē rogante, opera impenderetur. Quantū enim interfuisset hujusmodi præsidii uti, ipsemet Gregorius homil. 18., nunc 6. in Ezechielem his verbis describit: ubique luctus adspicimus, ubique gemitus audimus, destructa urbes, eversa sunt castra, depopulati agri, in solitudinem terra redacta est. Nullus in agri incola, penē nullus in urbibus habitator remansit, & tamen ipsa parvæ generis humanæ reliquiae adhuc quotidie, & sine cessatione feriuntur.... Alios in captivitatem duci, alios detruncari, alios interfici viderimus.... ipsa autem, quæ aliquandū mundi domina esse videbatur, qualis remanserit Roma, conspicimus. Immensis doloribus multipliciter ad vitia desolatione civium, impressione hostium, frequentiā ruinarum &c. Facit ad hanc ipsam rem epist. 3. lib. 1., epist. 49., alijs 47. ejusdem libri, epistola ad Constantiam Augustam lib. 4. num. 34. Hæc ideo paulò fusiūs persecutus sum, ut faciliūs ea traderentur, ac perciperentur,

quæ infrā de sollicita Gregorii cura observabuntur, neve fortassis mirum alicui videatur, si aliquandū Gregorium animadverterit res fortassē bellicas, publicaque Imperii negotia pertractantem, quæ invitus ipse, & non, nisi publicā exigente necessitate, suscepisse professus est.

Jam verò, antequām Gregorii Magni monumenta recenseam, in primis dicam, eadem perpetuō in Ecclesia fuisse receptissima, quemadmodū & ipse Gratianus maximi fecit, qui innumera proptermodū capita ex illius libris excepit. Quamobrēm in iis enumerandis hunc ordinem mihi proposui, ut priorem locum epistolis darem, utpote quæ ubi riorem Gratiani Decreto materiem suppeditaverint; deindē ea expenderem, quæ in Conciliis ipse definivisse dicitur; hinc progrederer ad libros Commentariorum in sacras literas; post quos expanderem librum Pastoralem, ac librum Dialogorum; tandem verò subjicerem cetera, quæ Gregorio ipsi per Gratianum tributa fuerunt.

Utque ab Epistolis Gregorianis exordiar, illæ in libros plures sunt distributæ, quos Regesti nomine appellant, significatione sumptā à verbo regerere, quod significat in codicem referre; eadem ratione, quā hodiē, quæ in codices publicos referuntur, corrupto vocabulo registrari, ipsosque codices *Registræ* dicimus. Sic Gregorius Turonensis hac voce usus est in lib. 10. historiae cap. 19. ibi: Scripta enim ista in Regesto Chilperici Regis in uno scriniorum pariter sunt reperta. Istud autēm Gregorii Regestum in plures libros distributum designatur indictionibus, unicuique epistolæ convenientibus; ita ut suus unicuique epistolæ annus accommodetur: quamquam tamē viri in eo plurimū versati maximè se elaborasse profiteantur propter codicum varietatem, ut illius restitucionem curarent. Epistolas istas restituere conatus olim fuerat Petrus Gussanvillæus: adnotationibus illustravit Dadinus Altaserra: recentius perficere opus visi sunt Monachi Maurini, quorum adnotationes optimas hūc advocare non pigebit, quotiēs id oppor-

tunum fiet in fragmentis Gratiani. In re-censembris Gregorii epistolis ego non utar vulgata codicum methodo, neque singulas per temporis ordinem percurram. Geographicum potius ordinem mihi sequendum proposui, ut perspicue magis observarentur, quae pro varietate locorum Pontifex optimus praestituit; neque enim hanc rationem ad germanam canonum interpretationem minus accommodatam censeo, ne huc illuc per varias provinciarum disciplinas, ac consuetudines ire, redire, uno ferè contextu videar: præsertim verò, quod multæ diversis annis in eamdem Provinciam, & ad eosdem, eisdem etià de causis, scriptæ fuerint, quas incongruum sane est pro servanda temporum ratione sejungere. Porro ex his, quae sequuntur, primo quisquam obtutu observabit, Gregorium maximam Ecclesiarum fermè omnium sollicitudinem habuisse; & quidem non solum ob Pontificis Maximi officium, quod egregie gessit, sed etià quod eâ ætate bello am. injuriâ turbata maximè erat Episcoporum non tam inferiorum, quam majorum, jurisdicitione, ac potestas.

SECTIO I.

De epistolis, Italianam universam spectantibus.

De epistolis ad Mauricium, & Vitalianum, & Velocem, Magistros Militum.

Can. 18. caus. 23. q. 8. Huc revocanda sunt, quae superius generatim de Gregorio præfabar, nimirum eundem in gravissima periclitantis Reipublicæ necessitate curam aliquandò gessisse bellicarum rerum, Imperatore hanc provinciam commendante. Id enim perspicue demonstrant epistolæ duæ, quarum prior ad Mauricium, & Vitalianum, posterior ad Velocem, Magistros militum, directa est. Fateor quidem, priorem epistolam non omnino indubitate auctoritatis existere, cum Monachi

Maurini observaverint, eam non in omnibus codicibus reperiri. Verum decet illa & Gregorianam vigilantiam, quâ Suanensium fidem explorandam monet à Magistris militum Imperialium, ne forte contingat, Romani Imperii hostes clanculum à Suanensibus auxilium obtinere. Nomina Mauricii, & Vitaliani fictitia non sunt, cum, & Mauricium & Vitalianum Magistros militum fuisse, ex aliis Gregorii epistolis constet. Integra hæc epistola refertur in can. 18. caus. 23. quæst. 8., ubi tamè pro illis verbis *cum quo & tractetis* legunt Maurini, *cum quo ut tractaretis*. Pro illis *mensis Junii* legunt *mensis Januarii*; & pro illis *quantum compéri hostis multitudinem habet collectam*, & in *Marchia dicitur residere*, legunt: *quantum compéri hostem collectum habet*, & *Narina dicitur residere*. Pauli Diaconi codices habent: & *Nardias dicitur residere*. Nec sane alicui videri debet melior Gratiani scriptura; etenim ea loquendi formula, quæ usurpatur *hostem collectum habere*, congruit temporibus Gregorii; nam apud Scriptores media ætatis nomen *hostis exercitum* significabat, quemadmodum demonstrat Cangius in Glossario, qui & hanc Gregorii sententiam alios auctorum ejusdem temporis testimoniis illustrat. Præterea, ubi Gratianus legit *sculpas*, nonnulli MSS. codices habent *sculcas*, & quidem, ut arbitror, rectius; sculcarum enim fit mentio in legibus Longobardorum tit. 15. §. 6. lib. 1. ibi: *si quis in exercitu ambulare contempserit, aut in sculcam, det Regi, & Duci suo solidos 20.* De hujus vocabuli significatione non omnes convenient. Quidam putant, sculcas esse exploratores, qui scilicet explorandi hostilis exercitus causâ à Duce mittuntur. Alii intelligunt vassallorum officium, quo Principem suum, belli causâ iter habentem, comitari tenentur.

Altera epistola, quam ad Velocem can. 17. caus. 23. q. 8. etià Magistrum militum scriptam di- xi, est numero tertia lib. 2. recentioris editionis. Illum Gregorius hortatur, ut Ariulphum Longobardorum Ducem insequatur, quoties ad Romanas, vel Ra-

vennatenses regiones excurrere meditatur. Epistolæ hujus fragmentum exhibetur in can. 17. caus. 23. quæst. 8., ubi pro Mauricio legendum esse Mauriolum manuscripti codices cum editis recentioribus monent, quemadmodum etiàm in principio canonis pro particula ut legendum &c. Cetera cum optimis exemplaribus consonant post Correctiōnem Romanam. Gratianus his fragmentis utitur, ut demonstret, Sacerdotum officium eò etiam pertinere, ut hortentur ceteros ad arripienda arma ad oppressorum defensionem, atque ad inimicorum Dei oppugnationem, ut ipse scribit post canōnem 6. eadem causâ, & quæstione. Ceterū adnotare debuisset, Gregorium professum fuisse, se invitum quodammodo ad hæc peragenda fuisse compulsum, & quidem Imperatoris mandato, in illis demùn temporum adjunctis, in quibus propemodum perculti Italæ nullum subsidium superesse videbatur. Imò &, si animum Gregorii exploremus, is sanè fuit, ut pacis magis, quam belli instaurandi, etiàm ubi de Longobardis ageretur, se auctorem ostenderet, imò & id conatus est, ubi de memorato Ariulpho se se occasio obtulit; quemadmodum manifestè liquet ex Gregorii epist. ad Severum Scholasticum Exarchum, olim 29. lib. 4., in recenti editione 36. lib. 5., cui adjungi possunt epistolæ 2. & 5. lib. 7. olim, nunc verò lib. 9. epist. 4. & 6. ad Januarium Calaritanum, itèm epistola ad Eusebium Thessalonicensem, quæ olim erat 6. indictionis 2., nunc in lib. 10. epist. 42.

SECTO II.

De epistolis, directis ad Cives Urbis Romæ.

De epist. ad Gratiosum Subdiaconum.

Cau. 75. caus. 12. q. 2. Canon 75. caus. 12. quæst. 2. de promptus ex epistola ad Gratiosum Romanæ Ecclesiæ Subdiaconum, exhibet li-

Tom. III.

beralem Gregorii voluntatem, quam erga monasteria, & Monachos sèpè ac sèpiùs ostenderat. Quippè is fuit Gregorius, qui monasteria complura paternis ex facultatibus extruxerat, qui in monasteriis ipsis diù vixerat, qui tandem, ubi Summum Pontificatum adeptus est, non dubitavit, quædam Romanæ Ecclesiæ prædia erigendo virginum monasterio concedere. Quæ apud Gratianum leguntur, cum optimis epistolæ exemplaribus consonant, nisi quispiam adnota- da arbitretur quædam levioris momen- ti; nàm ubi Gratianus legit: *Campana quondam uxor Patriti.... monasterium virginum.... & jam ipsa, quam &c., legunt Maurini: Campana quondam Patritia.... monasterium (omissâ voce virginum).... ut tam ipsa, quam &c.*

De epist. ad Montanam, & Thomam.

Cum servorum manumissio pietatis Can. 68. caus. 12. q. 2. & officia spectet, Gregorius pientissimus Can. 15. caus. 25. q. 1. Antistes duos ex Romanæ Ecclesiæ ser- vis manumittere non dubitavit, Montanam nomine, & Thomam, ad quos epistolam dedit, quæ in vetere editione est numero 12. lib. 5. Illorum manu- mittendorum singulares etiàm erant cau- sæ; nàm Montana monasticam amplecti vitam optabat, quod desiderium apud Gregorium rerum monasticarum maxi- mè studiosum probatissimum erat; Thomam verò Gregorius idem suscipiendo Notarii Ecclesiastici muneri destinave- rat. Hinc non solùm libertate utrumque donavit, sed etiàm peculio. Ex hac epis- tola deprompti sunt canon 68. caus. 12. quæst. 2., & canon 15. caus. 25. quæst. 1., quos jungere hoc modo oportebit. *Cum Redemptor noster (is est canon 68.) totius conditor creaturæ... quo tenebamur captivi* (Monachi Maurini legunt: quo tenebamur cap- ti) relaxamus servitus peculium. Post hæc subdit Gregorius, se Montanæ con- cedere duas uncias hæreditatis, olim à Gaudioso Presbytero quæsitæ, quid ipsa monasterium ingredi cuperet, ita tamèn ut ea portio hæreditatis monasterio

C

pro-

proficeret; item, se concedere Thomae quinque uncias ejusdem hæreditatis, à Gaudioso susceptæ, quem etiam Notarium Ecclesiæ Romanae adscripsit, dummodo tamè eadem bona reverterentur ad Romanam Ecclesiam, si idem Thomas sine liberis decessisset. Hinc ità prosequitur: *Hæc igitur, quæ per hujus manumissionis chartulam statuimus, atque concessimus, nos, successoresque nostros sine aliqua, scitote, refrigeratione servare. Nam justitia, & rationis ordo suadet* (hic est canon 15.), ut qui sua à successoribus desiderat mandata servari, decessoris procùl dubio voluntatem, & statuta custodiat. *Hanc autem manumissionis paginam, &c.* quæ habentur in fine memorati canonis 68. Nùm verò Gratianeo proposito consonet memoratus can. 15., facilè hinc unusquisque judicabit; etenim Gratianus ex eo conatur demonstrare, decreta sacrorum canonum semèl constituta à Pontificibus Maximis esse servanda; at verò Gregorius ibidè non de canonum decretis sermonem instituerat, sed de servis à se manumissis.

De epist. ad Theodorum Consiliarium.

Can. 67.
caus. 12.
q. 2.

Qui superioris epistolæ ad Montanam, & Thomam, idem ferè est tenor epistolæ ad Theodorum Consiliarium, quæ est 18. lib. 2. indict. 11. Constituerat Gregorius, remuneratione quadam gratam exhibere voluntatem erga Theodorum, cuius consiliis utebatur in Ecclesiæ utilitatem; ac propterea, cum servorum ministerio destitueretur, Gregorius illi Acosimum quendam Romanae Ecclesiæ servum donavit, cuius donationis perpetuum esse voluit, ac firmum in hac epistola monumentum. Hujus epistolæ fragmentum emendatum, atque ad integros codices exactum habemus in can. 67. caus. 12. quæst. 2.

De epist. ad Quertinum Expræfectum.

Epistola, quæ ad Quertinum Ex-
can. 8.
præfectum scripta fertur, non omnino
indubia auctoritatis est. Neminem enim
non in dubium vocare potest Maurino-
rum testimonium, qui illam vix in pau-
cis MSS. codicibus se reperisse profiten-
tur. Movet prætereà epistolæ ipsius ar-
gumentum, quod non satis convenire
Gregorio videtur. Agitur in ea de Quer-
tino viro illustri Expræfecto, qui Gre-
gorio commendaverat Bonitum quem-
dam religiosum virum, ut faciliùs præ-
fecturam obtineret. Hæ sanè sollicitu-
dines à Gregorii animo alienæ videntur:
etsi enim ille sacerdibus aliquandò sese
curis immiscuit, non tamè nisi suaden-
te gravissimâ necessitate id præstitit, &
precibus Imperatoris quoquo modo
compulsus, quemadmodùm superiùs os-
tendebam. Ex hac epistola, quæ est 30.
in lib. 10. in vulgari editione, qualis-
cumque tandem sit ejus auctoritas, de-
promptus est canon 8. dist. 88., quem
Gratianus, ut suo proposito accommo-
daret, ità recidit, ut Gregorii sententia
vix percipiatur. Sanctus Pontifex ajebat,
non expedire Bonito, ut Præfecturæ
munere fungeretur, quod tunc tempo-
ris adferre posset amaritudines, & tribu-
lationes. Addit: *quia inutile, & valde la-
boriosum est, hominem literatum ratiociniorum
causas assumere, & in eis se, quod non expedit,
obligare.* Verba hæc, Bonitum lai-
cum virum, & bonis artibus instructum
spectantia, Gratianus ad Clericos trans-
duxit, ut exindè demonstraret ex sen-
tentia Gregorii, Clericos ratiociniorum
causas non debere suscipere, sed à qui-
buscumque sæculi curis abstinere.

De epist. ad Cives Romanos.

Ad Romanos Cives generaliter scrip-
ta est epistola in Maurina editione n. I.
lib. 13., in vulgari verò numer. 3.
lib. 11., cuius sententiam integrum, li-
cet

Cet nonnullis omissis verbis, retulit Gratiānus in can. 12. de cons. dist. 3. Illud unum observandum est, Gussanvillæum, qui universas Gregorii epistolas adnotatōnibus exornavit, rejicere verba illa velut adulterina: *Si pro luxu anni, aque voluptatis; contra quam sentiant Maurini, accuratissimi, solertesque operum Gregorianorum restauratores.*

SECTIO III.

*De epistolis ad Ravennates.**De epist. ad Castorium Notarium.*

Can. 8. Turbaverat vehementē Gregorii **caus. 2.** animū causa Maximi Episcopi Saloni-
q. 5. tani. Is videlicēt de Simoniaca hæresi accusatus, imò etiam convictus, excom-
municationis vinculo innodatus fuerat; quod contemnens Missarum solemnia celebrare non dubitavit. Hujus causæ discussio mandata fuisse videtur Casto-
rio in Ravennatensi Civitate Notario, præcipuè verò Mariniano Episcopo Ra-
vennati, quemadmodū constat ex epis-
tolis Gregorii, ad eos missis. Erat Cas-
torius urbis Romæ Notarius Ecclesiasticus Ravennam profectus, ut arbitror,
Gregorii mandata ibidem exequuturus, arg. canonis 7. dist. 100., cuius prop-
terea fidem, atque integratam cum Gregorius satis probatam haberet, fa-
cile intelligimus, quare eum selegit unā cum Mariniano de Maximi causa judicaturum. Itaqùe Castorius manda-
tum suscepit sub ea formula, ut, si Maxi-
mus sese de more purgasset per jusju-
randum, illum in Ecclesiasticam com-
munionem Pontificiā auctoritate recipi-
ret, indicā tantummodò pœnitentiā, causā in obedientiæ, dum spretā excom-
municationis latā sententiā Missarum so-
lemnia celebrare ausus fuerit. Atque hūc pertinet canon 8. caus. 2. quæst. 5. qui omnino consonat cum epist. 80. in vul-
gari editione lib. 7. Hac verò in re ob-
servandum est, consuetudinem fuisse tempore Gregorii, ut, qui de aliquo cri-

mine accusaretur, inficiatus se solem-
ni jurejurando ante Martyrum sepulcra
purgaret, quemadmodū inferiùs etiam
animadvertisendum erit ad can. 9. caus. 2.
quæst. 5., & liquidò constat ex memo-
rato canone 8. Sed de hac Maximi Sal-
lonitani causa uberiùs infrà sermo re-
curret, ubi agetur de epistolis ad Ma-
rinianum Ravennatē Episcopum pa-
gin. 23.

De epistolis ad Joannem, Episcopum Ravennatem.

Plures epistolæ sunt, quæ à Grego-
rio scriptæ feruntur ad Joannem Epis-
copum Ravennatē. Gratianus in can.
1. dist. 68. memorat unam, quæ est in
vulgari editione 32. lib. 2. Interrogave-
rat Joannes Gregorium de pluribus Ec-
clesiasticæ disciplinæ capitibus. Inter ce-
tera & interrogationem palam facit, &
rescribit Sanctus Pontifex: *Illud autem,*
quod dicitis, ut is, qui ordinatus est, iterum
ordinetur, valde ridiculum est, & ab ingenio
vestri consideratione extraneum, nisi forte quod
exemplum ad medium deducitur, de quo &
ille judicandus est, qui tale aliquid fecisse per-
hibetur. Absit autem à fraternitate vestra sic
sapere &c., quæ leguntur in memorato canone 1., ubi pro illis verbis *non debet consecrari*, legunt Maurini: *non valet consecrari.* Species igitur erat de ordinatis Clericis, qui cum crimen aliquod con-
traxissent, postulabant, an rursus sacris Ordinibus essent initiandi. Ait Grego-
rius, id ridiculum videri; ut enim semel baptizatus rebaptizari non debet, ita nec semel ordinatus reordinari. At si quis levem culpam admisisset, pœnitentiā expiatus, in eo, in quo susceptus est, Ordine ministravit. Hujus rescripti sententia meo judicio non satis perspicua est, ut non aliquā indigeat interpreta-
tionē. *Ridiculam* eam quæstionem Grego-
rius adpellat, quando tamen non est adeò certum tam apud veteres Patres, quam apud recentiores scriptores, num qui gravis criminis reus existit, ac prop-
terea ex canonum disciplina à suscipien-
C2 dis

dis Ordinibus arcetur, si fortasse culpā Episcopi cujuspiam ordinetur, valeat ordinatio. In Concilio Constantinopolitano I. can. 4. irrita habita fuisse videatur ordinatio Maximi Cynici, quod ad Episcopatum per Simoniam proiectus fuisse. Constantinus in Concilio Romano duodecim Episcoporum depositus legitur, quod statuta Ordinum interstitia non servasset, cautumque de Episcopis ab ipso ordinatis, ut rursus ordinarentur. Videatur Morinus de Sacris Ordinationibus parte 3. exercit. 5. Ad hanc rem notare juvabit verba illa, quae etiā leguntur in can. 1. dist. 68. *cum levi culpa*. Videlicet Joannes ita generaliter postulavit de jure, ut quereret, an pro qualibet etiā levi culpā unusquisque ordinatus denuo ordinari deberet. Hęc sanè quæstio ridicula visa est Gregorio, qui pro admissi qualitate expiatum Clericum rescripsit in suscepito semel Ordine permansurum. At de gravis criminis reo nihil tale Gregorius respondit: sciebat enim, eum ita repellendum esse, ut perpetuò à sacris officiis amoveretur, frustra autem queri, an, si admittendus esset ad Ecclesiastica officia, ordinari rursus deberet; quae sanè quæstio in conspectu sacrorum plurium monumentorum, ridicula adpellari neutiquam potuisset. Gratianus hoc fragmēto abusus est; etenim de illis Clericis intellexit, qui ordinati fuerint ab eo, quem non constat Episcopum esse.

Can. 22. Alia est epistola Gregorii ad Joan-
dist. 93. nem Ravennatem in vulgari editione 54.
Can. 7. & nem 8. in Maurina vero 56.
dist. 100. lib. 2. indict. 11., in Maurina vero 56.
lib. 11., ex qua deprompti sunt canon 22. dist. 93., & canones 7. & 8. dist. 100. Ibi Gregorius Joannem objurgat, quod pallio tantum uteretur post Missarum solemnia, completaque Ecclesiastica officia, sive, ut in eadem epistola dicitur, post dimissos de Secretario filios Ecclesiae. (Secretarium erat Diaconicon, sive locus vestibus sacris destinatus, ut apud Dionysium Exiguum in can. 21. Synodi Laodicensis, Concilium Agathense can. 66., Bedam histor. An-

glorum cap. 1. lib. 2.). Priora ejusdem epistolæ verba eadem sunt cum verbis canonis 7. dist. 100., & quidem post Romanam Correctionem optimè consonant. Post hęc subsequuntur in epistola verba canonis 8. subsequentis usque ad illa *injusta correptio*. In editione Maurina pro illis verbis, in parenthesi positis, *quod à vobis absit*, legitur, *quod à nobis absit*. Hinc Gratianus nonnulla omisit, quae modò supplere juvabit. *Mota autem nimis est vestra fraternitas, atque cum tumore cordis quasi satisfaciens scripsit nobis, pallio te non nisi post dimissos de Secretario filios Ecclesiae, & Missarum tempore, atque in Litanis uti solemnibus, verbis, aliquid te usurpasse contra generalis Ecclesiae consuetudinem, apertissima veritate professus. Quomodo enim fieri potest, ut illud cineris, atque ciliicū tempore per plateas inter populorum strepitus agas licet, quod te agere in conventu pauperum nobilium, & in Secretario Ecclesiae velut illicitum excusat?* Illud tamē, Frater charissime, tibi non putavimus ignotum &c. hęc exhibet Gratianus in dicto canone 8., ubi tamē pro illis verbis: *Præceptum à prioribus Romanae urbis Pontificibus, quo hac &c. legitur Maurini: Præceptum à prioribus Romanae urbis Pontificibus, quo hac &c., nec non illis verbis: Quid si postremō nihil horum est, aliis Metropolitani hujus te præbere &c. legitur iidem: Vel si postremō nihil horum est, aliis Metropolitis hujusmodi te præbere &c.* In fine ejusdem epistolæ leguntur verba canonis 22. dist. 93., ubi tamē nonnulla desiderantur in fine, ut integra Gregorii sententia percipiatur. Nimirū post illa verba: *sola subreptione præsumitur, ita legitur in epistola: Sed nos, servantes honorem fraternitatis tuae, licet contra voluntatem antedicti Cleri nostri, tamē primis Diaconibus vestris, quos vobis quidem testificati sunt, & ante eis usos fuisse, in obsequio dumtaxat tuo mappulis uti permittimus; alio autem tempore, vel alias personas hoc agere vehementissime prohibemus.* Mappulæ, de quibus hic mentio fit, erant Sudarioli quidam, quos Clerici sacris vestibus induiti, præsertim dum sacræ prædicationis munus obabant,

bant, sinistrâ manu tenebant ad tergendam frontem paratos, in quorum locum successerunt circa sæculum 11. recentiores manipuli, quos modò in sacrorum vestium numero recensemus, ut animadverit Cardinalis Bona lib. 1. Rerum Liturgicarum cap. 24. §. 5.

Can. caus. 16. q. 1. & 26. q. 8. Alia itidèm est epistola Gregorii ad Joannem num. 1. in lib. 4., in qua Sanctus Pontifex totus est, ut doceat, neminem ex Clericis Ecclesiasticis, ministeriis addictum, esse ad monasteria, ut Monachis præsit, transferendum. Integræ epistolam duobus separatis capitibus descriptis Gratianus, quam hoc in loco exhibebo. *Pervenit ad me (hic est canon 26. caus. 18. q. 2.) quod in Ecclesia fraternalitatis tua aliqua loca, dudum Monasteriis consecrata, nunc habitacula Clericorum, aut etiam Lacorum facta sunt; dumque hi, qui sunt in Ecclesiis, fingunt se religiose vivere, Monasteriis preponi appetunt, & per eorum vitam Monasteria destruuntur. Nemo etenim potest, & Ecclesiasticis obsequiis deseruire (quæ sequuntur, Gratianus omittit in canone 26., sed recitat in canone 2. caus. 16. quæst. 1.) & in monachica regula ordinatè persistere, ut ipse Monasterii distributionem teneat, qui quotidie in ministerio Ecclesiastico cogitur permanere. Proinde fraternitas tua (hæc omittuntur in dicto can. 2., sed habentur in fine dicti canonis 26.) hoc quolibet in loco factum sit, emendare festinet, quia ego nullo modo patiar, ut loca sacra per Clericorum ambitum destruantur. Vos itaque ita agite, ut mihi hac de rectam causam sub celeritate nunciatis.*

Can. caus. 33. q. 1. Duo adhuc supersunt Gratiani fragmenta, quæ ex epistola Gregorii ad Joannem Ravennatem laudantur, videlicet canon 1. & 2. caus. 33. quæst. 1.: neuter tamè aut in epistolis ad Joannem, aut in ceteris Gregorii monumentis legitur. Quod spectat canonem 1., is ab eodem Gratiano laudatur ex epistola Gregorii ad Venerium Episcopum Calaritanum in can. 29. caus. 27. quæst. 2., ut proinde Gratiani auctoritas in hac re, sicut in aliis numero plurimis, parùm valeat. Video potius hunc canonom pertinere ad Rabanum in epist. ad Heribaldum cap. 29.

ubi hæc leguntur: *Quod autem interrogasti de his, qui matrimonio conjuncti sunt, & nubere non possunt, si ille aliam, vel illa aliam ducere possit, non cum auctoritate, sed de quorundam statutis respondemus, in quibus scriptum est: Vir & mulier si se coniungerint matrimonio, & postea dixerit mulier de viro, quod non possit einubere, si potest probare per justum judicium, quod verum sit, accipiat alium. Rabanus in primis professus est, se non cum auctoritate respondere, quatenus in ecclesiasticis canonibus generalibus nihil tale constitutum fuerat; verum juxta quorundam statuta rescribit, quorum sane nomine intelligit Capitularia Francorum, in quibus ita legitur in lib. 6. cap. 55. Si vir, & mulier coniungerint se in matrimonium, & postea dixerit mulier de viro, non posse illum nubere cum ea, si ea poterit probare, quod verum sit, accipiat alium. Id ipsum habetur in cap. 91., & in Capitulis Isaac Lingonensis tit. 11. cap. 13. Primus Burchardus Gregorii Magni nomine eadem retulit, quod, uti alias sèpè animadvertis, à Capitularibus Francorum nominandis sibi proposuerat abstinendum. Burchardum sequens est Ivo, Ivonem Gratianus. Observandum etiàm est, postrema illa Gratiani verba, si autem ille aliam acceperit, separantur, legi quidè apud recentiores Collectores, non vero aut in Capitularium capitibus memoratis, aut apud Rabanum.*

Can. caus. 33. q. 1. Quod etiàm ex epistola Gregorii latus detur canon 2. caus. 33. quæst. 1., Burchardo debemus, qui, cum præcedentem canonem 1. numero 40. libri sui 9. Gregorii nomine retulisset, canonem hunc 2. in cap. 43. ejusdem libri 9. eodem nomine descriptis. Nota nobis est Burchardi fides; ipse enim si Capitularium fragmenta alienis nominibus insignivit, & Gregorio tribuit, quod referebat in capite 40., quidni eadem ratione tribuisse credendus est Gregorio caput 43.? Excidit, fateor, quemadmodum alia numero plura exciderunt, hujusmodi Capitulare, tantum sub nomine Gregorii Burchardo auctore supersuit in recentioribus collectionibus Ivonis, Gratiani, & Gregorii IX.

IX. in cap. 5. de frigidis, & maleficiatis. Sanè stylus ipse, quo fragmentum illud describitur, Capitularibus Francicis ap- primè consonat, in eo præsertim, ubi septima manu iusjurandum fieri dicitur; etenim conjuratores, qui etiam dicti sunt Sacramentales, aut Consacramentales pas- sim in legibus Salicis, Bajuvariis, aliisque mediae ætatis Constitutionibus memo- rantur. Jusjurandum insupèr tactis Sanc- torum reliquiis apùd Francos solemne erat, uti in Capitularibus Dagoberti anni 650. sub titulo legis Alamannorum tit. 5., & in Capitulari, cui interfuit Bonifacius Sedis Apostolica Legatus circà annum 744. cap. 14., ibi; *Omne Sacra- mentum in Ecclesia, & super Reliquias à laicis juretur.* Cum igitur memoratus canon nec inter Gregorii epistolas habeatur, nec Gregorio conveniat, conveniat autem Ca- pitularibus Francorum; alias Burchardus nomine Gregorii abusus fuerit in recen- sendis Capitularium fragmentis; ego sanè non dubito, quin illud caput rectè Fran- corum Capitularibus tribui debeat.

De epistolis ad Joannem Subdia- conum.

Can. 10. dist. 63. Non semèl legatione Pontificis func- tus est Joannes Subdiaconus, præsertim in Ecclesia Ravennate, ac Mediolanensi, quemadmodùm constat ex duabus Gre- gorii epistolis, quarum una est 30. lib. 3., altera 17. lib. 13. in Maurina editio- ne. Ex illa depromptus est canon 10. dist. 63., pertinetque ad causam eligendi Mediolanensis Episcopi in vicem defunc- ti Laurentii, quo tempore Mediolani vi- ces Pontificis Maximi gerebat Joannes. Verba canonis cum integra epistola con- sonant, in qua tamèn Maurini Monachi omiserunt illa verba & auxiliante. Ex hac epistola constat facile, Mediolanensem Antistitem consueisse de more quidèm à Clero eligi, electioni autem consuevis- se formam dare, eamdemque semèl per- fectam confirmare Romanum Antisti- tem, quemadmodùm postrema hujus ca- nonis verba perspicuè demonstrant. Imò

& id clarius liquet ex epistola Pelagii, ex qua habemus canonem 33. caus. 24. quæst. 1., ubi conqueritur Pontifex de Aquilejensi Episcopo, quod Mediola- nensem Episcopum schismaticus ordi- nasset, quem tamèn Mediolanensis Epis- copus ad ordinationem Romani Antisti- tis spectaret; & tūm demùm permissum est Mediolanensem ab Aquilejensi ordi- nari, aut Aquilejensem à Mediolanensi Episcopo, cum pro longinquitate, vel diffi- cultate itineris ab Apostolico onerosum illis fue- rat ordinari.

Can. caus. 16. 5. Ex altera epistola habemus canonem 3. caus. 16. quæst. 5., quoniām verò q. 5. nonnulla apùd Gratianum ibidèm desunt, non gravabor integrum epistolam hic des- cribere. Lator præsentium Joannes frater, & Coepiscopus noster, aliqua nobis de causis Eccle- siae sua dato Capitulari noscitur intimasse. Qui- bus cognitis, culpanda à nobis experientia tua fuerat, si ad te pertata hactenus indefinita re- manserint. Sed inquirentes agnovimus, quod ad notitiam tuam minimè sunt perducta. Ipsum ergo, quod nobis Capitulare porrectum est, his fecimus subter adnecti. Agnitis itaq; omnibus, ac discussis, si ita apud se esse, ut suggestum est, manifestè veritate patuerint, Fratrem, & Coepiscopum nostrum Marinianum adire te volu- lumus, eumque modis omnibus adhortari, ue- bis, quorum in peragendis negotiis Ecclesia ipsius interesse dignoscitur, debeat deputare, quatenus perpensis omnibus cum predicto viro, de his, que mota (legunt alli nota) fuerint, ecclesias- ticâ inter se debeant tranquillitate decidere. Si verò elegerint renitendum, experientia tua im- mineat esse judicium, & quidquid cognitorum inter eos fuerit sententia definitum, te debeat exequente compleri, ne diutinis protractionibus dilata paupertas Ecclesia ipsius diversis, sicut jam factum asserit, dispendiis ingavetur. Indica- vit etiam nobis, quod quidam Exuperantius Epis- copus ausu temerario in Diaecesi ipsius oratorium construxerit, idque sine precepti auctoritate con- tra morem præsumperit dedicare, Missasque illic publicas celebrare non metuit. Quam rem cum summa te celeritate, ac districione conve- nit emendare, ne ulterius tale aliquid adtentare permittas. Oratorium verò, quod ab incom- petenti persona repereris esse constructum, huic

cum

cum proprio te volumus Episcopo, si res, ut dictum est, ita se habere consisterit, sine mora aliqua reformare. Ex his ita descriptis adparet, in Ravennatensi Provincia Joannem Subdiaconum mandata suscepisse Apostolica, quibus in iis causis, quæ emergebant, Marinianum Ravennatensem Episcopum adiret, monitus, ut singula dirimeret pro æquitate; quod si executioni non fuerit demandatum, ipse Joannes cognitoribus præstitutis, quidquid definitum esset, exequeretur. Quæ porrò subjiciuntur de Episcopo, qui in aliena Diœcesi oratorium construxerat, ac dedicaverat *sine precepti auctoritate, & contra morem*, referuntur planè ad præcepta Gelasii, de quibus in can. 4., & sequ. de consecr. dist. 1., quibus expli-candis & hoc Gregorii monumentum congruere potest.

De epistolis ad Marinianum, Episcopum Ravennatem.

Can. 1. dist. 58. Jam superiùs memoravi Marinianum Ravennatem Episcopum Joannis successorem, ad quem plurimæ habentur apud Gregorium epistolæ. Quam primùm memorat Gratianus, est in lib. 7. num. 18. in vulgari editione, & lib. 8. num. 15. in Maurina, cuius fragmentum est in can. 1. dist. 58. Vulgo receptum est, hinc originem sumpsisse exemptions, & privilegia Monachorum. Sanè, quod in canonе 1. legitur, non nihil diminuisse videtur liberæ Episcoporum auctoritatis in Monachos, cum Gregorius indulserit Abbatibus, ne, ipsis non offerentibus ad clericales gradus, Monachi Episcopali auctoritate distraherentur. Verba canonis ita legenda sunt: *Ad ecclesiasticum tamen officium nullus exinde producatur, nisi quem Abbas loci admonitus propriâ voluntate obtulerit;* quæ quidem intelligere oportet non de Monachis ideo ordinandis, ut in monasterio munera clericorum implerent, sed ut ad Ordinem ecclesiasticum exercendum extrâ monasteria traherentur. Siquidem è ætate nondum obtinuerat, ut Monachi intra claustra ecclesias-

tis officiis fungerentur, sed sibi tantum, vitæ privatae, quieti, atque orationi studabant. Hanc esse germanam Gregorii sententiam, apertissimè demonstrant hæc verba, quæ in epistola ipsa subsequuntur: *Quisquis autem ex prædicto monasterio ad ecclesiasticum ordinem pervenerit, ulterius illic nec aliquam potestatem, nec licentiam habeat habitandi.* Verum, nūm hæc Monachorum exemptio in certa jurisdictionis specie constiterit, an generalis fuerit, quæ scilicet omnia monasteria spectaret, maximè dubito, imò reor, potius singularem fuisse favore Monasterii Beatorum Joannis, & Stephani, in Classitana Civitate constituti, de quo uno sicut epistola concepta est, ita verosimile est Gregorium cogitasse; nec adeò facile, ubi de privilegiis agitur, licet interpreti latiore, quæ verba ferant, significationem ad-fingere. Eius privilegiū occasio singula-ris etiā fuit: nimirū Episcopus, cu-jus jurisdictioni illud monasterium sube-rat, prætextu sacrarum ordinationum, sive clericorum è monasterio adsumen-dorum, Monachorum quietem sæpissi-mè turbaverat, quemadmodum deduci-tur ex can. 5. caus. 12. q. 2., cuius plu-ra verba ad hanc epistolam pertinent, ibi: *Quam sit necessarium monasteriorum quieti prospicere, & de eorum perpetua securitate tractare, ante alium vos officium, quod in regimine monasterii exhibuitis, informat.* Et ideo, quia monasterium Beatorum Joannis, & Stephani, quod in Classitana est Civitate constitu-tum, cui communis filius Claudius Abbas pra-esse dignoscitur, multa à predecessoribus vestris præjudicia, atque gravamina pertulisse cognovimus &c. Id etiam clariùs deducitur ex can. 28. caus. 18. quæst. 2., qui ad eamdem epistolam pertinet. Illum Gra-tianus, quasi generalem disciplinam con-tineret, expressit; oportebit propterea ita restituere ex integris epistolæ exem-plaribus. Oporteret, ut hoc sanctitas vestra de-center debeat temperare, ut visitandi, exhortandi que gratiâ ad monasterium, quoties pla-cuerit, ab ejusdem civitatis Antistite accedatur, sed sic charitatis officium illuc Episcopus impletat, ut gravamen aliquod monasterium non incurrat.

Can. 28. caus. 18. q. 2.

Quæ

Quæ omnia ut ad sua principia revocentur, animadvertisendum est, olim Monachos tamquam laicos vitam traduxisse; & nullo speciali jure gavisos fuisse in Ecclesia. Primum in Concilio Chalcedonensi constitutum novimus, ut Monachi sub speciali Episcopi regimine subderentur; ac tum, licet nondum pro clericis habarentur, tamè sunt singulari jure laicis esse majores in Ecclesia, uti liquet ex can. 4. ejusdem Concilii. Aucta est Monachorum conditio ex eo, quod frequentius è monasteriis seligebantur, qui adsumerentur in Clerum. Quoniàm verò nonnullorum Episcoporum ambitu, vel avaritiā aliquando factum est, ut jurisdictionem suam impensiūs exercendo monasteriorum bona diriperent, Monachorum in oratione consistentium quietem turbarent, vel sibi vindicarent certam lucri speciem in monasteriis visitandis, in chrismate quotannis renovando, in eligendis Abbatibus, in dedicandis monasteriorum Ecclesiis; vel canonicam portionem postularent sibi addici, quoties certa bona monasteriis offerebantur, quasi ecclesiastica, arg. can. 27. caus. 12. quæst. 2., vel frequentius Sacra publica cum maxima celebritate in monasteriis celebrarent; hæc omnia in causâ fuerunt, cur Gregorius Magnus in illis monasteriis, in quibus hæc ita sese habere contingeret, singularem obtinere decreverit disciplinam, atque Episcoporum jurisdictionem illorum respectu pauplisper imminuerit.

Opportunum erit, his omnibus jungere canonem 27. caus. 18. quæst. 2. q. 2. & Can. 37. licet habeatur in alia epistola ad eumdem Marinianum, quæ in vulgari editione est 40. lib. 6., in Maurina verò est 43. lib. 7. Integra ferè epistola in eo canone legitur, dummodo cum eo jungatur canon 37. caus. 16. quæst. 1., qui ad eamdem pertinet, in quibus etiàm non nihil adnotandum est, quoad scripturæ varietatem. *Dudum ad nos multorum* (hic est canon 27.) *relatione pervenerat.... nisi orandi tantummodo causâ.... mysteria.* Sed ne vel proutuslibet Monachi, aut Abbatis promotione (quæ

hic omittit, Gratianus retulerat in dicto canone 37.) ut diximus, potestatem. *Ne monasteria hujus occasionis velamine ea, quæ prohibemus, sustinere onera compellantur.* Hec itaque omnia &c., quemadmodum legitur in fine dicti canonis 27. Ex hac porro integrâ sententiâ patet, monasteria Ravennatensis Diœceseos clericorum avaritiâ, aut ambitu non nihil gravaminis pertulisse; quod in causa fuit, ut Gregorius aliqua decerneret ad eorumdem incolumentem.

Pratereà opportunum erit, his omnibus jungere epistolam in vulgari editione 1. lib. 5., & in Maurina 1. lib. 6. ex qua depromptus est canon 3. caus. 12. quæst. 5. Ejus epistolæ hoc est argumentum. Joannes Ravennas Episcopus, Mariniani prædecessor, dum vivebat, Monasterium quoddam construi jussérat juxta Ecclesiam S. Apollinaris, atque quædam bona Ecclesiastica eidem contulerat, annuente Gregorio Magno, penè quem persuasum erat Monasteriorum erectiones piis causis adscenseri. Erat enim Gregorius Monachorum Patronus, ut superius observatum est; ac propterea inter causas, quibus erogarentur Ecclesiastica bona, & hæc liberalitatis in Monasteria optima illi videri poterat. Post hæc Joannes idem testamentum condidit moriturus, eosque hæredes instituit, qui hæreditatem indè adire recusarunt. In eodem testamento confirmavit, quæ primùm Monasterio inter vivos donaverat. De ea testamenti specie questus est Marinianus, novum esse allegans, Episcopos testamenta condere, aliosque præter Ecclesias suas successores optare. Respondit Gregorius, discrimin intercedere inter bona intuitu Ecclesiæ quæsita, & bona familiaria, ut de his, non de illis, testamentum subsisteret: imò verò illud ratum haberi debere, quod favore Monasterii, velut in piam causam, dispositum fuerat; præsertim quod eam dispositionem jam pridè Gregorius ipse probaverat. Hinc Gregorius Marinianum velut minus liberalem non tam in hoc, quam aliis in locis, fuisse testatur,

Can. 3.
caus. 12.
q. 1.

fur, quemadmodum inter cetera liquet ex can. 6. dist. 86. Canonis 3. verba ita ex integris exemplaribus legenda sunt: *Quia verò dum viveret (subaudiendus Joannes Mariniani prædecessor) sæpius à nobis expetiuit, necessariò prævidimus adhortandam.... Hæc itaque omnia sic sollicitè &c. usque in finem. Observandum est etiàm in illis verbis: Et collataram illic rerum, aliquos Codices ex editis ita habere: Et collectaram illic rerum, quamquam Maurini Monachi observaverint, in omnibus MSS. Codicibus legi collataram, quæ lectio videtur integro contextui accommodatior. Non est hoc loco prætermittenda subtilis quidem, sed elegans observatio, quam ego opportunam, atque utilem arbitror in specie testamentorum à Clericis conditorum, in quibus variam juxta varia tempora & loca disciplinam agnovi. Non loquor sanè de testamentis Clericorum in causa familiaris peculii, de quo nulla esse potest dubitatio, quin Clerici liberè testamentum condant. Nec itidem loquor de testamento condendo de rebus Ecclesiasticis in usus minimè pios; id enim esset adversus Ecclesiastici peculii conditionem, quod extrà usus pios perdere nec viventi Clerico conceditur: alijs verò in æternæ salutis periculum concedendum non est morientibus, quod viventibus denegatur. Reducitur res ad supremas dispositiones, piarum causarum favore faciendas. Olim, scio, à nonnullis Sanctis Patribus improbata fuisse Clericorum testamenta, quæcumque tandem causæ pietas proponeatur, minùsque morientibus, quam viventibus permittebatur. Id probat hoc ipsum Gregorii monumentum in dicto can. 3., ubi probari dicuntur Mariniani donationes, non quòd testamento illas confirmasset, id enim *prohibente lege factum esse dicitur*; sed quòd Gregorius ipse eas donationes extrà ordinem probaverat. Probat etiàm S. Augustinus, qui omnia Clericorum testamenta sæpius de-testatus est. At verò Alexander III. in cap. 12. de testamentis ait, consuetudine non improbanda inductum fuisse, ut*

Tomo III.

Clericorum testamenta firma habeantur, & rata, ubi causæ pietas id exposcit. Nùm aliud Augustinus, ac Gregorius, aliud Alexander III. tradiderunt? Agnosco difficultatem, & varietatem disciplinæ, quæ ex mera philosophicorum principiorum diversitate profecta est, nullatenus ex eo, quòd diversa ratione senserint Ecclesiastici viri de peculio Clericali. Nimirum omnibus persuasum erat, Clericorum administrationem in rebus Ecclesiasticis morte finiri, omnemque jus beneficiarii, ut vocant, penitus interire, ut ad Ecclesiam, vel successorem devolvatur. At non sempè apud Patres Ecclesiæ fuit probatum, momentum mortis, à quo testamentorum vim omnem ac potestatem pendere placuit, morti potius adscribi, quam vitæ. Fuit in hac re inter Philosophos veteres plurimos, atque Jurisconsultos Romanos dissensio, Philosophis, præsertim Platonem secutis, asserentibus momentum morti morti adscribendum, contrà sententibus Stoicis, quorum doctrinam veteres Jurisconsulti amplexi fuerunt. Hinc veteres Ecclesiæ Patres, Augustinus præsertim, Platonicorum philosophia deditus, ceterique, qui simplicem potius philosophorum doctrinam, quam Jurisconsultorum Romanorum placita adamant, rejecerunt Clericorum testamenta, ne fortè administrationem ecclesiasticorum bonorum ultrà vitæ suæ tempus producere quodammodo viderentur. At verò, sæculo ineunte 12., quo Alexander III. floruit, jam recipi in Ecclesia cœpit Romanorum Jurisconsultorum prudentia, quam canonum disciplinæ amicam, ita dixerim, manum præbere constabat, præsertim ubi Nomocanones fieri cœperunt, auctoribus Photio, Balsamone, & Armenopulo, quos dein recentiores Latini imitati fuerunt. Tunc nimirum etiàm Juris civilis capita sacris canonibus Collectorum industriâ assui cœperunt, ac sic paulatim canonice, civilisque Jurisprudentiæ studia jungi, ut, ubi nil aliud obsisteret, communia utriusque principia haberentur.

D

Quam-

Quamobrem relicto Platonicorum adagio, illud addidicerunt ex vetere philosophia Jurisconsultorum Viri ecclesiastici, momentum mortis vitae potius tribuendum fore, atque ea ratione non improbandam consuetudinem esse dixerunt, quæ Clerici possent in piis causis testari, in quas ecclesiasticas obventiones impendere, dum viverent, potuisserit. Sic reor, me veterem prudentiam canonum cum recentiore conciliasse.

Can. caus. q. 5.

2. Est alia ad Marinianum epistola 79. lib. 7. in vulgari editione, quæ ad causam pertinet Maximi Salonitani, de qua jam aliqua animadverti initio hujus sectionis ad canonem 8. caus. 2. q. 5. quæ huc etiam referre juvabit. Utrobique Gregorius, sive ad Castorium Natarium, sive ad Marinianum scribens, voluit, ut si Maximus se jurejurando ante Martyrum sepulcra purgasset, ab accusationibus prorsus absolveretur. Quæ sanè reos purgandi ratio tempore Gregorii recepta erat, cum persuasum tunc esset, eos, qui perjuri ad sepulcra Martyrum accessissent, Divinam ultiōnem experturos. Hinc Gregorius idem homil. 32. in Evangelia num. 6. ait: *Ad extintā eorum (scilicet Martyrum) corpora viventes agri veniunt, & sanantur; perjuri veniunt, & à Demonio vexantur.* Ex hac epistola promptus est canon 9. caus. 2. quæst. 5.

Can. caus. q. 1.

15. In Ravennatensi Urbe quidam anonymus scriptum evulgaverat contrà Castorium Diaconum, in eadem Urbe degentem, de pluribus criminibus eumdem redarguens, aliqua etiam adjiciens adversus Gregorium Pontificem Maximum de pace, de qua stabilenda idem Pontifex studio gravi curabat inter Imperatorem, ac Principes Longobardorum, Italiae ferè universæ minitantes. Hunc calumniatorem anonymous anathemate perculit Gregorius in epistola juxta vulgarem editionem 30. lib. 5. juxta Maurinam 31. lib. 6., quæ hanc habet inscriptionem: *Gregorius Mariniano Episcopo Ravennatensi cum ceteris Fratribus, & Coepiscopis, Sacerdotibus, Levitis, Clero, Nobilibus, Populo, Militibus, Civitate*

Ravennâ consistentibus, vel ex ea foris degentibus. Hæc sanè inscriptio indicat, quantum Gregorio insidèret imo corde, damnationis sententiam publicam esse, & per omnium ora traduci, ut, qui publicè aliis injuriam inferre non dubitaverat gravissimam, publicè etiam damnaretur. Integra ferè epistola legitur in can. 2. caus. 5. quæst. 1., cujus verba cum optimis exemplaribus consonant, dummodò dematur vox illa *publico*, ut animadverterunt Correctores Romani; dummodò etiam pro illis verbis; *non valet, si tanti mali conscius etiam prohibitus, legatur: non valet tanti conscius, & jam prohibitus;* & pro illis, *percussus sit, ut fallax &c., legatur: percussus sit, & ut fallax &c.*

Canon 13. caus. 7. quæst. 1. legitur in alia ad Marinianum epistola, quæ in vulgari editione est 49. lib. 7., in Maurina est 19. lib. 7. Ibi abdicante Ariminensis Ecclesiæ Antistite episcopatu suo causâ infirmitatis, mandat Gregorius alium eligi Antistitem. In memorato canone, sicut in ipsa epistola describenda, non consonant omnino codices universi; etenim in primis pro illis Gratiani verbis: *Corporis, quæ nostris, in aliquibus codicibus legitur: capitis, quæ nostris, in aliquibus capitis, ut nostris, legendum esse potius capitis, quam corporis,* suadent posteriora illa verba: *de eadem capitibus, quæ detinebatur, molestia.* Deinde pro illis verbis, *precibus urgentium, in aliquibus editis codicibus legitur: precibus urgentium;* itidem pro voce *compulsi* legendum est *compulsi*, pro voce *revocari* legendum *evocari*, & pro illis verbis *vobis quoquè vita placuerit* legendum est *vobis quidem vita placuerit.* De nomine *Heptathenici* jam animadverterunt Romani Correctores, apud Gregorium legi *Eptatichi*, quam vocem exhibit etiam epistola 32. lib. 2. in Maurina editione. Ea significantur septem priores libri veteris Testamenti, Genesis, Exodi, Levitici, Numerorum, Deuteronomii, Josue, & Judicum, eodem modo, quo quinque priores Pentatheuci nomine designantur.

Can. II. dist. 50. Non absimilis causa est, quam trac-
tavit Gregorius in alia epistola ad Mari-
nianum in vulgari editione 39. lib. 6. in
Maurina 42. lib. 7., ubi nimirūm man-
dat Mariniano, ut in Cornelensi Eccles-
ia in locum lapsi Episcopi curet alium
à populo eligi, electumque consecret.
Corneliensis Ecclesia ea est, quæ olim
Urbs dicebatur Forum Cornelii, vulgo
Imola, nunc Romandiola dicta, inter Bo-
noniam, & Ravennam, & quidem sub
Ravennatensi Archiepiscopatu. Ex hac
epistola depromptus est, eisdemque om-
nino verbis consonat canon 11. dist. 50.

De epistola ad Secundum.

Can. 16. dist. 63. Cum Secundo Ravennate, qui in
pluribus vulgatis codicibus Secundinus
adpellatur, fuit arctissima Gregorio Pa-
pæ necessitudo, qui illi, laico quidem
viro, gravissima etiam negotia peragen-
da commiserat. Hujus rei argumento est
epistola 29. lib. 5. in vulgari editione,
seu 30. lib. 6. in Maurina, in qua Sanc-
tus Pontifex Secundo commisit insti-
tuendæ pacis leges cum Agilulpho, ut
scilicet ejus animum cum Imperatore
conciliaret. Nimirūm id sibi quodam-
modo proprium Gregorius fecerat, ut
paci inter Principes sanciendæ studeret,
quemadmodum constat ex epistola ad Se-
verum Scholasticum, lib. 5. num. 36.
in Maurina editione, & alibi plures.
Item eidem Secundo commisit, ut Pon-
tificio nomine Marinianum Ravennaten-
sem Episcopum, in rebus ecclesiasticis,
muneribusque episcopalibus quodam-
modo obdormientem, expergefaceret;
principiè excitaret ad eleemosynam pau-
peribus elargiendam. Huc pertinet canon
6. dist. 86. eisdem omnibus verbis ex
epistola in codicem Gratiani relatus.

SECTIO IV.

*De Epistolis, per Samnum di-
rectis.**De epist. ad Barbarum Beneven-
tanum.*

Ex illis epistolis, quas Gratianus
commemoravit, una est per Samnum
directa, quæ videlicet ad Barbarum Be-
neventanum Episcopum scripta fertur.
Ibi Gregorius Barbarum constituit Pa-
normitanæ tunc vacantis Ecclesiæ Visi-
tatorem. Mos enim erat sexto Ecclesiæ
sæculo, ut, quoties vacarent Ecclesiæ,
designaretur Episcopus, qui interea sa-
cra perageret, & curaret, ut quantociùs
successor eligeretur. Hæc epistola, quæ
est in vulgari editione 16. lib. 11., inte-
gra describitur in can. 16. dist. 61. In
aliquibus codicibus pro verbo *commone-
mus* legitur *commonentes*; item pro verbis
illis *laica persona aspirare presumant*, legi-
tur: *laicam personam aspirare permittas*. In
versic. *monasteria &c.* admonent Mon-
achi Maurini, illum in MSS. Codicibus
plerisque non reperiri, ac consequenter
suspectæ fidei esse. Quispiam forte sus-
picabitur, à Monachis has epistolæ des-
cribentibus aut omissum, aut abrasum
fuisse, ubi cœperunt exemptiones mo-
nasteriorum, & privilegia vires habere.
Quærunt aliqui, quisnam fuerit Barba-
rus ille Episcopus, qui Visitatoris mu-
nere fungi debuit. Dubium moverunt
codicum diversa exemplaria; etsi enim in
plurimis, iisdemque vulgaribus dicatur
fuisse Beneventanus Episcopus, alibi ta-
mè hæc inest epistolæ inscriptio: *Grego-
rius Barbaro Episcopo Carinis*. Carinensis Urb.
fuit olim apud Brutios, non procùl à
Regio. Sunt, qui putent intelligendam
esse inscriptionem de Episcopo aliis Ur-
bis Urbi Panormitanæ proximioris, for-
tè ex ruinis Hyccaris oppidi constructæ,
eà ratione, quòd verosimile non videa-
tur, Gregorium voluisse constituere Pa-
normitanæ Ecclesiæ Visitatorem eum,

qui procùl ab Urbe Panormitana Episcopatum teneret. Quoties major non urget ratio, non video, cur à vulgatis codicibus sit recedendum, quin dissiti loci ratio obsistat; fortè enim contingere potuit, Barbarum Beneventanæ Ecclesie Episcopum necessariis quibusdam curis fuisse distentum propè Urbem Panormitanam; quod facilè contingere potuit illis temporibus ob publicas turbationes Provinciarum, proindèque è occasione Panormitanæ Ecclesie visitationem perficere potuisse: præsertim cum hæc visitatio non diù protraheretur, sed uno, aut altero mense finem acciperet. Major vis his accedit ex eo, quòd Barbarus iste jam fuerit Gregorio acceptissimus, in visitandis vacantibus Ecclesiis aliàs probatus, cui jam demandata fuerat Ecclesie Hortonensis visitatio, ut liquet ex epistola Gregorii in vulgari editione 39. lib. 3., & in Maurina 41. lib. 4.

SECTIO V.

De epistolis, directis per Latium, & Campaniam.

De epist. ad Agnellum Episcopum Tarracinæ.

Can. 5.
21. q. 1.
& 6. caus. 1.
Agnellus quidam, Episcopus Ecclesie de Fundis in Latio, exclusus à sua Ecclesia fuerat improbitate hostium, qui urbem occupaverant, ita ut nec ad illam sacra ministeria celebraturus accedere posset, nec episcopales redditus ex illa percipere, proptereaque non tam ipse Ecclesia, quam Ecclesia ipsi deisset, vir cæteroquin Episcopatu dignissimus, & diù probatus. Vacaverat interea Tarracinensis Ecclesia etiàm in Latio constituta, cuius Populus, & Clerus electione facta in Agnellum Fundensem consenserunt. Postulatum hinc à Gregorio, ut factam Agnelli electionem confirmaret. Annuit Sanctus Pontifex, rescribens, ut Agnellus Tarracinensem quidem Ecclesiam regendam susciperet, sed Fundensis Ecclesia Pontifex esse non desineret, nec

curam, gubernationemque ejus preteriret. Epistolæ hujus, quæ in Maurina editione est 13. lib. 3., in vulgata 13. lib. 2. indict. 11., exemplar perhibet Gratianus in can. 5. & 6. caus. 21. quæst. 1. apud quem tamè nonnulla desiderantur, quæ hoc loco exhibeo. Relatio Cleri simul, (hic est canon 5.) & Populi Tarracinensis nos valde laetificat. Et quia, defuncto Petro Pontifice suo, sibi Cardinalem postulant constituite Sacerdotem, eorum vota necessariò complenda esse prævidimus; quatenus & illi se gaudeant impetrasse, quod postulant, & nos concedisse, quod expedit, videamus. Quia igitur ob cladem hostilitatis nec in Civitate, nec in Ecclesia tua est cuiquam habitandi licentia, idèo auctoritate nostrâ Tarracinensi Ecclesia Cardinalem constituimus Sacerdotem, admonentes, ut ita de animabus populorum illic consistentium, Deo protegente, debeas esse sollicitus, quatenus callidi perversique hostis insidiæ commisso tibi gregi qualibet arte nocere non valeant, sed sollicitudinis tua gressus circumseptus custodiâ, digni se Pastoris gaudeat meruisse tuam amina. In tuis actibus plebi exempla bene vivendi existant. Avaritia in te vires non habeat. Tua prædicatione, qui literas nesciunt, quid divinitus præcipiatur, agnoscant. In Dei timore populum quemadmodum vivere possit, tui mores instituant. Operibus exerce, quod subjectos doceas, & prædicas. Actus tui in aliorum correptionem proficiant: in adjutorium sibi vita tua imitacionem assumant. Sicque te in cunctis operibus exhibere festina, ut scripturam, constructionemque in te habeat, quicumque aut negligit, aut non potest lectione formari. Tota igitur mentis intentione.... modis omnibus facultatem. Illud quoquæ fraternitatem tuam &c., quemadmodum in canone 6. Singularis sanè disciplina ex hac epistola dignoscitur, & adversus generales Juris Ecclesiastici regulas, quæ monent, neminem in duabus Ecclesiis Episcopum posse constitui. Fuit in Agnello ratio singularis; ipse enim, licet vigilansissimus ad Ecclesiam suam accedere non sinebatur improbitate hostium, ut diximus; ac propterea, ne improbis indulgeretur, non erat ab Episcopatu Fundensi Pontificiâ auctoritate transferendus. Aliàs vero ne Agne-

Illus idem sine Ecclesia esse videretur, neve necessariis subsidiis destitueretur, rectæ œconomia ratio postulabat, ut alteri Ecclesiæ regendæ præficeretur. Jure igitù Gratianus antè eos canones scribere potuit: *Potest etiam utriusque (Ecclesiæ) tamquam titulata præesse, sed jure speciali, non communī.* Non video autem, cur Romani Correctores hinc occasionem arripuerint arguendi Gratianum, subjicientes: *Alia est sententia B. Gregorii, ac Gratianus putare videatur.* Hunc enim Agnellum, qui antea Fundorum erat Episcopus, quod ea Civitas ab hoste esset vastata, Tarraconæ Cardinalēm constituit Sacerdotem. Verum, veniā dixerim gravissimorum Virorum, idem & ipsi cum Gratiano adstruunt, & quidem optimè. Quid enim aliud est, idèo Agnellum duplici Episcopatu frui potuisse, quod Fundensis Ecclesia ab hoste vastaretur, quam duplici Episcopatu frui potuisse ex jure singulari? Illud ego singulare jus dixerim, quod singularia vel locorum, vel temporum, vel personarum adjuncta inducere possunt; neque, ut arbitror, alia fuit Gratiani sententia. De voce *Cardinalis*, quæ in hac epistola occurrit, nihil dixero. Jam de illa satis loqui sunt, & optimè Romani Correctores iidem ad cap. *Fraternitatem* dist. 71.

De epistolis ad Anthemium Subdiaconum in Campania.

Can. 84. Fuit Anthemius unus ex Subdiacōnī Regionariis, quibus Pontifices Maximi certis de causis vices suas demandare aliquandò consueverant, ut vel quid gestum esset, ipsi renunciarent, vel, si fortè levior causa videretur, judicio suo dirimerent. Plures ad eum sunt Gregorii epistolæ. Ex his est epistola 31. lib. 11. in vulgari editione, & 26. lib. 13. in Maurina, ex qua depromptus est canon 1. dist. 84., cuius verba ita exigenda sunt ad vulgatos Gregorii codices, cum apud Gratianum nonnulla desiderentur: *Pervenit ad nos Fratrem.... sive filii Ecclesiae (hanc vocem Ecclesia, mo-*

ment Maurini Monachi, in aliquot MSS: Codicibus desiderari) vel oppressi pauperes.... possit addiscere; sed rebus, quæ ad Pastoris curam pertinent, prætermisssis, ad fabricandum naves toto se studio inutiliter occupare. Unde, sicut fertur, contigit, quadringtonos illum, aut amplius, jam solidos perdidisse. Hoc quoquè ejus culpis adjungitur, quod ita quotidie despectus cum uno, aut duobus Clericis dicitur ad mare descendere, ut & apud suos in fabula sit, & extraneis sic vilis, ac despiciabilis videatur, ut nihil habere Episcopalis vel genii, vel reverentiae judicetur. Quod si ita est.... debeas, ac hortari, ut vitio torporis excusso, deses esse non beat; sed in Ecclesia sua, ac Monasteriorum cura sit vigilans: paternam filii suis charitatem exhibeat: in defensionem pauperum cum discretione, in quibus justitia suaserit, sit electus: consilia sapientum libenter suscipiat, quatenus & Civitas illa ejus queat sollicitudine consolari, & ipse desidia sue culpas valeat operire. Si vero, quod non credimus &c. Paschiasius, de quo hic sermo instituitur, erat Episcopus Neapolitanus. Jungatur can. 2. dist. 89.

Huic argumento proxima est epistola ad eundem Anthemium in vulgari editione 33. lib. 11., in Maurina 27. lib. 13., ex qua depromptus est canon 2. dist. 84. Priora epistolæ verba hæc sunt, quæ à Gratiano omissa fuerunt: *Quoties illa de Fratribus Coepiscopisque nostris audimus, que & illos reprehensibiles ostendere, & nobis tristitiam valeant generare, de eorum nos emendatione non mediocriter cogit necessitas cogitare. Quia ergo nuntiatum nobis est, Campanæ Episcopos ita negligentes existere, ut, immemores honoris sui, genique, neque &c. Vocem illam genique, quæ & in Gratiano, & in plurimis exemplaribus desideratur, asserunt Maurini in MSS. codicibus vetustis reperiri. Eadem formulâ usus est Gregorius in epistola suprà memoratâ ad Anthemium, siue in can. 1. dist. 84. ibi: nihil habere Episcopalis vel genii, vel reverentiae. Observandum etiam est, ubi Gratianus legit: Convocatis, & nostro illos mandato, in editis epistolæ exemplaribus ita legi: Convocatis ex nostro illos mandato.*

Epis.

can. 84.

Can. 2. dist. 89. Episcopo minus dignam sollicititudinem fuisse, quam habebat Paschiasius Neapolitanus Antistes, observavimus ad can. 1. dist. 84. Aliud ejusdem rei argumentum suppeditat canon 2. dist. 89. ex epistola Gregorii ad Anthemium in vulgata editione 66. lib. 9., in Maurina 71. lib. 11. Ait ibidem Gregorius: *Hortandus præterea idem Frater ex nostro mandato est, ut se in omnibus vigilantem exhibeat, & Ecclesia sua amplius disciplinam non negligat, ne & peccatum de his, qui ei commissi sunt, sustineat, & nos contra se vehementer stimulet, si in officiis sui cura, quod non optamus, incautus, vel latus extiterit. Volumus autem, ut memoratus Frater noster Paschiasius & Vice-Dominum &c., quæ legimus in dicto canone 2. Jungendus idem canon erit cum can. 1. dist. 84., ex eo enim liquebit facile, quæ fuerit præcipua Paschasi cura, nimis à negotiis Ecclesiasticis aliena, quamobrèm à Gregorio debuerit admoneri, imò etiàm reprehendi; quamquam tamè ex eadem epistola liqueat, parùm Gregorii monita apùd ipsum potuisse, cum iteratis præceptis, & comminationibus opus fuerit. De Vice-Dominis, quorum officium hoc in canone memoratur, mentionem etiàm fecit Cassiodorus in lib. 5. variarum epist. 14., itèm Gregorius idem in can. 3. dist. 89. Sanè olim ex can. 27. Concilii Chalcedonensis disciplinam fuisse constat, ut Episcopi Economum, quem etiàm Vice-Dominum dicebant, haberent in peculio ecclesiastico administrando, ne sine testibus ipsi pro voluntate eodem peculio uterentur. Paschiasius receptæ sui temporis disciplinæ non servierat, sed sperto cuiuscumque Economi officio, ipse per se suæ Ecclesiæ redditibus utebatur, ut voluptatibus suis indulgeret, præsertim in navibus instruendis, quemadmodum constat ex canone 1., jam pluriès memorato.*

Can. 20. caus. 7. Ad redarguendam quoquè Pigmenii Amalphitani Episcopi (erat olim Amalphia Urbs Episcopalis in Campania, nunc Archiepiscopal) in Regno Nea-

politano) negligentiam pertinet Gregorii epistola alia ad Anthemium, quæ est 23. lib. 5. in vulgari, & lib. 6. in Maurina editione. Ferè integra refertur in can. 20. caus. 7. quæst. 1.: si quæ autèm apùd Gratianum desunt, ex his facilè quisquam supplebit, Pervenit ad nos, *Pimenium* (legunt alii *Pigmenium*) *Amalphitanæ Civitatis Episcopum...* vagari; quod videntes alii nec ipsi in castro se retinent, sed, ipsius exemplum sequentes, foris magis eligunt habitare. Et quia hoc agentes ipsi potius ad suam hostes deprædationem invitant, idcirco hac tibi auctoritate præcipimus &c.

Alia est ad Anthemium epistola in vulgari editione 40., in Maurina 42. caus. 16. lib. 1., quâ Gregorius inhibet Monachis, ne quis ex ipsis è monasterio egrediatur, nec ad sacerdotalis vitæ genus transeat, imò nec ad Clericatus officia facile adspiret. En priora epistolæ verba, ex quibus facilius explicabitur canon 32. caus. 16. quæst. 1. ex eadem epistola depromptus. *Joannes Frater, & Coepiscopus noster, directo per Justum Clericum suum capitulari, inter alia plura hoc nobis noscitur intimasse, aliquos Monachos monasteriorum, in Surretna Diœcesi positorum, de monasterio in monasterium, prout eis libuerit, transmigrare, & à proprii Abbatis regulâ desiderio rei sacerdotalis abscedere, sed &, quod non licere notum est, peculiaritatì eorum singulos studere. Si quos autem qualibet occasione à Clericatu &c. Sunt hæc verba memorati canonis 32., quem à Gratiano corruptum emendaverunt jam in suis adnotationibus Correctores Romani. Post pauca sequuntur, quæ Gratianus edidit in canone 39. caus. 27. quæst. 1. eisdem omnino verbis. Aliqua in hisce canonibus digna sunt singulari animadversione. In primis novi, ibidem agi peculiari sermone de Monachis Surretnæ tantummodo Dicecenses. Porro urbs Surretna urbs erat Episcopal in Campania, nunc Archiepiscopal. Deinde sunt, qui putant, verba illa qualibet occasione, quæ habentur in dicto can. 32. juxta ea, quæ nupèr describebam (quidquid Romani Correctores ex suis exemplaribus scrip-*

Can. 39.
caus. 27.

serint) falso esse inserta in vulgaribus editionibus; hinc Thomas Jamesius in vindiciis Gregorianis ait: *Verba hæi quilibet occasione ad amplificandum Monachorum ordinem spectant, adjecta sunt, atque assuta textui ab aliquo tenebrione, in membranis non comparent.* Quæ sanè si vera sunt, Romanorum Correctorum codex aliis codicibus præstabit. Demùm, quod spectat interdictum, ne passim Monachi ad Clericatum adspirent, suis sanè rationum momentis innitebatur, quæ egregiè expendens Severus Sulpitius dialogo 1. cap. 14. ita de Monachis eisdem scribebat: *Siquis Clericus fuerit effectus, dilatat continuè fimbrias suas, gaudet salutationibus, inflatur excursionibus, ipse etiam ubique discurrit, & qui ante pedibus, aut ascello ire consueverat, spumante equo superbus invehitur. Parva prius, ac vili cellulâ contentus habitare, erigit celsa laquearia, construit multa conclave, sculpti ostia, pingit armaria, vestem respuit grossiorem, indumentum molle desiderat, atque hæc caris viduis, ac familiaribus mandat tributa virginibus, illa ut byrrum rigentem, hac ut fluentem texat lacernam.*

Can. 2.
caus. 17.
q. 4. Benenatus quidam Messenates Episcopus certam pecuniæ quantitatatem acceperat, ut castrum in urbe, in qua residencebat, ædificari curaret. Exequi tamè ipse neglexerat, quod spoenderat, imò susceptam pecuniā in alios, privatosque usus convertebat. Monuit de hac re Anthemium Gregorius epistola 33. lib. 11. in vulgari, & 51. lib. 9. in Maurina editione, cujus sententiam integrum hic describam, ut commoda sit interpretatio canonis 2. caus. 17. quæst. 4. *Pervenit ad nos, quemdam Benenatum Messenatem Episcopum pro construendo illic castro solidos accepisse. Et quia pars eorum solidorum apud eum dicitur remansisse, experientia tua subili indagatione perquirat; & siquid manifeste de ipsis solidis cognoveris remansisse, Comitaio comiti prædictæ Civitatis sub desuscepti illud pagina contradat, atque immineat, ut in constructione ejusdem loci, sicut sunt dati, Deo adjuvante, proficiant, quia ratio nulla permittit, ut propriis cuiusquam usibus applicetur, quod pro communæ utilitate datum esse*

cognoscitur. Benenatus ille, qui Messenæ hic dicitur, alibi Misenus, sive Misenæ Civitatis Episcopus adpellatur, quem spectant canon 11. dist. 61., & canon 48. caus. 16. quæst. 1.

Can. 5.
caus. 29.
q. 1. Est alia ad Anthemium epistola 48. in vulgari, 51. in Maurina editione lib. q. 1., in qua legitur can. 5. caus. 20. quæst. 1., ubi pro voce *providentia* legendum est *experiencia*. Palmaria insula, de qua in eo canone sermo est, parva sanè, & in mari Tyrreno sita contra Terracinam, fuit olim receptaculum Monachorum, quemadmodum & insula Orpharia, sive Orphiana, de qua sermo fit in eadem epistola Gregorii; siquidè Monachi in insulis tunc degere solebant, in quibus procùl à strepitu quietam, & qualis solitariis hominibus convenit, vitam traducebant, quemadmodum testatur Ambrosius lib. 5. in Hexameron cap. 5. Vult ibi Gregorius, neminem ante annos decem & octo in monasteriis insularum recipiendos esse, eà ratione, *quia dura est in insulis congregatio Monachorum.* De hac re investiganda video parùm sollicitos Interpretes fuisse, & Glossographos. Ego id minimè prætermittam; novi enim, quod ibidem Gregorius statuit, non generalem disciplinam continere, sed singularem & suis tantummodo temporibus accommodatam. Erat tum Italia universa hostilibus armis concussa, Italique debiliores vel ætate, vel sexu in insulas Italæ adjacentes sese quasi in asylum recipiebant, rati eò hostium exercitus neutiquam perventuros. Id tradit ipse Gregorius initio ejusdem epistolæ, ibi: *Comperimus in insula Orphiana.... multos virorum cum mulieribus suis diversorum patrimoniorum illuc pro necessitate feritatis barbarica refugisse; quod importunum judicavimus, ut, dum aliorum refugiorum loca vicina sint, ibidem cum Monachis debeant mulieres habitare.* En igitur apertissimam causam, cur eà ætate dura eset in insulis congregatio Monachorum, qui tenebantur vel ex ipso charitatis, ac miserationis officio integras excipere familias in monasteriis suis, in monasticæ solitudinis, quietis,

orationisque divinæ dispendium. His accedit, puerulos, metu hostium in insularum monasteria adductos, facile parentum suasionibus monasticam vitam professos tūm fuisse, quam tutam omnino à publicis perturbationibus in insulis illis esse suismet oculis videbant; proinde que non satis maturo consilio, perpen- sāque causā, Monachos se fieri exoptabant.

De epistolis ad Benenatum Misenum.

Can. 11. dist. 61. Vacante Cumanā Ecclesiā, propè Misenum Promontorium sita, quæ hodiē ob Cumanam dirutam Urbem Neapolitanā Ecclesiā juncta est, à Gregorio constitutus est ejus Visitator Benenatus Misenus Episcopus, ad quem directa est epistola 19. in vulgari, & 25. in Maurina editione lib. 2. Ad eam referendus est canon 11. dist. 61. his verbis: *Charitas tua ad predictam Ecclesiam ire properabit, & assiduis adhortationibus Clerum, plebemque ejusdem Ecclesie admonere te volumus, ut, remoto studio diversarum partium, uno, eodemque consensu talem sibi præficiendum expertant Sacerdotem, qui & tanto ministerio dignus valeat reperiri, & à venerandis canonibus nullatenus respiciatur. Qui, dum fuerit postulatus cum solemnitate decreti, omnium subscriptionibus roborati, & dilectionis tuae testimonio literarum, ad nos sacrandus occurrat &c.* Si hæc ità descripta perpendiculariter, liquebit facilē, quām perperām usus fuerit Gratianus hoc fragmento. Ostensurus ipse erat discrimina, quæ intercedunt inter postulationem, atque inter electionem, tradens inter cetera, atque eo monumento comprobans, electionem quidēm fieri *cum solemnitate decreti, omnium subscriptionibus roborati; postulationem verò simplici petitione.* At bone Deus! cum Gregorius solemnitatem decreti, omnium subscriptionibus roborati, exigit, postulationis utitur vocabulo, ibi: *dum fuerit postulatus &c.* Quomodo igitur ad electionem ea pertinent; aut quomodo postulatio fieri dicitur sine decreti solemnitate? Dixerit fortè quispiam, apud

Gregorium nomine postulationis electionem intelligi. Et ipse id fateor, quia Gregorii tempore erant hæc promiscua nomina, nec adhuc postulatio diverso jure ac electio dicebatur. At si id verum est, quomodo ex Gregorii monumentis potuit Gratianus jura postulationis ab juribus electionis omnino sejungere, & diversam utrisque formulam tradere?

Cumanam Ecclesiam vix jure Visitatoris adivit Benenatus, non quidēm cogitavit, ut electionem fieri Antistitis curaret, sed potius ut illam suæ Ecclesiæ jungeret, ipseque esset tum Misena, tum Cumanæ Ecclesiæ Episcopus. Id obtinuit ex Gregorii rescripto, seu epistola 31. in vulgari, & 45. in Maurina editione lib. 2. Hæc ferè integra legitur in can. 48. caus. 16. quæst. 1., & quidēm eisdem verbis, si conferatur cum editione vulgari. In editione Maurina levis est scripturæ varietas; nām, ubi legunt alii *utrasque nos Ecclesias.... & id te quæcumque tibi de earum.... perspexeris, ibi habitato.... Ecclesiam, cui corporaliter præsens non es &c.* legunt Maurini Monachi: *utramque nos Ecclesiam... & quæque tibi earum.... perspexeris, habitato... Ecclesiam, à qua corporaliter ad præsens absens es &c.*

De epistolis ad Clementinam Neapolitanam.

Clementinam, ad quam scripta est can. 89. dist. 89. epistola 11. lib. 1., Patritiam Neapolitanam fuisse, Maurini Monachi conjiciunt ex lib. 3. epistolarum Gregorii epist. 1. Eam consolatur in primis sanctus Pontifex de morte Eutherii Viri clarissimi: deindè, cum Clementina ad se mitti petiisset Anotarium quemdam Diaconum, rescritbit Gregorius, illum mitti non posse, quod Romanæ Ecclesiæ Vice-Dominus, sive Economus jam constitutus esset. Hanc posteriorem epistolæ partem retulit Gratianus in can. 3. dist. 89., in quo tamèn duo menda occurunt in nonnullis Gratiani exemplaribus; ubi enim Gratianei codices habent, quem ad nos dirigi, & austeritas feicit,

uit, in vulgatis epistolarum codicibus legitur: ad vos dirigi, & austoritas facit. De nomine Vice-Domini nihil hic dixerim, cum quædam attigerim superius ad canonem 2. dist. 89.

De epistolis ad Fortunatum Episcopum Neapolitanum.

Can. 15. dist. 54. Plurimæ sunt, & quidem diversis in causis, Gregorii epistolæ ad Fortunatum Neapolitanum Episcopum. Prior recensetur apud Gratianum in can. 15. dist. 54. epistolâ 32. lib. 6. in Maurina, & 31. lib. 5. in vulgari editione. Agit ibi Gregorius de servis Judæorum, sive Judæi fuerint, sive Gentiles, ac scribit, eos quoties Christiani esse maluerint, abs Judæis amplius possideri non posse, immo nec venditionis titulo in aliorum dominorum potestatem transferri, sed jure ad libertatem proclamare. Jam pridem id Christiani Imperatores constituerant toto tit. Codicis, *ne Christianum mancipium*; quamobrem studendum erat Gregorio, aliquæ Ecclesiasticis Antistitibus, ne Imperialia privilegia, favore Religionis Christianæ concessa, in desuetudinem abirent. Id perspicue patet ex integra epistola, cuius initium hoc est: *Fraternitati vestra ante hoc tempus scripsimus, ut hos, qui Judaicâ superstitione ad Christianam Fidem, Deo aspirante, venire desiderant, dominis eorum nulla esset licentia venundandi; sed ex eo, quod voluntatis sue desiderium prodidissent, defendi in libertatem per omnia debuissent. Sed quia, quantum cognovimus, nec voluntatem nostram, nec legum statuta subtili scientes discretione pensare, in paganis servis hac se non arbitrarij conditione constringi, Fraternitatem vestram oportet de his esse sollicitam, &c.*, quæ leguntur in dicto canone 15., in quo, siquæ est codicum varietas, Romani jam Correctores animadverterunt.

Can. 51. dist. 71. Alia epistola 11. lib. 6. in Maurina, & 11. lib. 5. in vulgari editione laudatur in can. 5. dist. 71. in causa Gratiani Venafranæ, seu, ut alii scribunt, Benefranæ Ecclesiæ Diaconi. Is enim

Tom. III.

cum in propria Ecclesia ministrare, hos-
te prohibente, non posset, Pontificiæ
auctoritate, ac petente Neapolitanæ Epis-
copo, Neapolitanæ Ecclesiæ adscriptus
est. Verba dicti canonis 5., quæ cum ip-
sa epistola omnino consonant, argumen-
tum hujus rei perspicuè ostendunt. Pos-
tularem hoc in loco à Romanis Correc-
toribus, cur non illud animadverterint,
quod animadvertendum voluerunt in
can. 5. & 6. caus. 21. quæst. 1.

Sollicita, & propemodùm anxia in
Monachos cura, quâ afficiebatur Gre-
gorius, eudem excitavit, ut ad For-
tunatum Episcopum scribebat, conque-
rens, quod ille Monachos, ac monaste-
ria non soveret, quemadmodum decere
Episcopum videbatur. Ea est epistola 23.
lib. 8. in vulgari, & 24. lib. 10. in
Maurina editione, ad quam referendus
est canon 6. caus. 19. quæst. 3. Primum
monuit Gregorius, ne quisquam ad ton-
suram monasticam admitteretur, nisi
primùm per biennium mansisset in mo-
nasterio tyrocinii causâ. Id Maurini Mo-
nachi in lib. 1. vitæ S. Gregorii cap. 3.
in tomo ultimo suæ editionis ita sunt in-
terpretati, ut singulare fuisse constitu-
tum in Ecclesia Neapolitana, urgenti-
bus quibusdam loci simûl ac temporis
adiunctis; quia videlicet, ut in eadem
epistola Gregorius refert, tunc conti-
gerat in Urbe Neapolitana, quemdam
Mauritium præcipitanter de laico Mo-
nachum factum, nec ante probatum,
sublatis monasterii rebus aufugisse. Præ-
terea monuit Gregorius, ut nemo ex
militibus ad monasticam professionem
admitteretur, nisi prius Gregorius ipse
de ea re certior fieret. Romani Correc-
tores rectè animadverterunt, Interpre-
tes, ac Glossographos in hac epistola
expendenda non nihil à proposito aber-
rase. Etenim Gregorii monitum respi-
ciebat Constitutionem Mauritii Impera-
toris, quâ cavebatur, ne milites antè
expletum militiæ tempus ad monasticam
professionem admitterentur. De hac le-
ge disserendum erit inferius ad cano-
num 1. dist. 53. Unum tantum hoc lo-

E

co

co animadvertisam, nimirūm ubi apud Gratianum legitur: *quos ad conversionem suscepint, &... qualicunque presumat ratione suspicere*, legi in optimis codicibus: *quos ad convertendum suscepint, &... qualibet præsumat ratione suspicere*.

Can. 28. caus. 27. q. 2. Epistola 20. lib. 6. in vulgari, & 23. lib. 7. in Maurina editione, ex qua depromptus est canon 28. caus. 27. quæst. 2., scripta est ad Fortunatum Neapolitanum Episcopum, simul & ad Anthemium Subdiaconum, ac Defensorem. Acceperat Gregorius, virginem quamdam sponsalia contraxisse cum Stephano; post datam autem fidem monasticam vitam professam fuisse. Eam obrem Stephanus sua interesse putabat, si domum, aliasque res virginis, velut in injuriæ sibi illata compensationem, occuparet. Gregorius causæ cognitionem Fortunato simul, atque Anthemio demandavit, quorum operæ commisit, ut, si vera fuerint, quæ narrarentur, moneant Stephanum de rebus restituendis, eā addita ratione, *quia de cœta legalia desponsatum, si converti voluerit, nullo omnino censuerunt damno multari*, quemadmodum in dicto canone 28. legitur: at, si Stephanus monitis non acquieverit, sibimet quid factum fuerit, renuntiaretur, ut ipse Gregorius opportunis modis faciendam ex necessitate restitutionem curaret, quam Stephanus sponte, & ex consilio facere neglexisset. Monent Maurini, pro verbo illo, *multari*, in aliquibus MSS. codicibus legi *multare*.

Can. 6. caus. 29. q. 2. In canone 6. caus. 29. quæst. 2. integræ refertur epistola 1. in vulgari editione lib. 6., in Maurina libro 7. Agitur ibi de causa Clerici cuiusdam Neapolitani, qui prætextu servitutis, quæ uxorem affectam ajebat, à se illam abjecerat. In eodem canone observandum est, ubi Gratianus legit: *cautius novit; quia scilicet maritus suus.... suo eam vos conjugio reformaretis.... macula servilis.... nos illud cognoscatis &c.* in aliis codicibus ita haberi: *Acutius novit, quum quia maritus suus.... suo eam vos conjugi reformare Fraternitas vestra cognoscat...*

macula servitutis.... nos illum cognoscatis &c.

De epistola ad Gaudentium Nolani Episcopum.

Vacante Ecclesiâ Capuanâ, ejusdem Can. 19. dist. 61. visitationem juxta morem sui temporis mandavit Gregorius Gaudentio Nolano Episcopo per epistolam 11. lib. 10. in Maurina, 13. lib. 4. in vulgari editione. Nimirūm, ne bona vacantis Ecclesiæ à quoquam diriperentur, Metropolitani, aut Primatis sollicitudo Episcopum designabat, cujus solertia omnia custodirentur, imò & electio Successoris celebraretur. Huc spectat canon 22. Concilii Chalcedonensis, canon 35. Synodi sextæ, quibus addi possunt can. 45. 46. 47. 48. caus. 12. quæst. 2. Ex laudata Gregorii epistola depromptus est canon 19. dist. 61., cujus postrema verba in aliquibus exemplaribus corrupta sunt, ideoque ita restitui debent: *Sedulò, ac devotè debeant deseruire.* In prioribus verbis non consonant omnes Gregorii codices; alicubi enim pro nomine Festi Capuani Episcopi legitur *Sixtus*, alicubi *Fuscus*.

De epistola ad Godiscalcum Ducem Campaniae.

Elegans est Gregorii sententia, quæ legitur in can. 67. caus. 11. quæst. 3. C. d. 67. caus. 11. q. 3. ad coercendos esfrænes iracundiæ impetus maximè accommodata. Ea legitur in principio epistolæ ad Godiscalcum Campaniae 12. lib. 8. in vulgari, & 11. lib. 10. in Maurina editione. Irà percitus Godiscalcus (alii appellant Gudiscalcum, alii Guidiscalcum) adversus Abbatem monasterii Sancti Archangeli, ejusdem monasterii januas effringi jusserrat, irruensque armatâ militum selectorum manu, quidquid militibus libuisse, eripiendum voluit. De hoc gravi iracundiæ motu conquestus est apud ipsum Ducem Gregorius, adserens iram ratione esse temperandam, quemadmodum

dùm

dùm legitur in dicto canone 67., cuius postrema verba ità ex editione Maurinorum erunt legenda: Nàm commotionis tempore justum putat ira, quod fecerit.

De epistolis ad Joannem Episcopum Vellitranum.

Can. 44.
caus. 7.
q. 1. Duplex memoratur apùd Gratianum epistola Gregorii ad Joannem Episcopum Vellitranum (est Velletri Urbs Campaniae non procul à Roma, cuius Episcopatus hodiè junctus est Ostiensi). Prior epistola est in editione Maurina 14. lib. 2., in vulgari 11. lib. 2., ex qua excerptus est canon 44. caus. 7. quæst. 1. Ibi Gregorius metropolitico etiàm jure Joanni mandat, ut injuriâ belli causam præbente interea Episcopalem Sedem in alium Dioeceseos locum transferat. Variam varii codices exhibent lectionem; ubi enim Gratianus legit: *In loco quondam Arenata.... transmigrari, quatenus ab hostilitatis.... illic consuetudinem festivè disponas, in aliis codicibus habetur: in locum, qui Harenata dicitur.... transmigrare, quatenus & ab hostilitatis.... illis consuetudinum festa disponas.* Omitto ea, quæ jam in his postremis verbis Romani Correctores animadverterunt; eo enim omnia collineant, ut indicetur, in loco Harenata constituantem opportunè esse Ecclesiam Cathedralem, ad quam populus solemnibus diebus ecclesiasticis confluere teneretur juxta veteres canones, videlicet canonem 21. Concilii Agathensis, can. 15. Concilii Arvernensis, can. 25. Concilii Aurelianensis I., & can. 3. Concilii Aurelianensis IV.

Can. 49.
caus. 10.
q. 1. Altera epistola, ex qua depromptus est canon 49. caus. 16. quæst. 1., habetur in lib. 2. epistola 35. in vulgari, epistola 50. in Maurina editione. Inscriptio epistolæ non eadem est in omnibus codicibus; in aliquibus enim Joannes dicitur Episcopus Vellitranus, in quibusdam Velliternus, in uno MS. Squillacinus, uti observaverunt Monachi Maurini. Non videtur recedendum à vulga-

ri lectione, unius, vel alterius codicis causâ, ubi præsertim nulla melior ratio subest. Extat ferè integra epistola in dicto canone 49., ubi Romani Correctores pro voce Treverensium rectè adposuerunt Trium Tabernensium. Monachi Maurini, freti auctoritate codicum MSS. legerunt Trium Tabernarum; & quidem optimè congruit emendatio cum epistolæ integræ contextu; nàm Tres Tabernæ erant olim Urbs Latii Episcopalis, cuius vestigia supersunt in via Appia, non procul ab Urbe Velletrensi, de qua etiàm mentio fit in Actibus Apostolorum cap. ult. ibi: *Occurrerunt nobis usque ad Appii forum, & tres Tabernas.* Illud adjici potest, Monachos Maurinos in MSS. Codicibus quibusdam pro voce illa *commoti* legisse *commoniti*.

De epistola ad Clerum, & Nobiles Cives Neapolitanos.

Vacante Neapolitanâ Ecclesiâ, Clerus & Populus suffragia ità diviserat, ut vix constaret, quis ritè electus esset ex duobus Diaconis Joanne, & Petro. In his causarum adjunctis ad Clerum, & Nobiles Neapolitanos scripsit Gregorius epistolam, quæ in vulgari editione est 40. lib. 8., in Maurina 62. lib. 10. Ipsam integrum descripsit Gratianus, quinque sejunctis fragmentis. Initium epistolæ legitur in can. 17. caus. 8. quæst. 1., post cujus postrema verba, ità se-
Can. 17.
caus. 8.
q. t.

quitur: *Prius enim quim scripta ad nos vestra recurrerent (legunt alii discurrerent) Joannem Diaconum &c., quæ habentur in can. 4. dist. 28., & statim subsequuntur verba canonis 1. dist. 39. ibi: Petrus item Diaconus, quem à vobis electum adseritis &c.* Huic sanè canonî alias sententiam Gratianus affinxisse videtur, quām quæ Gregorii esset. Ait Gregorius, eo tempore debuisse talem in Episcopatu constitui, qui de extrinseca etiam subjectorum utilitate, & cautelâ sicut esse sollicitus, quæ sanè intelligenda erant in conspectu hostium barbarorum; tunc enim penè ruente Orientalium imperio,

intèr gravissimas angustias pressi ab exteris Itali Populi consueverant ad Episcopos suos, tamquam ad parentes optimos, confugere; quamobrem opportunius tempus esse non poterat, quo prudenterissimus quisque Episcopus eligetur. At Gratianus rei historicæ parùm gnarus ita canonem interpretatus est, quasi pro sua simplicitate esset quis ab Episcopatu adipiscendo repellendus, ne ejus occasione res Ecclesiæ dilapidarentur. Pergit Gregorius inquiens: *Nam de*

Can. 4. eo insuper ad nos pervenisse cognoscite, quod solidos dederit ad usuras &c., quæ habentur in can. 4. dist. 47., ubi tamèn leviuscula quadam observari possunt; etenim pro illis verbis: *alium eligere, & ab hujus vos persona.... esse patuerit.... ut vitam, moresque illius &c.* vulgares Codices exhibent: *alium elige, & ab hujusmodi vos persona.... esse potuerit.... ut de vita, moribusque ipsius &c.* Demùm epistola concluditur verbis illis, quæ Gratianus descriptis in can. 15. dist. 61.

Eadem verba cum Gratianus aliquantis per corruperit, ut fragmentum magis perspicuum redderet, ita restituam: *Studii præterea vestri sit, etiam alium, qui aptus sit, providere, ut si forte huic ordini hic non videatur idoneus, sit, in quem se vestra declinare possit electio. Nam grave Cleri illius erit opprobrium, ut, si hic fortasse adprobatus non fuerit, alium se dicant, qui eligi debat, non habere.*

De epistola ad Milites Neapolitanos.

Can. 7. cans. 23. q. 1. Pluriès jam tradidi, Gregorium Pontificem promovendæ Imperatorum, ac Civium Imperatoribus subditorum utilitati studiosissimè pro officio prospexit. Hujus rei inter cetera argumentum præbet epistola 31. lib. 2. in Maurina, & 24. lib. 12. in vulgari editione. Ibi monentur Neapolitani Milites, ut Constantio Tribuno Civitatis obtemperent, causâ publicæ utilitatis. Integra epistola refertur in can. 7. caus. 23. quæst. 1. dummodo ea adjiciantur, vel

emendentur, quæ minùs appositi in principio Gratianus descriptis, his verbis: *Summa militia laus inter alia bona merita hac est, obedientiam Sanctæ Republicæ utilitaribus exhibere, quodque sibi utiliter imperatum fuerit, obtemperare, sicut & nunc devotionem vestram fecisse didicimus &c.* Animadvertisunt Maurini Monachi, epistolam eamdem in plerisque MSS. Codicibus desiderari; proindeque non omnino certa est illius auctoritas, aut omnino indubium, quodcumque ex illa deduceres argumentum.

De epistola ad Paschasiūm Episcopum Neapolitanum.

Quanta esse debeat Episcopi solertia, ut populi à Fide Christiana aber-^{Can. 3. dist. 45.} rantes ad eamdem revocentur, aut trahantur, innuit Gregorius in epistola ad Paschasiūm Episcopum Neapolitanum in Maurina editione 12. lib. 13., in vulgari 15. lib. 12. Eam integrum retulit Gratianus in can. 3. dist. 45., in quo tamèn ubi legitur: *Judei siquidem, Neapolitani consistentes.... licuit observare. Quod si.... operam dare.... ad fidem illi.... ut eos ex eorum codicibus &c.* Monachi Maurini legendum voluerunt: *Judei siquidem, Neapolitani habitantes.... licuit observare, vel collere. Quod si.... operam adhibere.... ad fidem illis.... ut eis ex eorum codicibus &c.*

SECTIO VI.

De epistolis, directis per Illyricum.

De epistolis ad Antoninum Subdiaconum in Dalmatia.

Quod munus obibat Anthemius, ut suprà traditum est, in Campania Subdiaconus, illud ipsum obibat Antoninus Subdiaconus in Dalmatia. Horum operâ utebatur Pontifex Maximus non tam ad tuendas Ecclesiæ facultates in Provinciis sitas, quam veluti Delegatorum extra ordinem, qui aut mandata Pontificum exequerentur, aut, prout res incide-

deret, Pontifices eosdem redderent certiores. Tres ad eumdem Antoninum Gratianus retulit Gregorianas epistolas, quæ Salonianam potissimum Ecclesiam, & Natalem ipsius Ecclesiae Episcopum respiciunt. Prior epistola est numero 16.

Can. 8. lib. 2. indict. 10. in vulgari, & 20. lib. dist. 74. 2. in Maurina editione; cujus argumentum hoc est. Natalis Salonianus cognatis suis sacra Ecclesiæ vasa concesserat, contradicente Honorato Archidiacono, ad cuius curam illa potissimum pertinebant. Quod ægrè ferens Natalis Honoratum ab Archidiaconatu dejecti sub specie promotionis ad Ordinem Presbyterii. Conquestus Honoratus statim fuit apud Gregorium, qui propterea de ea re ad Antoninum scripsit. Verba epistolæ sunt in can. 8. dist. 74., quæ sanè cum integra ferè epistola plurimum congruunt cum epistola altera à Gregorio scripta ad eumdem Natalem, ex qua legitur apud Gratianum canon 40. caus. 7. quæst. 1.

Can. 9. lib. 2. indict. 11. scripta est occasione iniquæ sententiæ ab eodem Natali Salonitano prolatæ in causa Florentini Epitauritanæ Civitatis Episcopi. Eum damnaverat Natalis, non servatis solemnitatibus ex sacerorum canonum disciplinâ præstitutis, nimis nullo celebrato Sacerdotum Concilio, imò, quod gravius erat, nullâ præhâbitâ criminum objectorum probatione. Voluit Gregorius eam sententiam revocari, causamque in Concilio retractari. Epistolæ fragmentum legitur in can. 64. caus. 11. quæst. 3. Epitauritana autem Civitas, cujus Episcopum insequebatur Natalis, eadem est, quam hodiè appellant Ragusam, urbem maritimam in Dalmatia.

Can. 1. 8. Salonianus, Gregorius Antonino mandavit, ut curaret in Ecclesia vacante quantociùs successorem Episcopum eligi per Cleri Populique suffragia. Epistola Gregorii est in vulgari editione 22. lib. 2. indict. 11., in Maurina 22. lib. 3., atque ex ea depromptus est canon 1. caus. 8. quæst. 2., ubi pro illis ver-

bis te admonente animadvertisunt Maurini Monachi ex MSS. Codicibus, legendum potius esse te imminentem; unà etiā observantes, apud Gregorium verbum *imminere* promiscue usurpari ac verbum *instare, urgere, & similia.*

De epistola ad Episcopos Epiri.

In vulgari editione lib. 5. epistola 7. Can. 11. dist. 100. in Maurina lib. 6. epistola 8. hanc exhibet inscriptionem: *Gregorius Theodoro* (legunt aliqui *Theodorico*, vel *Theoderico*), *Demetrio, Philippo, Zenoni, & Alcisono, Episcopis Epiri.* Hi certiore Gregorium fecerant de electione, ac consecratione Andreæ Episcopi Neapolitani, siquidem Nicopolis erat Urbs Epiri Metropolitana. Qua in re observandum est, duas in Illyrico tunc Provincias fuisse Epiri nomine designatas, novam, & veterem. Epirus nova, quæ hodiè Albania superior est, Metropolim habebat Dyrrachium. Epirus vetus, quæ à nonnullis Albania inferior dicitur, recentioribus verò Chimera, & Larta, Metropolim habebat Nicopolim ad sinum Ambracium. De hac Epiro vetere intelligenda est Gregorii epistola; quamobrem jure Monachi Maurini emendarunt vulgatos codices in ea parte, in qua exhibent Andream Nicomedianæ Civitatis Episcopum; voluerunt enim legendum non *Nicomediana*, sed *Nicopolitana*; quæ emendatio validis argumentis confirmatur apud Petrum de Marca in lib. 5. de concord. Sacerd. & Imper. cap. 25. num. 10. Exinde etiā liquet, emendandum similiter esse canonem 11. dist. 100. ex ea epistola depromptum. Quæ verò in eo canone memorantur privilegia Episcopi Nicopolitani, quæ se confirmasse instar suorum Prædecessorum Gregorius profitetur, eò pertinent, ut Nicopolitanus Episcopus Vicarius esset in Epiro Sedis Apostolicæ, quemadmodum & in sua Provincia erat Episcopus Thessalonicensis, aliique numero plurimi in diversis Ecclesiis. Insigne verò privilegium illius, & Vicarius Apostolici erat

Pallium, quod, ut liquet ex eodem canonе, ad eumdem Episcopum directum fuit.

De epistola ad Episcopos per Elladim.

Non omnes codices omnino consonant in inscriptione epistolæ 56. lib. 4. vulgaris, & 58. lib. 5. Maurinæ editio-
Can. 117. caus. 1. nis. Maurini Monachi maluerunt legen-
dum esse: *Gregorius universis Episcopis, per Helladiam Provinciam constitutis.* In codici-
bus Gratiani legitur *per Helladem*, in ali-
quibus *per Heledam*. Exhibit alii codices
per Archelaidam: alii *Episcopis Adrellada*, vel
Arellada, constitutis. Sanè nemo non videt,
ibi Helladis Episcopos erudiri, sive Achaja; Hellas enim propriè Achaja est Corin-
tho proxima, quam memoravit S. Paulus initio epistolæ 2. ad Corinth. Qualis fuerit hujus epistolæ causa, pa-
lam facit canon 117. caus. 1. quæst. 1.
ubi duo leviuscula menda corrigenda
erunt; ubi enim legit Gratianus: *ex quo, ut prædicti, immittitur &c.*, & cum primo contra Sanctam &c. legendum est juxta optimos codices: *ex quo, ut predixi, malo innuitur &c.*, & cum prima contrà Sanctam &c. Eadem propemodum verba scripserat Gregorius in memorata superius epistola ad Episcopos Epiri; eadem etiàm in epistola ad Episcopos Galliæ; ex qua de-
promptus est canon 2. dist. 48.; ex quibus liquet, pluribus in Provinciis simonia vitio Episcopos Gregoriani temporiis infectos fuisse.

De epistolis ad Joannem Episcopum Primæ Justinianæ.

Quæ Urbs in Albania vocatur Lo-
crida, aliàs Achridus, nuncupata fuit aliquandò Justinianæ prima; Justinianæ, quòd in ea natus fuerit Justinianus; prima, ut distingueretur tūm ab Ulpiano Mæsiæ superioris, quæ dicta est Justinianæ secunda, tūm ab aliis Urbibus, idèo eodem nomine donatis, quòd ab ipso Justiniano fuerint restauratæ. Illa

igitur paulatim plnribus ornari, augeri-
que privilegiis cœpit, ut liquet ex No-
vella 11. Constitutione, donèc, Metro-
polis facta Prævalitanæ Provinciæ, illud
praterè obtinuit, ut ejus Urbis Antis-
tes Primæ, & Vicarius Sedis Apostoli-
cæ existeret. Ad eam Episcopalem Se-
dem evectus fuerat Joannes, ad quem
Gregorius gratulaturus epistolam scripsit
8. lib. 4. in vulgari editione, & in Mau-
rina 23. lib. 2., cujus priora verba hæc
sunt: *Manifestum bonitatis esse liquet indi-
cum, in unius electione convenire consensum.*
Quia igitur suscepta &c. Hic ea sequuntur,
quæ legimus apud Gratianum in can. 9.
dist. 63. eisdem omnino verbis; pòst ea
autèm statim legi debent verba canonis
10. dist. 100. Ex his sanè observare
meritò possumus, Pontifices Maximos
sæculo sexto Pallium consuevisse con-
cedere iis, qui Romanæ Sedis Vicarii
in diversis singuli Provinciis consti-
tuerentur, quemadmodum etiàm constat
ex epistola Gregorii, superius me-
morata, ad Episcopos Epiri.

Alia est ad eumdem Joannem epis-
tolam, ad quam referendus est canon 44.
caus. 2. quæst. 7. à Gratiano, aut quo-
vis alio Scriptore, qui Gratiano auctor
fuerit, omnino depravatus. Ea est epis-
tolam 31. lib. 12. in Maurina, & 34. lib.
10. in vulgari editione. Ibi Gregorius,
expositis Pauli Docleatini Episcopi cri-
minibus, de quibus nimis accusatus
fuerat Paulus, imò etiàm depositus, sub-
rogato in ejus locum Nemesione, pro-
posuit, quid Joanni Primæ Justinianæ
Episcopo agendum superesset. Erat Do-
clea Urbs Episcopalil Illyrici ad Lacum
Scodritanum, atque olim suberat Sco-
drítano Episcopo, donèc Justinianus, ut
nupèr tradebam, patriam suam ad dig-
nitatem Metropolis evehi voluit; ex eo
enim tempore Docleatinus Episcopus
Episcopo Primæ Justinianæ subjectus
est. Causam igitur Pauli Docleatini di-
rimendam voluit Gregorius abs Joanne,
vel jure ordinario, tanquam Metropo-
litæ; vel etiàm extrà ordinem, tanquam
Sedis Apostolica Vicario. Eodem tem-

pore Gregorius etiā ad Constantium Episcopum Scodritanum scripsit, ut operam suam jungeret cum Joanne ad rei ejusdem, & cause executionem commodius obtinendam. Hæc ad Constantium epistola est 35. lib. 10. in vulgari, & 30. in lib. 11. in Maurina editione. Jam verò Gratiani fragmentum ad integrum Gregorii epistolam exigamus. Ita scribit Gregorius: *Dilectissimus itaque lator presentium Neumesion ad nos veniens indicavit, sicut & gestorum exemplaria, qua huc detulit, continebant, Paulum Dotleatinæ Civitatis Episcopum, inter alia mala in corporale crimen lapsum, à suis fuisse Clericis accusatum; atque, habitâ cognitione, ita, quod sine dolore dicere non possumus, claruisse; atque insuper, postquam convictus est, etiam eum libellum, in quo ea, de quibus accusatus fuerat, vera esse confessus est, obtulisse. Qua de re sententiâ illo episcopali deposito, ejus loco se cum Fraternitatis vestre consensu esse Episcopum ordinatum. Sed nunc eundem Paulum cum auxilio sacerdotum Judicum venientem Episcopum more prædonis ingressum, ablatisque violenter rebus Ecclesia, ab eo se projectum, & ad summam injuriam, ac necem penè perductum. Et quoniam tantæ nequitie pravitas nec dissimulanda, nec leviter attendenda est, Fraternitas vestra hac omnia diligenter curet adiscere; & si ita se, ut edicti sumus, veritas habet, predictum Paulum districtâ faciat executione compelli, ut, quemcumque abstulerit, omni morâ, vel excusatione cessante, restituat; si vero nihil Ecclesia, sed suum proprium dicerit abstulisse, quamvis grave, & iniquum fuerit, ut non à vobis, vel Metropolitano ejus hoc peteret, sed temerario ausu manu præsumeret agere; verum tamen, siquid proprium tulit, sub Fraternitatis vestre debet examinatione constare, si verum est. Sed & illud diligenter querendum est, si quid male de rebus dilapidavit Ecclesia, ut ex eo, quod nunc abstulit, hoc reformaye, ac satisfacere modis omnibus compellatur.*

De epistolis ad Joannem Episcopum Corinthi.

Can. 3.
dist. 100.
& Can.
116. caus.
7. q. 1.

Post dejectionem Anastasii Corinthi Episcopi, quem malum, & execranti-

*da pravitatis pastorem Gregorius vocat, successit in Episcopali Sede Joannes, quem propterè idem Pontifex monet, ut non solum vestigia Decessoris sui non sequatur, sed lapsam in ea Ecclesia disciplinam pro viribus restituat, præsertim verò simoniam, ac simoniacos omnes detestetur. Gregorii epistola est 55. lib. 2. in vulgari, & 57. lib. 5. in Maurina editione. Ex ea depromptus est canon 3. dist. 100., ad quem sanè referendus est canon 116. caus. 1. quæst. 1. Refert Sanctus Pontifex, olim in sacris Ordinibus conferendis simoniae vitium admissum fuisse, à quo propterè in posterum recedendum monet. Hac de re addit, se jam nonnulla constituisse in Concilio Romano factō ante corpus B. Petri Apostolorum Principis, quod fortè quispiam referet ad acta Concilii Romani, in Collectionibus Conciliorum adjecta epistolis Gregorianis, in quibus cap. 5. hæc leguntur: *Antiquam Patrum regulam sequens nihil unquam de ordinationibus accipiendum esse constituo, neque ex datione pallii, neque ex traditione chartarum, neque ex ea, quam nova per ambitionem simulatio inventit appellatione pastelli. De hujusmodi pastello fit etiā mentio in can. 7. caus. 1. q. 3., & nomine Gregorii in cap. 1. de simonia; item in can. 15. caus. 1. quæst. 3. Verūm, an ea acta Concilii Romani, ex quibus is canon eruitur, verè tribuenda sint Gregorio, admodum dubitant eruditæ, quorum plurimi illa tamquam apochrypha rejiciunt, adfirmantque longè recentiore aetate inductam fuisse consuetudinem illam detestabilem, ac propterè sacris canonicis improbatam, ut in sacris ordinationibus nihil quidpiam daretur pro ipsa ordinatione, sed prætextu prandioli, quod pastum, vel pastellum vocabant. Igitur verba Gregorii ad alios canones erunt exigenda, & ad aliud Concilium Romanum, cuius acta deperierint. Verba Gratiani in dicto canone 3. ita erunt emendanda: Novit autem Fraternitas vestra, quia prius pallium, nisi dato commido, non dabatur. Quod, quoniam incongruum erat, factō Concilio ante corpus B.**

Petri Apostolorum Principis tām de hoc , quām de ordinationibus aliquid accipere sub districta interdictione vētūmus. Oportet ergō , ut neque per commodum , neque per gratiam , aut quorūdam supplicationem aliquos ad sacros Ordines consentiatīs , vel permittatis adduci. Monachi Maurini omitunt has duas voces vel permittatis. Mens autē Gregorii in his verbis hēc erat. Nimirū demonstrabat , ecclesiasticam disciplinam valdē corrupti per simoniacas ordinationes Episcopis sanē , Clericis omnibus indignas. Hujus rei argumentum deprompsit ex recenti Constitutione Concilii Romanī , quā cautum fuerat , ut nē pro Pallio quidēm quidpiam dandum esset , aut recipiendum , licet olim aliquid ejus causā donari consuevisset. Sanē Pallium non inter sacra omnīnō ornamenta tūnc recensebatur , sed Clarissimorum Principum erat insigne , ab Imperatoribus prīmūm Romanis Pontificibus datum , deindē à Romanis Pontificibus Episcopis quibusdam majoribus , qui speciali privilegio dignitatis suā illustria quādam insignia merebantur. Erat illud , non quale est in præsentia ex lana contextum , & brevibus fasciolis compositum , sed ampla chlamys aureis tāniis ornata undiquē , & ad pompæ solemnitatem elaborata. Hinc minimē absurdum esse potuit , in concessionē Palii quidpiam ab accipiente quasi in compensationem pretii dari consueuisse aliquandō ; at verō , cum Pallium occasione ordinationis Episcopalis dari coepit , ne quod pro Pallio dabatur , dari videretur pro sacra ordinatione , opportunum fuit definire , Pallium etiā gratis concedendum fore. Atque hinc fortē contingere potuit , ut Pallia in aliam formam redigerentur , quemadmodūm recentiore aetate cernuntur. Sed de hac re alibi commodiūs.

Alia ad eumdem Joannem Corin-

Can. & caus. q. 3.

6. thium est epistola 51. lib. 4. in veteri ,
7. 2. lib. 5. in Maurina editione; in qua eadem propemodū causa tractatur , nimirū de Anastasio Joannis Decessore. Cum enim illi gravissima crimina , præ-

sertim simoniae , objicerentur , Gregorius ipse causam dirimendam mandaveraut Secundino Episcopo , ac deindē hujus gesta in hac parte laudavit in hac ipsa epistola Gregorius idem , unā suggestens quid abs Joanne Corinthio agendum esset cum Paulo Diacono , qui ad Episcopi sui Anastasii accusationem ritē quidēm processerat , sed prævaricatus fuerat spe præmii , quod accusatus Episcopus ipsi spōonderat ; itē quid agendum cum Euphemio , & Thoma etiā accusatoribus , qui ab Anastasio ipso sacris Ordinibus initiati fuerant , pactione initā , ut ab accusatione recederent. Referuntur hēc in can. 6. & 7. caus. 2. quæst. 3. , qui , quoniā paulò aliter , quām integris epistole exemplaribus , leguntur , itā sunt rectiūs describendi. Ait Gregorius : *Pallium itaq̄ē Diaconum latorem præsentium , quamvis culpa sua vehementer confundat , atque redarguat , quid deceptus promissione ab accusatione nuper depositi quondam Episcopi sui destiterit , & cupiditatis studio silere contra animam suam potius , quām prodere vera consenserit , tamē quia pios plus nos esse convenit , quām districtos , hanc ei culpam ignoscimus.* Et paulò posteā : *Euphemium verō , atque Thomam in ordine , locoque tantummodō , unde ad ordines sacros promoto fuerunt , volumus revocari , & cunctis diebus vita eorum locorum continentiam , (id est , annua vita subsidia) sicut consueverunt antē , percipient .* Sunt hac ratione ad optimos codices restituti canon 6. & 7. superiūs memorati. Attamen animadvertisendum adhuc superest , in can. 6. 5. *Omnis igitur Gratianum ea retulisse , quæ apud Gregorium non habentur , quæque alibi idem Gratianus refert nomine Fabiani , aut Sixti , in can. 4. caus. 2. quæst. 8. , & can. 1. caus. 3. quæst. 6. , de quibus jam actum est suo loco.*

De epistola ad Joannem Larissæum.

Urbs mediterranea Thessaliæ est La- Can. 52. caus. 16. q. 1. & caus. 25. q. 1.
rissa , olim Metropolis ad Penæum flu-
vium in Pelasgiotide regiuncula inter Pie-
rium montem ad Boream , & Pelasgi-
cum

cum sinum ad Austrum, quæ hodiè est sub dominatione Turcarum. Huic Civitati tempore Magni Gregorii præter Joannes Episcopus, ad quem epistolam Sanctus Pontifex scripsit, quæ in Maurina editione est 7. lib. 3., in vulgari 7. lib. 2. Epistolæ argumentum ut percipiatur, opera pretium erit primùm expendere disciplinam, quæ in Episcoporum judiciis, & accusationibus sacerdotio sexto vigebat ex Novellis Constitutionibus Justiniani, præsertim verò ex Nov. 83. Ibi constitutum fuit, ut, si in civilibus negotiis conveniretur Episcopus, causa coràm Archiepiscopo dirimeretur, ne si ad alia judicia pertraheretur, à sacro cogeretur ministerio vacare; at si difficultates quædam suborirentur, aut propter causæ naturam, aut alia quædam adjuncta, quibus coràm Archiepiscopo causa finiri non posset, ad civiles judices pergeretur, juxta Romani Juris regulas pronunciatiros: si verò criminalis esset controversia, ut illa coràm competentibus judicibus, quales erant in Provinciis Presides, agitaretur, exceptis delictis ecclasiasticis, ut vocant, quæ Synodorum cognitioni reservata sempèr fuerunt. His igitùr legibus disciplina judiciorum clericalium consistebat, dum memoratus Larissæ Episcopus Joannes adversus Hadrianum Thebanæ Civitatis Episcopum sententiam damnationis pronunciavit. Porrò Thebana Ecclesia fertur olim Larissæ Episcopo, tanquam Metropolitæ, subiecta, licet tamèn auctoritate Pelagii II., qui Gregorium præcessit, ab ejusdem jurisdictione subducta fuerit; fortè autem subiecta Primæ Justinianæ Episcopo, qu' nupèr metropolitica jura, curante Justiniano Imperatore, obtinuerat. Nihil tamèn minus Joannes Larissæus, eam exemptionem parvi pendens, Thebani Episcopi causam ipse discusserat, reumque agnitum damnaverat, eamque jurisdictionem eo audentius explicavit, quo gravior erat auctoritas, quâ innitebatur, nimirùm Mauricii Imperatoris. Hadrianus Thebanus Episcopus à duobus pri-

mùm improbis Thebanæ Ecclesiae Diaconis apud Imperatorem Mauritium fuerat de criminibus accusatus. Imperator, ut arbitror, ignarus, Thebanum hupèr à Larissæ Episcopi jurisdictione exemptum fuisse auctoritate Pelagii II., ratus antiqua Metropoleos jura Larissæ Episcopo inesse, causam Hadriani in eo, quod erat civilis negotii admixtum, Larissæ Episcopo dirimendam mandavit, in eo vero, quod ad crimina objecta pertinebat, sibi reservavit, juxta memoratam Justiniani Constitutionem. Hac Imperiali delegatione fretus Joannes Larissæus præcipito judicio Hadrianum damnavit, quin solertiùs in causæ ipsius adjuncta incubuisset; quod sanè si perfecisset, animadvertisset, Hadrianum non nisi ex privato memoratorum Diaconorum odio fuisse accusatum, & callidâ quadam suggestione ad aulam Imperatoris & causam, & Episcopum fuisse delatum. Post eam Episcopi Larissæ sententiam provocavit Hadrianus ad Imperatorem, qui novam causæ cognitionem demandavit Honorato Sedis Apostolicæ Diacono, & Sebastiano viro laico, quem *Gloriosum Antigraphum* Gregorius vocat; qui judicæ, causâ congnitâ, eumdem Hadrianum absolverunt. Nondùm absoluta res fuit, sed calliditate hominum invidorum rursùs factum est, ut causa coràm Joanne Primæ Justinianæ Archiepiscopo, Principali interveniente jussione, retractaretur, quemadmodum ipsemet Gregorius ait; quod ego arbitror ex eo profectum, quia nonnulli objecerint judicialia gesta eo usquè fuiisse prorsus invalida, quod ex errore primum Thebani Episcopi causa à Larissæ Episcopo discussa fuerat, quæ erat ab Episcopo Primæ Justinianæ discutienda. Itaque, deductâ causâ ad Episcopum Primæ Justinianæ, damnatus est Hadrianus, atque ab Episcopali Sede depositus, qui propertere aliam sibi ineundam superesse viam non agnovit, quam ut ad Gregorium Pontificem confugeret, quemadmodum reverè confugit. Eum Gregorius benignus

nissimè excipiens in propriae dignitatis ordinem revocandum esse decrevit. Hic subsisto; jam enim exinde facilis redditur interpretatio canonis 52. caus. 16. quæst. 1., cuius priora verba usquæ ad illa neque canonice condemnatum, rectè consonant cum initio Gregorianæ epistolæ. Quæ verò in epistola Gregorii subjiciuntur, atque à Gratiano omittuntur, spectant integrum facti seriem, de qua conqueritur Sanctus Pontifex, omnia fraudibus, & calliditatibus invidorum, ac perfidorum hominum fuisse peracta. Pòst quæ ità prosequitur: *Sed de Joanne Prima Justinianeæ Urbis Antistite, ac de nequissimo ejus, damnandoque judicio alias sumus, juvante Domino, tractaturi. Hadrianum &c.*, quemadmodùm apùd Gratianum in dicto canone 52. usquæ ad verba illa: *Decernimus jussione percipere.* Pòst quæ statim subsequuntur, quæ habentur in can. 13. caus. 25. quæst. 1. hoc modo: *Hac enim consona Sanctis Patribus &c.* pòst quæ rursùs adsuenda sunt, quæ habentur in vers. *Res autem ultimo in memorato canone 52. usquè in finem.*

De epistolis ad Maximum Salonitanum.

Dalmatiam universam turbaverat causa Maximi Salonitani (erat olim Salona Dalmatiæ Urbs Princeps, ex cuius ruderibus deinde crevit Spalatum); nimirum cum vacasset Salonitana Ecclesia nihil non molitus est Maximus, ut eamdem quocumque modo occuparet. In primis, datâ, promissâ pecuniâ, non nullorum Episcoporum suffragia mercatus est; deinde, quos sibi refragantes accepit, vi factâ, & irruens armis dejectit. Spreta hinc canonica electio, neglecta Pontificis Maximi auctoritas, omnia susdequè eversa. Èò tandem devenit Maximus, quò promotioni suæ quamdam conciliaret auctoritatem, ut fingaret Imperatoris Diploma, quo sibi concessum jure fuisse Episcopatum aperi- tissimè declararetur. Bonis omnibus dis- plicuit tantus ambitus, præsertim Gre- gorio Papæ, qui perditum hominem,

impium sicarium, & impudentem falsarium ab Altaris communione pronuncia- tâ sententiâ removit. Factus hinc fuit audentior Maximus, nàm, Gregorii sententiâ spretâ, sacra officia publicè obiit de more: imò & ipsam epistolam Papæ, in qua sententia damnationis con- tinebatur, publicè scindendam voluit. Tandem verò pœnitentiâ motus vetera crimina expiavit, quem propterea Gre- gorius ex indulgentia singulari ad com- munionem Ecclesiasticam restituit, imò etià concessâ Episcopi dignitate, sacro pallio decoravit, juxta suorum Prædeces- sorum morem. Re ità explicatâ, facile ^{Can. 9.} dist. 12. percipitur canon 9. dist. 12., qui sanè parum congruere videtur proposito Gra- tiani. Excerptus ille est ex epistola 81. lib. 9. in Maurina, & 82. lib. 7. in vul- gari editione, in qua benignè Grego- riuss Maximum pœnitentem alloquitur his verbis: *Postquam ergo Fraternitas tua Apostolice Sedis communionem se reparasse cognovit, personam ad Nos transmittat, quæ pallium tibi deferendum ex more percipiat. Nàm, quemadmodùm illicita perpetrari non patimur, sic, quæ sunt consuetudinis, non ne- gamus.* In hac porrò epistola Gregorius Maximum utpotè conversum ad catho- licam unitatem jam *Salonitanum Episcopum* salutavit.

Non ità se Gregorius gessit in alia ^{Can. 10.} epistola, quam anteà ad Maximum scrip- ^{caus. 5.} serat, quo tempore ex ambitu omnia turbabat. Ea est epistola 25. lib. 5. in vulgari, & lib. 6. Maurina editione. Illius inscriptio hæc est: *Gregorius Maximo ar- reptori Ecclesie Salonitanae;* vel ut alii codi- ces exhibent: *Gregorius Maximo in Salona, qui Episcopatum arripuit.* Ibidèm Gregorius Maximum commonefacit, ut ab ambitu suo recedat, debitam Prælatis obedien- tiam exhibeat, necnon Romam, si quod suffragium, vel jus habeat, pergit os- tensurus. Hinc depromptus est ca- non 1. caus. 6. quæst. 5., cuius priora verba ità legenda sunt: *Nàm, quod pos- tulas, ut illuc personam dirigere debeamus, quâ præsente de his, quæ dicuntur, possit esse probatio &c.*

Can. caus. q. 1.
1. Eumdem Maximum *Salonitana Ecclesie Presumtorem* appellat Gregorius in epistola 20. lib. 3. in vulgari, & lib. 4. in Maurina editione, ubi Gregorius eumdem Maximum ab officio Sacerdotis amovet, quousquè constitisset de Imperiali Diplomate, quod se obtinuisse Maximus ajebat, quemadmodum superiùs animadvertis. Ex hac epistola exceptus est canon 1. caus. 9. quæst. 1., cujus sententiâ ex præcedentibus epistolæ verbis clarior adparebit, ibi: *Additur inauditum nefas, quod per interdictionem quoquè nostram, quæ sub excommunicatione tua, ordinantiumque te facta est, cesis Presbyteris, Diaconibus, ceteroque Clero, manu militari ad medium diceris deductus. Quam rem Nos consecrationem dicere nullo modo possumus, quia ab excommunicatis est hominibus celebrata.*

De epistolis ad Natalem Salonitanum Episcopum.

De Natali Salonitano Episcopo nonnulla jam disserui superiùs, ubi actum est de Antonino in Dalmatia Subdiacono, præsertim quod spectat Honoratum Archidiaconum, quem Natalis injustè & prætextu promotionis ad majorem gradum, honore, & officio exuerat. Erat Natalis in rebus ecclesiasticis administrans maximè negligens, cognatis suis, & amicis indulgens. Ad eum scripta est epistola Gregorii 14. lib. 2. in vulgari, & 18. lib. 2. in Maurina editione, in cuius initio legitur canon 5. dist. 44. ubi pro verbis illis: *si hæc actionum tuarum, legendum est ex integris codicibus: nisi hæc actionum tuarum.* Exhibit hæc perspicuè indolem, Episcopo indignam, Natalis. Quæ sequuntur in epistola, respiciunt causam Honorati Archidiaconi; hunc enim, ut præfatus sum, cum obsisteret pravæ rerum ecclesiasticarum administrationi, Natalis ab Archidiaconatu transtulit ad Presbyteratus ordinem reluctantem, & invitum; atque in locum ipsius alium sibi indulgentem ordinavit. Eam ob rem irritam declaravit Grego-

rius utriusque ordinationem, voluitque substitutum Archidiaconum à ministerio perperam suscepto cessare, Honoratum verò in suum gradum restitui. Sententia Gregorii integra habetur in canone 40. caus. 7. quæst. 1.

Alia est epistola Gregorii ad Natalem 37. in vulgari, 52. in Maurina editione lib. 2. In ea fermè eadem repetit Gregorius, quæ in præcedente, Natalem Episcopum paternè corrigens, & ad meliorem frugem excitans. Quoniàm verò Natalis laudaverat apud Gregorium frequentia, quibus delectabatur, convivia, quasi ad benevolentiam conciliandam instructa, respondet Gregorius: *Convivia autem communia, quæ ex intentione impendenda charitatis sunt, rectè Sanctitas vestra in suis epistolis laudat. Sed tamen sciendum est &c.* Hæc retulit Gratianus in can. 6. dist. 44.

Præterea responderat Natalis, se ordinem ecclesiasticum non ignorare, quod à Gregorio in præcedente epistola sibi objectum fuerat. Rescripsit autem hoc in loco Gregorius: *Quod autem vos fatemini ecclesiasticos ordines ignorare non posse, ego quoquè hoc de vobis per omnia scio, atque idcirco valde contristor; quia, cum rerum ordinem scitis, in me, quod pejus est, sciendo deliquistis.* Postquam enim ad Beatitudinem vestram, & Decessoris mei, & mea in causa Honorati Archidiaconi scripta directa sunt, tunc contempta utriusque sententiâ præfatus Honoratus proprio gradu privatus est. *Quod si quilibet ex quatuor Patriarchis fecisset, sine gravissimo scando tanta contumacia transire nullo modo potuisse.* Tamen, postquam Fraternitas vestra ad suum ordinem rediit, nec ego mea, nec Decessoris mei injuria memor sum. *Quod verò dicitis nostris temporibus debere servari,* (hæc retulit Gratianus in can. 10. caus. 25. quæst. 2.) quæ à meis quoquè Prædecessoribus tradita, atque custodita sunt, absit hoc à me, ut statuta Majorum Consacerdotibus meis in qualibet Ecclesia infringam, quia mibi injuriam facio, si Fratrum meorum jura perturbo. Sed, cum responsales vestri ad venerint, quæ inter vos, & præfatum Honoratum Archidiaconum sint gesta, cognoscam, &

ex ipso meo examine perpendetis, quia si pars vestra per justitiam fulta est, nihil adversi à me perferetis, sicut nec ante pertulistis. Sin vero sapè fato Honorato Archidiacono in assertione sua justitia suffragatur, ex ejus absolutione monstrabo, quia personas, etiam quas novi, in iudicio non cognosco. De excommunicationis vero articulo (hic est canon 15.

*Can. 15. caus. 24. quæst. 3.) quæ tamè interpositâ conditione gradus, secundo, vel tertio, jam ut ità dicam, ex necessitate subjuncta est, Beatus vestra immerit queritur, cum Paulus Apostolus dicat: In promptu habentes ulcisci omnem inobedientiam. Sed ista jam transeunt, ad nostra redeamus. Si enim rectè agit, ego Domino Natali non possum conjunctus non esse, cuius me affectui valde esse debitorem novi. Sic rectè conjuncti sunt canones, quos ex eodem contextu diversas in partes disciderat Gratianus. Ex his autem, quæ descripta sunt, liquet, integrum hanc Gregorii epistolam objectam fuisse responsonibus Natalis Salonitani, qui conquestus fuerat se à Gregorio redargui, quod Ordinum ecclesiasticorum rationem ignoraret, sive Prælatis suis minimè obtemperaret; item quod non æquo iudicio communione ecclesiastica privatus esset. Quibus rescripsit Gregorius, primò Ordinem ecclesiasticum non vi- sum fuisse notum Natali, ubi non paruit Romanis Antistitibus, à quibus præceptum erat, ut Honoratus in pristinum statum restitueretur; quod si Natalis se Ordinem ecclesiasticum non ignorare asseruit, eo vehementius conquestus est Gregorius, cum videret negligi à Natali Ordinem ecclesiasticum non ex ignorantia, sed sponte, & animo delibera- rato. Ex quibus magisque intelligitur Gregorii sententia in memorato canone 5. dist. 44. ibi: *Ipsum quoque usum ecclæiasticæ Ordinis ignores.* Deinde ait Gregorius, se quidem minitatum fuisse Natali pœnam excommunicationis, sed post secundam, vel tertiam monitionem, immo & adjectâ conditione, nisi resipuerit. Notant in iis verbis Maurini, vocem illam *gradus*, quæ legitur in dicto canone 15. in plerisque MSS. Codicibus de-*

siderari; quidquid ibidem observaverint Romani Correctores.

Ad eamdem Honorati Archidiaconi ^{Can. 20.} _{dist. 74.} Salonitani causam pertinet canon 2. dist. 74. depromptus ex epistola Gregorii 19. lib. 1. eisdem omnino verbis. Quod ibidem dicitur de *Secretario*, in quo confecta fuerant gesta Concilii habitu in causa Honorati, referenda sunt ad veterem Episcoporum morem, qui in Secretario Ecclesiæ suæ Concilia Diocesana celebrare solebant. Porro Secretarium idem erat, ac Diaconicum, sive pars templi secreta, in quam Episcopus se se recipere solebat antea, & post Sacra celebra- ta, quemadmodum commodè deducitur ex Concilio Laodiceno can. 21., & Sidonio Apollinari lib. 5. epistola 17. Cum hac causa Honorati similis fuit causa Ætii Archidiaconi Constantinopolitani; quemadmodum enim Honoratus sub promotionis specie dejectus est à Natali Salonitano, ita Ætius sub eodem praetextu dejectus est ab Anatolio Constantinopolitano. Hinc, quemadmodum Gregorius dejectionem Hon- orati improbavit in locis nupèr laudatis, ita Leo Magnus jam dudum im- probaverat dejectionem Ætii, ita scribens ad Marcianum epist. 84. *Qui (nimirum Anatolius) non inveniens, quod ar- gueret in fide, quod improbaret in moribus, dejectionem innocentis per speciem honoris im- plevit.*

De epistola ad omnes Salonæ Consistentes.

Recolenda sunt iterum hoc in loco, ^{Can. 20.} _{dist. 93.} ^{& can. 2.} quæ superius tradidi ad epistolas Gre- gorii ad Maximum Salonianum, (qui ^{caus.} _{q. 6.} nimirum impetu facto Ecclesiam Saloni- tanam invaserat) ut facilius percipiatur argumentum Gregorianæ epistolæ 26. in vulgari editione lib. 5., in Maurina lib. 6., cui haec inest inscriptio: *Gregorius dilectissimis Filiis Clero, & Nobilibus, Salonæ consistentibus.* Cum enim Gregorius adversus Maximum vehementissime fuerit indignatus, hac epistola cer- tio,

riores fecit Salonianos Cives, se non
privato odio eā in causā duci, sed ex ze-
lo ecclesiasticæ disciplinæ: mirari ta-
mèn interēa, quōd ex tot Salonianis Ci-
vibus, ac Clericis perpauci admodūm
fuerunt, qui à Maximi communione ab-
stinuerint. Gregorii verba, ad quæ exi-
gendas erit canon 2. caus. 1. quæst. 6.,

Can. 2. hæc sunt: Pervenit ad me, quosdam per-
caus. 1. versæ mentis homines, ut dilectionis vestræ
q. 6. & can. 2. animos vulnerarent, vobis insinuare contatos,
dist. 93. quia ego contra Maximum quodam odio mo-
vear, & non magis que canonica, sed ea,
que furoris sum, execui concupiscam. Sed ab-
sit hoc, absit à sacerdotali animo, ut in qua-
libet causa privato zelo moveatur. Ego autem
& vestræ dilectioni providens &c., quæ le-
guntur in memorato canone 2. Pòst
nonnulla sequuntur in epistola ver-
ba canonis 2. dist. 93., in quibus nihil
est singulare, & dignum animadver-
sione.

De epistola ad Sabinianum Episco- pum Tadertinum.

Can. 3. Urbs Archiepiscopalil Illyrici est
dist. 50. Jadera, vulgò Zara adpellata, cuius Ant-
istes Gregorii Magni tempore erat Sa-
binianus. Ad ipsum scripta est epistola
25. lib. 7. in vulgari, & 24. lib. 8. in
Maurina editione. Ei gratulatur Sanctus
Pontifex, quōd abstinuissest à commu-
nione Maximi Salonianii, cui ipse Gre-
gorius, ut superiùs dictum est, suâ com-
munione interdixerat; eaque occasione
nonnulla subjecit in causa cujusdam lapsi
Presbyteri, quem non esse in gradu
pristino recipiendum docet, quemad-
modū refert Gratianus in can. 3. dist.
50., cuius priora verba ita legenda sunt
ex optimis epistolæ exemplaribus: Pres-
byterum verò, de quo nos Fraternitas tua lat-
oris præsentium relatione consuluit &c. Ex his
sanè deducitur, Gregorium fuisse vi-
gilantissimum veteris ecclesiasticæ dis-
ciplinæ custodem, atque adsertorem,
juxta quām Clericis semel lapsis nulla
restitutionis spes supererat, quemadmo-
dū & idem Gregorius alibi docet, ni-

mirūm in epistola ad Januarium Calari-
tanum, ex qua desumptus est canon 9.
dist. 50., & in epistola ad Petrum Sub-
diaconum, quæ est 18. lib. 1. in fine.
Hinc postrema canonis verba, quibus
dicitur cum reo mitiū agendum esse, quia
facili professione facinus suum confes-
sus fuerat, non ita intelligenda sunt, ut
reus idem in suum ordinem restituatur,
sed ut mitiori pœnitentiæ subjiciatur.

SECTIO VII.

De epistolis, per Apuliam, & Ca- labriam directis.

De epistola ad Andream Taren- tinum.

Tarentum olim magnæ Græciæ, Can. 70.
nunc Regni Neapolitani pars est in Pro-
vincia Hydruntina, hodiè Civitas Ar-
chiepiscopalil. Tempore Gregorii erat
ejus Urbis Antistes Andreas, quem de
concubinatu reprehendit Sanctus Ponti-
fex in epistola 44. lib. 2. in vulgari, &
45. lib. 3. in Maurina editione his ver-
bis: Tribunal Iudicis æterni securus adspiciet,
quisquis reatus sui conscius dignâ eum modâ
pœnitentiâ placare contendit. Habuisse te si-
quidem concubinam manifestâ veritate compe-
rimus, & te illius criminis participationem
habere. De qua etiam contraria est quibusdan-
nata suspicio &c. Ex his supplendus erit,
atque emendandus canon 7. dist. 33.
De eadem causa scripsit Gregorius ad
Joannem Episcopum Callipolitanum his
verbis: Ex gestis, que ad Nos Fraternitas
tua direxit, inventum est, Andream fratrem,
& Coepiscopum nostrum habuisse sine dubio
concubinam. Sed quia incertum est, si eam
in sacro ordine constitutus conigerit, necesse
est, ut eum sollicitâ adhortatione commoneas,
ut, si positus in sacro ordine cum ea se novit
immixtum, ab eo, in quo est, officio quiescat,
& nullatenus administrare presumat.

De epistolis ad Sergium Defensorem, & Vitalianum Episcopum Sipontinum.

Can. 19. caus. 27. q. 1. Urbs Apuliae Episcopalis olim erat Sipontum, cuius dirutæ loco sita deinde est Manfredonia in ora maritima ad radices montis Gargani. In hac Urbe munere Defensoris fungebatur Sergius. Porro Defensoris officium duplex erat; alii enim civiles Defensores, & publici Urbibus Imperiali auctoritate præsidebant; alii Ecclesiastici, qui singularem viduarum, pauperum, Monachorum, & Clericorum curam gerebant utraque fretri auctoritate, civili nimirum, atque ecclesiasticâ, de quibus mentio fit in Novella Justiniani 56. Ex hoc posteriori genere erat Sergius, ad quem habemus epistolam 10. lib. 7. in vulgari, & 9. lib. 8. in Maurina editione, relatam integrè apud Gratianum in can. 19. caus. 27. quæst. 1. Ibi Gregorius Sergium monet, ut unâ cum Vitaliano Sipontino Episcopo curet, virginem quamdam, è monasterio post elicitam professionem egressam, in monasterium reverti. Verba epistolæ paulò discrepant à verbis Gratiani; nâm ubi Gratianus legit: *Nuncius pervernit.... ubi districte.... pœna possis reserante.... que modò facere præceperis, à te debueramus etiam cum ultiōne ante facta cognoscere,* legitur in epistola: *Nuncius perveniret.... ubi stricte.... pœna possis resecante.... que modò facere præciperis, à te debueramus etiam cum ultiōne facta cognoscere.*

Can. 18. caus. 27. q. 1. Eamdem ob causam scripsit Gregorius ad Vitalianum Sipontinum Episcopum, epist. 9. lib. 7. in vulgari, & 8. lib. 8. in Maurina editione; quæ integræ refertur in can. 18. caus. 27. quæst. 1. Levia nonnulla emendare oportebit, ut canon Gratianus omnino cum integris epistolæ exemplaribus conveniat. Nimirum ubi legit Gratianus: *Nam si, ut præfati sumus.... quia ergo tantum habes.... in Monasterio &c.* Legendum est: *Nam, sicut præfati sumus.... quia ergo tantum habes.... in Monasterium &c.* Monent etiàm

Maurini Monachi in illis verbis: *Non credimus laicorum &c.* in nonnullis MSS. Codicibus legi: *Non credimus Clericorum, vel Laicorum &c.* Ex toto autem contextu liquet, idèo Gregorium de ea re ad Vitalianum scripsisse, quia Vitalianus parum, de eo crimine puniendo, emendando, sollicitus videbatur, quandò potius, ac prius de pœna inficta certiorē Pontificem Maximum reddere debuisset, quam Pontifici Maximo, quid actum esset, renuntiaret. Hæc sententia plurimū convenit cum lege 3. Cod. de officio Præfecti Prætoriorum Orientis, & Illyrici, quâ cavetur, ab judicibus inferioribus ad Supremos Magistratus, *non criminis, sed vindictam ipsam referri;* sive Romanorum minores Magistratus paratos esse debuisse ad animadvertisendum in facinerosos homines, non supremi Magistratus jussionem exspectare.

SECTIO VIII.

De epistolis, directis per Lucaniam, & Brutios.

De epistolis ad Bonifacium Episcopum Regensem.

Gratianus, relatus in can. 9. dist. 32. Gregorii monumentum, quo ostenderet Subdiaconis servandæ castitatis obligationem imminere, refert quidem integrum, accommodatumque fragmentum epist. 5. lib. 3. in vulgari, & lib. 4. in Maurina editione ad Bonifacium Episcopum Regensem; ex eo tamen non satis aperte liquet Gregorii propositum, nil aliud adserentis, quam à Subdiaconis Regiensibus illud ipsum servandum esse, quod jam pridem custodiendum mandatum fuerat Subdiaconis Siciliæ. Quamobrem huc revocanda erit epistola Gregorii ad Petrum Subdiaconum in Sicilia, ex qua deprompti sunt canon 1. dist. 28., & can. 1. dist. 31.; ex illis enim aperte liquet, Siciliæ Subdiaconos continentiae servandæ lege obstrictos fuisse.

Ad

Can. 49.
caus. 12.
n. 2. Ad eumdem Bonifacium Regien-
sem scripta est epistola 43. lib. 2. in-
dict. 11. in vulgari editione, 44. lib. 3.
in Maurina, ubi Gregorius Bonifacium
monet, ut foeminae cuidam restitutae ea
bona, quæ Lucius Bonifacii decessor,
cum ad illam pertinerent, per vim oc-
cupaverat, & Ecclesiæ addixerat. Ini-
tium hujus epistolæ eisdem omnino ver-
bis legitur in can. 49. caus. 12. quæst. 2.

Can. 2.
caus. 27.
n. 1. Non idem sanè Bonifacius Regien-
sis est, ad quem scripta est Gregorii
epistola, ex qua legimus canonem 2.
caus. 27. quæst. 1., quemadmodum nec
idem est Gregorius Magnus illius auc-
tor. Ivo in cap. 63. partis 7. eadem ver-
ba referens laudavit fragmentum his ver-
bis: *Ex epistola S. Gregorii Pape, missâ ad Bonifacium.* Eodem ferè modo Burchar-
dus in cap. 45. lib. 8. *Ex epistola Gregorii Pape, missâ ad Bonifacium.* Regino Pru-
miensis eadem retulit tum in cap. 56.
prioris appendicis, tum in cap. 45.,
& 46. posterioris, cum hac inscriptione:
Ex epistola B. Gregorii Pape, Bonifacio Archiepiscopo missâ, in qua inter cetera ita legitur. Idem titulus habetur in additione
4. Capitularium cap. 88. Ex quo facile
liquet, hanc epistolam tribuendam esse
potius aut Gregorio II., aut Gregorio III. in epistola ad Bonifacium Episco-
pum in Germaniam missum, nisi forte
quispiam malit epistolam hanc ipsam
adscribere Zachariae Gregorii III. suc-
cessori, cuius epistolæ etià plures ex-
tant ad Bonifacium eumdem scriptæ, at-
que ad eamdem propemodum causam
pertinentes; quæ propterea à Collecto-
ribus confundi facile potuerunt, ut aliae
pro aliis sumerentur. Quicumque autem
ex iis Pontificibus auctor fuerit Gratia-
nei monumenti, parùm referre videtur,
dummodo animadvertamus, disciplinam
ibidem traditam rectè congruere initio
octavi saeculi, quo iidem Pontifices flo-
ruerunt; dummodo præterea epistola
non referatur ad ipsa initia missionis Bo-
nifacii Episcopi in Germaniam; etenim
quod in memorato canone 2. traditur,
supponit Germanorum Ecclesiam jam

suscepisse tunc non tantum Christi Fi-
dem, quæ præcipua erat, sed Ecclesiasticam
etià disciplinam. Interè non ni-
hil intererit eadem verba canonis refer-
re, prout in Capitularibus leguntur, tam-
quam in eo exemplari, quod ceteri Col-
lectores sequuti fuisse videntur. Ità ex-
hibet Capitularium Collector in addit.
4. cap. 88. *Viduas, à proposito discedentes viduitatis, super quibus nos consulere voluit dilectio tua, Frater charissime, credo te nosse à Sancto Apostolo Paulo, & à multis Sanctis Patribus, nisi convertantur, olim esse damnatas; quas & nos Apostolica auctoritate damnandas, & à communione fidelium, atque à liminibus Ecclesie arcendas fore censemus, usquequid obedient Episcopis suis, & ad bonum, quod cuperunt invitæ, & voluntarie revertantur.* De virginibus autem non velatis, si devia-
verint, à sanctæ memoria Prædecessore nostro Papa Innocentio taliter decretum habemus. Hę
vero, que, nequid sacro velamine testæ, ta-
men in proposito virginali semper se simulave-
runt permanere, licet velatae non fuerint, si
nupserint, his agenda aliquanto tempore pénitentia est; quia sponsio eorum à Domino te-
nebatur. Si enim inter homines solet bone fidei contractus nullâ ratione disslovi, quanto
magis ista pollicitatio, quam cum Deo pepigit,
solvi sine vindicta non poterit? & cetera. Nam
si virgines nondum velatae taliter pénitentiâ
publicâ puniuntur, & à cœtu fidelium usquè
ad satisfactionem excluduntur, quanto potius
viduae, quæ perfectioris etatis, & maturioris
sapientia, atque consili existunt, virorumque
consortio multoties usæ sunt, & velari se per-
misserunt, habitumque religionis assumpserunt,
& demum apostatauerunt, atque ad priorem
vomitum sunt reversæ, à Nobis, & ab om-
nibus fidelibus, à liminibus Ecclesie, & à cœ-
tu fidelium usquè ad satisfactionem sunt eli-
minandæ, & carceribus tradendæ, qualiter
juxta B. Apostolum Paulum, tradentes hujus-
modi hominem satana in interitum carnis, ut
spiritus salvis sit in die Domini. De talibus
enim & Dominus per Moysen loquitur, dicens:
Auferte malum de medio vestri. De quibus &
per Prophetam ait: Lætabitur justus, cum vi-
derit vindictam: Manus suas lavabit in san-
guine peccatoris. De talibus namque, eorumque

similibus, atque eisdem consentientibus, (quia non solum qui faciunt, sed etiam qui facientibus consentiunt, rei sunt) Dominus per eumdem Prophetam David loquitur, dicens: Videbas furem, currebas cum eo, & cum adulteris portionem tuam ponebas. Et multa talia, eorunque similia. Tales vero persone indubitanter adulterae esse manifestantur, quoniam, relicto immortali sposo, ad anteriorem ut canes ad proprium reversae sunt vomitum, & apositae factae inlicita, ac sacrilegâ se contagione polluentes, viris mortalibus se conglutinaverunt; quae etiam juxta eundem Apostolum Paulum, eo quod viduitatis propositum dimiserunt, & a fidem, quam cum Deo pepigerunt, frangere presumpserunt, atque primam fidem prævaricaverunt, sunt damnanda à nobisque, & à vobis, atque à reliquis nostri ordinis viris, à singulis videlicet suâ in Diœcesi, à liminibus Ecclesie, & à cœtu fidelium, usquæ ad satisfactionem, ut prædictum est, sunt eliminandæ. A talium autem consortio, & societate omnes fideles in omnibus abstinere mandamus. Super quibus etiam placuit, quoque in ipso detestando, & inlicito, atque sacrilego carnis contubernio perseverant, ut nullus Christianorum, nisi quibus proprius studio corrigendi iusserrit Episcopus, cum eis in quoquam communiceret, aut ad domum, in qua sunt, accedat; cum quibus etiam, ut jam dictus Sanctus præcipit Apostolus, nulli fidelium cibum sumere licet. Quod si quis ex his quidquam tentare, aut temerare presumpserit, pari cum eis excommunicationis sententiâ feriatur &c. Integrum exscripti monumentum, quod sub Gregorii ad Bonifacium Archiepiscopum scribentis nomine in Capitularibus adjectis refertur, non tantum ut ex eo suppleretur quidquid Gratianeo canonii deest, sed etiam ut exinde dignosceretur, an ea omnia, quæ ibidem traduntur, jure optimo aut Gregorio II., aut Gregorio III., aut Zachariæ, Pontificibus tribuantur; plurimum enim vereor, ne multa sub Gregorii nomine congesta sint, quorum quidem pars eumdem Pontificem deceat, pars vero ab eodem, vel ejusdem temporis Pontificibus facile adjudicetur. Sanè in eo nulla dubitatio esse potest, quod dici solet, viduas à

proposito recedentes Episcoporum protestati fuisse obnoxias, quemadmodum inter cetera perspicue deducitur ex Capitulari anni 779. cap. 5. ibi: Ut Episcopi... de viduis infra suam parochiam potestatem habeant ad corrigendum. Verum hæc Episcoporum potestas in sola admonitione consistebat, non in poenit gravioribus infligendis, quod exprimit luculentè Zacharias Papa in epistola ad Pippinum Majorem-domus, itemque ad Episcopos, Abbates, & Proceres Francorum, quæ incipit Gaudio magno cap. 6. ibi: De viduis, si possint in propriis habitaculis suis salvare animas, item ex eodem libro cap. 21. ita continetur. Ut viduae non velenatur à Pontificibus, & si professam continentiam, proposito mutato, calcaverint, ipsæ prose rationem Deo pro suis sint actibus redditur. Nam de viduis sub nulla benedictione vlandis, superius latius duximus disserendum; quæ si propriâ voluntate professam conjugii castitatem mutabili mente calcaverint, periculi earum intererit, quali Deum debeant satisfactione placare. Sicut enim, si se forsitan continere non poterant, secundum Apostolum nullatenus nubere vetabantur, sed, habitâ secum deliberatione, promissam Deo pudicitia fidem debuerunt custodiare. Nos autem nullum talibus laqueum debemus injicere, sed solam adhortationem premii sempiterni, poenasque proponere divini judicii, ut nostra sit absoluta conscientia, & illarum pro se rationem Deo reddat intentio. Igitur Zacharias aut velari viduas pati noluit, quod & vetustiores Pontifices tradiderant; aut nullis poenis affligendas esse jussit viduas à sancto proposito recedentes, sed prudentibus tantummodo monitis adjuvandas. At si hæc servari debuerunt apud Episcopos Francorum, apud quos sacrae disciplinæ vigor jam diu fuerat institutus, quomodo aut Gregorius sive II., sive III., aut idem Zacharias arctiore proponere voluit disciplinam Germanis, nuper ad Fidem conversis, quorum ratione nonnulla ab eisdem Pontificibus fuisse scimus maximâ cum indulgentiâ remissa? De virginibus sanè similis Constitutio ibidem à Zacharia lata demonstratur cap.

cap. 21. ibi: *Itèm de non velatis virginibus, si deviaverint, in eodem libro 20. capite continetur: Hæ verò, quæ, necdùm sacro velamine tectæ, tamèn in proposito virginali semper se simulaverunt permanere, licet velata non fuerint, si forte nupserint, his agenda aliquanto tempore pœnitentia est, quia sponsio eorum à Domino tenebatur. Si enim inter homines solet bona fidei contractus nullà ratione dissolvi, quantò magis ista pollicitatio, quam cum Deo pepigit, solvi sine vindicta non poterit? Nam, si Apostolus Paulus, quæ à proposito viduitatis discesserant, dixit, eas habere damnationem, que primam fidem irritam fecerunt, quantò potius virgines, que prioris permissionis fidem frangere sunt conata?* His, arbitror, Zachariæ fragmentis usus est, qui memoratum Gratiani canonem consarcinavit, & viduis accommodavit, quod de virginibus traditum fuerat; præser-tim verò viduis hæc accommodare se posse ratus est ex eo, quòd similia quædam legerat in Concilio Germanico, habito à Bonifacio Archiepiscopo sub eodem Zacharia Pontifice anno 742., ubi cap. 6. ita decretum fuit: *Statuimus si-militer, ut post hanc Syuodum, que fuit xi. Kal. Maji, quisquis servorum Dei, vel ancilla-rum Christi, in crimen fornicationis lapsus fuerit, in carcere pœnitentiam faciat in pane, & aqua. Et si ordinatus Presbyter sit, duos annos in carcere permaneat, & anteà flagel-latus, & scorticatus videatur, & post Epis-copus adaugeat. Si autem Clericus, vel Monas-chus in hoc peccatum inciderit, post tertiam verberationem in carcerem missus, vertente an-no ibi pœnitentiam agat. Similitè & Nonne velata eadem pœnitentiâ contineantur, & ra-dantur omnes capilli capitis ejus. Quod ibi dicitur de Nonnis, quispiam fortè de viduis intellexit juxta illud Hieronymi ad Eustochium: Et quia maritorum exper-ta dominatum viduitatis praferunt libertatem, castæ vocantur, & Nonne. Sed aliter in Re-gula S. Benedicti, & in Concilio Aquis-granensi anni 816. can. 18. Nonni, & Nonnæ vocantur, ii nimirūm, eaque, qui in Monasteriis præfecti ceteris erant, præfectæ, quâ nimirūm significatio-ne Itali etiamnūm designant avos, avias-*

que, in signum paternæ reverentiae. Ita-què Bonifacius Archiepiscopus voluit, Nomina pœnitentiam gerere debere in car-cere ad instar Clericorum, & Monacho-rum: scilicet ut illæ remotæ à ceterarum consortio remanerent, non tam pœ-nitentiae causâ, quâm ne quotidianum inter Sanctimoniales pravæ anteactæ vi-tæ vestigium superesset. Hujusmodi car-ceres apud veteres Pontifices ergastula nuncupata fuerunt, ut in epistola Siri-cii ad Himerium Episcopum Tarraco-nensem cap. 6. Ex his facilè colligi po-test, memoratum Gratiani canonem, prout in Gratiani codicibus jacet, non facilè tribui posse Gregorio II. aut III., aut etiàm Zachariæ, in ea parte, in qua de viduis agitur; quamquâm in altera parte, in qua agitur de virginibus, apprimè conveniat.

De epistola ad Felicem, Episcopum de Acropoli.

Cum plures Ecclesiæ in Lucania Can. 14.
caus. 12.
q. 1. constitutæ vacassent, scilicet Velia Urbs olim Episcopalís, in ora littoralí maris Tyrreni Pextum inter & Bruxentum constituta; itèm Bruxentum Urbs Italiae, quæ nûnc dicitur Policastro sub Archiepiscopo Salernitano, ubi nûnc est Principatus citerior in Regno Neapolitanó; itèm Blanda, quam olim fuisse Lucaniæ Urbem, tradit Cluverius Italiæ antiquæ lib. 4. pag. 1263., quæque ho-diè appellatur Porto di Sapri; harum om-nium visitationem juxtâ morem sui tem-poris mandavit Gregorius Felici de Acro-poli Episcopo; in earumdem Urbium vicinia constituto. Erat olim Acropolis Urbs Episcopalís, licet modò sit Op-pidum obscuri nominis, in sinu Salernitanō situm. Hanc ad rem pertinet episto-la Gregorii in Maurina editione 43., in vulgari 29. lib. 2., ex qua legitur ca-non 14. caus. 12. quæst. 1., ubi pro verbo *injunximus* legendum est, *injurgimus*; itèm postrema verba ita supplere oportebit ex integris exemplarib⁹: *Districte, canoniceque ut vivant, modis omnibus studebis.*

G

De

De epistolis ad Joannem Episcopum Squillatinum.

Scillacium (utor verbis Cassiodori libro 12. variar. cap. 15.) prima Urbiū Brutiorum, quam Troja destruktur Ulysses creditur condidisse, Civitas suprà sinum Arabicum constituta, nūc adhuc Episcopalis est sub Archiepiscopo, Regiensi, sita in ora maris Jo-nii in Calabria ulteriore, & Regno Neapolitano, inter Locros, & Cosentiam. De ea mentio fit in can. 25. caus. 25. quæst. 2., qui Gelasium præfesset auctorem. Eadem in epistolis Gregorii appellatur Squillatum, & Joannes ejusdem Episcopus Squillatinus in epistola 25. in vulgari, & 37. in Maurina editione lib. 2. Ibidem Sanctus Pontifex eidem Joanni jam Episcopo Lissitano, sed à sede sua impetu hostili depulso, Ecclesiam Squillatinam regendam commisit. Initium epistolæ legitur in can. 42.

Can. 47. caus. 7. quæst. 1., pòst quæ statim se-caus. 7. quuntur uno contextu, quæ habentur q. 1. Can. 10. dist. 34. in can. 10. dist. 34., ibi: *Precipimus au-tèm, ne unquam &c.*, deinde his adnec-dist. 98. tenda sunt verba canonis 3. dist. 98. junctâ Romanorum Correctorum animadversione. Ex quibus una compositis liquet, Gregorium normam episcopalis vitæ, ac sollicitudinis tradere. Ecclesia Lissitana, seu Lyssitana, quæ in aliquibus etià codicibus Lusitana per-pèram dicitur, à qua ad Squillatinam translatus est Joannes, erat in Urbe Liso, quæ hodiè dicitur Alessio in ora Provinciæ Pravalitanæ in Illyrico ad mare Adriaticum.

Est ad eudem Joannem epistola in Maurina editione 34. lib. 8., in vulgari 33. lib. 7., ad quam pertinet canon 41. caus. 17. quæst. 4., ubi Gregorius Monachorum indemnitati vigilan-tissimè prospicit; jam enim superiùs animadvertisimus non uno in loco, ab Episcopis nonnullis è aetate monasteria turbata fuisse, aliàs autem Sanctum eum-dem Pontificem ita consuluisse, ut Mo-

nachorum quies incolmis haberetur. In eo canone mendum irrepsit in codices Gratianeos; ubi enim legitur: *Scil-lacenum castrum, quæ in CD. pedes exten-ditur*, ex optimis epistolæ codicibus le-gendum est: *Scilacenum castrum, quæ in DC. pedes extenditur*. Dicendum hoc in loco videretur de canone 42. caus. 17. quæst. 4., utpotè qui adsutus est canoni præcedenti. Verùm ad hanc episto-lam minimè pertinet, ac perperam ab auctore Palearum huc loci relatus. Quamobrè cum aliàs à Gratiano des-cribatur in §. ult. canonis 5. caus. 18. quæst. 2., ideo inferiùs commodius ex-pendetur.

De epistola ad Sabinum Subdiaconum in Lucania.

Ex Subdiaconis Regionariis, qui per Suburbarias Provincias, Ecclesiastici Romanæ Ecclesiæ Patrimonii con-servandi causâ, mittebantur, erat Sabi-nus in Lucania, ad quem scripsit Gre-gorius epistola 6. lib. 8. in vulgari edi-tione, 5. lib. 10. in Maurina, ut scili-cet curaret, ne ea, quæ certæ Ecclesiæ ultimâ pii testatoris voluntate relicta fuerant, à privatis detinerentur, sed ipsi Ecclesiæ concederentur, ratione adjectâ, quod qui res Ecclesiæ relietas retinet, sacrilegii crimen admittat. Verba Gregorii ad hanc sententiam pertin-entia integra retulit Gratianus in can. 4. caus. 17. quæst. 4.

S E C T I O IX.

De epistolis, directis per Siciliam.

Gregorii Magni temporibus singu-lari etià jure, sive metropolitico sub-erant Romanæ universæ Siculorum Ec-clesiæ; etenim nulli in Sicilia erant Archiepiscopi: hinc ubi Episcopatus in Sicilia vacabat, confirmatio, & conse-cratio à Romano Antistite omnino pen-debat: in Conciliis provincialibus cele-brandis Romain confluebant Siciliæ Epis-co-

copi; & siquæ etiàm leviores causæ ibidem emergebant, nihil propemodum, irrequisito Romano Antistite, dirimebatur. Hæc facilè deducuntur ex epistola Gregorii ad Petrum Subdiaconum 18. lib. 1., ad Maximianum Siracusanum 4. lib. 2., & aliis. Hæc initio prænotanda duxi, ut exindè adpareret, quare peculiaris fuerit in Siculorum rebus Gregorii cura, ac pastoralis sollicitudo.

De epistolis ad Cyprianum Diaconum.

Can. 2. caus. 12. q. 5. Duæ memorantur à Gratiano Gregorii epistolæ ad Cyprianum, quem idem Pontifex appellavit *Diaconum nostrum, & sicilia Rectorum*. Erat itaqùè Cyprianus Rector ecclesiastici Patrimonii in Sicilia, à Romano Antistite ità præfectus Ecclesiæ bonis, ut curaret, ne quid ex illis aut Episcoporum, aut Clericorum incuria deperiret. Prior epistola est in vetere editione 22. lib. 4., in Maurina 27. lib. 5., & ferè integra refertur in can. 2. caus. 12. quæst. 5. Commendabat Cypriano Gregorius res Ecclesiæ, ne ex testamento à Theodoro Episcopo factò res ecclesiasticae diminuerentur. Is erat Theodorus Episcopus Lilibetanus, pluriè in operibus Gregorii Magni memoratus. Lilibæum enim erat Urbs Siciliæ, hodiè Marsalla, in valle Mazaræ, cuius Episcopus aliquando legatione Sedis Apostolicae functus est, quemadmodum Paschasinus Lilibetanus in Concilio Chalcedonensi vires gessit Magni Leonis.

Can. 8. caus. 19. q. 3. Altera Gregorii epistola est 6. lib. 3. in vulgari, & 6. lib. 4. in Maurina editione. Ex ea depromptus est canon 8. caus. 19. quæst. 3.; ubi tamè nil nisi facti cujuspam enarratio continetur, quæ sanè nihil probare potest, quod conveniat Gratiani proposito. Hæc canonii paffigitur rubrica: *Pòst Monasterii ingressum eidem Monasterio omnia sunt conferenda.* At non hæc est fragmenti Gregoriani sententia; ubi tantum exponitur, Petronillam quamdam virginem re-

ligiosam vestem sumpsisse, unàque res suas in Monasterium speciali donationis titulo contulisse. Quæ in epistola sequuntur, ad rem Gratiani ne facere quidem possunt; etenim Gregorii rescriptum ad Gratiani quæstionem minimè pertinet.

De epistola ad Donum Messanensem Episcopum.

Eximiam Sancti Pontificis pietatem præsefert epistola ia vulgari editione 25. lib. 6., in Maurina 38. lib. 7. ad Dor-

Can. 14. & 16. caus. 12. q. 2.

num Messanensem Episcopum, quem aliqui codices Bonum adpellant, alii Dominum, alii Dominum. Ibi Gregorius suadet, etiàm sacra ministeria in captivorum redemptionem esse vendenda. Priora, & postrema epistola verba leguntur in can. 14., & can. 16. caus. 12. quæst. 2., quæ ut uno contextu jungantur, integrum hic epistolam exhibeo: *Et sacrorum canonum (hic est canon 14.), & legalia statuta permittunt, ministeria Ecclesiæ pro captivorum esse redempitione vendenda.* Et ideo, quoniàm Faustinus lator presentium, ut filii suas de jugo potuissent captivitatis exuere, trecentorum triginta solidorum probatur debitum contraxisse, ex quibus, triginta redditis, ad reliquæ quantitatæ restitucionem eum certum est non posse sufficere, Fraternitatem tuam bis hortamus affatibus, ut de argento Merientis (legunt alii Milensis) Ecclesiæ, cuius miles esse dignoscitur, quod apud vos est, quindecim e libras, accepto ab eo desuscepto, dare modis omnibus debeatis; ut eo venundato, & restituto debito, necessitate vadeat obligationis absolvi. Sed & illud Fraternitas vestra debet esse sollicita, ut, si quidem de predicta Ecclesia usuale argentum est, suprascriptam quantitatem accipiat: alioquin de sacratis vos vasis hac in re eam, quam prediximus, quætitatem prabere necesse est. Nam, sicut omnino (hic est canon 16.) grave est frustra ecclesiastica ministeria venundare, sic iterum culpa est imminentij hujusmodi necessitate res maximè desolata Ecclesiæ captivis suis præponere, & in eorum redemptione cessare.

De epistolis ad Fantinum Defensorem.

Can. 2. caus. 14. q. 6. Victor Panormitanus Episcopus, Ju-
dæis apprimè infensus, illorum synago-
gas occupaverat, quotcumque sitæ erant
in Urbe Panormitana, unâ cum ceteris
Judæorum hospitiis. Id factum impro-
bat Gregorius in epistola ad Fantinum
Siciliæ Defensorem 59. lib. 7. indictio-
ne 2. in vulgari, & 55. lib. 9. in Mau-
rina editione, jubens, ut curet Judæis
omnia loca restitui, quæ nondum Epis-
copali auctoritate in Christianorum tem-
pla consecrata fuissent: pro iis verò,
quæ jam consecrata proponerentur, pre-
mium reddi. Sanè Gregorio illud sempèr
antiquissimum fuit, ut quoscumque
etiam à Christiana Fide alienos ita be-
nignè exciperet, ut blanditiis potius in
rectam semitam traheret, quam affli-
gendo à Christiano nomine magis in dies,
ac magis averteret. Id quoque alias hu-
cumenti expressit, præsertim in can. 3.
dist. 45. Ex memorata epistola de-
promptus est canon 2. caus. 14. quæst.
6., cuius verba à Gratiano in epitо-
men propemodum redacta, ita potius
erunt describenda: *Ante aliquantum tem-
pus Victori Fratri, & Coepiscopo nostro scrip-
simus, ut, quoniā quidam Judæorum datâ no-
bis petitione questi fuerunt, synagogas in Ci-
vitate Panormitana positas cum hospitiis suis
fuisse ab eo irrationabiliter occupatas, quo-
què causa, utrum justè factum esset, potui-
set agnoscī, ab eorum suspenderet se congre-
gatione; ne forte in eorum sola voluntate ver-
sari prejudicium videretur.* Et quidem nos, præ-
dictum Fratrem nostrum incongruè aliquid
egisse, Sacerdotii ejus respectus facile credere
non permisit. Sed quia, Salerio Notario nos-
tro, qui illic præsens postea inventus est, re-
nunciante, comperimus, nullam exitisse cau-
sam, pro qua potuissent rationabiliter occupa-
ri, atque eas esse inconsultè, ac temere con-
secratas; idcirco experientia tua præcipimus,
ut quia, quod semel consecratum est, Judæis
ultra non valet restitui, quantum à Filiis glo-
rioso Venantio Patricio, & Urbico Abbe sy-

nagogæ ipsæ cum his hospitiis, quæ sub ipsis
sunt, vel earum parietibus coherent, atque
hortis ibi conjunctis, estimata fuerint, studii
tui sit, ut præfatus Frater, & Coepiscopus
noster dare pretium debeat, quatenus hoc, quod
occupari fecit, in jus Ecclesia ipsius valeat per-
manere, ut illi opprimi, aut aliquam pati in-
justitiam, nullo modo videantur. Aurea sa-
nè sententia, quæ & cum rectâ ratione
consonat, & cum civili Romanorum
Jure, quod res semel religiosas, aut sa-
cras, aut publicas rursus in prophanas,
aut privatas abire non sinit, servato tam-
en antiqui Domini jure, ut saltēm pre-
mium consequatur.

Et quidem supradictam causam Fan-
tino Defensori Gregorius mandaverat, in
cujus solertiam jam expertus fuerat, in
procuranda Judæorum ad Christianam
Fidem conversione. Nimirūm Fantinus
jam delegatus pridem à Gregorio fue-
rat, ut Judæos quosdam, in Agrigen-
tino territorio consistentes, & se baptizari
postulantes, benignè exciperet, imo
& baptizari curaret; quemadmodum li-
quet ex epist. 23. lib. 8. in Maurina,
& 24. lib. 7. in vulgari editione, ex qua
depromptus est canon 98. de cons. dist.
4., ubi Maurini Monachi adnotant, le-
gendum esse baptizet, non verò baptiz-
zes, ut nimirūm referatur ad Episcopum
loci illius, non ad eumdem Fantinum;
erat enim tūm Episcopis reservatum so-
lemne baptismā conferre, nec eidem
Fantino, utpote Defensori, congruere
poterat, cum ut plurimum Defenso-
res Ecclesiasticinon nisi Subdiaconi consi-
tituerentur.

De epistola ad Felicem, Messanensem Episcopum.

Quæ Gregorii epistola 32. in lib.
12. vulgaris, & 17. lib. 14. Maurinæ
editionis ad Felicem Messanensem Epis-
copum scripta fertur, paucis velut ger-
manum Gregorii monumentum habet-
ur. Data illa fingitur anno 604., ut res-
criberet Gregorius Felici, de tribus ec-
clesiasticæ disciplinæ capitibus interro-
gan-

ganti. Prima interrogatio ad eos spectabat, qui quartā progenie, seu gradu, conjuncti sunt, nūm, si matrimonium inierint, sint separandi, quemadmodū idem Gregorius separandos scriperat ad Augustinum Anglorum Episcopum. Altera erat de accusationibus Episcoporum. Postrema de Ecclesiis, de quarum consecratione dubitaretur. Qui cumque hanc epistolam à Gregorio abjudicant, pluribus ad id demonstrandum, & quidē perspicuis, argumentis utuntur. Et primō conferendo vulgatam interrogatoriam Felicis ad Gregorium epistolam cum rescripto ipso Gregorii, multa statim emergunt ab historica veritate aliena. Dicitur ibi, Augustinum Anglorum Episcopum ordinatum fuisse à Gregorio Papa, & in Angliam ab eo missum, cum tamē testetur Beda in lib. 1. historiæ Anglorum cap. 27. à Virgilio Arelatensi Episcopo fuisse ordinatum. In eadem etiā epistolā mentio fit Benedicti Syracusanae Ecclesiae Episcopi; at hic Benedictus putum figmentum est deceptoris; et enim initio Pontificatus Gregorii Syracuseam Ecclesiam regebat Maximianus Episcopus, & pōst ipsum Joannes, quem adhuc viventem anno 603. memorat Gregorius in lib. 11. epist. 34. in vulgaris editione. Præterea Felix in Messanensi Ecclesia Episcopus vixit quidē anno 591., sive anno primo Gregoriani Pontificatus, quemadmodū demonstrat epistola 38. lib. 1. à Gregorio ad illum directa; at idem jam vitā functus fuerat anno 595., antequām Augustinus in Angliam proficeretur, quemadmodū perspicue liquet ex epistolis Gregorii ad Donum Episcopum Messanensem, qui Felici successisse dicitur anno 595. ex epist. 39. lib. 5. Sunt sanè hæc invicta propemodū argumenta, quibus vulgo istud monumētum tamquā apocryphum eruditorum ferè omnium suffragio rejicitur. Ego & nonnulla adjiciam, ad hanc rem magis, magisque firmandam. Video in epistola ipsa eam inscriptionem, quæ Grego-

rio fuit insueta, ibi: *Reverendissimo Fratri Felici Episcopo Gregorius servus servorum Dei.* Neque enim Gregorius, ad Episcopos scribens, eos *Reverendissimos* vocare solebat; neque aliās se *servum servorum Dei* inscripsit; & quamquām non desint, qui hanc formulam à Gregorio prīmū inventam voluerint, à recentioribus deinde Pontificibus Maximis perpetuo usu receptam, tamē in aliis Gregorii epistolis desideratur, dummodū illas excipias, quæ suspectæ fidei habentur, uti est privilegium S. Medardi Monasterii Suessionensis. Stilus etiā epistolæ Gregorianus non est; prolixa præfatio, varia res inordinatè congestæ, & proposito non congruentes quæstiones, de quibus interrogatus Gregorius dicitur, intermixtæ; ipsamet epistola validè prolixa, cum tamē auctor ab initio profiteatur se paucis singula velle complecti; à more Gregorii sunt aliena; etenim Sanctus Pontifex in suis epistolis brevissimā præfatione uti consuevit, nunquām non ad rem, paucis plurima expediens, quemadmodū liquet ex collatione aliarum epistolarum. Quod verò clariū idipsum demonstrat, est apertissimus character Isidori Mercatoris, cuius sententiis hæc eadem epistola undequaque referta est, præsertim quod attinet ad accusationum Episcopaliū disciplinam. At verò de hac accusatiōnum Episcopaliū materie nulla subesse poterat Messanensi Episcopo ratio, cur Gregorium interrogaret; etenim dubitatio emergere forte de ea re potuisse in ea Provincia, in qua esset Metropolitanus Episcopus, ad quem causæ Episcoporum olim deferi solebant; sed in Sicilia Romano Antistiti, ut diximus, etiā tamquā Metropolitanæ subjecta, ea interrogatio supervacanea videbatur: nisi dicere velimus, Gregorium de iis fuisse interrogatum, quæ ad Gregorii ejusdem officia pertinebant. Quid demū est, quod Gregorius dicitur improbare Episcoporum accusations? quando ipse eos aliās laudavit, qui jure suos Episcopos accusaverant; &

con-

converso damnavit illos, qui ab accusatione Episcoporum jure suscepta prævaricando destiterunt. Luculentissimum hujus rei argumentum deducitur ex can. 6. & 7. caus. 2. quæst. 3., ubi Gregorius, ad Joannem Corinthium scribens, improbat acta Pauli Diaconi, item Euphemii, & Thomæ, quod ab accusatione jam pridè institutâ Episcopi sui recesserant.

Can. caus. q. 2. 4. Ex his luculentissimis rationum mo-

mentis nemo non videt, eam epistolam perperam Gregorio adscribi, ac præterea à Gregorio abjudicandos eos canonnes, qui ex eadem epistola laudantur. Ex his in primis est canon 4. caus. 25. quæst. 2. Pertinet is ad primam inquisitionem de non jungendis matrimoniiis intrâ septimam generationem. Ait auctor epistolæ, se in hac re contra canonicum disciplinam aliquid indulsisse Anglorum gentibus, recens ad fidem conversis: concludit tamèn, hæc generalia non esse, nec statuta veterum Patrum facili negotio esse immutanda. Ceterum, etiamsi apocryphus habendus sit memoratus canon 4., illius tamèn sententia rectè consonat cum aliis germanis Gregorii monumentis, præsertim verò cum canone 10. caus. 25. quæst. 2. ex

Can. caus. q. 2. 10. 35. epistola ad Natalem. In eadem epistola parte legitur canon 10. caus. 35. quæst. 2., qui tum demùm cum integris epistola codicibus consonabit, cum pro illis verbis & cunctis hominibus legetur: & cunctis bonis hominibus. Refertur præterea

Can. caus. q. 8. 2. ex eadem epistola canon 2. caus. 35. quæst. 8., cuius tamèn verba in epistola ipsa non leguntur, sed ibidem similia quedam, his verbis: Progeniem verò suam unumquemque de his, qui fideliter edocti sunt, & jam firmâ radice plantati sunt inconvulsi, usque ad septimam observare decernimus generationem; & quandoù se adfinitate agnoscunt propinquos, ad hujus copula non accedere societatem presumant. Nec eam, quam aliquis &c. Heic subsequuntur verba canonis 10. caus. 35. quæst. 2., quæque similiter propemodum recitantur in can. 16. caus. 35. quæst. 2. Planè quibus ex lo-

cis hæ, similesque sententiæ depromptæ fuerint, jam dudum animadverterunt Romani Correctores, observantes, fragmentum istud esse consarcinatum ex variis Conciliorum, Legumque capitibus in unum congestis, quæ unicuique ex Interpretibus hucusq; talem peperere confusionem, ut in graduum cognitionis computatione matrimonii causâ ignorare se profiteantur, quod singulis peculiariter ætatis tribuendum sit. Ajunt enim, vetustissimis temporibus intrâ secundum, vel tertium gradum contracta cognitionis jura matrimonii ineundi causâ; deinde mediæ ætate protracta usq; ad septimum gradum; tandem verò disciplinam ejusmodi severiorem ad gradum quintum attemperatam. Quo verò tempore hæc disciplinæ varietas inducta fuerit, non præfigunt, nec Leges indicant aut civiles, aut ecclesiasticas, ex quibus eadem repetatur, nisi fortè quæ pertinent ad receptam postremam disciplinam. Dabo ego in præsentia operam, ut hæc res, quoad fieri possit, illustretur.

Cognatorum nuptias, qui nobis propinquiores sunt, vel ipsam naturam abhorrende, omnibus ferè gentibus visum est. Verùm, quo in gradu sint detestabiles, aut improbandæ natura definitum non est, sed sapientiæ, prudentiæque Legumlatorum mandatum. Quid in universo Orbe variii Legumlatores edixerint, parùm solliciti esse debemus, contenti observare Romanas Leges, quas Majores nostri etià ab initio nascentis Ecclesiæ coluerunt, vel quòd Jura Romanorum facile ceteris antecellerent dignitate, atque præstantiâ, vel quòd summa esset Romani populi auctoritas, Româ olim innumeris propemodum Provinciis dominante. Itaque Romana Lex inter fratres quidem, ac sorores conjugia vetuit, item inter patruum, & neptem; amitam, ac nepotem; ubi verò deviniretur ad fratrū filios, inter ipsos conjugia licuit celebrari. Hæc disciplina Juris Romani perduravit usq; ad Theodosium Imperatorem, qui primus statuit,

tuit, ne inter consobrinos, & patruelis matrimonia fierent. Id refert S. Ambrosius in epist. 66. ibi: *Nun Theodosius Imperator eum patruelis fratres, & consobrinos retinuit inter se conjugii convenire nomine, & severissimam pœnam statuit, si quis temerare ausus fuerit fratum pli pignora.* Hujus Constitutionis fit mentio in l. un. Cod. Theodos. Si nuptiae ex rescripto petantur, & apud Augustinum in lib. 15. de Civitate Dei cap. 16. Non tamè diutius constituit hæc disciplina, quam paulò post abrogavit Arcadius Imperator Theodosii filius, antiquam revocans consuetudinem, quâ matrimonia consobrinorum, & patruelium legitima habebantur, l. 19. Cod. de nuptiis, eamque jurisprudentiam Justiniani adhuc temporibus viguisse liquidò constat ex §. 4. Institut. de nuptiis. Imò cum Imperatorum jurisdictione fuerit in Occidente immunita, Regibus Longobardorum Italiam occupantibus, eamdem disciplinam viguisse scimus etià tempore Regis Rotharis circà annum 650.; etenim ejus legem habemus in lib. 2. Legum Longobardorum tit. 8. num. 4. ita conceputam: *De his, qui de illico matrimonio nati sunt, vel nascuntur, id est, de matrina, aut filiastra, vel cognata, que fuit uxor fratis, aut soror uxor, quia canones sic habent, de duabus sororibus, sicut de duobus fratribus, & qui de tali matrimonio natus fuerit, heres legitimus patri suo non sit.* Ex quibus sane verbis deducitur, cognitionem medio septimo saeculo nondùm fuisse ultrà fratres, & sorores in conjugiis consideratam. Atque hinc manifestò etià liquet, quâ falsò Gregorio Magno tributa fuerint illa fragmenta à Collectoribus Canonum, in quibus ad septimam usquè generationem è ætate interdicta videntur matrimonia, cum & quinquaginta annis antè Gregorium, sive temporibus Justiniani, & quinquaginta annis post Gregorium, sive temporibus Rotharis, eamdem non interruptam disciplinam extitisse probaverim de licitis nuptiis patruelium fratrum, vel consobrinorum. Cœpit paulatim ab ea disciplina recedi,

non sanè lege Ecclesiasticâ, sed Regiâ, ejusdem nimurum Rotharis, qui paulò post in tit. 8. Legum Longobardorum §. 4. constituit: *Ut nullus presumeret relictam de consobrino suo uxori amodò ducere, subdens: Hoc autem ideò affiximus, quia, Deo teste, Papa Urbis Romæ, qui in omni mundo toto Caput Ecclesiarum Dei, & Sacerdotum est, per suam epistolam nos adhortatus est, ut tale conjugium fieri nullatenus permitteremus.* Post hæc nulla alia Juris immutatio adparet, nisi temporibus Caroli Magni, qui primus post firmatum in Occidente imperium novam quamdam tum civilibus, tum ecclesiasticis causis formam indi studuit; videbatur enim novum Imperium, præsertim postquam vetus deformatum à barbaris turpiter fuerat, novas leges, ac disciplinas exigere. Hinc antiquatis, contemptisque Imperatorum veterum Constitutionibus novum Jus emersit, quod Carolinum vulgo appellatur. Itaque Carolus Imperator, piissimus, ac religiosissimus Princeps, cum Episcopis pluribus, novas, quas in animo habebat, leges condendas contulit, quæ Capitularia vocantur, collatasque executioni demandandas decrevit. His primum statutum est, ut matrimonia consanguineorum usquè ad septimum gradum prohiberentur, quemadmodum liquet ex lib. 7. Capitularium cap. 432. quam disciplinam & imperiali, & ecclesiasticâ auctoritate definitam sequens ætas moribus confirmavit, repetitisque canonibus Viri præsertim ecclesiastici custodiendam mandarunt. Cur verò protracta esset usquè ad septimum gradum matrimonii prohibitio, id censeo ex veterum Jureconsultorum penu decerptum, qui cognatorum nomen usquè ad septimum gradum protrahebant, ubi de hereditariâ successione ageretur. Ait enim Paulus in §. ult. tit. 11. lib. 4. sententiæ: *Successionis idcirco gradus septem constitui sunt, quia ulterius per rerum naturam nec nomina inveniri, nec vita succedentibus prorogari potest;* quibus consonant Modestinus in l. 4. princ. ff. de gradibus, & adfinibus. Sanè huc respexisse

Capitularium auctores, probant Patres Concilii Meldensis, si Concilii Melden-sis est canon. 1. caus. 35. quæst. 2. Nolo curiosius inquirere, nūm hæc ratio ab hereditatibus ad matrimonia ritè extensa fuerit. Tantùm dixero, hanc consanguinitatis extensionem visam postèa fuisse minùs utilem, ut proindè necesse fuerit, eadem consanguinitatis jura intra quartum gradum contrahere in Concilio Lateranensi, sub Innocentio III. celebrato, cujus Constitutionis fragmentum refertur in cap. 8. de consanguinit. & adfinit., quamque confirmavit tandem Concilium Tridentinum.

De epistolis ad Hadrianum Notarium.

Multos Gregorii tempore fuisse maleficos, quos vulgò appellant sortilegos, atque incantatores, patet ex Conciliis illius ætatis, Veneto, Agathensi, Aurelianensi I., & aliis, ac præsertim ex epistola Gregorii ad Hadrianum Panormitanum Notarium, in Maurina editione 53. lib. 11., & 47. lib. 9. in vulgaris, cuius integra verba hic referam, ut ex illis suppleatur canon 8. caus. 26. quæst. 5. Ait Gregorius: *Pervenit ad nos, quid quosdam incantatores, atque sortilegos fueris insecutus. Et omnino nobis sollicitudinem, zelumque tuum gratum fuisse cognoscas; sed molestè tulimus, quid te dubitare, ne ab eis nobis contra experientiam tuam surripi potuisset, didicimus, cum certus esse, ac scire debueras, hoc tibi apud nos ad commendationem magis proficere, non ad culpan adscribi. Et idèo studii tui sit, sollicitè querere, & quoscumque hujusmodi inimicos Christi inveneris, ita districtâ ultione corrigerem, ut & nos de experientia tua melius debeamus habere iudicium, & Deo nostro te, quod maxime stundendum est, valeas commendare.*

Ad eumdem Hadrianum scripta est epistola 44. lib. 9. in vulgaris, & 50. lib. 11. in Maurina editione, quam integrum retulit Gratianus in can. 21. caus. 27. quæst. 2., ubi tamèn pro illis verbis in Monasterio remanere... nec quon-

dàm fornicationis crimen... licet dlmittere uxorem... illi etiam si jam tonsuratus... conversationis gratia &c., legunt Maurini Monachi: *in Monasterio permanere... nec quoddam fornicationis crimen... licet relinquere uxorem... illi vel si jam tonsuratus... conversionis gratia &c.* Ex hac Gregorii epistola sane constat, olim licuisse ex Juris civilis disciplinâ alterutri ex conjugibus ab alio discedere professionis monasticæ causâ, quemadmodum probant illa verba: *Etsi mundana lex precipit conversionis causâ utrolibet invite posse solvi conjugium; ut enim divortia passim admittebantur, vel, ut ajebant, bonâ gratiâ, vel ex causâ, ita admitti facile potuerunt causâ religiosæ vitae incundæ.* Quod quidèm Sanctis Ecclesiæ Patribus non satis placuit, quemadmodum idem Gregorius indicat in hoc ipso canone, necnon in epistola ad Theotistam, cuius fragmentum est in can. 19. caus. 27. quæst. 2. Hinc Sanctus Augustinus in epist. 227. ait: *Una sola causa esse posset, quâ te id, quod vovisti, non solùm non hortaremur, verùm etiam prohiberemus implere, si forè tua conjux hoc tecum suspicere animi, seu carnis infirmitate recusaret; nàm & vovenda talia non sunt à conjugatis, nisi ex consensu & voluntate communis; & si præproperè factum fuit, magis est corrigenda temeritas, quâm persolvenda promissio.* Referuntur hæc in can. 6. caus. 33. quæst. 5. Lex autèm humana, quam Gregorius memorat hujusmodi matrimonia dissolventem, est Novella Justiniani vel 117. cap. 12., vel 123. cap. 40.

De epistolis ad Joannem, Panormitanum Episcopum.

Ea olim in sacris Ordinibus conferrendis disciplina vigebat, ut quotiescumquæ de maritis initiandis ageretur, necessarius esset consensus uxoris: imò id præterea requireretur, ut eadem uxori voto se continentiae obstringeret, quo siebat, ut ipsa ne pòst viri quidèm mortem alteri jungi conjugio posset. Hinc in Antissiodorensi Concilio anni 578.

non longè à temporibus Gregorii Magni celebrato can. 22. ità constitutum legimus: *Non licet relicta Presbyteri, nec relicta Diaconi, vel Subdiaconi post ejus mortem maritum accipere.* His præhabitis, facilis est interpretatio canonis 10. dist. 28., in quo integra ferè legitur epistola Gregorii ad Joannem Panormitanum Episcopum 5. lib. 14. in Maurina, & 62. lib. 11. in vulgari editione. Emendandus tamèn erit Gratianus in illis verbis: *Quo conductor fuit... dicens, nec eam virginem ad eum venisse, denique nec religiosam mutasse vestem, postquam... ut si in conjugio Diaconi mulierem, de qua agitur, fuisse constiterit &c.* pro quibus legendum est: *quo conductor fuerat... dicens, nec virginem illam ad eum venisse, denique ut nec religiosam mutare vestem præsumeret, postquam... & si ita in conjugio Diaconi mulier fuisse constiterit &c.* Prætereà jam adnotaverunt Correctores Romani, in integris epistolæ exemplaribus desiderari vocem illam *falsa*, licet habeatur penè Iwonem. Conductoris autèm nomine, quod ibidem memoratur, eum intelligi arbitror, qui generalitè omnia mulieris bona administrabat, imò & personæ ipsius mulieris veluti tutor, ac defensor publicâ constituebatur auctoritate, quem Longobardorum leges Mundualdum appellabant, quemadmodum liquet ex lib. 2. tit. 2. Legum Longobardarum. Porro, conductoris nomine significatum fuisse generalem bonorum omnium administratorem, liquet ex eisdem Legibus Longobardicis lib. 3. tit. 1. §. 10.

Can. 23.
dist. 86. &
caus. 2.
q. 7. Alia est ad Joannem Panormitanum epistola 51. lib. 11. in vulgari, & 44. lib. 13. in Maurina editione, quæ tamèn in aliquibus MSS. Codicibus inscribitur ad Marinianum Ravennatensem Episcopum, quemadmodum animadverterunt Maurini Monachi. In ea totus est Gregorius, ut moneat Episcopum, quâ ratione se se cum Clericis suis gerere debat. Inter cetera saluberrimum monitum est, quod ex hac ipsa epistola retulit Gratianus in can. 23. dist. 86. necnon in can. 2. caus. 15. q. 7. eisdem verbis.

Tomo III.

De epistolis ad Joannem Episcopum Syracusanum.

Cum plures in Sicilia apùd Joannem Episcopum Syracusanum obmurmurassent de Gregorio, quòd ipse Constantinopolitanam Ecclesiam deprimere meditaretur, alijs verò Græcorum disciplinam adamaret, ac sequeretur, Sanctus idem Pontifex id accipiens ad Joannem epistolam scripsit 64. lib. 7. in vulgari, & 12. lib. 9. in Maurina editione, in qua duo potissimum tradidit; primum, se non Ecclesiam Constantinopolitanam comprimere, sed potius decere eam esse Romanæ subjectam, quod nihil dignitatis illius derogare videtur: alterum, se non sequi omnino græcam disciplinam, imò, quæ ab ipso instituta nupèr fuerant, à Græcorum ritibus plurimum distare. Huc pertinet canon 4. dist. 22. usquè ad vers. *Nam quod Primas.* Antè Romanam correctionem desiderabantur apùd Gratianum illa verba: *Quod & Dominus piissimus Imperator, & Frater noster Eusebius ejusdem Civitatis Episcopus assidue profitentur.* Mendum verò in eisdem verbis inesse nemo non videt, cum certum sit, tempore Gregorii nullum Eusebium, sed Cyriacum Constantinopolitanæ Ecclesiæ præfuisse. In vulgatis codicibus epistolarum Gregorii hoc ipsum mendum habetur: verùm legendum esse: *& Frater noster ejusdem Civitatis Episcopus &c.*, omissò nomine Eusebii, vetusti MSS. Codices indicant; sic Eusebii nomen deesse in libris antiquis Gregorii, quos præ manibus ipse haberat, Thomas Jamesius ait in vindiciis Gregorianis: deesse testatur in antiquissimo codice Regiæ Bibliothecæ Baluzius in notis ad Gratianum: idem demum nomen Eusebii omiserunt Amalarius in lib. 4. cap. 26. de Officiis ecclesiasticis, Anselmus Lucensis lib. 2. cap. 68. Quæ sequuntur apùd Gratianum in vers. *Nam quod Primas* ad aliam epistolam Gregorii pertinent, ad eumdem quidèm scriptam, sed in alia causa;

H,

est.

estque numero 65. in vulgari editione lib 7., & 59. lib. 9. in Maurina. Apud veteres persuasum fuit, ibidem agi de Episcopo Constantinopolitano, cum tamen agatur de Episcopo Primate Bizacenæ Provinciæ in Africa, quemadmodum & integer epistolæ contextus, & optimi codices demonstrant. Mendo illi occasionem dare potuit nominis similitudo inter *Byzacium Africanam Provinciam*, & inter *Byzantium* nomen vetustum Urbis Constantinopolitanæ. Et quidem hoc erratum adeò potuit apùd Scriptores, ut exindè argumentum sumerent, quò ostenderent, Constantinopolitanam Ecclesiam fuisse Romanæ subiectam, quemadmodum sumpsit Gratianus in memorato canone, & Hincmarus Rhemensis in epistola 47. ad Joannem VIII. necnon alii recentiores. Hinc in vetustis aliquibus Gregorianarum epistolarum editis codicibus hoc lemma præfixum est eidem epistolæ: *De Episcopo Constantinopolitano de crimine accusato;* quamobrèm jure in recentioribus editionibus hæc verba substituta fuerunt: *De Episcopo Byzaceno provincie Africæ de crimine accusato.* Illius epistolæ argumentum, prout ex Gregorii verbis deducitur, paucis trado. Accusatus fuerat Primas Byzacenæ Provinciæ in Africa apùd Episcopos suos de certis criminibus, quorum judicium Africani Episcopi in ipsamet Provincia terminari volebant, juxta veterum Africanorum traditionem, ac disciplinam. Accusatus Episcopus Romanus potius ad Pontificem maximum causam deferri, & ab eodem dirimi postulabat. Et quidem Imperialis auctoritas ejus postulationi accesserat, quâ jubebatur, accusatum Episcopum Romæ defendendum fore, totamque causam à Pontificis Romani sententia pendere. Obstiterunt Africani Episcopi, & apùd Theodorum Magistrum militum in Africa curarunt, ne Imperatoris voluntas executioni demandaretur. Intercà Syracusas venerat Martinus quidam, quem Virum eloquentissimum Gregorius appellat, atque de ea re cum Joanne Sy-

racusano Episcopo verba fecerat. Joannes pro ea, quâ ergâ Apostolicam Sedem ferebatur, affectione suadebat Martino, nihil esse convenientius, quâm ut ea causa ad Pontificem maximum deferretur, eodemque tempore ad Gregorium scripsit, sive quid ipse de ea re ab Africano viro intellexerit, sive quid ipse de eadem re Africano viro responderit. Gregorius autem inter cetera itâ rescripsit loquens de Primate Byzacenæ Provinciæ, à Coepiscopis suis accusato, & Apostolicæ Sedi judicium postulante: *Nam quod se dicit Sedi Apostolica subjici, si qua culpa in Episcopis invenitur, nescio quis ei Episcopus subjectus non sit.* Cum verò culpa non exigit, omnes secundum rationem humilitatis æquales sumus. Integra hæc epistola summam Gregorii prudentiam exhibet, ut ille minus dixisse, plus dicere voluisse, intelligatur. Etenim, ut ipse fatetur, ignorabat, quo animo Primas ille Byzacenus ad Sedem Apostolicam esset accessurus, & quis fortè futurus esset exitus, si verbis vividioribus sententiam suam apùd Joannem expressisset: interea verò nihil omisit, quin cammendaret causam illam Joanni, profitens se de illius benevolentia certum esse.

Ad eudem Joannem Syracusanum can. 6. dist. 74. aliam scripsit epistolam Gregorius 36. lib. 11. in vulgari, & 28. lib. 13. in Maurina editione in causa Cosmæ cujusdam Monachi primum, deinde Subdiaconi, ac tandem Presbyteri. Integra illa refertur in can. 6. dist. 74., ubi leviuscula quædam emendanda sunt; etenim pro illis Gratiani verbis: *Quæ Julianæ dicitur, Presbyter est ordinatus.... fugam querat auxilium.... in Ecclesiam, ubi &c., legitur in aliis epistolæ exemplaribus: Quæ Julianæ vocatur, Presbyter dicitur ordinatus.... fugâ querat auxilium.... in Ecclesia, ubi &c.*

Alia iterum epistola est Gregorii ad Joannem Syracusanum in vulgari editio- Can. 21. dist. 91. ne 28. lib. 7., in Maurina verò 27. lib. 8., quæ, omissâ brevi Gregorii præfatione, integra in ceteris refertur apùd Gratianum in can. 21. dist. 93. & quidem eisdem verbis pòst Romanam Correc-

rectionem. Monachi tamèn Maurini pro voce *Catinensis* rectius legendum volunt *Catanensis*, animadvertisentes in aliquot vetustissimis Codicibus MSS. desiderari illas duas voces *verum esse*. Compagus, de quo ibi fit mentio, communi eruditiorum consensione calceamenti sacri species erat, quamquam in ejus figura explicanda non omnes conveniant, alii enim putant fuisse maximè cavum, atque profundum ad medias usquè tibias ascendentem; alii fuisse genus calceamenti incisi, quo pes partim tegeretur, partim nudus extaret.

De epistola ad Justinum Prætorem.

Can. caus. q. 5. 6. Jam dudùm Romani Correctores 2^o rectè emendaverunt inscriptionem canonis 6. caus. 2. quæst. 5., deprompti ex epistola Gregorii 23. libro. 2. in vulgari editione, quæ ad Justinum, non Imperatorem, quemadmodùm exhibebant Gratiiani codices, nec Presbyterum, quemadmodùm vulgares epistolarum Gregorianarum codices tradunt, sed Prætorem, quemadmodùm vetustissimi & optimi MSS. codices habent. Porrò, Justinum Prætorem in Sicilia fuisse, demonstrat epistola 2. Gregorii in lib. 1. ad eundem directa; eam autèm epistolam, quæ refertur in memorato canone 6., ad Prætorem Siciliæ scriptam esse constat, quia ibidèm agitur de Leone Catanensi Episcopo, quem post causæ discussionem innoxium agnitus, & juxta morem illius ætatis ad corpus Sancti Petri præstito jurejurando purgatum Justino commendat. Integra epistola relata est in dicto can. 6., in quo tamèn pro illis verbis: *dejicere non valet... rumor adspersit... omissum, quod nostro... districta eorum... nequa in cordibus remaneat &c.* Maurini Monachi ex optimis codicibus legendum potius voluerunt: *Decipere non valet... rumor adsperserat... omissum, aut nostro... districta eum... nec quedam cordibus remaneat &c.* De Leone Catanensi inferius agendum erit ad canonem 2. dist. 32. can. 63. caus. 16. quæst. 1., & can. 20. caus. 27. quæst. 2.

De epistola ad Libertinum Præfectum.

Plurimum prodest ad rectam interpretationem canonis 13. dist. 54. integrum hoc loco describere Gregorii epistolam 37. lib. 2. indict. 11. in vulgari, & 38. lib. 3. in Maurina editione, scriptam ad Libertinum Siciliæ Præfectum. Ait Gregorius: *Ab ipso administrationis exordio Deus vos in causæ sua voluit vindictâ procedere, & hanc vobis mercedem propitiis cum laude seruavit. Fertur siquidem, quod Nasas quidam sceleratissimus Judeorum sub nomine B. Helia altare puniendâ temeritate construxerit, multosque illic Christianorum ad adorandum sacrilegâ seductione deceperit. Sed & Christiana, ut dicitur, mancipia comparavit, & suis ea obsequiis, ac utilitatibus deputavit. Dum igitur severissime in eum pro tantis facinoribus debuisset ulcisci, gloriosus Justinus (is est Justinus Prætor, de quo superius actum est) medicamento avaritia, ut nobis scriptum est, delinitus, Dei distulit injuriam vindicare. Gloria autem vestra hac omnia districtâ examinatione perquirat; & si hujusmodi manifestum esse repererit, ita districtissime, ac corporaliter in eundem sceleratum festinet vindicare Judæum, quatenus hac ex causa & gratiam sibi Dei nostri conciliet, & his se posteris pro sua mercede imitandum monstret exemplis. Mancipa autem Christiana, quemcumque eum comparasse patuerit, ad libertatem juxta legum præcepta sine omni ambiguitate perducite, ne, quod absit, Christiana religio Judæis subdita polluatur. Ita ergo omnia districtissime sub omni festinatione corrigite, ut non solum pro hac vobis disciplina gratias referamus, sed & testimonium de bonitate vestra, ubi necesse fuerit, præbeamus.* Gravissima sanè erat causa, quam rogabat Gregorius Libertinum, ut in impium Nasatem animadverteret, Christianosque impietatis causâ in servitutem suam redactos ad libertatem vocaret; cum præsertim id Romanæ leges exigenter. Jam pridè enim id constituerat Imperator Constantinus, quemadmodùm testatur Eusebius in lib. 4. de vita Constantini cap. 27.; idque etiàm

confirmaverant subsequentes Imperatores in l. 1. & 2. cod. ne Christianum mancipium,

De epistolis ad Leonem Episcopum Catanensem.

Quædam jam de Leone Catanensi Episcopo attigi in epistola Gregorii ad Justinum Prætorem Siciliæ, ex qua de-promptus est canon 6. caus. 2. quæst. 5. Ad eudem duæ epistolæ Gregorii

Can. 2. dist. 34. & Can. 20. caus. 27. q. 2. sunt, quas memorat Gratianus. Prior est in Maurina editione 36. lib. 4., & in vulgari 34. lib. 3., ubi totus est Gregorius,

ut præcipiat, continentiam à Subdiaconis esse servandam. Ex ea legimus canonem 2. dist. 34., cum quo jungen-dus canon 20. caus. 27. quæst. 2.; ea-dem enim fermè omnia utrobiquè le-guntur. Quoniàm verò nonnulla sunt ibidèm ex integris exemplaribus emen-danda, integrum Gregorii epistolam hic describam. Ait Gregorius: *Multorum re-latione comperimus, hanc apud vos olim con-suetudinem tenuisse, ut Subdiaconi suis licet miscerentur conjugibus. Quod ne denuo quisquam pre-sumeret, à Servo-Dei Sedi nostræ Diacone ex auctoritate nostri Decessoris est isto modo prohibitum; ut eodem tempore hi, qui jam uxori-ribus fuerant copulati, unum ex duobus elige-rent, id est, aut à suis uxoriibus se abstinerent, aut certè nullâ ratione ministrare presumerent.* Et quantum dicitur, Speciosus tunc Subdiaco-nus pro hac re ab administrationis se suspendit officio, & usq[ue] in obitus sui tempus Notarii quidem gessit officium, & à ministerio, quod Diaconum oportuerat exhibere, cessavit. Post cujus obitum, quia relicta ejus Honorato marito est sociata, à tua eam Fraternitate in Mo-nasterio cognovimus esse deputatam. Ideoquè, si, ut fertur, ejus se maritus ab administra-tione suspendit, antedictæ mulieri non debet offi-cere, quod ad secundam conjugii copulationem migravit; præsertim si non tali mente Subdia-cono juncta est, ut à carnis voluptutibus absti-neret. Si ergò ita se veritatem, quemadmodum edicti sumus, habere agnoscis, prædictam te mulierem de Monasterio per omnia convenit relaxare, ut ad suum maritum sine aliqua pos-

sit formidine remeare. De cetero verò Fraterni-tas tua sit omnino sollicita, ut quos ad hoc iam officium contigerit promoveri, hoc quam maxime diligenter inspiciat, ne si uxores habent, miscendi se cum eis licentiâ potiantur, sed ad similitudinem Sedis Apostolice eos cuncta obser-vare sua nibilominus distinctione constituat. Hæc sententia etiàm clariùs intelligetur, quoties cum eadem conferantur, quæ superiùs tradidi ad canonem 10. dist. 28. nimirùm eam fuisse disciplinam Grego-rii temporibus in ordinationibus Cleri-corum, ut, quoties maritus sacris ordi-nibus initiaretur, relicta conjux per-pe-tuò continentiae vinculo obligaretur.

Ex alia epistola ad eudem Leo-nem 8. lib. 7. in vulgari, & 7. lib. 8. in Maurina editione depromptus est ca-non 63. caus. 16. quæst. 1., in quo, li-cet nonnulla epistolæ verba omissa fue-rint, nihil tamè desideratur, quo ex-plicari possit integra Gregorii senten-tia. Nihil ibidèm aliud Sanctus Pontifex decernit, quam Leonem Catanensem Episcopum quartam tantummodò por-tionem bonorum ecclesiasticorum, quo-cumque titulo accesserint, posse vindicare, ut aliæ portiones in Clericos, alias-que causas distribuerentur juxta vete-ra Romanae Ecclesiae decreta, quæ præ-sertim inter Gelasii Decretales re-priuntur.

De epistolis ad Maximianum Epis-copum Syracusanum.

Quod de quartarum distributione servanda in redditibus ecclesiasticis tradivit Gregorius in nupèr memorato canone 63. caus. 16. quæst. 1., idipsum etiàm docuit in epistolis ad Maximianum Episcopum Syracusanum, ad quem in vulgari editione directæ feruntur qua-tuor epistolæ, nimirùm 11., 12., 13., & 14. lib. 3., & lib. 4. in Maurina: quam-quam tamè Monachi Maurini asserant, decimam tertiam falsò dici scriptam ad Maximianum eudem, sed potius scrip-tam fuisse ad Clementium Episcopum Primatem Byzacenum, freti auctoritate

veterum Codicum MSS. Sanè facile fuit Typographis inscriptionem ità immutare, cum eadem epistola media esset inter epistolas ad Maximianum. In epistola numero 11. quatuor sunt Gratiani fragmenta. Ità exorditur Gregorius: *Olim quidem Fraternitati tuae nostrâ fuerat auctoritate commissum, ut siquæ in Sicilia exciderent Ecclesiæ, ceterisque venerabilibus locis, vel incongrue gererentur, nostra vice corrigeres. Sed quia post hæc de quibusdam neglectis hactenus capitulis ad nos querela pervenit, rursus ad eorum correptionem tuam Fraternitatem specialiter prævidimus excitandam. Cognovimus namque de redditibus Ecclesiarum noviter adquisitis &c.* Hic subsequuntur verba canonis 29. caus. 12. quæst. 2., ubi tamèn pro illis: *Quam rem pravam... sive de his, quæ obvenient, vel obvenerint, quarta &c.* Maurini Monachi legendum monent: *Quamobrem pravam... sive de iis, quæ nunc obvenerunt, vel obvenerint, quartæ &c.* Post verba hujus canonis, statim in epistola habentur verba canonis 38. caus. 16. quæst. 1.

Can. 38. caus. 16. quem animadvertisendum est consonare quidem Codicibus editis Gregorianis, paulò tamèn aliter legi in Codicibus MSS. juxta adnotationes Maurinorum; etenim in istis desideratur particula quodammodo, & pro illis verbis, aut admissa clericatus militia monasticis non promoveantur ordinibus, legitur: *aut omissa clericatus militia, monachicis promoveantur ordinibus; item pro illis verbis præ sui magnitudine legitur pro sui magnitudine.* Prosequitur Gregorius, inquiens: *Sicque invicem & ecclesiasticus ordo vita monachice, & ecclesiasticis utilitatibus regula monachatus impedit, (legunt aliqui, impediatur.) Illud quoque charitatem tuam commonere curavimus &c.* Jungenda hic sunt, quæ legimus in can. 45. caus. 12. q. 2., in quo tamèn nonnulla occurunt observanda; etenim pro illis verbis: *Convenientibus Oeconomis, cunctisque Clericis prioribus,* legunt Maurini: *Convenientibus Hierarchicis (aliqui MSS. Codices habent Jerathicis, alii ad marginem id est, Oeconomis), cunctisque Cleri prioribus.* Ex ea sanè marginali adnotatio ne in textum irreperere potuit vox illa

*Oeconomis, quæ legitur apud Gratianum pro alia voce Hierarchicis. Ceterum ego reor, nomine Hierarchicorum venire Visitatores Episcopos, qui vacantibus Ecclesiis præfiebantur, quorumque solertiâ potissimum fieri consuevit successoris Episcopi electionem passim, ex epistolis Gregorianis adgnoscimus. Item pro illis verbis ejusdem canonis 45. Ut illi consequantur stipendium, qui pro tempore &c. legitur in exemplaribus epistolæ integris: *Ut illic consequantur stipendium, quo pro tempore &c.* At si quispiam quærat, quid nomine specierum in eodem canone designetur; dixero, illo intelligi res Ecclesiæ pretiosiores, quemadmodum intelliguntur apud Gregorium Turonensem lib. 6. historiæ Francorum cap. 38. ibi: *Magni ibidem thesauri ex auro, argentoque, & multorum specierum reperti sunt.* Insupèr in eodem canone 45. aliqua omisit Gratianus post illa verba labore tollatur, quæ ita describi debent: *Sic namque ea, quæ ad munitionem pauperum facultatis pertinent, desideramus expleri, ut nulla penitus in rebus eorum ambitiosis hominibus vernalitatis relinquatur occasio.* Visitatores Ecclesiæ &c. Demùm post verba ejus canonis postrema ita clauditur Gregorii epistola: *Juvenulas Abbatissas fieri vehementissime prohibemus. Nullam igitur Fraternitas tua, nisi sexagenariam, virginem, cuius atas hoc, atque mores exegerint, velari permittat, quatenus tamen prioribus, quam praesenti capitulo tua distillationis instantia, Domino adjuvante, correctis, & diu dissolutum rerum venerabilium statum canonicis nexibus religare festines, ut divina negotia non per incongruas voluntates hominum, sed competenti possint distinctione disponi.* Ità emendare oportebit, ac supplere verba canonis 12. caus. 20. quæst. 1.*

Hæc omnia, quæ descripta sunt, integrum exhibent epistolam 11. Ex 12. q. 1. autem, aut 14. nihil est in Gratianeo codice. Tantum adparet fragmentum ex 13., quæ non ad Maximianum Syracusanum scripta est, ut nupèr animadvertebam, sed ad Clementium Episcopum Byzacenum. Atque hoc in loco einen-

Can. 49. caus. 12. q. 2. Can. 12. caus. 20. q. 1.

Can. 12. caus. 20. q. 1.

Can. 3. caus. 7.

danda est editio Gratiani, sive, ut verius dicam, veteres Gratiani codices restituendi sunt, in quibus legebatur in inscriptione ejusdem canonis: *Gregorius Clementino Episcopo Primati Byzaceno. Prætereà pro illis Gratiani verbis, tamen paulò latius judicavimus, apertiusque retexendam... pro suis ornandis negotiis... subtiliter, districteque debeas esse sollicitus. Quod si &c.* legendum volunt Maurini Monachi: *tamen paulò judicavimus apertius retexendam... pro suis ordinandis negotiis... sollicitè, districteque discutias. Quod si &c.*

De epistola ad Præjectem Illustrem Panormitanum.

Can. 12. caus. 25. q. 2. Quidam Præjectes, seu, ut aliis placet, Projecta, seu Præctes, vir illustris Panormitanus convenerat cum Fantino Defensore Ecclesiastici Patrimonii de quibusdam bonis Ecclesiæ ad censendis: Postulatum autem fuerat à Pontifice Maximo, ut gesta utriusque ipsius auctoritate confirmarentur. Annuit Gregorius per epistolam 61. lib. 7. in vulgaris, & 57. lib. 9. in Maurina editione, ex qua de promptus est canon 12. caus. 25. quæst. 2; postquam enim Gregorius professus est, se illorum gesta auctoritate suâ per ipsam epistolam confirmare, ita ut spoponderit, nec se, nec suos successores irrita aliquando declaraturos, addidit: *Quia valde ecclesiastice est moderationi conveniens, ut que ordinata fuerint, vel decisa, nullâ in posterum debeant refragatione turbari.* Similia propemodùm leguntur in can. 1. caus. 35. quæst. 9.

De epistolis ad Petrum Subdiaconum.

Duæ laudantur apud Gratianum Gregorii epistolæ ad Petrum Siciliæ Subdiaconum. Prior est in vulgaris editione 42., in Maurina 44. lib. 1., in qua agitur de diversis ecclesiasticæ disciplinæ capitibus, præsertim verò de Clericis conjugatis, & eorumdem uxoribus. Hujus epistolæ initium ad causas pertinet rus-

ticorum, qui ecclesiasticis prædiis colendis addicti erant; hos enim laedi in facultibus suis aliquando à Subdiaconis, rei rusticae ecclesiasticæ præfectis, Gregorius agnoverat; inter cetera, si quispiam villicus obierat, statim Subdiaconos à successione propinquos repellere, & Ecclesiam substituere; item, si quispiam villicus delictum aliquod grave admisisset, non in reorum ipsorum personam Subdiaconos animadvertisendum curare, sed rebus & bonis quæsitis reos spoliare. Hæc omnia, ne fierent, Gregorius vetuit, ad quæ pertinet canon 4. caus. 16. quæst. 6. his verbis describendus: *Cognovimus etiam, quod si quis ex familia (intellige familiam rusticorum) culpam fecerit Ecclesiæ, non in ipso, sed in ejus substantia vindicatur; de qua re precipimus, ut quisquis culpam fecerit, in ipso quidem, ut dignum est, vindicetur; à commmodo autem ejus omnino abstineatur, nisi forte parum aliquid, quod in usum executoris, qui ad eum transmissus fuerit, proficere possit. Ex iis sanè liquet, quæm depravata sit Gratiani scriptura, qui pro iis verbis: commodo... abstineatur legit: Communione abstineatur.*

Pòst multa, ad varias privatorum causas dirimendas pertinentia, ita prosequitur Gregorius: *De lapsis Sacerdotibus, vel Levitis &c., quemadmodum legitur in can. 5. caus. 16. quæst. 6., ubi quædam salubria traduntur de clericis graviorum criminum reis pœnitentiæ ad dicendis. Maurini Monachi verba illa vel Levitis omiserunt, quemadmodum & pro illis verbis Gratiani: Vivere sciuntur... ut res lapsorum... qui de correctione... in pœnitentiam voluimus &c. potius scribendum voluerunt: Vivere sciunt, ... & res lapsorum... qui de correptione... in pœnitentiam voluimus &c.* Nonnulla adhuc ex integra epistola assuenda sunt postremis Gratiani verbis, ut tota exhibeat Gregorii sententia, ibi: *Ne, si nudentur, locis, in quibus dati fuerint, onerosi sint. Si qui parentes in possessione habent, ipsis res eorum tradenda sunt, ut in ipsis jura Ecclesiæ conserventur.*

Statim pòst hæc sequuntur in episo-

to-

Can. 1. tola Gregorii, quæ eisdem omnino ver-
dist. 31. & bis legimus in can. 1. dist. 31.; ex quo
Can. 1. liquet, tunc temporis non generaliter
dist. 28. Subdiaconis omnibus, sed Subdiaconis
tantum Romanae Ecclesiae, eorumque
& Gregorium summam moderatione usum
fuisse in ejusdem recentis legis executio-
ne; cuius disciplinæ inducendæ causa
fuit, quod inciperent tunc Subdiaconi
ad ministeria altaris propriis accedere,
undè paulatim factum est, ut Subdia-
conatus inter sacros Ordines recensere-
tur; quod ostendunt postrema illa cano-
nis verba: *Quia nullus debet ad ministerium
altaris accedere, nisi cuius castitas ante suscep-
tum ministerium fuerit adprobata.* Eadem
verba, in can. 1. dist. 31. relata jam pri-
dém, descripserat Gratianus in can. 1.
dist. 28., mutatis tamè nonnullis, ex
eodem propterea emendandis.

Can. 2. Altera Gregorii epistola ad Petrum
caus. 16. est 9. lib. 1., ex qua depromptus est
q. 4. canon 2. caus. 16. quæst. 4., ubi pro
illis verbis, *inconcusso quadrageinta annis le-*
gendum est: inconcusso quadrageinta annis.
Ibi totus est Gregorius in sopiaenda lite,
quæ mota fuerat de finibus quorumdam
agrorum, ad Monasterium S. Theodori
Panormitanum, & Romanam Ecclesiam
pertinentium. Atque in ea specie primùm
animadvertisendum voluit Sanctus Ponti-
fex, ejus favore dirimendam esse con-
troversiam, qui jure quadagenariæ
præscriptionis potiebatur. Ex hoc non
desunt viri eruditæ, inter quos Gussan-
villæus, qui adserant, Gregorium pri-
mum fuisse quadagenariæ præscriptio-
nis auctorem, quandò tamè ante Gre-
gorio tricennalis præscriptio sufficiebat.
Verum, quicumque ita sentiunt, Imper-
atorias sanè Constitutiones antè Gre-
gorium editas se prorsus ignorasse fate-
buntur. Porrò usquæ ad tempora Justi-
niani viguit lex Theodosii junioris, quæ
cautum erat, ut actiones omnes ultrà
triginta annorum spatum protendi non
possent. Justinianus in leg. 23. cod. de
Sacros. Eccles. primum asseruit, se vo-

luisse æternam firmitatem dare actioni-
bus, quæ competerent Ecclesiis, Mo-
nasteriis, aliisque piis, religiosisve lo-
cis, ut nullo unquam tempore circums-
criberentur; eò tamè rem reduxit, ut,
sive in mobilibus, sive in immobilibus
rebus Ecclesiarum, piorumque loco-
rum, sola centum annorum præscriptio
obesset. Hanc verò Justinianeam Cons-
titutionem vel nunquam, vel brevissi-
mo tempore fuisse moribus observatam,
apertè colligitur ex Novella ejusdem
Justiniani 131. cap. 6., quâ statutum
cernimus, omnibus generaliter Eccle-
siis, ac piis locis quadraginta annorum
præscriptionem objici posse. Itaq; Gre-
gorius non quadagenariæ ipse præscriptio-
nis auctor exstitit, sed juxta leges
Justinianæas, quæ nupèr suis temporibus
invaluerant, in proposita specie res-
cripsit.

De epistolis ad Romanum Defen- sorem.

Defensoris Ecclesiastici patrimonii
munere in Sicilia fungebatur Romanus,
ad quem plures numerantur Gregorii
epistolæ. Ex ipsis illa est, quâ Gratianus
descripsit canonem 25. dist. 81., nu-
mero 39. lib. 7. in vulgari, & 60. lib. 9.
in Maurina editione, cui hæc inest ins-
criptio: *Gregorius Romano Defensori, Fanti-
no Defensori, Sabino Subdiacono, Hadriano
Notario, Eugenio Notario, Felici Subdiacono,
Sergio Defensori, à paribus, & sex patronis.*
Spectat hæc epistola, ut patet, non Si-
ciliæ tantum, sed nonnullas alias Pro-
vincias, quarum ad Defensores, Recto-
resque Ecclesiasticos à paribus, id est,
singulis exemplaribus ad singulos missis
directa est. Ejusdem causa melius perci-
pitur, describendo potissimum Grego-
rii sententiam, ex qua memoratus Gra-
tianus canon suppleri possit, ibi: *Pervenit
autem ad nos, quosdam Episcoporum sub pre-
textu quasi solatii in una domo cum mulieri-
bus conversari. Et ideo ne per hoc aut subsan-
toribus justa obrectationis detur occasio, aut
failem antiquis humani generis inimicus ma-*

Can. 25.
dist. 81.

teriam *deceptionis assumat*, *bujus tibi serie præceptionis injungimus*, ut strenuum te studeas, & sollicitum exhibere. Et si qui *Episcoporum*, quos commissi tibi patrimonii finis includit cum mulieribus degunt, hoc omnino compescas, & de cetero eas illic habitare nullo modo patiaris, exceptis eis, quas *sacrorum canonum censura permittit*, id est, matre, ainita, germana, & aliis *bujusmodi*, de quibus *praya non possit esse suspicio*. Melius tamen faciunt, si etiam à talium se cohabitatione contineant. Nam legitur, quod *B. Augustinus* nec cum sorore sua habitare consenserit, dicens: *Quæ cum sorore mea sunt, sorores meæ non sunt. Doti ergo viri cautela magna nobis esse debet instrutio*. Quod de *Augustino* heic dicitur, consonat cum iis, quæ scripsit *Possidius* in vita ejusdem *Augustini* cap. 26.

*Alia ad Romanum epistola 11. lib. 4. in vulgari, & 10. lib. 10. in Maurina editione integra refertur in can. 4. dist. 88., quam etiam epistolam memorat Joannes Diaconus in lib. 3. cap. 36., aliis 47.. Ubi Gratianus legit: velut unum de laicis in causis secularibus occupari, & prætorius inutiliter deservire.... ad reverendum &c. legendum malunt Maurini Monachi: velut unum de ultimis in causis occupari, & prætorius inutiliter observare.... ad revertendum &c. Scriptura ita restituta aliam planè à Gratianæ Gregorianam sententiam reddit. Etenim ibidem reprehendit *Sanctus Pontifex Basilium*, quod velut unus de ultimis, scilicet ex iis, qui in Clero constituti sunt, *Ministris inferioribus*, & temporalibus causis occuparetur, quæ minimè decebant *Episcopum*, spiritualibus tantum negotiis *Præfectum*. Porrò tunc temporis res Ecclesiæ rusticæ, litesque, causa rerum ecclesiasticarum subortas, solebant tractare Subdiaconi, aliquando etiam Diaconi, frequentius Defensores, quorum gradus inter minora ministeria recensebatur. *Prætorii* nomen significabat locum, in quo jus reddebat, quemadmodum eo in sensu usurpavit *Latinus Interpres Joannis* in cap. 19. *Evangelii*. Verbum autem *observare tem-**

pore Gregorii sumebatur pro munere fungi. Sic Concilium Andegavense anni 453. can. 10. ita habet: *De Laicis, vel Clericis, qui Ministri ordinati observare noluerint*. Eodem sensu accipitur in can. 4. & 26. Concilii Aurelianensis IV. anni 541., imò & apud eumdem Gregorium in epistola ad Amos *Episcopum Jerosolymitanum*, & in epistola ad Victorem *Episcopum Panormitanum*. Reprehendit itaque Gregorius *Episcopos* illos, qui, neglecta animarum curâ, spiritualibusque negotiis, tribunalibus potius insidere curabant. Quâ in re non erit inopportunum animadvertere, quod narrat Nicephorus lib. 10. cap. 13., nimur Julianum Imperatorem, qui & Apostata vulgo dicitur, dolo malo Clericos dignitatibus Senatoriis auxisse, ut religioso quodam prætextu ecclesiasticorum Virorum animos à divino cultu, sacrisque ministeriis alienaret, futurum sperans, ut eâ ratione facilius Christiana Religio interiret. Qui plura ad hanc rem desiderat, adeat S. Bernardum in lib. 1. de consideratione ad Eugenium cap. 6.

Quæ in nupèr memorata epistola *can. 39. caus. 11. q. 1.* Gregorius scripserat, tantam vim apud Romanum habuerunt, ut ipse (contrà mentem tamèn Gregorii ipsius) causas Clericorum ne ab Episcopo quidem cognoscendas voluerit, imò & Episcopo inconsulto ipse cognoverit. Id Sancto Pontifici displicuit, quemadmodum enim eò mentem intenderat, ut Episcopos à secularibus negotiis, ac causis alienandos curaret, ita voluit, ut Clericorum cura ad Episcopos potissimum pertineret, suaque illis *jurisdictio publicis* etiam legibus firmata servaretur. Exhibetur *Gregorii sententia* in can. 39. caus. 11. quæst. 1. decepto ex epistola ad Romanum 32. lib. 9. in vulgari, & 37. lib. 11. in Maurina editione. In codicibus editis epistola Gregorianæ pro verbis *Gratianis ad eligendos judices* legitur *ad eligendum judicem*. Item in postremis verbis animadvertunt *Monachæ Maurini*, ita legi in aliquot exemplari bus:

bus: *Nisi ut, praterquam ecclesiasticus custodiri illic ordo debuit, confundatur.*

Can. caus. 14. q. 6. In epistola ad Romanum in vulgaris editione 24. lib. 7. indict. 2., in Maurina 27. lib. 9. legitur canon 3. caus. 14. quæst. 6., cuius priora verba ita supplenda sunt ex editis, integrisque epistolæ exemplaribus: *Pervenit ad nos, quia quidam homines, minorem omnino discretionem tenentes, in suis nos periculis implicari desiderant, atque ita volunt ab Ecclesiasticis personis defendi, ut ipsæ quoquæ persona Ecclesiastica ex eorum culpa teneantur. Idcirco præsenti te præceptione admoneo, & per te Fratrem, & Coepiscopum nostrum Dominum Joannem (fortè is est Joannes Syracusanus Episcopus) vel ceteros, qui interesse possunt, ut patrocinia ecclesiastica, sive mea suscipiatis scripta, sive etiā minime fuerint directa, sub tanto moderamine debeatis impendere, quatenus hi, qui in furtis publicis implicati sunt &c. Quod hio dicitur de intercessionibus Episcoporum ac Clericorum apud publicos Magistratus favore reorum, disciplinam exhibet vetustam; constat enim apud Sanctum Augustinum, illius temporis Episcopos liberalissimè eo officio functos, quemadmodum deducitur ex ejus epistola 152., & 153., aliisque etiā monumentis facile demonstrari potest, præ ceteris ex can. 4. caus. 23. quæst. 5.*

De epistolis ad Secundinum.

Can. 34. caus. 16. q. 7. Ad Secundinum Tauromitanum in Sicilia Episcopum est Gregorii epistola 31. lib. 7. in vulgari, & lib. 8. in Maurina editione. Huc pertinet canon 34. caus. 16. quæst. 7., cuius verba ita supplenda erunt ex integra epistola. Ait Gregorius: *Querimoniam Monachorum Monasterii Castelliensis oblata ab eis petitio, qua tenetur in subditis, patefecit. Primum Fraternitas vestra hac, qua adserunt, sollicita perscrutari cura studeat. Et si ea invenerit veritate subsistere, rationem tuitionis illis impedit, & Monasterium, quod Monasterio eorum unitum est, secundum consuetudinem deputatis de congregazione eorum illic Monachis*

Tom. III.

provideat ordinari; quia rationis ordo non patitur, ut Monasterium ipsum & maximè contra voluntatem Fundatorum, ab eorum dispositione ad arbitrium suum præsentim Laica persona subducatur, aut aliquis sibi in id jus debeat vendicare. Monasterium Castelliense, sive Vivariense, de quo heic agitur, erectum olim fuerat à Cassiodoro, quem admodum ipse testatur in lib. Divinarum lectionum cap. 29., ejusdemque illustris Viri secessu nobilitatum. Illius jura laici quidam deturbare volebant, in eo præsertim, quod aliud Monasterium, illi à Fundatoribus ipsis subiectum, sejungere meditarentur. Urget Gregorius Monachorum Patronus Secundinum, ut, causâ cognita, Monachorum Castelliensium jura tueretur.

Alia ad eumdem Secundinum epis-
tola est in Maurina editione 59. lib. 3., q. 2.
caus. 18. in vulgari 57. lib. 2. indict. 11., qua
integra refertur in can. 7. caus. 18. q. 2.
ubi pro verbis illis propter Monachorum molestias ex veteribus Codicibus MSS. legendum est: *propter Monachorum insolentias.* Ad illa autem verba canonis: *Repleto loco ipsorum fontium, animadverendum est, non olim, prout hodiè usu-
venit, baptisteria fuisse in altum erecta ad manum baptizantis accommodata, sed potius in imo solo concavata, ut aptius baptizandi immergerentur.* Hujusmodi baptisteriorum figuram tradunt Joannes Chrisostomus hom. 40. in cap. 15. epistola 1. ad Corinthios, Ambrosius homil. 16. in psalmm 118., Gregorius in libro Sacramentali de Sabbato Pentecostes, quibus addi potest Isidorus in lib. 2. de Divinis Officiis cap. 24.

Duae istæ, quas nupè memoravi, Can. 16. dist. 50. ad Secundinum epistolæ jure optimo Gregorio tribuuntur. Nùm vero alia epistola ad Secundinum apud Maurinos 52. lib. 2., apud alios 54. lib. 7. Gregorii sit, Viri eruditæ plurimùm dubitant. Hæc exhibetur epistola inscriptio: *Gregorius Secundino servo Dei inclusio. Aliqui codices habent: Gregorius servus ser-
vorum Dei dilectissimo Filio Secundino servo Dei inclusio. Ex his jam liquet, Secundi-*

num ibidem memoratum non esse Tauromitanum Episcopum, sed potius professione Monachum. Sunt, qui hunc Secundinum eumdem esse velint cum Secundo Ravennate, de quo superius egi. Verum hujus opinionis non solum valida desunt argumenta, sed & desunt conjecturæ. Ceterum hujusmodi epistolam apocrypham esse multa demonstrant. De ea ita scribit Gussanvillæus. *Hac epistola facilius expungeretur, quam sanaretur. Eam variis adsumentis auctam fuisse probant MSS. Codices; consentiunt Eruditi, quibus palatum sapit. Textus ipse infinitus vitius scatet, & manuscriptorum perpetua ferè est inconvenientia.* Non est cur singula persequar in eadem epistola contenta. Tantum me referam ad canonem 16. dist. 50., qui ex illa depromptus est, ubi fingitur Gregorius à Secundino Monacho interrogatus, utrum Sacerdotes, lapsi à sua dignitate, iterum post pœnitentiam reciperentur in pristinum gradum; respondet autem, recipiendos esse. De hoc fragmento ita prosequitur laudatus Gussanvillæus: *Ex triginta manuscriptis vix unus, aut alter codex continet enorme fragmentum de lapsis, quod incipit; & quia tua sanctitas &c.* Paucis Monachi Maurini Operum Gregorianorum editores: *illud rejiciendum putamus.* Sanè sententiae ibidem traditæ universa propemodum adversatur antiquitas. Ut enim omittam canonem 61. ex iis, qui Apostolici vocantur, epistolam Cornelii ad Fabium Antiochenum apud Eusebium lib. 6. cap. 35., Cyprianum epist. 64. & 68., Basilium epist. 1. ad Amphiphilium cap. 3., idem ipse Gregorius alibi sèpissimè scribit, Sacerdotem semel lapsum, ne post pœnitentiam quidem, in pristinum gradum restituendum esse. Conferatur canon 1., 9., 10., & 11. dist. 50. Quomodo verosimile erit, Gregorium ita facilè suam revocasse sententiam, & quidem in ea epistola, quæ scriberetur ad Monachum, sive *ad inclusum*, ad quem res illa pertinere nullatenus poterat? Imò quis suspicetur, Gregorium adeò fusè eam materiam fuisse

persecutum præter morem suarum epistolæ, cum tamè disciplinæ hujus nec leve ex sacris canonibus vestigium exhiberi potuisset? Sunt, qui putaverunt, varias istas Gregorii sententias facile componi posse, quemadmodum composuit Gratianus; eam ob rem distinguunt inter privata, ac publica crimina, atque ajunt, Gregorium perpetuò, & sine spe restitutionis rejecisse à gradu suo Clericos omnes publicis criminibus obnoxios; eos autem, quos privata tantummodo criminis conscientia premit, facile restitui. Verum hanc conciliandi rationem, duo evincunt, esse à veritate alienam. Primum est perpetua Ecclesiæ traditio, usquè ad ipsam Gratiani ætatem constantissimè producta. Ejus testem optimum laudo Urbanum II. in epistola ad Constantiensem Episcopum ita scribentem: *De Presbyteris, Diaconis, Subdiaconis, qui post acceptum ordinem in aliquo crimine lapsi fuerint, sive palam, sive clam, constat quidem canonum censurā ab ecclesiasticis eos officiis inhiberi.* Alterum est ipsa met canonis ejusdem inconcinna compositio, ex qua illa privatorum, publicorumque criminum distinctio aut non probatur, aut etiè excluditur. Quæcumque enim rationes ibidem adferuntur, ut demonstretur, Sacerdotes lapsos post pœnitentiam restitui, aquè privatim, ac publicè peccantibus accommodantur. Ipsummet Sancti Petri exemplum ibidem propositum rem perspicuum facit; cum enim Petrum publicè peccasse sciamus, aliàs autem restitutum in gradum, atque honorem suum, concludendum esset, aut exemplum Petri memoratam distinctionem rejicere, aut rei propositæ non satis convenire; quodcumque autem dicatur, conjecturam gravissimam præbet, quâ canonem ipsum à Gregorii sententiis abjudicemus. Vedit sanè Gratianus ipse, quam infirmum præsidium esset memorata criminum publicorum, privatorumque distinctio, eamque ob rem in tota dist. 50. modò in unam, modò in alteram partem declinavit; quamquam commodius se

se se expedivisset, si apocrypha, quæ ibidem adfert, monumenta à germanis secernere scivisset. Quod profectò a sum magis detegit auctoris epistola ad Secundinum, illud est, quod illius opinio nis fundamentum esse adfirmet in quinque generalibus Synodis, antè Gregorium celebratis, quandò tamè in illis nihil tale adparere unquam potest.

Can. 24.
dist. 50. Idem omnino dicendum erit de causa 24. dist. 50., cujus sententia in hac eadem epistola legitur his verbis, quæ sanè referenda erunt ad memoratum canonem 16. ejusdem distinctionis 50. Nimirum post illa verba canonis 16. post dignam igitur satisfactionem credimus posse rediri ad honorem, ita prosequitur epistolæ auctor: *Dicente Propheta: numquid, qui cadit, non adjiciet, ut resurgat?* Et post pauca: *Unde & Psalmista ait: Cormundum crea in me Deus, & spiritum tuum rectum innova in visceribus meis. Ne projicias me à facie tua, & spiritum sanctum ue aferas à me. Dum enim periit, ne à Domino projiceretur, pro lapsus culpa alienam Rex, & Propheta simili rapiisse uxorem tremefactus expavit, & Propheta indicante flagitium suum, pœnitentiam agens, addebat: Redde mibi latitudinem salutaris tui, & spiritu principali confirma me. Si enim condignam Deo pœnitentiam non fecisset, nequaquam aliis prædicaret;* ait enim: *docebo iniquos vias suas, & impii ad te convertentur. Dum enim peccata prospexit Propheta mundatus per pœnitentiam, non dubitavit prædicando curare aliena, & sacrificium de se ipso Deo offerre studuit, cum dicebat: Sacrificium Deo spiritus contribulatus.* Hæc si cum memorato canone 24. conferantur, statim liquebit, Palearum auctorem paucis perstrinxisse prolixij hujus monumenti sententiam, & quadam veluti epitome expressisse sub nomine Gregorii.

De epistola ad Venantium Syracusanum.

Caa. 4.
dist. 43. In epistola 33. lib. 1. objurgat Gregorius Venantium Syracusanum Patrium, quod, cum monasticiam vitam

olim professus fuisset, deinde monastice ejusdem vitae pertæsus ad sæcularem reversus fuerit, imò & conjugem duxerit, ex qua duas filias suscepérat. Epistolæ ipsius initio asserit Sanctus Pontifex, se ratione Episcopatus sui teneri, ut Venantium ipsum admoneat, corrigitque, quod pertinet canon 4. dist. 43. his verbis legendus: *Hinc etiam Ephesiis Paulus dicit: Mundæ sunt hodiæ manus meæ à sanguine omnium vestrum. Non enim subterfugi, quominus annunciarē vobis omne Dei consilium. Mundus ergo à sanguine omnium non esset, si eis Dei consilium annunciarē non lūisset; quia, cum increpare delinquentes noluerit, eos procul dubio tacendo Pastor occidit.* In hac quoquæ epistola legitur canon 3. caus. 17. quæst. 1., cujus verba omni-Can. 3.
caus. 17.
q. 1. nō consonant cum vulgatis Gregorianæ epistolæ exemplaribus. Quod factum Venantii spectat, certum est, Venantium olim Monachum diutissimè in coniugio posteà inito constitisse, & usquæ ad finem vitæ suæ desidem sese exhibuisse, ne ad Monasterium revertetur. Nimirum constat ex epistola Gregorii 31. lib. 9. in vulgatis editionibus scripta ad Joannem Episcopum Syracusanum, Gregorium ipsum monitis Joannem excitasse, ut Venantium exmonachum in extremis laborantem corriperet, atque hortaretur, ut saltē moriturus in monachali habitu constitutus ab hac vita decederet. Sunt porrò hæc omnia referenda ad veterem disciplinam, juxta quam nondū illud receptum fuisse videtur, ut Monachorum conjugia prorsùs essent invalida, licet illicita haberentur, ac pœnis Ecclesiasticis gravissimis coercentur, quemadmodum deduci facile potest ex can. 2. & 3. dist. 27., can. 1. caus. 20. quæst. 3., can. 22., & 41. caus. 27. quæst. 1.

De epistola ad Urbicum Abbatem.

Panormitano Sancti Hermetis Monasterio præsidebat Abbas Urbicus, ad Can. 25.
dist. 27.
q. 2. quem scripsit Gregorius epistolam in vulgatis editionibus 49. lib. 5., apud Mau-

Maurinos 48. lib. 6. illum exhortans, ut Agathonem quendam, ut converteatur, postulantem in Monasterium benignè recipere, dummodo tamè Agathonis ejusdem uxori converti etiàm voluisse. Ex hac epistola depromptus est canon 25. caus. 27. quæst. 2., in quo vocum quarumdam transpositio, certe roqui levissima, conspicitur; ubi enim Gratianus scripsit: *Et si uxor illius, legendum potius est: Si & uxor illius.* Non defuerunt, qui crederent, Agathonem, de quo heic agitur, illum eumdem esse, qui deinde Maximus Pontifex electus est circa annum 679., moti ex eo, quod scripsit Anastasius Bibliothecarius in libro Pontificali his verbis: *Agatho natione Sicus ex Monachis &c.* Verum non sunt hæc omnino verosimilia. Si quidem Gregorii epistola scripta est circa annum 596., in qua dicitur, non solum Agathonem memoratum coniugio jam adstrictum fuisse, verum etiàm *Divinâ inspiratione compunctum, relictis sæculi hujus actionibus, ad Deum converti festinare;* ex quibus deduci videtur, Agathonem Gregorii Magni tempore adolescentiam jam excessisse. Sed licet fingere juvet, vix illum attigisse annum ætatis suæ vigesimum tempore, quo Gregorius epistolam scripsit, jam opoperetur, Agathonem fingere electum Pontificem post annum ætatis suæ centesimum; quod sanè non facile dixeris.

De epistolis ad plures Siciliæ Episcopos.

Can. 1. Difficilis vulgo, ac salebrosa visa dist. 53. est interpretatio canonis 1. dist. 53., quem ut rectè expendamus, operæ pretium erit, quædam ex fide historica prænotare. Nemo ignorat, quænam fuerit ætate Gregorii Magni Imperii Romani conditio, quod, Longobardis hinc illinc irruentibus, penè ad interitum deducbatur. Quamobrem Mauritus Imperator sibi maximè opportunum esse cognoverat, si modò milites strenuos colligeret, quorum copia hostium arma re-

tunderentur, modò rerum publicarum ministros optimos institueret, quorum consilio sive belli, sive pacis adminicula exactè, sollicitèque instaurarentur. Neminem præterea latet, temporibus Gregorii numero plurima erecta Monasteria fuisse, in quibus viri æquè, ac mulieres quietam vitam traducerent procùl à sæculi curis de æterna solummodo vita solliciti, eademque largè, aut donis aucta fuisse, quæ viventium eleemosynis, quæ ultimis morientium voluntatibus, aut privilegiis non contemnendis distincta, quemadmodùm legentibus Gregorii epistolas facile constat. Clericorum item conditio optima erat, præsertim quod, referente Joanne Diacono lib. 2. cap. 15. Gregorius ipse Laicos omnes à sua familiaritate abjecisset, solosque Clericos domesticæ vitæ socios adscivisset, imò & ceteris Episcopis auctor fuisse, ut idipsum peragerent, arguento canonis 58. caus. 2. quæst. 7.

Itaque diversa prorsus erat laicorum, nec non Clericorum, Monachorumque vita, atque conditio. Laici gravissimis negotiis occupati in facultatum modò, modò etiàm in vitæ periculo constituti, curis undique gravissimis angabantur; Clerici è contrario, aut Monachi tranquillo sacræ pacis otio fruebantur. Quis indè non videat, optatissimam tunc exitisse laicis hominibus aut clericalis, aut monasticæ vitæ rationem, non religionis, aut pietatis initam studio, sed quietis? Res eò devenit, ut Civilis Respublica necessariis subsidiis destituta in interitum vergeret, civibus huc illuc abscedentibus ad Ecclesiás, vel ad claustra, nonnullis etiàm, publico jam munere, atque administratione functis, in detrimentum publici ærarii religiosam vitam in fraudem ratiocinii ingredientibus. In his rerum adjunctis Imperator Mauritus legem tulit saluberrimam, duo capita continentem. Primum ut quisquis publicis administrationibus fuisse implatus, ei ad officium Ecclesiasticum venire non liceret. Quæ quidem Constitutio veteribus jam legibus consonabat; jam enim

enim Imperator Constantinus id primum decreverat in l. 4. cod. de Episcop., & Cleric., dein confirmaverat Arcadius, & Honorius in l. 12. eod. tit. ita, ut quicumque curialibus adhuc negotiis obnoxius esset, atque ad Clerum deinde promotus, rursus ad Curiam revocaretur, quemadmodum tradit Innocentius Papa in can. 3. dist. 51., firmatque Gelasius in can. 9. dist. 54. Hoc legis caput Gregorius idem in epist. ad Mauritium valde laudavit, *evidenter sciens*, ut ipse inquit epist. 62. lib. 2. in vulgari editione, *quia, qui secularrem habitum deserens ad Ecclesiastica officia venire festinat, mutare vult sacerdotum, non relinqueret*. Alterum legis caput erat, ut ei, qui fuerit eisdem publicis rationibus obnoxius, aut etiam militiae adscriptus, non liceret in Monasterio converti, quam Constitutionis partem se exparisse Gregorius fatetur in eadem epistolâ ad Mauritium, *quia per eam calorum via multis clauditur*, rogans propterè Imperatorem, ut, *aut temperando, aut immutando, viagorem ejusdem legis inflectat*. Interè vero Gregorius illam Mauritii legem, prout sibi ab Imperatore mandatum erat, promulgari curavit, quemadmodum ipse ibidem fatetur his verbis: *Ego quidem, iussioni subjectus, eamdem legem per diversas terrarum partes transmitti feci; & quia lex ipsa omnipotenti Deo minime concordat, ecce per suggestionis meæ paginam Serenissimus Dominis nunciavi. Utrobique ergo, quæ debui, exvolvi, qui & Imperatori obedientiam præbui, & pro Deo, quod sensi, minime taceui*. Duo igitur peragenda hac in re sibi Gregorius proposuerat, primum ut legem, qualiscumque ea esset, promulgaret, quo mandato Imperatoris indulgeret, alterum, ut eundem Imperatorem officio ferè paterno moneret, quo secundam ejusdem legis partem immutaret, aut saltē infleteret. Jungi his posset Gregorii alia epistola ad Theodorum Medicum, quæ est 65. lib. 2. in vulgari editione.

Ista præfatus, facilem habeo interpretationem dicti canonis 1. dist. 53.

deprompti ex epistola 11. lib. 7. in vulgari, & 5. lib. 8. in Maurina editione, cuius hæc inscriptio est: *Gregorius Eusebio Thessalonicensi (olim Macedoniæ Metropolitano) Urbitio Diraciano, (vulgò Durazzo, urbi Macedoniæ in Provincia Albaniæ) Constantio Mediolanensi, Andrea Nicopolitano, Joanni Corinthi, Joanni Primo Justinianæ, Joanni Cretensi Scoritano, (ita dicto ab Urbe Scodra olim in Dalmatia, quæ nunc dicitur Scutari), Joanni Larisse, Mariniano Ravenne, Januario Caralis, & omnibus Episcopis Sicilia. His omnibus Episcopis Metropolitis (excipe Sicilia Episcopos, qui, ut diximus, Romano Pontifici, etiam ut Metropolitano, subde- bantur) promulgaverat Imperatoriam laudatam legem Gregorius ex Mauritii mandato. Secutus fuit Mauritius mo- rem Justiniani sui Decessoris, qui Constitutions, Religionem quoquè modo spectantes, à se editas, ad Patriarchas di- rigebat, à quibus ad Metropolitas, & à Metropolitis ad Episcopos devenirent, uti colligitur ex Novella 5. in fine, ibi: *Hec itaque omnia Sanctissimi Patriarchæ sub se constitutis Deo amabilibus Metropolitis mani- festa faciant; at illi subiectis sibi Deo amabilibus Episcopis declarent, & illi Monasteriis Dei sub una ordinatione constitutis cognita faciant &c.* Hinc Gregorius niemoratis Metropolitis velù eorum Patriarcha, Episcopis Siciliæ velù eorum Metropo- litæ legem Imperatóriam exhibuit, quemadmodum verba ipsa ejusdem canonis 1. apertè demonstrant, in quibus Mau- rini pro illis verbis: *Ex militibus viris, legendum voluerunt: Ex militibus numeris.* Porro numerorum nomine ve- niunt cohortes, juxta illud, quod tra- dit Optatus Milevanus in lib. 3. de schismate Donatistarum cap. 4. ibi: *Re- vertuntur vexati milites ad numeros suos.* Ex hujus canonis verbis liquido constat, Gregorium ad memoratos Episcopos transmisso exemplar Imperatoriaæ legis, quamquam tamè in ipsa legis execu- tione rem non adeò expeditam voluerit singulari sanè prudentiâ. Quod enim spectabat priorem legis partem, eam*

voluit adamussim esse servandam; scilicet præproperè non esse Ordinibus sacris initiandos, aut ad Monasteria admittendos, quicumque rationibus publicis obstricci dicerentur; sed primùm inquirendum fore, nūm reverà obnoxii tenerentur, quo casu non primùm ordinari præcepit, quām rationibus eisdem publicis satisfecissent. At in altera legis parte monuit, venientes à militibus numeris ad Monasteria non esse temerè suscipiendos, nisi eorum vita fuerit subtiliter inquisita; & nisi venientes ad Monasteria per triennium regularem vitam ibi traducerent. Moderatus hec fuit Gregorius Principis Constitutionem; cum Mauritius milites nusquam recipiendos in Monasteria voluerit; Gregorius demùm pòst triennium recipi posse declaraverit, non quòd Imperatoris legibus adversaretur, sed quòd proposuerat Imperatorem monere, quemadmodùm per epistolas monuit, ut ab illa lege deflechteret, sperabatque futurum, ut intrà triennii spatum Mauritium ab eadem lege distraberet. Porrò, hac spe conceptâ, prudentissimus Pontifex duriusculam quidèm legem promulgavit, sed plenam legis executionem in triennium suspendit. Atque ejusdem Papæ moderatio eo vel magis laudanda erit, quòd sciamus, Imperatores sexti sæculi consuevisse commendare eadem ratione decreta sua, quoquo modo ad res ecclesiasticas pertinentia, Patriarchis, aut Pontificibus Maximis promulganda, quomodò decreta, res Imperii spectantia, fidei committebant Præfectorum, Prætorio etiàm promulganda. At verò Præfectis Prætorio ita committebantur hæc, ut si ipsi acceptam Constitutionem ad detrimentum Reipublicæ vergere putavissent, eidem Imperanti significarent, legis asperitatem correcturo, atque interea à legis executione abstinerent, uti constat ex Novella Justiniani 152. Quidni etiàm idipsum sibi licere in promulganda lege Mauritii Gregorius arbitratur, ut, suspensa interea legis execu-

tione, moneret Imperatorem epistolis, eidemque nimiam latæ legis asperitatem exhiberet?

Hæc, quam hùc usquè expendi, ^{Can. 1.} epistola ad plures Episcopos directa est, ^{dist. 94.} quamvis in Gratianeo codice ad solo^s Siciliæ Episcopos directa feratur. Solis autèm Siciliæ Episcopis scripta est epistola 1. libri 1., ubi Gregorius eosdem monet, ut semel in anno ad Concilium convenient, vel in Catanensi, vel in Syracusana Civitate ob eorumdem Episcoporum commodum celebrandum, mittens propterea Petrum Romanæ Ecclesiae Subdiaconum, cui vices suas commisit, sive in indicendo Concilio, sive in rebus Ecclesiae Romanae tuendis, atque administrandis. Ex hac epistola est canon 1. dist. 94., ubi pro illis verbis *patrocinium commisisse* legendum est ex veteribus Codicibus MSs. *patrimonium commisisse*; quam emendationem etiàm probat epistola Gregorii 2. & 3. lib. 1., in quibus Sanctus Pontifex scribit, se in Siciliam misisse Petrum Subdiaconum *ad regendum Siciliæ patrimonium*, & *pro regendo Ecclesia patrimonio*. Imò, & mitti consuevisse à Romano Pontifice in Siciliam Ministros ad curam gerendam *Ecclesiastici patrimonii*, idem Gratianus demonstrat in can. 9. caus. 10. quæst. 3., qui legitur in ^{Can. 9.} alia ad Siciliæ Episcopos epistola in vul- ^{caus. 3.} gari editione 22. lib. 11., apùd Maurinos 18. lib. 13. Hæc epistola scripta præfertur ad Leonem, Secundinum, Joannem, Donum, Lucidum, & Trajanum Siciliæ Episcopos. Cum enim hi Episcopi, dum per diœcesim Sacramentum Confirmationis administrarent, Sacerdotibus, aliisque Clericis gravamen inferrent, certior factus Gregorius illos admonuit paterno planè officio, quemadmodùm in eodem canone 9. legimus, ubi pro illis verbis *per universas vestras diœceses* legendum erit: *per diversas vestras diœceses*; item *pro illis*; *quod tunc placuit*, *sicut nunc dicitur*, *minime custoditur*, legendum erit: *quod tunc placuit*, *nunc*, *sicut dicitur*, *mini-* ^{me}

mē custoditur. Dēmū illa verba pos-
trema, non graves studeatis existere, itā
erunt corrigenda, graves non studeatis
existere.

SECTIO X.

*De epistolis, directis per Tusciām,
& Umbriām.**De epistola ad Candidum Episco-
pum Urbevetanum.*

Can. caus. q. 1. 2. Aegrotantes Clericos ecclesiasticis
debere subsidiis adjuvari æquitas ipsa
naturalis postulat; quemadmodum enim
servire nobis intelliguntur etiām hī, quos cu-
ramus agros, qui, cupientes servire, prop-
ter adversam valetudinem impediuntur, uti
recte edisserit Paulus in l. 4. §. 5. ff.
de statu liberis; itā etiām servire ad-
huc Ecclesiæ dicuntur Clerici, quos ab
officio deturbat adversa corporis va-
letudo. Hanc ob rem, cum Calumnio-
sus quidam Clericus Urbevetanæ Ec-
clesiæ solā ægritudinis causā à Candi-
do Episcopo suo ecclesiastici peculii si-
bi debitā portione privatus fuisse, Gre-
gorius ad Candidum eumdem scribens
epist. in vulgari editione 5., in Mauri-
na 8. lib. 2., consueta illi subsidia mi-
nistrari jussit; quemadmodum perspi-
euè liquet ex can. 2. caus. 7. quæst. 1.,
ex eadem epistola deprompto. Animad-
vertitur, apud Maurinos verba illa &
ideò desiderari, quamquam & apud
Gratianum, & apud alios Collectores
habeantur.

*De epistola ad Joannem Episcopum
Urbevetanum.*

Can. 13. caus. 10. q. 1. Superiùs jam sæpè animadverten-
dum fuit, tempore Gregorii Magni
Monasteriorum cultum, & incrementa
quamdam, itā dixerim, aliquot Cleri-
corum, imò & Episcoporum invidiam
concitasse; hinc Episcopos eò adduc-
tos fuisse, ut Monachorum quietem
aliquandò turbarent. Turbaverat inter-

ceteros Joannes Urbevetanus Episco-
pus, qui interdixerat Abbatii Monaste-
rii Sancti Georgii, vel, ut alii volunt,
Sancti Gregorii, ne in Monasterio co-
dem Missæ celebrarentur, aut mortuo-
rum cadavera tumularentur. Opportu-
num duxit ad hanc rem Gregorius epis-
tolam ad Joannem scribere, quæ est 12.
lib. 1., quæque integra proponendum
exhibitetur in ean. 13. caus. 16. quæst.
1. Ejus verba hæc sunt juxta Mauri-
nos codices: Agapitus Abbas Monasterii S.
Gregorii (legunt alii: Agapius.... S. Geor-
gius) insinuavit nobis, plurima se à vestra
sanctitate gravamina sustinere, & non solum
in his, quæ necessitatis tempore aliquod Mo-
nasterio possint ferre subsidium; verū etiām
quid eodem Monasterio Missas prohibeatis ce-
lebrari, sepeliri etiām ibidem mortuos inter-
dicatis. Quod si ita est, à tali voshorta-
mur inhumanitate suspendi, & sepeliri ibi-
dem mortuos, vel celebri Missas, nullā
ulteriū habita contradictione, permitatis; ne
denū querelam de iis, quæ dicta sunt, præ-
dictus Vir venerabilis Agapitus deponere com-
pellatur. Ad hujus canonis interpretatio-
nem observandum est, Gratianum per-
perām ex illo inferre pōst canonem 16.,
quod si quis apud Monasterium sepulturam si-
bi eligere voluerit, liberè à Monachis potest
sepeliri. Etenim nullibi constat, Grego-
rium locutum fuisse de illis, qui sepul-
turam in Monasterio sibi elegerunt, sed
fortè respicere voluit ad sepulturam
Monachorum, ab hac vita decedentium,
ab ipsis Monachis liberè in Monasterio
faciendam, cum nondū invaluisset
usus, ut defunctorum cadavera ad Ec-
clesias deferrentur. Reverā, cum pro-
hiberetur tunc temporis, ne intrā Ec-
clesias tumularentur cadavera, suboriri
quæstio poterat, utrū, quod de Ec-
clesiis cautum erat, in Monasteriis etiām
recipiendum esset. Ita nonnulli ex Epis-
copis arbitrabantur, Monasteria haben-
tes non tam pro religiosis, quam pro
sacratis locis. Quod cum grave Mona-
chis videretur adamantibus in eodem,
quo vixerunt, loco inhumari, Grego-
rius Magnus ut Monachis gratam rem
fa-

faceret, aut singulari concesso privilegio, aut etiā juxta commune Jus, quod quidēm interdicebat sepulturas fieri in sacris, non autēm in religiosis locis, qualia erant Monasteria, rescripsit. Canon ita explicatus longē abest à Gratiani proposito; hinc enim Collector ad sui temporis mores veterum Patrum fragmenta inflectebat, non juxta auctorum disciplinam interpretabatur.

De epistola ad Valentiniū Abbatem.

Valentinum Abbatem redarguit Gregorius in epist. 40. lib. 3. in vulgari, & 42. lib. 4. in Maurina editione, quōd, parūm sollicitus de regulari disciplina, Monachos sibi subjectos non in officio contineret. Integra hæc epistola eisdem omnī verbis legitur in can. 20. caus. 18. quæst. 2., quodque ibidēm traditur, aliis Conciliorum ecclesiasticorum capitibus consonare videtur, quemadmodū illis facile liquebit, qui cum hoc canone conferet canoness 103. & 104. de consecr. dist. 4. Hunc Valentiniū Abbatem suspicor Monasterium habuisse in Diœcesi Spoletona; etenim in epist. 37. lib. 2. in Maurina editione, ad Chrisantum Spoletonum scripta, mentio fit Valentini Abbatis, nec non Monasterii ejusdem jurisdictioni subjecti.

De epistola ad Venantium Episcopum Lunensem.

Duplex epistola est Gregorii, ad Venantium Lunensem Episcopum scribentis, prior est 5., posterior est 16. lib. 4. in vulgari editione; sunt autēm apud Maurinos 3. & 7. lib. 5. Ex iis, velut ex uno monumento, compositus est apud Gratianum canon 10. dist. 50. Priora canonis verba, usquè ad illa; *hoc in tua Fraternitatis ponimus potestate,* continent integrum epistolam priorem, ubi pro illis Gratiani verbis *de Saturnino*

ne Presbytero, & ministerium Sacerdotii; legunt Maurini Monachi: *De Saturnino Expressytero, & ministerium Presbyterii.* Nomen viatici, quod ad exitus tempus auctoritate Gregorii reservatur, arbitror intelligi sacramentalem reconciliacionem, seu absolutionem, quemadmodū apud veteres usurpari solebat. Quæ sequuntur in §. Præterea pertinent ad epistolam posteriorem, in qua non tantum agitur de Saturnino è gradu Presbyterii dejecto, sed de aliis etiā Clericis eidem fermè sententiæ obnoxii. Hic quoquè apud Gratianum legitur: *Saturninum verò Presbyterum;* at Gregorii integra epistola apud Collectores exhibita habet: *Saturninum verò Expressyterum.* Duæ, quæ ibidēm memorantur, insulæ, Capraria in mari Tyrreno inter Corsicam, & oras Tusciae, & Gorgona ferè media inter Corsicam, & easdem Tusciae oras, erant tunc Monachorum frequentiâ illustres. Quod verò dignius est observatione, situm est in vetustissima disciplina, quæ ex duabus istis Gregorii epistolis eruitur. Nimirūm receptissimum erat, ut Clerici, semel lapsi, ne pòst pœnitentiam quidēm in pristinum gradum restituerentur, quod aliàs demonstravi, atque ex hoc potissimum cum Viris eruditis rejiciendam non dubitavi epistolam ad Secundinum, Gregorio tributam, ex qua depromptum scimus canonem 16. dist. 50.

SECTIO XI.

De epistolis, per Picenum directis.

De epistola ad Castorium Episcopum Ariminensem.

In causa 18. quæst. 2. tres canoness 2. & 6. exhibuit Gratianus depromptos ex epistola Gregorii ad Castorium Ariminensem, nimirūm canonem 2., 3., & 6.; nullius tamèn ex illis lectio probanda, quia non solùm hujusmodi fragmenta à Gregorianā ipsa epistola discrepant, verum

rūm etiā ipsa Gregorianæ epistolæ exemplaria non invicem conveniunt. Hinc Monachi Maurini in sua editione duplēcēm epistolæ textum ob. MSs. Codicūm varietatē exhibere debuerunt, ne ipsi, suo judicio optimum Gregorianæ epistolæ exemplar elegisse, unumque alteri p̄t̄ulisse in dubio, viderentur. Agitur sanè in hac epistola de aliquibus privilegiis in dispendium juris Episcopalis Monasterio Sanctorum Andreæ, & Thomæ Ariminensi concessis; sed in ipsorum privilegiorum explicatione non una est codicūm omnium formula, quorum alii magis, minūs alii Episcopilibus juribus detrahunt. Quid concludendum foret in tanta codicūm varietate? Obvenit animo hād temerē p̄r̄concepta suspicio, quā credam Monachorum manibus in hisce Gregorianis epistolis plura aut adjecta fuisse, aut immutata. Nemo enim dubitare potest, quin hāc monumenta à Monachis potissimū custodita fuerint, ac de manu in manum in Monasteriis ipsis traducta variis exemplarib⁹. Cum verò nondūm inventa fuisse ars typographica, ecquis non videt, facile Monachos potuisse quēdam per paraphrases, latioresve sententias explicare, aut etiā posteriorib⁹ gliscentibus Monasteriorum consuetudinibus accommodare? Non est hāc nuda suspicio, aut dubitatio, ubi codicūm ipsorum varietas adparet, quorum alterutrum ab archetypo dissidere necesse est, facilèque ab iis corrumpi potuit, qui codices ipsos solertiū custodiebant, quorumque intererat nonnulla immutari. Itaq̄ vel quōd corrupta hodiē sit hujusmodi epistola, vel quōd in dubio semp̄r non privilegiis, sed Juri ordinario favere debeamus, ea hodiē probanda lectio erit à viro sacrarum rerum studioso, quā Episcoporum auctoritatī minūs officiet; si tamē generaliter Episcoporum auctoritatī officeret, quod favore unius Monasterii Ariminensis à Gregorio concessum videri potest, cum non facilē privilegia in exemplum trahantur.

Tom. III.

Jam verò ut ad rēm veniam, verba canonis 2. caus. 18. quæst. 2. in Gregorii epistola non leguntur, & in nullis exemplaribus exhibentur. Jure propterea adnotarunt Romani Correctores, eudem canonem 2. habendum esse pro quadam summa canonis posterioris, quæ fortè à Monacho quodam p̄f̄igi potuit aut initio, aut ad marginem Gregorianæ epistolæ ad Castorium, ut sic integra Gregorii sententia paucis perstringeretur. Ceterū plurimū adhūc distant utriusque canonis formulæ. Deducendæ res est ad canonem 3. caus. 18. quæst. 2. In vulgari editione lib. 4. epist. 43. ita legitur: *Abbatem verò eidem Monasterio non alium, sed quem dignum moribus, atque actibus monasticae disciplinae communi consensu Congregatio tota poposcerit, te volumus ordinare. Missas autem illic publicas per Episcopum fieri omni modo prohibemus, ne in servorum Dei secessibus popularibus occasio p̄beatur ulli conventibus, & simpliciores ex hoc animas plerumq̄, quod absit, in scandalum trahat; frequentior quoq̄ introitus muliebris arceatur.* Sic etiā habet epist. 41. lib. 2. Maurinæ editionis priore loco descripta. Multo aliter legitur in epistola eadem, posteriore loco edita, ibi: *Defuncto verò Abbatे cuiusquam Congregationis, non extraneus, nisi de eadem Congregatione, quem sibi propriā voluntate concors fratrum societas elegerit, & qui electus fuerit, &c. quæ habentur in can. 5. §. Defuncto caus. 18. quæst. 2. de quo inferiū sermo instituendus erit.* Cum posteriore hujusmodi editione consonare videtur Gratianus canon 3. memoratus, licet non omnino; verū prior editio videtur ceteris anteferenda, quia magis perspicua, stylo Gregorii consentanea, & speciei Gregorio propositæ accommodata. Etenim, cum in Gregorianæ epistola ageretur de uno Monasterio Ariminensi, convenientius erat ita scribi: *Abbatem verò eidem Monasterio &c., quam generalibus uti verbis: Defuncto Abbatē cuiusquam Congregationis.* Sanè Gratianus, in Monasteriis & degens & scribens, illam potiū editionem secutus est, quæ ad extendenda Monas-

K

te

terii privilegia valeret, ita scribens: *Abbatem cuiuslibet Monasterio, &c. Cuiuslibet, inquam, quæ vox amplior etiam erat, quam in quocumque Gregorianorum operum exemplari.*

Verum enim verò demus, adhuc utriusque editionis parem esse debere auctoritatem, illud saltē admittere oportebit, unam posse per alteram explicari, ubi minimè adversantur, & dubietas inest. Posterior editio habet, debere Abbatem non extraneum, sed, de eodem Monasterio à sociis electum, ordinari. A quonam verò hæc ordinatio electi fiat, minimè definitur. In priore verò editione perspicue adseritur, electi ordinationem ad Episcopum pertinere, ibi: *Te (nimis rūm Castorium Ariminensem Episcopum) volumus ordinare.* Ecur itaque Gratianus in can. 2. caus. 18. quæst. 2. erit excipiendus, ubi exprimit: *Abbas in Monasterio non per Episcopum, aut per aliquem ordineatur?* De electione Abbatis ajebat Gregorius, à qua extraneum quemcumque exclusit, non de ordinatione, quam soli Episcopo reservavit. Nullibi autem leguntur ea Gratiani verba vel Clericos, uti notant Romani Correctores, apud Gregorium, quæ sanè Collector Gratianus non aliund derivare potuit, quam ex depravatis alijs Monasterii codicibus.

Quod spectat Missarum celebrationem, quæ Episcopis in Monasteriis interdicitur, universi Codices Gregoriani ad Missarum publicarum solemnitatem referunt, quemadmodum & refert Gratianus ipse in dicto canone 3., quamquam in canone 2. generaliter fragmentum Gratianus expresserit. Longè præterea abest à Gregorii proposito, quod in fine ejusdem canonis 2. adjicitur: *ut nulli Ecclesiæ subjiciatur;* quasi Gregorii ratio, quare Episcopum à Missis celebrandis in Monasterio excluderet, ea esset, quod Monachi à quacumque Ecclesia exempti proponerentur. Non ita, arbitror, locutus fuisset Sanctus Pontifex, quoties eximendos ab Ordinario Monachos voluisse; aliud enim non sub-

jici Episcopo, aliud est nulli Ecclesia subjici, quasi acephalos. Imò multo aliter se se Gregorius explicat in priore editione, superius memoratā. Siquidem non ideo Episcopus à Divinis Mysteriis publicè celebrandis in Cœnobio abstinere debebat, quod ipse Cœnobio non præsideret, sed ne ad Monasteria sacrorum Mysteriorum prætextu populus universus, feminæ præsertim, confluaret: *ne in servorum Dei secessibus (sunt ipsa Gregorii verba) populis occasio præbeat ulla convenientibus, & ... in scandalum trahat frequentior quoque introitus muliebris.* Vereor, ne hodiernā ætate versæ sint in hac re vices; ubi enim Monachi olim ex Gregorii Constitutione voluerunt, Episcopum quidem ad Monasteria accedere, dummodò tamèn populi frequentia non adasset, ne Monachorum eorumdem religiosa quies turbaretur, ac solitudo, modò nonnulli adversus Gregorii sententiam frequentiam populi adamaverint, dummodò à Monasteriis Episcopos ipsos excluderent.

Dicendum adhuc superest de dicto canone 6. caus. 18. quæst. 2., cujus sancè verba non consonant cum priore Maurinæ editionis exemplari, in quo nil aliud dicitur, quam Abbatem esse eligendum à suis Monachis, & ab Episcopo ordinandum; item Episcopum Missas publicas in Monasteriis celebrare non debere, ne monastica quies ullà ratione turbetur; ac demùm hæc adeò firma esse servanda, ut Monachi ab omni gravamine liberi divinum opus summâ cum animi devotione perficiant. At quid non addidit Gratianus in dicto canone 6.? Videtur ille deceptus ex posteriore Maurinæ editionis exemplari, aliove simili, ab otioso quodam Monacho elucubrato, qui voluerit Gregorianam epistolam interpretatione suis temporibus, & voluntati accommodata supplere. In hoc posteriore exemplari ita legitur: *Luminosus Abbas Monasterii Sanctorum Andrea, & Thomæ, in Ariminensi Civitate constituti, quas nobis lacrymabiliter preces effuderit, inditæ textus petitionis informat.* Namque, eodem referente,

rente, pluribus in Monasteriis multa à Præsulibus præjudicia, atque gravamina Monachos pertulisse comperimus. Oportet ergo, ut tuæ Fraternitatis provisio de futura quiete eorum salubri disponat ordinatione; quatenus conversantes in illis in Dei servitio, gratia ipsius suffragante, mente liberâ perseverent. Missas quoque publicas ab eo in Cœnobio fieri omnimodo prohibemus ne in servorum Dei recessibus, & in eorum receptaculis ulla popularis conventus præbeatur occasio, vel mulierum fiat novus introitus, quod omnino non expedit animabus eorum. Quæ apud Gratianum subsequuntur in vers. nec audeat, &c. usquè in finem, in omnibus Gregorianarum epistolarum exemplaribus desiderantur assutaque videntur epistolæ Gregorii ab eximio deceptore, cui detestabilis visa fuit in Monachos Episcoporum juridictio.

De epistola ad Valerianum, & Demetrium Clericos Firmanos.

Can. 15. Firmanæ Ecclesiæ in Piceno Subur-
caus. 12. vicario præsederat Fabius Episcopus
q. 2. circa tempora Gregorii Magni. Is cer-
tam ecclesiasticae pecuniae quantitatem
expenderat in redemptionem captivo-
rum Demetrii, Valeriani, & Passivi,
quorum priores Clerici, postremus
Episcopus Firmanæ ejusdem Ecclesiæ
deindè fuerunt. Quæsitum fuit, nùm
isti ære ecclesiastico redempti refundere
tenerentur in ecclesiasticum ærarium
nummos, suæ redemptions causâ ab Ec-
clesia impensos? Respondit Gregorius,
non teneri in epist. 14. lib. 7. indict. 2.
in vulgari, & 17. lib. 9. in Maurina edi-
tione, cujus verba integra fermè refe-
runtur à Gratiano in can. 15. caus. 12.
quæst. 2., etenim pòst verba illa Gra-
tiani postrema, *objici questionem*, nihil
aliud in epistola ipsa legitur, quàm quæ
hic subjiciuntur; nimirum: *qui a ratio pietatis exposcit, ut, quod studio pietatis impensum est, ad redemptorum onus, vel afflictionem non debeat pertinere.* Sanè, res ecclesiasti-
cas impendi rectè potuisse in captivorum
redemptionem, perpetua traditio fuit,

cujus argûmento vel una satis esse posset
lex 21. cum autentica sequente Cod.
de Sacrosanctis Ecclesiis.

De epistola ad Joannem in vicinia Anconitana Episcopum.

Vacante Anconitanâ Ecclesiâ, cum plures essent ad Episcopatum electi, res ^{Can. 1.} _{dist. 85.} ad Gregorium Pontificem deducta est, cuius judicio omnis controversia diri-
meretur. Ut de hac causa inquireret, mandavit Sanctus Pontifex tūm Armenio illius Ecclesiæ Visitatori Episcopo, tūm Joanni, quem proindè in Anconitana vicinia constitutum fuisse suspicor. Huc autem pertinet epistola ad Joannem eumdem scripta 6. lib. 12. in vulgari-
bus codicibus, & 11. lib. 14. apud Maurinos, cujus integra ferè verba ex-
hibentur in can. 1. dist. 85., atque in
hujus canonis prioribus verbis ita legen-
dum est: *Indicatum nobis est, Florentinum Archidiaconum Ecclesie Anconitanae, qui, &c.* Itèm pro illis Gratiani verbis, *adjacentes etiā ad illum tenacem existere, ut in domo ejus amicus, &c.* legendum erit: *addentes etiā illum tenacem existere, ut dominum ejus amicus, &c.* Planè singulare est, quod in hoc eodem canone observandum est: scilicet ubi proponebatur Florentinus electus, qui jurejurando se se obstrinxerat, ne unquam ad Episcopatum se pro-
moveri pateretur, Gregorius in id solertiùs inquirendum voluit; noa quòd Sanctus Pontifex dubitaret, nùm hoc iurandum probandum esset, sed potius ut ex eo, quale fuisset electi inge-
nium, studium, qualis indoles, atque animus tutiùs indicaret. Reverà proba-
ri nullo modo poterat hujusmodi iurandum, ubi id promittitur, quod non ex jurantis voluntate pendet, sed potius ad munera publica pertinet, quorum exercitium, ut in publicam tendit utilitatem, ita ab iis, qui res publicas adminis-
trant, etiā in invitatos, ac refragan-
tes defertur.

De epistola ad Passivum Episcopum Firmanum.

Can. 18. dist. 61. Passivus Firmanus Episcopus is fuit, quem nupèr ex epistola Gregorii ad Demetrium, & Valerianum Clericos Firmanos, captivum fuisse ajebam, & ecclesiasticā pecuniā redemptum. Ad hunc scripta proponitur epistola 13. lib. 10. in vulgari, & 12. lib. 12. in Maurina editione, cujus sententia perspicua est in can. 18. dist. 61., ubi tamē in aliquibus Gratiani exemplaribus legitur: *vel à nobis Subdiaconus fiat*, cum potius legendum sit: *vel à vobis Subdiaconus fiat*.

SECTIO XII.

De epistolis, ad Mediolanenses scriptis.

De epistola ad Deodatum Episcopum.

Can. 1. caus. 12. Non satis aptè, appositèque expli-
cari posset sententia canonis 1. caus. 12.
q. 5. & quæst. 5., nisi integrum heic descri-
caus. 12. bendo Gregorii epistolam ad Deodatum
q. 2. Episcopum Mediolanensem in vulgari
editione 42. lib. 10., & 38. lib. 12.
apùd Maurinos. Nulli dubium est, scribit Sanctus Pontifex, *quia, sicut Sacerdotibus res in Episcopatu adquisitas nulla est alienandi licentia, ita de eis, quas ante habuerint, quidquid judicare voluerint non vetantur.* Itaque Fraternitatem vestram tempore, quo ad nos fuit, questam esse recolimus, quidquid quedam immobilia, quæ Constantius Decessor vester Luminosa ancillæ Dei, filiæ fratris sui (legunt Maurini: filiæ sue, fratribusque suis) testamen-
ti serie legati titulo dereliquit, jam Episcopus adquisisset; decrevisseque nos, ut si hoc constaret, nullum ex his Ecclesia vestra preju-
dicium pateretur. Quod & vos oportet recolle-
re, & molestiam aliquam prædictæ ancillæ Dei non facere, nec ei sine cognitione de his, quæ possidet, quidquam auferre. Sed si hoc Ec-
clesia vestra actores probari posse confidunt,
vestris nobis epistolis indicate, ut qualiter hoc

ipsum constare debeat, disponamus; dummo-
dò, cognitâ veritate, nec Ecclesia vestra pati
præjudicium, nec illa injustè videatur affligi:
quia, quantum aliqui perhibent, hoc supradic-
tus Decessor vester non in Episcopatu, sed dum
adhuc esset Diaconus, adquisivit. Unde necesse
est, ut, sicut diximus, factâ probatione, de-
beat constare, quod verum est. Eamdem verò
ancillam Dei Fraternitati vestre commenda-
mus, ut à nullo eam patiatur gravari, vel op-
primi, ne, si inquietata fuerit, ex hujus causæ
occasione hoc pati, quod non decet, existime-
tur. Et idèo, si quid forte fuerit, quod debeat
emendari, aut à plano adhortationis vestre mo-
deramine corrigatur, aut certè nobis subtiliter
nunietur; quatenus & vos ab invidia sitis ex-
tranei, & nos, quod convenit facere, nullaten-
nus omittamus. De canone 12. caus. 12.
quæst. 2. nihil adjicio, cum nihil aliud
in illo contineatur, quam priora integræ
hujus descriptæ epistolæ verba.

*De epistolis ad Constantium Epis-
copum.*

Ex epistolâ ad Deodatum Mediola-
nensem Episcopum, nupèr exhibitâ, li-
can. 1. dist. 50. quidò constat, antè Deodatum Ecclesiam
Mediolanensem rexisse Constantium
Episcopum, ad quem Gregorii episto-
læ scriptæ tres præseferuntur apùd Gra-
tianum. Prior est numero 17. lib. 4. in
vulgari, & 4. lib. 5. apùd Maurinos, ex
qua depromptus est canon 1. dist. 50.
ubi sane confirmatur vetus illa de lapsis
clericis ad pristinum gradum, etiàm post
penitentiam restituendis disciplina.
Monachi Maurini pro illis verbis, *pro re-
versionis spe*, legendum potius voluerunt:
per *reversionis spem*.

Altera epistola est in vulgatis codici-
bus 14. lib. 6. & in Maurinis 14. lib. 7. q. 3.
caus. 11. cuius argumentum est *de non curandis ma-
lorum obrectationibus*. Rumor enim qui-
dam audiebatur adversus eundem
Constantium, quem pravi homines ex
invidia carpebant. Asserit Gregorius, se
non facile credere malignis hujusmodi
hominibus, interea tamē Constantium
monet, ut ita se gerat, quo ab eisdem
si-

sibi detrahentibus se se jungat. Huc pertinet canon 52. caus. 11. quæst. 3., ubi pro illis verbis, *ex sacri eloquii testimonio tenemus*, legendum voluerunt Maurini: & *sacri eloquii testimonium tenemus*; item in illis verbis, quæ propè finem canonis habentur, *quæ eterna vita sunt*, observaverunt, in quibusdam MSS. codicibus legi: *quæ interna vita sunt*; atque postrema hæc lectio magis Gregorii proposito accommodata videtur.

Can. 74. caus. 11. q. 3. Postrema Gregorii epistola est in vulgari editione 30. lib. 8., & 29. lib. 10. in Maurina. Ibi docet Gregorius, Pompejum quemdam Episcopum accusatum damnari nullo modo posse, quia nondum probata ab accusatoribus fuerant crimina eidem objecta; atque huc pertinet illa Gregorii sententia, quæ legitur in can. 74. caus. 11. quæst. 3. *Nam grave est satis, & indecens, ut in re dubia certa dicatur sententia.*

De epistola ad Magnum Presbyterum.

Can. 2. caus. 24. q. 3. Vacaverat Mediolanensis Ecclesia ex obitu Laurentii Episcopi, qui Magnum Ecclesiæ ejusdem Presbyterum à communione suspenderat. Occasione arreptâ, ad Gregorii benignitatem totum se contulit Magnus, futurum sperans, ut extrâ gradum suum non diutius consistere videretur. Annuit Gregorius per epistolam 26. lib. 2. in vulgari, & lib. 3. in Maurina editione, eumdem Magnum interea monens, ut curaret, à Populo, & Clero successorem Episcopum Virum laudabilem eligi. Ex hac epistola de promptus est canon 2. caus. 24. quæst. 3. ubi animadvertisunt Maurini, pro illis verbis, *culpis exigentibus*, legendum potius esse, *culpis extantibus*, quemadmodum exhibent vetera MSS. exemplaria. Illud ego adnotandum arbitror, licet in verbis Gratianis sermo institutus videatur de privatione communionis, ex integro tamèn epistolæ contextu adparere, de simplici suspensione locutum fuisse Gregorium: ita enim habent prima ejusdem

epistolæ verba: *Sicut, exigente culpâ, quis à Sacramento communionis dignè suspenditur, ita insontibus nullo modo talis debet irrigari vindicta. Comperimus, &c.* Itaque species canonis ita crit effingenda. Accusatus coram Laurentio Mediolanensi Episcopo Magnus, in dubio fuerat ipsi sacrâ communione interdictum. Causâ post mortem Laurentii ad Gregorium deducta, prosperè cessit Magno, qui insons agnitus est, atque ad jura communionis pristinæ restitutus. Quæ cum ita sint, nescio cur Gratianus ex hoc ipso canone demonstrare velit, excommunicationem iniquam nocere potius excommunicatori, quam excommunicato; non enim quidquam hujusmodi in epistola pertrahatur: hinc dicere jure poterimus, Gratianum procùl à Gregorii proposito aberrasse. Illud demùm in vulgatis Gratiani editionibus observandum est, falsò in inscriptionibus canonis Magnum appellatum fuisse Episcopum Mediolanensem, is enim non Episcopali, sed Presbyterali munere in Mediolanensi Ecclesia fungebatur, quemadmodum ex ipsa Gregorii epistola perspicue liquet.

De epistolis ad Clerum Mediolanensem.

Auream planè dixeris Gregorii epistolam ad Clerum Mediolanensem, in *caus. 2.* vulgatis editionibus 29. lib. 2., & lib. 3. apùd Maurinos, scriptam occasione Episcopi electi Constantii. Et quidèm, de illius electione certior Gregorius factus, eumdem commendat in primis, quod, dum suâ uteretur familiaritate, virum integerrimum agnovisset: deinde tamèn apertè profitetur, se in ea parte nihil velle præstare, quod proposuisset, neminem commendare eligendum, ne electio humano favore potius, gratiâve fieri videretur. Hinc tradit Episcoporum electionem non nisi maturo animi judicio, ac benè pensato, celebrandam esse, unâ propositâ Ecclesiarum utilitate. Prudentissima hæc Gregorii sententia jam satis conspici potest in *can. 2.* *caus.*

caus. 8. quæst. 2., quem ex hac epistola depromptum fuisse scimus.

Can.
caus.
q. 1.

6. jam tradebam, successit in Mediolanensi Episcopatu Deodatus, de cuius electione etiam gratulatus est Gregorius in epist. 65. lib. 8. in vulgari, & 4. lib. 11. in Maurina editione. Ibi traditur, duos fuisse electos, primum scilicet Deodatum à Mediolanensi Clero; alterum à Longobardis, quorum armis universa ferè Italia vastabatur. Scripsit Gregorius, se ratam habere Cleri Mediolanensis electionem, reiecta omnino illà, quæ à Longobardis facta fuerat, eā etiam adjecta ratione, quod Longobardi Catholicī non essent, sed apud hæreticos consisterent. Huc spectat canon 6. caus. 9. quæst. 1. his verbis legendus. *Nos in hominem, qui non à Catholicis, & maxime à Longobardis eligitur, nulla probemus ratione consensum, nec, si aliquis presumptionis usurpatione factum fuerit (notant Maurini, in aliquot MSS. exemplaribus legi: factus fuerit) in locum, vel ordinem illum Sacerdotis suscipimus.*

SECTIO XIII.

De epistolis, per Sardiniam directis.

De epistolis ad Januarium Calaritanum Episcopum.

Plurimæ sunt ad Januarium Calaritanum Episcopum Gregorii Magni epistolæ, quas memorat Gratianus. Præ certis memorabilis est 26. lib. 3. in vulgari, & lib. 4. in Maurina editione; in ea enim nonnulla ecclesiastica disciplinæ capita traduntur. Initium hujus epistolæ legitur in can. 40. caus. 11. quæst. 1., ubi simplex, & nuda facti expositione continetur, ex qua sanè aliquid concludere minimè licet. Hæc sunt priora epistolæ verba: *Fratis, & Coepiscopi nostri Felicis, & Cyriaci Abbatis relatione cognovimus, quid in insula Sardinia Sacerdotes à laicis iudicibus opprimantur, & Fraternitatem tuam ministri sui despiciant; dumque so-*

*lum simplicitati à vobis studetur, quantum videmus, disciplina negligitur: unde hortor, ut omni excusatione postpositâ, Ecclesiam, quam suscepisti, auctore Deo, regas, disciplinam Clericos tenere cogas, nullus verba metuere studeas. Archidiaconom verò tuum, ut audio, &c. Heic statim sequuntur verba canonis 29. dist. 81., quæ cum vulgatis ejusdem epistolæ exemplaribus consonant. Post hæc ad alia gradum facit Gregorius, subdens, rusticos Calaritanæ Ecclesiæ esse cogendos, ut Fidem Catholicam amplectantur his verbis: *Accedit autem aliud valde lugendum, quia ipsos rusticos, quos habet Ecclesia tua nunc usque in infidelitate remanere negligentia Fraternitatis vestre permisit. Et quid vos admoneo, ut extraneos ad Deum adducatis, qui vestros ab infidelitate corrigere negligitis? Unde necesse est, vos per omnia in eorum conversionem vigilare. Nam, si cujuslibet Episcopi in Sardinia insula paganum rusticum invenire potuero, in eundem Episcopum fortiter vindicabo. Jam verò, si rusticus tanta fuerit perfidie, & obstinationis inventus, ut ad Dominum Deum venire minimè consentiat, tanto pensionis onere gravandus est, ut ipsa exactionis sue pena compellatur ad rectitudinem festinare. Postrema hæc verba leguntur in can. 4. caus. 23. quæst. 6., in quo sanè primo q. 6. obtutu paulò asperior proponi disciplina videtur, dum traditur, rusticos per pecuniarias pœnas ad Fidem Catholicam adducendos esse, contrà quam tradidit Gregorius Nazianzenus in oratione 8. his verbis: *Neminem vi duci vult lex nostra, coactaque, ac non sponte gubernari. Hoc enim modo ne alia quidem imperia contineri, ac conservari possunt, quod ita natum comparatum sit, ut quidquid vi tenetur, arreptâ occasione statim se in libertatem adserat, ne dum nostrum, non dicam imperium, sed magisterium, quod nulla re aquæ, ac voluntatis libertate conservatur. Cur verò aliorum investigo testimonia Patrum cum Gregorius ipse Magnus frequentissimè scripsit, neminem vi, aut pœna indictâ ad Fidem Christi suscipiendam fore cogendum? Perspicuum est ejus testimonium in epistola 34. lib. 1. ad Petrum***

Can. 29.
dist. 81.

Ter-

Terracinensem Episcopum, ibi: *Eos, Accidit autem aliud valde lugendum, quia ipsos rusticos, quos habet Ecclesia tua, nunc usque in infideitate remanere, negligenter Fraternalis vestre permisit. Et quid vos admoneo, ut extrancos ad Deum adducatis, qui vestros ab infidelitate corrigerem negligitis?* Hæc sanè, penitus, uti decet, considerata, non aliis accommodari possunt, nisi colonis ecclesiasticis, in quibus vigilantior esse debebat, & exactior Episcopi cura. Simile argumentum habetur in epistola 23. lib. 3., ubi rusticorum nomine intelliguntur Christianorum coloni, quemadmodum in epistola 66. lib. 7., sive in canone 5. dist. 89. Quæ omnia si apprimè perpendantur, non nihil à Gratiani proposito aliena videbuntur.

Quæ in Gregorii epistola statim sub-
sequuntur, habentur in canone 9. dist.
50., ubi pro illis verbis, *quod omnino prohibemus, legendum est, quod omnino prohibuimus.* Sanè ibi Gregorius, ubi de Clericis lapsis ad pristinum gradum minime restituendis verba facit, laudat veteres canones, ibi: *Sacratissimi quoque canones contradicunt.* Hi sunt canon 10. Concilii Nicæni, canon 1. Concilii Ancyranæ, canon 29. ex Apostolicis, canon 7. in decretis Syrici, canon 21., & 23. in decretis Innocentii, aliquique similis, numero plures.

Tandem in fine ejusdem epistolæ legitur canon 1. dist. 95., cuius corrupta apud Gratianum editio in causa fuit, cur & sacrorum canonum Cultores, & Theologi numero plurimi eam opinionem iniverint, quæ alijs adversari videtur ecclesiasticæ, & quidem vetustissimæ traditioni. Perpetuò custodita disciplina in Ecclesia fuit, quâ administratio Sacramenti Confirmationis solis Episcopis reservetur, exclusis ab illa iis, qui solo Presbyteratus ordine sunt insigniti. Huc pertinere etià potest ipsa Apostolorum doctrina, juxta quam legimus in illorum Actibus solos Apostolos Paracletum Spiritum eo Sacramento tradidisse. Ad hanc rem egregiè edidit Innocentius Papa in epistola ad Decentium Eugubinum cap. 3. ita scribens:

bens: *Hæc autem Pontificibus solis deberi, ut vel consignent, vel Paracletum Spiritum tradant, non solum consuetudo ecclesiastica demonstrat, verum & illa lectio Actuum Apostolorum, quæ asserit Petrum, & Joannem esse directos, qui jam baptizatis traderent Spiritum sanctum.* Jungi his posset Capitulum 4. de consuetudine apud Gregorium IX. Nihilominus tamè non defuerunt, qui Presbyteris eamdem facultatem concedi posse dixerunt, ex ecclesiastica saltè dispensatione, ducto argumento ex memorata Magni Gregorii epistola, prout legitur apud Gratianum, ubi sanè liquet concessum fuisse Presbyteris, ut baptizatos Chrismate consignant. Verum agnoscenda est corrupta editio Gratiani; etenim pro illis verbis: *qui baptizati sunt, & Baptizatos, legendum potius est: qui baptizandi sunt, & Baptizandos,* quemadmodum habetur, tum in editione Veneta Gregorii anni 1505., tum in Parisiensi anni 1518., 1571., 1586., tum in Basileensi anni 1564.; tum demùm in Maurina ceteris planè accuratiore, ubi etià Monachi auctores testantur, ità in MSS. veteribus numero quatuordecim haberi. Verba porrò ità concepta designant, aliam fuisse consignationem infantum Presbyteris concessam, quā confirmatoria; confirmatoria enim non in baptizandis, sed in baptizatis exercetur. Erat igitur illa consignatio quædam ceremonialis, quā Cathecumeni ad Baptismum præparabantur, cuius generis vestigia adhuc supersunt in recentioribus Baptismi ritibus. Neque forsitan turbare quempiam debet, quod refertur ex Joanne Diacono, testante, apud Africanos simile quidpiam legi Presbyteris ecclesiasticâ dispensatione concessum, quemadmodum habetur in ejus epistola ad Senarium, edita apud Mabillonum in tom. I. Musæi Italici, his verbis: *Sed nec illud tangat animum, quod sibi aliquando quædam vis necessitatis adsumit, veluti quod nunc per Africani fieri dicitur, ut sanctum Chrisma confiant; quod meritò moveret, si istam Pontificalis auctoritas licentiam non de-*

disset. Unde constat, à Pontificibus quodammodo fieri, quod in tanta rerum necessitate, ut à Presbyteris effici possit, superior ordo constituit. Hæc sanè etiamsi indubiam fidem facere credantur, diversa tamè potius sunt, quām contraria, cum in ipsis non de administrando Sacramento Confirmationis agatur, sed potius de Christiate conficiendo. Et quamquām ex dispensatione ecclesiastica indulgeri aliquando potuerit, ut Presbyteri Episcopis inferiores sacrum Chrismatū conficerent, non tamè exindè necessariò infertur, ut iidem Sacramentum Confirmationis administrarent, cum plurimū adhuc discriminis intercedere queat inter utramque potestatem.

Alia est Gregorii epistola ad Januarium 27. lib. 4. apud Maurinos, & 24. lib. 3. in vulgari editione. Rescritbit ibidem Sanctus Pontifex de variis ecclesiasticæ disciplinæ capitibus, atque inter cetera ait: *Præterea nosti, latorem præsentium Epiphanius Presbyterum quorundam Sardotum literis criminaliter accusatum, &c.* Quæ sequuntur, integra legimus in can. 4. caus. 5. quæst. 6. In fine vero ejusdem epistolæ leguntur verba canonis 29. caus. 27. quæst. I., ubi agitur de mulieribus, quæ neglecta religiosa initæ vitæ professione è Monasterio egressæ fuerant, & nuptias contraxerant, de quibus ità Gregorius: *In mulieribus, quæ de Monasteriis ad laicam vitam sunt egressæ, virosque sortite, quid fieri debat, cum prædicto Fraternitatis tua Presbytero subilius sumus loquuti, cuius relatione Sanctitas vestra potest pleniùs informari.* Et paulò infrà referuntur verba ipsa memorati canonis 29. Eos autem, &c.

De variis itidem ecclesiasticæ disciplinæ capitibus scripsit Gregorius in alia epistola ad Januarium 9. lib. 4. in Maurina, & lib. 3. in vulgari editione; ubi in primis sermo fit de virginibus monasticam vitam professis, quæ eò redactæ in Sardinia fuerant, ut cogerentur è monasterio exire, per prædia sua villasque discurrentes suos reditus curaturæ, ut fiscalibus tributis satisfacerent.

Hanc

can. 4.
caus. 5.
q. 6.

can. 29.
caus. 27.
q. 1.

can. 28.
caus. 27.
q. 1.

Hanc monialium divagationem improbabit Gregorius, suasitque ut meliori, qua fieri posset, ratione illis abusibus consuleretur, ac præsertim virum frugi præstituendo prædialibus monasteriorum curis, ut interea sacrae Virgines intrâ monasterii claustra ab omni periculo removerentur. Pòst hæc itâ subdidit: *Siqua autem earum vel per anteriorem licentiam* (juxtâ quam scilicet vagari consueverant) *vel per impunitatis pravam consuetudinem ad lapsum adulterii deducta fuerit*, aut in stupri fuerit (monent Maurini in nonnullis MSS. codicibus legi: *ad lapsus adulterini deducta est*, aut in furti fuerit) *perducta voraginem &c.* Quæ sequuntur, habemus in can. 28. caus. 27. quæst. 1., ubi tamèn pro illis verbis: *& sic penitendo proficiat*, legunt Maurini: *& sibi penitendo proficiat.*

Can. 16.
dist. 54. Pòst pauca ibidèm legitur canon 16. dist. 54. quem non facile poterit quispiam interpretari, nisi unà animadverterit integra contextus verba, ibi: *Pervenit ad nos, servos, ancillasque Iudeorum, fideli causâ ad Ecclesiam refugientes, aut infidelibus restitui Dominis, aut eorum, ne restituantur, pretium dari. Hoc tamur igitur, ut nullatenus tam pravam consuetudinem manere permittas; sed quilibet servus Iudeorum ad venerabilia loca configurit causâ fidei &c.* Jure adnotaverunt Correctores Romani ad memoratum canonem Gratianum, vocem illam *Christianorum* tum in editis, tum in MSS. codicibus desiderari. Jam Constitutionibus Imperatorum cautum fuerat, ne Christianus quispiam Iudeo serviret, toto titulo Codicis ne Christianum mancipium, & Novellâ 5. capit. 2., eamque ob rem, si servus Iudeorum ad Ecclesiam conversionis causâ venisset, à servitutis vinculo liberabatur. Has Principum Constitutiones, Christianæ Religioni perutiles, vix, ac ne vix quidèm custodiri Gregorius novarat apud Calaritanos, qui servos Iudeorum, ad Ecclesiam configuentes fidei suscipienda causâ, aut restitui Dominis, aut eisdem pretium dari voluerunt, quod Sanctus Pontifex improba-

Tom. III.

vit, ægrè ferens, aut restituì servos ejusmodi, in periculum gravissimum animarum ad veram Dei fidem anhelantium, aut erogari extraneis hominibus peculium ecclesiasticum, in usus potius fidelium pauperum dispensandum; ubi præsertim domini Judæi satis Imperatorum legibus omni jure dominii exuti fuerant.

Pòst verba memorati canonis 16. Can. 120.
de cons. dist. 4. statim in epistola sequitur, quod legimus in can. 120. de cons. dist. 4. cuius tamèn verba apùd Gratianum, aliosque nonnullos editos codices depravata fuerunt. Itâ legèndum voluerunt Maurini Monachi ex generali MSS. omnium veterum consonantia: *Episcopi baptizatos infantes signare bis in frontibus chrismate non presumant; sed Presbyteri baptizandos ungant in pectore, ut Episcopi postmodùm ungere debant in fronte.* Hinc porrò liquet, duplēm sacri chrismatis unctionem in usu fuisse temporibus Gregorii Magni, aliam ceremoniale ante baptismum, aliam sacramentale pòst baptismum, quâ nimirùm Sacramentum Confirmationis administrabatur. Illa à Presbyteris fiebat, hæc Episcopis reservabatur. Quod si adhuc quisquam aut vulgata Gregorianarum epistolarum exemplaria, aut ipsum Gratiani codicem sequi malit, non erit abs re animadvertere, duplēm etiàm pòst baptismum unctionem fuisse, aliam ceremoniale, & à Presbyteris faciendam, aliam sacramentalem in fronte Episcopis reservatam. Huc pertinere posset, quod scribitur in Sacramentario Gregorii ad ritus Sabbati sancti, ibi: *ut autem surrexerit à fonte, (qui baptizatus est), ille, qui eum suscipit, offert eum uni Presbytero, qui faciat signum crucis de chrismate cum pollice in vertice ejus, dicens &c.* Et pòst pauca subjicitur, sic inunctum adducendum esse ad Episcopum, causâ suscipiendo Sacramenti Confirmationis. His ferè consonat Isidorus Hispalensis in lib. 2. de ecclesiasticis officiis cap. 26., ibi: *Presbyteris, sive extra Episcopum, sive presente Episcopo baptizant, chrismate baptizatos ungere licet; sed quod ab*

L.

Epis-

Episcopo fuerit consecratum; non tamèn frontem ex eodem oleo signare, quod solis debetur Episcopis, cum tradunt spiritum Paracletum.

Can. 14. In eadem Gregorii epistola propè caus. 16. finem leguntur verba canonis 14. caus. q. 1.

16. quæst. 1. ibi: *Pro fundandis etiàm monasteriis, qua à diversis jussa sunt construi, si injustè perspicis hæc aliqua ab iis, quibus indicta sunt, excusatione differre, solerter, secundùm quod leges præcipiant, imminere te volumus, (itè legunt Maurini ex fide veterum codicium, neglectâ editione illorum, qui legendum putant, admonere te volumus), ne pie defunctorum voluntates tuæ, quod absit, remissione cassenntur.*

Can. 28. Prior epistola lib. 7. indictione 2. caus. 2. in vulgari, itidèm prima lib. 9. in Maurina editione est alia epistola ad Januarium, quem Gregorius objurgat, quod ad exarandam cuiusdam messem antè Missarum solemnia die dominico convenisset, celeste risque Missarum solemnibus statim ad prædium remeasset, terminos posse si mis eradicaturus. Huic epistolæ pæfatio legitur apud Gratianum in can. 28. caus. 2. quæst. 7. itè emendando.

Prædictor omnipotentis Domini Paulus Apostolus dicit: seniorem ne increpareris: sed hæc ejus regula in ea re servanda est, cum culpa senioris exemplo suo non trahit ad interitum corda juniorum. Ubi autèm senior juvenibus exemplum ad interitum præbet, ibi distictè increpatione feriendus est. Nam scriptum est: laqueus juvenum omnes vos; & rursus Propheta dicit: & peccator centum annorum maledictus est. Postremum hoc sacrae scripturæ testimonium itè expressum consonat eum vulgatis veteris Testamenti codicibus apud Isaiam cap. 65., contrà quam scripscerit Gratianus, ibi: maledictus puer centum annorum. Si alias sacrorum eloquiorum interpretationes desideres, Hebraica lectio itè redditur: & peccator filius centum annorum maledicetur; apud Septuaginta hæc scripta reperies: & peccator centenarius. etiàm maledictus erit; quibus convenient Syriaci, Chaldæi, & Arabes hac sententiæ: quicumque peccaverit centesimum annum agens, maledicetur.

Qualiscumque verò hujusmodi sumatur interpretatio, èd collineat Gregorii scopus, ut ostenderetur, jure Januarium reprehendi de die dominico violato, licet ipse senior esset. Pòst quam sententiam itè, ad rem propriè accedens, Sanctus Pontifex ait: *Tanta autem nequitia ad aures meas de tua senectute pervenit &c. Quæ sequuntur, exhibuit Gratianus in can. 24. dist. 86., ubi tamèn pro illis verbis; hortamur, ut aliquandò resipascas, miser senex... humanitùs advenerit, legendum est: hortamur aliquandò, resipisce senex... humanitùs evenerit. Ejusdem sententiæ fragmentum retulit rursùm Gratianus in can. 11. caus. 1. quæst. 7., quem propterea juvabit exigere ad memoratum canonem 24.*

De pluribus disciplinæ Ecclesiasticæ capitibus egit Gregorius in alia ad Januarium epistola, quæ est 66. lib. 7. in q. 5. vulgari, & 65. lib. 9. in Maurina editione. Ex hac depromptus est conon 10. caus. 26. quæst. 5., ubi pro illis verbis, *Divini intentione judicii... in pœnitentiam redigendi*, legendum potius est, *Divini intentione judicii... in pœnitentiam dirigendi*. Voluit Sanctus Pontifex, idolorum Cultores, & Aruspices variis ecclesiasticis pœnis esse affligendos, servos scilicet salutari virgarum correptioni subigenendos, liberos autèm homines pœnitentiæ agendæ causâ in Monasterio, sacrove loco includendos. Erant hæc apud veteres consuetæ à Viris ecclesiasticis inflictæ pœnae. Quod enim spectat ad virgas, & flagella, hæc memorat tamquam suorum temporum usu recepta Augustinus in epistola ad Marcellinum, apud Gratianum memoratæ in can. 1. caus. 23. quæst. 5.: memorat etiàm idem Gregorius, laudatus in cap. 1. de Calumnatoriis; in quo tamèn pœnitentiæ genere ea servanda erat ab Episcopis moderatio, ut ipsi se potius tamquam Patresfamilias gererent quasi erga liberos, seu, ut verbis utar Gregorii in can. 1. dist. 45. tamquam Pastores, non tamquam Percussores. Inclusio quoquæ in Monasteriis invalescere cœpit tempore Gregorii in

in viris præsertim honestioribus, quemadmodum etiam hodiè aliquandò viget, ut Episcoporum judicio rei graviorum criminum ad certum tempus Religiosis quibusdam locis addicantur. Fuit hæc pœnitentia criminum capitalium reis indicta in Concilio Agathensican. 50., siue can. 7. dist. 50., itè à Gregorio Magno in epistola ad Marinianum Abbatem Panormitanum, quæ est 26. lib. 2. in vulgari editione, nec non in epistola 40. ejusdem libri. Pòst verba laudati canonis 10. caus. 26. quæst. 5. statim sequitur in eadem epistola canon 5. dist. 89., cuius editio, ut optimis Gregorii codicibus respondeat, ità erit emendanda: *Indicatum etià nobis est, quòd laicis quibusdam curam vestri patrimonii committentes, postmodùm in rusticorum vestrorum deprædationibus, atque per hoc exfugationibus (ità legunt Maurini, contrà quām habeat vulgata editio ex fatigationibus) fuerint deprehensi, & reddere res, quas indecenter retinent, habitas, quasi sua ditioni, quippe, vestra non suppositi curationi, postponant, vobisque despiciant actuum suorum reddere rationem. Quod si ità est, districte à vobis discuti convenit, atque inter eos, Ecclesiæque vestra rusticos causam examinari subtilius. Et quidquid in eis fuerit fraudis inventum, cum pœna legibus statuta reddere compellantur. De cetero vero cavendum à Fraternitate vestra est, ne sacerdotibus viris, atque non sub regula vestra degentibus, res ecclesiastica committantur, sed probatis de vestro officio Clericis. In quibus siquid reperiri poterit pravitatis, ut in subditis emendare, quod illicet gestum fuerit, valeatis, quos apud vos habitus sui magis officium convenient, (ità legunt Maurini, vulgares codices habent commendet), quam excusat.*

Can. 4. Romani Correctores jam diù indicaverunt Gregorii epistolam, ex qua de promptus videtur canon 4. caus. 13. quæst. 2. Plurimum in primis consonat cum verbis epistolæ ad Januarium, ex qua exhibetur canon 14. caus. 16. q. i. Sed magis etià consonat cum alia epistola ad eundem Januarium, quæ est 20. lib. 9. in vulgari editione; ubi agitur de

monasterio construendo, quotiè ea, quæ pridè ædificationi oberant, nullum amplius impedimentum adferrent: ait Gregorius: *Necesse est, ut, si impletum hoc fuerit (nimirūm, si nihil amplius Oberit) defuncti dispositio modis omnibus conservetur. Ex his facile erit Gratiani verba emendare.*

Nihil pro Ecclesiastica sepultura esse CAN. 12.
caus. 13.
q. 2.

exigendum, decrevit Gregorius in alia caus. 13.
q. 2. ad Januarium epistola 55. lib. 7. in vulgari, & 3. lib. 9. in Maurina editione; atque ex ea depromptus est canon 12. caus. 13. quæst. 2. ità describendus ex Maurinorum editione: *Questa est nobis Nereida clarissima semina, quòd ab ea centum solidos pro filia sue sepulturâ Fraternitas vestra non erubescat exigere, atque ei super doloris gemitum majorem dispendi studeat inferre molestiam. Quod si ità se veritas habet, quia grave nimis est, & procul nimis est à Sacerdotis officio, pretium de terra concessa putredini querere, & de alieno velle facere luctu compendium, ab hac se petitione Fraternitas vestra contineat, & molesta ei de cetero non existat: maximè quia & Hortulanum quondam, de quo se ipsa asserit filiam suscepisse, Ecclesia vestra non in parva quantitate munificum memorat extitisse. Hoc autem vitium & Nos, postquam Deo auctore ad Episcopatus honorem accessimus, de Ecclesia nostra omnino vetuimus, & pravam denud consuetudinem nequam usurpari permisimus, memores, quia dum Abraham à filiis Emor, hoc est, Ephor, filio Seor, sepulcrum pretio ad humandum corpus conjugis postularet, pretium accipere renuit, ne commodum videretur de cadavere consecutus. Si ergo tanta considerationis paganis vir fuit, quanto magis Nos, qui Sacerdotes dicimus, hoc facere non debemus? Unde, ne hoc avaricie vitium, ne vel in alienis denud tentari presumat, admoneo. Sed si quando aliquem in Ecclesia vestra sepeliri conceditis, si quidem parentes ipsius, proximi, vel heredes pro lumnariis sponte quid offerre voluerint, accipere non vetamus. Peti vero, aut aliiquid exigi omnino prohibemus, ne, quod valde irreligiosum est, aut venalis fortasse, quod absit, dicatur Ecclesia, aut vos de humanis videamini mortibus gratulari, si ex eorum cadaveribus studea-*

tis querere quolibet modo compendium. Integra ferè in his continetur Gregorii epistola, quam crediderim intelligendam esse de jure sepulturæ extrà ordinem in Ecclesia concedendo. Siquidèm olim nondùm mos invaluerat, ut fidelium cadavera passim in Ecclesia tumularentur; sed raro, & non nisi ex speciali privilegio id indulgebatur, quemadmodum indulgeri cœpit principio Viris clarissimis, & de Ecclesia optimè meritis. Hoc beneficium pro filia sua defuncta obtinuerat clarissima femina, intuitu etiàm prædefuncti Viri in Ecclesiam munifici, quemadmodum demonstrant ipsamet Gregorii verba. Ceterùm, & raro concessum id juris fuisse, perspicuè videntur innuere illa Gregorii ejusdem verba, sed si quando aliquem in Ecclesia vestra sepeliri conceditis, &c.

Can. 7. Licet olim Monachis testamenta caus. 19. condendi facultas minimè denegaretur, 1. 3. & 1. unica Cod. Theodos. de bonis Cleri- **Can. 13.** caus. 25. corum, & Monachorum, & l. 20. Cod. 9. 2. Justinian. de Episcopis, & Clericis, re- centiore tamèn ætate eadem facultas adempta ex novis Justiniani Constitutionibus, Nov. 5. cap. 5. & sequ., Nov. 123. cap. 38. Postremas hasce leges laudavisse visus est Gregorius in can. 7. caus. 19. quæst. 3. deprompto ex epistola ad Januarium in vulgari editione 7. lib. 7., & lib. 9. in Maurina; ubi asseritur, Siricæ monasticam vitam profes- sæ testamentum nullius esse momenti; quò etiàm pertinet canon 13. caus. 25. quæst. 2., jungendus propterè cum me- morato canone 7., ut ad speciem ibidèm propositam referatur.

Can. 27. Demùm apùd Gratianum in can. 27. **caus. 23.** caus. 23. quæst. 4. refertur epistola Gre- **caus. 4.** gorii ad Januarium 34. lib. 2. in vulga- ri, & 49. ejusdem libri in Maurina edi- tione. Gratiani verba penitus consonant cum optimis epistolæ exemplaribus, dummodo in illis: *pro defensione propria injuria tua* omissa voce *proprie* legamus: *pro defensione injuria tua.*

De epistola ad Innocentium, aliosque Episcopos.

Jam Metropolitani juribus potieba- tur temporibus Magni Gregorii Episco- **Can. 45.** **caus. 2.** pus Calaritanus. Hinc Sanctus Pontifex 4. 7. epistolam scripsit ad Innocentium, Vin- centium, Marinianum, Libertinum, Aga- thanem, & Victorem in Sardinia Epis- copos, quos ita suadet Metropolitæ suo esse subjectos, ut ab ipso Paschalem de- nunciationem suscipiant, & non nisi pe- titâ ab eodem veniâ à suis Ecclesiis dis- cedant. Hæc epistola est 8. lib. 7. in- dict. 2. in vulgari, & 8. lib. 9. in Maurina editione. Ex illa depromptus est canon 45. caus. 2. quæst. 7., cujus sen- tentia ita erit ex integris exemplaribus describenda: *Hortamur ergo Fraternitatem vestram, ut, antiquam Ecclesiarum vestrarum consuetudinem exequentes, tām de suspicienda Paschali denunciatione, quām etiam si quem- quam vestrum pro causis propriis ubicumque com- pulerit ambulare necessitas, ab eodem Metro- polita vestro secundum indictam vobis regulam petere debeatis, nec cum postponere in aliquo præsumatis, excepto si, quod non optamus, contrā eundem Metropolitam vestrum habere vos aliquid cause contingat, ut ob hoc Sedis Apostolicæ judicium ii, qui petere festinant, licentiam habeant, quod scitis per canones etiam antiquorum Patrum institutione permisum.* Hæc si cum canone Gratiani conferan- tur, facile liquebit, verba Gratiani non nihil depravata fuisse. Porrò in verbis postremis, nupèr memoratis, ubi cano- nes antiquorum Patrum laudantur, perspicuum est, illorum nomine intelli- canones 4. & 5. Concilii Sardicensis.

De epistola ad Venerium Episcopum Calaritanum.

Non sibi constans fuit Gratianus in can. 29. describendis verbis canonis 29. caus. 27. **caus. 2.** quæst. 2.; heic enim illa recenset sub nomine Gregorii, scribentis ad Venerium Calaritanum, deinde in can. 1. caus. 33. quæst. 1. eadem laudat ex epistola Gre-

gorii ad Joannem Ravennatem. Sanè in epistola Gregorii ad Venerium nihil hujusmodi continetur; quamobrem ad illius canonis interpretationem videantur ea, quæ jam disserui ad dictum canonem 1. caus. 33. q. 1. Quæ verò vulgo circumfertur epistola ad Venerium Episcopum Calaritanum, ea ferè integra habetur apud Gratianum in can. 1. caus. 35. q. 10.

Can. 1. At de ipsa ità sentiunt Maurini Monachi: caus. 35. q. 10. Epistolam ad Venerium Episcopum Calaritanum non admittimus: eam inter opera S. Gregorii recensere vetat ingens styli dissimilitudo: itè Venerius ille est Gregorii Magni aeo incognitus: altum etiam, ac perpetuum omnium codicum silentium, item manuscriptis, & omnibus Scriptoribus autè Anselmum Lucensem, & quemdam Polycarpum quos Gratianus sequutus est. Idipsum ferè testatus est Baluzius in notis ad Gratianum, asserens, se illam epistolam non reperiisse apùd auctorem Anselmo Lucensi antiquiorem; apùd Anselmum autè extare in lib. 10. cap. 35. in Codice MSS. S. Germani Parisiensis, ubi tamè manu antiqua ad marginem adjectum legitur: *Apocryphum caput.* Sanè, quicumque Gratianum canonem leget, statim Maurinorum sententiae adquiescat, nisi tamè Maurinos Monachos progressos nimis fuisse crediderit, ubi ajunt, Venerium Episcopum Gregoriano aeo incognitum fuisse. Etenim, dictum velim veniā tantorum Virorum, in lib. 11. epist. 28. vulgaris editionis epistola Gregorii legitur ad Venerium Episcopum, in qua Gregorius illi commisit visitationem Ecclesiarum Taurianensis, & Turritanensis, quæ sanè Ecclesiæ uti erant in Sardinia sitæ, ità & in Sardinia existenti Episcopo commendari debuerunt.

De epistola ad Vitalem Defensorem.

Can. 10. caus. 18. q. 2. Summa sollicitudo, quâ Gregorius affiebatur ergà monasteria, resque monasticas, eum concitavit, ut ad Vitalem Ecclesiasticum in Sardinia Defensorem scribebat, ejusdemque curæ illud

commendaret, ne monasteria ab aliquibus turbari sineret, sed perpetuo Episcopali officio dirigerentur. Est hæc epistola 65. lib. 7. in vulgari, & 64. lib. 9. in Maurina editione, ex qua legitur canon 19. caus. 18. quæst. 2., ubi tamè pro illis verbis: *Executione perturbat. Quod omnino non grata suscipimus.... quemquam usurpare.... sed ut Episcopo loci illius, &c.* legendum volunt Maurini Monachi: *Executione perturbent, quod omnino graviter suscepimus.... quemquam hoc usurpare.... sed Episcopis loci ipsius, &c.* Si hòc fragmentum penitus perpendatur, facile dignoscetur, quâ longè à Gregorii sententiis aberraverint, qui scripsere, monasticarum exemptionum auctorem Gregorium Magnum fuisse, cum tamè in hac ipsa epistola nihil pressius Gregorius urget, quâ monasteria in Sardinia sita in Episcoporum jurisdicatione consistere.

S E C T I O XIV.

De epistolis, per Corsicam directis.

De epistola ad Bonifacium Defensorem.

In inscriptione canonis 7. caus. 25. Can. 7. caus. 25. q. 2. quæst. 2. ità habetur apùd Gratianum: *Gregorius Bonifacio primo Defensori.* Referatur id ad epistolam 17. lib. 7. in vulgari, & 14. lib. 8. in Maurina editione, ubi sanè pro codicu varietate varietas quoquè dignoscitur inscriptionum. Veteres editi Codices cum Gratianeo codice consonant. Maurini ità inscribendum maluerunt: *Gregorius Bonifacio: De Privilegiis Defensorum.* Alii ex vetustis MSS. Codicibus ità legunt: *Bonifacio Defensori: de privilegiis Primicerii Defensoris: vel: Bonifacio Primicerio Defensori privilegiis Primicerii Defensoris.* Qualiscumque probetur inscriptio, constat ex epistola 77. lib. 11. apùd Maurinos, Bonifacium Defensorem fuisse Patrimonii Ecclesiastici in Corsica Insula; immò & primus omnium Defensorum vocatur in epis-

epistola Gregorii ad Phocam, quæ est 38. lib. 3. apud Maurinos. Quædam in hac ad Bonifacium epistola tribuntur Ecclesiasticis Defensoribus privilegia, quæ declarat Gregorius esse perpetuò custodienda; atque eò pertinet canon 7. caus. 25. quæst. 2., cuius priora verba ità legenda sunt: *Hec itaq; Constitutionis nostra decreta, &c.*; item pro illis Gratiani verbis: *sive que in nostra presentia.... in totum, vel in partes ea, &c.* ità legendum est: *sive quæ eis in nostra presentia.... in totum, partemque qualibet, &c.*

De epistola ad Petrum Episcopum.

Can. 121. Discrepant etià Codices in exhibenda inscriptione epistolæ Gregorianæ, ex qua excerptus est canon 121. caus. 1. quæst. 1.; alii enim eam scriptam volunt ad Petrum Aleriensem in Corsica Episcopum, quibus Gratiani codex consentire videtur; alii codices scriptam exhibit Chrisanto Episcopo Spoletano; alii Anastasio Episcopo Antiocheno. Quod spectat Gratianei canonis interpretationem, parùm, aut nihil proficere potest codicum hujusmodi diversitas; nihil enim aliud ex eodem canone deducitur, quam Gregorium ordinasse in Acolythum cum, cuius operâ utebatur in epistolis ad Episcopos transmittendis, idque intercedente Episcopo, ad quem hac epistola dirigebatur. Verba canonis ità legenda sunt ex optimis epistolæ exemplaribus: *Latorem presentium pro intercessione Sanctitatis vestra Acolythum fecimus, quem ad obsequia vestra retransmisimus, ut si, &c.*

De epistola ad Simmacum Defensorem.

Can. 24. Ad Simmachum Defensorem in Corsica scripta est epistola 52. in Maurina, & 50. lib. 1. in vulgari editione; ubi legitur canon 24. dist. 81. ità ex integra epistola supplendus: *præterea volumus, ut Sacerdotes, qui in Corsica commi-*

rantur, probiberi debeant, ne cum mulieribus conversentur &c. Maurini Monachi arbitrantur, hoc fragmentum corruptum esse in illis verbis: *vel uxore, hanc propterea notam adjicientes: dubito, anno vox illa irrepserit; siquidem ista conversatio res est plena periculi, & suspiciosissima.* Idque deducunt ex Concilio Agathensi, in quo ità definitum legitur canone 16. *Sanè, si conjugati juvenes consenserint ordinari, etià uxorum voluntas ità requirenda est, ut, sequestrato mansionis cubiculo religione premissa, postquam pariter versi fuerint, ordinentur;* item ex Concilio Nicæno can. 3., ubi decretum scimus, non licere Episcopis, Presbyteris, aut Diaconis extraneas mulieres habere, nisi fortè matrem, sororem, amitam, *vel eas tantum personas, quæ omnem suspicionem effugiant.* Ego sanè difficiilius adducor eo, ut ad emendationem codicum progrediendum putem, præsertim ubi omnium codicum fides aliud suadet, & quæ in contrarium adferuntur, parùm probant. Etenim, quod ex Concilio Agathensi profertur, singulare admodum est, & juvenes conjuges spectat ad ordinationem venientes, quorum causâ ipsum ætatis lubricum arctorem videtur exigere disciplinam, ut quæcumque gravis periculi species evadatur. Quod verò in Concilio Nicæno legitur in canone 3., minimè interdicit Clericis consortio, & cohabitatione uxorum, sed tantum seminarum extranearum, quarum sanè nomine uxor minimè venit; imò, eodem Nicæno canone, arbitror, expressè admissam fuisse cohabitationem uxorum in illis verbis: *vel eas tantum personas, quæ omnem suspicionem effugiant.* Nulla planè suspicio subesse potest in uxoribus, quas Sacerdotes, illarum etià consensione accedente, à se thoro sejungi maluerunt, ut sacerdotio fungerentur. Atque hac ratione visi sunt intellexisse Nicænam sanctionem Patres Concilii Carthaginensis, vulgo III., cuius canonem retulit Gratianus in can. 27. dist. 81., ubi à clericorum cohabitatione extraneæ quidem mulieres exclu-

eluduntur, sed admittuntur ea omnes, quæ cum eisdem Sacerdotibus antè susceptum ordinem cohabitabant, quarum sanè nomine venire potissimum uxores, facile unusquisque animadvertis.

SECTIO XV.

De epistolis ad Gallicanos.

De epistola ad Aregium Vapincensem.

Can. 10.
dist. 23. Ex Gallicanis Episcopis, qui sub Gregorio Magno floruerunt, fuit Aregius Vapincensis sub Archiepiscopo Aquensi, quem subscrispsisse Concilio Valentino anni 584., ejusdem Concilii acta testantur. Ad eum scripta est epistola 112. lib. 7. in vulgari, & 107. lib. 9. in Maurina editione; ex qua de promptus est canon 10. dist. 23., ubi pro illicis verbis, *decorandos esse concessimus*, manuscripta quedam vetera hæc exhibent: *decorandos esse censemus*. Canonis sententia ita erit explicanda. Diaconi omnes in Ecclesia Romana Dalmaticis utebantur, tamquam veste propriâ, atque insigni singulari, quemadmodum refert Anastasius in vita Sylvestri. Erant Dalmaticæ, uti scribit Joannes Diaconus in vita S. Gregorii lib. 3. cap. 59., vestes sericeæ albæ, usquæ ad talos effusæ, manicis amplis, auro ornatae, & clavis, seu plagulis ex purpura adsutis distinctæ. Et licet sint, qui dicant, clavos fuisse purpureas bullas, quasi clavorum capita, intextas, verosimilius tamè est, fuisse lineas, sive virgulas, quales hodiè adhuc in vestibus sacris Sacerdotum ac ministrorum adspicimus: sic Tibillus aureos clavos in femineis vestibus vias vocavit. Olim Dalmaticis utebantur Romani milites; itè Senatori lato clavo ipsis adsuto: equites etiàm clavo adjecto angusto, sed duplice: demùm Romana piebs rectas Dalmaticas habebat, & nullis clavis ornatas. Aregius itaque Episcopus, dum Romæ constitisset unà cum Archidiacono suo, usum Romanæ

Dalmaticæ valdè conspicuum esse ratus, sibi & Archidiacono suo concedi postulavit, præsertim quod Româ in Patriam redux, quodpiam Romanæ Ecclesiæ ornamentum transferre vellet ad usum suum, quemadmodum jam Arelatenses Episcopi Pallii ornamentum à Romano Antistite obtinuerant. Nondùm obtentis Dalmaticis Româ abscessit Aregius, qui diù Romæ consistere non potuerat, ad suos revocatus ocissimè urgentibus Ecclesiæ necessitatibus. Hinc Gregorius ad ipsum Dalmaticas misit, ne ejusdem Episcopi petitionem neglexisse videtur. Post verba memorata canonis 10. dist. 23. statim in epistola subsequuntur verba canonis 5. dist. 100., quæ integra omnino consonant cum vulgatis epistolæ exemplaribus.

De epistolis ad Brunichildem Francorum Reginam.

Ad Brunichildem Francorum Reginam plures sunt Magni Gregorii epistolaræ. Inter ceteras est epistola 114. lib. 7. in vulgari, & 109. lib. 9. in Maurina editione, ubi Sanctus Pontifex eamdem Reginam, cui eo tempore Regni totius administratio commissa fuerat, ita monet, ut inter alia bona de ordinandis curam Sacerdotibus gereret, quorum officium (ait) in tantam illic, sicut didicimus, ambitionem perductum est, ut Sacerdotes subito, quod grave nimis est, ex laicis ordinentur. Hæc sanè ea sunt, quæ Gratianus retulit in can. 1. dist. 61.

Quæ referuntur in can. 2. dist. 100. eruta sunt ex epistola 11. lib. 9. apud Can. 2.
dist. 100. Maurinos, & 5. lib. 7. in vulgari editione; ubi Gregorius profitetur, se libentissimè morem gerere voluntati Brunichildis, quæ Pallium Syagrio Episcopo Augustodunensi postulaverat, præsertim quod Imperatoris consensus accessisset, quemadmodum in memorata epistola legitur. Ad ejusdem canonis interpretationem plura vulgo tradi solent de Pallii usu, sed adeò involuta, ut vix patere possit, qualis fuerit vetus illa Pal-

Pallii disciplina. Ut plurimum enim hodiernum Archiepiscopale pallium cum antiquo confunditur; nec in ipsis palliis veterum satis distinguitur Pontificale pallium à vulgari. Ut hæc in lumine collacentur, animadvertere juvabit, olim Christianos pallio juxtā usum Philosophorum amictos incessisse, atque à Romana toga, quasi à cultiore, & ornatore habitu humilitatis causā abstinuisse, ut tradit Quintus Septimius Florens in libro de pallio, & B. Rhenanus in librum Tertulliani de pallio. Hoc pallii genus Ianeum erat, ut plurimū pulli coloris, & quadrangulare: scilicet duo anguli ante pectus juncti integrum pallium à tergo pendens sustinebant, ut demonstrat Joannes Lami in libello de eruditione Apostolorum cap. 4. digressione 1. Hoc tamè erat pallium vulgare, cuiusmodi ferè hodiè commune clericis omnibus esse videtur, & Monachis numero plurimis. Fuit aliud Regale pallium, quo primū Imperatores ad eximium suæ dignitatis, ac Majestatis decus, & ornamentum assumperunt. Erat quidem figura aliis, & quidem vulgari bus palliis non absimile, ad talos usquè profluens, at contextus ex byssō candente, nec non quibusdam loris, sive virgulis sub collo supè humeros, & pectus pendentibus ornatum, quod vestimenti genus Imperatores deindè elargiti sunt etià illis, qui in præcelsa Ecclesiæ dignitate constituti essent. Sic Hieronymus Rubeus in Historia Ravennatum edidit quoddam rescriptum nomine Theodosii Imperatoris (quidquid sit de hujus rescripti fide, atque auctoritate), ex quo anno 432. Ravennaten si Episcopo plures subjiciuntur civitates, & pallium simùl ab Imperatore conceditur. Præsertim verò concessum ab Imperatoribus fuisse pallium Romanis Antistitibus tamquàm singulare dignitas ornamentum, liquet ex can. 14. dist. 96., qui, licet apochryphus videatur, aliquid tamè ad hanc rem probare potest, cum antiquus ille sit. Porro inter cetera inducit ibidem Cons-

tantinus Imperator ità scribens favore Romanorum Pontificum. *Contradicimus palium Imperii nostri Lateranense, deinde dia dema, videlicet coronam capitum nostri, simili que phrygium, nec non & superhumerale, videlicet lorum, quod Imperiale circumdare absulet collum, verum etiam & clamydem purpuream &c.* Quis non agnoscat in postremis hisce verbis imperiale pallium demonstratum? Clamidis enim nomine pallium dicitur, cui lorum, seu superhumeralis erat adsutum, sive fascia quædam, quæ pallii ipsius partem collo adhærentem ornabat. Itaque intereà pallium pontificium ità elaboratum erat, ut ad talos usquè demitteretur, ac flueret, quemadmodùm universa veterum monumenta probant, in quibus ubi de pallio agitur, de eo tamquàm de splendido vestis genere sermo fit. Fuit etià variis crucibus in tota sui latitudine depictus; at, quod potissimum in pallio considerabatur, erat fascia illa superhumeralis, sive lorum, in qua situm esse quoddam insigne regium credebatur. Hinc factum est, ut veteres Pontifices Maximi, cum vellent alias Episcopos in excellenti dignitate constitutos, præsertim verò quibus vices suas gerendas mandarent, pallio decorare, id non auctoritate sua impetriri consueverunt, sed ab ipsis Imperatoribus, ut impetrarentur, impetrarunt, ne quod sibi liberalitate imperiorià concessum erat imperiale insigne, ad alias liberalitate propriâ extenderent. Imò & Episcopi ipsi pallium velut imperantis donum exceperunt. Liberatus Diaconus in cap. 21. sui Breviarii scribit, Anthimum Constantinopolitanum Patriarcham à Sede sua dejectum, *Pallium, quod habuit, Imperatoribus reddidisse.* Vigilius Papa in epist. 1. ad Auxanium non primū pallium eidem Auxanio Episcopo Arelatensi se concessum scripsit, quàm Justiniani Imperatoris consensum postulasset. Itè Gregorius Magnus in hac ipsa epistola, ad Brunichildem missurus pallium, ad Syagrium Augustodunensem asserit, hanc se facultatem ab Imperatore obti- suis-

nuisse. Postquam verò Romanum Imperium ad Occidentales reversum est, pallii ornamentum merè ecclesiasticum videri cœpit, datumque fuit à Pontificibus Maximis jure proprio illis, quibus anteà concedi solebat, Episcopis, præsertim qui Vicarii Sedis Apostolicae dicebantur. Tandem, ubi Metropolitanani ferè omnes in Occidente visi sunt à Sede Romana immediate pendere, præsertim quod major præ ceteris Episcopis Metropolitarum dignitas ex quadam veluti Pontifícia delegatione apud plurimos adparuerit, hinc factum est, ut Metropolitanani omnes pallio donarentur Pontificis Maximi liberalitate. Sed interea observare juvabit, pallium illud vetus mutasse figuram. Etenim, ut ajebam, pallium illud antiquum constabat ex prolixâ clamyde, variis crucibus depictâ; item ex superhumerali, sive lorio, quod erat potissimum in pallio ornamentum: at pallium novum in solo superhumerali consistere cœpit, ut commodiùs ad Episcopos mitteretur à Romano Pontifice, & crucis in superhumerali adsui cœperunt, quae olim in tota clamyde pingebantur; quasi in hac sola fascia antiquum adhuc pallium representetur, quæ olim tamquam præcipua in pallio considerabatur.

His prædictis, facile erit interpretari memoratum canonem 2. dist. 100. apud Gratianum. Misit Gregorius, Imperatoris accedente consensu, ad Syagrium Augustodunensem Episcopum pallium, quod asseruit, exigentibus causarum meritis, & fortè postulantibus tantummodo debere concedi; erat enim tūm Regium insigne, non adeò facile, ac sine discrimine impertiendum. Hinc probare omnino non possum, quod ad hanc Gregorii epistolam adnotaverunt Maurini Monachi: nimirūm, idèo Gregorium expetiisse consensum Imperatoris in pallio concedendo Antistiti Gallicano, ne Romanus Pontifex, & in eo Romani omnes viderentur sponte pallii oblatione sibi alienam benevolentiam, favoremque mercari, ut for-

tè, Græcum imperium fastidientes, Orientalium jugum finitimarum gentium subsidio excuterent. Hæc enim nuda suspicio est Virorum eruditorum. Ego verosimilius arbitror, non aliam rationem esse Gregorio potuisse, cur Imperatoris consensionem exoptaverit, nisi quam supèr tradebam, quia videlicet imperiale ornamentum non erat sine imperiali consensu aliis communicandum.

Propè finem ejusdem epistolæ Gregorius eamdem Reginam hortatur, ut, q. 4. ^{Can. 47. caus. 23.} quod potest, ecclesiasticam utilitatem auctoritate suâ foveat, ac curet; quod pertinet canon 47. caus. 23. quæst. 4., cuius verba omnino consonant cum editis epistolæ exemplaribus, dummodò tamè ratio habeatur adnotationum, à Romanis Correctoribus adjectarum.

Ad eamdem Brunichildem extat ^{Can. 7.}
^{caus. 2.} epistola Gregorii apud Maurinos 6. lib. q. 5. 13., in vulgari editione 8. lib. 11., ubi agitur inter cetera de Menna Episcopo, cuius causam asserit Gregorius se Romæ discussisse, eumdemque, purgatum de more veterum per solemne iusjurandum antè corpora Martyrum, remittere in Gallias; atque huc pertinet canon 7. caus. 2. quæst. 5., cuius verba à principio usquè ad versiculum *Purgationem* rectè consonant cum integra epistola: verūm, quæ in eodem versiculo subsequuntur usquè in finem, in Gregorii epistola desiderantur. Adnotaverunt Correctores Romani, posteriora hæc referenda potius esse ad canonom 11. caus. 2. quæst. 5., ut potiore jure tribuantur Alexandro II. Pontifici. Reverè Ivo Carnotensis illa Alejandro adscripsit juncta verbis ejusdem canonis 11. Et quidem non contemnenda est Iwonis auctoritas in monumento suæ ætatis, quod in epist. 74. ad Hildebertum Cenomanensem Episcopum refert ibi: ita scripsit Alexander II. Papa Ramaldo Cumano Episcopo: Super causa Gislandi Presbyteri tui de morte Episcopi sui Praedecessoris tui infamati in medium consulimus. Itaque circumstantium omnium fratrum assensu unanimi tua dilectioni describimus, praefata

rum Gislandum antè te presentandum: ubi si certi accusatores defuerint, tunc dictante justitia, sine omni controversia Presbyter quemque ob hoc injuste amisit, ac sacerdotium & integra accipiat beneficia: purgationem tamen anteā (legunt alii ante te) duobus sibi Sacerdotibus junctis, ubi accusator cessaverit, eundem ex se probere tuo committimus arbitrio. Vulgarem denique legem, ac nullā canonicā sanctione fultam, ferventis scilicet, sive frigida aqua, ignitique ferri contractum, aut cuiuslibet popularis inventionis (quia fabricantे hac sunt omnino fīta invidiā) nec ipsum exhibere, nec aliquomodo te volumus postulare, imò Apostolica autōritate prohibemus firmissime. Laborant Viri eruditī in inquirendo, quisnam fuerit Mennas ille, de quo Gregorius egit: alii enim in Gallia, & Tolosanum Episcopum putant, ad quem est epistola 58. lib. 11. in Maurina, & 52. lib. 9. in vulgari editione: ajunt alii, ipsum fuisse Episcopum in Campania, de quo sermo est in epistola ad Syagrium Augustodunensem 117. lib. 7. in vulgari editione. Qui Gallicanum, & Tolosanum fuisse Episcopum censem, ex eo conjiciunt, quòd is absolutus in Galliam remissus fuerit, ut in memorato canone 7. legitur; quòd præterea de eo ad Galliarum Reginam Gregorius scripserit. Nihilominus tamen aliorum opinio mihi magis adridet, vel quòd in memorata epistola ad Syagrium dicatur Mennas in Romana Diœcesi Episcopus, & apud Romanum Antistitem accusatus, apud quem solemnī jurejurando purgari debuerit; quandò Gallicanus Episcopus causam dixisset apud Primate Arelatensem juxtā receptos illius temporis mores. Quæ in contrarium adferuntur, exigui admodum momenti esse videntur; quod enim dicitur, Mennam in Gallias fuisse remissum pòst absolutionem, ex eo profluit, non quòd Mennas gereret Episcopatum in Gallia, sed quòd, licet esset Campania Episcopus, in Gallia aliquandiu constiterit ob certas causas, nobis ignotas. Neque verò mera sunt hæc indicia, aut divinationes; etenim id constat perspi-

cuè ex laudata Gregorii epistola ad Syagrium, in qua mentio fit de Menna Episcopo Campaniae, commorante apud Gallos, quem accusatum Romam accedere defendendum voluit Pontifex Maximus.

De epistola ad Constantiam Reginam.

Toto cœlo aberrant à veritate, qui can. 8. canones 8. & 9. caus. 12. quæst. 2. Gre- & caus. 9. 2. gorio Magno tribuendos esse arbitran- q. 2. tur. Non sunt illi invicem disjungendi, unum enim, ut infrà videbimus, eumdemque habent auctorem: imò, quem admodum animadverterunt Correctores Romani, tūm in veteribus Gratiani codicibus, tūm apud vetustos Collectores juncti sunt penitus, unoque contextu descripti. Hæc in recentibus Gratianis exemplaribus præfixa inscriptio est: *Gregorius ad Constantiam Reginam Galliæ lib. 4. epist. 33.*, verùm libris Gregorianis non consonat; siquidèm epistola 33. lib. 4., qualis heic laudatur, non ad Constantiam Reginam Galliæ, sed potius ad Constantinam Augustam scripta fuit. Et, quamquam initio ejusdem epistolæ hæc legantur: *cum Serenissimam Domi- niam sciam de cœlesti patria, atque animæ sue vita cogitare, culpam me committere ve- bementer existimo, si ea, quæ pro timore omni- potentis Domini sunt sugerenda, silero;* quæ sanè eadem sunt cum Gratianis verbis initio ejusdem canonis 8.: verùm quæ in ipso canone 8., & 9. sequuntur, ne vocula quidèm tenūs, apud Gregorium ibidèm leguntur, imò nec in alia Gregorii ipsius epistola. Neque sanè hæc Gregorio Magno convenire queunt. In primis enim quanam erat Gregorii tempore Constantia Galliarum Regina? Hanc nomine Brunichildem fuisse ex superioribus agnovimus. Deindè, quod maximè demonstrat, Gregorii temporibus hæc fragmenta non convenire, est, quod ibidèm Longobardorum leges morentur de invasionibus rerum ecclesiasticarum; imò & Longobardorum le- ges

ges ibidem dicantur *lex vulgaris*. Hujus nomine refertur lex i. tit. 18. lib. 1. legum Longobardorum à Rothare Rege constituta, qui circā annum 638. Rex est inauguratus. Quomodo Gregorius, qui jam à triginta & amplius annis obierat antè Rotharis leges, istas laudare potuit, istas appellare legem vulgarem, eā præsertim ætate, quā Longobardi invisi erant apud omnes, nec sine discrimine à Romano Pontifice commendandi? Aperienda itaq̄e rei veritas est, ac restituenda vetus inscriptio Gratiani, ita, ut delectant ea verba: *lib. 4. epist. 33. seu cap. 77.*, ea autē sola remaneant: *Gregorius ad Constantiam Reginam Galliarum*. Inscriptione capitis hoc modo restitutā, & canonem 8., & canonem 9., simūl jungendos, suo auctori facilē tribuemus. Est hæc epistola Gregorii V. anno 998. ad Constantiam tūnc Galliarum Reginam, & Roberti Regis conjugem, scripta, quam postiore ætate hoc nomine edidit Sirmondus ex apographo exscripto ex codice S. Sergii Andegavensis. In hac autē epistola eadem verba leguntur, quæ habemus in memoratis Gratiani canonibus, ex quibus etiā liquet, quæ esse occasio potuerit, ut fragmentum Gregorio Magno ab aliquibus tribueretur; nimil, quia Gregorius V. imitatus est initio verba Gregorii Magni in epistola ad Constantiam Augustam. Nonnulla adhuc animadvertenda sunt, quæ spectant codicum varietatem. Pro illis verbis Gratiani in can. 8. *Decreta pro violata emunitate.... Si verò incendum fecerint, ibi novies tantum componant: si prædam verò in quadruplum restituant, legit Sirmondus: Decreta pro emunitate.... si verò incendum fecerint, sibi nonam componant, prædam verò in quadruplum restituant*. Itēm in canone 9. pro illis Gratiani verbis: *Et quia sumnum in rebus bonum est.... Ecclesia transmittimus.... immunitas violata, & præsumptio, legit Sirmondus: Et quia sumnum in Regibus bonum est.... Ecclesia transmittimus.... emunitas, & præsumptio*. Non heic tamē constitit Cossartius, qui hanc à Sirmon-

do editam epistolam in suam Collectiōnem traducens, emendare voluit notam numeralem indictionis; ubi enim apud Sirmondum, & Gratianum legitur, *secundā indictionē*, Cossartius legendum voluit *indictionē undecimā*, asserens, hanc epistolam non alio anno scribi potuisse, quā anno 998., in quem incidit undecima indictio. Antè illum annum scribi epistola non potuit, cum eodem anno 998. Constantia nupserit Regi Galliarum; pōst eumdem annum non facile admittetur, cum anno 999. Gregorius obierit. Non est inverosimilis Cossartii emendatio, præsertim quod Amanuensibus errandi occasionem præbere potuerit nota ipsa numeralis 11., quæ aliquandō pro undecimo, aliquandō pro secundo accipitur. Insuper animadvertendum est, plures ex eruditis suspicari, Julianum, de quo sermo fit in eisdem canonibus, fuisse Episcopum Andegavensem, ex ea conjectura, quod hæc epistola primū, ut dixi, in codice S. Sergii Andegavensis reperta fuerit, quasi epistolæ in illis locis inveniantur facilius, in quibus epistolarum matières agitata fuit. Ego id non ausim fidenter adserere, præsertim quod inter monumenta ecclesiastica non adpareat, Andegavensem Ecclesiam tūnc Julianum Antistitem habuisse: quamquā tamē non ignorō, Gallicanorum illius ætatis Episcoporum, ac præsertim Andegavensium epochas fuisse plurimū turbatas; quemadmodum universi Eruditī fatentur; ut propterēa, quisnam fuerit sub Gregorio V. Andegavensis Episcopus, dignosci non valeat.

De epistola ad Desiderium Episcopum.

Ex pluribus Gregorii epistolis, præ-
sentim epistola 54. lib. 6., & epistola
106. lib. 9. apud Maurinos constat, De-
siderium fuisse Viennensem in Gallia
Episcopum. Ipse, spredo Episcopali of-
ficio, & curā sacrorum, totum se Gram-
maticis institutionibus tradendis inten-
Can. 5.
Epist. 86.

derat, proinde objurgatus à Gregorio in epistola 48. lib. 9. in vulgari, & 54. lib. 11. in Maurina editione, ex qua legitur canon 5. dist. 86., ubi pro illis Gratiani verbis *poposic*, *minime valeremus*, legunt Maurini, *poposcerat*, *minime pateremur*. Nemo verò ex eo canone forte conjiciat, Gregorium artem Grammatices velut Episcopis noxiā improbase: non artem ipsam Sanctus Pontifex, sed Episcopi propositum redarguebat. Ceterum Grammatices artis utilitatem etiā de Episcopis loquens agnovit, ubi tradidit per illam nos plurimū juvari posse in interpretatione sacrarum literarum, quemadmodū ex ejus Commentariis in librum 1. Regum cap. 3. deprehendimus.

De epistola ad Etherium Lugdunensem Episcopum.

Ad Etherium (legunt aliqui Eleutherium) Episcopum Lugdunensem est apud Gregorium epistola 5. lib. 13. in Maurina, & 7. lib. 11. in vulgari editione, qua ferè integra legitur in canonе 14. caus. 7. quæst. 1., ubi pro illis verbis: *Compassio ftere.... ut quod mente....* & idē quia viventem Episcopum ab officio suo necessitas infirmitatis.... ordinari: sed si intervalla.... ad hoc ministerium intellectum habere; nec ad alia officia.... solemniter ordinetur, legendum potius est ex codicibus optimæ notæ: *Compassione ftere.... ut quid mente....* & idē quia, vivente Episcopo. quem ab officio suo necessitas infirmitatis.... ordinari, si intervalla.... ad hoc ministerium intellectualia nemp̄ officia.... consacretur.

De epistola ad Serenum Massiliensem Episcopum.

Serenus Massiliensis Episcopus, cum quosdam agnoscisset in Ecclesia Dei, & Sanctorum imagines colere, ipsos acriter reprehenderat, imò & imagines ipsas deleverat, pravorum sanè, arbitror, hominum consilio, quibus ille adhære solebat, quemadmodū colligitur

ex canone 59. caus. 2. quæst. 7. Factum hoc improbavit Gregorius duabus epistolis, scilicet 110. lib. 9., & 13. lib. 11. in Maurina, seu 109. lib. 7., & 9. lib. 9. in vulgari editione. Ex posteriore epistola depromptus est canon 27. de cons. dist. 3. Cum sententia Gregorii omnino consona est Tridentini Concilii Constitutio initio sessionis 25.

De epistolis ad Syagrium Episcopum Augustodunensem.

Sunt, qui Syagrium Augustodunensem in Gallia Episcopum cognatum Reginæ Brunichildis fuisse censuerunt, atque eam ob rem pallium ex singulari privilegio à Romano Pontifice facilius impetrassè, quemadmodū conjici potest ex memorata superiùs epistola Gregorii ad Brunichildem. Ego cum novi singulare fuisse ejusdem Syagrii in Ecclesiam merita, quippè qui Augustinum Anglorum Episcopum in evangelico munere adjuverat, eaque ratione Gregorii Magni eximiam sibi conciliauerat benevolentiam, quemadmodū Gregorius idem profitetur in epistola ad Syagrium 108. lib. 9. in Maurina, & 112. lib. 7. in vulgari editione, in hanc potissimum causam singularia privilegia refero ipsi concessa, quibus & pallio ornaretur ipse, & Augustodunensis ejusdem Ecclesia, servato Metropolitæ honore, suprà ceteras Gallicanas Ecclesias post Lugdunensem evehetur. Huc pertinet canon 7. dist. 17.; dist. 17. postquam enim Grègorius eam prærogativam Syagrio concederat, ita subdidit: *ceteros vero Episcopos secundum ordinationis sua tempus, &c.* quasi diceret, non ita Syagrio, quemadmodū ceteris Episcopis, sedem, aut locum in Conciliis esse adsignandum; etenim ceteri juxta tempus suæ ordinationis aut sedebant, aut subscribebant; at verò Syagrio hac in parte prærogativa concedebar, ut post Lugdunensem Episcopum primus subscriberet, ac sederet. Post verba memorati canonis 7. sequuntur in epis-

^{can. 9.} tola verba canonis 9. dist. 100., ibi:
^{dist. 100.} *Quia omnino rationis ordo nos admonet, &c.* Pro verbo *accrescere* apud Maurinos legitur *ex crescere*. Porro, si hæc consideraverimus, facile eruetur, olim in subscriptionibus synodalibus Episcoporum quemdam ordinem fuisse servatum, ut excellentiores dignitate primi subscribebrent, & seniores inter eos, qui dignitatem parem haberent. Verum nemo hodiè ignorat, subscriptiones veterum Conciliorum adeò esse turbatas, ut vix singularum Antistitum prærogativa dignosci aliquandò possit.

Alia est ad eundem Syagrium epistola 106. lib. 9. in Maurina, & 110. lib. 7. in vulgari editione, cui hæc inest inscriptio: *Gregorius Syagrio Augustodunensi, Etherio Lugdunensi, Virgilio Arelatensi, & Desiderio Viennensi, Episcopis Galliarum à paribus.* Notanda sanè hoc in loco est formula illa à paribus, quæ & in aliis Gregorianarum epistolarum inscriptionibus aliquandò legitur. Alii enim opinantur, à paribus scripturam dici, cum non est authenticæ, sed ex authenticis desumpta, id est, quod par, & similis authenticæ habeatur. Alii ità nuncupatam volunt, quod Gregorius exemplar epistolæ misserit, aliud exemplar penè se retinens, quæ duo exemplaria appellarentur paria, sive à paribus, eodem ferè modo, quo sententiæ olim dicebantur ex pariculo recitari, id est, per exemplar omnino consonum, quemadmodum constat ex titulo Codicis de sententiis & pariculo recitandis. Verosimilior verò mihi videtur opinio asserentium, epistolam à paribus missam fuisse tunc intelligi, quandò ad plures scripta profertur ita, ut ad singulos singula epistolæ exemplaria transmissa fuerint; siquidem non alibi inter Gregorianas epistolas hæc clausula reperitur, quam ubi ad plures scriptum est. Hujusmodi epistolas hodiè vocant Circulares. Dicendum itaque, in memorata epistola formulam à paribus nihil aliud significare, quam Gregorium eamdem epistolam ad plures Episcopos similibus exemplaribus direxisse. Quod si ad epis-

tolæ ipsius sententias accedendum est, adparebit, in illa diversa disciplinæ ecclesiastice capita contineri, tum de abominanda hæresi Simoniacorum, tum de Neophytes non ordinandis, tum de communi Clericorum vita. Ubi in primis de Simoniacæ hæresi agitur, legimus verba canonis 7. dist. 47., & pòst pauca exhibentur etià verba canonis 2. caus. 1. quæst. 1., qui ita erit emendandus: *re-
 bementi tædio mœroris adjicimur, si in ecclæsiasticis officiis quemquam habeat locum pecunia, & fiat secularæ, quod sacrum est. Qui-
 cumque verò hoc pretii studet datione mercari,
 dum non officium, sed nomen attendit, sacerdos non esse, sed dicit tantummodo inaniè concupiscit.* Paulò pòst sequuntur in epistola verba canonis 3. caus. 1. quæst. 6. ibi: *sicut autem is, qui invitatus renuit, qua-
 situs fugit, &c.* Romani Correctores in hoc canone emendaverunt illa Gratiani verba *ad summum Sacerdotii, vel Pontificiū,* & legendum voluerunt: *ad summa Sacerdotii.* Monachi Maurini legerunt: *ad summa Sacerdotii.* Prosequitur pòst aliqua Gregorius de hæresi Simoniacorum ita scribens: *cum liqueat, banc hæresim in Ecclesia antè omnes radice pestifera, &c.* sive, ut in quibusdam MSS. veteribus legitur: *antè omnes radices pestiferas, &c.* Habebis hæc integra apud Gratianum in can. 13. caus. 1. quæst. 1., cujus canonis verba in parte jam retulerat Gratianus idem in can. 4. eadem causa, & quæstione. Subdit Sanctus Pontifex, ne eleemosynæ quidem in pauperes erogandæ causâ posse, intercedente pecuniâ, clericis officiis sacra concedi; quod spectat canon 27. caus. 1. quæst. 1., his verbis: *Neque enim eleemosyna reputanda est, si pauperibus, &c.*, usque ad illa, gravatur potius, quam juratur, nám post ista ita legitur apud Gregorium: *Eleemosyna redemptoris, cum ceteris, quæ exhibentur in integro can. 7. caus. 14. quæst. 5., pòst cujus verba subjicitur versiculus unde etiam, qualis habetur in memorato conone 27. dummodò pro illis Gratiani verbis: aper-
 tæ Sacra Scriptura nos prohibet... quia offert sa-
 crificium de substantia pauperum, quasi victimæ*

mat filium.... quantum apud Deum dolor.... ut si impar est, abstineat, & ad id cum metu etiam, cui se sufficere existimat, accedat, ita legamus: aperte sacrae scripture ordo nos prohibet.... qui offert sacrificium de substantia pauperis, ac si victimet filium.... quantus apud Deum dolor.... ut & impar abstineat, & ad id cum metu etiam, qui se sufficere existimat, accedat. Postrema verba hujus canonis 27. à §. quisquis usque in finem pertinent ad secundam epistolæ partem, ubi agitur de Neophitis non ordinandis: quemadmodum & ad eamdem referendus est canon 2. dist. 48., cujus verba apud Gre-

Can. 2.
dist. 48. gorium leguntur paulò antè memoratum §. quisquis hoc modo: *Sicut autem tunc Neophitus dicebatur, qui initio in sancta Fidei erat conversatione plantatus; sic modò Neophitus habendus est, qui repente in religionis habitu plantatus ad ambiendos honores sacros irrepservit. Ordinatè ergò ad Ordines adscendum est; nàm casum appetit, qui ad summa loci fastigia postpositis gradibus per abrupta querit adscensum. Et cum idem Apostolus doceat inter alia sacri Ordinis instituta discipulum, manum non esse cuiquam cùius imponendam, quid hoc celerius, quidve præcipitantiis, quam ut exoriatur à summitate principium, & antè esse incipiat Episcopus, quam minister? Quisquis ergò Sacerdotium non ad elationis pompam, sed ad utilitatem adipisci desiderat, priùs vires suas cum hoc, quod est subiturus, onere metiatur; ut & impar abstineat, & ad id cum metu etiam, qui se sufficere existimat, accedat. Ab re autem non facimus, si ad arguendum rationabilium usum rerum irrationalium colligamus. Apta namquè adificationibus ligna succiduntur, nec tamen adhuc viridibus adficii pondus imponitur, nisi eorum viriditatem multorum dierum mora siccaverit, & apta ad necessarium usum efficerit: quæ observantia si forte negligitur, cùius superimposita mole franguntur, & gignit ruinam ad auxilium res provisa. Similia propemodum habentur in epistola ad Virgilium Arelatensem, de qua inferius sermo recurret, & cujus occasione nonnulla adhuc de hoc canone tradentur. Ad hanc eamdem epistolæ*

Can. 3.
dist. 59. partem etiam pertinet canon 3. dist. 59. ubi tamè pro illis Gratiani verbis: *Præ-*

titui sunt, qui antequam disciplinatus, &c. legendum est: *Præstiti sunt, qui antequam disciplinatus, &c.*

Refertur apud Gratianum tamquam ex hac ipsa epistola depromptus canon 5. caus. 1. quæst. 1. Sanè, si canonis sententiam consideremus, illa non est ab eadem Gregorii epistola aliena, cum in ea & Simoniacorum, & Neophitorum ordinationes improbatæ fuerint; at si verbis Gratiani sit inhærendum, frustrà hæc ad Gregorii epistolam refereamus. Vix aliqua addenda essent hodiè ad hunc canonem, postquam Romani Correctores summam in eo exigendo ad Gregoriana monumenta diligentiam impenderunt, quemadmodum ex subjectis ipsorum animadversionibus statim liquet. Tantùm dixero, epistolam illam, quæ sub nomine Paschalis II. ibidè memoratur, & cum qua plurimùm consonare Gratianeum canonem Romani Correctores adnotaverunt, non facile Paschali II., & rectè tribui posse, quidquid ex Iwonis, similiusque Scriptorum codicibus erui videatur. Etenim ejusdem epistolæ mentionem fecit antè Pontificatum Paschalis II. Goffridus Abbas Vindocinensis in epistola ad Urbanum II. lib. 1. epist. 1. Hinc ibidè monuit Sirmondus: *Nuper canones relegens, quandam sententiam inveni, quæ Paschali Papæ inscribitur, ubi Neophitum factum Episcopum hereticum vocat; & sicut Simoniacum, ita & Neophitum à Sancta Ecclesia debere separari, docet, & præcipit. An potius Paschali I. hæc sint tribuenda, non ausim adserere. Apud Iwonem Carnotensem parte 2. cap. 84. legitur epistola sub nomine Paschalis Papæ, eademque est, cujus fragmentum adparet in can. 7. caus. 1. quæst. 3., atque ibidè hæc sub initium traduntur: Audivimus enim (quod valde mirainur), quod sacri apud vos ordines pecunias distrahuntur. Dum, quicumquè tale aliquid adtentaverint, omnino heretici probentur, Spiritu sancto per Gregorium intimante, quia quisquis per pecunias ordinatur ad hoc, ut fiat hereticus, promovetur. Et ut hujus nostræ paginæ non præsumptionis, sed timoris cau-*

sam fuisse monstremus, Beatus idem prosequitur. Quisquis contrà simoniacam, & Neophytorum hæresim pro officii sui loco vehementer non arserit, cum eo se non dubitet habiturum portionem, qui prius commisit hoc periculosum flagitium. Hinc visus est canonem suum exhausisse Gratianus, ubi tamèn, quicunque epistolæ auctor extitit, Gregorii non verba, sed sententias describendas oratione compendiari voluit.

Dicendum adhuc superest de cano-
Can. dist. 83. ne 5. dist. 83. Legitur is in epistola ad Syagrium 117.lib. 7. in vulgari, & 113. lib. 9. in Maurina editione; ubi agitur de causa Menatis, & Theodori Episcoporum, improbam vitam agentium. Cum enim Menas Romanæ Dioceceseos Episcopus in Gallicanis Provinciis versaretur, monuit Syagrium Gregorius, ut euraret Romam reduci Menatem, inquiens: Consentire videtur erranti, qui corrigenda, ut resecari debeant, non corrigit. Maurini legunt: non concurrit. Quæ sanè verba eadem sunt cum Gratianeis, licet in aliquibus editis Gregorii epistolis desiderentur.

De epistolis ad Reges Theodoricum, & Theodebertum.

Can. 20.
& 28.
caus. 1. Ex iis, quæ superiùs animadvertisimus ad epistolas, ad Syagrium missas, liquet, Gregorii Magni temporibus apud Gallicanos Antistites simoniæ crimen frequens fuisse in ordinationibus sacris admissum. Quamobrèm prudentissimus Pontifex, ut malo gravissimo occurret, operaे pretium duxit, de simoniaca hæresi profiganda ad Francorum Reges aliqua scribere, quorum auctoritate eamdem facilè conficiendam fore sperabat. Erat tunc divisa Gallia inter duos fratres Theodoricum, & Theodebertum, quorum prior Burgundiæ, posterior Aquitaniæ Rex dicebatur. Ad Theodoricum scripta est epistola 53. lib. 9. in vulgari, & 59. lib. 11. in Maurina editione, ibidèmque legitur eisdem verbis canon 20. caus. 1. quæst. 1.: ad utrumque verò scripta legitur per similia exem-

plaria epistola 110. lib. 9. in Maurina, & 114. lib. 7. in vulgari editione, ex qua de promptus est canon 28. caus. 1. quæst. 1., cuius priora verba ita legenda erunt: Fertur autem, hanc Simoniacam hæresim, qua prima, &c. Itèm pro illis Gratiani verbis: Episcoporum culpa.... juvare.... Sic enim dignus is sacerdotio creditur, qui non actionis merito, sed premiorum causa suffragatur, restat, ut nihil sibi in ecclesiasticis honoribus gravitas.... inducantur.... place-re debuerant, ita potius legendum erit: Vestrorum Episcoporum culpa.... juvari.... Si enim is dignus sacerdotio creditur, cui non actionis merita, sed premiorum copia suffragatur, restat, ut nihil sibi in honores ecclesiasticos gravitas.... indicantur.... placare debuerant.

De epistola ad Virgilium Episco-pum Arelatensem.

De eadem simoniaca hæresi scripsit Gregorius ad Virgilium Arelatensem Episcopum, quem sacro pallio ob ejusdem insignia merita decoraverat; his etià nonnulla adjecit de Neophitis non ordinandis in epistola 53. lib. 5. in Maurina, & 51. lib. 4. in vulgari editione.

Ex ea repetendus est canon 2. dist. 48. Can. 2.
dist. 48.

licet apud Gratianum referatur, tam-quàm de promptus ex epistola Gregorii ad Syagrium Augustodunensem; etenim, quemadmodùm superiùs attigi, potius sententia, quàm verba ejusdem canonis 2. in illa epistola ad Syagrium continetur. Porrò in illo canone ita legendum erit: Sicut Neophitus tunc vocabatur, qui adhuc noviter erat eruditione plantatus in fide, ita nunc inter Neophitos deputamus, qui adhuc novus est in sacra conversatio-ne. Scimus autem, quod edificati parietes non prius tignorum pondus accipiunt, nisi à nativitatibus sua humore sicutentur, ne si ante ponde-ra, quàm solidantur, accipiunt, cunctam simul fabricam ad terram deponant. In eadem epistola ad Virgilium legitur canon 6. dist. 100., ubi pallii concessio Virgilio facta dicitur ob singularia ipsius merita, si-mùlque ob speciale delegationem Apos-

Can. 6.

dist. 100.

to-

tolicæ Sedis, quo munere Virgilium Gregorius distinxerat, quemadmodum liquet ex his Summi Pontificis verbis: *Itaque Fraternitati vestra vices nostras in Ecclesiis, que sub Regno sunt Præcellentissimi Filii nostri Childeberti, juxta antiquum morem, Deo auctore, committimus. Singulis siquidem Metropolitis secundum priscam consuetudinem proprio honore servato pallium quoque transmisimus, quo Fraternitas tua intra Ecclesiam ad sola Missarum solemnia utatur.*

Can. 59. caus. 2. q. 7. Hinc autem facile percipitur, quare Virgilio Arelatensi mandatum fuerit, ut vice Apostolicâ, occasione oblatâ, in Episcoporum Gallicanorum mores inquireret, quemadmodum liquet ex canone 59. caus. 2. quæst. 7., qui de promptus est ex epistola 55. lib. 11. in Maurina, & 49. lib. 9. in vulgari editione. Non nihil est in Gratianeo canone adnotandum: *nimirum pro illis verbis: in societate sua.... non iniquitatem immunditiis maculare*, legendum potius est: *in societatem suam.... non iniquitatem immunditiis cumulare*.

Can. 9. caus. 25. q. 2. In Arelatensi Urbe constructum Regia Childeberti munificentia fuerat monasterium, cui, eodem Rege postulante, privilegia quædam accesserant Pontificis Maximi auctoritate, quæ tum rerum monasticarum curam, tum Abbatis electionem spectabant. Hæc privilegia Gregorius amantissimus Monachorum Pater confirmavit, eamdemque od rem ad Virgilium Arelatensem scripsit, epistola 115. lib. 7. in vulgari, & 111. lib. 9. in Maurina editione; cuius priora verba instar præfationis obtinentia leguntur in can. 9. caus. 25. q. 2. ubi pro illis verbis, *quod ratio exigebat utilitatis, oportuit definiri, &c.*, ita legendum erit: *quod ratio exigebat, utiliter oportuit definiri, ita, quod definitum est, non debet violari*. Verba illa, in parenthesi posita: *nisi forte ubi major auctoritas est, ut jam à Romanis Correctoribus adnotatum est, in pluribus editis Codicibus, & MSS. desiderantur, ac propterea in Maurinorum editione omissa fuerunt*. Facile est, eadem ab aliquo Glossogra-

pho vel ad codicem Gratiani, vel ad epistolam Gregorii adjecta fuisse in margine, & è margine demùm in textum irrepsisse, quod sanè novum esse non debet, præsertim quod Romani Correctores testati fuerint, se vidisse unum Gratiani exemplar, in quo ea clausula adposita est tamquam glossa, & fortassis traducta ex canone 6. caus. 6. q. 4.

De epistolis ad omnes Galliarum Episcopos.

Tradebam nupèr, Virgilium Arelatensem Episcopum tamquam Vicarium Apostolicæ sedis constitutum fuisse in Provinciis Gallicanis, sub Childeberti regimine constitutis. Itaque Gregorius generatim ad Episcopos Galliæ, quos Virgilio subjicerat, epistolam scripsit 52. lib. 4. in vulgari, & 54. lib. 5. in Maurina editione; in qua illos hortatur, ut Virgilio tamquam Præsidi suo obtemperent. Hujus epistolæ exordium refertur in can. 7. dist. 89., ubi pro illis verbis: *vera concordia.... quia vero queque creatura in una, eademque qualitate, &c.* Maurini Monachi legendum suadent: *una concordia.... quia vero creatura in una, eademque equalitate, &c.*

Sententia canonis 2. caus. 1. quæst. 3., non est aliena à temporibus Gregorii Magni, imò consonat cum monumentis ipsius numero plurimis. Etenim constat, Gregorii ætate Simoniacam hæresim grassatam fuisse in Ecclesiarum perniciem, uti facile deducitur ex superius memoratis epistolis ad Syagrium, ad Theodoricum, & Theodebertum, aliosque, quos Sanctus Pontifex monitos pro officio voluit, ne tantâ labore eæ provinciæ diutiùs inquinarentur. Verum, quoties verba ipsa canonis 2. consideremus, facile arbitrabimur, ea esse à Gregorio aliena. Reverà nullibi inter epistolæ Gregorii eadem reperiuntur, imò quæ ibidem leguntur *beneficiorum ecclesiasticorum & prabendarum vocabula recentiorem designant auctorem*. Ego puto, hoc fragmentum fuisse consarcinatum à quodam-

Can. 89.
dist. 2.

2.

3.

dam collectore non valdè antiquo, qui voluerit integrum epistolam Gregorii, ad Syagrium, Etherium, Virgilium, & Desiderium scriptam (ex qua sumpti sunt canon 7. dist. 47., canon 2. 4. 13. 27. caus. 1. quæst. 1., canon 3. caus. 1. quæst. 6., & alii, jam superiùs memorati) paucis perstringere, imò &, usurpati vocibus, ad recentiora tempora formati, Gregorianam ipsam sententiam exhibere, quæ tota sita in eo est, ut simoniæ vitium in ecclesiasticis officiis nusquam admittatur.

Can. 16. caus. 35. quæst. 2. adscribitur apud Gratianum Gregorio Papæ in epistola, ad Episcopos Galliæ missa. Verùm quantum ejus sententia aliena sit ab ætate Gregorii Magni, jam disertè observabam ad canonem 2. caus. 35. quæst. 8., ubi liquidò demonstravi, prohibitionem nuptiarum inter cognatos usquæ ad septimam generationem longè post eam ætatem esse repetendam. Romanorum Correctorum industriam nemo non laudabit, dum solliciti quærunt canonis hujus auctorem, ac ferè videntur illum adtribuere Gregorio II. Ego verò agnoso Burchardi consuetas artes. Legitur hic canon in lib. 6. Capitularium Francorum cap. 80. his verbis: *Progeniem suam unumquemque usquæ ad septimam observare decernimus generationem; & quandiu se agnoscunt adsinitate propinquos, ad hujus copulae non accedant societatem.* Hoc idem fragmentum descripturus Burchardus in lib. 7. cap. 11., cum à Capitularibus Francicis memorandis abstinentum sibi proposisset, fragmentum inscripsit Gregorio Magno, parùm sollicitus, num disciplina, quæ ibidem tradebatur, Gregorio conveniret. Fortè verò ad Episcopos Galliæ directam voluit sententiam Gregorio tributam, ut quoquo modo ad Gallos referret fragmentum illud, quod ex Gallicanis monumentis ipse decerpserat. Burchardi fidem secutus est Ivo, Ivonem Gratianus.

SECTIO XVI.

De epistolis ad Hispanos.

Et priùm de epistola ad omnes Hispaniæ Episcopos.

Quoniàm temporibus Gregorii ex ^{Can.} _{caus.} ^{1.} Clericis quamplurimi in sacris officiis ^{q. 3.} sive suscipiendis, sive administrandis, simoniæ vitio inquinati fuerunt, ut ex multis superiùs memoratis epistolis liquet, ità posteriore ætate, ubi canonum Collectores nonnulla congesserunt adversùs simoniacam pravitatem, congetas sententias facilè Gregorio tribuerunt. Id contigisse superiùs ajebam in canone 2. caus. 1. quæst. 3., atque idipsum adfirmandum est de canone 1. ejusdem causæ, & quæstionis. Nullibi sanè inter epistolas Gregorii reperitur epistola ad universos Hispaniæ Episcopos missa, quâ eosdem monuerit, ut à simoniæ vitio recederent: imò nec stylus ipse Gratianei fragmerti Gregorio eidem consonat. *Beneficii* ecclesiastici nomen, quod ibidem occurrit, eo tempore inauditum adhuc fuerat. Quid igitur aliud concludendum erit, quâm Gratianum generales Gregorii sententias, quibus simoniaci improbabantur, exhibuisse recentioribus Clericorum moribus accommodatas, easdemque sub nomine Gregorii ad Hispanos Episcopos scribentis edidisse? Unum adhuc suspicor: nimirum, Gratianus fortè incidit in Codicem MSs. Gregorianum, in quo referebatur, quemadmodùm & in hodiernis editis refertur, epistola Gregorii ad Episcopos per Helladem Provinciam constitutos, de qua sermo fuit superiùs instituendus. Potuit ibidem esse hæc inscriptio: *Gregorius universis Episcopis Helladis.* Quid facilius contingere poterat Gratiano, quâm pro voce *Helladis* in codice aut breviato, aut non satis accuratè formato, legere *Hispanis*? Porrò in epistola Gregorii ad Episcopos Helladis plurima his similia traduntur, quemadmodùm cons-

tat ex collatione canonis 117. caus. 1.
quæst. 1.

De epistolis ad Joannem Defensorem.

In veteribus Gregorii editionibus duæ exhibentur epistolæ ad Joannem Defensorem euntem in Hispaniam, nimirum epistola 50., & 54. lib. 11. Apud Maurinos verò habentur quasi unica epistola numero 45. lib. 13., distributa tamèn in duo Capitularia. Primum Capitulare, ut Maurinos Monachos sequar, ità inscribitur: *Gregorius Joanni Defensori, in nomine Domini eungi in Hispaniam.* Alia autèm vetera manucripta ità exhibent: *Capitulare, quod observandum est à Joanne Defensore, eunte in Hispaniam.* Porrò in hoc priore Capitulare agitur de Januario quoddam Episcopo Malacitano, & quoddam ejusdem Ecclesiæ Presbytero, item de causa Stephani cuiusdam Episcopi, de variis criminibus accusati. Erat mos tunc temporis Romanorum Pontificum, ut, quotiescumque ecclesiastici Viri Romana ab Urbe decederent, causam quamdam ecclesiasticam vice Pontifieis Maximi in Provinciae cognituri, ut isti à Pontifice Maximo quoddam Capitulare reciperent, veluti normam in judicio adamussim custodiendum. Hujusmodi, arbitror, sicut hoc, de quo agimus, Capitulare, ex quo depromptus est canon 7. caus. 2. quæst. 1. usquè ad §. de persona; ubi

Can. 7. tamèn pro illis verbis Gratiani: In Ecclesia, atque in loco suo.... ut ex hoc collige-
caus. 2. & re valeas, utrum adhuc in exilio demorari, an
caus. 3. certè in Ecclesia sua, & officio suo debeat re-
caus. 26. q. 5. vocari. De Episcopi supradicti persona.... quia levioris culpa videtur.... officium in illa Ecclesie.... restituere compellatur.... odio sui quemadmodum ficta.... habitum, id est, si alii accusatores, atque alii testes fuerunt.... si eo presente, qui accusatus est, sub jurejurando.... si scriptis actum est, vel si ipse licentiam.... testati sunt, si scriptis.... imminentre periculum viatici benedictio.... quod forte aliqua.... formatre debebas, ità legendum potius erit:

in Ecclesiam, atque in locum suum.... ut ex hoc rectè colligere valeas, utrum adhuc in exilio demorari, aut certè in Ecclesia suam, & officium suum debeat revocari. De supradicti verò Episcopi persona.... quia levior culpa videtur.... officium ab illa Ecclesia.... restituere condemnatur.... in odio suo quedam ficta.... habitum, aut si alii accusatores, alii testes fuerunt.... aut si, eo presente, sub jurejurando.... seu scriptis actum est, vel ipse licentiam.... testati sunt, vel si scriptis.... imminentre discrimin viatici ei benedictio.... quod si forte aliqua.... formare debebas. In §. Si autèm Episcopum antedictum talen culpam commisso constiterit, quod absit, &c. sese refert Gratianus ad canonem 3. caus. 16. quæst. 6., qui sanè huic eidem canonii 7. erit jungendus. Post verba postrema memorati canonis 3. finem habet primum Capitulare, in quo formula traditur judicia, in causis criminalibus Sacerdotum custodienda.

Capitulare posterius refertur apud eumdem Gratianum in memorato canone 7. caus. 2. quæst. 1. in §. de persona Presbyteri, quem Gratianus idem supplendum vult ex canone 38. caus. 11. q. 1. In hoc igitur canone 38. exordium habet Capitulare secundum, ubi tamèn pro illis verbis: *sicut Novella Constitutio, legendum erit: sicut hæc Novellarum Constitutio.* Illa etiàm verba, quæ sequuntur, *Imperator Justinianus Augustus* in Maurinorum editione desiderantur. Porrò Novella ibidem memorata est 123. cap. 21. ex qua, & ex editione Maurinorum emendandus erit Gratiani codex, paulisper depravatus: nam, ubi Gratianus legit: *Doceat prius.... subjacet.... judicata sunt, non adquieverit.... Sciendum est, quia superius libro Cod. 1. legitur;* ità potius legendum erit: *Adeat prius.... subjaceat.... judicata sunt; adquieverit.... Sciendum est, quia in eadem Constitutione LI. C. legitur.* Postrema hæc verba in aliquibus MSS. Codicibus ità potius exhibitur: *Sciendum est, quia in eadem Constitutione quinquagesimoprimo Capitulo legitur.* Ceterum, quæ ex hac ipsa Justiniani Constitutione referri videntur, habentur in cap. 19. memoratae Novelæ,

I^e, juxta recentiorem capitulum partitionem; quod sanè caput apud veteres fortè esse potuit quinquagesimum primum, nisi dicere malimus erratum fuisse in numeralibus notis. Pòst verba memorati canonis 38. sequitur in ipso Capitulari versiculus *de persona Januarii*, qualis habetur in memorato canone 7. caus. 2. quæst. 1., ubi tamè pro illis verbis: *Dum si quamlibet injuriam.... & ministris ut ipsi cultui*, legendum erit: *Dum quandò, si quamlibet aliam injuriam.... & ministris, vel ipsi cultui*. Ad hanc. rem videri posset lex 10. Cod. de Episcopis, & Clericis. Itèm in versiculo *Contra hac vox illa Juges* apùd Maurinos in editione Gregorianarum epistolarum desideratur. In versiculo *quod autem ita legendum est: Illud autem, quod dicitur à servis suis accusatus*, quia audiri minime debuerunt, *hac constitutio patefecit, sic dicens Codicis lib. 9. tit. 1. constit. 20.* Hæc sanè est lex *siquis 9.* Codice de his, qui accusare. In versiculo *si verò ita legendum erit: Si verò dictum fuerit, quia de hoc accusatus est, quod ad maiestatis crimen attendit, nec ipsum de eo, &c.* Demùm in versiculo *Quod autem ultimo erit ita legendum: Nàm ibi inter alia precipitur, ut sententia, que sine scripto data fuerit, nec nomen sententia habere mereatur.*

Planè ex his omnibus perspicuè liquet, in hoc Capitulari 2. normam quamdam juxta civiles leges traditam fuisse Joanni Defensori, dum iturus erat in Hispaniam, de pluribus ecclesiasticorum virorum causis judicaturus. Ego verò non indiscriminatim secundo huic Capitulari indubiam fidem habebo, aut tamquam genuinum Gregorii monumentum adserere audebo. Hoc secundum Capitulare in veteribus MSS., quemadmodum observant Maurini Monachi, ita inscribitur: *Capitulare secundum Legum Imperialium pro immunitate clericorum Joanni Defensori, eunti in Hispaniam.* Aliqui MSS. codices ita habent: *Joanni Defensori, eunti in Spaniam exemplum legis.* In aliis codicibus vetustis integrum idem Capitulare desideratur. Itaqùe dubiam rem facit ipsa codicum etiàm vetustorum va-

rietas, in quorum nonnullis prorsùs omittitur Capitulare; in aliis legitur quidèm, sed non adjecto Gregorii nomine. His addo singularem observationem. Scilicet unusquisque civilis historiæ gnarus facilè noverit, in Hispania non nisi pòst longam ætatem receptum fuisse Codicem Justinianeum; potiùs ibidè viguisse diutiùs codicem Theodosianum, causâ diutissimorum bellorum, quæ Hispaniam ab Orientalium Imperio diviserunt. Quis autèm verosimile arbitrabitur, Gregorium dedit Joanni eunti in Hispaniam hujusmodi Capitulare, ut legibus Justinianis esset conforme, quod propterea apùd Hispanos facilè fuisse improbandum? Itaqùe crediderim potiùs, illud Capitulare secundum fuisse opus studiosi cujuspam, qui exercitationis causâ voluerit, juxta leges Justinianas normam judiciariam texere, quæ spectaret causas ecclesiasticas, quam completam Joanni Defensori eunti in Hispaniam accommodavit: quamobrèm facilè contingere potuerit, ut in aliquos Gregorii MSS. codices irrepereret, non tamè in omnes, cuius rei argumentum illud est, quòd, ut superiùs diximus, in optimis antiquis Gregorii codicibus desideretur.

De epistola ad Leandrum Episcopum Hispalensem.

Vetus quæstio fuit de trina mersione, quæ in Baptismo in nonnullis Ecclesiis usu recepta erat. Et quidèm usqù ad Arianorum tempora sine ulla dubitatione triplex illa immersio ab omnibus probabatur, quā nimirūm clariū Sanctissimæ Trinitatis Sacramentum exprimebatur. Exortà verò hæresi Arianorum, aut Macedonianorum, cum plerique ex trina illa mersione non tam Personarum, quā Divinæ ipsius Naturæ distinctionem perperam augurarentur, servandæ germanæ fidei causâ apùd aliquos unica mersio tantummodo probata est, quā significaretur una Patris, Filii, & Spiritus sancti natura. Non mul-

Can. 80
de cons.
dist. 4.

tò potè fuerunt, qui disciplinâ ecclesiasticâ unicâ mersionis abuterentur, Eutychiani nimirùm, in illa unicam Christi naturam falsò credentes, quemadmodum jam tradidi ad canones 30. & 82. de cons. dist. 4. Quamobrèm duplex illa disciplina, quæ in sacrorum Mysteriorum significationem æquè rectè custodiri à Catholicis poterat, in pravas rerum divinarum imagines detoruebatur ab Hæreticis, unde factum est, ut pro locorum, & personarum adjunctis modò hæc, modò illa baptizandi formula probaretur. Hinc mirum non est, si Gregorius utramque non improbaverit in epistola ad Leandrum Episcopum Hispalensem, quæ est 41. in vulgari, & 43. in Maurinorum editione lib. 1., ex qua depromptus est canon 80. de consecr. dist. 4., ubi pro illis verbis Gratiani: *ut dum retrò infans.... neque istud aliquid obsistit baptizandos semel.... in tribus personis, &c.*, ità legendum erit ex optimis exemplaribus: *ut dum tertio infans.... neque ad hoc aliquid obsistit baptizandum semel.... in tribus subsistentiis, &c.*

De epistola ad Recaredum Regem.

Leovigildi Regis hæretici filius, &
 Car. 21. pientissimi ac religiosissimi martyris
 caus. 14. Ermenegildi frater fuit Recaredus Rex
 q. 5. & Visigothorum in Hispania, quem ad
 Can. 48. & caus. 7. Catholican Fidem conversum, ornatum
 q. 1. que optimis moribus amare se professus
 est Gregorius in nupèr laudata epistola
 ad Leandrum Hispalensem. De eo ità
 scribitur in libro 3. dialogorum Gregori-
 ii cap. 31. *Recaredus Rex non patrem perfidum, sed fratrem Martyrem, sequens, ab Ari-
 ana hereseos pravitate conversus, totum quoque Visigothorum gentem ita ad veram perduxit fidem, ut nullum in suo Regno militare permitteret, qui Regni Dei hostis existere per hereticam pravitatem non timeret.* Optimus hic Princeps, postquam amplexus esset Ca-
 tholican Fidem, dona verè Regia Ro-
 manam misit in obsequium Apostoli Pe-
 tri, è cuius sede Gregorius in grati ani-
 mi monumentum quasdam Sanctorum

Reliquias, ac dominicæ Crucis venerabili fragmentum ad ipsum transmisit. Hæc sanè perspicuum faciunt argumentum epistolæ Gregorii ad Recaredum, in vulgari editione 126. lib. 7., & 122. lib. 9. in Maurina. Hinc depromptus est canon 11. caus. 14. quæst. 5. ubi sanctus Pontifex Regi gratulatur, quòd sibi facile persuasisset, ea dona Petro Apostolo acceptum iri, subdens: *Scriptum est enim: vota justorum placabilia, &c.* ità legenda sunt priora memorati canonis verba; si quidem illa: *victimæ impiorum abominabiles Deo*, licet habeantur in libro Proverbiorum cap. 15., ex quo cetera accepta videntur, ad rem tamèn Gregorii minimè faciebant, sed à Gratiano eamdem materiam persequente, datâ occasione adjecta fuerunt; quemadmodum etià adjecta fuerunt verba illa: *dona quippe ini-
 quorum, &c.* usquè in finem canonis, quæ sanè apùd Gregorium desiderantur, quamquam legantur & in cap. 5. Proverbiorum, & in cap. 34. Ecclesiastici. Cum eodem canone jungendus erit canon 48. caus. 7. quæst. 1., qui apùd Gregorium in eadem epistola legitur post pauca: nimirùm ibi fit mentio Abbatum à Recaredo missorum, quorum, ità dixerim, manu oblato fieret dono-
 rum, qui tamèn maritimâ navigatione fatigati adeò fuerant, fluctibusque jac-
 tati, ut in Hispaniam re infectâ redire coacti fuissent. Afferit autèm Gregorius, probationem in illis virtutis exti-
 tisse, non judicium reprobationis. Vix adnotanda est levissima codicum varie-
 tas in exhibendis verbis canonis Gratiae-
 nei 48., scilicet pro illis verbis, *in mari fluc-
 tibus*, legunt Maurini: *in marinis fluc-
 tibus*.

SECTIO XVII.

De epistolis, in Angliam missis.

SIVE

De epistola ad Augustinum Anglorum Episcopum.

Temporibus Gregorii Magni ad Catholicam Fidem conversa fuerat Anglia, operā præsertim Augustini, qui proinde generali quodam officio, & nomine *Anglorum Episcopus* vulgo appellatur. Ad illum scripta extat epistola Gregoriana, singulari ordine digesta, & præter ejusdem Pontificis morem. Exhibitetur in Gregoriano Regesto omnium postrema, continens undecim interrogations Augustini, totidemque Sancti Papæ rescripta. Non desunt ex Viris eruditis numero plurimi, qui de fide hujus epistolæ dubitaverunt. Maurini Monachi, qui ceteris accuratiū Gregorii opera ediderunt, testantur, illam in pluribus vetustis MSS. desiderari. Habetur quidem integra apud Bedam in lib. 1. Historiæ Anglorum cap. 27., sed id quidem demonstrat, apud Anglos exitisse epistolam temporibus Bedæ, non vero à Gregorio fuisse conscriptam. Ad hanc rem plurimum facit epistola Bonifacii I. Moguntinorum Archiepiscopi, natione Angli, & Bedæ contemporani, ad Nothelmum Archiepiscopum Britannie, in qua hæc leguntur: *Similiter diligenter obsecro, ut illius epistolæ, quæ continentur, ut dicunt, interrogations Augustini Pontificis, ac Prædictoris primi Anglorum, & responsiones Sancti Gregorii Papæ, exemplar mihi dirigere curetis, in qua inter cetera capitula continetur, quod in tertia generatione propinquitatis fidelibus liceat matrimonia copulare; & ut scrupulosâ cautelâ diligenter investigare studeatis, si illa conscriptio supradicta Patris nostri Sancti Gregorii esse comprobetur, an non; quia in Scrinio Romanae Ecclesie, ut affirmant Scrinarii, cum ceteris exemplaribus supradicti Pontificis quæsita non inveniebatur.*

Quid ad hæc responderit Nothelmus, minimè constat. Interē liquet, epistolam hanc ipsam non satis notam fuisse Bonifacio Episcopo Moguntino, qui tamè genere Anglus erat, & quem potissimè Anglorum res latere non facile poterant. Liquet præterea, eumdem Bonifacium de veritate ipsius epistolæ dubitasse, eamque ob rem Nothelnum consuluisse, ut *scrupulosâ cautelâ diligenter investigare* studeret, quæ sanè scribendi formula indicat, non sibi facilè Bonifacium persuadere potuisse, ut laudatam epistolam Gregorio sine discrimine tribueret. Liquet demùm, epistolam ipsam jam tum à Scrinariis Romanæ Ecclesiæ fuisse non sine solertia quæsitam, atque inter ceteras Gregorianas epistolas non repertam: suspicio sanè gravis exindè suboritur, quâ de epistolæ auctoritate dubitemus. Inmò & Bedæ ipsius testimonium, qui ceteroquin memorato in loco eamdem epistolam integrum refert, non amovet, sed auget potius dubitationem. Quippè Beda Historicum agens in Anglia non debuisset epistolam stylo valde effusam integrum describere, si verè Gregoriana fuisse; cum enim non satis esset antiqua, & à sæculo circiter scripta, in Anglia tritissima fuisse, ac pervagata. Quod si epistolam ipsam sedulò consideraveris, agnosces statim vel ipsam scribendi methodum à ceteris Gregorii epistolis dissonare: agnosces insuper ejusmodi interrogations ab Augustino factas, quæ adjunctis temporum non convenient. Reverà Augustinus, ex veterum Scriptorum testimonio, Monachus primùm, deinde Clericus in Angliam missus est causâ evangelicæ prædicationis. Functus Apostolico munere uberrimo cum fructu Anglorum Episcopus consecratus est. Quis non videat, eas proponi debuisse ab Augustino interrogations, quales recens jactæ Fidei causa postulabat, ac præsertim de Fidei ejusdem dogmatibus, de administratione Sacramentorum, de modis adducendorum Principum Anglorum ad tuendam, promovendamque Religionem,

atque his similibus gravioribus novæ illius Ecclesiæ negotiis? At verò aliò pertinent, quæ in illa epistola interrogations factæ proponuntur. Prima scilicet est de divisione oblationum ecclesiasticarum, & bonorum omnium inter Episcopum, & Clericos facienda, quasi in hoc potissima sita fuerit Augustini Episcopi cura, ac sollicitudo, quæ suis primum juribus firmandis adversus Clericos consuleret, quod turpe sanè fuisse set Viro Apostolico. Immò hæc quæstio inopportuna videri poterat, ut potè quæ jam pridè definita fuerat ex pluribus Pontificum Maximorum decretis, præsertim Papæ Gelasii, quæ Augustinus ignorare non poterat, cum mos esset veterum Episcoporum, ut sacros canones, & decreta Pontificum studio assidue prosequerentur. Secunda interrogatio spectat continentiae leges, à Clericis custodiendas. Sequentes vero interrogations editæ sunt de furibus rerum ecclesiasticarum, de Episcopis ad Synodum convenire non volentibus, de mulieribus menstrua patientibus, aliisque similibus causis, quas nemo non videt ab adjunctis & locorum, & temporum alienas: vel enim ista ad rem parum faciebant, vel adeò trita erant, ut non possent ab Augustino, in Episcopatus ordine constituto, atque ob eximiam rerum sacrarum peritiam ad prædicandum Evangelium missi, ignorari. Prætèr hæc plura exhibentur à Gregorio scripta, quæ vel non consonant illorum temporum moribus, vel perperam Anglorum gentibus recens conversis accommodarentur. Hinc in responsione ad primam interrogationem dicitur, quartam redditum ecclesiasticorum portionem in Ecclesiis reparandis impendendam esse. De cuius prorsus scribere, impendendam in Ecclesiis edificandis. Ubi enim agitur de gente, recens ad Fidem conversa, non opus est reparatione, sed ædificatione Templorum. Itèm in responsione ad decimam interrogationem tradit Gregorius, Romanorum antiquum usum fuisse, ut viri post admixtionem propria con-

jugis & lavacro se purgarent, & paululum ab ingressu Ecclesiæ reverenter abstinerent, quæ sanè disciplina in nullo vetere Romanorum monumento demonstrari potest, & eruditis omnibus inaudita. Quis itaq; pòst tot animadversiones poterit Gregorio Magno memoratam epistolam sine ullo errandi periculo adserere? Ego sanè jure me concludere arbitrabor, quotiè eidem epistolæ non indubiam auctoritatem inesse dicam, ita ut nequeat ex illa solidum ad res ecclesiasticas demonstrandas, firmandasve argumentum deduci. His autem generaliter prænotatis, recensenda sunt Gratiani capita ex illa deprompta, ac cum eadem epistola, cujuscumque tandem sit auctoritatis, conferenda.

Itaq; in interrogatione 1. perhibetur Augustinus sciscitus, in quo portiones dividenda forent ecclesiastica bona? Quæ respondisse Gregorius fertur, leguntur in can. 30. caus. 12. quæst. 2. cuius verba omnino cum ipsa epistola consonant, immò etiā consonant cum sententiis Gelasii in epistola ad Episcopos Lucaniæ, cuius fragmentum habemus in can. 27. caus. 12. quæst. 2. Pòst verba memorati canonis 30. statim in eadem responsione subsequuntur verba canonis 8. caus. 12. quæst. 1., ab initio usq; ad versiculum si quis verò; qui versiculus pertinet ad responsionem secundæ interrogationi, ita conceptæ: opto etiā doceri, an clerici continere non valentes possint contrahere; & si contraxerint, an debant ad saeculum redire? Hinc sequitur Gregorii responsio: Si qui verò sunt clerici, &c. Sanè, ut adnotant Monachi Maurini, verba interrogationis in quibusdam veteribus MSS. desiderantur, solaque responsio exhibetur, adsuta responsioni præcedenti sub prima interrogatione. Hinc facile arbitrari quispam poterit, Gratianum similia epistolæ exemplaria sequutum fuisse in memorato canone 8., in quo utramque responsionem uno contextu exhibuit. Observandum etiā est, in versiculo communiter autem viventibus, ita legendum esse ex editione Mau-

Can. 30.
caus. 12.
q. 2.

Can. 8.
caus. 12.
q. 1.

&
Can. 3.
dist. 32.

Maurinorum: *communi autem vitâ viventibus*, & paulò inferiùs pro illis verbis: *quod superest in causis p̄is, &c.*, legendum esse: *quod superest necessitatibus in causis p̄is &c.* Eadem propemodū verba jam pridēm descripserat Gratianus in can. 3. dist. 32.

Can. 20.
caus. 35.
q. 2. Tertia interrogatio his verbis exprimitur: *cur, cum una sit fides, sunt ecclesiarum consuetudines tam diversæ?* Et altera consuetudo Missarum est in Romana Ecclesia, atque altera in Galliarum Ecclesiis tenetur? Responsionem legimus in can. 10. dist. 12. ubi pro illis verbis colligere poteris.... *loca amanda sunt*, legendum est: *colligere potuisti.... loca nobis amanda sunt*. Præterea in postremis illis verbis, in consuetudinem depone, non omnes consonant veteres codices, quorum aliqui potius ita exhibent, *in consuetudinem dispone*. Inducitur ibi Gregorius Augustinum monens, ut in nova Anglicanæ Ecclesiæ instauratione disciplinam in diversis Ecclesiis variam consideraret, quodque melius, convenientiusque inveniret ubicumquè, illud collicheret, collectumque in recenti Ecclesia stabiliret. Conformis huic sententiæ fuerat olim sententia Ambrosii in lib. 3. de Sacramentis cap. 1. ita scribentis: *in omnibus cupio sequi Ecclesiam Romanam: sed tamen & nos homines sensum habemus; ideo quod alibi rectius servatur, & nos recte custodimus.*

Can. 21.
caus. 32.
q. 2. En quartam interrogationem: *Obsecro, quid pati debeat, si quis aliquid de Ecclesia furto abstulerit?* Responsio legitur in can. 11. caus. 12. quæst. 2., ubi in postremo versiculo ita legendum erit: *addis etiam, quomodo ea, quæ furto de Ecclesiis abstulerunt, reddere debeant; sed absit, quod Ecclesia cum augmento recipiat, quod de terrenis rebus videtur amittere, & lucra de dannis querat.* Quæ hoc in loco traduntur, perspicue adversari videntur illis, quæ legimus in can. 7. 8., & 9. caus. 12. q. 2. item in can. 21. caus. 17. quæst. 4. verum ubi agitur de monumentis hujusmodi spuriis, aut quorum aliqua ad posteriora tempora pertinent, non est mihi elaborandum, ut alia cum aliis concilientur.

Quintam interrogationem, eique Can. 20.
caus. 35.
q. 2. accommodatam responsionem Gratianus omisit. Sextam interrogationem attigit, ita conceptam: *usque ad quotam generationem fideles debeat cum propinquis sibi coniugio copulari; & novercis, & cognatis si liceat coniugio copulari.* Attigit autem, ubi retulit responsionem Gregorii in can. 20. caus. 35. quæst. 2., ubi tamè pro illis verbis, ut sive fratri, & sororis legendum est: *ut fratri, sive sororis.* Et in versiculo unde necesse &c., ita legendum erit: *unde necesse est, ut jam tertia, vel quarta generatio fidelium licenter sibi jungi debeat.* Quæ verò post hæc verba subsequuntur, ad eamdem epistolam minimè pertinent, sed potius ad epistolam, quæ scripta fertur ad Felicem Messanum, quæ suo in loco apocrypha demonstratur. Imò & ibidem quædam sunt ex codicibus nota melioris emendanda; etenim, ubi Gratianus legit: *De sanguinis conjunctione.... specialiter, & generaliter ceteris me certissime scripsisse cognoscas... docere, & verbis.... sed aliquantulum firmaretur, ita legendum erit: De consanguinitatis conjunctione.... specialiter, & non generaliter ceteris me scripsisse cognoscas.... docere, instare, & verbis.... sed cæptum firmaretur.* Ceterum, quæ ibi traduntur de conjugiis inqundis in tertia, aut in quarta generatione, Augustino, sive etià in ulteriori gradu Felici tradita, jam superius demonstratum est ab aetate Gregorii omnino distare, quemadmodum unusquisque agnoscere poterit ex iis, quæ disserui ad canonem 2. caus. 35. quæst. 8. Unum tantum hoc in loco adjiciam, quod non nihil luminis adferre ad hunc canonem poterit, depromptum scilicet ex Concilio Romano sub Zacharia Pontifice anni 743, in quo inter cetera ita legitur cap. 15. Sed neque hoc silentum est, quod in Germaniae partibus ita dñi vulgatum, quod in archivio nostræ Sanctæ Ecclesiæ scriptum minimè reperimus, ipsis tamè assentibus hominibus de Germania partibus didicimus, quod beatæ recordationis Sanctus Gregorius Papa, dum eos ad religionem Christianitatis divina gratia illustraret, licentiam illis dedisset in quarta se co-pit-

pulare generatione; quod quidem Christianis licitum non est, dum usque se cognoverint, sed dum rudes erant, & invitandi ad fidem quamquam minime scriptum, ut dictum est, reperimus, credere non ambigimus. Deo autem largiente, qui illuminat omnem hominem venientem in hunc mundum, preteritis annis literas misserunt Archiepiscopi, & Reges Provincia illius, petentes Apostolica praecpta, qualiter liceat eis conjugia copulare, & quomodo debeant observare. Quibus, quantum Dominus dare dignatus est, admonitionis praecpta direximus.

Can. 6. Omissâ cum Gratiano septimâ in-
dist. 80. terrogatione, ad octavam progredior, itâ conceptam: peto, si longinquitas itineris magna interjacet, ut Episcopi facile non possint convenire, an debeat sine aliorum Episcoporum presentia Episcopus ordinari? Responsio legitur in canone 6. dist. 80., cuius verba itâ ex integris epistolæ exemplaribus supplenda erunt, atque emendanda. Et quidem etiam in Anglorum Ecclesia, in qua adhuc solus tu Episcopus inveniris, ordinare Episcopum non aliter, nisi cum Episcopis, potes. Nam quando de Galliis Episcopi veniunt, illi in ordinationem Episcopi testes tibi adsistant. Sed Fraternitatem tuam itâ volumus in Anglia Episcopos ordinare, ut ipsi sibi Episcopi Longo intervallo minime disjungantur; quatenus nulla sit necessitas, ut in ordinatione alterius Episcopi convenire non possint. Pastorum quoquâ aliquorum presentia valde est utilis, ut facillimè debeat convenire. Cum igitur, Deo auctore, itâ fuerint Episcopi etiam in propinquis sibi locis ordinati, per omnia Episcoporum ordinatio sine aggregatis tribus, vel quatuor Episcopis fieri non debet.

Nona interrogatio hæc est: Postulo etiam, qualiter debeamus cum Galliarum, atque Britannorum Episcopis agere. Rescriptum legimus in can. 3. caus. 25. quæst. 2. & 25. necnon in can. 1. caus. 6. quæst. 3. quorum canonum verba itâ exigenda erunt, ut cum integris epistolæ codicibus consonent: In Galliarum Episcopos (hæc habentur in memorato canone 3.) nullam tibi auctoritatem tribuimus, quia ab antiquis Predecessorum meorum temporibus Pallium Arelatensis Episcopus accepit, quem nos privare auctoritate perceptâ minime debemus. Si igitur

contingat, ut Fraternitas tua ad Galliarum Provincias transeat, cum eodem Arelatensi Episcopo debet agere, qualiter, siqua sunt in Episcopis, vitia corrigantur. Qui forte in discipline vigore tepidus existat, tue Fraternitatis zelo accendendus est. Cui etiam epistolas fecimus, ut cum tuae sanctitatis presentia in Galliis fuerit, ei ipse totâ mente subveniat, ut, que sunt Creatoris nostri iussioni contraria, ab Episcoporum moribus compescat. Ipse autem ex auctoritate propria Episcopos Galliarum judicare non poteris, sed suadendo, blandiendo, bona quoquâ tua opera eorum imitationi monstrando, pravorum mentes ad sanctitatis studia reforma, quia scriptum est in lege: (habentur hæc in memorato can. 1.) per alienam messem transiens falcam mittere non debet, sed manu spicas conterere, & manducare. Falcem ergo judicii mittere non potes in eam segetem, quæ alteri videtur esse commissa; sed per effectum boni operis frumenta dominica vitiorum suorum paleis expoliat, & in Ecclesia corpus monendo, & persuadendo, quasi mandendo converte. Quidquid vero ex auctoritate (rursùm hæc reperies in memorato canone 3.) agendum est, cum predicto Arelatensi Episcopo agatur, ne prætermitti possit hoc, quod antiqua Patrum institutio invenit. Britanniarum vero omnium Episcoporum curam tuae Fraternitati committimus, ut indocti doceantur, infirmi persuasione roborentur, perversi auctoritate corriganter.

Decima Augustini interrogatio plurima capita comprehendit. Primum, nūm prægnans mulier debeat baptizari: secundò, postquam genuerit, quamdiu debeat ab ingressu Ecclesiæ abstinere: tertio, post quot dies debeat infans recens natus baptizari: quartò, post quæ tempora liceat viro uxori recens enixa conjungi: quinto, an menstruo tempore possit femina Ecclesiam ingredi, & ad Eucharistiæ Sacramentum accedere: sexto demù, an vir, qui suæ conjugi nupèr conjunctus est, possit antè, quam lavetur aqua, Ecclesiam ingredi, & Sacramentum Divinæ Mensæ suspicere. Sanè non erat, ut superius animadvertebam, de hisce rebus Pontifex Maximus interrogandus; erant enim ex illis plu-

Can. 3.

caus. 25.

q. 2.

&

Can. 1.

caus. 6.

q. 3.

plurimæ passim obviæ, ac planæ, non nullæ etiā ex ipsis inconcinnæ, & extra disciplinam ecclesiasticam. Fertur autem Gregorius primæ interrogationi respondisse, mulierem prægnantem baptizari posse. Secundæ quid responderit, exhibetur in can. 1. & 2. dist. 5. his verbis: *Cum verò enixa fuerit mulier, pòst*

Can. 1. & dist. 5. 1: quot dies debeat Ecclesiam intrare, testamenti veteris preceptione didicisti, ut pro masculo XXXIII. diebus, pro femina verò LXVI. diebus debeat abstinere. Quod tamè sciendum est, quia in mysterio accipitur. Nam, si eadem horâ, quæ genuerit, aetara gratias intret Ecclesiam, nullo peccati pondere gravatur. Voluptas etenim carnis, non dolor, in culpa est. In carnis autem commixtione voluptas est, in prolis vero partu dolor, & gemitus. Unde & ipsi primæ matri omnium dicitur: in doloribus paries. Si itaque enixam mulierem prohibemus Ecclesiam intrare, ipsam ei pœnam suam in culpam deputamus.

*MSS. in culpam duplicamus. Quæ tertiae interrogationi respondent, leguntur in canone 3. dist. 5., quem etsi Romani Correctores ad vulgaria epistolæ exemplaria exegerint, non nihil tamè adhuc supererit emendandum iis, qui Maurinorum editionem sequi maluerint; etenim pro illis verbis Gratiani: *Baptizari autem vel enixam mulierem, vel hoc, quod genuerit, si periculo mortis urgetur.... interveniente paululum morâ, inveniri non valeat, qui redimatur*, legunt Maurini Monachi: *Baptizari autem vel enixam mulierem, vel hoc, quod genuerit sine mora, si mortis periculo urgetur.... interveniente paululum morte, inveniri**

*Can. 4. non valeat, qui redimatur. Quartæ, quindecim. 5. tæve quæstiōni quomodo auctor epistola caus. 33. læ satisficerit, legimus in can. 4. dist. 5. cuius verba integra prorsus apud Gratianum referuntur. Quæ demùm ad sextam quæstiōnem pertinent, traduntur in canone 7. caus. 33. quæst. 4., ubi tamè pro illis Gratiani verbis: *De legitimo matrimonio susceptus fuerat, ita legitur: De legitimo conjugio natus fuerat. Quod ibidem memoratur de Romana consuetudine, juxta quam viri se lavarent antè ingressum Ecclesiæ, putam fabellam**

Tom. III.

exhibit, cum nullum sit veterum monumentum, in quo disciplinæ hujus levissimum quidem vestigium dignoscatur.

Superest undecima, ac postrema Augustini interrogatio, ita concepta: *Quero etiā, si post illusionem, quæ per somnum solet accidere, vel Corpus Domini quilibet accipere valeat, vcl, si Sacerdos sit, sacra Mysteria celebrare.*

Hanc eidem etiā verbis quæstiōnem movet Gratianus in dist. 6., licet longè aberrans à proposito suo, ubi canone 1. & 2. retulit integrum ferè responsionem, quæ in Gregorianâ hac epistola legitur. Heic autem priora canonis verba ita erunt legenda: *Hunc quidem testamentum veteris legis, sicut in superiori capitulo jam diximus, pollutum dicit, & nisi lotum aquâ, etiā usq; ad vesperam intrare Ecclesiam non concedit. Quod tamè tunc specialiter ad illum populum, spiritualiter autem intelligens sub eodem intellectu accipiet, quo prefati sumus, quia quasi per somnum illuditur, qui tentatus immunditia, &c. In verbis posterioribus, ubi legitur: Qua subtiliter... ex naturæ superfluitate & infirmitate... aut dies exigit... abstinere... si tamè dormientem turpi imaginatione illusio non concusserit, ita potius legendum erit: Quia valde subtiliter... ex naturæ superfluitate, vel infirmitate.... aut dies festus exigit.... abstineri.... si tamè dormientis mentem turpis imaginatio non concusserit. In versiculo Qua in re ita erit legendum: Qua in re unum ibi ostenditur, ipsa mens rea non tunc vel suo judicio libera, cum se & dormiente corpore nihil meminit vidisse, tamè in vigiliis corporis meminit in ingluviem cecidisse. Si verò ex turpi cogitatione vigilantis oritur illusio in mente dormientis, patet animo suus reatus. Videl enim, à qua radice inclinatio illa processerit, qui, quod cogitavit sciens, hoc pertulit nesciens. Quæ deinde subsequuntur apud Gratianum: Et propter talē pollutionem à sacro mysterio eā die abstinere oportet, in epistola ipsa non leguntur, suntque potius additamentum Collectoris, aliquid ad rem propositam ex iis, quæ superiū descriperat, inferentis. Pòst illa verba, hoc pertulit nesciens, statim sequitur: Sed pen-*

O

sam

sandum est, &c., quæ leguntur in canone 2. dist. 6., ubi tamè pro illis verbis: *Inter suggestionem, delectationem, & consensum judex, &c.*, ità potius legendum erit: *Inter suggestionem, & delectationem; inter delectationem, & consensum judex, &c.* Itèm in versiculo, *Si autem captivus, ità legendum erit: si autem captivus erat, minimè pugnabat: sed & pugnabat: quapropter captivus non erat; & pugnabat igitù lege mentis, cui lex, quæ in membris est, repugnabat. Si hoc pugnabat, captivus erat. Ecce itaque, &c.* Quæ in hoc ipso canone leguntur, videntur congruere cum iis, quæ traduntur in cap. 25. lib. 4. Moralium apùd Gregorium Magnum, ibi: *Quatuor quippe modis peccatum perpetratur in corde, quatuor consummatur in opere. In corde namque suggestione, delectatione, consensu, & defensionis audacia perpetratur. Fit enim suggestio per adversarium, delectatio per carnem, consensus per spiritum, defensionis audacia per elationem, &c.* Eadem ferè traduntur in homil. 16. in Evangelia, ibi: *Sed sciendum nobis est, quia tribus modis tentatio agitur, suggestione, delectatione, & consensu; quæ ideo huc loci Gregorii testimonia adduxi, ut indicarem, memoratum canonem 2., etsi dubiæ sit auctoritatis, plurimù tamè cum aliis Gregorii sententiis convenire.*

Duo adhuc Gratiani fragmenta suspersunt expendenda, quæ, licet ex epistola Gregorii ad Augustinum laudentur, in illa tamè minimè reperiuntur, qualia sunt canon 6. dist. 4., & canon 2. caus. 20. quæst. 1.

Quod in primis attinet ad canonem

Can. dist. 6. dist. 4. Eruditæ omnes jure, ac merito arbitrantur, illum apocryphum esse, quod vel unum Quinquagesimæ celebrandæ argumentum evincit. Etenim in Ecclesia Quinquagesima demù observari cœpit post editas Isidori Meritoris pseudoepistolæ decretales, præsertim verò epistolam Telesphori, cuius fragmentum est in can. 4. dist. 4.: immò in Concilio Aurelianensi I., & IV. propè tempora Gregorii Magni ce-

lebrato, Quinquagesimæ usus, quem tūm nonnulli novitatis amatores adversus generalem Ecclesie disciplinam inducere sategerant, interdictus est; ac tūm demù receptum fuisse suo tempore agnovit Alcuinus, octavi sæculi Scriptor, in libro de ecclesiasticis officiis. Ceterūm nupèr memoratum Gregorii nomine fragmentum in nullis veteribus Gregorii Codicibus sive editis, sive MSs. reperitur; eo autem minùs in epistola ad Augustinum Anglorum Episcopum, quemadmodùm tradit Gratianus. Hinc Maurini Monachi hoc ipsum monumentum ad calcem Gregorianorum operum rejecerunt, professi se nullibi illud reperisse. Quomodo verò hoc fragmentum Gregorio tribui potuerit, fortè ex eo putaverim, quod similia quamplurima legantur de Quinquagesimæ observatione, itèm de quadragesimali abstinentia à carnis, lacte, ovis, & sumptuosioribus marinorum belluarum conviviis in Regula S. Benedicti cap. 49. Cum enim Regula S. Benedicti maximo in honore habita, probatissimaque fuerit apùd Gregorium Magnum, facile evenire potuit recentiore ætate, ut, quæ in eadem Regula præstituerentur, quasi ex auctore Gregorio laudarentur. Perbellè heic juvat referre, quod lepidè scribit Joannes Baptista Mantuanus in suo Poemate de Quadragesima, alludens ad id, quod ex Gregorio Magno in memorato canonе 6. refertur de permesso minutorum pis- ciuum esu quadragesimali tempore, ac sumptuosioribus marinorum belluarum conviviis interdictis, ibi:

Non tamè illicitum pisces adhibere minutas.

Gregorius Magnus prohibet; sed longior usus

Obstitit: & ponti pecuaria magna per omnes

Jam volitant Procerum mensas, & prandia Regum.

Sordida Gregorii leges observatæ.

Ex

Can. 2.
caus. 20.
q. 1. Ex epistola etiām Gregorii Magni ad Augustinum Anglorum laudatur canon 2. caus. 20. quæst. 1.; verū hujus canonis originem jam perspicuè indicaverunt Correctores Romani, asserentes illum legi in epistola 4. Gregorii III. ad Bonifacium Legatum Germaniæ, & simile quidpiam haberī in Concilio Vormaciensi cap. 22. Reverā Bonifacius Episcopus exhibetur apud Collectorēs, ita quæsivisse à Gregorio III. Si pater, aut mater filium, filiamve intrā septa monasteriū in infantie annis sub regulari tradiderint disciplina; utrū liceat eis, postquam pubertatis annos impleverint, egredi, & matrimonio copulari. Respondit autēm Gregorius: hoc omnino devitamus, quia nefas est, ut oblatis à parentibus Deo filiis voluptatis frēna laxentur. Itaq̄ē partim ex interrogatione Bonifacii, partim ex responsione Gregorii III. memoratus canon 2. compositus est; & ideo forte Gregorio Magno tributus, vel quod idem Pontificis auctoris nomen occasionem errandi dederit Collectoribus, vel quod Gregorius idem Magnus de rebus monasticis singularem sollicititudinem gessit. Non debo tamē omittere hoc in loco, Gratianum in quæstione 1. causa 20. disputare, nūm possint parentes ita filios suos impuberis, imò etiām infantes monasterio tradere, ut non liceat amplius eisdem filiis à monasterio, cui semel addicti fuerunt, etiām post pubertatem divertere: verū, adductis hinc illinc veterum Sanctorum Patrum testimoniis, hæsitare adhuc, ut nihil omnino concludat. Nolo in præsentia, ne fusior fiat oratio, investigare, quid singuli Interpretes canonum, præsertim recentiores, in hac specie tradiderint. Dicam dumtaxat paucis, quod ipse sentio. Nimirū sancti Patres juxtā principia Juris, quæ illorum erant recepta temporibus, canonum definitiones edidere, præsertim ubi definitiones Canonum à civilis Juris principiis pendere quodammodo videbantur; etiamque ob rem ubi ejusdem Juris civilis principia immutari debuerunt, mutationi quoquē

obnoxiae fuerunt ecclesiasticae Sanctiōnes. Nemo ignorat, quale quantumque fuit olim jus patriæ potestatis, eō etiām productum, ut parentes impunē filios suos exhæredare, exponere, abdicare, vendere, imò etiām occidere possent, argumento 1. 11. ff: de libēris, & posthumis. Quis in tanta parentum potestate non probasset, parentes ipsos potuisse, etiām vi adhibitā, filios suos perpetuō in monasteria detrudere? Id decuit admitti penē Ecclesiasticos Patres, qui meliorem eā ratione filiis conditionem quæri à parentibus intuebantur, ubi parentes eos divino penitū servitio addicerent, quos potuissent à familia repellere, alienæ servituti subjicere, aliquandō etiām vitā privare. Inflexa deindē fuit, ac tandem coercita parentum potestas nimis arcta, & severa, ac filii in naturalem propemodū libertatem evadentes ab jugo gravissimo eripi respirarunt. Quidni & in his temporum, ac causarum adjunctis alia penē viros ecclesiasticos prudentia recipiēt, quā fieret, ut in liberorum admissionibus ad monasteria proprius eorumdem, ac liber consensus accederet? Itaq̄ē minimē ego dubitaverim, ita dirimendam quæstionem hanc esse, ut pro variis temporum adjunctis varia quoquē in hac parte invecta fuerit disciplina, alicubi asperior, mitior alicubi, alibi citius, seriū alibi immutata, prout aut mitior, aut asperior patria potestas fuerit; prout etiām asperior illa parentum auctoritas aut citius fuit, aut seriū imminuta.

SECTO XVIII.

De epistolis ad Afros.

De epistola ad Episcopos Concilii Bizaceni.

Ex septem Provinciis, quibus Afri- cana Ecclesia constabat, una erat Biza- cena, cui tamquam Primas Clematius Episcopus præsidebat. Cum verò Cle-

matius idem de gravissimis criminibus accusaretur, juxta veterum consuetudinem, præsertim Africæ Ecclesiæ, ad Synodum Provinciale deducta est causa. Eam ob rem convenientes totius Provinciæ Episcopi epistolam receperunt à Gregorio Magno (in vulgari editione 37. lib. 10., apùd Maurinos 32. lib. 12.), quâ moniti sunt, ut summâ diligentia causam discuterent, ac sententiam dicerent. Ex hac epistola depromptus est canon 46. caus. 2. quæst. 7., qui, cum sit apùd Gratianum non nihil corruptus, itâ erit ex optimis epistolæ Gregorianæ exemplaribus emendandus. *Sicut laudabile, discretumque est, reverentiam, & honorem debitum exhibere prioribus, itâ rectitudinis, & Dei timoris est, si qua in eis correctione indigent, nullâ dissimulatione postponere; ne totum, quod absit, corpus incipiat morbus invadere, si languor non fuerit curatus in capite.* Antè multum siquidem temporis quadam ab nos de Fratre nostro Clematio Primate vestro perlata sunt, quæ cor nostrum non modico mærore transfigerent. Sed prementibus diversis tribulationibus, & maxime circumscavientibus hostibus, ea nobis non fuit spatium requirendi. Et quoniâ itâ sunt gravia, ut transiri indiscussa nullo modo debeant, Fraternitatem vestram his hortamur affatibus, ut cum omni sollicitudine, ac vivacitate veritatis indagare substantiam multis modis debeatis, ut, aut si itâ sunt, ultione canonica resecetur, aut si falsa, Fratris nostri innocentia diu sub nefanda opinionis dilaceratione non jaceat. Unde, ut non quis desidie torpor in requisitione sit, admonemus, ut non cuiusquam personæ graria, non favor, non blandimenta, vel quodlibet aliud quemquam vestrum vel ad discutiendum, quæ nobis numerata sunt, molliat, vel à tramite veritatis excutiat; sed sacerdotialiter ad investigandam vos propter Deum veritatem accingite. Nam quis in hoc aut piger esse, aut negligentem se præsumperit exhibere, dictis criminibus apùd omnipotentem Deum se noverit esse participem, cuius zelo ad perscrutandas subtiliter nefandas causas facinoris non moverit.

De epistolis ad Columbum Episcopum Numidiæ.

Columbum Numidiæ Episcopum tamquam prudentissimum, æquique consilii virum laudavit Gregorius in epistola ad Adeodatum Numidiæ Primatem, de qua inferius agendum erit. Ad eundem verò Columbum duplex exhibetur Gregorii epistola. Prior est 48. lib. 3. apùd Maurinos, & 47. lib. 2. in vulgari editione, quâ Gregorius Africæ Antistitem monet, ut in Synodo sollicitus sit de custodienda canonum disciplina, in ea præsertim parte, quæ clericorum ordinationes spectat. Eò referendus est canon 120. caus. 1. quæst. 1., ^{Can. 120. caus. 2.} cujus priora verba itâ legenda sunt: Ita quæ ergâ Primatem Synodi tua esto sollicitus, ut pueri ad sacros Ordines &c. Ratio autem, quare pueri arcendi ab ecclesiasticis ordinibus essent, multiplex à Gregorio redditur, videlicet puerorum eorumdem inscitia, imprudentia, ambitus, favor, ac demum avaritia, quæ hujusmodi ordinationes corrumpere solet.

Alia est adeuindem Columbum Gregorii epistola apùd Maurinos 8. lib. 12., ^{Can. 7. dist. 56.} & in vulgari editione 8. lib. 10. ubi queritur Sanctus Pontifex de causa Donadei Diaconi, qui injustè à quibusdam damnatus fuerat, atque à gradu suo dejectus; unâque Columbum monet, ut in eamdem causam solertè inquirat, addens rationem, quæ à Gratiano integra refertur in canone 7. dist. 56.

De epistola ad Dominicum Carthaginensem.

Ad Dominicum Carthaginensem Episcopum scripta est Gregorii epistola 39. lib. 2. in vulgari, & 47. ejusdem libri in Maurina editione; ubi inter cetera Sanctus Pontifex sermonem instituit de juribus privilegiorum ecclesiasticorum tuendis, de quibus generaliè fuerat à Dominico interrogatus,

Huc

Plūc pertinet canon 8. caus. 25. quæst. 2., ubi pro voce illa *derogabo*, animadverterunt Maurini Monachi, legendum esse *derogo*.

De epistolis ad Gennadium Patri- cium, & Exarchum.

can. 48.
caus. 23.
q. 4. Duplex est in Gregorianis codicibus epistola ad Gennadium Patricium, & Exarchum Africæ. (Exarchus in Africa dicebatur, qui Imperatoriā auctoritate toti Africanæ Provinciæ præfектus erat, dictus ita, quasi ex Principis latere missus). Prior est epistola 72. in vulgari, & 74. in Maurina editione lib. 1., ubi Gregorius Gennadium laudat, quod Imperatoriā auctoritate hæreticis in Africa obsisteret oppositis armis; eumdemque etiā monet, ut dum Concilium totius Africæ erat celebrandum, illud curaret definiendum, ut non in parvis, ut olim, sed in spectabilibus urbibus Primatum dignitates constituerentur. Siquidem in Africa vetus obtinuerat disciplina, quā inter Episcopos ille Primas haberetur, qui ordinatione suā senior, & antiquior ceteris esset; atque hinc vaga erat Primum sedes, quandoquā etiā in inferiores Civitates translata. Cum verò exindē nonnulla suborirentur incommoda, disciplinam immutandam suasit Gregorius, quemadmodū etiā consulendum scripsit illi disciplinæ, etiā in Africa receptæ, quā interdicebatur Episcopis Africanis, ne ad Apostolicam Sedem accederent, expeterentque judicia transmarina, quemadmodū veteres Africanæ Ecclesie canones postulabant. Integra hæc epistola legitur in canone 48. caus. 23. quæst. 4., ubi tamē pro illis Gratiani verbis: *oportet etiā inimicis... meliori ingenio... magis profecto excellentiæ vestræ... per eum religionis... quod brachium... velut mucronem &c.* legendum erit juxta optimos Maurinorum codices: *oportet eam inimicis... meliori genio... magno profectu excellentiæ vestræ... per ea religionis... qui brachium... velut mucronem &c.*

In canone 49. caus. 23. quæst. 4. can. 49.
caus. 23.
q. 4. legitur maxima pars alterius epistolæ, quæ est 73. in vulgari, & 75. in Maurina editione lib. 1., ubi Sanctus Pontifex eumdem Gennadium laudat, quod alacritè pro fide, ac religione tuenda arma suscepisset, imò & armorum vi maximum eidem fidei incrementum adulisset. Nonnulla tamē emendanda sunt apud Gratianum. Etenim pro illis verbis: *in futuram vitam caelestium gaudiorum participatione... Principis excellentiam... largitis Dacorum habitationibus restauraverit. Quicumque igitur hic illi christianissimā mente conferitis, &c.*, in integra Gregorii epistola ita legitur juxta codices vulgatos: *in futura caelestium gaudiorum participatione... Principis utilitatibus excellentiam... largitis datitiorum habitatoribus restaurasset; quicumque igitur illi Christianā mente conferitis, &c.* Mihi non displicet illorum opinio, qui corruptam esse editionem asserunt in voce illa *datitiorum* ut potè satis obscura, & potius legendum putant *Daratiorum*, quorum sanè nomine intelligemus populos Africanæ Provinciæ finitos, sive ditionis illius, quæ *Dara* appellatur.

De epistola ad Episcopos Nu- midiae.

Nupèr ajebam, receptissimum fuisse in Africa morem, ut Primates ecclesiastici non ex dignitate Civitatis, sed ex senio Episcoporum comprovincia-Can. 8.
dist. 12.lium constituerentur. Hinc non solùm eveniebat, ut Primas quandoquā in humili Civitate sederet, verū etiā Primitatis honorem obtinerent Episcopi, qui cum olim apud Donatistas defecissent, deinde ad Catholicam Fidem reversi in suum Episcopatum restituti fuerunt; hi etenim si ætate ceteros antecellerent, Primatus honorem postulabant. Perniciosum id evenire posse Ecclesiis apprimè novit Gregorius: quamobrem scribens ad omnes Numidia Episcopos epistolâ apud Maurinos 77., in vulgari editione 75. lib. 1., non improbavit quidem

dèm Africanæ Ecclesiæ usum, quo siebat, ut priores tempore in honore Primatus potiores haberentur, sed probare non potuit, eâ occasione Episcopos olim Donatistis adhærentes ad Primum adspirare, quibus illud satis esse poterat, ut in pristino gradu recepti fuerint. Huc pertinet canon 8. dist. 12., ubi tamè pro verbis illis: *Constituendis sive de ceteris capitulis.... plebis curam gerere.... ad obtainendum culmen Primatus anteire*, legendum potius est: *Constituendis, ceterisque capitulis.... plebis tantummodo curam gerere.... ad obtainendi culmen Primatus anteire*.

De epistola ad Adeodatum Numidiæ Episcopum.

Ex epistola, superiùs memoratâ, ad Columbum Numidiæ Episcopum, intelleximus, quâm sollicitus Gregorius fuerit, ut in Numidia Provincia sacræ ordinationes solius ecclesiasticæ utilitatis intuitu celebrarentur; non favor, non ambitus, non pecunia intercederet. Idipsum urget Gregorius in epistola ad Adeodatum Numidiæ Primate, in vulgari editione 48. lib. 2., apûd Maurinos 49. lib. 3., ex qua de propositus est canon 119. caus. 1. quæst. 1., hodie à Romanis Correctoribus maxima in parte emendatus. Maurini Monachi voluerunt in illis verbis *ordines, nisi, &c.*, legendum esse, *ordines adspirare, nisi, &c.*; itè pro verbo *subrepatur*, legendum maluerunt *subripiat*.

SECTIO XIX.

De epistolis, ad Constantinopolitanos directis,

ET PRIMUM

De epistola ad Anatolium Constantinopolitanum Diaconum.

Cum Anatolio, Ecclesiæ Constantinopolitanæ Diacono, fortè Gregorius ami-

citiam iniit, dum in Urbe Constantinopolitana apûd Imperatorem Legati munere fungeretur. Hinc Anatolius ex arcissima necessitudine Gregorio indicavit mentem Imperatoris, qui petebat, ut Joannes Primæ Justinianeæ Episcopus ab Episcopatu suo removeretur. Quid responderit Sanctus Pontifex, exhibetur in epistola 47. lib. 11. in Maurina, seu 41. lib. 9. in vulgari editione, cuius sententia refertur in canone 1. caus. 7. quæst. 1., ubi tamè pro illis verbis: *Ex ejus dispositione veniat.... ipso non deposito, ac in custodia, legendum est: Ex ejus depositione veniat.... ipso indeposito conservare, ac in custodia, &c.* Jam præter hæc plurima emendaverunt Correctores Romani.

De epistola ad Cyriacum Episcopum Constantinopolitanum.

Mauritio imperante anno circiter 596. Constantinopolitanus Episcopus electus est Cyriacus in locum defuncti Joannis, cognomento Jejunatoris. Ad eum scripta est Gregorii epistola apûd Maurinos 4. lib. 7., & in vulgari editione 5. lib. 6., in quâ Sanctus Pontifex & recens electo gratulatur, & gratulando varia Episcopalis vite præcepta interserit. Ferè in principio ejusdem epistolæ legitur canon 9. caus. 8. quæst. 1. cuius priora verba itâ scribenda erant apûd Gratianum: *In scriptis autem vestris, &c.* Alludit ibi Gregorius ad Cyriaci epistolam, quâ Cyriacus idem electionem suam Pontifici Maximo significaverat. In illis autem verbis: *Mortuus est Christus, ut & qui vivunt.... quoties itaque nobis ex corde.... quem superna gratia elegit, itâ potius erat scribendum: Mortuus est Christus, superest, ut & qui vivunt.... quies itaque nobis & ex corde.... quem superna gratia eligit.* Post hæc tradidit Gregorius, nihil referre ad vitæ sanctitatem, nûm quis secretis in locis degat, sive in monasteriis, nûm inter sæculi actiones; ac propterea, si quando contingat vitæ, ut ajunt, contempla-

Can. 1.
caus. 7.
q. 1.

Can. 8.
caus. 1.

Can. 10.
dist. 40.

plativæ addictum ad regendam Ecclesiæ vocari, refragari nullo modo debere. Huc pertinent verba canonis 10. dist. 40., quæ omnino consonant cum integris epistolæ exemplaribus.

De epistola ad Domitianum Melitinae in Armenia Episcopum.

Can. caus. q. 1. 3. Erat Domitianus Melitinae Episcopus, & Armeniae Metropolita, Imperatoris Mauritii consanguineus, de quo plura narrat Evagrius in lib. 6. Historiæ cap. 16., 17., & 18. Ad eum scripta exhibetur epistola Gregorii 50. lib. 8. in vulgari, & lib. 10. in Maurina editione, ubi inter cetera agitur de causa Theodori cuiusdam Episcopi, ad quam pertinet aurea illa sententia, quæ legitur in can. 3. caus. 2. quæst. 1., ubi tamè legenda non erit vox illa *jus tè*, cum in integra Gregorii epistola desideretur

De epistola ad Eliam Presbyterum, & Abbatem Isauriæ.

Can. 122. caus. q. 1. Ad Eliam in Isauria Presbyterum, & Abbatem, scripsit Gregorius epistolam, quæ in vulgari editione est 30. lib. 4., & 38. lib. 5. in Maurina. Ibi inter cetera profitetur Sanctus Pontifex, ad se missum fuisse Epiphanius quemdam, olim monasterio addictum, quem ipse ordinaret; asserit autem se quidem ordinem sacrum ei contulisse, sed eumdem sic ordinatum non posse ad Eiam remitti juxta vetustum Ecclesiasticum morem, quo fiebat, ut quilibet, certa in Ecclesia ordinatus, perpetuo in ea consistere deberet, ex quo & illud persicuè deducitur, ad unumquemque Episcopum spectasse semper suæ Ecclesiæ clericos ordinare. Huc spectat canon 122. caus. 1. quæst. 1., ubi pro illis verbis: *transmittere.... in alio.... ordinem acceperit.... si ergo vos videre non potuit, &c.*, legendum potius erit: *retransmittere.... in altero.... ordinem sacrum acceperit.... si ergo vos videre non potui, &c.*

Quæ posteriora verba magis integræ epistole convenient, cum initio epistolæ dicatur Elias venturus fuisse Romam ad limina Apostolorum, fuisse tamè gravi infirmitate detentus; hinc jure Gregorius ajebat, se in Epiphanio quiescisse, licet Eliam ipsum videre non potuerit.

De epistolis ad Joannem Episcopum Constantinopolitanum.

Memoratum Cyriacum Ecclesiæ Can. 1. Constantinopolitanæ Episcopum præcesserat, ut diximus, in dignitate Joannes, cognomento Jejunator, ad quem extat Gregorii epistola apud Maurinos 53. lib. 3., & in vulgari editione 52. lib. 2. Hujus occasio hæc fuit. Quidam ex Isauriæ Monachis, dignitate Sacerdotii ctiam insignis, nomine Athanasius, de gravissimo crimine per calumniam accusatus publicè in Ecclesia Constantinopolitana, cæsus fuerat Episcopi jussu, quandò tamè reus facinoris vulgo esse ferebatur adolescens quidam Episcopo familiaris. Præterea Joannes quidam Presbyter Chalcedonensis, invidiâ pravorum hominum de hæresi Marcionistarum accusatus, damnatus fuerat ab Judicibus, à Constantinopolitano eodem Episcopo datis, fraudis, atque invidiæ consciis. Uterque, Athanasius nimis, & Joannes Chalcedonensis ad Gregorium confugerunt, patrocinium innocentiae implorantes; eamque ob rem Gregorius de utraque causa ad Joannem Episcopum scripsit. Cumque Joannes rescripsisset, excusando se, quod, se ignorantе, illa omnia peracta in Constantinopolitana Ecclesia fuissent, rursùm Gregorius Episcopum redarguit, quod talia, ac tanta facinora, ignorante Antistite, in Ecclesia fierent, quodque Episcopus tam atrocia facta per oscitantiam ignoraret. Ex hac posteriore epistola depromptus est canon 1. dist. 45., qui legitur propè finem illius, ubi Gregorius urgendo asperiùs loquitur, ac præcipue in immerita Athanasii ver-

verberatione dicendo consistit. Monent Maurini Monachi, pro illis verbis, *non percussores*, legendum esse, *non persecutores*, idque veterum MSS. monumentis demonstrant, licet editi codices Gratianam lectionem potius exhibeant.

Alia est epistola Gregorii in vulgari editione 24., apud Maurinos 25. lib. 1. ad omnes Orientalis Ecclesiae Patriarchas ita directa: *Gregorius Joanni Constantiopolitano, Eulogio Alexandrino, Gregorio Antiocheno, Joanni Jerosolymitano, & Anastasio Expatriarchae Antiocheno à paribus (à paribus)*, intellige pari exemplo ad singulos misso, quemadmodum superius jam memini in simili inscriptione observavisse.) Animadvertere juvat, Gregorium Antiochenum Episcopum subrogatum fuisse in locum Anastasii viventis, qui scilicet ab anno 572. pulsus fuerat in exilium ab Justino Imperatore. Hac itaque epistolâ Gregorius Magnus initio sui Pontificatus certiores fecit memoratos Orientales Episcopos de sua electione, eaque occasione multis expressit curam pastoralem, quâ in gregem dominicum sibi commissum Ecclesiarum Antistites fungi debent: imò etiâ ad eosdem misit symbolum Fidei; erat enim juxta veterum mores receptum, ut, quoties Patriarchæ eligerentur, electus fidei suæ professionem ad Patriarchas ceteros mitteret. Hinc idem Gregorius in lib. 9. epistola 52. apud Maurinos, quæ est epistola ad Secundinum, ait: *Hinc est, ut, quoties in quatuor præcipuis sedibus Antistites ordinantur, synodales sibi epistolas vicissim mutant, in quibus se sanctam Chalcedonensem Synodus cum aliis generalibus Synodis custodire fateantur.* Eamdem ob rem Gregorianam hujusmodi epistolam ubi memorat Johannes Diaconus lib. 2. cap. 3., quia fidei caus. 1. professionem continet veterum Synodorum definitionibus accommodatam, *synodicam* appellat. In priore ejusdem epistola parte legitur canon 93. caus. 1. quæst. 1. ubi optimi pastoris indolem, ac studia Gregorius recenset. Ibidem verò pro illis verbis: *Si sordida ipsa steroris lutum tenet.... ad interiora perducendas,*

&c., legendum erit ex Maurinis Codicibus: *Si sordida ipsa insequens lutum tenet.... ad interna sacraria perducendas, &c.* Pòst multa in eadem epistola leguntur verba canonis 6. dist. 41., ubi pro voce illa *tenuitas* legendum erit *tenacia*; docetque Gregorius, quænam sint vitia ab optimo animarum Pastore evitanda, eoque præcavenda diligentius, quò pluriès sub virtutum nomine tegi aliquomodo possunt. Demùm propè finem epistole leguntur verba canonis 2. dist. 15., ubi Can. 6.
dist. 41. Gregorius aperit fidem suam, ceterisque Patriarchis profitetur juxta ea, quæ nuper animadvertebam. Ita verò priora ejusdem canonis verba legenda erunt: *Præterea, quia corde creditur ad justitiam, ore autem confessio fit ad salutem, sicut sancti Evangelii quatuor libros, &c.* Præterea in illis verbis, & *cujuslibet vita, &c.*, quâ ratione legendum sit, jam diù Romani Correctores animadverterunt.

De epistola ad Quiricum, aliosque in Hiberia Episcopos.

Gregorii epistola 61. lib. 9. in vulgaris, & 67. lib. 11. in Maurina editione Can. 44.
& 84.
de cons.
dist. 4. juxta editos omnes Codices, & MSS. numero plurimos ita inscribitur: *Gregorius Quirico, & ceteris in Hibernia consistentibus Catholicis Episcopis.* Emendandam tamè censem hujusmodi inscriptionem Viri erudit, ut legatur non *in Hibernia*, sed *in Hiberia*; atque ad hanc emendationem probandum non solùm plurimù valet auctoritas Vaticani Codicis MS., ex quo Romani Correctores emendaverunt inscriptionem canonis 44. de cons. dist. 4. sed etiâ judicium prudens Petri De Marca in appendice ad Concilium Claramontanum, sub Urbano II. celebratum; qui, animadvertisens in hac ipsa epistola potissimum de Nestorianis hereticis agi, auguratus est, eam ad Provinciam Orientalem, qualis erat Hibernia, pertinere. Nec præterea desunt aliqui MSS. Codices, in quibus se legisse Hibernia Monachi Maurini testantur. Porro Hibernia est regio Asiæ inter Colchidem

dem ad occasum, & Albaniam ad ortum, Armeniæ majori contermina. Ex hac Gregorii epistola depromptus est canon 44. de cons. dist. 4., cuius priora verba ita legenda erunt: *Et quidem ab antiqua Patrum institutione didicimus, ut quilibet apud heresim, &c.* Observandum præterea est in voce illa *Monothelitas* egregium erratum; nondum enim de Monothelitarum opinionibus disputatio esse poterat temporibus Gregorii, eamque ob rem tutius erit legere *Monophysitas*, ut verba Gregorii intelligantur de illis hæreticis, qui unicam in Christo naturam esse asserabant, quales erant Eutychiani. Itèm, pro illis verbis: *Vires emendationis.... fuerint uniti* legendum erit: *Vires emundationis.... fuerunt uniti.* Postremis hisce verbis statim jungenda erunt, quæ apud Gratianum subsequuntur in canone 84. de cons. dist. 4., ubi vice illorum *multi sunt, & alii tales, cum ad sanctam, &c.*, hæc alia verba sunt substituenda: *Multi sunt alii, cum ad sanctam, &c.*

De epistola ad Sabinianum Diaconum, & Apocrisarium.

Can. 20.
caus. 23
q. 8. Apocrisarii munere in Urbe Constantinopolitana fungebatur temporibus Gregorii Sabinianus apud Imperatorem; atque ad eum scripta exhibetur epistola Gregorii 47. lib. 4. in Maurina, & 1. lib. 7. in vulgari editione; quæ tamen, uti animadverterunt Maurini Monachi, in multis codicibus MSS. reperitur ad calcem epistolarum Gregorianarum inter prætermissas: undè non levius suspicio nascitur, ne fortè illa à germanis Gregorii monumentis abjudicetur. Nollem sanè in re satis obscura certam proferre sententiam. Tantùm dixero, causas suspicionis augere, quod in eadem epistola legitur, referturque in canone 20. caus. 23. quæst. 8. Propositum dicitur Gregorio ex parte Imperatoris per clericum quemdam, ut Sanctus Pontifex in fugandis Longobardis operam quoquè suam impenderet, exemplo præsertim Malci cuiusdam Episcopi, qui eamdem

Tom. III.

ob causam sponte mortis periculum subiit. Contrà tamèn Gregorius ita scripsit: *Pervenit vero ad me, quia transmisit, nescio quem clericum, qui diceret, quia Marcus Episcopus in custodia pro solidis occisus sit.* De qua re unum est, quod breviter suggestas Serenissimis Dominis nostris, quia si ego servus eorum in morte Longobardorum me miscere voluisse, hodie Longobardorum gens nec Regem, nec Duces, nec Comites haberet, &c., quæ leguntur in memorato canone 20., verum non videntur hæc Gregorio convenire; sunt enim verba ambitus, ne dixerim audacia, plena, quæ vix à strenuo milite sine jactatione pronunciarentur. Præterea pugnant hæc eum aliis Gregorii monumentis, ex quibus constat, Sanctum Pontificem operam suam frequentè impendisse, ut Longobardi ulteriora non molirentur in Italia, quemadmodum demonstrat inter ceteras epistola ad Mauritium Imperatorem, de qua nonnulla hoc in loco etiàm ad hanc rem erunt subjicienda.

De epistola ad Mauritium Imperatorem.

In epistola 31. lib. 4. in vulgari, & 40. lib. 5. in Maurina editione, Gregorius certiore Mauritium Imperatorem reddidit, quòd ipse Longobardis consilio suo restiterit, atque in omnibus morem gesserit Mauritii jussionibus; unaque conquestus est, quòd ab eodem Mauritio velùt insipiens, ac fatuus haberetur, ac sineret à Longobardis aliquando se decipi. Hinc autem occasionem sumpsit hortandi Imperatorem, ut Sacerdotes Christi, ac præ ceteris Pontifices honorificentius coleret, non conviciis lacesseret. Huc spectat canon 41. caus. 11. quæst. 1., ubi tamèn pro illis verbis: *acepit, & eosdem.... discutite.... in qua tamen sententia sibi, &c. legendum est: accepit, sed eosdem.... disponite.... in qua tamen sententia pie Domine sibi, &c.* Cetera animadversionibus Romanorum Correcrorum facile poterunt emendari.

Ex epistola ad Mauritium Imperator.

*P*to

torem refertur etiā apud Gratianum
 Can. 12. canon 12. caus. 27. quæst. 2., qui ta-
 caus. 27.
 q. 2. mèn in nullo Gregorii monumento re-
 peritur. Ille potius videtur ex diversis
 sacrarum legum fragmentis à quodam
 otioso contextus, & Gregorii nomine
 evulgatus, ut major illius auctoritas, ac
 vis haberetur. Ceterū, quæ ibidem ad-
 feruntur ex sacra præsertim Scriptura
 deprompta, vel minus integra relata
 sunt, vel parùm apta censurad rem,
 de qua ibidem agitur, demonstrandam.
 Quid enim, exempli gratiā, dicam de eo,
 quod deducitur ex Evangelio Matthæi:
Accipe Mariam conjugem tuam? Maria quip-
 pè non futura tantùm sponsa Joseph erat,
 sed vera jam conjux per consensum
 jam de præsenti, ut vulgo ajunt, decla-
 rata. Itēm quod ex Deuteronomio ad-
 fertur cap. 22. in versic. *Siquis cujuslibet*
 longè aliter descriptum est in ipso Moy-
 sis libro, quemadmodum unicuique con-
 ferenti facile constat. Quæ demùm in
 versic. *Sicut nulli subjiciuntur, nihil om-
 nino ad rem propositam faciunt, imò*
*etiā habentur apud Gratianum sub no-
 mine Julii Papæ in canone 7. caus. 35.*
quæst. 3. Quis autem interea tam in-
 comptam rerum, sententiarumque con-
 geriem Gregorio adtribuet, præsertim
 verò ad Mauritium Imperatorem scri-
 benti, ad quem, uti videtur, præ ceteris
 solerter formata scribi debuissest epis-
 tola? Non tamè inficias iverim, eam,
 quæ in hoc canone describitur, senten-
 viam à germana sacrorum canonum dis-
 ciplina non dissonare. Etenim perspi-
 cuum est, neminem jure posse sponsam
 alterius sibi matrimonio jungere: imò
 apud veteres, qui hujusmodi conjugium
 contraxisset, velut sacrilegus habebatur,
 præsertim quod moris esset Sacerdoti-
 bus non tantum matrimonii, sed etiā
 sponsalibus benedicere. Hinc Siricius
 Papa de iis, qui in matrimonium ducunt
 alienam sponsam, ait in canone 50. caus.
 27. quæst. 2. *Hoc ne fiat, modis omnibus*
inhibemus, quia illa benedictio, quam nupturæ
*Sacerdos imponit, apud fideles cuiusdam sacri-
 legii instar est, si illâ transgressione violetur.*

Exindè autem non consequitur, ea om-
 nina, quæ in memorato canone 12. le-
 guntur, integra, & verbo tenus pro lege
 accipienda esse; siquidem cum privati
 Collectoris sint congesta, corruptaque
 fragmenta, in eo tantum vim suam exer-
 cent, ubi authographis suis recte conso-
 nare demonstrantur. Itaque falsò tributa
 fuerunt illa Gregorio Magno, erratumque
 profectum esse videtur ex Collecione Anselmi, juxta ea, que ani-
 madverterunt Romani Correctores, ob-
 servantes in inscriptione diversitatem
 characteris. Ego potius arbitror, ini-
 tium hujus canonis fuisse compositum
 ex canone 66. Concilii Meldensis anni
 845., ex quo etiā profectum est, ut
 Gregorio tribueretur; siquidem ibidem
 ita legitur: *Quicumque vero deinceps rapere*
virgines, vel viduas præsumperit, secundum
synodalem B. Gregorii definitionem ipsi, & complices
eorum anathematizentur, & raptore
sine spe conjugii perpetuò maneant. Similia
 fermè habentur in canone 68. Refertur
 autem ibi Concilium Romanum anni
 721. sub Gregorio II. celebratum, ubi
 canone 9. ita legitur: *Siquis de propria cog-*
natione, vel quam cognatus habuerit, duxerit
uxorem, anathema sit. Et canone 10. *Si-*
quis viduam rapuerit vel furatus fuerit in uxo-
rem, cum sibi consentientibus, anathema sit. Et
 canone 11. *Siquis virginem, quam sibi non*
desponsaverit, rapuerit, vel furatus fuerit in
uxorem, vel consentiens ei, anathema sit. Quæ
 sanè fragmenta in aliquot etiā Codici-
 bus, in quibus Gregorii Magni opera
 collecta fuerunt, sub ejusdem Pontificis
 nomine edita conspiciuntur. Hinc faci-
 lè unusquisque noverit, hæc esse illa
 ipsa capitula, quæ Anselmus Lucensis,
 ut adnotaverunt Romani Correctores,
 sub nomine Gregorii evulgavit, inter-
 textis quibusdam sacrarum literarum sen-
 tentiis; quæ deinde recentior manus ad-
 tribuit Gregorio Magno ad Mauritium
 scribenti, quæque demùm Gratianus
 ejusdem Pontificis nomine in suum Co-
 dicem retulit: quæ fortè melius Grego-
 rio juniori tribuenda fuissent.

De epistola ad Constantinam Augustam.

Constantina, Tiberii Imperatoris filia, à Tiberio Patre nuptui tradita Mauritio, in Mauritium ipsum quasi dotem Imperium contulerat. Mortuo deinde marito, ab Imperante Phoca in monasterium detrusa primum est, & post annum cum tribus filiabus interfeccta. Ad illam, Mauritio adhuc vivente, scripsit Gregorius epistolam, quæ apud Maurinos est 21. lib. 5., & 34. lib. 4. in vulgari editione. In hac præcipue agitur de causa Maximi Salonitani in Dalmatia Episcopi, cuius electionem à Gregorio penitus improbatam scimus ex iis, quæ superius attigimus. Cum enim Maximo patrocinari videretur Mauritius, cuius jussu ferebatur Maximus idem consecratus in Episcopum, prudentissime voluit Gregorius imperantis animum per Constantinam conjugem flectere; atque huc spectat canon 24. dist. 63. ubi pro illis verbis, *responsalem meum præmit-*
Can. 24. dist. 63. tere.... irrequisita relinquere non possum, ita
& Can. 6. legendum erit: responsalem meum præter-
caus. 21. q. 5. mittere.... irrequisita præterire non possum.
 Pòst hæc statim in epistola sequitur Gregorius his verbis: *Sed opto, ac Dominum deprecor, quatenus nihil in eo de iis, qua dicta sunt, valeat inveniri, & sine periculo ani-*
ma mea causa ipsius terminetur. Prius tamè,
quàm hæc cognoscantur, Serenissimus Domi-
nus, discurrente jussione, præcepit, ut eum
yenientem cum honore suscipiam. Et valde gra-
ve est, ut vir, de quo tanta nunciantur, cum
antè requiri, & discuti debeat, honoretur. Et
si Episcorum causæ, &c. Heic sequuntur
verba Gratiani in canone 6. caus. 21.
quæst. 5., ubi pro illis Episcopi mei despi-
ciant.... distulerint.... exercere in eos, &c.,
ita legendum erit: Episcopi mei me despi-
ciant.... distulerit.... in eo exercere, &c. Vix
superest animadvertisendum, postrema
verba hujus canonis 6. eadem esse cum
§. ultimo memorati canonis 24. dist. 63.

Can. 8. His addendus esset canon 8. caus.
caus. 12. q. 2. 12. quæst. 2., quatenus spectat ad aliam

Gregorii epistolam ad Constantinam, quæ extat in lib. 4. num. 33. in vulgari, & lib. 5. num. 41. in Maurina editione in illis verbis: *Cum Serenissimam Dominam siam de caelesti patria, atque animæ sua vita cogitare, culpam me committere vehementer existim, si ea, que pro timore omnipotentis Domini sunt sugerenda, siluero.* Pòst quæ disserit Gregorius de Ethniciis, qui nupèr in Sardinia insula ad Christianam Fidem conversi fuerant: atque hæc longè aliena sunt ab iis, quæ Gratianus in eodem canone subjecit. Non est cur plura heic tradam, cum satis de hoc monumento traditum superius fuerit, ubi actum est de epistola Gregorii ad Constantiam Galliarum Reginam.

De epistola ad Theocistam Patriciam.

Epistola 39. lib. 9. in vulgari, & 45. lib. 11. in Maurina editione scripta exhibetur ad Theocistam Patriciam Mauriti Imperatoris sororem, quam non modicè contristatam Gregorius solatus est, ac variis sacræ doctrinæ præceptis instituit. In primis eam hortatus fuit, ne sineret se dictis hominum deprimenti, dummodò apud Deum benè conscientia esset, propterèaque malevolorum hominum injurias patientè toleraret. Ad hanc rem pertinet canon 11. caus. 6. quæst. 1. ibi: *Sunt autem plurimi, qui vitam bonorum fortasse amplius, quam debent, laudant; & nequa elatio de laude surripiat, permittit omnipotens Deus, &c.* Deinde pòst aliqua prosequitur Gregorius monens, ut aliquando eos, qui nos corripiunt, contemnere debeamus, non gesta nostra penè ipsos purgare; aliquando è converso nostrorum negotiorum rationem reddamus, ne forte simpliciores trahamus in scandalum, exemplo Apostoli Petri, qui quandoquæ cum ad Gentes Evangelii prædicandi causâ sese convertisset, actorum suorum rationem pertinentibus humilitè reddidit, quò referendus est canon 40. caus. 2. quæst. 7. Can. 40. caus. 2. q. 7. quæna ex integris epistolæ exemplaribus

itā emendare juvabit: Certè enim Petrus potestatem Regni cœlestis acceperat, ut, queque in terra ligaret, vel solveret, essent in Cælo ligata, vel soluta: suprà mare ambulavit, agrotantes umbrā curabat, peccantes verò occidebat, mortuos oratione suscitabat. Et quia ex admonitione Spiritus ad Cornelium gentilem fuerat ingressus, contrà eum quæstio à fidelibus facta est, cur ad Gentiles intrasset, & comedisset cum eis: cur eos baptismate suscepisset. Et tamè idem Apostolorum primus, tantà donorum gratiâ repletus, tantà miraculorum potestate suffultus, querela fidelium non ex potestate, sed ex ratione respondit: causam per ordinem exposuit, quomodo vis quoddam, veluti linuum, in quo quadrupedia terra, & bestia, & reptilia, atque volatilia inerant, de cælo submitti viderit, vocemque audierit: Surge Petre, occide, & manduca; qualiter tres viri venerint eum ad Cornelium vocantes; qualiter Spiritus sanctus hunc cum eis ire præceperit; qualiter idem Spiritus sanctus, qui venire in baptizatos in Iudea post baptismum consueverat, in Gentibus ante baptismum venit. Si enim, cum à Fidelibus culparetur, auctoritatem, quam in Sancta Ecclesia acceperat, attendisset, respondere poterat, ut pastorem suum oves, quæ ei commissa fuerant, reprehendere non auderent. Sed si in querela Fidelium aliquid de sua potestate diceret, profectò Doctor mansuetudinis non fuisse. Post hæc ad eamdem rem subdidit Gregorius, quosdam se cognovisse, qui

Can. 19.
caus. 27.
q. 2.

à pluribus arguebantur, quod dicerent religionis obtentu conjugia posse dissolvi, qui tamè ab hoc sibi objecto errore se se purgaverunt; hinc autem Sanctus Pontifex occasionem arripuit de hac ipsa materie disserendi, cuius verba habentur in canone 19. caus. 27. quæst. 2. quem jam diù Romani Correctores in aliquibus emendaverunt. Priora tamè canonis verba ita legenda erunt: Dicbatur namque contrà eos, quia sub obtentu religionis conjugia solverent, &c. Et infrà. Et si sunt, qui talia sentiunt, vel tenent, quia Christiani non sunt, dubium non est. Eosque & ego, & omnes Catholicæ Episcopi, atque universa Ecclesia anathematizamus, quia veritati contraria sentiunt, contraria loquuntur. Si enim dicunt, Religionis causa conjugia debere dissol-

vi, sciendum est, quia, &c. Quæ propè finem canonis leguntur, ibi: Dividi conjugium non potest, monent Monachi Maurini ita potius esse legenda: Dividi conjugium non licet. Cum verò in hoc canone laudetur Lex Imperatoria, ex qua permitta videtur conjugii dissolutio monasticae professionis causâ, referendum id est ad Novellam 123. cap. 40., quam licet non satis Divino Juri conformem Gregorius esse dicat generaliter, in rerum tamè, temporum, aut causarum adjunctis, quibus lata ipsa fuerat, non omnino inqua dici poterat. Nimirum Iustinianeis temporibus apud Condidores Legum Romanarum adhuc repudia permettebant etiam ob causas, lege evangelicâ minimè comprehensas. Quid mirum esse poterat, si repudia, pro variis causis concessa, etiam monasticae professionis causâ potiore permittenda jure viderentur? Immò favorabilis in hac parte visa fuit Justiniano Religionis causa, qui, cum in aliis repudii causis libellum intervenire debere sanxisset, in hac sane conscribendi libelli necessitatem remisit. Rursum idem Gregorius in hac epistola reg. 1. de pœn. dist. 3. tulit exemplum quorumdam iniquè accusatorum, quod dicerent: Si de iniquitatibus suis quis in triennium penitentiam ageret, postmodum ei perverse vivere liceret. Ab hac accusatione, asserit, eosdem fuisse purgatos; quâ occasione scripsit eamdem opinionem anathemate demandandam esse, veluti adversantem sacrarum literarum monumentis, atque inter cetera ait: Si autem dicunt pauci temporis penitentiam contra peccatum debere sufficere, &c. quæ leguntur in canone 6. §. Sunt, qui dicunt de pœnit. dist. 3., cuius postrema verba ita legenda erunt ex optimis epistolæ exemplaribus: Pœnitentiam enim verè agere est commissa flere, sed iterum plangenda declinare.

SECTIO XX.

De epistolis, directis Alexandriam, Antiochiam, & Jerusalem.

ET PRIMO

De epistola ad Eulogium Episcopum Alexandrinum.

Can. 5.
dist. 99. Cum temporibus Gregorii Magni eo ambitus adductus fuisset Constantiopolitanus Episcopus, ut *universalem* se Patriarcham nominaret, viris optimis etiā orientalibus ausus hujusmodi statim improbatus fuit; inter ceteros Eulogio Alexandrino, qui novo nomini restitit, ratus nomen illud Romano tantum Pontifici convenire posse; quam ob rem ad Gregorium scribens, Gregorium eumdem nomine *universalis Episcopi* appellaverat. Gregorius, qui illud, tamquam ambitiosum vocabulum, in Constantinopolitano Antistite damnaverat, à se quoquè rejiciendum prudentissimè existimavit, proindeque ad Eulogium describens in epist. 30. lib. 7. in vulgari, & 30. lib. 8. in Maurina editione, significavit nec sibi nomen illud posse congruere, ne videretur ipse unus in Ecclesia Episcopatum gerere, aliosque Episcopos prorsùs excludere. Refertur hæc sancti Pontificis sententia in canonе 5. dist. 99., ubi pòst illa verba: *perdere cognosco*, hæc erunt adjicienda, quæ Gratianus omiserat: *meus namquæ honor est honor universalis Ecclesiae: meus honor est fraterum, &c.* Non omittam præterea, quod animadverterunt Maurini Monachi, pro illis verbis *superbae appellationis verbum paulo aliter legi in nonnullis codicibus MSS. nimirum superstitionis verbis.*

De epistola ad Anastasium Episcopum Antiochenum.

Can. 26.
caus. 1.
q. 1. Anastasius Sinaita Junior Anastasio Magno in Antiochena sede successerat anno Domini 599., seditque annis no-

vem usquè ad septimum annum Imperii Phocæ, quo tempore, exorto Antiochia civili bello, Judæi eumdem Anastasium à sede dejectum, funeque pedibus alligatum per urbem, urbisque vias collisum secidissimâ morte affecerunt, quem admodum refert Nicephorus lib. 18. cap. 43., quem tamè in eo lapsum viri eruditii animadverterunt, quòd, quæ Anastasio juniori contigerunt, Anastasio Magno, jam à novem annis vitâ functo, attribuerit. Ad Anastasium Juniores extat Gregorii epistola in vulgari editione 47. lib. 7. indict. 2. & 49. lib. 9. in Maurina, ubi Sanctus Pontifex cum eo gratulatur, quòd rectam fidei professionem emisisset; quòd pertinet canon 26. caus. 1. quæst. 1., quem rei omnino diversæ accommodavit Gratianus, cujusque verba ita legenda erunt: *Prædictator autem egregius dicit: fundamentum aliud nemo potest ponere præter id, quod positum est, quod est Christus Jesus. Quisquis ergo cum dilectione Dei, & proximi fidei, quæ in Christo est, firmitatem tenet, eumdem Jesum Christum Dei, & hominis filium apud se posuit fundamentum. Sperandum ergo est, quòd, ubi Christus fundamentum est, bonorum quoquè operum sequatur edificium.*

De epistola ad Anastasium Presbyterum Jerosolymitanum.

Ad Anastasium Presbyterum Jero-
Can. 4.
dist. 49. solymitanum scripta est Gregorii epistola 29. lib. 6. in vulgari, & 32. lib. 7. in Maurina editione. Præsidebat Anastasius monasterio cuidam, quod dicebatur *Neas*, ejusdemque occasione cum Jerosolymitano Episcopo controversiam passus est. Hanc causam discutiendam Gregorius voluit, unàque Anastasium moralibus præceptis instituit, quo pertinet canon 4. dist. 40., his verbis: *Tua itaque Fraternitas quantum in charitate perfecta sit, scio; & quia omnipotentem Deum multum diligit, oportet, ut de proximo multum præsumat. Non enim loca, vel ordines Creatori nostro nos proximos faciunt, sed ei nos aut merita bona jungunt, aut mala disjungunt.*

De

*De epistola ad Palladium Presbyterum de Monte Syna.*Can. 55.
caus. II.
q. 3.

Palladius Presbyter de Monte Syna (mons hic est in Arabia Petraea excelsus, de quo frequens in sacris literis mentio habetur) de malorum hominum conviciis, quibus jam diu lacesebatur, contristatus apud Gregorium conqueritus est, quem propterea Sanctus Pontifex consolari voluit in epistola, quæ in vulgari editione est 45.lib.8. & 2.lib.11. apud Maurinos. Ex ea apud Gratianum relatus est canon 55. caus. II. quæst 3. ubi pro verbis illis: *magnam tristitiam generare debet*, legendum erit: *magna tristitia generari debet*. Item in sequentibus verbis hæc legi debent: *quid enim, si homines laudent, & conscientia accuset?* Aut *quæ debet esse tristitia, si omnes accusent, & sola conscientia nos liberos demonstret?* dimitte stultos.... nisi in pulverem.... vocandi sunt, etiam ipsi tranquille.... conspicias. Quia cum Domino.... dicturus quippe cum ut cum omnibus pacem habeamus, &c. Eadem hujus canonis verba leguntur in pseudo-epistola Sixti III. ad Orientales, de qua suo loco jam disserui.

SECTIO XXI.

De aliis canonibus, ex Regesto Gregorii laudatis.

Perperam inter Gregorianas epistolas in Regesto lib. 10. epistolâ 31. vulgaris editionis adposita est quædam fidei professio, cui hic titulus ex veteribus MSS. codicibus adjectus exhibentur. Promissio cuiusdam Episcopi, heresim suam anathematizantis, quam solvi fecit in nomine Domini Imperator Constantinopolis sub die 10. mensis Februarii indict. 5. Professionis hujus tenor refertur apud Gratianum in canone 9. caus. I. quæst. 7., ubi tamèn pro verbis illis sed simulata reversus existimer, spondeo sub ordinis mei causa.... & salutem Dominorum, &c., ita legendum erit: sed simulatè reversus existimer sub ordinis mei casu spon-

deo, & anathematis.... & salutem, geniumque Illustrium Dominorum, &c. Præterea post illa verba, Ecclesia Catholice, hæc subjicienda statim sunt: ad quam Deo propitius sum reversus, & communione, &c. Demum pro verbis illis Notario illi legendum est Notario meo. Sufficit sanè monumentum hoc legere, ut illicè constet, non potuisse illud inter Gregorianas epistolas recenseri. Quamobrem eruditæ Maurini Monachi ad calcem epistolarum Gregorianarum illud ipsum rejecerunt. Neque verò omni suspicione falsi vacuum esse potest ejusmodi monumentum, quod verosimile est à deceptore quodam fuisse confictum, aut imprudentè à quodam Amanuensi inter opera Gregorii relatum. Scilicet ibi proponitur jusjurandum, cuius formula exprimitur per genium Imperatorum, quæ sanè non erat in usu apud Christianos, eove minus penè Episcopos, ad Fidem Catholicam revertentes. Testis est Tertullianus in Apologetico cap. 32., & ad Scapulam cap. 2. ita scribens: *juramus non per genios Casarum: nescitis genios dæmonas dici*, &c. Hæc observatio in causa fuit, cur quidam Collectores in hoc describendo fragmento abstinuerint ab illis verbis per genium, quemadmodum inter ceteros abstinuit Gratianus. Verum, cum hæc verba in codicibus MSS. optimæ notæ legi testentur Maurini Monachi, non est nobis admittendum, ut illa omittamus: melius enim est apocrypha monumenta rejicare, quam purgare. Ceterum non omittam hoc in loco laudare viros eruditos, qui, ut hoc monumentum Gregorianæ ætati consonum redderent, arbitrii sunt, Episcopum, de quo ibidem agitur, fuisse Firmum Episcopum Histriæ, qui schismaticis adhæserat in causa trium Capitulorum adversus definitiones quintæ Synodi Generalis. Is deinde, à schismate reversus, in communionem ecclesiasticam receptus est, quemadmodum apertissimè demonstrat idem Gregorius in epistola ad eundem, quæ est 33. lib. 12. in Maurina, & 38. lib. 10. in vulgari editione. Quamobrem si quis pur-

purgare potius, quam rejecere maluerit memoratum monumentum, non omnino rem inverosimilem arbitrabitur, quoties illud jusjurandum tribuerit Firmino Episcopo, à schismate redeunti.

- Can. caus. q. 6.
3. In canone 3. caus. 5. quæst. 6. minimè referuntur Gregorii verba, sed potius verba Joannis Diaconi in lib. 4. cap. 31., quemadmodum rectè observaverunt Correctores Romani. Ait enim ille de Gregorio Magno: *Sicut convictum de crimen sine vindicta canonica Gregorius neminem relinquebat, sic nimis falsarium delatorem regulari tramite puniebat: unde, Anthemio Subdiacono scribens, ait, &c.* Pòst hæc describit Joannes Diaconus, quæ leguntur in epistola Gregorii ad Anthemium Subdiaconum in Campania, quæ est epistola 71. lib. 11. apùd Maurinos, & 66. lib. 9. in vulgari editione, in ea præsertim parte, quæ de Subdiacono agitur calumniatore, qui scilicet Diaconum quemdam falsò de quibusdam criminibus accusaverat, pòst quæ ita prosequitur idem Joannes: *Idcirò Gregorius non probantem, quod objecerat, Subdiaconum officio jubet privari; quia juxta canonicas Partium sententias, qui calumniam illatanam non probat, pœnam debet incurrere, quam si probasset, reus utique sustineret; ac per hoc, quia Subdiaconus crimen Diacono probare non potuit, quoniā impositionem manus, quā carere potuisse, non habuit, non sacerdotio, sed officio curuit.* Cetera, quæ sequuntur apùd Joannem, eadem sunt, quæ Gratianus retulit in memorato canone 3., ubi ex iis, quæ nupèr descripti, nonnulla supersunt emendanda. Itaque hoc in loco statuitur, Subdiaconum calumniatorem non solum esse privandum Subdiaconatus officio, sed & effici infamem, immò & verberibus puniendum esse; quod ut clariùs explicetur, omissis iis, quæ veteres leges de calumniatoribus præscriperant, animadvertisendum est, tempore Gregorii invaluisse legem Imperatoris Justiniani, quæ habetur in Novella 123. cap. 20., ubi cautum est, Presbyteros, & Diaconos falsum testimonium perhibentes in causa pecuniaria pro verberibus tribus annis separari à sacro ministerio, & monasteriis tradi; quæ verba sanè supponunt generatim obtinuisse, ut, qui falsum testimonium tulissent, flagris publicè vapularent, ac propterea infamia etiàm notarentur; singulari autem jure in Presbyteris, ac Diaconis, ubi causa pecuniaria versaretur, ut pœnam subirent suspensionis à ministerio, ac monasteriis traderentur: ubi verò causa criminalis esset, voluit Justinianus Presbyteros æquè ac Diaconos calumniatores pœnis legitimis subjacere. Quoad ministros inferiores statuit idem Imperator, in omni causa sive pecuniariâ, sive criminali, eos non solum ecclesiastico officio repellit, sed etiàm verberibus subdit. Hanc itaque Justiniani Constitutionem præ oculis habens Gregorius in epistola ad Anthemium, ubi proposita est causa cuiusdam Subdiaconi calumniatoris, scripsit, non esse illum ab ea legitima pœna eximendum, ac propterea jure subjici verberibus, undè infamis redderetur; quæ sanè pœna ibidem dicitur valde conveniens, ex eo præser-tim, quod juris esset ordinarii, ut calumniatores talionis pœnam punirentur. Cum verò Subdiaconus adversus Diaconum calumniæ reus non posset parere pœnam subire, quia Diaconus de crimine convictus à sacra ordinatione, manusque impositione deponendus es-set, Subdiaconus contrà pòst agnitam calumniam non posset tali pœna adfici, quia nullam manuum impositionem receperat; hinc Gregorius voluit, exasperandam fuisse Subdiaconorum calumniantium pœnam, ut contrà ipsos officii depositio non sufficeret, sed præterea infligeretur pœna flagrorum, undè etiàm infamia proficiseretur.

Quærunt sollicitè Romani Correctores, quis auctor fuerit canonis 3. caus. 1. quæst. 1., quem in Gregoriano Regesto se minimè reperisse profitentur. Similia propemodùm, adserunt, legi in Regesto Gregorii VII., in pluribus etiàm Conciliis, imò & eadem ferè verba laudari apùd Gratianum nomine Pascha-

chalis II. in canone 14. caus. 1. quæst. 3. Verùm, quæ in memoratis locis sententia describitur, toti ferè antiquitati ecclesiasticae communis esse videtur; scilicet nihil vulgatus est in sacris Concilijs, quæ simoniacos tum dantes, tum suscipientes sacra ministeria, gradus sui dejectione damnari, quemadmodum sunt antiquissima fragmenta in Concilio Chalcedonensi can. 2., item canone 30. ex iis, qui vulgo Apostolici vocantur. Apud ipsum verò Gregorium Magnum similis habetur sententia tum in canone 3. caus. 1. quæst. 6., tum etiàm in lib. 1. homiliâ 17. in Evangelia num. 13. ibi: *Sacri canones simoniacam heresim damnant, & eos privari sacerdotio precipiunt, qui de largiendis ordinibus pretium querunt. Cathedra ergo vendentium columbas evertitur, quando bi, qui spiritalem gratiam venundant, vel ante humeros, vel ante Dei oculos sacerdotio privantur.* Ceterùm facile est causam agnoscere, quare recentior sacrorum canonum Collector eadem Patrum vetustorum verba adserre noluerit, sed aliis verbis sententiam eorumdem ornaverit: agnoscebat quippè mutatam in sacris ordinationibus disciplinam. Olim obtinebat, ut Clerici in vim sacræ ordinationis Ecclesiæ adsignarentur, cum nulla ordinatio fieret sine beneficio, id est, sine officio singulari in certa Ecclesia demandato; quamobrem ordinatio sacra à beneficij collatione minimè distinguebatur: sufficiebat interea tunc prohibere simoniacas ordinationes, ut prohibita quoquè censeretur simoniacæ Ecclesiarum, redditumque ecclesiasticorum concessio: sufficiebat tunc, Clericum Ecclesiæ privari, ut clericatus quoquè sui honore privatus intelligetur. At posteriore ætate, ubi ordinatio sacra ab Ecclesiæ collatione distincta est, & distincta quoquè privatio Ecclesiæ, seu beneficij à privatione clericalis honoris, recentiores Collectores è re esse duxerunt, veterum Patrum sententiam juxta disciplinam recentiorem referre, ac receptis suorum temporum moribus accommodare. Hinc, quod dicitur in

memorato canone 3., Presbyterum, per pecuniam ordinatum, & Ecclesiæ, & Sacerdotii honore privandum, minimè quidem conveniret quoad formulæ expressionem Gregorii Magni temporibus, sed potius congruit Gregorio simplicior sententia, juxta quam Ecclesiæ ministerium ab exercitione Ordinis non secernatur. At Collector, qui Gregorianam sententiam voluit recentiori disciplinæ accommodare, ejus verba immutavit ad novam disciplinam exhibendam efformata, in quibus tamè intima adhuc ejusdem Gregorii sententia dignosceretur.

Laudatur etiàm quasi ex Gregorio-
no Regesto depromptus canon 115. caus. 1.

1. quæst. 1., cuius tamè verba apud

Gregorium non leguntur, quamquæ sæpe, ac sæpius inter Gregorianas sententias non nihil simile inveniatur, ubi Sanctus Pontifex gravissimum simoniæ crimen detestatus est; cuius rei argumen-

to esse possunt nonnulla ejusdem Papæ monumenta, quæ apud Gratianum leguntur sparsa in caus. 1. quæst.

1. Verosimile igitur est, aut Gratianum, aut quemcumque alium Collectorum, qui Gratiano auctor extitit, aliis verbis voluisse exornare Gregorii Magni sententias, & palam edere ita exornatas, quemadmodum in hoc canone 115. exprimuntur. Nisi fortasse quispiam maluerit haec ad Gregorii VII. monumenta referre, cuius ætate simoniacorum hæresis quam latissimè grassabatur, & apud quem numero plurima capita sunt adversus simoniacos scripta; immo & quæ in hoc canone describuntur, cum depravata ejus temporis disciplina consonare videntur; & ejusdem canonis sententia integra propemodum continetur inter canones Concilii Romani I. sub eodem Gregorio VII. celebrati.

Falsò etiàm ex Gregoriano Regesto canon. 63. laudatur canon 11. quæst. 3., q. 3.

qui potius laudandus erat ex Simplicio Papa, cuius nomine eadem verba leguntur in canone 7. dist. 74., ad quem -

prop-

propterea canon 63. erit ab accurato Interpretate exigendus. Quare verò Gratianus Simplicii monumentum Regesto Gregoriano attribuerit, ego ex eo arbitrator profluxisse, quod epistola Simplicii, ex qua idem fragmentum decerpsum est, inscripta fuisse ad Joannem Ravennatensem Episcopum. Cum autem ad alium Joannem Episcopum Ravennatensem plures scriptae essent epistolæ in Regesto Gregoriano, hinc oriri potuit Collectoris erratum, qui utrasque epistolas tum Simplicii, tum Gregorii, sine ullo discrimine ex imprudenter confuderit.

**Can. 1.
caus. 35.
q. 8.** Quæ apud Gratianum tamquam ex Gregorii Regesto referuntur in canone 1. caus. 35. quæst. 8. animadverterunt Viri eruditæ, ex pluribus aliorum auctorum laciniis consarcinata fuisse. Ceterum, quæ ibidem de conjugiis post septimum tantummodo consanguinitatis gradum contrahendis dicuntur, non possunt ullo modo Gregorii temporibus convenire, quemadmodum demonstratum est ad canonem 2. caus. 35. quæst. 8. Ideo verò Gregorio tributa fuerunt, quod persuasum nonnullis fuerit, verè germanas epistolas Gregorii esse, quarum una ad Felicem Messanensem, altera ad Augustinum Anglorum scripta ferebatur, in quibus similia quedam continentur. Atque non heic constitutus auctor hujus canonis; nam in versiculo *de his, qui post mortuas aliqua etiam adjectit de quatuor gradibus affinitatis servandis, de quibus nullibi sermonem Gregorius habuit, immo nec sermonem habuit auctor epistolarum Gregorio tributarum, sive ad Felicem Messanensem, sive ad Augustinum Anglorum.*

**Can. 39.
caus. 16.
q. 1.** Quicumque verba canonis 39. caus. 16. quæst. 1. ex Gregorii Regesto laudati, consideraverit, statim agnoscat, Collectorum, sive Gratianus ille sit, si ve alias quisquam, qui Gratiano auctor exitit, integra Gregorii verba non exhibuisse. Quid enim est, quod Gratianus initio profitetur, se ipsa verba referre Regesti Gregoriani, deinde quas-

Tom. III.

historicus stylo suo enarrat, quid in Gregoriana epistola continetur? Itaque è re esse censeo, ut hæc Gratiani involucra dissolvantur. Quæ ibi laudantur, excerpta sunt ex epistola Gregorii ad Senatorem Presbyterum, & Abbatem, quæ in vulgari editione est 10. lib. 11., ubi sermo est de quodam Xenodochio, in Augustodunensi Civitate apud Gallos à Syagrio ejusdem Urbis Episcopo, item à Brunichilde Galliarum Regina constructo, in quo Monachi sub Abbe regularem vitam ducebant. Eidem monasterio quædam privilegia concessit Sanctus Pontifex ita scribens: *Constituimus, ut, obeunte Abbe, Presbyteroque super scripti Xenodochii, atque Monasterii, non aliis ibi quacumque obrepotionis astutia ordinetur, nisi quem Rex ejusdem Provincia cum consensu Monachorum secundum amorem Dei elegere, ac providerit ordinandum.* Et paulo post: *Simili quoquæ definitione juxta desiderium Conditorum decernimus, ut nullus eorum, qui eidem Xenodochio, atque Monasterio Abbas in posterum fuit ordinatus, ad Episcopatus officium quacumque obrepotione sit ausus accedere, ne, res Xenodochii, vel Monasterii iniquâ erogatione consumens, gravissimam egestatis necessitatem pauperibus, ac peregrinis, vel ceteris exinde viventibus generet.* Hæc est germana, integræque Sancti Pontificis sententia. Quæ verò in memorato Gratiani fragmento subjiciuntur, ut indicetur, contineri in his privilegium singulare, quod ad ceteros extendi non possit, purum, putumque continent aut Collectoris, aut alterius cuiuspiam Scriptoris additamentum.

SECTIO XXII.

*De Canonibus, sub nomine Decreti
Gregoriani laudatis.*

De Decreto, seu epistola ad Episcopos omnes.

Ad omnes Episcopos scribens exhibetur Gregorius in canone 1. dist. 89., cuius canonis verba in editis Gregorii

Q

ope-

operibus minimè reperiuntur: attamen similia à Gregorio, dum viveret, pronunciata fuisse, historicus refert, nimirum Joannes Diaconus in vita Gregorii cap. 54: his verbis: *Singula ecclasiastici Juris officia singulis quibusque personis singillatim committi debere jubebat, asserens, quia, sicut in uno corpore multa membra habemus, &c.*, quemadmodum leguntur in memorato Gratiani fragmento. Quæ sañè Gregorii dicta cum opportunè ad rem suam laudari posse Collector agnosceret, ea sub Gregorii nomine, ad omnes Episcopos scribentis, ritè laudari potuisse arbitratus est. Præterea animadverto, similem propemodum sententiam legi apud S. Augustinum in enarratione in psalmum 32. his verbis: *Qui finxit singillatim corda eorum: manu gracie sua, manus misericordiae sue finxit corda, plasmavit corda nostra, finxit singillatim, singula quæque dans nobis, quæ tamè non dirimant vanitatem.* Quomodo singillatim membra formata sunt, omnia singillatim habent opera sua, & tamè in unitate corporis vivunt: manus facit, quod oculus non facit, auris id vallet, quod nec oculus, nec manus valet, omnia tamè unitatem operantur, & manus, & oculus, & auris diversa faciunt, nec sibi adversantur; sic & in Christi corpore singuli homines, tamè membra singula, donis suis gaudent, quia ille, qui eligit populum in hereditatem sibi, singit singillatim corda eorum. Numquid enim omnes Apostoli? Numquid omnes Prophetæ? Numquid omnes Doctores? Numquid omnes dona habent sanitatum? Numquid omnes linguis loquuntur? Numquid omnes interpretantur? Alii quidem per Spiritum datur sermo sapientie, alijs sermo scientie, alijs fides secundum eundem Spiritum, alijs dona curationum. Quare? quia finxit singillatim corda eorum. Quomodo autem in membris nostris diversa sunt opera, sed sanitas una; sic in omnibus membris divisa munera, sed charitas una.

Can. II.
taus. 2.
q. 6. Gregorii etià nomine, ad omnes Episcopos scribentis, refertur canon 11. caus. 2. quæst. 6.; verùm jam liquet Eruditis universis, eundem pertinere potius ad Gregorium IV.: quamobrem

inferius suo loco tamè commodiore de illo sermo instituetur.

Ad calcem Gregorianarum epistolarum in editione Maurinorum describuntur acta quædam Concilii Romani, tertii nuncupati, atque anno 601. celebrati favore Monachorum, in quo decretum hujusmodi legitur non satis rectè descriptum apud Gratianum in canone 5. caus. 18. quæst. 2. *Gregorius Episcopus servus servorum Dei omnibus Episcopis.* Quam sit necessarium Monachorum quieti prospicere, & de eorum perpetua securitate tractare, antealtum nos officium, quod in regimine monasterii exhibuimus, informat. Et quia in plurimis monasteriis multa a Presulibus prejudicia, atque gravamina Monachos pertulisse cognovimus, oportet, ut Fraternitatis vestre provisio eorum de futuro quietem salubri ordinatione disponat, quatenus conversantes illic in Dei servitio, ipsius quoquè gratiâ suffragante, mente liberâ perseverent. Sed ne ex ea, quæ magis emendanda est, consuetudine quicquam Monachis quidquam molestia presumat inferre, necesse est, ut hac, quæ inferius enumerare curavimus, itâ Fraternitatis studio Episcopi debeant custodire, ut ex eis non possit ulterius inferenda inquietudinis occasio reperiri. Interdicimus igitur in nomine Domini nostri Iesu Christi, & ex auctoritate B. Petri Apostolorum Principis, cuius vice huic Ecclesiæ præsidemus; prohibemus, ut nullus Episcopus, aut secularium ultrâ presumat de redditibus, vel rebus, vel chartis monasteriorum, vel de cellis, vel villis, quæ ad ea pertinent, quocumque modo, vel qualibet occasione minuere, vel dolos, vel immissiones aliquas facere. Si qua causa forte inter terram venientem ad partem suarum Ecclesiarum, & monasteriorum evenerit, & pacificè non potuerit ordinari, apud electos Abbates, & alios patres timentes Dominum sine voluntaria dilatatione (Franciscus Florens in cap. auditis de præscriptionibus in cap. 2. pro his posterioribus verbis itâ potius monet, legendum esse: sed si qua forte causa inter Ravennatensem Ecclesiam, & prefatum monasterium evenerit, & pacificè non potuerit ordinari, apud electos à partibus timentes Deum sine voluntaria dilatatione, &c.) mediis sacro-

sanc*tis* Evangelii finiatur. *Defuncto autem Abbe* cu*jusque congregationis, non extraneus eligatur, nisi de eadem congregatione, quem sibi propriâ voluntate concors fratrum societas elegit;* & qui electus fuerit sine dolo, vel venalitate aliqua, ordinetur. Quod si aptam inter se personam invenire nequeant, solerter sibi carent de aliis monasteriis similiter ordinandum. Neque, constituto Abbate, quaecumque persona qualibet occasione preponatur, nisi forte extantibus, quod ab sit, criminibus, que sacri canones punire monstrantur. Pariter autem custodiendum est, ut, invito Abbate, ad ordinanda alia monasteria, aut ad ordines sacros, vel clericatus officium tolli exinde Monachi non debeant. *Descripciones verò rerum, & chartharum monasterii ab Episcopo ecclesiasticas fieri omnino vetamus, sed, si quandò res exigit, Abbas loci cum aliis fratribus causas rerum inventarum faciat, & eorum consilio, & judicio finiantur.* Obeunte quoque Abbate, Episcopus in describendis, providendisque rebus monasterii adquisitis, vel datis per quirendis, nullatenus se permisceat. Missas quoque publicas ab eo in Cœnobio fieri omnino prohibemus, ne in servorum Dei recessibus, & eorum receptaculis ulla popularis præbeatur occasio conventus, vel mulierum fiat novus introitus, quod omnino nec expedit animabus eorum. Neque audeat ibi cathedram collocare, vel quantumlibet potestatem habere imperandi, nec aliquam ordinationem, quamvis levissimam, faciendi, nisi ab Abbate loci fuerit rogatus, quatenus Monachi semper maneant in Abbatum suorum potestate; nullumque Monachum sine testimonio, vel concessione Abbatis in aliqua Ecclesia teneat, vel ad aliquem promoveat honorem. Hanc ergo scriptorum nostrorum paginam omni futuro tempore ab omnibus Episcopis firmam, statuimus, illibatamque servari, ut &, sua Ecclesia juvante Domino tantummodo jure contenti, & monasteria ecclesiasticis conditionibus, seu angariis, vel quibuslibet obsequiis secularibus nullo modo subjaceant, nullis canoniciis juribus deserviant, sed remotis vexationibus in cunctis gravaminibus diurnum opus cum summa animi devotione perficiant. Universi Episcopi respondere: libertati monasteriorum congaudemus, & quæ nunc de his statuit Beatitudo vestra, firma-

mus. Post hæc sequuntur subscriptiones plurium Episcoporum Romanæ Provinciae. Verum jam diu animadverterunt viri eruditissimi, hæc, ac similia privilegia, vetustissimis Pontificibus attributa, prodiisse demùm recentiore ætate à Monachis ipsis conficta, atque evulgata. Fateor quidem ego, apud sanctum Gregorium legi aliquandò Episcopis interdictum, ne in monasteriis ecclesiasticas functiones publicas exercent, ne forte ob celebrem populi frequentiam quies Monachorum in oratione, ac fletu consistentium turbaretur. Verum omnimoda Monachorum exemptio ab Episcopali jurisdictione temporibus magni Gregorii est prorsus incognita. quis enim nesciat, usquæ ad sæculum undecimum Monachos ipsos Episcoporum jurisdictioni adhuc fuisse obnoxios, quemadmodum omnia propemodum illius temporis ecclesiastica monumenta testantur? Testis sit inter ceteros Ivo Carnotensis Episcopus, qui sub finem undecimi sæculi floruit, & quidem vir ecclesiastice disciplinae peritissimus: ipse in epistola 65. ad Urbanum II. conquestus est de quodam Abbate, in Dicesi Parisiensi constituto, qui nova inauditaque præsumptione immunem se ab jurisdictione Parisiensis Episcopi prædicabat, ibi: *Præterea summoperè rogamus excellentiam vestram, ut eum munitum Apostolicis literis remittatis contrà Latiniensem Abbatem, & Monachos ejus, qui, nescio quā nova libertate, suos excessus tuentur, & subjectionem, Parisensi Ecclesie debitam, & haetenus exhibitam, contrà canonicam institutionem de cervice sua excutere molintur.* Ha autem persona hujusmodi sunt, quibus magis necessaria est subiectio, quam libertas, &c. Testis quoque egregius erit sanctus Bernardus, qui initio 12. sæculi floruit. Ipse in suis epistolis sapissime, ac præsertim epistola 42., 179., & 180. luget, plurimos ex Abbatibus, ac Monachis novo quodam invento jure libertatem abs jurisdictione sacrorum Antistitutum appetuisse. Quæ sane apertissime demonstrant, sæculo demùm xi., aut

xii. Monachos conatos fuisse ad libertatem, quæ tamè adhuc nova, atque insueta viris sanctissimis, ac prudentissimis videbatur. Sanè nullum non moverunt lapidem Monachi plures, ut hæc nova exemptionis jura producerent, varia quasi veterum patrum monumenta edendo, falsa etià plurima, & ab ipsis elucubrata, quorum propterea aliquot à summis Pontificibus ob falsitatis vitium reprobata intelligimus tum apùd Gregorium VII. in epistola 33., tum apùd Innocentium III. in cap. 6. de fide instrumentorum. Ad rem hanc ità scribit Franciscus Juretus in notis ad epistolam 65. Iwonis Carnotensis. *Exstat insignis, & memoratu digna historia super contentione Monachorum B. Walerici, qui commentitia finierunt privilegia cuiusdam Romani Pontificis, que non puduit illos palam exhibere, & jacare in celebri conventu Rhemensi, ut scilicet comprobarent, nulli se subjectos, nisi Romano Pontifici. Quorum fraudem detexit Godefridus Episcopus Ambianensis, cum veste absterrisset atramentum scriptura recentis. Similia ferè tradidit Cantuariensis Archiepiscopus in epistola 68. apùd Petrum Blezensem, relata, apùd Florentem in cap. auditis de præscriptionibus cap. 2. ibi: falsariorum præstigiosa malitia ità in Episcoporum contumeliam se armavit, ut falsitas in omnium ferè monasteriorum exemptione prævaleat, nisi in decisionibus, & examinationibus faciendis judex veritatis exactor districtissimus intercedat. Quamobrem non temerè concludere quispiam poterit, laudatum Concilium, Gregorio Magno adtributum, à falsariis quibusdam Monachis fuisse confitum; vel quòd perspicuè liqueat, Monachos ipsos hujusmodi exemptionum privilegia fingere consuevisse; vel quòd pòst Gregorii Magni ætatem diù adhuc viguerit in Monachos Episcoporum potestas, ac jurisdicō; vel demùm quòd ejusdem Romani Concilii falsitatis sit gravissima conjectura in subscriptionibus Episcoporum, qui iidem omnino sunt cum Episcopis, qui germanis aliis Gregorii Conciliis subscripserant; quas subscriptiones imitari vulgare fuit fal-*

sariis scriptoribus, quemadmodùm animadvertis in nupèr memorato loco vir eruditissimus Franciscus Florens.

De Concilio Generali sub nomine Gregorii.

In editis Gregorii monumentis pòst epistolarum libros leguntur Decreta quædam sub nomine Romani Concilii à Gregorio eodem celebrati, imperante Mauricio Tiberio, necnon Theodosio, indictione 14., quemadmodùm habent editi codices numero plures; aut indictione 13., ut legitur in veteribus MSS. De horum Decretorum fide, atque auctoritate dubitant Viri gravissimi ex eo, quòd in vetustissimis plurimis MSS. desiderentur. Verùm, meo judicio, cum, testantibus Maurinis Monachis solertissimis Gregorianorum operum investigatoribus, adpareant in aliis, & quidem non paucis codicibus, non est cur eâ unâ de causâ rejiciantur, præsertim verò quod eorumdem meminerit Beda in lib. 11. Historiæ cap. 1., ubi hæc ipsa Decreta appellat *Libellum synodicum*, quem Gregorius cum Episcopis de necessariis Ecclesiæ causis utilissimum composuit; præsertim etià quòd de eodem Concilio, ac Decretis conciliaribus mentionem fecerit ipse Gregorius in epistola 57. lib. 5. apùd Maurinos, seu 55. lib. 4. in vulgaris editione scripta ad Joannem Corinthium, his verbis: *Quod quoniām incongruum erat, factō Concilio antē corpus B. Petri Apostolorum Principis, tām de hoc, (nimirū de pallio) quām de ordinationibus aliquid accipere, sub districta interdictione vertiūmus. Initio actorum hujus Concilii leguntur verba canonis 2. dist. 92. ibi: In Can. 2. sancta Romana Ecclesia, cui Divina dispensatio preesse me voluit, &c. Pro illis Gratiani verbis, vel si necessitas exigit, in editis Gregorii codicibus legitur: vel si necessitas fuerit. Animadverterunt Maurini Monachi Gregorianorum operum Editores, hoc primum Decretum in quibusdam MSS. Codicibus, in quibus etià cetera Decreta leguntur, desiderari; atque*

que inter alios retulerunt Codicem Capuccinorum Rothomagensium, in quo assuerunt, caput illud non haberi. Ceterum hocce Decretum Sancto Gregorio jure tribuendum esse præter ple- raque MSS., immò ferè omnia illud exhibentia, singularis conjectura edocet; quippè scimus, S. Gregorium peculiares ecclesiastici cantus regulas præstis- tuisse, uti refert Joannes Romanæ Ecclesiae Diaconus, qui círcā annum 875. ejusdem Gregorii vitam scripsit, in lib. 2. cap. 6. ità de eodem Pontifice nar- rans: *Deinde in domo Domini more sapientissimi Salomonis propter musicā compunctionem dulcedinis antiphonarium centonem Cantorum studiosissimus nimis utiliter compilavit, schola quoquè Cantorum, quæ hactenùs eisdem institutionibus in sancta Romana Ecclesia modulatur, constituit.* Addit idem Joannes, suo tempore adhuc in Romana Ecclesia adseratum fuisse authenticum Magni Gregorii Antiphonarium. Itaquè inves- rosimile non est, Gregorium, qui scho- lam Cantorum in Ecclesia constituerat, prohibuisse Diaconis, ne cantui ipsi in- cumberent, sed potius Divinæ prædicati- oni, & eleemosynarum ministeriis quibus ex officio potissimum addice- bantur, vacarent, quemadmodum ex eodem canone 2. adparet.

Can. 58. caus. 2. 7. In capite 2. ejusdem Concilii legi- tur canon 58. caus. 2. quæst. 7. his ver- bis: *Verecundus mos tempore indiscretionis inolevit, ut hujus Sedis Pontificibus ad secreta cubiculi servitia laici pueri, ac seculares obse- quantur; & cum Pastoris vita esse discipulis semper debeat in exemplo, plerumque Clerici, qualis in secreto sit vita sui Pontificis nesciunt, quam tamèn, ut dictum est, pueri sciunt se- culares.* De qua re præsenti Decreto constituuo, &c. Hæc sanè congruunt Gregorii Mag- ni sententiæ, quam fuisse hujusmodi, ut lateri Pontificum non laici homines, sed Clerici assiduè adstant, superiùs observatum est ad canonem 1. dist. 53. Hinc Joannes Diaconus lib. 2. cap. 11. ità scribit: *Ceterum prudentissimus Rector Gregorius, remotis à suo cubiculo secularibus, Clericorum sibi prudentissimos consiliarios, fa-*

miliaresque delegit, inter quos Petrum Dia- conum coetaneum suum, cum quo postea dis- putans quatuor Dialogorum libros composit. Et paulò inferiùs: Monachorum verò sanc- tissimos sibi familiares elegit, inter quos Maxi- mianum Monasterii sui Abbatem, quem pos- te à Syracusis Episcopum fecit, eique per Siciliam vices suas commisit, Augustinum ejusdem Monasterii sui Præpositum, & Mellitum, per quos Anglorum gentes ad Christianismi gratiam convocavit.

Sequitur pòst hæc in capite 3. ejus- dem Concilii canon 1. caus. 16. quæst. Can. 1. caus. 16. q. 6. ubi tamèn pro illis verbis, Decreto q. 6. constituto, legendum est: *Decreto constituuo.*

Ad cujus canonis interpretationem ob- servandum est, morem fuisse apùd ve- teres in bonis ad Fiscum devolutis titu- los Imperatoris imponendi, sive illa ur- bana prædia essent, sive rustica, undè fieret, ut, cum titulum unusquisque le- geret, conterritus potentia nominis ab invasione abstineret, quemadmodum deducitur ex Cassiodoro lib. 4. varia- rum epist. 14., lib. 5. epist. 6., & lib. 9. epist. 18., quibus addi potest lex 3. Cod. de bonis vacantibus. Hi porrò ti- tuli solemnitèr, & judiciali auctoritate coram testibus infigebantur: ac nemo alius simile quidpiam in prædiis suis fa- cere poterat, non solùm suum, sed ne- que alicujus potentioris nomen inscri- bendo, ità ut, qui id molitus esset, pœ- nis gravissimis coerceretur, uti dicitur apùd Cassiodorum in laudata epistola 18., & novella Justiniani 30. cap. 8., itèm lege 1., & 2. Cod. ut nemo pri- vatus titulos prædiis suis, &c. Ad illum morem titulorum prædiis fiscalibus ad- figendorum adludens Augustinus in ex- positione epistolæ Joannis tract. 7. ait: *Recedite prædones, recedite invasores possesso- nis Christi. In possessionibus vestris, ubi do- minari vultis, titulos omnipotentis Dei ausi estis infringere: Cognoscit ille titulos suos; vindicat sibi possessionem suam; non delet titulos, sed intrat, & possidet. Sic ad Chatho- licam venienti non deletur baptismus, ne titu- los Imperatoris deleatur. Impositis semel hujusmodi titulis, si quis res ità muni- tas*

tas invasisset, statim, & sine ullo judiciario ordine gravissimis penitentia subdebat. Hinc Viri ecclesiastici, ut melius ecclesiastica prædia tuerentur quasi Divino juri mancipata, cœperunt & illis imponere titulos, quibus ea Divini Juris esse significarent. Et primò quidem id factum in sacris Templis jam ab antiquissima ætate, unde evenit, ut in vetustis canonibus Templorum ipsa Tituli appellarentur, & Clerici Templis addicti titulati. A sacris Templis tituli quoquè producti sunt ætate Gregorii Magni ad illa prædia, quæ Ecclesia, ob alimenta Clericis, aut pauperibus suppeditanda possideret. Aliquot ex ecclesiasticis administris, occasione arreptâ, non solùm titulos adponebant prædiis illis, quæ certò essent in jure Ecclesiae, sed etià adposuerunt aliquandò in iis, quæ pertinere ad Ecclesiam ex quibuscumque conjecturis suspicabantur, & quidem facto proprio, non jure, sed manibus sibi & Ecclesiis possessiones, & prædia adserentes. Hinc Gregorius prudentissime statuit, ne hujusmodi titulorum impositio in una Rectorum ecclesiastico-rum potestate consisteret, sed, antequam ad illam deveniretur, cognosceretur de causa, certoque constaret, de prædiis ecclesiasticis agi.

Can. caus. 4. 1. gorii Magni plurimorum Clericorum animos polluisse dignoscimus abunde ex variis, jam superius expositis, ejusdem Papæ monumentis. Hinc opus Sanctus Pontifex existimavit, ut in eodem Romano Concilio quedam adversus Simoniacos constitueret. Habentur hæc apud Gratianum in can. 4. caus. 1. quæst. 2., cuius postrema verba ita legenda erunt juxta codices optimos: *Qua ex accipientis ambitu non processit.*

Can. 23. dist. 54. Postremus Gregoriani Concilii causa non legitur in can. 23. dist. 54. Nimirum tunc temporis cum vita monastica apud homines impenso studio coleretur multi ex servis, sive Ecclesiae, sive prioratum dominio mancipatis, ad regularis, seu claustralitatem professionem

contendebant: hinc vel ab Ecclesia, vel à privatis ipsis dominis, pietatis, ac religionis causa facile manumittebantur. Poterant hac dominorum liberalitate abuti plures, quos, non solitariae vitæ, sed potius consequendæ libertatis amor ad vitam monasticam concitatbat. Prudentissime Gregorius decrevit, ut illi primùm laico adhuc habitu induiti probarentur. Idipsum visum fuit opportunitum in militibus: hinc autem Gregoriani Concilii canon de servis æquè, ac de militibus conceptum fuit. Verum tamen animadvertere juvabit, in veteribus MSS. diversam omnino esse canonis editionem. Nam in prioribus verbis, ubi Gratianus legit: *Multos de ecclesiastica familia, seu seculari militia novimus, &c.*, in veteribus laudatis codicibus ita habetur: *Multos de ecclesiastica, seu seculari familia novimus, &c., ex quibus liquet, de militia nullam ibidem fieri mentionem.* Fortè pro scriptura Gratiæ codicis anteferenda aliquid probare poterunt verba illa, posteriora etià de militia concepta, ibi: *Ut quisquis ex juris ecclesiastici, vel secularis militia servitute, &c.* Pro illis Gratiæ verbis: *Qui Divino amore districtorem subire appetit servitutem, legendum potius erit: Qui in Divino obsequio districtorem appetit servitutem.* Quæ porrò sequuntur in versiculo *Si autem usque in finem, in MSS. Codicibus vetustis desiderantur, quemadmodum Maurini Monachi observaverunt, eaque propterea censenda erunt velut otiosi cujuspam additamentum.*

De canone 1. caus. 35. quæst. 2. sub nomine Gregorii in Concilio Meldensi.

Nemo non videt, inscriptionem canonis 1. caus. 35. quæst. 2. nullo modo consistere posse, dum exhibetur: *Gregorius Papa in Concilio Meldensi;* cum Concilium Meldense celebratum fuerit medio octavo saeculo, & Gregorius vixerit sub finem sexti saeculi. Quænam fuerint causæ, ex quibus hæc apud Gratianum ins-

inscriptio adjiceretur, jam alibi animadverci, videlicet in priore hujus operis parte in appendice ad Concilium Meldense, ubi etiam illa monumenta relata sunt, ad quae Gratianeus iste canon exigeretur. Intererat hoc in loco sufficiat observare, quae ibidem traduntur congruere nullo modo posse sententiis Gregorii Magni, quemadmodum demonstrari commodè potest ex iis, quae superius tradita sunt ad canonem 2. caus. 35. quest. 8.

SECTIO XXIII.

De Capitibus, depromptis ex Libris Moralium, seu Commentariorum in Job.

Refert Beda in cap. 1. lib. 2. Historia Anglorum, Gregorium Magnum jam ab eo tempore, quo in Constantiopolitana Urbe apud Imperatorem Apocrysarii munere fungebatur, adortum fuisse librum Commentariorum in Job, quem ob moralis vita institutionem ibidem traditam, librum Moralium appellavit; quod etiam constat ex præfatione ejusdem Gregorii ad Leandrum Episcopum Hispalensem, libro ipsi præfixam. Quippe Gregorius, rogante potissimum Leandro familiarissimo suo, eumdem librum jam Romanus Pontifex factus perfecit, atque ad Leandrum misit, multorum sanè opus annorum, ut proinde habeatur tamquam præcellens inter Gregoriana opera monumentum. Enimvero statim ac opus istud prodiit, in maxima veneratione fuit apud Viros ecclesiasticos, qui illud, suo adhuc vivente auctore, inter ecclesiasticas Homilias Divinorum officiorum recitari curarunt, licet agrè id Gregorius tulerit, qui proinde in epistola 24. lib. 12. ad Joannem Ravennæ Subdiaconum ita scripsit: *Illud autem, quod ad me quorundam relatione perlatum est, quia Reverendissimus Frater, & Coepiscopus noster Marinianus, legi commentaria B. Job publicè ad vigilias, faciat, non grata suscepit, quia non est illud opus populare, &*

ruibus auditoribus impedimentum magis, quam proiectum generaret. Sed dic ei, ut commenta Psalmorum legi ad vigilias faciat. Meminerunt cum laude hujus libri Joannes Diaconus lib. 1. cap. 17., Isidorus Hispanensis in lib. de Scriptoribus ecclesiasticis cap. 27., Ado Vienensis in Chronico ætatis 6., & Joannes Trithemius in libro de Scriptoribus ecclesiasticis. De hujus operis distributione ita Gregorius ipse scribit in epistola ad Leandrum: Opus hoc, per 35. volumina extensum, in sex codicibus explevi. Editi codices Gregoriani adhuc in præsentia exhibent partitionem in triginta & quinque volumina, sed in ipsis nullum sex codicum vestigium agnoscitur; quam tamè sex codicum partitionem Maurini Monachi in veteribus MSS. agnoverunt, & in sua editione retinendam voluerunt, unà animadverterentes, Gregorium nullam fecisse capitum divisionem, sed hanc potius, qualis in editis codicibus hodiè adparet, factam fuisse post annum 1000. tempore Henrici II. Imperatoris, à Rainero Ecclesiæ Aretinæ Canonico. Hodiè juxta varias editiones varia quoquè est capitum distributio. Vulgo traditum est, hos morales libros deperditos olim fuisse ex eo, quod invidentes Gregorii adversarii plurimos ejusdem Pontificis codices ex odio concremaverint, quod testatur Joannes Diaconus; deinde verò prodigiò fuisse repertos in Templo Romano, ubi cuidam exoranti Gregorius adparuerit, librosque hujusmodi palam fecerit. Verum Eruditì omnes, hanc puram esse putamque fabellam, jam sibi facile persuaserunt.

Huic igitur operi præfigitur veluti prologus epistola ad Leandrum Episcopum Hispalensem, & Sancti Isidori Prædecessorem, in qua operis sui propositum auctor explanat. Nimis Leander, Gregorio in amicitiis familiariter junctus, ut dicitur in lib. 3. Dialogorum cap. 31., petierat hoc opus Moralium ad se mitti, cui Gregorius morem gesit, ut ipse testatur in epistola ad eumdem Leandrum, quæ est 41. in lib. 1. Re-

can. 13.
dist. 38.

Regesti, ibi: Ea autem, que in B. Job expositione dicta fuerint, & vobis dirigenda scribitis, quia haec verbis, sensibusque patentibus per Homilias direxeram, utcumque studii in librorum ductum permutare, qui nunc a librariis conscribuntur. Et nisi portitoris presentium me festinatio coangustasset, cuncta vobis transmittere sine aliqua imminutione voluissem, maximè quia & hoc ipsum opus ad vestram Reverentiam scripsi, ut ei, quem præceteris diligo, in meo judicer labore desudasse. Ex hoc ipso prologo, sive epistola ad Leandrum depromptus est canon 13. dist 38., in ea nimis parte, in qua profitetur Gregorius, se non fuisse valde studiosum in stylo ad elegantiam exornando his verbis: Unde & ipsam loquendi artem, quam magisteria discipline exterioris insinuant, servare despexi; nam, sicut hujus quoque epistolæ tenor enuntiat, non metacismi collisionem fugio (sunt, qui pro voce illa metacismi legunt jotacismi. Verum id est contrà MSS. omnium auctoritatem, quemadmodum Maurini Monachi observaverunt. Est metacismus frequens literæ m repetitio, qua præsertim in fine vocum ingratam reddit literarum collisionem) non barbarismi confusionem devito, situs, motusque, & propositionum casus servare contemno; quia indignum vehementer existino, ut verba cœlestis oraculi restringam sub regulis Donati.

Can. 2. dist. 13. Canon 2. dist. 13. legitur in libro 32. cap. 20. ad illa verba capituli 40. versic. 12. Job: Nervi testiculorum ejus (scilicet Behemoth) perplexi sunt. Gratianus pro nomine Behemoth apposuit Leviathan; forte quia in sacris literis in memorato cap. 40. de Leviathan etiam sermo occurrit; quamquam laudata verba Nervi testiculorum ejus perplexi sunt & in sacris literis de Behemoth concepta sint, & Gregorius ipse de Behemoth interpretetur. Verba Gregorii haec sunt: Sed horum testiculorum nervi perplexi sunt, quia suggestum illius argumenta implicatis inventionibus illigantur, ut plerosque ita peccare faciant, quatenus si fortasse fugere peccatum appetunt, hoc sine alio peccati laqueo non evadant, & culpam faciant, dum vitant, ac nequaquam se

ab una valeant solvere, nisi in alia consentiant ligari. Quod melius ostendimus, si qua ex conversatione hominum illigationis hujus exempla proferamus. Quia vero in tribus ordinibus Sancta Ecclesia constat, conjugatorum videlicet, continentium, atque rectorum, unde & Ezechiel tres viros liberatos vidit, videlicet Noe, Daniel, & Job, & in Evangelio Dominus dum alios in agro, alios in tecto, atque esse in molendino alios perhibet, tres procul dubio in Ecclesia ordines ostendit, liquido satisfacimus, si singula ex singulis exquiramus. Ecce enim quidam dum mundi hujus amicitias appetit, &c. Quæ sequuntur apud Gratianum cum Gregorianis codicibus consonant, dummodo pro illis Gratianni verbis, qui sine iudicio legitur, cum praesesse jam cœperit, agere quæ Dei sunt.... est tamèn, quod ad destruendas Behemoth versutias subtiliter fiat, &c. ista potius legantur: Qui sine iudicio eligitur, cum praesesse jam cœperit, agi, quæ Dei sunt.... est tamèn, quod ad destruendas ejus versutias utiliter fiat, &c. Quæ vero identidem Gratianus omisit, ideo integræ non refero, vel quod jam satis ex his constet Gregorii sententia, undè recta sumatur interpretatio; vel quod alijs recensenda esset nimis prolixa sententia.

Ad interpretationem verborum Job cap. 29. vers. ult. ibi: Cumque sederim quasi Rex, circumstante exercitu, eram tamèn merecentium consolator, multa congesit Gregorius in lib. 20. cap. 5., unde sumptus est canon 9. dist. 45. ibi: Cumque sederem quasi Rex, circumstante exercitu, ecce auctoritas regiminis: eram tamèn merecentium consolator, ecce ministerium pietatis. Disciplina enim, vel misericordia multum desituitur, &c. quæ sequuntur in memorato canone 9., ubi tamèn pro illis verbis: Scripturae sacræ scientia, in boni.... sit vigor, sed non exasperans.... strictè savientem.... contrà ejus culpa pensamus.... intùs arsit ignibus amoris, &c. ita legamus: Scripturae sacræ scientia est, in boni.... sit vigor, sed non exasperans.... strictè savientem.... contrà ejus culpas pensamus.... intùs arsit igne amoris, &c.

Canon 14. dist. 45. omnino consonat cum integris Gregorii codicibus, de-
Can. 14. dist. 45. prom-

promptusque est ex lib. 19. cap. 20. ad interpretationem illius versiculi Job cap. 29. *Cor vidua consolatus sum.*

Can. 1.
dist. 46. In lib. 23. Moralium cap. 13. in caput 33. vers. 1., & 2. libri Job, ibi: *Audi igitur Job eloquia mea, & omnes sermones meos ausculta: ecce aperui os meum; &c.* habetur canon 1. dist. 46., cuius initium ita legendum est, ut integra exhibeatur Sancti Pontificis sententia: *Pensemus, de qua elatione descendit, quod B. Job audire se admonet, quod os aperuisse se perhibet, quod linguam suam in fauibus loqui promittit?* Hoc enim habet proprium doctrina arrogantium, &c., quae apud Gratianum subsequuntur, ubi tamē pro illis verbis *sublimitatis culmine* Maurini Monachi legendum volunt: *summitatis culmine.*

Can. 2.
dist. 46. Canon 2. dist. 46. legitur in lib. 18. cap. 4. ad cap. 27. libri Job in illa verba vers. 5. *Absit à me, ut justos vos esse judicem,* Consonat canon ipse cum integris Gregorii codicibus, quotiēs pro illis verbis in eo fultus, ita legatur in ea fultus.

Can. 3.
dist. 47. In libro 19. cap. 27. habentur verba canonis 3. dist. 47. ad interpretationem cap. 29. Job vers. 18. ibi: *Et sicut palma multiplicabo dies;* ubi justi palmis æquiparantur, iniqui verò ceteris arboribus. Pro illis autēm verbis *longius, atque destinatus* legendum est, *longius, atque distantius.* Itēm in illis: *Ne debiliores vos habeat sancta libertas aeris, quos, &c.,* varia varii codices exhibent; apud Mau- rinos enim legitur: *Ne debiliores vos habeat sancta libertas charitatis, quos &c.,* alibi: *Ne debiliores vos habeat sancta libertas, quos, &c.* alibi: *Nec debiliores vos habeat sancta libertas aeris, quos, &c.,* alibi: *Ne debiliores vos habeat sancti libra operis, quos &c.,* alibi demūm: *Ne debiliores vos habeat sancta libertas heredes, quos &c.*

Can. 18.
dist. 50. In libro 18. cap. 17. leguntur verba canonis 18. dist. 50. ad interpretationem illorum verborum capit. 28. Job vers. 2. ibi: *Ferrum de terra tollitur.* Ibidem pro illis verbis: *Quia jam incipit,* legendum erit: *Qui jam incipit.* Illud sanè hoc in loco erit animadvertisendum, Gratia-

num perperām quæstiōni propositæ accommodare voluisse fragmentum Gregorii; siquidēm Gratianus de Sacerdotibus pōst lapsum restituendis sermonem instituerat; at de ipsis ne verbum quidēm apūd Gregorium legitur, sed generatim de illis, qui, postquam errorum tenebris involuti fuerunt, ad fidem excitantur, & gratiam, quam ad rem subjicitur exemplum Matthæi ad Apostolatum vocati, ibi: *An non Matthæus in terra inventus est, qui terrenis negotiis implicatus telonii usibus serviebat?*

In libro 26. cap. 13. legimus verba canonis 9. caus. 1. quæst. 4. ad interpretationem capit. 35. libri Job vers. 8. itēm in libro 14. cap. 29. in caput 19. Job vers. 5. legimus verba canonis 3. caus. 3. quæst. 7. Verba Jobi, quæ ibidēm expenduntur, hæc sunt: *At vos contrà me erigimini, & arguitis me opprobriis meis;* quam ad rem Gregorius recenset factum Judæorum, adulteram accusantium, juxtā caput 8. Evangelii Joannis, atque ex improbitate eorum, qui mulierem evangelicam accusaverant, improbitatem eorum redarguit, qui Jobum conviciis lacesebant. Porrò in memora- to canone 3. pro illis verbis: *Consulto enim Domino, si ad ulciscendum ire debuisset.... & secundò perdidit.... feriantur, &c.,* legendum potius erit: *Consulto autem Domino, si ad ulciscendum ire debuissent.... & secundò cedidit.... feriantur, &c.*

In prefatione Moralium leguntur verba canonis 5. caus. 3. quæst 7. Ibi Can. 5.
caus. 3. scilicet docet Gregorius, Jobum virum fuisse integerrimæ vitæ, eā potissimum ratione ductus, quod Job pro amicis suis delinquentibus intercessisset, inquiens: *in gravibus peccatis quis positus, dum suis premitur, aliena non diluit.* Mundus ergo ostenditur esse de se, qui emundationem potuit obtinere pro aliis. Quæ in Gratianeo canone pōst illa verba *aliena non diluit* subsequuntur, in ipsa Gregorii præfatione desiderantur; quamquam similia quædam habeantur in libro 32. Moralium cap. 14. ad caput 31. vers. 32. Job his verbis: *Cuncta itaque malitia macula ab interiori*

*nostro homine cogitationis immutatione tergenda est, quia irum iudicis placare nescit oblatio, nisi ex munditia placeat offerentis, unde scriptum est: Respexit Deus ad Abel, & ad munera ejus; ad Cain autem, & munera ejus non respexit. Neque etenim sacram eloquium dicit: respexit ad munera Abel, & ad Cain munera non respexit; sed prius ait: quia respexit ad Abel; ac deinde subjunxit: & ad munera ejus; & rursum dicit: quia non respexit ad Cain; ac deinde subdidit: nec ad munera ejus. Ex dantis quippe corde id, quod datur, accipitur. Idcirco non Abel ex muniberibus, sed ex Abel munera oblati placuerunt. Prius namque ad eum legitur Dominus respexisse qui dabit, quam ad illa, quae dabat. Similia quedam leguntur in epistola Gregorii ad Reccaredum Regem Visigothorum 126. lib. 7. in vulgari editione, & 122. lib. 9. apud Maurinos, ubi Sanctus Pontifex gratulatur Reccaredo, quod dona Romam misisset Apostolo Petro devota, ita subjiciens: *Scriptum quippe est: vota justorum placabilia, neque enim in omnipotentis Dei iudicio quid datur, sed à quo datur, adspicitur.* Hinc est enim, quod scriptum est: respexit Dominus ad Abel, & ad munera ejus; ad Cain autem, & ad munera ejus non respexit: dicturus quippe, quia Dominus respexit ad munera, premisit sollicitè, quia respexit ad Abel. Ex qua repenter ostenditur, quia non offens à muniberibus, sed munera ab offerente placuerunt. Jungatur his canon 11. caus. 14. quæst. 5. Quæ demùm Gregorius prosequitur in vers. *dona*, & in vers. *longe* deprompta sunt ex libro Ecclesiastici cap. 34., & ex libro Proverbiorum cap. 15.*

Canon 10. caus. 8. quæst. 1. legitur in libro 35. cap. 14. in caput 42. libri Job; ubi tamè pro verbis illis: *de suo aliquid non habuerit.... obedientia sibi meritum*, legendum erit de suo aliquid non habeat..., *obedientia sibi meritum*.

Can. 10. Versiculus *obedientia* erat antè cetera des-
Caus. 8. & cribendus, ut potè qui in monumento
q. 1. Can. 99. Gregoriano multò superius legitur. Intermedia sunt apud Gregorium verba illa, quæ retulit Gratianus in can. 99.
caus. 11. quæst. 3., propterea cum eo-

dem canone 10. jungenda, ubi pro verbis illis: quando hanc mediator Dei, & hominum temuit, tenendam precepit; & cum obedientes remunerat, non relinquit.... dignum fuerat, ut hanc etiam à bono prohiberet, ita legendum erit: quando hanc mediator Dei, & hominum, & cum obedientes remunerat non relinquit.... dignum fuerat, ut etiam à bono prohiberetur.

Paucis perstrinxerat Gratianus incan. 10. canone 10. caus. 22. quæst. 2. sententiam Gregorii, qualis legitur in libro 26. cap. 5. in caput 34. Jobi, cuius propterea verba integra retulerunt post eundem canonem Correctores Romani. Monent adhuc Maurini Monachi, pro illis verbis *incaute sunt homines*, quæ habentur in vulgaribus editis Gregorii codicibus, ita potius legendum esse ex optimis vetustissimis exemplaribus: *incaute sunt humiles*.

In libro 18. cap. 3. leguntur verba can. 19. canonis 19. caus. 22. quæst. 2., in quo totus est Gregorius adversus eos, qui mendacio quemquam circumveniunt; atque inter cetera sibi objicit, quod vulgo dici solet; nimis in Sacra Scriptura videri aliquando laudata mendacia, verius dixerim figuræ, quæ pertinet memoratus canon 19. ibidem: sed paulò superius leguntur verba cononis 20. caus. 22. quæst. 2., ubi tamè pro illis in qua magis compensatio agnoscitur, quid mendacii culpa mereatur; nam benignitatis earum merces, quæ eis in eterna potuit vita retribui, premissa culpa mendacii, &c., hæc potius erunt legenda: in qua recompensatione cognoscitur, quid mendacii culpa mereatur; nam benignitatis earum merces, quæ eis in eterna potuit vita retribui, pro admixta culpa mendacii, &c. Hoc in loco expendebat Gregorius, quod objici inter cetera sacrarum literarum monumenta solebat de mendacio obstetricum Ægyptiacarum, quando alienam vitam, aut salutem tueri maluerunt; neque enim ajebat Sanctus Pontifex, vitæ ipsius tuendæ causâ mendacium proferri posse, quamquam ea in specie dignum venia videretur. Hanc ad rem optimè edisserit Augustinus.

nus enatratione in psalmum 3. ibi : multa quidem videntur pro salute, aut commendo alicujus, non malitia, sed benignitate mendacia; quale illarum in Exodo obstetricum, que Pharaoni falsum renunciaverunt.... in iis, qui perfecti sunt, nec ista mendacia inveniuntur.

Can. 11.
caus. 22.
q. 5.

Canon 11. caus. 22. quæst. 5. legitur in lib. 26. cap. 10. in caput 35. vers. 2. libri Job; quamquam ea, quæ subsequuntur in vers. certè noverit, non sint Gregorii, sed potius Collectoris cuiuspiam, aut Interpretis, qui Gregorianam sententiam aliis verbis recensuit. Plurimum verò valerepotuit Codex Gratiani, ut fragmentum hoc referretur sub Gregorii nomine in cap. 15. de yerb. sign. apud Gregorium IX.

In libro 35. cap. 8. ad caput Job 42. vers. 8. leguntur verba canonis 22. caus. 24. quæst. 1., ubi tamè pro illis sola est, in quo bonum, &c., hæc substituere juvabit ex optimis codicibus: sola est, in qua opus bonum, &c.

Can. 12.
caus. 24.
q. 3.

In libro 4. cap. 1. ad interpretationem capitum 3. Job vers. 1. 2., & 3. ubi proponitur Sanctus Job diei suo maledixisse, habetur canon 12. caus. 24. quæst. 3., cuius tamè verba alia omnino sunt, quam quæ à Gratiano descripta fuerint. Quamobrèm ità legendum erit: Cum verò sancti viri maledictionis sententiam proferunt, non ad hanc ex voto ultionis, sed justitiae examine erumpunt. Intùs enim subtile Dei judicium adspiciunt, & mala foras exurgentia, quia maledicto debeant ferire, cognoscunt, & eo in maledicto non peccant, quò ab interno iudicio non discordant. Itèm superius. Scriptura sacra duobus modis maledictum memorat, aliud videlicet, quod adprobat, aliud quod damnat; alius enim maledictum profertur iudicio justitiae, alius livore vindictæ. Maledictum quippè iudicio justitiae ipsi primo homini peccanti prolatum est, cum audivit: maledicta terra in opere tuo. Maledictum justitiae iudicio profertur, cum ad Abraham dicitur: maledicam maledicentibus tibi: rursùm, quia maledictum non iudicio justitiae, sed livore vindictæ promittur, voce Pauli Apostoli predicatoris admonemur, qui ait: benedicite, & nolite maledicere.

Canon 13. caus. 32. quæst. 4., rectè consonat cum capite 18. libri 12. ad caput 14. Job vers. 18., & 19., quemadmodum etiàm canon 13. caus. 32. q. 5. quæst. 5. rectè consonat cum capite 11. lib. 21. ad interpretationem capitum 31. Job versic. 9., quamquam tamè movent Maurini Monachi ad verba versiculi quia enim, hæc ipsa usquè ad verbum perpetratur intrà parenthesim contineri ita, ut post illa statim sequatur, tamè plerumque ex loco, &c.

Jam diù Romani Correctores observaverunt, verba cahonis 82. de pœnit. dist. 1. integra haberi potius in commentariis, nomine Eucherii editis, licet magna etiàm in parte apud Gregorium habeantur. Locus Gregorii est liber nonus Moralium cap. 34. ad librum Job cap. 9. vers. 28. Verebar omnia opera mea, sciens, quid non parceres delinquenti; quæ verba expendens Gregorius, ita scribit: Sed post hac valde scrupulosum cordi se objicit, quod subjungit: sciens, quid non parceres delinquenti. Si enim delinquenti non parcitur, quis ab eterna morte eripitur, cum à delicto mundus nemo reperitur? An pœnitenti parcit, & delinquenti non parcit? Quia cum delicta plangimus, nequaquam jam delinquentes sumus. Et paulò inferius: Delinquenti ergo Dominus nequaquam parcit, quia delictum sine ultiōne non deserit; aut enim ipse hoc in se pœnitens punit, aut hoc Deus cum homine vindicans percutit. Nequaquam igitur peccato parcitur, quia nullatenus sine vindicta laxatur. Sic enim David audire post confessionem meruit: Dominus transtulit peccatum tuum; & tamè post multis cruciatibus afflictus, ac fugiens, reatum culpa, quam perpetraverat, exsolvit. Sic nos salutis unda à culpa primi parentis absolvimur; sed tamè reatum ejusdem culpa diluentes absoluti quoque adhuc carnaliter obimus. Bene ergo dicitur: sciens, quia non parceres delinquenti; quia delicta nostra sive per nos, sive per semetipsum resecat etiàm, cum relaxat. Ab electis enim suis iniquitatum maculas studet temporali afflictione tergere, quas in perpetuum non vult in eis videre.

Canon 4. de pœnit. dist. 2. habetur in libro 10. cap. 21. in caput 11. Jobi

Can. 13.
caus. 32.
q. 4. &c.
Can. 13.
caus. 32.
q. 5.

Can. 82.
de pœnit.
dist. 1.

vers. 19.; ubi tamèn pro verbis illis à delectatione mundi legendum est ex optimis codicibus à dilectione mundi.

Can. 22. Canon 22. de pœnit. dist. 2. excerptus est ex lib. 25. cap. 11. ad interpretationem illorum verborum Job cap. 34. vers. 27. *Qui quasi de industria recesserunt ab eo.*

Can. 23. Ad interpretationem capit. 31. de pœn. vers. 2. libri Job habetur in lib. 21. dist. 2. Moralium cap. 3. canon 23. de pœn. dist. 2.; ubi tamèn pro illis verbis per consensum delectationis obligatur legendum potius erit: *per consensum delectationibus obligatur.*

Can. 43. Verba canonis 43. de pœnit. dist. 2. & 44. apud Gregorium non leguntur, sed potius videntur summa sequentis canonis 44., qui habetur in lib. 34. Moralium cap. 13. aliás 15. ad interpretationem illorum verborum Job cap. 41. *Sub ipso erunt radii solis, & sternet sibi aurum quasi lumen.* Ibi Gregorius persequitur eos numero plurimos, qui initio quasi aurum adparent virtutibus exornati, deinde verrò in fine vita ità dejiciuntur, ut vitiis obruantur. Paucis sententiam hanc personinxerat Gratianus in memorato canone 43. scribens: *Multi bene incipiunt, qui in malo vitam finiunt.* Ut autèm integra sit sententia canonis 44., erunt hæc ex Gregorii codicibus supplenda: *Et fortasse quemquam moveat, cur misericors Deus fieri ista permitat, ut Leviathan iste seu nunc per suggestiones callidas, sive tunc per damnatum illum quem replet hominem, vel solis sibi radios, id est, doctos quosque, sapientesque subjiciat, vel aurum, hoc est, viros sanctitatis claritate fulgentes quasi lutum sibi coquinando substernat. Sed citius respondemus, quia aurum, &c.* Hinc exorditur Gratianus, apud quem pro illis verbis: *Quod valde isto iudicio... quia diù latuit dolens... atque hoc autem quasi lutum... quorundam mala diù tolerat... qui perseveratui sunt, accedunt... qui per venturi viam, quā gradiantur, ostendant... in superni adjutori protectione... de suis viribus presumentes cecidisse, &c., ita potius erit legendum: quod valde justo iudicio... qui diù latuit dolens... atque hoc an-*

rum quasi lutum... quorundam mala tolerat... qui perseveratui sunt, accedunt... qui per venturi sunt, quā gradiantur, ostendant... in superni adjutori protectione... de suis viribus cecidisse, &c.

Can. 45. Canon 45. de pœnit. dist. 2. legitur in libro 32. cap. 23. ad interpretationem capit. 40. Job vers. 14. *Ipse est principium viarum Dei, qui fecit eum, applicabit gladium ejus, quæ verba de Lucifero Angelo in Dæmonem transformato Gregorius interpretabatur. Porro in eodem canone 45. plurima sunt ex optimis Maurinorum codicibus emendanda. Siquidèm, ubi Gratianus exhibet: *Platani non fuerunt aequales frondibus illius... quanta ei supposita... quot suppositas supernorum... qui magnus... qui signaculum Dei... ad ornamentum suum habuit... & foramina tua in die... quasi repleri voluisset... sed superbie virtu, charitatis auro... tu cherub extensus... in medio ignitorum perfectus... clarus gloria conditionis... fuisse reperitur... insinuantur, ut territo... homo qui elatus... Angelus in Cælo de Cælo in terram prosternitur, &c.* hæc potius substituenda erunt: *Platani non fuerunt aequales frondibus illius... quanta & supposita... quot sub se positas supernorum... quia magnus... si signaculum Dei... ad ornatum suum habuit... & forma tua in die... qua si repleri voluisset... sed per superbie virtutum, charitatis auro... tu cherub extensus... in medio ignitorum lapidum perfectus... clarus gloria conditionis... fuisse perhibetur... insinuat, ut territo... homo quid elatus... Angelus in Cælo prosternitur, &c.**

In libro 1. cap. 37. Moralium integrum habentur, quæ retulit Gratianus in canone 17. de pœn. dist. 3. Ibi autem Gregorius explicat verba libri Job cap. 1., ubi de patientissimo viro ita scribitur: *Sic faciebat Job cunctis diebus.*

Can. 13. Canon 13. de pœn. dist. 4. apud Gratianum non consonat integris Gregorii exemplaribus; etenim collector volunt potius describere verba Glossæ ordinariae, apud quām depravata Gregorii sententia exhibebatur, quod jam diù Romani Correctores animadverterunt. Referam hoc in loco, quæ ad rem istam

tam pertinent, atque habentur in libro 15. cap. 51. Moralium, ubi verba illa capitis 21. Job: *Deus servabit filii illius dolorem patris, & cum reddiderit, tunc sciet,* ita Sanctus Pontifex interpretatur, *Scriptum novimus: qui reddit peccata Patrum in filios, ac nepotes in tertiam, & quartam generationem.* Et rursus scriptum est: *quid est, quod inter nos parabolam veritatis in proverbium istud in terra Israel dicentes: patres comederrunt uvam acerbam, & dentes filiorum obstupescunt?* Vivo ego, dicit Dominus Deus: *si erit vobis ultra parola hæc in proverbium in Israel.* Ecce omnes animæ meæ sunt, ut anima patris, ita & anima filii mea est. *Anima, qua peccaverit, ipsa morietur.* In utraque igitur hac sententia dum dissimilis sensus invenitur, auditoris animus ut discretionis viam subtiliter requirat, instruitur. Peccatum quippe originale à parentibus trahimus, & nisi per gratiam baptismatis solvamus, etiam parentum peccata portamus, quia unum adhuc videlicet cum illis sumus. Reddit ergo peccata parentum in filios, dum pro culpa parentis ex originali peccato anima polluitur prolis. Et rursus non reddit parentum peccata in filios, quia cum ab originali culpa per baptismum liberanur, non jam parentum culpas, sed, quas ipsi committimus, habemus.

Quod legitur in canone 5. de cons. dist. 4., habetur in libro 4. Moralium cap. 3. ad interpretationem capitis 3. 4. Jov vers. 11. ibi: *Quare non in vulva mortuis sum, egressus ex utero non statim perire?* Hanc ad rem expendebat Gregorius, quid apud veteres Judæos, quid apud Gentes valere potuisse, ad detergendum peccatum originis; docebatque, apud nos baptismum, apud Judæos veteres circumcisionem, atque apud Gentes solam fidem hominem Deo reconciliasse. Peculiariter autem Gentium mentio facta est, quia de Jobo agebatur, qui in Gentium disciplina vivebat.

Adversus helluones natos abdomini suo plurima scripsit Gregorius in libro 5. 30. Moralium cap. 18. expendens caput 39. vers. 7. Jobi. Hinc depromptus est eisdem omnino verbis canon 22. de cons. dist. 5.

SECTIO XXIV.

De Capitulis, ex libris Homiliarum depromptis.

De Homiliis in Ezechielem.

Dum gravissimis curis Gregorius undique premeretur, Ezechielem Prophetam Homiliis, sive fusis ad populum sermonibus, illustravit. Erat è ætate, id est, anno circiter 592., miserabilis non Romæ solum, sed & universæ aspectus Italæ, qualem lugens pingit Sanctus idem Pontifex in Homilia 18. sive 6. libri 2. Ait ille: *Ubique luctus adspicimus, ubique gemitus audimus. Destructæ urbes, eversa sunt castra, depopulati agri, in solitudinem terra redacta est. Nullus in agris incola, penè nullus in urbibus habitator remansit, & tamen ipsæ parva generis humani reliquia adhuc quotidiæ, & sine cessatione feriuntur....: ipsa autem, quæ aliquando mundi domina esse videbatur, qualis remiserit Roma, conspicimus. Inmensis doloribus multiplicitate attrita desolatione civium, impressione hostium, frequentiâ ruinarum, &c. Hæc sanè in causa fuerunt, cur Gregorius opus integrum, perfectumque absolvere non potuerit, neque omnia Ezechielis capita expendere, opere ipso ex rerum, negotiorumque multitudine, ac gravitate interrupto. Sunt autem Homiliæ numero 22 ipsæque in veteribus codicibus MSS., ut Maurini Monachi testantur, in duos libros distributæ ita, ut priore duodecim, posteriore libro decem contineantur, quas Homilias omnes Gregorius ad Marinianum Ravennatem Episcopum direxit, quemadmodum constat ex præfatione, illis adjecta. Summa fuit apud veteres harum homiliarum existimatio: hinc Paulus Diaconus in vita Gregorii propè finem, & Joannes Diaconus lib. 4. cap. 69., & 70. referunt, Petrum Diaconum, quo tamquam Amanuensi Gregorius utebatur, vidi Spiritum Sanctum sub candidæ columbæ specie Gregorii capiti insidentem, & rostrum ori*

Can. 5.
de cons. dist. 4.

ori immittentem, dum Gregorius idem postremam Ezechieli visionem interpretaretur.

Can. 17.
dist. 50. Ex his Homiliis in primis decerp-tus est canon 17. dist. 50. homilia 9. ad caput 2. vers. 2., & 3. Ezechieli. Ibidem pro illis Gratiani verbis: *Adhuc enim nobis in infirmitatis, &c.*, ita potius legendum erit ex optimis codicibus: *adhuc enim in infirmitatis, &c.* Porro Gratianus eo in loco abusus fuisse videtur Gregorii sententiā; ex hac enim demonstrare voluit, Sacerdotes lapsos pōst pēnitentiam in gradum suum posse restituī, quod tamē non ibidem Gregorius adfirmat, sed loquitur de Ezechiele, tūm primum ad munus prædicatio-nis obeundum divino nutu advocate; atque Ezechieli exemplum profert ad eos, qui ad evangelicum munus hodiē adsumuntur, non autē ad eos, qui, postquam munus ipsum obiissent, in crimina gravissima lapsi, proponantur restituendi. Imō alii in locis de his longē aliam sedisse Gregorio sententiam animadverti; specialiter verò ad cano-nem 16. dist. 50.

Can. 4.
caus. 17.
q. 1. Ad interpretationem capituli 1. Eze-chielis vers. 9. in illis verbis: *reverteban-tur cum incederent, sed unumquaque antē fa-ciem suam gradiebatur*, pertinet Homilia 3. ex qua depromptus est canon 4. caus. 17. quæst. 1. Ait ibi Gregorius: *Quis quis itaque jam antē faciem suam ambulare decreverit, magna ei consideratione pensandum est, quod aliter retrò respicitur ex opere, ali-ter ex cogitatione. Sunt etenim quidam, qui magna deliberant, & peccatorum suorum cons-ciū multa ex his, quæ possident, egenis distri-buere pertractant, &c.* Alius, despectis carnis desideriis, cuncta relinquere, & omnipotenti-Dei se subdere servitio pertractat, seque ipsum restringere sub continentia & castitatis freno deliberat; sed cum cecidisse alios etiā pōst castitatem conspicit, hoc ipsum facere, quod deliberat, pertimescit; fitque, ut retrò per co-gitationem redeat, qui ad anteriora respiciens jam mentis gressibus ad alta ibat. Et pōst pauca: *Sunt verò nonnulli, qui bona quidem, quæ neverunt, operantur, atque hac operantes*

meliora deliberant, sed retractantes meliora, quæ deliberant, immutant; & quidem bona agunt, quæ cōperant, sed à melioribus, quæ deliberaverant, succumbunt. Hī nimirū autē humana iudicia stare videntur in opere, sed ante omnipotentis Dei oculos cecide: it in delibe ratione. Ex his omnibus emendandus, ac in primigeniam sententiam restituendus erit canon Gratianus.

In eadem Homilia 3. legitur canon can. 9.
de pœn. dist. 2. de pœn. 9. de pœn. dist. 2., ubi tamē in pos tremis verbis à versiculo unde Paulus, &c. ita legendum crit: *Unde & magnum illud pennatum animal dicebat, quod usque ad ter-tiū Cœli secreta volaverat: unum verò, quæ retrò sunt, oblitus, in ea, quæ sunt aetæ, ex tendens me, sequor ad palmam supernæ voca-tionis. In anteriora etenim extensus, eorum, quæ retrò sunt, oblitus fuerat, quia temporalia despiciens, sola, quæ sunt aeterna, requiri-ebat.*

Eamdem prop̄modū materiem can. 10.
& 11. de pœn. dist. 2. & 11. de pœn. dist. 2. spectat canon 10., & 11. de pœn. dist. 2. qui excerptus est ex Homilia 5. ad illa verba capituli 1. Ezechieli vers. 17. Non revertabantur, cum ambularent; ex quibus proindè verbis, quemadmodū & ex codicibus optimis Gregorianis emen-dandus erit Gratianus, qui legit, *cum in-cederent, cum legendum potius fuerit: cum ambularent.* In hac ipsa Homilia 5., ubi expenditur Ezechieli caput 1. vers. 20. & 21. de Spiritu Domini, qui erat in rotis, habetur canon 11. de pœn. dist. 2. ibi: *Potest tamē discursus, atque mobilitas spiritus requisitione alterius considerationis in-telligi. In sanctorum quippe, &c., quæ con-sonant cum Gregorii codibus apud Gra-tianum; dummodò animadvertiscatur cum Romanis Correctoribus, verba illa unde recte stabilis dicitur à Collectore hūc fuisse transposita ex præcedente Gregorii in-terpretatione.*

Canon 15. de pœn. dist. 2. legitur can. 15.
de pœn. dist. 2. in Homilia 15. sive Homilia 3. libri 2. ad caput 40. Ezechieli in illa verba: *& ascendit per gradus ejus; quam ad rem hūc adferebat Gregorius, quod dicitur in Psalmo 47. Deus in gradibus ejus cognoscetur, cum suscipiet eam, post quæ statim subje-cit*

cit, quæ in memorato canone 15. leguntur, ubi tamè pro verbis illis: *Cum sanctam Ecclesiam.... ascendendo proficit.... si enim, & ipsa fides.... & cum ex se produxit fructus.... quia jam in spe boni operis.... quia dum adhuc metiri.... ad perfectum dicitur.... mens nominis spontaneè ad profectum boni.... sed cum ex se produixerit.... cumque in ejusdem operationis perfectione.... viventem vivebat. Sed ad plenum granum.... perducit ad se.... exaltatur, quanto aliis, & in virtute quippe nostrarum mentium ipse.... quantum noster animus à rebus insimis separatur, ità legendum erit: cum enim sanctam Ecclesiam.... ascendendo proficerit.... si enim ipsa fides.... & cum se produixerit fructus (ita exhibent vetusti omnes MSS. codices ex Maurinorum testimonio, quidquid in editis exemplaribus exhibeat).... quia in spe boni operis.... quia, & cum adhuc metiri.... ad proiectum dicitur.... mens hominis spontaneè ad fructum boni.... at cum se produixerit.... cumque in ejusdem boni operis perfectione.... viventem videbat. Sed tunc plenum granum.... perducitur ad se.... exaltatur, quo altus, & in virtutum quippe nostrarum gradibus ipse.... quanto noster animus à rebus insimis separatur. Animadvertisendum præterea est cum Romanis Correctoribus, verba illa, *Cum autem profectum boni operis crescimus, ad spicam pervenimus, in integris Gregorianorum operum codicibus desiderari.**

Can. 29.
de pœn.
dist. 3. In Homilia 10. ad interpretationem capitilis 3. vers. 14. ab amaro in indignatione spiritus mei exhibetur canon 29. de pœn. dist. 3.; ubi tamè pro verbis illis sicut Achab.... marore reprehensus est.... timent Deum si sic ei & reprobi pœnitentia.... & in eis, qui displiceant? ità legendum erit: *Sic Achab.... marore depresso est.... timent Dominum, si sic ei & in reprobo pœnitentia.... & in illo, qui dispicebat?*

Can. 40.
de pœn.
dist. 3. In eadem Homilia 10. ad interpretationem vers. 11. capitilis 3. Ezechielis legitur canon 40. de pœn. dist. 3., cuius verba cum non satis integra retulerit Gratianus, opportunum erit hoc in loco ità emendata describere. *Plui super Civitatem unam* (ait Gregorius ex Amos

cap.4. vers. 7.), & super alteram non pluit, pars una compluta est, & pars, quæ compluta non est, aruit. Cum enim sanctæ exhortationis verba alia mens suscipit, alia suscipere recusat, super unam Civitatem Dominus pluit, & super alteram non pluit. Cum vero, & ipse proximus, qui audit, ab aliis se vitius corrigit, atque ab aliis emendare se contemnit, una eademque & ex parte compluitur, & ex parte arida remanet, in qua à se predicationis pluviam repellit. Sunt etenim quidam, qui exhortationis verba omnino non audiunt: hi penitus suscipere pluviam nolunt. Et sunt quidam, quæ audiunt, sed tamè hanc medullitùs non sequuntur, quia alia in se vita resecant, sed in aliis graviter perdurant.

Perspicua est sententia Ezechielis in capite 3. vers. 20., ubi de homine pœn. catore hac traduntur: *Non erunt in memoria justitiae ejus, quas fecit; ad quorum interpretationem pertinent verba canonis 16. de pœn. dist. 4. excerpta ex Homilia Gregorii 11.*

Canon 17. de pœn. dist. 4. legitur Can. 17.
de pœn.
dist. 4. Homil. 4. in caput 1. vers. 14. Ezechielis, ejusdemque verba apprimè consonant cum integris Gregorianis codicibus.

De Homiliis in Evangelia.

Præter Homilias in Ezechielem, Evangeliorum etiàm interpretationem adgressus est Sanctus Pontifex, quum pastoralis officii, divinitùs sibi commissi, curam obiturus tam morum, quam fidei præcepta publicè traderet: quæ interpretatione, ab ipsomet Gregorio in quadraginta capita, sive Homilias distributa, duobus libris comprehenditur ad Secundinum Episcopum Tauromenitanum directa, quemadmodum liquet ex epistola Gregorii ad eundem Secundinum, Homiliis præfixa. Illud hac in re observandum est, quasdam Homilias ex istis fuisse à Gregorio conscriptas, & coram populo, legente Notario, recitatas inter divinas preces, quemadmodum & hodiè à clericis sacris ordinibus initiatis recitantur, quasdam vero prædi-

cando ab ipso Gregorio prolatas, deinde ab Auditoribus in codicem redactas; atque posteriorum plures, ait Gregorius in memorata epistola ad Secundinum, inemendatas esse, seque passum facilè, ut à quoquam emendarentur.

In Homilia 34. habita in Basilica
Can. 15. Beatorum Joannis, & Pauli Dominica 3.
dist. 45. pòst Pentecostem, ad Evangelium Lucæ capite 13. exhibentur verba canonis 15.
dist. 45., ubi Maurini Monachi pro illis peccatoribus designari ista substituunt ex optimis codicibus peccatoribus indignari.

In Homilia 21. habita die sancto
Can. 53. Paschatis, ad caput 16. Marci legitur canon 53. dist. 50., ubi pro illis verbis misereri debuissent.... propositi ceteris, optimi codices Gregoriani hæc exhibent: misereri, debisset.... præposuit ceteris.

Celeberrima est sententia Gregorii,
Can. 114. caus. 1. quæ habetur in canone 114. caus. 1.
q. 1. quæst. 1. de sacris officiis, non sine præmio tantum, sed & sine aliqua humani favoris causa distribuendis. Legitur ille eisdem omnino verbis in Homilia 4. de Apostolis ad caput 10. Matthæi vers. 5. & seq.

Can. 10. De crimine Simoniae plurima etiā scripsit Gregorius in Homilia 26. habita in Basilica Constantiniana in cap. 19. Lucæ vers. 42. & seq., undè depromptus est canon 10. caus. 1. quæst 3., ubi pro illis verbis pro præmii acceptance.... pretio emunt peccatum, legendum erit: pro pretii acceptance.... præmio emunt peccatum.

Can. 1. In eadem Homilia 26. habita in caus. 11. Constantiniana Basilica in octava Paschatis, ad caput 20. Joannis in illa verba: *quorum remiseritis peccata, remittuntur eis;* & *quorum retinueritis, retenta sunt,* exhibetur canon 1. caus. 11. quæst. 3., ibidem enim inter cetera Gregorius scribit: *Sed utrum justè, an injustè, obliget Pastor, Pastoris tamen sententia gregi timenda est.*

Can. 60. Jungendi simùl sunt canones 60. 61.
61. 62., & 88. caus. 11. quæst. 3., etenim
& 88. caus. 11. ii omnes habentur in eadem nupèr laudata homilia 26. paulò antè verba me-

morati canonis 1. caus. 11. quæst. 3. Scribit Gregorius: *Plerumque contingit, ut hic judicis locum teneat (hic est canon 88.) cui ad locum vita maximè concordat, ac sèpè agitur, ut vel dannet immitteros, vel alios ipse ligatus solvat, in solvendis, ac ligandis subditis sua voluntatis motus, non autem causarum merita, sequatur.* Undè sit, ut ipsâ hac ligandi, aut solvendi potestate se privet, qui hanc pro suis voluntatibus, & non pro subiectorum moribus exercet. (Postrema hæc verba omisit Gratianus in canon 88. sed retulerat in can. 60.) Sèpè fit, ut erga quilibet proximum odio, vel gratiâ movesatur Pastor. *Judicare autem de subditis dignè nequeunt, qui in subditorum causis sua vel odia, vel gratiam sequuntur.* (aliqua ex his habentur in can. 88., aliqua verò in canone 61.) Undè rectè per Prophetam dicitur: *mortificabant animas, que non moriuntur;* & *vivificabant animas, que non vivunt.* Non morientem quippe mortificat, qui justum damnat; & non victurum vivificare nititur, qui reum à supplicio absolvere conatur. Causæ ergò pensandæ sunt, & tunc ligandi, atque solvendi potestas exercenda. Videndum est, que culpa præcessit, & que sit penitentia sequuta pòst culpam, ut quis omnipotens Deus per compunctionis gratiam visitat, illos pastoris sententia absolvat. Tunc enim vera est absolutio præsidentis, (hæc omittuntur in canone 88., sed descripta sunt in can. 62.) cum interni sequitur arbitrium judicis. Quod bene quatriduani mortui resuscitatio illa significat, que videlicet demonstrat, quia prius mortuum Dominus vocavit, & vivificavit dicens: *Lazare veni foras.* Et postmodum is, qui vivens fuerat, egressus, à discipulis est solitus, sicut scriptum est. Cumque egressus esset, (hæc omnino omittuntur apud Gratianum), qui fuerat ligatus institutis, tunc dixit discipulis: *solvite eum, & sinite abiire.* Ecce illum discipuli jam viventem solvunt, quem magister resuscitaverat mortuum. Si enim discipuli Lazarum mortuum solverent, fætorem magis ostenderet, quæ virtutem. Ex qua consideratione (rursùm hic prosequitur Gratianus in can. 88.) intuendum est, quid illos nos debemus per pastoredem auctoritatem solvere, quos auctorem nostrum cog-

cognoscimus per suscitantem gratiam vivificare. Quæ nimirum vivificatio (hæc iterum omisit Gratianus) antè operationem rectitudinis in ipsa jam cognoscitur confessione peccati. Unde & huic ipsi mortuo Lazaro nequam dicitur: revivisce; sed: veni foras. Omnis quippe peccator, dum culpam suam intrà conscientiam abscondit, introrsum latet, in suis penetralibus occultatur. Sed mortuus venit foras, cum peccator nequitias suas sponte confiteatur. Lazaro ergo dicitur: veni foras, ac si aperte cùlibet mortuo in culpa diceretur: cur reatum tuum intrà conscientiam abscondis? Foras jam per confessionem egredere, qui apud te interius per negationem lates. Veniat itaque foras mortuus, id est, culpam confiteatur peccator. Venientem vero foras solvant discipuli, ut Pastores Ecclesia ei pœnam debeat amovere, quam meruit, qui non erubuit confiteri, quod fecit. Hac de solutionis ordine breviter dixerim, ut sub magno moderamine Pastores Ecclesiæ vel solvere studeant, vel ligare. Integrum his descripti canonem 88. unâ cum ceteris Gratiani canonibus 60. 61., & 62. ad eundem canonem 88. meritò redigendis.

Can. 15. caus. 23. quest. 4. legi-
& 16. tur in homilia 38. ad interpretationem
caus. 23. cap. 22. Matthæi, ubi tamè pro ver-
q. 4. bis illis, discernet.... tolerare malos debet, Maurini Monachi ità scribendum ex optimis codicibus maluerunt: Discernit.... tolerare malos. In eadem homilia multò anteà habetur canon 16. caus. 23, quest. 4., ubi Gregorius expendit verba illa Matthæi memorato capite 22. Tauri mei, & altilia occisa sunt, asserens symbola hæc esse, quibus significatur Christum, completo & vetere, & novo testamento, vocavisse electos ad gloriam, ibidem cœnæ nomine designatam: expendit insupèr, quomodo per tauros veteris testamenti Patres, quomodo per altilia novi testamenti fideles intelligentur. Porro in laudato canone 16. pro illis verbis: Ut Dei inimicos, siveque adversarios.... eosque in ore gladii ferrent..., aeternis desideriis innitentes, &c., ità legendum erit: Ut Dei, siveque adversarios.... eosque jure gladii ferrent....

Tom. III.

à terrenis desideriis innitentes, &c.

Quæ retulit Gratianus in can. 28.

caus. 23. quest. 4., si verbo tenus con-
sideremus, frustrè apud Gregorium
quarremus; eorum tamè sententiam
agnoscemus in homilia 26. ad illa ver-
ba Joannis 20. Quorum remiseritis peccata,
&c., ubi sanè plura ad eamdem rem
pertinentia congeruntur, quæ hoc in lo-
co non recenseo, cum illa superius abun-
dè descripserim ad canones 1. 60. 61.
62., & 88. caus. 11. quest. 3., quos
si quispiam junctos expendet, facilè
etiam canonem hunc 28. interpretabitur.

In eadem homilia 26. ad interpre-
tationem ejusdem capituli 20. Joannis,
ubi de Thoma Apostolo dubitante sit
sermo, legitur canon 45. caus. 27.
quest. 2. eisdem penitus verbis.

Canon 10. caus. 32. quest. 1. le-
gitur in homilia 29. habita in die Do-
minica Adscensionis ad interpretatio-
nem capituli ultimi apud Marcum in illa
verba: Qui crediderit, & baptizatus fuerit,
salvus erit; qui vero non crediderit, condem-
nabitur; quæ expendens Gregorius ait,
inspicendum esse potissimum tempus,
quo quis ad aliam vitam migrat, ut si-
dei confessio, qualis fuerit à Domino,
observetur; nec enim sufficit aliquando
credere, si poste à vera fide receperatur,
quemadmodum nec proinde damnatur,
qui, postquam infidelis fuerit, ad fidem
convertatur. Ad id confirmandum per-
tinent verba memorati canonis 10., ubi
pro voce illa habetur Maurini Monachi
legunt habebitur. In eadem etià homilia
ad interpretationem illorum verbo-
rum Marci cap. ult. In nomine meo dæ-
monia ejicient, legitur canon 67. dist. 4.
de consecr., ubi sanè Gregorius sensum
verborum Christi ità explicat, ut tum
Sacerdotes ex Dominica potestate dæ-
mones ejicere videantur, cum hominem
peccatorem, atque infidelem præparant
ad baptismum.

Canon 6. de pœn. dist. 3. habetur
in homilia 34. in illa verba Lucæ cap.
15. Gaudium erit in Cœlo super uno peccato-
re pœnitentiam agente. Et quidem Gratia-

Can. 28.
caus. 23.
q. 4.Can. 45.
caus. 27.
q. 2.Can. 20.
caus. 32.
q. 1. &
dist. 4.
de cons.

Can. 67.

ni verba cum optimis Gregorii codicibus consonant. De §. sunt, qui dicunt nihil heic adjicio, cum de eodem jam satis dictum superius fuerit, ubi actum est de epistola ad Theocstam.

Canon. 47. de pœnit. dist. 3. refe-
de pœn. rendus est ad homiliam 40., ubi Gre-
dist. 3. gorius expendit caput 16. Lucæ de di-
vite, & Lazaro. Ibidem verò Gratianus non verba ipsa Gregorii recensuit, sed potius compilatam sententiam. Verba Sancti Pontificis in illud Lucæ: *Recepisti bona in vita tua, isthæc sunt: Is-
ta, fratres mei, sententia pavore potius in-
diget, quæm expositione; nám, siqui estis,
qui in hoc mundo exterioris boni aliquid acce-
pistis, ipsum, ut ita dicam, donum exterius
pertimescere deberis, ne vobis pro quorundam
vestrorum actuum recompensatione sit datum;
ne Iudex, qui hic bona exteriora restituunt, à
retributione boni intimi repellat, ne honor hic,
vel divitie non adjumentum virtutis, sed re-
muneratio sit laboris; ecce enim dum dicitur:
recepisti bona in vita tua, indicatur & dives
iste boni aliquid habuisse, ex quo in hac vita
bona receperit. Et paulò inferius: quicumque ergo bona in hoc seculo habetis, cum vos
bona egisse recolitis, valde de ipsis pertimes-
cite, ne concessa vobis prosperitas eorumdem
remuneratio sit bonorum.*

Can. 7. de pœn. nis cap. 21. habetur canon 7. de pœnit.
dist. 5. dist. 5., cuius in prioribus verbis ita
legendum erit: *Negotium, quod ante conver-
sionem sine peccato exitit, hoc etiam post
conversionem repeterere culpa non fuit. Et pau-
lò inferius: sunt enim pleraque negotia, &c.*

Can. 7. caus. 36. q. 2. Ad canonem 7. caus. 36. quæst. 2.,
quem Gratianus ex quadam Homilia
Gregorii repetit, jam viri eruditani
animadverterunt, illum referendum esse ad
canonem 10. caus. 32. quæst. 1., in quo
clarior Gregorii sententia continetur,
junctis illis, quæ superius ad idem frag-
mentum ipse tradebam.

Can. 34: de cons. dist. 2. Quicumque sedulò legerit verba
canonis 34. de cons. dist. 2., facile animadverteret, aut Gregoriano stylo, aut
Gregorianis temporibus minimè conve-
nire: quamobrèm Romani Correctores

jure observaverunt, eumdem canonem Lanfranco potius tribendum fore, ubi hic auctor adversus Berengarium scri-
bebat. Imò & Correctores iidem cau-
sam explicant Gratiane errati. Scilicet Lanfrancus in suo opere recitat ea, quæ in memorato canone 34. leguntur, sta-
tim post verba quedam Gregorianæ Ho-
milia paschalis: hinc autem canonum Collector imprudens nectens Lanfran-
ci verba sequentia cum præcedentibus
Gregorii, omnia ita confudit, ut crede-
ret sequentia etiam Gregorii nomine po-
tuisse laudari.

In Homilia 22. Sabbato post Pas-
cha ad caput 20. Joannis habentur prio-
ra verba canonis 73. de cons. dist. 2. dist. 2.
usquæ ad illa: *ore cordis auditur. Cetera,
quæ sequuntur, quemadmodum ex li-
bris Dialogorum excerpta sunt, ita com-
modius inferius suo loco expendentur.*

Demùm canon 16. de cons. dist. 5. Can. 16.
de cons. depromptus videtur ex Homilia 16. in

caput 4. Matthæi, ubi de jejunio qua-
draginta dierum, quod Christus Domini-
nus celebravit, nonnulla traduntur. Ha-
bita est hæc Homilia die primo domini-
nico Quadragesimæ. Quoniā autem

Gratiani verba paulispèr apud Gre-
tianum depravata fuerunt, juvabit eadem

ad integros codices exigere, ibi: *Dis-
cutiendum nobis est, cur hæc ipsa abstinentia
per quadragesima dierum numerum custoditur?
Et post aliqua: à presenti etenim die (sci-
licet dominico I. Quadragesimæ, quo
Gregorius orabat) usque ad Paschalis so-
lemnitas gaudia sex hebdomadæ veniunt; qua-
rum videlicet dies quadragesima duo fiunt. Ex
quibus dum sex dies dominici abstinentie sub-
trahuntur, non plus in abstinentia, quæm tri-
ginta, & sex dies remanent. Dum vero per
trecentos, & sexaginta quinque dies annus du-
citur, nos autem per triginta, & sex dies
affligimur, quasi anni nostri decimas Deo da-
mus, ut qui nobismetipsis per acceptum an-
num viximus, Auctori nostro nos in ejus de-
cimis per abstinentiam mortificemus. Unde,
fratres charissimi, sicut offerre in lege jube-
mini decimas rerum, ita ei offerre contendi-
te decimas dierum. Sic restitutus Gratiani
ca-*

canon perspicuè indicat, quām falso ad-suta ei nonnulla fuerint de quatuor diebus, qui primū dominicum Quadra-gesimæ diem præcedunt, quorum sci-licet disciplina recentioribus fortè insti-tutionibus videbitur tribuenda.

SECTIO XXV.

De Libro Pastorali.

Ab ipso sui Pontificatus exordio opus, cui titulum adjecit *Pastoralis*, ex-a-ravit Gregorius, ubi de Pastorum ecclesiasticorum, sive sacrorum Antistitutum oficio quatuor libris fusè, elegan-tèque disseruit; ut non solùm Latinis, ac præ ceteris Joanni Ravennatensi, ad quem volumen directum est, acceptissimum habitum fuerit, verùm etiàm Græcis, qui illud ad publicam utilita-tem suo idiomate interpretati sunt, quemadmodùm, humiliè tamèn, idem Gregorius testatur in epistola ad Joannem Subdiaconum Ravennæ, in vulga-ri editione lib. 10. epist. 22. ibi: *Nam, quia dilectissima memorie Anatolius Subdiaconus querenti, ac jubenti Romano Imperatori librum regulæ pastoralis dedit, agre suscepit, quem sanctissimus Frater, & Coepiscopus meus Anastasius Antiochenus in Græcam lin-guam transtulit. Et, sicut mibi scriptum est, ei valde placuit, sed mihi valde displicuit, ut qui meliora habent, in minimis occupen-tur. Hic idem liber tanquam optima Pas-torum regula Episcopis omnibus pro-positus sèpissimè fuit, ac commendati-ssimus, præsertim in Concilio Mo-guntino anni 813., Concilio Rhemen-si II. ejusdem anni can. 10., Concilio Turonensi III. canone 3., & Concilio Cabilonensi II. can. 1.* Quod si accu-ratam libri hujus partitionem perspi-cuum nosse desideras, ipsam initio tio-p exhibebit Gregorius idem in prologo, seu in epistola ad Joannem Ravennatensem Episcopum, operi præfixa, ibi: *Quadruplicata verò disputatione liber iste dis-tinguitur, ut ad lectoris sui animum ordinatis allegationibus, quasi quibusdam passibus, gra-*

datur. Nàm, cum rerum necessitas exposcit, pensandum valde est, ad culmen quisque re-giminis qualiter veniat; atque ad hoc ritè per-veniens qualiter vivat, & benè vivens quali-ter doceat, & rectè docens infirmitatem suam quotidie, quāva valet consideratione, cognos-cat, ne aut humilitas accessum fugiat, aut perventioni vita contradicat, aut vitam doc-trina destituat, aut doctrinam præsumptio extollat. Aurea sanè paucis verbis perstric-ta sententia, digna quā perpetuò Viro-rum ecclesiasticorum mentibus inhæ-reat, atque obvolvatur.

In capite 1. partis primæ *Pastoralis* habentur verba canonis 10. dist. 38., ^{Can. 10.} dist. 38. ubi de imperitis Pastoribus ita loquitur Gregorius: *Profectò hi, qui ea, que sunt Domini, nesciunt, à Domino nesciuntur, Pau-lo attestante, qui ait: Si quis ignorat, igno-rabitur. Ex his liquet, Gratiani fragmentum paulispèr corruptum fuisse. Quæ verò deinde sequuntur in vers. quicunque, exigenda erunt ad sententiam Gregorii, quæ habetur in li-bro 15. Moralia cap. 53. in caput 21. Jobi vers. 21. ibi: Omnis namque pecca-tor prudens erit in pæna, qui stultus fuit in culpa.*

Canon 1. dist. 43. legitur in 2. par-^{Can. 1.} te *Pastoralis* cap. 4., ubi pro illis ver-bis: *Pastorem enim recta timuisse.... qui ab increpationis voce.... increpatio culpam de-tegit.... ipsa quoque bona opera Sacerdotis clamen-t.... qui ergo fluxum seminis patitur.... admoneret, dixit: testifor.... ipsa sua utili-tate se destruit, ita legitur in nonnullis codicibus: Pastori enim recta timuisse.... quia ab increpationis voce.... increpando cul-pam detegit.... ipsa quoque Sacerdotis opera clamen-t.... qui ergo fluxum seminis susti-net.... admoneret, dicens: testifor.... ipsa sua vilitate (legunt aliqui subtilitate) se destruit.*

Qui Gratianeos canones aut notis ^{Can. 1.} numérīcīs distinxerunt, aut sejunxerunt ^{dist. 49.} diversitate characterum typographicōrum à sententiis intermixtis Gratiani ip-sius, perperā recensuerunt verba Gre-gorii, quæ habentur initio distinctionis 49. Quæ enim leguntur à vers. sollicitè

formidandum, & in sequenti canone 1. pertinent ad caput 10. & 11. libri primi Pastoralis, ubi tamèn pro verbis illis: *Quo per desiderium innititur.... infirmantes palpebra grossescunt, quæ, quia infusione.... repugnationis obstaculo delectatur.... qualiter vincere debeat, demonstremus, aliis in codicibus ista exhibentur: Quo desiderium innititur.... infirmata palpebre (in aliis *infirmanti palpebra*, in aliis *infirmatio palpebra*) grossescunt, quorum, quia infusione.... repugnationis stimulo delectatur.... qualiter vivere debeat, demonstremus*

Can. 2. dist. 83. Verba canonis 2. dist. 83. habentur in parte prima Pastoralis cap. 2., ubi tamèn pro illis verbis peccator hortatur legendum erit peccator honoratur. Quæ subsequuntur in vers. *Episcopus* apud Gregorium desiderantur. Cuiam potius auctori tribui illa debeant, attigisse jam videntur Correctores Romani. Cum verò similia quædam legantur etiàm sub nomine Augustini in can. 32. caus. 2. quæst. 7., nonnulla suo loco de hac re ipsa tradentur in tertia hujus operis parte.

Can. 57. caus. 2. q. 7. Adnotant Romani Correctores, canonem 57. caus. 2. quæst. 7. haberi in parte 3. Pastoralis cap. 17. Hæc ibidèm leguntur verba: *Unde & elati admonendi sunt, ne, plusquam decet, sint liberi; & humiles admonendi sunt, ne, plusquam expedit, sint subjecti: ne aut illi defensionem justitiae vertant in exercitationem superbie; aut isti cum student, plusquam necesse est, hominibus subjici, compellantur eorum etiàm via via venerari. His sane emendari facile potest adhuc depravatum Gratiani fragmētum.*

Can. 23. 14. 15. 16. de pœn. dist. 3. In tertia parte Pastoralis capite 30. habetur canon 13. de pœnit. dist. 3., cuius tamèn verba ità erunt legenda: *Aliter admonendi sunt, qui admissa plangunt, nec tamèn deserunt; atque aliter, qui deserunt, nec tamèn plangunt. Admonendi sunt enim, qui admissa plangunt, ut considerare sollicitè sciāt, &c. Paulò inferius leguntur verba canonis 14. de pœnit. dist. 3., quæ non tantùm cum editis vulgatis codicibus consonant, sed etiàm cum plu-*

ribus vetustis codicibus MSs., quamquam in aliquibus, testantibus Maurini Monachi, ità legatur: *Qui admissa plangit, nec tamèn deserit, tanto graviori culpe se subjicit, quanto & ipsam, quam fendo impetrare potuit, veniam contemnit. Iterum post pauca leguntur apud Gregorium verba canonum 15. & 16. de pœnit. dist. 3., & quidèm ubique consona. Obscura fortè aliquibus videri poterit illa canonis 16. sententia: Baptizatur quippe à mortuo, qui mundatur fleribus à peccato; sed post baptismā mortuum tangit, qui culpam post lacrymas repetit. Loquebatur ibi Gregorius de peccatoribus, post susceptam à Deo veniam reversis ad culpam, atque ad eam rem adferebat sententiam Ecclesiastici cap. 34. vers 30. de iis, qui, postquam mortuum tetigissent, lavabantur, & iterum ad mortuum revertebantur, ibi: Qui baptizatur à mortuo, & iterum tangit eum, quid proficit lavatio illius? Quæ verba accommodans rei suæ Sanctus Pontifex ajebat: Baptizatur quippe à mortuo, qui mundatur, &c.*

SECTIO XXVI.

De Libro Dialogorum.

Postremo loco inter Gregoriana opera recenseo Dialogos, qui inter Gregorium ipsum, & Petrum Romanæ Ecclesiæ Diaconum, eidem Pontifici familiarissimum, initi fuisse perhibentur: exhibent autem fusam enarrationem miraculorum, quibus Deus plurim viorum, ac virginum, monasticam vitam ducentium in Italia, sanctimoniam illustravit, opere ipso in libros quatuor distributo. Verum, utrum hæc Gregorio jure, ac merito tribuantur, hærent in ancipiti Viri eruditii. Maurini Monachi hæc Gregorio adserere non dubitaverunt, quemadmodum nec Mabillonius, neque Petrus Gussanvillæus, cuius eruditas librorum horum vindicias iidem Maurini Monachi editioni sua inseruerunt. Rationum momenta, quibus hi Viri eruditio laude celebres innixi sunt,

sunt, ad hæc potissimum capita rediguntur: In primis in his Dialogorum libris vita Gregorii affabré delineatur, siue auctor se talem exhibit, qualis revera erat Gregorius. Videlicet se fuisse olim Monachum profitetur, & quidem in Romano, quod ipse construxerat, monasterio, uti legitur in libro 3. cap. 33., in lib. 4. cap. 21. 38. 47. & 55. Deinde auctor idem ait, se in Constantinopolitana Urbe Apocrisarii munere functum fuisse lib. 3. cap. 36.; illinc verò ad Romanum Pontificatum evecutum lib. 3. cap. 16., ubi etiam Pelagius II. Gregorii Prædecessor memoratur, quod legitur quoquè in lib. 4. cap. 57. Omitto cetera, quæ habentur in lib. 1. cap. 7., & lib. 4. cap. 14. 15. 16. 19., & 27. Gregorio eidem penitus convenientia. Præterea multi ex veteribus Historicis de hoc opere mentionem fecerunt, tamquam Gregoriano; hujusmodi fuerunt Beda in lib. 2. Historiæ cap. 1., Paulus, & Joannes Diaconi in lib. 2. cap. 11., & lib. 4. cap. 75. Quod verò magis magisque id demonstrare videtur, pertinet ad epistolam Gregorii ad Maximianum Episcopum Syracusanum, quæ est 50. libri 2. indict. 11. in vulgari editione: etenim ibidem Sanctus Pontifex paratum se fore profitetur ad conscribendam enarrationem miraculorum de Patribus, qui in Italia vixerant, his verbis: *Fratres mei, qui mecum familiariter vivunt, omni modo me compellunt aliqua de miraculis Patrum, que in Italia facta audivimus, sub brevitate scribere. Ad quam rem solatio vestre charitatis vehementer indigo, ut ea, quæ vobis in memoriam redeunt, quæque cognovisse vos contigit, mibi breviter indicetis.*

Sunt è contrario quamplurimi rerum veterum ecclesiasticarum studiosi, sive ex Catholicis, sive etiàm ex hæreticis, qui istud opus à Gregorio abjudicant, aut saltèm incertum omnino putant, an jure Gregorio tribuatur. Ex Catholicis laudo Cedrenum apùd Græcos, & Melchiorem Canum apùd Latinos. Ex hæreticis fuerunt Uldricus Coc-

cius, Kemnitius, & Andreas Rivetus, ut omittam ceteros. Sunt autèm Catholicis aliae, aliae hæreticis causæ, cur de hujus operis fide dubitant, atque auctoritate. Catholicos excitavit veritatis investigandæ studium, ad regulas artis criticæ solidissimas apprimè compositum. Hæretici contrà apocryphum librum judicaverunt, quod in eo confirmari sincera fidei, ac religionis dogmata agnoverint. Apage hanc judicandi rationem, quam fovet veritatis non propugnandæ, sed evertendæ voluntas. Qui solidis adversus libri hujus fidem, atque auctoritatem argumentis uti volent, hanc inhibit cum Viris egregiis viam. Primò quidem initio eorumdem Dialogorum fertur Gregorius pressus gravissimis curis secessisse in locum secretum, & mœrori accommodatum, diù etiàm ibidem constitisse, ut sic ingruentes Pastoralis curæ sollicitudines falleret. Id sane minimè conveniebat Gregorio Pastori vigilantissimo, qui non facilè passus est, gregem suum, instantibus undecimquè periculis, omnino destitui. Præterea Dialogorum hujusmodi stylus talis est, qualis in nullo usquam Gregorii libro adparet, pluribus inter cetera barbarismis turpissimè fecundatus, quamquam auctor operis in capite 1. libri 1. professus fucrit, se à rusticano scribendi usu abstinere velle, ibi: *Si de personis omnibus ipsa specialiter verba retinere voluissem, hoc rusticano usu prolata syllus scribentis non apte susciperet.* Demùm, quæ ibidem miracula Divina describuntur, aniles potius fabellas sapere videntur, nec satis majestati, rerumque, de quibus agitur, merito convenire. Quamquam enim mentem humnanam Divina virtus longè, ac longissimè excedat, mens tamè humana æquo sempèr judicio agnovit, Divinam virtutem præter naturæ ordinem non nisi in rebus gravissimis, & verè Deo dignis, exhiberi consuevit. Hæc sane omnia, si forte non aperte indicant, Dialogorum libros Gregorio perperam adscribi, saltèm ostendunt, non omni-

nō temerè judicasse eos, qui censuerunt, istud opus ab obscurō quodam Monacho fuisse elaboratum, & sub eximio Gregorii nomine blandientem auctorem, homuncionum quorumdam, in monasteriorum latebris consistentium, fabulas simplicitate quadam, per illorum ora volitantes, in lucem publicam edidisse.

Cau. 4. dist. 25. Ex canonibus Gratianis, ex hoc Dialogorum libro depromptis, primus est canon 4. dist. 25., cuius si certa fides esset, maximum quoquè haberetur argumentum ad demonstrandum, decedentium justorum animas nondūm completā expiatione purgatorio adhuc igne excruciasi, donēc Deo penitus satisfecerint. Legitur idem canon in lib. 4. cap. 39., ubi pro illis verbis Gratiani in Spiritum Sanctum blasphemiam.... peccatum curæ familiaris, Maurini Monachi animadverterunt, legendum potius esse, In Spiritu Sancto blasphemia.... peccatum curæ rei familiaris.

Can. 18. dist. 32. In lib. 4. cap. 11. sermo fit de Nursia Presbytero, quem aliquot MSSs. Codices Ursinum vocant, aliquot etiā ex Nursia Provincia. Hinc autem excerptus est canon 18. dist. 32., ubi pro illis verbis ex tempore accepti ordinis.... non sinebat.... abscidit, legendum est: ex tempore ordinationis accepta.... nunquam sinebat.... abscederat. Quod argumentum ex Nursini factō Gratianus deducebat, non satis grave esse videtur; etenim, quod Presbyter ille fecisse proponitur, meliori quidem propōsito factum indicatur, non verò ita, ut praecepto, ac legi pareretur. Siquidem Auctor Dialogorum ibidem ita prosequitur: *Habent quippe sancti Viri hoc proprium, nām, ut semper ab illicitis longè sint, à se plerumq; etiā licita absindunt.*

Can. 72. caus. 1. q. 1. & Can. 42. caus. 24. q. 1. Rursū ab exemplo singulari Hernegildi Sanctissimi Regis argumentatur Gratianus in canone 42. caus. 24. ut demonstret, potius esse mortem arripere, quam de manu haeretici communionem suscipere. Quamquam enim hæc sententia verissima sit,

inanē tamē est illud argumentandi genus, quo ex facto viri cujusdam integrissimi, alii ad similia peragenda lege obligati dicantur. Mihi sanè semp̄ dispuicuit, ut verum fatear, ea, quæ veritati consentanea sunt, dubiis aliquando, aut inanibus argumentis demonstrari; ipsa enim dubia argumenta, ad veritatem demonstrandam adhibita, infirmis aliquando occasionem præbunt, ut de ipsa dubitent veritate, pro qua pridē acerrimè propugnavissent. Memoratus canon 42. legitur in lib. 3. Dialogorum cap. 31., ubi tamē pro illis verbis Gratiani, jacens omnipotenti Deo ad se confirmandum preces, legendum potius est: *Jacere omnipotenti Deo ad confortandum se preces.* Ad hunc ipsum canonom exigidus erit canon 72. caus. 1. quæst. 1. paulisp̄ depravatus apud Gratianum.

Canon 49. caus. 7. quæst. 1. habet Can. 49. caus. 7. tur in lib. 2. cap. 3., ubi queritur de q. 11. Sancto Petro, qui in actibus Apostolorum cap. 12. ita loquutus perhibetur: *Nūnc scio vere, quia misit Dominus Angelum suum, & eripuit me de manu Herodis, & de omni expectatione p̄lebis Iudeorum;* quæritur, inquam, nūm Sanctus Apostolus Iudeos proindē deserere potuerit, quorum curam semel ipse suscepere. Respondit Auctor Dialogorum, ubi nulla fructus spes esse poterat, ubi omnes pervicaces erant in malo, licuisse Petro discedere, secūs ac si pars Iudeorum sese Petro subsidium postulans subdidisset. Hūc spectant verba memorati canonis 49., ubi pōst illa valeant meliorem, hæc erunt legenda: *Vir itaq; Sanctus, propter quem custodiendum staret, qui omnes unanimiter se persequentes cernebat?* Et sep̄ agitur in animo perfectorum, &c. Itēm pro verbis illis Gratiani: *Ut possit evadere.... ad gravem laborem se aliabi, &c.,* legendum erit: *Ut posset evadere.... & gravem laborem ad laborem se aliabi, &c.*

Canon 17. caus. 13. quest. 2. legitur in lib. 4. cap. 50. ibique pro ver-Can. 17. caus. 13. q. 2. bis illis cum gravia.... veniunt, legendum erit,

erit: *quos gravia.... convenient.* Similis ferè sententia legitur apud S. Augustinum in toto ferè libro de cura pro mortuis, & in Enchiridio cap. 109. & 110.

Can. 21.
caus. 23.
q. 4. Elegans est sententia canonis 21.

caus. 23.
q. 8. caus. 23., quæst. 4., ubi pro verbo fuerunt legendum esse fuerint, animadvertisit ex collatione Gregorianorum Codicum cap. 8. lib. 1. Dialogorum.

Can. 16.
caus. 23.
q. 8. Canon 16. caus. 23. q. 8. legitur in lib. 1. cap. 8. ubi pro illis verbis *Ananiam, & Sapphiram...* exhibentur, hæc haberi animadverto: *Ananiam verd, & Sapphiram... exhibent.*

Can. 60.
de pœn.
dist. 1. In lib. 4. Dialogorum cap. 44. leguntur verba canonis 60. de pœn. dist. 1., ubi de iniquis hominibus ita scribitur: *Nam voluerent utique, si potuissent, sine fine vivere, &c.*

Can. 2.
de pœn.
dist. 4. Verba canonis 2. de pœn. dist. 4. leguntur in lib. 4. cap. 60., ubi, postquam enarratum fuisse, quod apud Matthæum legitur cap. 18. de conservo, cui à domino dimissum est, quia ille aliis non dimiserat, hæc subjiciuntur. *Ex quibus videlicet dictis constat, quia, si hoc, quod in nos delinquitur, ex corde non dimittimus, & illud rursus à nobis exigitur, quod nobis jam per pœnitentiam dimissum fuisse gaudebamus.* An Gratiani proposito ista convenient, facile noverit unusquisque. Disputabat Gratianus, nùm semel dimissa peccata reviviscere aliquando possint, nimirùm pòst iteratum lapsus? At de hac re alibi disserendum potius erit; ac præcipue ad canones 3., & 4. eadem dist. 4. de pœnitentia.

Can. 22.
de cons.
dist. 1. In libro 3. cap. 30. Dialogorum exhibetur canon 22. de cons. dist. 1. Jam diù rectissimè observaverunt Correctores Romani, pro illis verbis Gratiani B. Sebastiani, & S. Agathæ, &c., legendum potius esse B. Stephani, & S. Marthæ martyrum reliquiæ, &c. Non erit abs re similia quædam huc referre, ex aliis Gregorii monumentis excerpta. Nimirùm Gregorius in epistola ad Leonem Acolythum, quæ est 19. lib. 3. in Regesto, ait: *Quia ergo Ecclesia Sancta Agathæ sita in suburra, qua spelunca fuit aliquando pravitatis hæretice, ad Catholice fidei culturam Deo pro-*

pitiante reducta est, ideo hujus auctoritatis teneore communitus.... quantum in sacris tectis, vel luminaribus, aliaque reparacione ejusdem Ecclesia necessarium fuerit, erogare modis omnibus studebis.

Demùm in libro 4. Dialogorum cap. 58. leguntur verba canonis 73. S. Can. 73.
hæc
salutaris
de cons.
dist. 2. hæc salutaris de cons. dist. 2., cujus priora dist. 2. verba ita legenda erunt: *Hec namquæ singulariter victimæ ab eterno interitu animam salvat, que illam nobis morem unigeniti, &c.* Preterea pro illis Gratiani verbis: *In hoc mysterio moritur.... salutem patitur.... summa & ima sociari, &c.*, hæc erunt legenda: *In hoc mysterio sacræ oblationis immolatur.... salutem parit.... summa imis sociari, &c.*, Versiculus autem uno inquit, quemadmodum jam rectissimè animadverterunt Correctores Romani, desideratur in libris Dialogorum, potius vero pertinet ad Alcuinum, apud quem cum Gregorius Papa laudetur, exinde suboriri Collectoribus errandi occasio potuit; dum isti Gregorii, & Alcuini verba minime distinguentes, ac in suos codices verba Alcuini transferentes, Gregorii nomine inscribere non dubitaverunt. Ceterum, quæ ex Alcuini libris emendanda olim fuerant apud Gratianum, jam Romani iidem Correctores optimè expurgarunt.

SECTIO ULTIMA.

De ceteris Capitibus, Gregorii nomine relatis.

Plurima adhuc fragmenta supersunt Can. 4.
dist. 17. apud Gratianum, quæ ut plurimum, licet nomine Gregorii referantur, non tamè Gregorii sunt, sæpè etiàm à germanis ipsius Gregorii sententiis aliena deprehenduntur. De canone 4. dist. 17. nullam amplius mentionem facio; etenim superius in cap. 55. pag. 489. jam Can. 2.
dist. 29. animadverti, illum Pelagio primo tribuendum potius fuisse. Exordior à canone 2. dist. 29., qui nomine quidem Gregorii laudatur, attamen quis ille Gregorius fuerit, ac quodnam ad mo-

nu-

numentum canon sit exigendus non faciliè constat. Ego puto, canonis ejusdem auctorem paucis ibidèm perstrinxisse sententiam Gregorii VII., qualis habetur in libro 9. Regesti epist. 5. ad Hungonem Diensem Episcopum. Ibidèm Sanctus Pontifex asseruit, Episcopos Nortmannos, qui olim erant depositi ab officio, restituendos esse in pristinum gradum, ne fortè asperior, quām par esset, videretur Ecclesia Romanæ disciplina apud Anglos, cum quibus mitius agendum fore suadebat, eam rationem adjiciens, quæ in memorato canone traditur, nimirū sacros canones pro variis temporum, locorum, hominumque adjunctis temperandos esse.

Can. 2. dist. 33. Si auctorem canonis 2. dist. 33. nosse desideras, tibi satis erit adire Collectionem Iwonis, apud quem idem fragmentum legitur sub nomine Augustini in libro de ecclesiasticis regulis, sive dogmatibus. Ibi sanè cap. 70. num. 37. hæc leguntur: *Maritum durum post baptismum matronarum clericum non ordinandum, neque eum, qui unam quidem, sed concubinam, non matronam habuit; nec illum, qui viduam, aut repudiatam, vel meretricem in matrimonio sumpsit; neque eum, qui semetipsum quolibet corporis sui membro indignatione aliqua, vel justo, injusto quo timore (legunt aliqui: injusto iudicio) superato truncaverit; neque illum, qui usuras accepisse convincitur, aut in scena luisse dignoscitur; neque eum, qui publicè pœnitentiā mortalia crimina deflet; neque illum, qui aliquandò in furiam versus insanivit, vel afflictione diaboli vexatus est; neque eum, qui per ambitionem ad imitationem Simonis Magi pecuniam offert.* Integra hæc verba descripsi, quod apud Gratianum etiàm post Romanam Correctionem paulò aliter descripta legantur. Ceterùm librum hunc de dogmatibus ecclesiasticis falso tributum esse Augustino suo erit loco demonstrandum.

Can. 3. dist. 40. Canonem 3. dist. 40., arbitror, referendum esse ad sententiam Gregorii, quæ legitur in canone 4. ejusdem distinctionis 40.; utrobiquè enim eadem propemodum describuntur, ut proinde

verosimile sit, Gratianum ex diversis collectionibus utrumque fragmentum, sive diversam fragmenti ejusdem verbo tenus editionem exhausisse, & quasi duo Gregorii capita protulisse. Ceterùm, quod ibidèm traditur, videlicet Episcopos, ac præsertim Patriarchali honore, venerabiles, debere bonis operibus potius, quam ceteris animi, aut familiæ, ac similibus dotibus se tales exhibere, pluriè idem Gregorius tradidit. Sic in epistola ad Eulogium Alexandrinum, & Anastasium Antiochenum, Episcopos, quæ est 36. lib. 4. in vulgari editione, inquit: *Omnes Episcopos curæ vestre subjectos ab hujus elationis inquinazione prohibete, ut universa vos Ecclesia Patriarchas non solum in bonis operibus, sed in veritatis auctoritate cognoscat.* Itèm in epistola ad Joannem Episcopum Constantinopolitanum, quæ in eadem editione est 38. lib. 4., ait: *Quid ergo nos Episcopi dicimus, qui honoris locum ex Redemptoris nostri humilitate suscepimus, & tamè superbiam hostis ipsius imitanur?*

Animadverterunt jam Romani Cor-
rectores, canonem 11. dist. 40. pluri-
mum convenire cum iis, quæ referuntur apud Gregorium homiliâ 9. in Eze-
chielem, ubi dicitur parùm valere loca,
ut quis in gratia Dei perpetuò consistat,
ibi: *Quia autem loca mentem non munit, ipse humani generis primus testatur pavens, qui & in Paradiſo cedidit. Sed minus sunt omnia, quæ loquimur ex terra. Nam, si locus salvare potuisset, Satan de Cœlo non caderet.*

Can. 29. dist. 63. apud Iwonem in
parte 5. Decreti cap. 2. refertur sub
nomine Gregorii II., in vetustis autem
Gratiani codicibus adscribitur Grego-
rio IV.: utrobiquè mendum evidens ag-
noscit; etenim cum in eo fragmento
mentio fiat Hadriani II. Papæ, qui vixit
anno circiter 870. fuitque Gregorio IV.
recentior, nemo dubitare potest, nec
Gregorium II., nec Gregorium IV. di-
ci posse canonis illius auctorem. Potius
monumentum hoc tribuam Anastasio
Bibliothecario, qui in suo Pontificali in
vita Hadriani II. eadem ferè scripsit,
ibi: *Collectis igitur omnibus, tam Episcopis
cum*

cum universo Clero, quām Primoribus urbis cum obsecundantibus sibi populis, ab Ecclesia Sancte Dei Genitricis Mariae, que appellatur ad præsepe, rapitur, (Hadrianus), trahitur, & ad Lateranense Patriarchium certatum, ac à Procerum, & plebis multitudine deportatur. Quod audientes tum missi Principis molestè tulere, indignati, non quid tantum virum nollent Pontificem, quem nimirūm anxiè cupiebant, sed quid se, dum præsentes essent, Quirites non invitaverint, nec optatae à se futuri Præsulis electioni interesse consenserint. Qui, accepta ratione, quid non Augusti causā contemptus, sed futuri temporis hoc omissionem fuerit omnino prospectu, ne videlicet Legatos Principis in electione Romanorum Presulum mos expectandi per hujusmodi somitem inolesceret, omnem sua mentis indignationem medullitus (legunt alii inoliter, alii mollitus) sedavere, ac salutandum (legunt alii at ad salutandum) electum etiam ipsi humiliter accessere. Hæc sanè brevis historia spectat formulam electionis Romani Pontificis, de qua nonnulla disserenda proposui ad canonem 30., & 32. dist. 63., ubi etiam quædam attingam de electione Hadriani II. juxta ea, quæ in memorato Anastasii monumento traduntur. Interè hæc adnotasse sufficiat, nisi fortè quisquam sciscitaretur, quā ratione evenire potuerit, ut fragmentum Anastasii Gregorio II., vel IV. Pontifici tribueretur. Ego sanè, uti in multis aliis, redarguendam etiam hac in re agnosco imprudentiam Amanuensium, ne dicam Collectorum improbitatem, qui sèpè ac sèpius canonum inscriptionse vitiare turpiter non erubuerunt. Illos posset hæc, qualiscumque tandem habeatur, excusare conjectura; fortè enim in MSS. quibusdam Codicibus, in quibus monumentum illud habebatur, adjici potuit hæc breviatis characteribus inscriptio ex G. R. P., quā significaretur monumentum depromptum esse ex Gestis Romanorum Pontificum; nimirūm hoc nomine donabatur Anastasii Bibliothecarii Pontificale, quemadmodum docet inscriptio canonis 21. dist. 63. At imprudens, impetratusque Amanuensis ita legit: Ex Grego-

Tom. III.

rio Papa, vel ex Gregorio Romano Pontifice. Non erit omnino inverosimilis hæc conjectura apud eos, qui apprimè norunt, quām facile ex vetustorum Codicum MSS. breviationibus hujusmodi scripturarum, ac præsertim inscriptionum varietates emerserint: utinam etiam non emergent in præsentia! quā nimirūm ætate hujuscemodi studia Viros eruditissimos nec immerito tenent.

Simile quidpiam meā opinione contigit in canone 23. dist. 81., qui Gregorii nomine apud Gratianum laudatur; apud Ivonem verò parte 6. cap. 76. hac adjectâ inscriptione: *Gregorius Civibus Romæ*; fortè enim apud veteres legebatur *Gregorius C. Rom.* ut significaretur, ea quasi ex Gregorio deprompta fuisse in Concilio Romano, Ivo autem, aut alias quispiam legit *Civibus Romæ*. Ast, inquies, quodnam demonstrari potest Concilium Romanum sub Gregorio celebratum, ad quod Gratianus canon referatur? Nemo ex Collectoribus, quoad ipse novirim, aut ex Glosographis huc usque patet. Nomine hujus Concilii Romanii ego intelligo Synodum Romæ celebratam anno 743. sub Zacharia Pontifice; ubi cum consideraveris verba, quæ habentur in canone 15., non dubitaveris, quin eadem sint cum Gratiani monumento. Quod si adhuc hæceres in eo, quod apud Gratianum, & Ivonem non Zacharias, sed Gregorius memoretur, dubitationem amovebit omnem animadversio, quā in eodem canone agnosces laudatum Gregorium Magnum, cui propterea recentiores Collectoræ facile tribuere potuerunt, quæ in integro canone tradebantur. His adde, apud Gregorium eumdem plurima deprehendi ad eamdem rem, sive materiem pertinentia, præsertim, ut alia omittam bene multa, in epistola ad Romanum, & alios Defensores, quæ in vulgari editione est 39. lib. 7. Jam verò subjiciam hoc in loco verba ipsa memorati canonis 15. editi in Romano Concilio Zachariæ, ibi: *Sed neque hoc silendum est, pervenisse ad nos (quod cum grandi tristitia animi dico) per di-*

T

Can. 23.
dist. 81.

ver-

versa loca hujus Italie, & Longobardorum partes, Sacerdotes cum sanctimonialibus fæminis, id est, Monachis, habitare. Quod nefarium est dicere, vel audire contrà canones esse sanctitatem. Ubi enim talis fuerit commorantium habitatio, antiqui hostis stimuli non desunt: unde omnino cavendum, & vitandum est, Fratres mei, ne fallant, & impleatur in eis Prophetæ dictum: Sacerdotes ejus contaminant sancta, & reproabant legem. Quod & alius Prophetæ increpat, dicens: vos Sacerdotes, qui fallitis nomen meum, & dixistis: in qua re fecellimus nomen tuum? Quibus respondendum est: offerentes ad Altare meum panem pollutum. Non est mihi voluntas in vobis, dicit Dominus omnipotens, & sacrificium non accipiam de manibus vestris. Pro quo timeo, dilecti mei, ne nobis in capite positis, si neglexerimus, illud contingat, quod Dominus per Prophetam dicit: ideo Pastores audite verbum Domini. Ecce lac devorastis, &c. Quæ heic sequuntur, habentur apud Ezechielem cap. 34.

Canon 12. caus. 1. quæst. 1. potius
caus. 1. tribuendus erat Paschali II., quam Gregorio. Hujus rei testis est Deusdedit, qui in tractatu contrà Simoniacos, quemadmodum animadverterunt Correctores Romani, eadem verba retulit ex epistola Paschalis II. ad Mediolanenses. Hac autem in re maximi faciendum erit Deusdedit testimonium, ut potè qui Romæ scribebat tempore ejusdem Paschalis II. ac propterea non nisi impudentissime Paschali II. tribuisset, quod nunquam ab eodem Pontifice fuisse editum. Non tamè inficias iverim, aliqua similia reperiri, aut apud Gregorium I., quemadmodum exemplo esse potest canon 2. caus. 1. quæst. 1., aut apud Gregorium VII., qui passim de irritandis Simoniaeorum ordinationibus egit; undè fieri fortè potuit, ut Gregorii nomen eidem Gratianeo canoni adscriberetur. Ceterum non desunt alia ecclesiasticorum canonum monumenta, quibus idem canon consonet. Similia quædam leguntur in canone 2. Concilii Chalcedonensis: similia etiàm habentur, ut cetera omittam, in epistola 2. Nicolai I. ad Michaelem Imperatorem, ubi de Photio sermo

fit, quem Gregorius Syracusanus schismaticus in locum Ignatii ordinaverat, ibi: Nam Gregorius quomodo quemquam adficare poterat, qui multiplicitè jam noscebatur elisus? quomodo quemquem in aliquo ecclesiastico poterat ordine stabilire, qui Ecclesia unitatem scindens ipse jam videbatur omnino dejectus? Sicùt enim ligatus ligare, & dejectus dejicere non potest; sic destrutus construere, & elisus quemquam ordinare nequivit.... Gregorius ergò, qui canonice, ac synodice depositus, & anathematizatus erat, quemadmodum posset quemquam provehere, vel benedicere, ratio nulla docet.

Can. 84. caus. 1. quæst. 1. caus. 1. jam diù Romani Correctores animadverterunt, illum fuisse congestum ex variis Isidori, Gregorii Magni, atque Hieronymi sententiis. Ubi de Isidoro Hispanensi agendum erit, illa tradam, quæ ad eundem Sanctum Episcopum ex hoc fragmento referenda erunt, nimirū à versic. Mysterium itaque usquè ad illa verba: Sed qui incrementum dat Deus. Porro, quæ deinde sequuntur à vers. Polluimus usquè in finem ex Hieronymo deprompta esse videntur; etenim Sanctus Vir in caput 1. Malachiae in ea verba panem pollutum, item in ea polluimus eos? ita scribit: Polluimus panem, id est, Corpus Christi, quando indigni accedimus, & sordidi mundum sanguinem bibimus. Deinde in caput 2. Malachiae ad illa verba maledicam benedictionibus vestris ait: Maledicam, inquit, benedictionibus vestris, hoc est, iis, quæ nunc meis benedictionibus possidetis, sive quidquid à vobis benedicitur, à me maledictum erit. Et post multa: Vel certè quia ad Sacerdotes propriè mandatum est, vertuntur benedictiones eorum in maledictionem, quando non benedicunt Sanctis ex verro cordis affectu, sicut Isaac Jacob & Jacob Patriarchis, & Moyses duodecim tribubus, sed per dulces sermones, & benedictiones decipiunt corda innocentium; & qui iniquè agunt, benedicuntur ab eis, adulanturque peccatoribus, dummodo divites sint, atque eorum virtus blandiuntur. His itaque aut Isidori, aut Hieronymi fragmentis exceptis, cetera ferè omnia ex variis Gregorii Magni sententiis, paulò aliter digestis, composita sunt.

sunt. Huc præsertim referenda, quæ Gregorius idem habet in 3. parte Pastoralis admonitione 5. ibi: *Admonendi sunt subditi, ne præpositorum suorum vitam temerè judicent, siquod eos fortasse agere reprehensibiliter vident: ne undè mala recte redarguant, inde per elationis impulsu[m] in profundiora mercantur. Admonendi sunt, ne, cum culpas præpositorum considerant, contrâ eos audaciores fiant; sed sic, siqua valde sunt eorum prava, apud semetipsos dijudicent, tamè divino timore constricti ferre jugum reverentia non recusent.* Huc etiàm referenda, quæ leguntur in libro 15. Moralium cap. 16. ibi. *Sunt verò nonnulli, qui, si parum quid de spiritali conversatione inchoant, cum Rectores suis temporalia agere, & terrena considerant, mox ordinem superne dispositionis accusant, quod nequaquam bene ad regendum prelati sine, per quos conversationis iufitæ exempla monstrantur. Sed hi nimis dum temperare se à Rectorum suorum reprehensione negligunt, culpæ sua exigentibus meritis, usquæ ad reprehensionem conditoris excedunt, cuius profectio dispensatio inde ab humilibus rectior agnoscitur, unde ab elatis non recte judicatur.* Ex his sanè liquet, horum fragmentorum consarcinatorem nonnulla immutavisse, nonnulla de suo adjecisse, neque enim plurimum Patrum sententiae aliter jungi poterant; quod eo vel magis unicuique constabit, quoties hæc conferantur cum iis, quæ tradidit Magister Sententiarum in lib. 4. cap. 13. ubi plura ex iis, quæ apud Gratianum legimus, describuntur, quæque Gratiano ipsi tamquam exemplar esse potuerunt, si Lombardi opus, scribente Gratiano, jam publicam lucem adspexerat.

Potiore jure Augustino, quam Gregorio, tribueretur canon 89. caus. 1. q. 1. quæst. 1., hujus quippè sententia passim apud Sanctum Hipponensem Antistitem probatur, ubi præsertim ille Donatistarum hæresim conficit. Hujus rei argumento esse potest liber de baptismo adversus Donatistas, item liber contrâ epistolam Parmeniani; in his enim nihil clarius disertiusque exprimitur, quam quod in memorato cano-

ne 89. paucis indicatur; ut propterè dixeris, ibidem agnoscendum esse breviatum quoddam Augustini illa opera elucubrantis argumentum. Quod si adhuc nonnulla apud Gregorium investigare velis his similia, poterunt in medium proferri ea, quæ habentur in epist. 32. lib. 2. in vulgari editione ad Joannem Episcopum Ravennæ, ibi: *Sicut autem, baptizatus semel, iterum baptizari non debet, ita, qui consecratus est semel, in eodem iterum ordine non debet consecrari. Sed si quis forsitan cum levi culpa ad Sacerdotium venit, pro culpa penitentia indici debet, & tamè ordo servari;* Huc etiàm referri possunt, quæ habentur in expositione in librum primum Regum cap. 3. ibi: *Electi Pastores Sanctæ Ecclesiæ, quod exterius portant de gloria culminis, hoc intus accipiunt ex gratia divina bonitatis & honorem, quo sublimes sunt in oculis hominum, digno studio in interiori ab internæ majestatis largitate promerentur.*

Si Anselmus Licensis, qui Alexandro II. Pontifici contemporaneus fuit, canonem 11. caus. 1. quæst. 4. laudavit tamquam ejusdem Alexandri II. monumentum, quid aliud remanet investigandum in codicibus Gratiani, quorum alii Gregorio, alii Augustino tribuerunt? Planè temporibus Alexandri II. illa sententia plurimum congruit; scimus enim, simonia vitium etiàm in consecrationibus Ecclesiarum admissum frequentissime fuisse, atque frequentissime etiàm ab eodem Alexandro II. damnum. Referam ad hanc rem, quod legitur in Constitutionibus, quas Legati Sedis Apostolicæ sub eodem Alexandro Mediolanensis observandas præscripserunt, ibi: *Ex nulla quaque ecclesiastici ordinis benedictione, vel ex ecclesiarum consecrationibus, vel chrismatis datione quidquam munericè quoquam per aliquam conventionem detur, aut accipiatur.* Nomen Gregorii forte in inscriptionem Gratianei canonis irrepsit, quod creditum fuerit ad Gregorium VII. pertinere plurimas Alexandri II. Constitutiones; siquidem Gregorius Alexandri successor Simo-

niacorum Ecclesias consecrantium ges-
ta æquè improbavit, quemadmodùm
constat ex pluribus ejusdem Pontificis
monumentis. Fortè etiàm evenire po-
tuit, ut ideo Gregorius laudaretur tam-
quam auctor ejusdem canonis, quod
plurimum cum hoc canone conveniat
sententia Gregorii Magni in canone 2.
caus. 1. q. 1., ubi legitur, Sacerdotem
simoniacè ordinatum nullatenus Sacer-
dotem vocari posse; quâ similitudine po-
tuit collector quispiam canonum uti ad
insequendas simoniacas Ecclesiarum con-
secrations. Unum adhuc animadverten-
dum est, canonem hunc 11. parùm,
aut nihil prodesse proposito Gratiani,
qui inquirebat, utrum crimen paternum
ignorantibus filiis obesset.

Can. 42. caus. 11. q. 7. Canonem 42. caus. 11. quæst. 7.
jam Romani Correctores jure tribuerunt
Gregorio IV.; quamobrem suo loco
velut commodiore inferius expendendus
erit.

Can. 43. caus. 2. q. 7. Quicumque canonem 43. caus. 2.
quæst. 7. consideraverit, atque cum ca-
none 44. sequente contulerit, statim
agnoscet, illum nihil aliud continere,
quâ breve istius, ac compendiarium
argumentum, quod Gratianus non pau-
cis in locis facere consuevit. Quamobrem
meo iudicio parùm accurate editores re-
centiores Gratianei Codicis distinxer-
unt capita numericis notis, dum ca-
nonum argumenta quasi sejuncta capi-
ta numeris distinxerunt. Quod ipsum

Can. 5. caus. 6. q. 6. etiàm contigit in can. 2. caus. 5. quæst.
6. cuius sententia nihil aliud continet,
quâ argumentum canonis 3. sequentis.

Can. 20. caus. 11. q. 1. Gregorio Papæ perperam tribuitur
canon. 20. caus. 11. quæst. 1. Verum
jam superius cap. 55. pag. 489. demons-
travi, illum potius tribendum fuisse
Pelagio I., unâque canonis ejusdem sen-
tentiam expendi.

Can. 66. caus. 11. q. 3. Canon 66. caus. 11. quæst. 3. per-
caus. 11. q. 3. peram tributus fuit Gregorio, potius
autem adscribendus erat Isidoro Hispano-
lensi in libro 3. sententiæ, qui alias
dicitur liber de summo bono cap. 54. ibi:
Qui recte iudicat, & præmium inde remune-

rationis expectat, fraudem in Deum perpetrat,
quia justitiam, quam gratis impertiri debuit,
acceptione pecuniae vendit. Bonis male utuntur, qui
juste pro temporali lucro iudicant. Tales quippe
ad veritatem non justitiae defensio, sed amor
præmii provocat. Quibus, si spes nummi subtra-
bitur, confessim à justitiae defensione recedunt.
Acceptio munierum prædicatio veritatis est: unde & pro justo dicitur: qui excutit manus suas
ab omni munere, iste in excelsis habitat.

Cum canon 70. caus. 11. quæst. 3. **Can. 20. caus. 11. q. 3.**
Ex dictis Gregorii depromptus esse dicatur,

facilè liquet, in eo non exhiberi ipsa-
met Gregorii verba, sed potius senten-
tias ibidem congregatas ex pluribus ejus-
dem Pontificis monumentis. Isti huc refer-
unt Correctores Romani, quæ Grego-
rius tradidit in caput 19. Moralium cap.
33. ad ea verba Jobi: *Causam, quam*
nesciebam, diligentissimè investigabam. At
verò, quoties cum his conferantur ver-
ba Gratiani, diversa sanè utrobique senten-
tia percipietur. Siquidem apud Gra-
tianum legitur, neminem, furore percitum,
aut levitate quadam adductum, debere in iudicando præcipitem senten-
tiam pronunciare; sed cautè procedere
Mosis exemplo; & apud Gregorium lo-
co memorato traditur, Dei ministros non
debere sacerdularium negotiorum cau-
sis invigilare; aut, si forte rerum neces-
sitas quidpiam hujusmodi postulet, de-
bere eas per substitutos expedire exem-
pto Mosis, qui in causis populi dirimen-
dis viros pro se septuaginta constituit, ut quan-
tò se ab exterioribus causis absconderet, tantò
ardentius interna penetraret. Ad rem potius
facere videntur quoquo modo, quæ paulò inferius leguntur, ibi: *Qua in re*
notandum video, ne ad proferendam senten-
tiam unquam præcipes esse debeamus, ne
qualibet mala auditæ nos moveant, ne passim
dicta sine probatione credamus. Similia non
nulla leguntur in epistola ad Maximianum
Episcopum in vulgari editione 26.
lib. 12. ibi: *Frequentè admonuisse vos re-*
cole, ut in proferenda sententia esse præcipes
nullatenus deberetis. Ad eundem canonem
referenda etiàm videntur, quæ Grego-
rius habet in 2. parte Pastoralis cap. 5.
ibi:

ibi: Hinc Moyses crebrò tabernaculum intrat, & exit; & qui intus in contemplationem raptur, foris infirmantium negotiis urgetur: intus Dei arcana considerat, foris opera carnalium portat. Qui de rebus quoquè dubiis semper ad tabernaculum recurrit, coram testamenti arca Dominum consulit, exemplum procul dubio Rectoribus præbens, ut, cum foris ambigunt, quid disponant, ad mentem semper, quasi ad tabernaculum redeant, & velut coram testamenti arca Dominum consulant, si de his, in quibus dubitant apud semetipsos, intus sacri eloquii paginas requirant.

Non Gregorii, sed potius Isidori Hispalensis est canon 78. caus. 11. quæst. 3., quemadmodum facile liquet conferenti caput 54. lib. 3. Sententiarum ejusdem Sancti Hispalensis Doctoris. Cum autem apud Gratianum paulisper depravata canonis editio sit, illam operæ prerium erit emendare. Ait ibi Isidorus: *Quatuor modis pervertitur humanum iudicium: timore, cupiditate, odio, & amore.* Timore, dum metu potestatis alicuius veritatem loqui pavescimus. Cupiditate, dum premio muneris alicuius corrumpimur. Odio, dum contra quemlibet adversari molimur. Amore, dum amico, vel propinquis prestare contendimus. His enim quatuor causis sèpè aequitas violetur, sèpè innocentia luditur.

Canon 3. §. soror caus. 13. quæst. 2. referendus est ad librum 2. Dialogorum Gregorio tributorum cap. 54., ubi hæc de S. Benedicto leguntur: *Pòst triduum in cella consistens, elevatis in aera oculis vidit ejusdem sororis sua animam de ejus corpore egressam in columba specie cœli secreta penetrare.* Qui tanta ejus gloria congaudens, omnipotenti Deo in hymnis, & laudibus gratias redidit, ejusque obitum fratribus denunciavit, quos etiam protinus misit, ut ejus corpus ad monasterium deferrent, atque in sepulcro, quod apse sibi paraverat, ponerent. Quo facto contigit, ut quorum mens una semper in Deo fuerat, eorum quoquè corpora nec sepultura separaret. Verum, qualis sit hujusmodi Dialogorum auctoritas, ac propterea nūm hæc jure Gregorio adscripta fuerint, superius jam abundè perspectum esse videtur.

Perspicuè liquet, canonem 3. caus. 15. quæst. 6. ad Gregorium Magnum pertinere nullo modo posse, cum ibidem mentio fiat recentiorum Principum Pippini, & Caroli Imperatoris, item Zachariae Pontificis. Commodius atque opportunius de eo agam inferius, ubi de Gregorio VII. sermo instituetur.

Facile noverit unusquisque, Gregorii Magni temporibus non convenire, quod Gregorii ejusdem nomine refertur in can. 23., & 24. caus. 16. quæst. 1.

etenim certò constat apud eruditos omnes, Monachos nisi recentiore ætate non obtinuisse facultatem Sacraenta publicè populo administrandi. Hinc etià in Concilio Piætaviensi, anno 1100. jussu Paschalis II. celebrato, canone 11. ita legitur: *Ut nullus Monachorum Parochiale ministerium Presbyterorum, id est, baptizare, prædicare, pœnitentiam dare præsumat.* Quæ igitur apud Gratianum in memoratis canonibus habentur, ex iis forte sunt monumentis, quorum plurima Monachi ipsi sub finem decimi sæculi elucubrata evulgarunt, quasi ex antiquissimis Pontificibus Maximis, præsertim ex Gregorio Magno accepta, de quibus jam superius quædam tradidi ad canonem 5. caus. 18. quæst. 2; quæque potuit facilè proferre in medium Gratianus monasterio addictus, & in voluntatis monasteriorum codicibus diu versatus, quemadmodum simile quidpiam contigisse arbitror in canone 21. caus. 16. quæst. 1., qui Ambrosio tribuitur, quasi jam ab antiquissimis Ambrosii temporibus recens Monachorum disciplina jure repeti possit. Videntur potius laudati canones 23., & 24. decepti ex Concilio Nemausensi anni 1096. sub Urbano II. celebrato, in quo ita legitur canonie 2.: *Credimus igitur, à Sacerdotibus Monachis ligandi, solvendique potestatem dignè administrari, si tamen dignè contigerit eos hoc ministerio sublimari.* Et can. 3. Oportet eos, qui sæcum reliquerunt, majorem sollicitudinem habere, pro peccatis hominum orare, & plus valere eorum peccata solvere, quam Presbyteros secularis; quia hi secundum regulam

Can. 78.
caus. 11.
q. 3.

Can. 3.
caus. 15.
q. 6.

Can. 23.
caus. 16.
q. 1.

Iam Apostolicam vivunt, & eorum sequentes vestigia communem vitam ducant juxta quod in actibus eorum scriptum est: erat illis cor unum, & anima una, & erant illis omnia communia. Ideoque videtur nobis, ut his, qui sua relinquent pro Deo, dignius liceat baptizare, communionem dare, pœnitentiam imponere, nec non peccata solvere. Unde considerare nos oportet, quæ virtutis apud Deum sint, qui sæculum relinquentes Domini obedient precepto, dicentis: relinque omnia, quæ habes, & veni, sequere me. Unde censemus, eos, qui Apostolorum figuram tenent, prædicare, baptizare, communionem dare, suspicere pœnitentes, peccata solvere. Porrò, hæc si cum memoratis Gratiani canonibus conseruantur, facile indicabunt, auctorem eorumdem canonum abusum fuisse verbis, immò etià sententiis Concilii Nemausensis; insupèr, ut proposito suo impensiùs indulgeret, Gregorii nomen adjectisse gravioris auctoritatis conciliandæ causâ. Dixi, abusum fuisse sententiâ Concilii Nemausensis: etenim jam à temporibus Magni Gregorii usus in Ecclesiis invaluit, ut, quemadmodùm Monachi vitæ integritate venerabiles habebantur, itâ ipsi à monasteriis ad regendas Ecclesiæ advocarentur, modò in Episcopatu, modò in Clero inferiori. Quod quidè plures in invidiam Monachorum concitatavit, ut proptereà non decessent, qui dicerent, Monachos mortuis æquiparandos, & minùs idoneos habendos, qui ad obeunda Ecclesiarum officia promoverentur. Constat id ex decreto, dc quo mentio fit in can. 25. caus. 16. quæst. 1. Itaque viri Ecclesiastici nihil sollicitiùs curarunt, quâm ut suaderent, immò & latâ lege definirent, Monachos esse sacris obeundis muneribus aptos, dummodò tamè legitimè ad Clerum promoverentur. Hi fuere primi canones, qui generaliter Monachos ad sacra officia vocare cœperunt, non quidè ut, quoqusquè Monachi degerent in monasteriis, ibidem sacra conficerent, sed ut à monasteriis ad Ecclesiæ transferrentur, munus sibi juxta ordinem datum executuri. Huc tantummodò

spectaverunt Patres Concilii Nemausensis, quod in memoratis canonibus 2. & 3. facultatem Monachis fecit vacandi ministeriis ecclesiasticis. Planè initio canonis fit nonnullorum, qui tunc temporis Monachorum promotionem ad Clerum prorsùs improbabant; at Nemausenses Patres probandam è contrario voluerunt, exemplo præsertim Gregorii Magni, Augustini Anglorum, & Martini Pannoniensis, quos nemo non dubitat è monasteriis ad regendas Ecclesiæ accitos fuisse. Aliò igitur detorta est Nemausensis Patrum sententia ab iis, qui laudatos Gratiani canones ediderunt nomine Gregorii, facultatem tunc facientes Monachis in monasteriis ipsis publicè Sacra menta administrandi. Neque enim idem est, Monachos ad Ecclesiæ à monasteriis vocari posse causâ Sacramentorum, ministrandorum, & Monachos in suis monasteriis publicè Parochiale, itâ dixerim, munus obire. Immò, si ipsa Gregorii Magni monumenta investigemus, facile agnosceremus Gregorium in ea sententia perpetuò fuisse, nimirùm ne Monachi in monasteriis ipsis Sacra menta conficerent, & populo administrarent. Quid enim aliud in suis passim epistolis optabat, quâm ne Episcopi ad monasteria populum adducerent causâ sacrorum, quemadmodùm superiùs pluriès observatum est, eâ potissimum de causa, quia non erat ex frequentia populi, & concursu ad monasteria turbanda quies, & tranquillitas Monachorum, quorum professio erat solitaria vita? Nemo autem dixerit, Gregorium voluisse à Sacramentis in cœnobiis administrandis Episcopos excludere causâ evitandæ popularis frequentiæ, deinde populum hortatum fuisse, ut ad monasteria confluoret, ab ipsis Monachis Sacra menta suscepturus.

In canone 35. caus. 16. quæst. 7. agnosco Burchardi Wormaciensis manu, qui, quemadmodùm alias sæpius animadvertis, quæ in Capitularibus Francorum constituta erant, noluit Capitularium ipsorum nomine commemo-
ra-

Can. 35.
caus. 16.

9.7.

rare, ne ingratam rem faceret Germanis, apud quos Francorum nomen odio erat. Eam ob rem Burchardus Gregorio Papæ adscripsit, quod adscribendum erat Capitularibus, quo auctore duci Ivo & Gratianus laudatum canone 35. Gregorio etiam tribuerunt. Porro in libro 5. Capitularium cap. 99. in editione Baluziana hæc leguntur: *De Ecclesiis, que inter coheredes divisa sunt, consideratum est, quatenus, si secundum providentiam, & admonitionem Episcopi ipsi coheredes eas voluerint tenere, & honorare faciant. Si autem hac contradixerint, ut in Episcopi potestate maneat, utrum eas ita consistere repermittat, aut reliquias exinde auferet.* Hæc excerpta fuerunt ex Capitulari Ludovici Pii, in Wormaciensibus Comitiis edito anno 829., quo tempore Gregorius IV. summum Pontificatum gerebat, unde forte Burchardus nomen Gregorii voluit inscribendum. Rursum autem hic canon renovatus est à Lothario, descriptusque inter leges Longobardicas lib. 3. tit. 1. num. 44., ubi tamè pro verbis illis consideratum est.... secundum providentiam.... & honorare faciant.... consistere permittat, &c., legitur: *Considerandum est.... secundum nostram providentiam.... & honorare faciant.... custodire permittat.* Hujusmodi Constitutionibus occasionem dederunt subortæ gravissimæ Patronorum contentiones; ubi enim Fundatoribus Ecclesiarum plures hæredes successerant, in ipsa hæreditatis divisione dividenda etiam fore Altaria proponebant. Hinc in Concilio Cabilonensi II. anni 813. can. 26. relato in additione 3. Capitularium cap. 51. ita legitur: *Perlatum ad nos est, quod inter hæredes Ecclesia in rebus propriis constituta dividantur, & tanta per eamdem divisionem simultas oriatur, ut unius altaris quatuor partes siant, & singulae partes singulos habeant Presbyteros; quod sine discordia, & simultate nullo modo fieri potest. Unde nobis visum est, quod hujuscemodi Ecclesia inter hæredes dividi non debeant.*

Canon 1. caus. 23. quæst. 1. non
can. 1. caus. 23. Gregorii, sed Origenis est in Homilia
q. 1. 15; in librum Josue, quæ habetur in to-

mo 2. Maurinorum editionis, ubi pro illis verbis *sed magis injuriam.... armaturam Dei, &c.* legitur: *Et: magis injuriam.... arma Dei, &c.* Porro hujusmodi Homilias se asserit Ruffinus de Græco in Latinum idioma transtulisse, & quidem simpliciter, ut invenerat.

Quod sub nomine Sancti Augustini retulerant Ivo, & Burchardus, id ^{Can. 7. caus. 23.} ^{q. 5.} *Gilianus retulit sub nomine Gregorii in can. 7. caus. 23. quæst. 5. Romani Correctores rectè animadverterunt ad canone 3. caus. 14. quæst. 6., quod in eodem canone 3. fusiùs ex Gregorio describitur, paucis hic perstrictum esse, ac veluti compendio quodam editum. Romani etiam Correctores adnotaverunt, legendum esse ex Burchardo, & Ivone non defendat. Ego verò putavim potius, verba hujus canonis non esse ullà ratione attendenda, ut potè quæ Gre- gorii non sunt, sed ad memoratum ca- nonem 3. exigenda.*

Canon 22. caus. 24. quæst. 3. le-^{Can. 22.}
gitur in Pœnitentiali Romano, edito ab ^{caus. 24.}
Antonio Augustino tit. 6. cap. 17. quin tamè ulli auctori adscribatur, his ver-
bis: *Quisquis per dolum manum suam mittit in Christum Domini, Episcopum videlicet, Pa- trem, & Pastorem suum, quia sacrilegium committit, ut qui Ecclesiam Dei devastat, & incendit, quia & hoc sacrilegium est, placuit sanctæ Synodo, ut in uno loco, id est, in mo- nasterio, pœnitentia omnibus diebus vita sue. Ita quoquè scripsit Ivo in parte 12. cap. 86., & parte 13. cap. 65., nec non Bur- chardus lib. 10. cap. 65., apud quos omnes desiderant illa Gratiani verba: ut in primis omnia bona ejus proscriptione publi- centur: Ex ipsa canonis formula perspicuum fit, cumdem non esse Gregorii, sed potius alicujus Concilii, ut indicant verba illa præ ceteris placuit sanctæ Syno- do, ut &c. Sive Ivo, sive Burchardus non Gregorium auctorem canonis memo- rant, sed potius canoni hanc inscriptio- nem adjecerunt: Ex Concilio Tungensi can. 5. In quibusdam codicibus pro voce Tun- greni legitur Gangreni, ita forte emen- datâ lectione ab eo, qui quale esse Tun- gren-*

grense Concilium ignorabat, noverat
verò Gangrense. Baluzius in notis ad
Gratianum memorat, in Codice Taloni-
co se legisse in inscriptione hujus cano-
nis: *ex Targensi Concilio*. Ego arbitror, le-
gendum potius fuisse: *ex Concilio Trosle-
jensi can. 5.* Reverà in Concilio Trosle-
jensi anno 909. in pago Suessonico ce-
lebrato ab Heriveo Rhemensi Archiepis-
copo, similis ferè sententia exhibetur
can. 4., & 5., in quibus asseritur in
primis sacrilegium admitti à schismati-
co, qui ab Episcopo suo in Episcopatu-
m injuriam deficiat; deindè sacrilegium
etiam admitti ab eo, qui res ecclesias-
ticas invadat, auferat, vel diripiat. Im-
mò adversùs hunc sacrilegum excom-
municationis pœna infligitur, additur
que in pœna perpetua deprimetur. Tandem
ad alias etiam pœnas indicendas deveni-
tur his verbis: *Sed quia sunt quidam, qui
temporalem potius mortem, quam eternam
timeant, recenseamus, quid saculi leges de
talibus precipiant.* In libro suprascripto (Is
est liber Capitularium Francorum, de
quo mentio superius habita fuerat) ca-
pitulo 431. jubetur, ut capitali pœna mul-
tentur, qui sacrilegia, adulteria, predationes,
aut devastaciones exercuerint, ut omnes res
eorum tam mobiles, quam immobiles fisco Re-
gis socientur, vel Ecclesia, cuius res vastave-
rint, alienaverint, aut abstulerint, tradan-
tur. Hæc, quæ in canonibus Troslejen-
sibus fusis verbis sententia exprimitur,
in compendium redacta fuerat ab aucto-
re Gratiani canonis 22., & quidem
principio sub nomine Concilii Targren-
sis, quemadmodum memoratus Balu-
zius agnovit; nomen ab aliis editum est
Concilii Tungrensis, ut apud Burchardum,
& Iwonem; cuius loco substitue-
runt alii nomen Concilii Gangrenensis; &
tandem pro nomine Gangrenensis non de-
fuerunt, qui legerent nomen Gregorii;
atque is fuit, vel Gratianus, vel auc-
tor Codicis, quem Gratianus idem se-
quebatur.

Canon 15. caus. 27. quæst. 1. vi-
caus. 27.
q. 1. detur à Gratiano Gregorii nomine des-
criptus ex Reginonis Collectione in lib.

2. cap. 165., ubi tamè pro illis Gra-
tiani verbis apud se retineat impudicè....
revocetur, atque recludatur, apud Reginonem ita legitur: apud se nunc usque reti-
neat impudicè.... revocetur, ac retridatur.
Verba autem Gregorii sunt in epistola
ad Marinianum Episcopum Ravenna-
tem, quæ in vulgari editione est 9. lib.
8. ubi de viro clarissimo Stephano ita
Sanctus Pontifex scribit: *Questus est, quid
cognatam ejus, cui aliquando Petrus quidam
nequissimus diabolico instinctu de monasterio
exire suaserat, atque à Gratioso Notario fue-
rat mutato habitu unde exierat revocata, ne-
quissimus vir iniquâ suasione de monasterio
rursus ejiciens, apud se nunc usque impedit
retineat.* Ex qua re valde nos, sicut diximus,
tua desidia contristavit, cur necdum in mo-
nasterium revocata sit, ac retrusa. Itaque
constat, Reginonem de more suo ali-
qua ex germana Pontificis epistola im-
mutasse, quemadmodum ad hunc ca-
nonem Baluzius animadvertis.

Quod vulgo tradi solet, impedi-
mento publicæ honestatis intervenien-
te, contrahi non posse conjugia, ex
generali Interpretum accuratorum doc-
trina recentiori Juri prorsus adscribitur,
imò nec Juri scripto, sed potius ecclæ-
siasticæ primùm consuetudini, quam
deinceps recentiorum Conciliorum ca-
nones firmaverunt. Hujus rei argumen-
tum gravissimum est, quod petitur à
silentio veterum Scriptorum; nullibi
enim in tota sacra antiquitate legitur
cautum, matrimoniis obesse sponsalia
consanguineorum, aut, quod sponsalia
subsequitur, matrimonium, ut vocant,
ratum. Imò, si quid forte valere ad
hanc rem potest canon 18. caus. 27.
quæst. 2., contrarium omnino evincit.
Cœpit impedimentum, ut ajunt, pu-
blicæ honestatis in palestris Theologo-
rum, ac Canonistarum locum habere,
postquam pacatis Longobardorum ani-
mis, scholasticus pulvis agitari cœpit
non multum antè tempora Gratiani.
Quippè tunc solemnis exorta disputatio
fuit, nū solo consensu matrimonium
celebratum esse diceretur, nondum sub-

can. 14.
caus. 27.
q. 2.

secutā carnali copulā; quam disputationem suo tempore celebrem agnovit Gratianus in caus. 27. quæst. 2., quem admodum etiā Petrus Lombardus Gratiano contemporaneus in lib. 4. sententiā dist. 26., & 27. Hæc autē disputatio ut plurimum ita dirimi consuevit, ut assereretur, solo consensu matrimonium vires habere, cum hanc ad rem perspicua adferrentur tum Sanctorum Patrum, tum Romanorum Jurisconsultorum veterum monumenta. Hinc facilē alia suborta disputatio fuit, utrūm, quoniā ex matrimonio adfinitas proficiscebatur, etiā antē sponsorum copulam adfinitatis contracta intelligeretur? Et sanè nemo dicere audebat, antē sponsorum copulam adfinitatis vinculum intercessisse: fatebantur tamē plerique, vinculum jam quoddam inesse adfinitate minus, quod adpellaverunt publicam honestatem, derivato vocabulo ex lege 42. ff. de ritu nuptiarum, quam, licet aliō pertinentem, ad rem suam ingeniosē traxerunt. Hinc plausu exceptā, ut mos erat tunc temporis, novā hac doctrinā, mirum est, quām citō communi omnium consensione, imdō & contentionē quadam, collectis etiā hinc illinc canonibus, eadem probaretur; non quidē ut talia adferri possent Patrum monumenta, queis res illa oppidō dirimeretur, sed queis argumentatione ducta non nihil adferri ad novam disciplinam probandam videretur. Inter cetera nihil utilius erat, quām in medium edere illa Patrum testimonia, quibus interdicta propinquorum connubia proponebantur: ut enim Sancti Patres inter propinquos matrimonia interdicta dixerant; propinquos autē etiā illos adpellaverant, qui adfinitate, sive initii conjugii causā conjuncti essent; demūnū conjugium vocaverant nondūm secutā copulā; hinc videbantur conjugia dixisse interdicta etiā ex ea propinquitate, quæ adfinitatem præcesserat, per matrimonium, ut ajunt, tantummodo ratum. Exemplo matrimonii rati similis etiā honestas visa fuit in Spon-

salibus adparete, cum in Sponsalibus quædam jam propinquitatis imago agnoscat. Hæc porrò eō me adducunt, ut facilē demonstrem, quomodo tribui Gregorio potuerit apud Gratianum canon 14. caus. 27. quæst. 2. Is sanè canon, prout apud Gratianum jacet, Gregorii esse non potest, sed alicujus scholastici viri, qui Gratiano contemporaneus fuit, quique, quod de publicæ honestatis impedimento docebat, ex sententiis Gregorii confirmandum curabat. Jam Gregorii Magni nomine vulgatum erat, neminem posse de prædefunctæ uxoris consanguinitate conjugem ducre, aut neminem posse de prædefuncti viri consanguinitate marito nubere, argumento canonis 1. caus. 35. quæst. 2., & canonis 3. caus. 35. quæst. 5. Quid itaq; prohibebat scholasticum virum, duodecimo saeculo scribentem, quomodo publicæ honestatis impedimentum Gregorio quoquo modo tribueret, aut sententias suas, quasi ex intima Gregorii doctrina eductas, Gregorio eidem adscriberet? Sic ex codicibus sui temporis deceptus est Gratianus, non dubitans hujusmodi monumenta sub ipso Gregorii nomine palam facere.

Jam diū observaverunt Romani Cor. rectores, canonem 2. caus. 28. quæst. 2. excerptum fuisse non ex Gregorii monumentis, sed potius ex commentariis Ambrosio tributis in caput 7. l. ad Corinthios. Nūm hæc commentaria jure Ambrosio adscripta fuerint, suo in loco investigabitur. Tantū heic dixero, nonnulla esse ex eisdem commentariis in Gratianeo canone cinendanda. Ait Auctor commentariorum: *Quod si infidelis discedit, discedat. Propositum religionis custodit, præcipiendo, ne Christiani relinquunt conjugia; sed si infidelis odio Dei discedit, fidelis non erit reus dissoluti matrimonii: major enim causa Dei est, quām matrimonii; non est enim frater, aut soror servituti subjectus in hujusmodi. Hoc est, non debetur reverentia conjugii ei, qui horret auctorem conjugii. Non enim ratum est matrimonium, quod sine Dei devotione est, ac per hoc non est pecca-*

tum ei, qui dimittitur propter Deum, si aliū se iuxerit. Contumelia enim Creatoris solvit ius matrimonii circa eum, qui relinquitur, ne accusetur alii copulatus. Infidelis autem discedens & in Deum, & in matrimonium peccare dignoscitur, quia noluit sub Dei devotione habere conjugium. Itaque non est ei fides servanda conjugii, qui ideo recessit, ne audiret auctorem esse Christianorum Deum conjugii.

*Quod Gregorio tribuitur in can. 2.2.
caus. 32. c. 32. quæst. 7. non solum inter ipsa
9. 7. Gregorii monumenta desideratur, sed etiā parūm convenit Gregorii ejusdem temporibus. In hoc canone videatur finis impositus diuturnæ disputationi, quæ usquè in recentiorem ætatem Latinos, ac Græcos Antistites exagavit. Quæstio tota versatur in interpretatione verborum Evangelii Matthæi cap. 5. vers. 32. ibi: *Omnis, qui dimiserit uxorem suam, exceptâ causâ fornicationis, facit eam mæchari; &, qui dimissam duxerit, adulterat.* Anceps hujus sententiae interpretatio occasionem dedit dissidii inter Orientalem, atque Occidentalem Ecclesiam, Orientalibus asserentibus per adulterium conjugis dissolvi ex parte insontis matrimonii vinculum; contrà verò Latinis sentientibus, fieri quidèm per adulterium conjugis divortio locum, manente tamè in perpetuum vinculo matrimonii. Meum non est, hoc in loco argumenta discutere, quæ hinc illinc proferri potuerunt. Tantùm dixero, hanc concertationem demùm fuisse compositam in Concilio Tridentino, ubi in hac materie utrinque disputatum acerrimè fuit, etiā ita, ut adhuc dubium superesse possit, utrum hodiè Græci Latinis omnino consentiant. Paratus quidèm erat in Concilio Tridentino canon, uti refert Pallavicinus in historia lib. 22. cap. 4., quo Græcorum opinio damnaretur; verùm Oratores Veneti proposuerunt, prudentè, atque ex singulariœconomia eundem canonem temperandum fuisse, ne fortassè Græci, illi præsertim, qui degebant in Provinciis, Insulisve, Venetæ Reipublicæ obnoxii, exasperarentur, & perpetuò à Romana*

Ecclesia desciscerent. Mitior propterea fuit Tridentini Concilii sanctio his verbis expressa: *Si quis dixerit, Ecclesiam errare, cum docuit, & docet juxta evangeliæ, & apostolicam doctrinam, propter adulterium alterius conjugum matrimonii vinculum non posse dissolvi.... anathema sit.* Si hæc vera sunt, quis dixerit, jam à Gregorio Magno hujusmodi controversiam fuisse finitam, ab eo præsertim Pontifice, qui diù inter Græcos vixerat, & Græcis eisdem fuerat addicissimus? Quid plura? etiā in Occidente, quum bellorum Longobardicorum causâ variæ permixtæ gentes essent, hac in re variæ editæ sunt Constitutiones, alia aliis adversantes. Unum proferam exemplum ex collectione canonum Isaac Lingonensis, qui ex Capitularibus Francorum plura in codicem suum transduxit. Itaque in tit. 3. cap. 1. ita exhibit definitum in libro 5. Capitularium cap. 21. *Siquis homo, habens mulierem legitimam, si frater ejus adulteraverit cum ea, ille frater, vel illa fæmina, qui adulterium perpetraverunt, interim quod vivunt, nullum habeant amplius conjugium; ille verò, cuius uxor fuit, si vult, potestatem habet accipere uoxrem aliam.* At verò in eadem collectione tit. 3. can. ult. ex libro 7. Capitularium cap. 382. hæc in contrarium definita proponuntur: *Si cuius uxor adulterium perpetravit, & hoc à viro deprehensum fuit, & publicatum, dimittat uxorem, si voluerit, propter fornicationem: illa verò publicè agat penitentiam: vir verò ejus, illa vivente, nullatenus habeat licentiam aliam uoxrem ducere.* In tanta Constitutionum ecclesiasticarum varietate non possum facile arbitrari, jam quæstionem istam definitam fuisse à Gregorio magno, quemadmodùm indicat memoratus canon 22. Itaque potius idem canon referendus erit ad singulare Synodi cujuspiam statuta, & quidèm in Occidente edita, propria ibidem Latinorum sententia, quæ demùm totius Ecclesiæ decreto in Concilio Tridentino confirmata fuit. Fortè erit ea Synodus Latinorum quorundam in Provincia Græcis contermina, in qua

sanctio hujusmodi magis opportuna videbatur, ne forte quis ex Latinis faciliter Græcorum consuetudine, aut necessitudine in eorumdem opinionem distraheretur. Huc sanè referri posset Concilium Forojuiliense, à Paulino Aquileensi anno 791. celebratum, ubi hæc leguntur in canone 10., quæ plurimùm consonant cum canone Gratiani: *Placuit, ut, resoluto fornicationis causâ jugalivinculo, non liceat viro, quamdiu adulterata vivit, aliam uxorem ducere, licet illa sit adultera; sed nec adultera, quæ pœnas gravissimas, vel pénitentie tormentum luere debet, alium accipere virum, nec vivente, nec mortuo, quem non erubuit fraudare, marito.*

Can. 2. mine canonem 2. dist. 6. de pœn., aut dist. 6. verba Capitularium Francorum in eam sententiam detorsit, quam erat traditurus, aut aliquot Conciliorum canones paulò disertiū voluit explicare. In Capitularibus Francorum lib. 6. cap. 315., & in lib. 7. cap. 201. Baluzianæ editio- nis hæc leguntur: *ut Sacerdos, vel Levita, si de se crimen aliquod confitetur, deponatur;* quæ verba significant, in Sacerdotii dignitate, vel ministerio Levitarum non alios potuisse consistere, nisi qui penes populum innoxii haberentur, ac propterea deponendum statim fuisse eum, qui publicè de se crimen aliquod confessus fuisset. Huc sanè si referendus esset Gratianus canon, jure optimo diceretur sententiā Capitularium abusus auctor. Ast si quis verosimilius forte dixerit, eumdem canonis auctorem disertiū explicavisse aliquot Synodorum canones, statim ad hanc rem laudare posset canonem 8. Concilii Duziacensis II. in Rhemensi Provincia anno 874. celebrati, in quo hæc habentur. *Omnes tamen clerici, quam laici, vel famina, confitentes secretâ confessione Sacerdotibus peccata sua, & ea digne pénitentia satisfactione deslentes, nequaquam sunt prodendi; & peccata eorum nulli à Sacerdote quacunque sunt significatione manifestanda, nisi soli Domino in secreta oratione.* Huc etiā referri potest canon ultimus Con-

ciliī Rothomagensis anni 1074., ubi, postquam nonnulla salubritè cauta sunt de Sacerdotibus, peccata populi per secretam confessionem excipientibus, ita subjicitur: *Sic tamen, ut jure confessionis secreto peccantis persona nulli detegatur.* Hæ porrò, similesve sententiæ paulò aliter ab auctore memorati canonis describi potuerunt, forte autem Gregorio tribui, quia sub Gregorio VII. nuper laudatum Rothomagense Concilium celebratum est. Porrò ex his Conciliis constat, usquæ ad saeculum XI. nullam singularem fuisse præstitutam pœnam adversus Sacerdotes illos, qui peccata contentum panderent. Fiebat tunc locus pœnæ extrâ ordinem, nimis arbitrio Antistitis, indicenda. At, postquam apud Gratianum editus canon est, in quo pœna depositionis, ac perpetua peregrinationis definita est, in recentioribus Conciliis passim idipsum confirmari cœpit, quemadmodum liquet ex Concilio Exoniensi in Anglia anni 1287. cap. 5., item ex Concilio Lamethensi etiā in Anglia sub Archiepiscopatu Cantuariensi anni 1330., ubi in canone 3., dum mentio fit Sacerdotis, qui delicta contentis prodiderat, subditur: *sine spe reconciliationis non immerit debet degradari.* Non omittam etiā hoc in loco animavertere, quædam haberet apud Gregorium Magnum, ex quibus aperte deducitur vetustissima ecclesiastica disciplina de secreta peccatorum confessione; etenim idem Sanctus Pontifex in lib. 13. Moralium c. 3. de occultis delictis sermonem habens, inquit: *honore tegminis velantur.*

Gratianis temporibus quotiescumque aliqua de consanguinitate, & adfinitate definiebantur, aut scribabantur, id totum sub nomine Gregorii vel junioris, aut sub nomine Zacharie Pontificum edebatur. Hujus rei ratio ex eo proficiscebatur, quod vulgo Gregorio Magno adscriberetur epistola ad Felicem Messanensem Episcopum, licet hanc Viri erudit tamquam apocrypham rejecerint, atque in eadem nonnulli de consanguinitatis, & adfinitatis custodiens

Can. 3.
caus. 35.
4. 5.

dæ legibus explicitur; item similia legantur in epistola Gregorii ad sextam interrogationem Augustini Anglorum; præterea etiam similia in epistola Gregorii II. ad Bonifacium Episcopum; tandem similia apud Zachariam, sive in epistola ad Pippinum, necnon Episcopos, & Abbates, & Proceres Galliarum cap. 22., sive in Concilio Romano anni 743. can. 6. Hinc ipsamet, quæ posterioribus sæculis, præsertim undecimo, & duodecimo, fuerunt celebrata Concilia, ubi de consanguinitate, atque adsinitate non nihil statuendum erat, nihil antiquius habebant, quam ut suarum Constitutionum auctoritatem à Gregorio I., Gregorio II., & Zacharia repererent. Non moror diutiùs in referendis exemplis, cum passim obvia esse unicuique possint illorum temporum acta perlegenti. Quid mirum itaque esse potest, si Gratianus, aut quisquis alius Gratiano auctor extitit, duplex monumentum editurus in canone 3. & 4. caus. 35. quæst. 5. prius Gregorio tribuit, Zachariæ posterius, aut, ut Pithœus auguratur, utrumque Zachariæ? Non sanè ibidem aut Gregorii, aut Zachariæ Pontificis Constitutio exhibetur, sed recens Scriptorum sæculi undecimi, aut duodecimi traditio, quæ juxta mores illius ætatis ab auctore Gregorio, vel Zacharia repetebatur. Ut vero hæc certissima habeantur, subjiciam hic duo fragmenta Conciliorum sæculi undecimi, plurimum cum Gratianeo canone convenientia. In primis huc adferri potest Concilium Bituricense in Aquitania, anno 1031. celebratum, ubi, postquam de Gregorio, quasi de auctore tradite ibidem doctrinæ, mentio facta est, ita subjicitur in canone 18. *Ut nullus uxorem consanguinei, vel alicujus parentis sui in conjugium accipiat, quia vir, & uxor legitime conjuncti una caro sunt.* Huc deinde adferri potest Concilium Londoniense anni 1075., ubi ita legitur: *Ex decretis Gregorii majoris, nec non & junioris. Ut nullus de propria cognatione, vel uxoris defuncta, seu quam cognatus habuit, uxorem*

accipiat, quoad usque parentela ex alterutra parte ad septimum gradum perveniat. Quæcum plurimum consonent cum memoratis Gratianni canonibus, aliæ autem sub Gregorii nomine definita sint, non erit dubitandum, quominus etiam Gregorio similia tributa fuerint in laudato canone 3. apud Gratianum.

De canone 1. caus. 35. quæst. 9. Can. 1.
caus. 35.
q. 9. nihil est, quod in præsentia adjicendum sit; hic enim idem omnino est cum canone 12. caus. 25. quæst. 2., de quo jam superius actum est.

Jam noverunt omnes eruditæ Viri, canonem 4. caus. 35. quæst. 9. falsò Caus. 4.
q. 9. Gregorio Papæ fuisse tributum, qui potius tribuendus erat Nicolao I. in epistola ad Episcopos in regno Ludovici constitutos, quæ incipit *Gaudemus.* Quidam Theutgualdus, & Guntharius Episcopi sedibus suis dejecti fuerant ob plura eorumdem crimina, & quidem Apostolicâ auctoritate, quam primùm tanquam contumaces damnati, deinde verò tanquam Episcopatu prorsus indigni depositi. Frustrâ autem pro illis postmodum intercesserunt, quotquot eorumdem suscepserant patrocinium. Etenim Nicolaus Papa non aliter Ecclesiarum, de quibus agebatur, utilitatibus consultum iri putavit, quam si Episcopi illi damnationi perpetuae subjacerent. Intercedere præ ceteris apud Pontificem Maximum conati fuerant plures Antistites in Regno Ludovici consistentes, ad quos scripta est laudata epistola Nicolai I. Ibi Nicolaus, recensis Theutgaldi, & Guntharii sceleribus, ipsis indulgentiâ, aut veniam prorsus indignos declarat, & subjicit: *Cesset itaque vestra Fraternitatis jam nos super hoc pulsare solertia, & quod fieri non potest, tandem aliquando desinat.* Nam Sedis Apostolicae sententia tantum semper consilii moderatione concipiatur, tantum patientia (monet Antonius Augustinus in lib. 2. Dial. 19. de emend. Grat. legendum esse sapientia) maturitate decoquitur, tantumque postmodum deliberationis gravitate profertur, ut retractatione non egeat, nec immutari necessarium ducat, nisi form

forte sic prolata sit, ut retractari possit, vel immutanda secundum præmissæ tenorem conditionis existat. Animadversione sanè dignissima sunt postrema hæc Pontificis verba, quæ indicant, retractari posse Apostolicæ Sedis sententiam, si forte sic prolata sit, ut retractari possit, vel immutari. Nimirum hæc ita intelligenda sunt, quemadmodum facti species exigebat, de qua Nicolaus ipse sermonem instituerat, quod perspicuè indicant etià verba illa sequentia: secundum præmissæ tenorem conditionis. Porrò duplex erat prolata sententia in causa Episcoporum Theutgaldi, & Guntharii. Prior, quum ipsi auctoritate Pontifici vocati contumaces fuerunt, ac proinde velùt contumaces damnati, quin audiarentur. Posterior, quum eorumdem causa, ipsis comparentibus, ad finem perducta juxta Juris regulas fuit, & gravissimorum criminum rei agniti sunt. De hac quidem posteriore sententia scribit Nicolaus, aitque, eamdem retractari non posse, quæ dignoscetur matuiri consilii moderatione concepta, & summâ deliberationis gravitate prolata. At vero, ubi ageretur de priore sententia, quâ Summus Pontifex aliquem velùt contumacem damnabat, erat hæc hujusmodi, ut revocari deinde posset, quoties nimirum reus conventus contumaciam purgasset, & moram, tandemque Sedis Apostolicæ mandatis obediens adquiesceret. Si quis desideret, huc referre sententiam non absimilem Gregorii Magni, eam habebit in epistola ejusdem Sancti Pontificis ad Virgilium Episcopum Arelatensem, ubi sermo fit de privilegiis, Apostolicæ Sedis auctoritate concessis Arelatensi Monasterio, ac subjicitur, eam Apostolicæ Sedi reverentiam à fidelibus exhiberi, ut quæ ejus fuissent decreto disposita, nullius deinceps illicitæ usurpationis molestiâ quaterentur.

Canon 17. de consecr. dist. 1. jun
de cons. gendus omnino est cum canone præcedenti, sive 16., eamque ob rem tri-
buendus eidem auctori, nimirum illi,
qui composuit epistolam, Felici IV.

suppositam. Planè Ivo Carnotensis in parte 3. Decreti cap. 24. utrumque Gratianum fragmentum conjunxit, retulitque nomine ejusdem Felicis IV. En verba ipsa epistolæ Mercatoris, Felici Pontifici adscriptæ: *Solemnitates verò Dedicationum Ecclesiarum, & Sacerdotum per singulos annos solemniter sunt celebranda, ipso Domino exempla dante, qui ad festum Dedicationis Templi omnibus, id faciendo, dans formam, cum reliquis populis eamdem festivitatem celebratus venit, sicut scriptum est: facta sunt encanæ in Hierosolymis, & hyems erat: Et ambulabat Jesus in templo in portico Salomonis. Quid autem octo dierum sint encanæ celebranda, in libro Regum, peracta Dedicatione Templi, reperies. De Ecclesiarum verò consecratione, &c.* Heic subsequuntur, quæ legimus in canone 16. vers. de Ecclesiarum de cons. dist. 1. At vero, si queras, cur memorato canoni 17. inscriptum fuerit Gregorii nomen, ego dixerim illud irrepsisse fortassè è margine in textum. Siquidem contingere potuit, ut ad verba canonis 16. laudaretur in margine nomen Gregorii Papæ, quo indicaretur, similia nonnulla repertiri in epistola ad Felicem Messanensem, Gregorio adscripta, ibi: *De Dedicationum verò Ecclesiarum dubitatione, super qua inter cetera nos consuluitis, hoc vos ritè tenere debitis, quod nos ab Antecessoribus nostris traditum accepimus, id est, ut quoties tan de baptismō aliquorum, vel confirmatione, quam de Ecclesiarum consecratione dubitatio habetur, & nec scriptis, nec testibus ratio certa habetur, utrum baptizati, vel confirmati, sive Ecclesiæ consecratae sunt, ut baptizentur tales, ac confirmentur, atque Ecclesia canonice dedicentur, ne talis dubitatio ruina fidelibus fiat, quoniam non monstratur iteratum, quod non certis judiciis ostenditur ritè peractum.* Hæc sanè, quemadmodum plurimum conveniebant cum vers. de Ecclesiarum in canone 16., ita occasionem Glossographis præbere potuerunt, ut in margine Gregorii nomen adscriberent, indicaturi, similia apud Gregorium, sive in epistola Gregorio adscripta, contineri. At novum non est, Collectores ex im-

prudentia transduxisse marginalia aucto-
rum nomina in ipsam monumento-
rum descriptiones.

Can. 23. de cons. dist. 1. Denique nonnulla adhuc dicenda
supersunt de canone 23. de cons. dist.
1., qui Gregorii nomine laudatur. Ro-
mani Correctores testati sunt, se repe-
risse hujusmodi fragmentum in antiquo
codice Regesti in extremo, in scripto
quodam *de moribus, vita, & morte Aga-
piti Primi Pape*. Maurini Monachi soler-
tissimi Gregorianorum operum inves-
tigatores in tomo 2. sua editionis, pag.
mihi 1303. testantur, se in nullo ex
MSs. Codicibus haec reperisse, sed fi-
dem esse penes Correctores Romanos.
Ego crediderim, in his monumentis ni-
hil aliud contineri, quam additamen-
tum quoddam, à pio quodam viro fac-
tum operibus Magni Gregorii in libris
Dialogorum. Hujus rei conjectura mi-
hi duplex esse potest; in primis, quod
Gratianus relato Dialogorum libro sub
Gregorii nomine in canone 22. de cons.
dist. 1. statim sub Gregorii ejusdem no-
mine quaedam subjicit in canone 23. se-

quenti, quæ indicat se ex eisdem librīs
Dialogorum deprompsisse; deinde, quod
in Dialogis Gregorio adscriptis lib. 3.
cap. 3. aliqua legantur de Agapito Pa-
pa, quibus recentiore manu inverosi-
mire non est aliquot adjecta fuisse. Ce-
terum, quænam habenda sit hujusmo-
di Dialogorum auctoritas, jam satis su-
periùs suo in loco discutiendum fuit.
Unum addo, quod pertinet ad histori-
cam veritatem de Agapito Pontifice Ma-
ximo, ac de Anthimo. Anthimus vir,
haereticis adhærens, Episcopus primus
Trapezundarum, circa annum 530.
Constantinopolitanam dignitatem, ac
sedem invasit. Ejus improbitate pers-
pecta, Agapitus Pontifex Maximus eu-
dem sententiâ suâ depositus, atque in
eius vicem Mennam Virum sanctissi-
mum suffecit, accedente his omnibus
ritè gestis Justiniani Imperatoris au-
toritate, quemadmodum refertur in Con-
cilio Constantinopolitano sub Menna
anno 536., ac perspicuè deducitur ex
novella Constitutione 42. ejusdem Jus-
tiniani.

C A P U T L X .

De Bonifacio III.

Ex Concilio Romano, sub Bonifacio III. celebrato, unum fragmentum
superest apud Gratianum, videlicet.

(*Canon 8. dist. 79. ex Romano Pontificali depromptus.*)

QUICUMQUE ex Scriptoribus Eccle-
siasticis Bonifacii III. (tenuit is
Maximum Pontificatum anno
606.) gesta recensuerunt, in eo sine
discrimine consentiunt, celebratum ip-
sius auctoritate fuisse Romæ Concilium,
in quo nonnulla constituta fuerunt de
electione Romani Antistitis ritè pera-
genda, decretumque inter cetera, ut
nemo de successore eligendo cogitare
auderet, nisi post tertium diem à de-
functi Pontificis depositione, seu sepul-

turâ. Hujus tamè Synodi acta penitus
perierunt, uti animadvertisit Baronius
ad annum 606. num. 8. Fragmentum
Concilii extat in canone 7. dist. 79.,
quod ego arbitror depromptum ex aucto-
re libri Pontificalis, in quo ita legi-
tur in ejusdem Bonifacii vita: *Hic fecit*
*constitutum in Ecclesia B. Petri, in qua se-
derunt Episcopi septuaginta duo, Presbyteri
Romani triginta quatuor, Diaconi, & omnis
Clerus, sub anathemate, ut nullus, Pontifice
vivente, aut Episcopo civitatis sua, presumat*

loqui de successore, aut partes sibi facere, nisi tertio die depositionis ejas, adiuncto Clero, & filiis Ecclesie tunc electio fiat; & quem quisque voluerit, habebit (legunt alii & quem voluerunt, habeant) licentiam eligendi sibi Sacerdotem. Nùm hæc indubiam prorsus fidem faciant, cogitet qui noverit, quale quantumque sit Anastasii testimonium, si modo Anastasius auctor habendus est libri Pontificalis. Investigari vulgo solet, quænam esse ratio potuerit, cur in aliquot dies dilata fuerit, mortuo Episcopo, electio successoris. Non defuerunt, qui id concedendum fuisse dixerint luctui viduæ Ecclesiæ; at vereor, ne hujusmodi animadversio incomptam exhibeat & Episcoporum, & Ecclesiarum imaginem, qualis prodiit demùm de officina Mercatoris, apud quem, quæ de viro, & uxore obtinent, ad Episcopos, & Ecclesias sine ullo discrimine tradueta fuerunt. Potius alii asseruerunt, illud statutum fuisse, ut obviam iretur schismatibus, ac contentionibus valde frequentibus, quæ non tam post mortem Episcopi, aut Romani Pontificis, quam iis adhuc viventibus, & laborantibus in extremo, concitabantur, unde præproperè non nulli ad Episcopales nondum vacantes sedes contenderent. Mihi animum subit alia, & quidem meo judicio non contemnenda ratio in eligendis Romanis Antistitibus singularis, quæ ad eam inducendam disciplinam Bonifacium moverit. Nimirum temporibus Bonifacii III. jam diu obtinuerat, ut is in Pontificem Maximum eligeretur, qui apud Imperatorem, Constantinopoli degentem, Apocrysarii, sive Legati Apostolici munus obivisset, favente præser-tim Imperatoris gratiâ, quæ tunc plurimum in electione Pontificis Maximi valere poterat. Atque ipsa Apocrysarii dignitas erat in Ecclesia valde eximia, ad quam non nisi viri gravissimi, ac rerum agendarum prudentissimi evehebantur, qui propterea tunc ob egregias animi dotes, cum ob illustria in Eccle-

siam merita, accedente Imperiali benevolentia, viam ad Pontificatum Maximum sibi facile paratam intuebantur. Hac ratione ad Summum Pontificatum pridem concenderant Vigilius, Paschalis, Gregorius, Sabinianus, atque ipse met Bonifacius III., qui omnes primum Apocrysarii munere functi fuerant, deinde Maximum Pontificatum adepti. Noverat idem Bonifacius, id maximè ecclesiastica utilitati congruere, vel quod eâ ratione dignissimus successor Romanæ Cathedræ addiceretur, vel quod iudicem, qui Apocrysarii munere functi fuerant, rerum ecclesiasticarum statum apprimè callebant, in ea præcipue parte, quæ unionem Romanæ, Græcæque Ecclesiæ, rem profectò tunc temporis maximi momenti, spectabat; vel demum quod vir ut plurimum Imperatori acceptissimus eligeretur: intererat autem plurimum, Pontifices eligi Imperatori Constantinopolitano acceptissimos, quo ejusdem Imperantis animus ab ambitu Constantinopolitanorum Patriarcharum averteretur, atque in fovenda Romanæ Sedi jura inclinaretur. Revera idem Bonifacius III. decretum obtinuit ab Imperante Phoca, uti scribit auctor Pontificalis, quo Romanæ Sedi etiam suprà Constantinopolitanam Primatus adserebatur. Quamobrem Bonifaciussalubriter consultum Romanæ Ecclesiæ censuit, quoties definiret, non properè ad electionem successoris Pontificis veniendum esse, sed dies aliquot expetandos, quibus nimirum interea aut Imperator ipse, aut Apocrysarius, Constantinopoli degentes, certiores de morte Pontificis redderentur, atque ipsis etiam non nihil in electione successoris concederetur. Hæc animadversio fortè magis perspicua redderetur, quoties monumentum superesset actorum memoriati Romani Concilii. At, cum ejus acta perierint, nemo mihi probro vertet, si ex illius temporis adjunctis, conjecturis ceteroqui gravissimis paulisper indulserim.

C A P U T L X I .

De Bonifacio IV.

Bonifacio IV. nihil à Gratiano tributum videretur , nisi Romani Correctores animadvertisserent , quod nomine Bonifacii in subjecto canone legitur , alicubi adscriptum haberí eidem Pontifici.

} Canon 25. caus. 16. quest. 1. apocryphus , & varius in diversis exemplaribus.

A B anno 607. usquè ad annum 615. Romanæ Ecclesiæ præfuit Bonifacius IV., qui Bonifacio III. succedit. Ab auctore libri Pontificalis traditur, templum , quod appellabatur Pantheon, olim dicatum Jovi Vindici, ejusdem Pontificis auctoritate vero Deo consecratum fuisse sub titulo B. Mariæ, & omnium Christi Martyrum. Itēm traditur, Bonifacium domum suam in monasterium erexit. An verò jure optimo illi tribuantur , quæ legimus sub ipsius nomine in canone 25. caus. 16. quest. 1. non ausim adfirmare. Ad hoc monumentum ita scribit Vvanespen in Brevi Comentario in Gratianum : *Vulgare , & famosum decretum , sub nomine Bonifacii Papa relatum canone 25. hodie ut apocryphum passim rejicitur.* Fateor quidēm , à Bonifacio celebratum fuisse Concilium Romæ , postulante præsentim Mellito Londinensi Episcopo , qui , postquam extrā urbis

Londinensis mœnia monasterium construxisset, Romam petiit à Pontifice Maximo Monachorum regendorum regulas accepturus. Fateor insupèr , ab eodem Pontifice quasdam in ipsa Synodo monasticas regulas præstitutas , quemadmodū testatur Beda in lib. 2. historiae ecclesiastice gentis Anglorum cap. 4. , & Henricus Huntindoniensis lib. 3. historiae Anglorum. Verūm , an hæ monasticæ regulæ in memorato Gratiani monumento contineantur , plurimū ipse dubitaverim. Qui Concilii decretum edidit Gratianeo canoni consonum , fuit Holstenius , eidemque subjecit epistolam ipsius Concilii Bonifaciani ad Athelbertum Regem Anglorum. Philipus Labbeus & ipse simile decretum edidit sub nomine Concilii Bonifaciani , quæ duo exemplaria cum inter se non nihil differant , imò & utraque differant ab exemplari Gratianeo , heic describam.

Ex editione Holsteniana.

Sunt nonnulli , fulti nullo dogmate , audacissimè quidēm , zelo magis amaritudinis , quam dilectione , inflammati , asserentes Monachos , quia mundo mortui sunt , & Deo vivunt , sacerdotalis officii potentiam indignos , neque pœnitentiam , neque Christianitatem largiri , neque absolvere posse per sacerdotali officio divinitus injunctam potestatem ; sed omnino labuntur . Näm , si ex hac causa veteres æmuli vera prædicarent , Apostolica sedis Beatissimus Gregorius

Ex editione Labbeana.

Sunt nonnulli stulti dogmatis , magis zelo amaritudinis , quam dilectionis , inflammati , asserentes Monachos , quia mundo mortui sunt , & Deo vivunt , sacerdotali officio indignos , neque pœnitentiam , aut Christianitatem , seu absolutionem largiri posse per sacerdotalis officii injunctam gratiam , sed omnino falluntur. Näm si ex hac causa veteres æmuli vera prædicarent , Apostolicae Sedis

rius monastico cultu pollens ad summum nullatenus apicem concenderet. Quoniam quidem hac ostiatim fungendi, ligandi, solvendique potestas a Deo summa conceditur; Augustinus quoque ejusdem sanctissimi Gregorii discipulus Anglorum prædicator egregius, ac Pannomensis Martinus Beatissimus, cuius sanctitatis fama longe latèque diffusa totus personat mundus; alii quoque jam plurimi sanctissimi, preciosissimo Monachorum habitu fulgentes, nequaquam annulo Pontificali subarrarentur, si, quia Monachi fuerunt, prædictis uti prohiberentur. Neque enim Benedictus Monachorum Præceptor almificus hujuscemodi rei aliquo modo fuit interdictor; sed eos secularium negotiorum edixit expertes fore solummodo. Quod quidem Apostolicis documentis, & omnium sanctorum Patrum institutis, non solum Monachis, verum etiam Canonicis maximopere imperatur. Nemo enim militans Deo implicat se negotiis secularibus. Utrisque etiam prefatorum Patrum exemplis perspicacibus circumquaque, ut mundo mortui sint, evidentissimâ ratione precipitum. Tantorum igitur Patrum instituti exemplis, quibus periculosissimum est refragari, credimus a Sacerdotibus Monachis ligandi solvendique officium Deo imperante hande indignè administrari, si eos dignè contigerit ad hoc ministerium sublimari. Quod incunctanter affirmat, quisquis statum Monachorum, & habitum, potentatumque evidenter considerat. Verbi gratiâ: Angelus græce, latinè nuntius dicitur. Sacerdotes igitur Monachi, atque Canonici, qui quotidie sancta Dei precepta annunciant, Angeli vocantur, ratione non incongrua. Sed unusquisque Angelicus ordo quantum claritatem Dei vicinius contemplatur, tanto dignitate sublimior affirmatur. Nam, uti Cherubim, Monachi sex alas velantur. Due quidem in capitulo, quo caput tegitur, verisimilibus demonstrantur assertionibus. Illud vero tunica, quod brachii extendit, alas duas esse dicimus; & illud tandem, quo conditur corpus, sex alarum numerum certissime implere assertur. Decertantes igitur Monachicæ professionis Presbyteros sacerdotalis potentiae arcere officio, omnimodo præcipimus, ut ab hujuscemodi nefandis ausibus in posterum reprimantur, quia quanto quisque celsior, tanto potentior.

dis compar Beatus Gregorius monastico pollens cultu ad summum apicem nullatenus concenderit, cui solvendi, ligandique potestas concessa est. Augustinus quoque ejusdem sanctissimi Gregorii discipulus, Anglorum prædicator egregius, & Pannoniensis Martinus, aliique quamplurimi viri sanctissimi præciosorum Monachorum habitu fulgentes nequaquam anno Pontificali subtraherentur. Neque enim Benedictus Monachorum præceptor hujus rei aliquo modo fuit interdictor, sed eos secularium negotiorum dixit expertes esse debere; quod quidem Apostolicis documentis, & Sanctorum Patrum institutis non solum universis, verum etiam Canonicis summoperè imperatur. Utrisque enim perspicacibus Sanctorum Patrum exemplis, ut mundo mortui sint, præcipitur. Credimus igitur, à Sacerdotibus Monachis ligandi, solvendique officium dignè administrari, si tamè dignè contigerit eos hoc ministerio sublimari. Quod evidentè affirmat, quisquis statum Monachorum, & habitum considerat. Angelus enim græce, latinè nuntius dicitur. Sacerdotes igitur Monachi, atque Canonici, qui Dei præcepta annunciant, Angeli vocantur; sed unusquisque Angelicus ordo, quantum vicinius Dominum contemplatur, tanto sublimius dignitate firmatur. Numquid non ut Cherubim Monachi sex alas velantur: duæ in capitulo, quo caput tegitur veris demonstrantur assertionibus. Illud vero, quod brachiis extundit, duas alas esse dicimus, & illud, quo corpus conditur, alias duas. Sic sex alarum numerus certissime conficitur. Decertantes igitur contrà Monachos in hac sacerdotalis potentiae arcere officio præcipimus, ut ab hujuscemodi nefandis ausibus in posterum reprimantur, quia quanto quisque excelsior, tanto potentior.

Si penitus, ut fieri decet, consideraveris hujus decreti sententiam, facile agnosces, parum convenire Romano Concilio Bonifacii, & quidem Concilio saeculi septimi, praesertim si his adjunges epistolam Bonifacii ad Athelbertum Regem Anglorum, eidem decreto adiectam, cujus formula longe diversa est a formulis Pontificiarum Epistolarum illius etatis. Præterea, si conferamus ea, quæ de hoc Concilio memorat Beda, superius laudatus, cum hoc monumento, quod unum acta Concilii format, etiam constabit diversas fuisse sanctiones Concilii ab hoc decreto; etenim Concilium, ut ait Beda, de vita Monachorum, ac quiete nonnulla, instantे Mellito Londoniensi, ordinavit, at in hocce decreto nihil habetur, quod eo pertineat: tantum definitur gravissima illa controversia, quæ demum saeculo undecimo exarsit inter Monachos, & Clericos, contendentibus Monachis ad administrationem Sacramentorum instar Clericorum. Hinc eo facilius ad acta recentioris alicujus Concilii jure hunc ipsum canonem referemus. Neque fallor: Siquidem eadem omnino verba leguntur in canone 2. Concilii Nemausensis, celebrati anno 1096., atque consonant cum exemplari Labbeano, superius descripto, sequentibus tantummodo verbis in aliorum, que corrupta videntur, vicem substitutis: *Sunt nonnulli... monachos, qui mundo.... seu absolutionem.... B. Gregorius monachico habitu pollens.... consenseret.... præcioso Monachorum habitu.... annulo Pontificali subarharentur.... Praceptor sanctissimus hujus rei.... non solum Monachis, verum Canonicis summopere imperatur.... ligandi, solvendique potestatem dignè administrari.... contemplatur, tanto sublimius dignitate firmatur.... quo corpus tegitur, alas duas, &c.* Ego sanè in conspectu hujus canonis non possum mihi persuadere, jam illum ipsum canonem Nemausensem totidem verbis fuisse editum in Concilio Romano Bonifacii; qui si editus fuisset apud Bonifacium, dum renovandus erat apud Nemausenses Antistites, aut

Bonifacii Papæ, aut Concilii Bonifaciani nomen inter ipsa Nemausensis Concilii acta præsetulisset, cum recentiorum Conciliorum Patres illud sempèr honoris tribuerint vetustioribus, ut vetustiorum honestissimam mentionem facerent, quoties illorum monumenta aut confirmarent, aut etiam restaurarent. His demum adjicere possum, collectores vetustos hujus canonis nullam mentionem facere; quæ facta primùm est apud Ivonem Nemausensis Concilii temporibus scribebentem, qui tamè in parte 7. Decreti cap. 22. nonnulla exhibit non nihil dissimilia ceteris exemplaribus. Consonant verba Ivonis cum exemplari Labbeano, superius exhibito, his exceptis: *Non ullo fulti dogmate, audacissime quidam magis zelo.... asserunt Monachos.... neque christianitatem largiri, neque absolvere posse.... sed omnino labuntur.... ad summum nullatenus apicem concenderet, cui quidem ostiatim fungendi, ligandi, solvendique officio potestas summa conceditur.... Pontificali subarharentur, sed quia Monachi fuerunt, prædictis uti perhibentur. Neque enim Benedictus Monachorum Praceptor hujuscemodi rei.... expertes fore solummodo, quod quidem.... & omnium Sanctorum Patrum.... non solum Monachis, verum etiam Canonicis maximopere imperatur. Utrisque enim prefatorum Patrum exemplis perspicacibus circumquamque ut mundo mortui sint, evidentissimâ ratione precipitur. Tantorum ergo Patrum institutis, & exemplis periculosum est refragari. Credimus ergo, a Sacerdotibus Monachis ligandi, solvendique potestatem atque officium, Deo operante, haud indignè administrari, si eos dignè contigerit ad hoc ministerium sublimari. Quod incunctanter, & evidenter adsermat, quisquis statum Monachorum, & habitum, potentatunque evidenter considerat. Verbi gratiâ, Angelus græcè.... qui quotidie sancta Dei precepta annunciant, Angelii vocantur, ratione non incongrua. Sed unusquisque Angelicus Ordo quantò claritatem Dei vicinius contemplatur, tanto dignitate sublimior affirmatur. Nam, uti Cherubin, Monachi sex alis velantur. Due quidem in capitulo, quo caput tegitur, verisimilibus demonstrantur assertionibus. Illud vero*

tunica, quod brachii extenditur, alas duas esse dicimus; & illud tandem, quo conditur corpus, sex alarum numerum certissimè implere asseritur. Decertantes igitur monachicæ professionis presbyteros sacerdotalis potentia arce-re officio omnino modò precipimus, ut ab hujusmodi nefandis ausibus reprimantur in posterum, quia quanto quisque celsior, tanto potentior. Constat igitur, monumentum hujusmodi in primis non tutò adseri posse Bonifacio IV. velut auctori, aut Concilio

Romano sub eodem Pontifice celebrato, sed potius Nemausensi Concilio; cuius tamè exemplaria non omnino invicem consonant. Imò ex eorumdem exemplarum collatione nondùm satis, meo iudicio, constare potest, utrum eo canone direpta sit disputatio, nùm Monachis liceat Sacra menta populo ministrare; an potius altera, an è monasteriis vocari ad regendas Ecclesias possint, qui sint Sacra menta populo administraturi.

CAPUT LXII.

De Deusdedit.

Nomine Deusdedit Papæ duo sunt apùd Gratianum fragmenta.

{ Can. I. caus. 30. quest. 1. apocryphus, & paulò varius in diversis exemplaribus.
Can. 3. caus. 30. quest. 3. referendus ad canonem I. caus. 30. quest. 1.

Deuusdedit, Vir & doctrina, & pietate insignis, Sedem Apostolicam tenuit ab anno 614. usquè ad annum 617. Quæ verò hujus Pontificis nomine à Gratiano referuntur, opus dicenda sunt insignis cujuspiam, ac recentioris deceptoris, sub illustri titulo posteritati illudenter tis. Huc pertinet in primis conon 1. caus. 30. quest. 1. laudatus ex epistola Deusdedit ad Gordianum Hispalensem Episcopum. Epistolam ipsam primùm integrum referam, non tamen ut exinde suppletantur, quæ omissa sunt apùd Gratianum, quæ ut magis magisque liqueat, quod deinceps subjiciam; videlicet monumentum hoc tanto Pontifice indignum penitus esse, nec propterea eidem, nisi per gravissimam injuriam tribuendum. His verbis epistola exhibitur: Deusdedit, Sanctæ Romana, & Apostolice Ecclesie Episcopus, Gordiano Hispalensis Ecclesia Coepiscopo, & Fratri dilectissimo. Pervenit ad Nos Diaconus vester, vestra sanctitatis epistolam ferens, quod quidam viri, etiam ac mulieres praterito sabbato, paschali die, præ (legunt alii pro) magno populorum incursu,

nescientes proprios suos filios suscepissent ex lacro sancto. Cupis ergò scire, si pro tali accidente ratione debeant viri, & mulieres ad suum proprium redire usum, an non. Nos verò mœsti in hac re (legunt alii: Nos enim ex hoc mœsti) inquisivimus priorum Patrum nostrorum dicta. Invenimus autem in archivis hujus Apostolice Sedis, jam talia contigisse in Ecclesia Isauria (alii legunt Ecclesia Isauria) & Ephesiorum, simùlque Hierosolymæ, & etiam aliarum Civitatum. Episcopis etiam earum Civitatum ab hac Apostolica Sede volentibus scire, si (legunt alii utrum) viri, & mulieres redirent ad proprium torum, beatae memorie Santissimi Patres Julius, Innocentius, & Cœlestinus cum Episcoporum plurimorum, & Sacerdotum conventu (legunt alii consensu) in Ecclesia B. Apostolorum Principis prohibentes talia perscripserunt, & confirmaverunt, ut nullo modo jam in conjugio se recipere mulieres, aut viri, qui quacumque ratione suos suscepserunt natos, sed separarent se, ne suadente diabolo tale vitium peccati inolecat (legunt alii: jam se in conjugium recipere mulieres, aut viri, quicunque aliquà ratione suscepserunt natos proprios, sed separarent se, ne suadente

diabolo tale vitium innotescat) per mundum, & universorum error accrescat. Scitis, quia, quomodo sunt septem dona Spiritus Sancti, ita sunt septem dona baptismi à primo pabulo sacrati salis, & ingressu sancte Ecclesie usquè ad confirmationem Spiritus Sancti per chrisma. Ab hoc primo Spiritus Sancti dono usquè ad septimum nullus Christianus suam commatrem in conjugium suspicere debet; & , qui præsumperit anathematis vinculo religetur in perpetuum, nisi pænitentiam egerit dignè. Mulieres verò, cum separata fuerint pro hac illicita re à propria viris, totam precipimus recipere dotem, quam in die nuptiali recepit, & post expletum annūm recipiant alium virum; similiter & vir uxorem. Integra hæc epistola est Deusdedit Pontifici tributa, quam nemo non statim ab illo abjudicandam putabit. Fictitious in primis est Gordianus ille Episcopus Hispalensis, ad quem directa epistola fertur; etenim scimus ex inscriptionibus Synodi Toletanæ anni 610. tunc præfuisse Hispalensi Ecclesiae Isidorum, quem adhuc rexisse eamdem Ecclesiam anno 619. scimus ex Concilio Hispalensi ejusdem anni. Quà itaq; ratione contingere potuit, ut tempore Deusdedit Gordianus Hispalensis Episcopus diceretur, nisi dicere velimus & Gordianum, & Isidorum eodem tempore Hispalensem Ecclesiam tenuisse? Inverso simile etiā videtur, quod ibidem referatur, Parentes magno populi concursu ita præpeditos fuisse, ut ignorantes suscepissent filios suos in administratione baptismatis. Quòd verò exindè mestum se Deusdedit adpellaverit, & sollicitè ad quæstionem dirimendam veterum Patrum investigaverit monumenta; imò & repererit ad eam rem sanctiones Julii, Innocentii, & Cœlestini Pontificum; non facilè mihi persuadere possum, cum non ageretur de re tanti momenti, quæ adeò turbaret virum gravissimum, præsertim cum demonstrari non possint memoriarum Pontificum constituta, quæ causam dedisse feruntur rescripto Deusdedit, quod adeò difforme ab æquitate agnovit Alexander III., ut adversus illud

sententiam proferre non dubitaverit in cap. 2. de cognatione spirituali. Quis præterea percipiet verba illa : *Scitis, quia quomodo, &c.* usquè ad illa *suscipere debet*, nisi à recta ratione abhorrentem sententiam Pontifici affingat? Dicitur ibidem, septem esse dona Sancti Spiritus, à primis baptismi ritibus in baptizandum infusa divinitùs, per quæ veluti per gradus spiritualis propinquitas ducta designatur. O rectam graduum computacionem! quâ fieret, ut duo in primo æquè, ac in septimo gradu jungerentur, nec major esset in uno, quàm in altero conjunctio; aut si major conjunctio apparet, ea esset in septimo potius, quàm in primo, contrà omnes regulas computationum. Tandem, quod perspicue à sententiis Deusdedit hoc monumentum alienum evincit, pertinet ad postremam epistolæ partem, quam utpotè perpetuæ, eidemque divinæ traditioni repugnantem Gratianus omittendam censuit. Aserit auctor epistolæ, viros, qui, quacumque de causa filios suos à baptismate suscepissent, ita separandos esse ab uxoribus, ut ipsi alias uxores ducere, & uxores aliis nubere maritis jure possint; quâ sententiâ nemo non agnoscit, sanctum illud vinculum violari, quod Deus ipse arctissimè inter conjuges colligavit.

Ad eumdem canonem 1. caus. 30.
quæst. 1. referendus erit canon 3. caus. Can. 3.
30. quæst. 3. Siquidem iste in primis q. 3. caus. 3.
Zacharie Pontifici adscriptus à Gratiano fuit, deindè Deusdedit. In hac igitur parte, quâ Deusdedit laudatur, non censuit Collector ipsi ita nomen Deusdedit adjicere, ut significaret eidem Pontifici tribuendum canonem fore, sed potius, ut indicaret de hac ipsa materie cognitionis spiritualis aliqua jam edita fuisse sub nomine Deusdedit, quæ sanè cum alia non sint, nisi quæ in prælaudato canone 1. exhibentur, facilè constat, quomodo recipienda hæc omnia sint, aut explicanda.

C A P U T L X I I I .

De Honorio.

Ex Decreto Honorii Papæ laudatur apùd Gratianum
subjectus hic canon.

¶ Canon 20. caus. 11. q. 3. Concilio Ravennatensi Joannis VIII.
adscribendus.

Frustrà de Honorio, suscepto que fab eo Ecclesiae Romanae regimine anno 626. verba facerem, cum fragmentum illud, seu canon 20. caus 11. quæst. 3., qui illius nomine laudatur, Honorii non sit, sed potius Concilii Ravennatensis, sub Joanne VIII. celebrati anno 877. Primus ex Collectoribus inscriptionem monumenti corrupit Burchardus, qui in lib. 11. Decreti cap. 48. & 49. recensuit canones 9. & 10. Concilii Ravennatensis, sed canonem 9. adscripsit Gelasio, & canonem 10. Honorio. Nemo autem ignorat, quam familiare Burchardo fuerit auctorum nomina immutare. Ivo Carnotensis bis in suo Decreto eundem canonem retulit; nimis in cap. 65. partis 14., & quidem sub nomine Joannis VIII. in Concilio Ravennatensi, & rursus in cap. 113. ejusdem partis 14. sub nomine Honori Papæ, Burchardi editionem sine dubio sequutus. En, quam tandem ratione deceptus Gratianus fuerit, qui non ex autographis, sed ex Collectoribus fragmentorum canones in suum Codicem derivabat. Itaque in Concilio Ravennatensi, ad quod universi Italæ Episcopi abs Joanne VIII. acciti fuerant,

ità legitur in can. 10: *Cure sit omnibus Episcopis excommunicatorum nomina tam vicinis Episcopis, quam suis Parochiis pariter indicare, eaque in celebri loco posita pre foribus Ecclesia curitis convenientibus inculcare: quatenus in utraque diligentia & excommunicatis Ecclesiasticus aditus excludatur, & excusationis causa omnibus auferatur. Si quis sanè venerabilium Episcoporum, vel Sacerdotum in hac re districtissime non vigilaverit, & in aliquo conniverit, quominus ecclesiasticae severitatis iunctio circa personas delinquentium conservetur, donec coram provinciali synodo satisfiat, à communione sciat se esse suspensus. Si vero post tertiam conventionem in sua negligentia manserit, canonico judicio subjecabit.* Ita supplere, atque emendare jubarbit Gratianum canonem, quem interpretari potissimum debebimus de excommunicatis illis, quorum mentio in eodem Concilio facta fuerat in canonibus præcedentibus, nimis illis, qui domos Dei violavissent, ecclesiasticis personis injuriam fecissent, sanctimoniale, sive quamcumque feminam in matrimonium, vel concubinatum rapuisse, homicidium, membrorum truncationem, domorum incendia, vel depredationes fecissent, aut his similia delicta admisisserint.

C A P U T L X I V .

De Martino.

Ad Martinum Pontificem pertinere videntur duo fragmenta
apud Gratianum.

Ex epist. ad Aman-
dum Episcopum
Trajectensem.
Ex Decreto.

Can. 12. dist. 50. ex integra epistola supplendus.

*Can. 22. de cons. dist. 4. pertinet ad Concilium Martini Braca-
rensis.*

HUC revocari non debent, quotquot monaumenta apud Gratianum legimus sub nomine Martini Papæ. Si quidem jam in priore hujus operis parte cap. 33. animadvertisimus, plurima Concilio Martini Papæ fuisse tributa, quæ non Martino Pontifici I., aut ejus Concilio Lateranensi adscribenda erant, sed potius Martino Bracarensi in collectione canonum, ab ipso elucubrata. Quæ Martini Romani Episcopi jure dicuntur, ad unum, aut alterum caput rediguntur. Maximum Pontificatum ipse tenuit ab anno 649. usquæ ad annum 654., quo idem fuit in Chersonesum relegatus, Eugenio in ejus vicem suffecto; obiit autem anno 655. Multa ipse perpessus fuit, quod Monothelitarum hæresim damnasset, nec Constantinopolitano Antistiti in eamdem hæresim propendenti communi- casset. Acta Lateranensis Concilii, tunc temporis celebrati, Sancti Pontificis in tuenda fide constantiam satis exhibent. Exhibit præterea ejus epistola ad Amandum Trajectensem in Belgio Episcopum, quem & de suborta Monothelitarum hæresi certiore fecit, & quomodo adversus recentes hæreticos ipse se gessit, coactoque Concilio illos damnavit. Imò etiā ad Amandum eumdem Concilii exemplaria misit, quod facilius Christi fideles in Belgio constituti ediscerent, quare Monothelitarum opinio execrabilis esset; ediscerent etiā germanam Ecclesiæ doctrinam. Ista scri-

bendi Martino occasionem dederat Amandus, qui epistolam ad Romanum Pontificem direxerat postulans, quid sibi agendum esset in causa Sacerdotum, ac Ministrorum, qui lapsi in turpia criminis à sacris se ministeriis arceri ægrè ferebant. Martini Papæ rescriptum, quod ad hanc rem attinet, legitur in canone *Can. 12. dist. 50.*, cuius verba ita supplere juvabit ex integra epistola, ibi: *Sugges-
tum est namque nobis, eo quod Presbyteri,
seu Diaconi, aliique sacerdotalis officiū, pōst
suas ordinationes in lapsu coquinantur, &
propterea nimio merore Fraternitatē tuā
adstringi, velleque pastorale obsequium pro
eorum inobedientia deponere, & in silen-
tio, atque otio vitam degere, quam in his,
que tibi commissa sunt, permanere, dicente
Domino: Beatus, qui perseveraverit usquæ in
finem. Unde namque beata perseverantia, nō
si de virtute patientiæ: quia secundum aposto-
licam prædicationem omnes, qui voluerint in
Christo pie vivere, persecutio patientur.* Ideoque, Frater charissime, non vos afflictio-
num amaritudo à pio mentis vestra proposito
coarctet recedere, considerans quanta pro abso-
lutione nostri, & liberatione Creator, Domini-
nusque noster pertulerit, quibusque se contu-
melius aficiendum tradiderit, ut nos à vincu-
lis potestatis diabolice liberaret. Propterea nul-
latenus in hujusmodi peccato delinquentibus ad
destructionem canonum compassionem exhibeas.
Nam, qui semel pōst suam ordinationem in
lapsum ceciderit, deinceps jam depositus erit,
nullumque gradum sacerdotiū poterit adipisci,

sed

sed sufficiat ei lamentationibus, fletibusque assiduis, quoquè advixerit, in eadem pœnitentia perdurare, ut commissum delictum divina gratia extinguere valeat. Si enim tales querimus ad sacros Ordines promovendos, quibus nulla ruga, nullumque vitæ contagium mentes, & corpora præpediat, quanto magis, si post ordinationem suam quispiam in lapsus ceciderit, & prævaricationis peccato reprehendatur obnoxius, omnino prohibendus est cum manibus luctantibus, atque pollutis mysteriū nostræ salutis tractare? Sitque hujusmodi semper juxta sacrorum canonum statuta in hac vita depositus, ut ab illo, qui mentis interiora scrutatur, nullamque de ovibus errare congauderet, dum adspexerit sinceram pœnitentiam ejus, in terribili judicio habeat reconciliatum, &c. Integrā hanc Martini sententiam describendam duxi, ut exinde perspicuè constaret, quod aliàs pluriès animadverti, nimirùm in dist. 50. Gratianum propositam de lapsis Sacerdotibus quæstionem non diremisse juxta germanam Sanctorum Patrum traditionem, veterumque Pontificum definitiones, sed potiùs variis distinctionibus, atque doctrinis, ut plurimùm ex apocryphis, incertis monumentis, hinc illinc depromptis, non diremisse jam, sed in obscurō collocase.

*Can. 22.
de cons.
dist. 4.* Ad Martinum I. Pontificem non sè pertinet canon 22. de cons. dist. 4., cuius hæc est inscriptio apùd Gratianum: *Item ex decreto Martini Papæ III. quemque nonnulli putant referendum ad Martinum Juniorem, qui Martinus*

III. dicitur, vixitque anno circiter 943. Illud tamèn monumentum frustrè inter sanctiones Martini aut I. aut III. repertus. Ego arbitror, potius adscribendum idem esse Martino Braccarensi; neque enim novum est apùd Gratianum, canones editos à Martino Braccarensi Antistite sub nomine Martini Papa laudari, quemadmodum constat abundè ex iis, quæ animadverti ad caput 33. partis 1. Ideò autem Gratianus scripsit ex decreto Martini Papa III., quia in Concilio Braccarensi III. à Martino Braccarensi celebrato anno 572. idem prope modum cautum legitur in can. 7. ibi: *Placuit, ut unusquisque Episcopus per Ecclesiás suas hoc præcipiat, ut hi, qui infantes suos ad baptismum offerunt, si quid voluntarie pro suo offerunt voto, suscipiantur ab eis; si vero per necessitatem paupertatis aliquid non habent, quod offerant, nullum illis pignus violenter tollatur à Clericis. Nam multi pauores, hoc timentes, filios suos à baptimate retrahunt. Quid si forte, dum differunt, sine gratia baptismi ab hac vita recesserint, necesse est, ut ab illis eorum perditio requiratur, quorum expolia pertimescentes à baptismo se gratiā retraxerunt. Posteriora hæc verba, quæ etiàm apùd Gratianum sub nomine Braccarensis Concilii leguntur in canone 103. caus. 1. quæst. 1., plurimùm consonant cum memorato canone 22., quem Gratianus ipse, aut quisquis alias Collector, de more paucis perstrinxit, & mutatis paulispèr verbis in Codicem transduxit.*

C A P U T L X V .

De Eugenio.

Sub nomine Eugenii Papæ plura memorantur apùd Gratianum fragmenta, quæ referenda erant ad Romanum Concilium, sub Eugenio II. celebratum anno 826., quemadmodum animadvertisendum fuit in cap. 52. prioris partis. Unum adhuc monumentum superest: nimirùm.

(*Can. 8. caus. 16. q. 1. consonat potius cum monumentis Eugenii III.*

HOC sanè fragmentum falsò tributum videtur Eugenio I. Francis-

cus Florens in suo tractatu ad causam 16. Gratiani illud ipsum tribuit Eugenio

nio II. Sed meo iudicio neque Eugenio II. adscribendum erit; quod facile ex eo constat, non solum quod inter Constitutiones aut Eugenii I., aut Eugenii II. non reperiatur, sed potissimum quod neutrius Papae temporibus conveniat; cum Eugenius I. vixerit circa an. 655., & Eugenius II. circa an. 824.: at verò, quæ in eo canone legimus, pertineant ad celebres illas Monachorum disputationes contendentium ad munera ecclesiastica exercenda; quæ sanè disputationes exarserunt duodecimo Ecclesiæ saeculo. Hinc ego potius hæc tribuenda censeo. Eugenio III. qui similia quædam rescripsit in epistola apud recentiores Collectores 86. ad Monachos Archiepiscopatus Narbonensis ibi: *Præterea, quoniam ad aures nostras perlatum est, quod quidam ex vobis parvulos solenniter baptizare, Laicis pœnitentias, & Eucharistiam contrâ sue professionis regulam dare presununt, presentium auctoritate omnimodis prohibemus, ne de cetero id attentare presumant. Alioquin nos eidem fratri nostro Archiepiscopo vestro (is erat Archiepiscopus Narbonensis) potestatem concessimus, ut in hujusmodi presumptores ecclesiastice severitatis censuram exerceat.* Et quidem circa eadem tempora plura hujusmodi decreta in medium prodierunt. Sic in Concilio Nemausensi anni 1096. can. 16. ita legitur: *Monachi nullo modo recipiant ad sepulturam, aut ad quodlibet divinum officium excommunicatos, aut raptore, aut interdictos.* Item in Concilio Pictavensi anno circiter 1078. can. 5. *Ut nullus Abbas, Monachus, vel quilibet alius pœnitentias injungat, nisi quibus proprius Episcopus hanc curam dederit.* Id ipsum ferè in Con-

cilio Romano anni 1123. sub Callisto II. can. 17. ibi: *Interdicimus Abbatibus, & Monachis publicas pœnitentias dare, & infirmos visitare, & ualiones facere, & Missas publicas cantare, &c.* Ex his, atque aliis monumentis, quæ in hanc ipsam rem adferri commodè possent, facile liquet, saeculo Ecclesiæ undecimo ac duodecimo coercitum fuisse nonnullorum Monachorum ambitum, qui ecclesiasticis obeundis officiis vehementissimè studebant. Et quoniā nonnulli his adjiebant alias sententias veterum Patrum, quibus tradebatur, Monachos solitudini incumbere debere, quemadmodum tradebat Basilius, Hieronymus, Isidorus Hispalensis, aliquique Patres, ut omittam Concilium Chalcedonense, Synodus Romanam sub Leone IV., aliasque quamplurimas; hinc fieri facile potuit, ut, qui Collectores ederent canonnes saeculo undecimo, aut duodecimo, plura illis adjicerent, quibus ex veterum Patrum sententia, ex ipso etiā Monachorum nomine, professione, atque institutionibus probaretur, Monachos non jure muneribus ecclesiasticis fungi. Id verò demonstrare ut facile fuit illis, qui adversus Monachos pugnabant, imò etiā variis collectis monumentis Patrum confirmare, ita proclive esse potuit Collectoribus non satis distinguenter fragmenta Patrum à disputationibus recentiorum, eadem disputationum acta quæ Sanctis Patribus, quæ Pontificibus Maximis adscribere, quod non infreuerter contigisse, satis colligi posset ex una causa 16. apud Gratianum in similibus monumentis.

C A P U T L X V I .

De Agathone.

Agathoni Papæ tribuitur apùd Gratianum.

(Canon 2. dist. 19. ex integris codicibus emendandus.

Can. 21. dist. 63., qui ad Agathonem pertinere videtur, commodius
expendetur inferius in cap. 71. de Hadriano.

Imperante Constantino Pogonato circa annum 678. Pontificiam Sedem concedit Agatho olim Monachus, si fides auctori Pontificalis, vir *benignus*, *mansuetus*, *ut etiā omnibus hilaris*, & *jucundus comprobaretur*. Ejus temporibus Britannicæ Ecclesiæ florebant adeò, ut, in dies aucto fidelium numero, ipsis præterea Ecclesiis Christianorum largitate locupletatis, novæ Cathedrales erigerentur, instituerenturque Episcopatus. Res tamèn adeò prosperè non cesserunt, ut omnis præcluderetur contentionibus locus. Nàm jurgia non levia suboriri cœperunt inter Episcopum ejus Provinciæ Metropolitanum nomine Theodorum, atque Episcopos ceteros suffraganeos, de confirmationibus, ac consecrationibus sacrorum Antistitum. Delata est controversia ad Agathonem, qui, ut eamdem definiret, Concilium quorundam Episcoporum Romæ convocavit anno 680. Episcopos in Concilium convenientes ita allocutus est Sanctus Pontifex, ut suaderet, rem ita gerendam fore, quemadmodum jam ip-

sius Antecessores definierant in Synodus, & jam probata Romanæ Ecclesiæ consuetudo invexerat, nimirùm ut Metropolitanis in confirmationibus, ac consecrationibus Antistitum incolumis jurisdictione, ac potestas consistere. En verba Agathonis ad Synodum: *Constat itaq; qud vestra consideravit Reverenda Fraternitas aequitati competere finienda, quia jam sunt, quæ dudum concordi consideratione præviderunt, & statuerunt Prædecessores nostri, verbi gratia, primus B. Gregorius hujus Apostolicae Sedis Pontifex, & totius Saxonie Apostolicus apex, ejusque Successores Sancti Pontifices usq; ad nostra tempora. Et nos prævidimus, & constituimus, ut statuta illa, quæ Synodalibus decretis jam dudum solidata per B. Petrum Principem Apostolorum fuerunt, ut in perpetuum ab omnibus Ecclesiæ Christi Presulibus ibidem constitutis convulse, atque illibatè serventur.* Hæc illa ipsa sunt, quæ paucis Gratianus expressit in canone 2. dist. 19. An verò cum ejusdem Gratiani proposito omnino convenientiant, facile erit unicuique judicare.

C A P U T L X V I I .

De Sergio.

Sergii Pontificis nomine inscribitur apùd Gratianum

(Canon 22. de cons. dist. 2. est potius Amalarii.

DE Pontifice Sergio, ejusque gestis vix est, quod faciam mentio-

nem, cum canon 22. de cons. dist. 2. falsò illi tributus sit apùd Gratianum.

Y Di-

Dixerim tantummodo, Sergium communi suffragio electum res Ecclesiæ moderari coepisse sub finem anni 687.; quo tempore Hispaniæ, & Galliæ Episcopi convenire debuerunt in Concilium prolatas olim ab Juliano Primate fidei sententias explicaturi. Cum enim Julianus, de Verbi Divini generatione loquens, dixisset: *Voluntas genuit voluntatem, sicut & sapientia sapientiam;* item in Christo asseruisset, *tres esse substantias,* nimirum naturam divinam, animam, & corpus, Benedictus Romanus Antistes Sergii Prædecessor, hujusmodi formulas veluti minus aptas probare non potuit, imò ut clarius explicarentur ab Hispanis Episcopis postulavit. Hinc tam Galliarum, quām Hispaniarum Episcopi in unum convenientes (hoc est, Concilium Toletanum XV. anni 688.) dissentis verbis mentem suam aperuerunt; atque inter cetera tradiderunt, se jure dixisse tres in Christo substantias esse, Deum, Animam, & Corpus. Elegantem hanc fidei explicationem exceptit Sergius Papa, imò & laudavit. Quod itaqù legitur in laudato canone 22. de cons. dist. 2. fortè ex eo Sergii hujus Papæ nomine inscribi potuit, quod ejus auctor imitatus fuisse videtur formulam Toletani Concilii, à Sergio probatam. Ceterū nulla dubitatio esse potest, quin idem fragmentum tribuendum potius sit Amalario Mætensi Scriptori nonni saeculi, qui in lib. 3. de ecclesiasticis officiis cap. 35. ita scribit: *Triforme est Corpus Christi, eorum scilicet, qui gustaverunt mortem, & morituri sunt. Primum vi-delicet sanctum, & immaculatum, quod assumptum est ex Maria Virgine: alterum, quod ambulat in terra: tertium, quod jacet in sepulcris.* Per particulam oblatæ immissa in calicem ostenditur Christi Corpus, quod jam surrexit à mortuis: per comediam a sacerdote, vel à populo, ambulans adhuc super terram: per relictam in Altari jacens in sepulcris. Idem corpus oblatam dicit secum ad sepulcrum, & vocat illam sancta Ecclesia viaticum morientis, ut ostendatur, non eos debere, qui in Christo

moriuntur, deputari mortuos, sed dormientes. Unde & locus sepulcrorum grācē vocatur cæmeterium, id est, dormitorium. Unde & Paulus ad Corinthios: *mulier alligata est legi, quanto tempore vir ejus vivit; quod si dormierit vir ejus, liberata est.* Remanetque in Altari ipsa particula usqù ad finem Missæ; quia usqù in finem saeculi corpora sanctorum quiescunt in sepulcris. Mundissimam mentis docet corporale, quod remanet in Altari pōst Domini Resurrectionem, cui debet unusquisque semper studere accipiens Corpus Domini, sed præcipue in fine. Atque ex hoc Amalarii libro facile alia capi conjectura potest, undē profectum fuerit, quod verba ista Sergio tributa legamus. Nimirum in capite 33. ejusdem libri legitur: *Sergius Papa constituit, ut agnus Dei cantaretur, sicut scriptum est in gestis Pontificibus, &c.* Hinc, quæ apud Amalarium sequebantur in capite 34., & 35. tribui potuerunt ab incautis canonum Collectoribus Sergio Pontifici: nisi dicere malimus Sergium Juniores ibi laudatum, quod ejus temporibus Amalarius vixerit. Eadem propemodū verba leguntur in Micrologo de ecclesiasticis observationibus cap. 17. in fine ibi: *Tripli citèr Corpus Domini intelligimus, unum quod surrexit à mortuis, quod significat particula in sanguinem missa; aliud, quod adhuc vivit in terra significatum per particulam à Sacerdote consumptam; tertium, quod jam requiescit in Christo, quod à tertia particula in Altari servatā aptè figuratur, quam viaticum morientium appellare solemus.* His similia tradiderrat Alcuinus, Rhabanus, Algerus, aliquique, quorum monumenta referre singula parū prodesset, vel quod sententia unius ab altero accepta videtur, & laudasse Amalarium idem sit, ac singulorum monumenta descriptissime; vel quod nemo ignoret, piis hasce exercitationes, dixerim potius meditationes, hominum nominis haud satis clari, vim legis ecclesiastice non habere. Imò hæc improbari visa fuerunt, statim ac in medium prodierunt, quemadmodū facilè constat ex epistolis Flo-

C A P U T L X V I I I .

De Gregorio II., & Gregorio III.

Quæ apud Gratianum nomine Gregorii II., vel Gregorii III.
leguntur, hæc sunt.

Ex Romano Con-
cilio.

Ex epistolis ad Bo-
nifacium.

- | | | |
|--------------------------|---|---|
| Ex Romano Con-
cilio. | { Can. 23. dist. 23.
Can. 1. caus. 26. q. 5.
Can. 5. caus. 36. q. 2.
Can. 2. dist. 68. ex epistola Gregorii III. supplendus.
Can. 5. caus. 2. q. 5. ex integra epistola Gregorii II. sup-
plendus.
Can. 21. caus. 13. q. 2. ad Gregorii III. epistolam exigendus.
Can. 53. caus. 16. q. 1. ad Gregorii III. epistolam exigendus.
Can. 18. caus. 32. q. 7. est Gregorii II., & ex temporis adjunc-
tis explicandus.
Can. 52. de cons. dist. 4. ad Gregorii III. epistolam, aliaque illius
atatis monumenta exigendus.
Can. 110. de cons. dist. 4. ex epistola Gregorii II. supplendus.
Can. 9. de cons. dist. 5. consonat cum epistola Gregorii II. | { pertinent ad Gregorium II., &
ad integras Concilii codices
sunt exigendi. |
|--------------------------|---|---|

CUM monumenta Gregorii II. mo-
numentis Gregorii III. adeò per-
mixta, confusaque sint apud Collecto-
res, ut vix ab istis illa secerni queant.
operæ prætium duxi omnia hoc uno ca-
pite complecti. Monumentorum per-
mixtione occasionem dare potuit imme-
diata successio horum Pontificum; si-
quidèm Gregorius II. anno 714. Con-
stantino, & Gregorius III. anno 731.
Gregorio II. successit. Idem quoquè
utriusque Pontificis nomen hanc ipsam
occasionem præbuit; præterea eadem
temporum adjuncta: nimis miseranda
erat orbis Christiani facies sub utrius-
que Pontificatu, quum Leo Isaurus sa-
crarum imaginum cultum detestatus il-
las à sacris templis eradendas acris impe-
rio jubebat; Italianum autem, ut de ipsa
singularia quædam non omittam, Lon-
gobardi infenso exercitu devastabant;
quasi tunc civilis æquè, ac Christiana
Respublica, quæ Iconoclastarum, quæ

Barbarorum ausibus periclitaretur. Ita-
què Gregorius II. in primis nihil opta-
tius habuit, quam ut Leonem Impera-
torem paternâ ferè benevolentia com-
moneret, ne honorem debitum Sacris
Imaginibus denegaret: præterea hortau-
tus est, ut rebus Itallicis penè labenti-
bus consuleret, hostiumque impetum co-
hiberet. Similis sollicitudo Gregorium
III. tenuit, quamquam uterque Ponti-
fex parùm apud Leónem valuerit; et-
enim Imperator, quemadmodum res Ita-
liae, quæcumque esset illarum condi-
tio, negligebat, ita res Ecclesiasticas spre-
vit adeò, ut ipsos sacrarum imaginum
cultores gravissimis indictis pœnis in-
sequeretur. Gregorius II. non multa ab
Imperatore se impetraturum arbitratus
ad molliendos Longobardorum animos
sese convertit, cuius intercessio plu-
mum valuit eō usque, ut Longobardi
ab urbis Romanæ obsidione abstinerent.
Imò idem Pontifex augendæ, propa-

gandæque Christianæ fidei studiosissimus Bonifacium quemdam natione Anglum, Monachum primum, deinde Presbyterum ordinatum, in Germaniam misit, ut ibidem ad veram Christi Religionem populos sedulâ Evangelii prædicatione converteret. Gregorii II. sollicitudinem, atque anxiam curam æmulari visus est Gregorius III.; qui ubi agnovit Longobardorum armis Italianam obrui ab Imperatore indefensam, Francorum Principum subsidia, urgente Romano populo, impetravit: aliâs etiâ Bonifacio ad Germanos fidei causâ misso opportuna prabuit consilia ad currandam gentis illius conversionem. Hæc sanè omnia utriusque Gregorio communia non tam ex gestis eorumdem Pontificum, apud Historicos recensitis, adparent, quâ demonstrant, potuisse facilem præberi occasionem, quâ unius gesta alteri tribui aliquandò potuerint.

Antequâm verò ad expendenda Gratianni fragmenta deveniam, aliqua se se offerunt prænotanda penè historicos Scriptores, qui de Gregorio II. nonnulla memoraverunt parum consona veritati. Non defuerunt enim, qui asserere non dubitarunt, Gregorium II. nova quædam fuisse molitus aduersus Leonem, dirique populorum Orientalium, atque Occidentalium schismatis auctorem extitisse. Id evulgaverunt Græci Scriptores Theophanes, Cedrenus, & Zonaras, non quidem Gregorio contemporanei, sed à saeculo, & amplius posteriores. Verùm Latini Scriptores, aut Gregorio eidem contemporanei, aut qui per tria sequentia saecula successerunt, qualis inter plurimos memorari potest Anastasius Bibliothecarius, de ea re, licet gravissima, altum silentium servarunt. Imò nec omnes Græci illud memorarunt: nimirum siluit Joannes Damascenus, Sacrarum Imaginum Patronus eximius: siluit præterea Nicephorus Patriarcha Constantinopolitanus. Quid ergo? Paucosne Græcos, Græcis aliis, item Latinis universis neglectis, audiemus, illorumque dicta sine con-

tradictione recipiemus? Miror ego hac in re Baronium ad annum 730., Sigerbertum in Chronico ad annum 731., & Platinam in Gregorio II., aliosque Græcorum potius, quâ Latinorum fidem sequi maluisse, cum tamè Græci soli hac in re non satis firmum testimonium ferant, utpote qui de negotio Romæ gesto testentur; alîs autem testes illi audiri debeant, qui præsentes extiterint, non qui in aliis regionibus, alio etiâ, & posteriore tempore vixerint. His accedit gravis suspicio falsitatis in Græcis hujusmodi Scriptoribus; quis enim ignorat, quanta fuerit post quinque præsertim priora Ecclesiæ saecula Græcorum adversus Romanos invidia, ac præcipue adversus Pontifices Maximos, penè quos summam rei ecclesiasticæ curam esse agrè ferebant. Hinc, quotquot calumnias apud Imperatorem poterant adversus Pontifices Maximos, inferre curabant, quò fieret aliquandò, ut Pontifices iidem auctoritate imperatoriâ premerentur quoquo modo, aut coercerentur. Nota sunt omnibus perspicua istarum rerum exempla. Itaque Græci, quorum adversus Romanos Antistites dirum erat odium, occasionem sumpserunt Gregorium II. carpendi, quum ipsius aetate Italus populus ad Francorum Principes subsidii petendi causâ confugerit, imperiali subsidio destitutus; eamque ob rem defectionem populi, ac conversionem ad Francos Romani Pontificis artibus tribuerunt. Opus est in hac re prudentis Viri studio, qui optimè noscat, quantum in hac re potuerit calumnia Græcorum, aduersus Romanos Constantiopolitani Imperatoris animum concitantium. At verò quid opus est conjecturis, ceteroqui gravissimis, ubi apertissima hujus rei in ipsismet Gregorii II. epistolis sunt argumenta? Plurimæ sunt Gregorii epistolæ ad Leonem Isauricum missæ; quarum in prima ita legitur: Ecclesiis præpositi sunt Pontifices à Reipublica negotiis abstinentes. Et Imperatores ergo similiiter ab Ecclesiasticis abstineant.... At enim nos-

per-

perterrefacis, aisque: Romam mittam, & imaginem Sancti Petri confingam: sed & Gregorium illinc Pontificem vincitum adduci curabo, sicut Martinum Constantinus adduci jussit.... Quid si nobis insolenter insultas, & minas intentas, non est nobis necesse tecum in certamen descendere: ad quatuor & viginti stadia recedet in regionem Campania Romanus Pontifex: tum vade, ventos prosequere, &c. In altera epistola ita scribit: Quemadmodum Pontifex introspiciendi in palatum potest: atem non habet, ac dignitates Regias deferentil; sic neque Imperator in Ecclesias introspiciendi, & electiones in Clero peragendi, nec consecrandi. Sed unusquisque nostrum, in qua vocatione vocatus est a Deo, in ea maneat. Vides Imperator Pontificum, & Imperatorum discrimen: Si quispiam te offendiverit, domum ejus publicas, & spoliis.... Pontifex non ita, sed ubi peccavit quis, & confessus fuerit, amputationis loco evangelium, & crucem ejus cervicibus circumponuit.... Persequeris nos, ac tyranice vexas militari, carnalique manu. Nos inermes, ac nudi, qui terrenos, & carnales exercitus non habemus, invocamus Principem exercitus omnis creatura sedentem in cordis Christum, ut immittat tibi Daemonem, sicut ait Apostolus, tradere hujusmodi satana in interitum carnis, & spiritus salvus fiat. Quicumque haec Sancti Pontificis verbi sedulò animo scrutatus fuerit, agnoscet facile, qualis in intimo ejus pectore sententia insideret, dum se se potius exilio voluntario subeundo paratum demonstrabat, ut desaventis Principis iracundiam declinaret. Nihil amplius adjicio in re perspicua, præsertim postquam agnosci etiam possit subsequentes Pontifices Gregorium III., & Zachariam & Leoni, & filio ejus Constantino, velut Romanis Imperatoribus honorem detulisse, imò etiam eosdem paternā ferè charitate monuisse, ut exemplo suo ceteros Imperio subjectos ad Sacrarum Imaginum cultum allicerent, ac concitarent. Præterire autem non possum eximiam illam Romanorum Antistitutum prudentiam, quā ipsi nonnullos de populo non nihil adversus Imperatoris majestatem molientes cohibuerint

abincepto, ac tumultuantes animos coercere sategerint, quandò Imperator ipse Sacrarum Imaginum, ita dixerim, hostis in se piorum quorumdam odia commovit. Refert id Paulus Diaconus in lib. 6. de gestis Longobardorum, ibi: Omnes Rienne exercitus, vel Venetiarum talibus jussis (nimirū Imperatoris, Sacras Imagines coli prohibentis) uno animo restiterunt; & nisi eos prohibuisset Pontifex, Imperatorem super se constituere fuissent adgressi. Similia ferè enarrat Anastasius Bibliothecarius, ita scribens: Jussionibus missis decreverat Imperator, ut nulla imago cuiuslibet Sancti haberetur. Respiciens ergò pius Vir (Romanus nimirū Antistes) profanam Principis jussionem, jam contrà Imperatorem, quasi contra hostem, se armavit, renuens heresim ejus, scribens ubique se cavere Christianos, eo quid orta fuisset impietas talis. Igitur perinde omnes Pentapolenses, atque Venetiarum exercitus contrà Imperatoris jussiones restiterunt, dicentes, nunquam se in ejus Pontificis condescendere necesse, sed pro ejus magis defensione viriliter decertare, ita ut spennentes ordinationem ejus sibi omnes ubique in Italia Duces elegerunt, atque sic de Pontificis, deque sua immunitate cuncti stuabant. Cognitâ vero Imperatoris nequitia, omnis Italia consilium iniit, ut sibi eligerent Imperatorem, & Constantinopolim ducerent: sed compescuit tale consilium Pontifex. Et post pauca: Cumque mitteret hominem proprium Romam cum scriptis suis, in quibus coniuebat, ut Pontifex occideretur cum optimatibus, Roma agnitâ crudelissimâ insanâ, protinus ipsum Patritium occidere voluerunt, nisi defensio Pontificis nimia præpeditisset. Demum inferius concludit: His itaque se habentibus, elegit majus præsidium Pater ille distribuere pauperibus largissimâ manu quæ reperiebat, incumbens orationibus, & jejunii, & litanii Deum quotidie deprecabatur, & spe ita monebat semper fultus plusquam hominum. Blando omnes sermone rogabat, ut in fide persisterent; sed ne desisterent ab amore, vel fide Romani Imperii admonebat. Sic cunctorum corda molliebat, & dolores continuos mitigabat. Hæc sane aperiissimè demonstrant, quantum Gregorius

rius laboraverit, ut populum in officio erga Leonem contineret: tantum abest, quod Graeci Scriptores asserere non dubitarunt, à rei veritate.

De Concilio Romano.

Jam verò apud Gratianum memoratur in primis Romanum Concilium, & quidem Provinciale, duobus suprà triginta convenientibus Episcopis celebratum, quod incidisse in annum 731. Nonnis Aprilis adjecti Constantini anni, & indicatio facilè demonstrant: quamobrem Baronius illud ipsum, olim Gregorio III. tributum, jure optimo Gregorio II. potius tribuendum existimavit, in annalibus ad annum 721. num. 1. Qui canones ibidem editi sunt, omnes ad stabiliendam disciplinam ecclesiasticam pertinent. In canone 15. legimus Gratianum canonem 23. dist. 23. ibi: *Siquis in Clericis comam relaxaverit* (legunt alii: *laxaverit*) *anathema sit.* Vetus erat mos Clericorum, ut comam attonsa incederent; quod significabat apud Gregorium Mag-

Can. 23.
dist. 23. num. Clericos rerum temporalium curam suscipere non debere: at, cum temporibus Gregorii II. nova introducetur consuetudo, satius duxit Sanctus Pontifex comam tonsuram stabilire latè lege, imò & gravi pœnâ anathematis indicia firmare. Cujus rei ratio ut magis magisque perspiciat, animadvertemendum est, Romanos veteres quoscumque, laicos etiàm, nudo penè capite, atque attonso incedere consuevisse, feminis relicto capillorum ornatu, donec Longobardi in Italianam venere: ac, quemadmodum isti barbaro loquendi more latini sermonis elegantiam corruerunt, ita quoquè suo vestium, & totius exterioris corporis habitus ritu facile Romanos ipsos ad sui imitationem traxere. Hæc plane immutatio, exemplo barbararum gentium inducta, Clericos dedecere videbatur; neque enim primi esse debebant, qui peregrinum habitum, singulari suæ gentis habitu spreto, inducerent, & novas in ornando corpore formas studiosi

reciperent. Accedebat his prudentissima ratio, nimirum, cum tunc temporis Orientale Imperium ruere videbatur, ipsique Imperatores jam populi animum à se alienum quodammodo agnoscerent, & ad Longobardorum potius Principes deflectentem, quicumque in vestium, & exteriori corporis ornatu Longobardorum usum sequebatur, videri poterat Longobardos ipsos colere, eorumque dominatum exoptare. Hæc sanè omnia Clericos quām maximè dedecebant; eamque ob rem cavendum Gregorio fuit, ne recens consuetudo à nonnullis Clericis inducta vires acciperet; imò exindè etiàm factum est, ut successores Pontifices Decessorum constitutionibus inhærentes similia constituerint. Zacharias Papa in Concilio Romano anni 743. can. 8. ita sanxit: *Siquis Clericus, aut Monachus comam laxare præsumperit, anathema sit.* Et Stephanus I., dum apud Francos maneret anno 754. variis consultationibus Britanicī Monasterii respondens cap. 18. ita rescripsit: *Ut nullus Clericus, aut Monachus comam relaxare præsumat, aut anathema sit.*

Eadem ferè ratio fuit Gregorio II. Can. 1. caus. 25. definiendi in Romano Concilio, ne Ario-^{q. 5.} lis, Aruspibus, & Incantatoribus quidam indulgeretur, quia nimirum Longobardi superstitionibus dediti Christi fide abutebantur: Hinc in canone 12. ejusdem Concilii, quem referre voluit Gratianus in can. 1. caus. 26. quæst. 5. ita constitutum legimus: *Siquis Ariolos, Aruspices, Incantatores observaverit, aut phylacteriis usus fuerit, anathema sit.* Et responderunt omnes tereti: *anathema sit.* Interrogaret forte quispiam, quidnam nomine *phylacteriorum* intelligatur. Glossographi vulgo animadvertunt, fuisse chartulas quasdam, quibus auguria descripta continebantur. Clarius S. Hieronymus id explicat in Matthæum cap. 23. his verbis: *Pictaciola illa Decalogi phylacteria vocabant, quod, quicumque habuisset ea, quasi ob custodian, & monumentum sui haberet, &c. Hoc apud nos superstitione mulierculæ in parvulis Evangelii, & in Crucis ligno, & istiusmodi rebus, qua habent quidem zelum Dei, sed*

non juxta scientiam, usque hodie facit. Itaque ex sententia Hieronymi phylacteria erant pagellæ quædam brevissimæ, in quibus vel Crucis figura, vel evangelica, aut divinæ legis veteris aliquot verba exprimerentur, quas superstitionis homines suis undique membris intexta propemodum serebant, rati eâ se ratione quodcumque discrimen incolumes evasuros. Quam inanem disciplinam apud mulierculas in usu olim fuisse temporibus Gregorii II. refert Bonifacius Episcopus, Gregorio eidem contemporaneus, ita scribens in epistola ad Zachariam: Dicunt quidam, se vidisse ibi (idest, Romæ) mulieres pagano ritu phylacteria, & ligaturas in brachiis, & cruribus ligatas habere, & publicè venales aliis offerre.

Ad idem Romanum Concilium Gregorii II. pertinet canon 5. caus. 36. quæst. 2., qui exigendus erit ad canones 10. & 11. ibidem constitutos. Verba canonis 10. hæc sunt: *Siquis viduam rapuerit, vel furatus fuerit in uxorem cum sibi consentientibus* (legunt aliqui vel consentiens ei) *anathema sit.* Verba canonis 11. hæc sunt: *Siquis virginem, quam sibi non desponsaverit, rapuerit, vel furatus fuerit in uxorem, vel consentiens ei, anathema sit.* Et responderunt omnes tertio: *anathema sit.* Paulò aliter hæc Romani Concilii sententia relata est in Capitularibus Francorum libro 7. cap. 179. editionis Baluzianæ, ibi: *In Decretalibus Papæ Gregorii legitur.... Siquis viduam rapuerit, vel furatus fuerit in uxorem, vel consentientes eis: anathema sit: & responderunt omnes tertio: anathema sit. Siquis virginem, nisi desponsaverit eam, rapuerit, vel furatus in uxorem vel consentientes ei, anathema sit: & responderunt omnes tertio: anathema sit.* Horum canonum definitionem paucis perstrinxit Gratianus in memorato canonone 5.

De Epistolis ad Bonifacium.

Sine discrimine laudantur plura fragmenta apud Gratianum sub nomine Gregorii III. ad Bonifacium, quorum aliqua Gregorio II. erant potius tribuenda. Uterque enim sive Gregorius II., sive

Gregorius III. epistolis adjuvit Bonifacium, apud Germanos pro Fide Christiana consistentem. Erratum, animadvertisit Sirmondus, profluxisse ex nonnullis vetustis codicibus, in quibus antiqui Scriptores Gregorium I. appellabant *Gregorium Magnum*; Gregorium vero II. nullo prænomine adjecto, *Gregorium* dixerat, aut à *Primo secundum*; demùm Gregorium III. vocaverunt *juniorem*, aut à *secundo juniorem*. Itaque distinguenda plures epistolæ sunt, atque unaquæque suo auctori tribuenda. Prima est epistola Gregorii II. scripta ad Bonifacium, quem Sanctus Pontifex, ut prænotatum est, in Germaniam Fidei Christianæ promovendæ gratiâ miserat. Incipit *Desiderabilem mibi, &c.*, eamdemque jure optimo Gregorio II. tribuendam esse demonstrat subjecta temporis nota, incidens in annum 726. quo Gregorius II. sumмum Pontificatum tenebat. Interrogaverat Bonifacius Gregorium de pluribus sacræ disciplinæ capitibus, postulans quid apud Germanas Gentes aut unà cum Fide recens inducendum esset, aut fortè initio religionis propemodum nascentis ex benignitate indulgendum. Singulis capitibus interrogationum respondit Gregorius; atque in cap. 1. ita scripsit: *In primis legebatur* (refertur id ad Bonifacii interrogations) *in quata progenie propinquorum matrimonium copulatur? Dicimus, quod oportuerat quidem, quandiu se cognoscunt ad similitate propinquos, ad hujus copule non accedere societatem. Sed quia temperantia magis, & præsertim in tam barbara gente, plus placet, quam districtio censuræ, concedendum est, ut post quartam generationem jungantur.* Hæc adnotasse juvat, non quod hujus disciplinæ monumentum retulerit in suum Codicem Gratianus, sed quod initio animadvertisse ex eo, quod auctor epistolæ sub nomine Gregorii Magni ad Augustinum Anglorum Episcopum similia quædam scrip-

scripserit; quasi quæ de conjugiis pòst quartam generationem contrahendis permisit Gregorius II. Germanis recèns conversis ad Fidem, postulante Bonifacio, eadem, postulante Augustino, permiserit Anglis Gregorius Magnus. Sed hæc jam suo loco memini me expendiisse.

Progredior ad caput 2. Gregorianæ
Can. 18. ejusdem epistolæ ad Bonifacium, ex quo
caus. 32. decerptus est canon 18. caus. 32. q. 7.
q. 7. En verba Gregorii: Nàm, quod proposuis-
ti, quòd si mulier infirmitate correpta non va-
luerit debitum viro reddere, quid ejus faciat ju-
galis? (legerunt alii conjugalis) Bonum esset,
si sic permanereret, ut abstinentia vacaret. Sed
quia hoc magnorum est, ille, qui se non pote-
rit continere, nubat magis; non tamèn subsidii
opem subtrahat ab illa, quam infirmitas præ-
pedit, & non detestabilis culpa excludit. Ar-
dua sanè mihi videtur hujus capituli in-
terpretatio, ex quo infirmo alterutro
ex conjugibus alteri indulgetur, ut no-
vas ipse nuptias contrahat, dummodò
subsidii opem infirmo non subtrahat.
Interpretes, ac Glossographi passim co-
nati sunt variis conjecturis ad germanam
Ecclesiæ doctrinam Gregorii monumen-
tum exigere; quorum alii non de conju-
gio jam celebrato, sed de sponsalibus
prioribus dissolvendis agi dixerunt; alii
de matrimonio tantùm rato, necdùm
consummato, quod fortè ex conjugis
infirmitate consummari nequiverit. Atta-
men, ut verum fatear, hæc interpreta-
tiones, aut his similes, vim faciunt Gre-
gorii verbis. Non possum ego hac in re
parcere Gratiano, qui nonnulla pòst des-
criptum hunc canonem subjicit, undè
Pontifici Maximo non levis illata injuria
videatur, ità scribens: Illud Gregorii sa-
cris canonibus, imò evangelica, & apostolica
doctrina, penitus inventitur adversum. Audax
sanè dicendi ratio, quam sequi non du-
bitarunt plurimi ex Glossographis, qui,
ad memorata Gratiani verba animadver-
tentes, Gregorii II. dicta ex sententia
Leonis IV. esse recipienda, mandatum
Leonis IV. non ad hoc Gregorii monu-
mentum pertinere scripserunt, sed ad

alia, in quibus Gregorius benè dixit, qua-
si hac in re Gregorius lapsus fuisse pro-
ponatur. Non id est Interpretis, ac Glos-
sographi obire munus, sed potius irreli-
giosâ manu in sanctorum Pontificum res-
ponsa efferri; quòd quidèm eo impro-
bius mihi esse existimatur, quo clarius
Gregorius in epistolæ exordio profes-
sus fuerat, se non suo tantùm, sed &
B. Petri Apostolorum Principis nomine
respondisse, imò etiàm Christi doctrinæ
adhæsse, ibi: Quædam subnexuisti capitula,
sciscitando, qualiter teneat, vel doceat hec sanc-
ta Apostolica Romana Ecclesia.... consulenti ti-
bi de statu Ecclesie non ex nobis quasi ex nobis,
sed ejus gratiâ, qui aperit os mutorum, & lin-
guas infantium facit disertas, qualiter tenere
debeas Apostolici vigoris doctrinam dicimus. Sa-
nè ego exoptarem, ut vigeret adhuc
epistola Bonifaci, quâ Gregorium inter-
rogaverat, ut ex eo clarior, atque com-
modior ex rerum propositarum adjunc-
tis rescripti interpretatio erueretur. At
quoniàm illa periit, conabor, quoad fieri
poterit per me, ità Gregorii senten-
tiam exponere, ut nihil adversus illam
objici à quoquam possit, neque enim
quidpiam ego magis in deliciis habeo,
quàm sicut æquo adhibito criterio ab-
judicare à Summis Pontificibus, quot-
quot ipsis falsò tributa, ità & eximiâ
diligentiâ, eoque, quo par est, obsequio,
quæ nonnullis ardua visa sunt illorum
monumenta ad rectam prudentiam exacta
demonstrare; undè fiet, ut per me
nihil nisi verum, nihil præterea nisi rec-
tum Pontificibus Maximis adscribatur.

Itaque altius repetere juvabit hujus-
modi rem, nimirùm investigandum arbitror, quonam ex jure in conjugiis de-
finitum sit, ut quis, ne in quibusdam
quidèm causis, non possit relicta con-
juge ad aliam divertere. Agnosco con-
jugiorum jura partim naturali ratione,
partim divinâ, ut vocant, positivâ, par-
tim hominum lege constituta esse; leges
autèm hujusmodi ab aliis alias distin-
guendas. Porrò naturalis lex, etsi uni-
versis animantibus indita, in homine tamèn
magis perpolita magisterio rationis
de-

decus quoddam habet singularē, atque ornamentum. Hinc fit, ut animalia quæque vix in procreationem, ac perfectiōnem sobolis incumbant; homini verò præter hæc honestiora quedam custodienda immineant. Hinc si conjugia, prout & hominibus, & brutis communia sunt, dici meritò possent *maris*, & *femina conjunctio ad sobolis procreationem ordinata*; prout solos homines decent, dicentur potius *maris*, & *femina conjunctio ad sobolis procreationem ordinata servatis regulis honestatis*. Hæc sanè est humani conjugii institutio, quam non singularia aliquujus gentis æraria, aut tabulæ incisam, insculptamque præseferunt, sed quam in omnium mente operatione secreta Creator indidit Deus. At verò sicut in ceteris generalibus naturæ præceptis, ita & in isto singularibus animadversionibus illustrando, atque, prout res incidunt, accommodando, homines non eamdem inivere sententiam. Quippè omnes quidèm asseruerunt, honestatem servandam in conjugiis esse; verùm in quo sita esset honestas communi suffragio definire nusquàm sciverunt, alitèr atque alitèr regulas honestatis explicantibus populis ex infirmitate humani ingenii, quod tenebris offundere solent vel ipsa vitia, in quæ proni sumus, vel suscepta ab ipsamet infantia præjudicia longo successionis ordine à parentibus derivata. Operosum nimis esset singularum gentium mores percurrere, & per diversa etiā tempora expatiari, ut judicemus, quinam fuerit sensus communis hominum in naturali honestate conjugiorum definienda. Paucis tamèn attigero, legi apud Scriptores non contemnendæ nota, morem fuisse apud nonnullas Indorum gentes, Arabes, Persas, Maurosque, ac Babylonios, ut, quod alii nefas putabant, cum matribus filii pudendo amore commiserentur; legi itidèm, Ægyptiis fuisse ex Ptolomei lege sororum conjugia permissa; legi, apud Athenienses fratres sororesque eisdem parentibus genitos invicèm incestis nuptiis dinteri. De filiorum, ac parentum nup-

tiis testatur Ovidius in lib. I. Metamorphoseos, scribens gentes esse,

In quibus & nato genitrix, & nata parenti
Jungitur; & pietas geminato crescit
amore.

Apùd Romanos ipsos, licet consanguinitatis jura custodirentur, non tamèn ratio habita est adfinitatis. Hinc Cæcilius Metellus non erubuit, uxore defunctâ, ejus sororem sibi conjungere: Lucius Crassus defuncti fratri uxorem, & Novercam Julianam Antoninus Caracalla; quæ sanè aut aliis gentibus, aut ipsis etiā Romanis aliis fortè temporibus in honesta videri conjugia potuerunt. Quid memorem polygamiae usum apùd plurimas gentes aliquandò probatum? Quid turpitudinem illam, quam apùd Trogloditas admissam ferunt, qui feminas viris nupèr desponsas primis noctibus cognatis & adfinibus promiscuis adulteriis polluendas tradebant, licet indictâ dein sub gravissimis pœnis continentiae conjugalis lege? Quid aliorum mores, qui ferarum ritu thori genialis expertes passim in venerem ruebant, filiumque editum ille sibi addicebat eum, in quo suimet vultus quamdam expressam imaginem deprehendisset? Sanè quisquis hæc omnia, atque his similia apprimè consideraverit, facile agnoscat, quàm varia fuerit gentium affectio in definiendis regulis honestatis, quas natura ipsa in connubiis voluit custodiendas; quod enim aliis honestum, turpe aliis, atque abominabile visum est, quamquàm omnes naturali se juri adhædere professi fuerint.

Quid igitùr in tam variis populorum moribus de naturali honestate judicandum superest? Aliquot in hac re præcavenda fore præjudicia reor: non enim defuerunt in primis, qui, suo plus æquo fidentes arbitrio, statim honestati naturali repugnare pronunciarunt, quod ipsimet velut in honestum ducerent. Improba sanè judicandi methodus: si enim

unicuique de jure naturæ definire licet, prout ipse cogitat, quid naturâ adeò in honestum erit, quod videri non possit honestum alicui cogitanti? Hinc præterea illud sequetur absurdum, quo naturæ jura sibimet ipsis contraria fiant; quod enim hic honestum, & naturæ conforme, fortassis dishonestum ille, & naturæ difforme pronunciabit. Sunt alii, qui ad Jus divinum in sacris literis exhibitum suspiciunt; deindè, quod eodem divino Jure constitutum agnoscant, statim ad Jus naturale referunt; quasi Deus in lege, Mosi, aut Apostolis traditâ, nihil aliud, quam pura putaque naturalia iura, legesque honestatis primigenias explicaverit. Pia, fateor, ac religiosa est hæc judicandi norma, quam qui sequitur nunquam recedet ab honestate: sed plurimum vereor, ne exindè divini positivi, ut vocant, ac naturalis Juris regulæ confundantur, contrâ quam sua-deat legum earumdem ratio; scimus enim, Deum in hac ipsa connubiorum materie certas præstuitisse Judæis regulas; easdem autem non præstuitisse Christianis. Mihi illud probatur, sicut in ceteris, ita & in hac re, tum demum præcepta quædam ad Jus naturæ, sive ad honestatis perpetuas regulas referenda esse, cum apud cultiores gentes recepta fuerint, ac probata, etenim cultiores ipsæ gentes servandis adamussim naturæ juribus studiosissimè incubuerunt, quas neque supina rerum causarumque ignoratio, neque affectuum pravitas, aut asperitas à recto tramite detorsit; & quamquam apud ipsas aliquandò contigerit crimen aut scelus irrepare, vel illud peculiare fuisse nonnullorum, vel facile regentium auctoritate ac vigilantia emendatum deprehendetur.

His generaliter præjectis, ut ad rem propositam veniam, & Gregorii II. rescriptum interpreter, eò reducitur controversia, nūm, uxore ægrotante, debitumque viro reddere non valente causâ perpetuæ infirmitatis, potuisset maritus apud Germanos sibi aliam sociare. En quæstionem dirimendam, non ex po-

sitivo divino Evangelii Jure, sed solâ naturali honestate inspcctâ: siquidem de Germanis agebatur, qui recens convertebantur ad Christianam Fidem, quorum propterè conjugia jam pridè contracta ad puras putasque naturalis honestatis leges referenda erant, non ad positiva Dei præcepta, quæ eo usq[ue] aptid illos ignorabantur. Quid ergo? Gregorio II. deliberandum erat, an, sepositis dñinis institutionibus, dissolvi in proposita specie matrimonium posset, novumque conjugium iniri, seu an dissolutio conjugii in proposita specie naturali adversaretur honestati? Quandò verò demonstrari potest, id naturæ principiis non adversari seposito Christi mandato, non arbitror à veritate aberrasse Gregorium, cum respondit dissolvi conjugium posse. Perspectas ipse habebat cultiorum gentium regulas. Quis enim ignorat, Græcos potissimum, aut Romanos naturalis Philosophiæ studio incubuisse; &, quemadmodum apud Græcos Philosophi, ita apud Romanos Censores ita mores ad naturæ instituta formasse, ut nemo magis? Verum sive Græci Philosophi, sive Romani Censores eam disciplinam facile admiserunt, ut certis in causis conjugia dissolverentur. Ex Græcis Philosophis Socratem laudo, ex Romanis Censoribus Catonem, viros sanè gravissimos, & Juris naturalis peritiâ facile præstantissimos, Socratem, ait Tertullianus in apologetico, *Apollo sapientissimum hominem cecinuit*; & rursùm idem Tertullianus: *Quis gravior, & sapientior Catone?* Attamè & idem Tertullianus in apologetico, refert tam Socratem, quam Catonem, dum ipsi conjugio causâ senectutis vacare non possent, amicorum juvenum operâ usos fuisse, ut liberos susciperent. Refero ipsamet verba Tertulliani: *Omnia indiscreta sunt apud nos, præter uxores. In isto solo consortium solvimus, in quo solo ceteri homines consortium exercent, qui non amicorum solummodo matrimonia usurpant, sed & suis amicis patientissime subministrant, ex illa credo majorum, & sapientissimorum disciplina*

Graci Socratis, & Romani Catonis, qui uxores suas amicis communicaverant, quas in matrimonium duxerant, liberorum causâ. Id ipsum demonstrat S. Augustinus ad naturalis Juris, ut patet, dogmata respiciens in libro 1. de sermone Domini in monte cap. 16. ita scribens: Rursum queritur, utrum, si uxorius permisso sive sterilis, sive qua concubitum pati non vult, adhibuerit sibi alteram vir non alienam, neque à viro sejunctam; possit esse sine crimine fornicationis? Et in historia quidem veteris Testamenti invenitur exemplum. Sed nunc praecepta majora sunt. Post hæc refert, quamdam mulierem liberrandi mariti causâ diviti cuidam, consentiente ipso marito, fuisse conjunctam, ita deinde concludens: Nihil hinc in aliquam partem dispergo, licet cuique estimare quod velit: non enim de divinis auctoritatibus deprompta historia est; sed tamen narrato facto non ira respuit hoc sensus humanus, quod in illa muliere viro jubente commissum est; quemadmodum antea, cum sine ullo exemplo res ista poneretur, horruimus.

In conspectu hujus doctrinæ, quam & viri severissimi, & Augustinus ipse ad pura, putaque se referens Juris naturalis principia non improbaverunt, quis in contrarium adferre poterit regulas honestatis generales? Aliud sanè positivis, ut vocant, & quidem divinis Evangelii legibus adjectum est, quibus sicut matrimonium ad dignitatem Sacramenti erectum est, ita fuit adeò firmatum, ut individuam, ac prorsùs inseparabilem Christi cum Ecclesia unionem significaret. At verò apud Germanos, de quorum conjugiis Gregorius agebat, tum primùm Evangelii leges prædicari, & palam fieri omnibus cœperant sub Bonifacio Episcopo. Hinc conjugia paulò antè contracta non adeò indissolubilia haberi potuerunt, quemadmodum quæ deinceps in conspectu Ecclesiæ contraherentur. Quid superest eam ob rem, quod apud Gregorium quisquam improbare possit? Neque verò id fuit in Ecclesia novum, ut, quoties de conjugiis ageretur, quæ Sacraenta non essent, præsertim de illis, quæ inter non Chris-

tianos inita pridèm fuissent, certis in factorum speciebus mitiùs quoquomodo ageretur, & non nihil aut indulgetur, aut relaxaretur. Exemplum illustre est apud Theodorum Cantuariensem, Virum in ecclesiastica disciplina planè eruditissimum. Scilicet is cum Britanos recens ad fidem conversos instituisset, facultatem eisdem fecit fornicationis vitandæ causâ, ut si uxor diù abfuisset, aut in captivitate detineretur, aliam sibi uxorem sociarent, ut patet ex ejusdem Capitulis, apud Petitum editis cap. 11. ibi: Si mulier discesserit à viro despiciens eum, & nolens reverti, & reconciliari viro, post quinque annos cum consensu Episcopi aliam accipere liceat uxorem: Si in captivitate per vim ducta redimi non potest, post annum alteram accipere. Item, si in captivitate ductus fuerit vir ejus, quinque annos expectet similiter autem & mulier, si talia contigerint. Si igitur alteram duxerit uxorem, priorem de captivitate reversam accipiat, posteriorē dimitat: similiter autem illa, sicut superiorū diximus, si talia contigerint, faciat. Si cuius uxorem hostis abstulerit, & ipse eam adipisci non potest, licet aliam tollere; melius est sic facere, quam fornicari, &c. Non absimilis sententia recepta est in Capitulari Pippini Francorum Regis, edito anno 752. sub nomine Synodi Vermeriensis cap. 9. ibi: Siquis, necessitate inevitabili cogente, in alium Ducatum, seu Provinciam fugerit.... & uxor ejus, cum valet, aut potest, amore parentum, aut rerum suarum eum sequi noluerit, ipsa omni tempore, quandiu vir ejus, quem secuta non fuit, vivit, semper innupta permaneat. Nam ille vir ejus, qui, necessitate cogente, in alium locum fugit, si nunquam in suam patriam se reversurum sperat, si se abstinere non potest, aliam uxorem cum penitentia potest accipere. Huc referendus erit canon 4. caus. 34. quæst. 1. Itidem in eodem Vermerensi conventu canone 5., quem laudaverunt Regino in lib. 2. de eccles. discipl. cap. 118., & Burchardus lib. 6. cap. 41. cavetur, ut, si mulier viro ad mortem insidiata fuerit, vir possit ipsam uxorem dimittere, & aliam accipere; ipsa autem insidiatrix penitentia subacta absque spe

conjugii maneat. Posset hūc etiā referri, quod Paulus Apostolus scribit, nimirū si infidelis uxori etiā infideli conjunctus ad Fidem convertatur, posse illum aliam ducere, quotiēs infidelis uxor si ne Fidei periculo non cohabitet. Nonne hæc omnia perspicuè indicant, justa de causa dissolvi aliquandò potuisse conjugia, quæ juxta sola Juris naturalis præcepta contracta fuissent? Quæ si dissoluta fuerunt auctoritate Apostoli, Theodori Cantuariensis, & aliquot Conciliorum, quid novi, quæso, Gregorius molitus est, ubi & ipse dissolvit matrimonia Germanorum, quæ ipsi, adhuc Ethniciā superstitione detenti, olim celebraverant? Quòd si quisquam adhuc severius hac in re agendum voluerit, atque crediderit Gregorium II. hac in specie non nihil indulisse Germanis, non probando, laudando, sed potius permittendo, ne forte aliàs gravissima mala emergerent; is sanè de Sancto Pontifice, ejusdemque sententia æquiū, & convenientiū disseret, quām disseruerit Gratianus, quasi hac in parte Gregorius imitatus fuerit Mosem, dum veteribus Judæis libellum repudii uxori porrigi permisit, quod & aliquandò factum à Viris ecclesiasticis refert Origenes, in Commentario in Matthæum ita scribens: *Jam verò contrà Scripturæ legem mulieri, vivente viro, nubere quidam Ecclesia Rectores permiserant, agentes contrà id, quod scriptum est.... non omnino tamè sine ratione; hec enim contrà legem initio latan, & scriptam ad vitanda pejora, alieno arbitrio morem gerentes eos permississe verosimile est.*

Redeo ad laudatam epistolam Gregorii II. cap. 3., in quo legimus verba canonis 5. caus. 2. quæst. 5. Ibi autèm disciplina proponitur, quæ mediâ ètate Ecclesiæ ubiqùe vigebat, nimirū ut rei, qui delati fuissent in publicum, probationibus deficientibus se se jurejurando purgarent. Gregorii verba hæc sunt: *De Presbytero verò, si quilibet Sacerdos à populo fuerit accusatus, si certi non fuerint testes, qui crimini illato adprobent veritatem, jusju-*

CAPUT LXVIII.

randum erit in medio; & illum testem profera de innocentiae sue puritate, cui muda, & aperta sunt omnia, sicque maneat in proprio gradu.

In capite 4. ejusdem epistolæ legitur, quod sub nomine Gregorii III. legitur apud Gratianum in can. 9. de cons. dist. 5. ibi: *Nam de homine, qui à Pontifice confirmatus fuerit, denuò illi talis reiteratio prohibenda est.* Nihil amplius heic adjicio de capite 7. hujus epistolæ, ad quod referendus est canon 2. caus. 20. quæst. 1. istud enim jam superius expendi, ubi agendum erat de capitibus Gregorii Magni, quòd Gratianus tribuisset Gregorio Magno, ad Augustinum Anglo-Rum Episcopum rescribenti.

Progredior potius ad caput 9. ejusdem epistolæ, ubi habentur verba canonis 110. de cons. dist. 4. ibi: *De parvulis* Can. 100. de cons. dist. 4. *verò, qui à parentibus subtracti sunt, & an baptizati sint, an non, ignorant, quia interrogasti, hos ut baptizare debeas secundum Patrum traditionem, si non fuerit, qui testifetur, ratio poscit.* Optima sanè, atque animarum saluti apprimè utilis disciplina; juvat enim potius de vi Sacramenti periculum facere, quām salutem parvulorum, de quorum baptismate dubitatur, in discrimen adducere, cum Sacramenta instituta divinitus sint hominum causâ; eamque ob rem parùm referre videatur, ubi de hominum salute agitur, Sacra menta ipsa in re dubia iterata forte vacua fieri, ac frustrari.

Altera epistola est Gregorii Papæ ad eundem Bonifacium scripta, quæ jure optimo Gregorio III. erit tribuenda. In ea Maximus Pontifex profitetur, se Pallium archiepiscopale ad Bonifacium mittere, ex quo argumentum optimum est, quo ostendatur ad Gregorium III. illam pertinere, cum auctor vitæ Bonifacii lib. 1. cap. 31., quemadmodum jam observavit Sirmonodus, scripserit, à Gregorio III. Pallium fuisse Bonifacio concessum. Ex hac ipsa epistola regulæ quædam editæ colliguntur de modo, & usu Pallii, itidem de juribus, quæ Pallio cohærere videntur, ac præsertim de po-

can. 9.
de cons. dist. 5.

can. 100.
de cons. dist. 4.

testate novorum Episcopatum instituendorum. His adjecit Gregorius nonnulla alia disciplinæ Ecclesiasticæ capita, de quibus à Bonifacio fuerat interrogatus. Epistolæ inscriptio hæc est: *Reverentissimo, ac Sanctissimo Fratri Bonifacio Coepiscopo, ad illuminationem Gentis Germanie, vel circumquaque in umbra mortis morantibus gentibus, in errore constitutis, ab hac Apostolica Sede directo, Gregorius Servus Servorum Dei.* Gratulatur initio Sanctus Pontifex cum Bonifacio, quod plurimos ab Ethnorum superstitionibus ad Christi Fidem convertisset, & veluti quoddam honestissimum optimè exactæ prædicationis insigne profitetur se Pallium mittere, quo Bonifacius ornetur, & Archiepiscopi nomine, ac dignitate potiatur.

Can. 53. caus. 16. q. 1. Pòst pauca ità prosequitur: *Quia verò turbas Domini gratiâ in iisdem partibus ad rectam Fidem asseris esse conversas, idèque nequire te occurrere omnibus, & quæ salutis sunt, impendere, vel intimare, cum jam longè latèque gratiâ Christi ejus Fides in illis propagetur, precipimus, ut juxta sacrorum canonum statuta, ubi multitudo excrevit fidelium, ex rigore Apostolicae Sedis debeas ordinare Episcopos: piâ tamè contemplatione, ut non vilescat dignitas Episcopatus.* Hæc verba relata sunt in canonem 53. caus. 16. quæst. 1. ex quo sanè dignoscitur, quo jure facultas concessa fuerat Bonifacio novos Episcopatus erigendi: is nimirùm Sedis Apostolicae delegatum agebat in Germania, in qua nullæ adhuc distinctæ erant Ecclesiarum Provinciæ, nulli adhuc divisi Episcopatus, imò nec instituti, eove minus designati, qui Metropolitarum munere fungerentur.

In capite primo ejusdem epistolæ Bonifacii interrogationi respondens Gregorius ait: *Eosdemque, quos à Paganis baptizatos esse asseruisti, si ita habetur, ut denuò baptizes in nomine Sanctæ Trinitatis, mandamus.* Hæc sententia, quæ integra legitur in can. 52. de cons. dist. 4. occasionem quibusdam Interpretibus præbuit dubitandi, nùm Gregorio probatum fuisse baptismum, ab Ethnico quocumque, etià servatâ Christi Institutoris formulâ, col-

latum. Utinam de Bonifacii interrogatio-ne constaret; tunc enim clarior rescri-bentis Pontificis sententia fieret. Nihilo-minùs tamè, ubi Bonifacii interroga-tionum exemplaria hodiè desiderantur, ex conjecturis juvabit Gregorii senten-tiam investigare. Ego sanè non dubito, quin Gregorius idem non sit de eo bap-tismate intelligendus, quod Paganos quis-quam contulerit, non servatâ ecclesias-ticâ Sacramenti formulâ: siquidèm eâ ætate non deerant apù Ethnicos quidam Sacerdotes, qui baptismatis Christiani irridendi causâ simili quodam lavacro uterentur, eoque ritu baptizandi suos infantes Jovi dedicarent, conceptâ ad id tali formulâ, quæ Christianam formulam imitaretur, pro nomine ex causâ Dei Patris nomen Jovis substituentes. Id vi-detur facilè erui posse ex eadem Grego-rii III. epistola cap. 4., ubi ità legitur: *Eos etià, qui se dubitant esse baptizatos, vel qui à Presbytero, Jovi mactante, & carnes im-molatias vescente, baptizati sunt, ut rebap-tizentur præcipimus.* Noscimus præterea & Zachariam Pontificem, qui Gregorio III. successit, ad Bonifacium eundem etià de hujusmodi re rescripsisse, ac præci-pue sollicitum in eo fuisse, ut ostenderet, Sanctissimæ Trinitatis invocationem necessariam esse in baptismate adminis-trando, quemadmodum colligitur inter cetera ex canone 83. de consecr. dist. 4. Hinc verò deducitur, Bonifacium in proposita specie dubitasse, non de ministro, sed potius de necessaria formâ baptismatis. Imò de ministro ipso dubitare minimè poterat, cum sciret baptismi virtutem totam ex divina institutione, non ex qualitate ministri, pendere, edoc-tus jam ex epistola Gregorii II. cap. 8. in illis verbis: *Enim vero quosdam absque interrogatione symboli ab adulteris, & indi-gnis Presbyteris fassus es baptizatos. In his tua dilectio teneat antiquum morem Ecclesie, quia quisquis in nomine Patris, & Filii, & Spiritus Sancti baptizatus est, rebaptizari eum minimè licet.* Non enim in nomine baptizantis, sed in nomine Trinitatis hujus gracie donum percipi-tur; & teneatur, quod Apostolus ait: *Unus Deus,*

Deus, una Fides, unum Baptisma. Itaque Bonifacius, de qualitate baptizantis jam anteā edictus à Gregorio II., videtur postulavisse à Gregorio III. de formula in baptizante necessaria; proindeque concludi recte potest, ideo à Gregorio III. respondente invalidum declaratum fuisse baptismum à Pagano collatum, non quod Paganus minister esset, sed quod Paganus minister baptismi formulam in Sacramenti collatione corrupisset. Conferantur cum his, quae dicentur inferius ad canonem 2. dist. 68.

Quod legimus in canone 21. caus.
Can. 21.
caus. 13.
q. 2.
referendum est ad hanc ipsam epistolam, ubi ita habetur in capite 3. *Pro obeuntibus quippe consultisti, si licet offerre. Sancta sic tenet Ecclesia, ut quisque pro suis mortuis vere Christianis offerat oblationes, atque eorum memoriam faciat Presbyter; & quamvis omnes peccatis subjaceamus, congruit tamen, ut Sacerdos non nisi pro mortuis Catholicis memoriam faciat, & intercedat; non enim pro impiis, quamvis Christiani fuerint, tale quid agere licebit.*

Est demum alia Gregorii III. ad Bonifacium Moguntinum epistola, quæ incipit *Doctoris Gentium*, & data dicitur 4. Kalendas Novembris, imperante Domino p̄issimo Augusto Leone, Imperio ejus anno 23. sed & Constantino Magno Imperatore ejus filio anno 20. indictione 8. Ibidem gratulatur rursus Gregorius, quod Christiana Fides mira in Germania partibus receperisset incrementa, Carolo præsertim Francorum Principe juvante. Inter cetera deinde hæc subdit: *Quia indicasti, perrexisse te ad gentem Bajoariorum, & invenisse eos extrà ordinem ecclesiasticum viventes, dum Episcopos non habebant in Provincia, nisi unum nomine Vivilo, quem nos antè tempus ordinavimus; & quia cum assensu Otilonis Ducis eorumdem Bajoariorum, seu Optimatum Provincie illius, tres alios ordinasses Episcopos, & in quatuor partes Provinciam illam divisisse, id est, in quatuor Parochias, ut unusquisque Episcopus suam habeat Parochiam, bene, & satis prudenter peregisti, Frater, quoniam apostolicam preceptionem ex nostra vice implesti, & sicut tibi precipimus, ita peregisti.*

Itaque non desinas, Frater reverentissime, docendo eos sanctam, catholicam, & apostolicam Romane Sedis traditionem, ut illuminentur rudes, & viam salutis teneant, per quam possint ad eterna præmia pervenire. Presbyteros vero, quos ibidem reperiisti, si incogniti fuerint viri, à quibus sunt ordinati, & dubium est eos Episcopos fuisse, an non, qui eos ordinaverunt; si bona actionis, & catholici viri sunt illi Presbyteri, & in ministerio Christi, omnique lege sancta edicti, atque apti ab Episcopo suo benedictionem Presbyteratus suscipiant, & consecrantur, & sic ministerio suo fungantur. Posteriora hæc verba retulit Gratianus in canonem 2. dist. 68., quæ sanè erant cum præcedentibus conjungenda, ut perspicua adpareret exinde Gregorii sententia. Et quidem hæc apprime conveniebant & tempori, & loco, in quo degebat Bonifacius. Etenim Episcopi illic, ac tunc in suis sedibus minimè consistebant, cum in populo recens ad Christi Fidem converso, nondum distributæ dioceses essent, suisque finibus singulae circumscriptæ, immo & Episcopi ipsi animo Fidei latius extendendæ per illas Provincias more ita dixerim apostolico vagabantur. Ne vero aliás sub nomine Episcoporum falsi prodirent Antistites, qui Sacerdotes, ac Presbyteros consecrarent, cautè consulendum fuit, ubi agebatur de Presbyteris ordinatis ab iis, quorum episcopalis dignitas, aut auctoritas erat ignota, ut ipsi reordinarentur legitimè, si nihil canonicum obstitisset. Hinc in Concilio ejusdem Bonifacii, anno 742. celebrato canone 4. ita statutum legimus: *Statuimus etiam, ut secundum canonicam cautelam omnes undequaque venientes ignotos Episcopos, vel Presbyteros antè probationem synodalem in ecclesiasticum ministerium non admitteremus. Huc quoquè protrahi posset Constitutio Concilii Vermeriensis anno circiter 742., proindeque circa tempora Gregorii II. celebrati can. 14., ubi ita legitur: Ut ab Episcopis ambulantibus per patrias ordinatio Presbyterorum non fiat: si autem boni sunt illi Presbyteri, iterum consecrantur. Sic explicatus est Gratiani canon 2. dist. 68. Non est tamen omittendum quod*

quod ipse Gregorius II. in eadem epistola persequitur, utpotè quod plurimum facere potest ad interpretationem illorum, quæ superius tradidi ad canonom 52. de cons. dist. 4. Ait Gregorius: Illi verò, qui baptizati sunt per diversitatem, & declinationem linguarum gentilitatis, tamè quia in nomine Trinitatis baptizati sunt, oportet eos per manus impositionem, & sacri Chrismatis unctionem confirmari. Hinc sanè deducitur, eos, qui ab Ethniciis sunt baptizati, dummodo in Sanctæ Trinitatis nomine baptizati fuisse.

se dicantur, non jam rebaptizandos esse, sed potius Sacramento Confirmationis in Ecclesia recipiendos. Quæcum ita sint, ne Gregorium III. sibimet ipsi adversari dicamus, concludendum erit, Gregorium eundem in nupè memorato canone 52. de cons. dist. 4. non de alia specie intelligi posse, quam de ea, in qua Pagani quidè Sacramentum baptismatis administraverint, sed baptismatis ejusdem formulam administrando corruperint, quemadmodùm superius tradebam.

C A P U T L X I X.

De Zacharia.

Auctor laudatur Zacharias subjectorum canonum apud Gratianum.

Ex Romano Concilio.	Can. 4. dist. 93. ex optimis codicibus emendandus. Can. 3. caus. 21. q. 4. ex optimis codicibus emendandus, Can. 14. caus. 26. q. 7. ex optimis codicibus emendandus. Can. 57. de cons. dist. 1. ex optimis codicibus emendandus.
Ex aliquot Decretis.	Can. 2. caus. 29. q. 2. est potius Theodori Cantuariensis, <i>vs</i> Egberti Eboracensis. Can. 23. caus. 32 q. 7. est potius Burchardi Wormaciensis. Can. 4. caus. 35. q. 5. ad recentiora tempora referendus.
Ex epistola ad Theodorum Episcopum Ticinensem.	Can. 2. caus. 30. q. 3. { simul jungendi, atque ad diversa edita. Can. 3. caus. 30. q. 3. { exemplaria exigendi.
Ex epistolis ad Bonifacium Episcopum Moguntinum.	Can. 5. dist. 78. ex integra epistola supplendus. Can. 17. caus. 7. q. 1. ex epistolis Zachariae supplendus. Can. 105. caus. 11. q. 3. ex integra epistola supplendus. Can. 83. de cons. dist. 4. ex integra epistola supplendus. Can. 86. de cons. dist. 4. ex integra epistola supplendus.

Gregorio III. in Romana Sede successit Zacharias sub finem anni 741., eamdemque Sedem usque ad annum 752. summâ cum animi moderatione, rerumque agendarum prudentiâ tenuit. Plurima quidè sunt monumenta, ex quibus egregia ipsius erga Ecclesiam merita indicari facile possent. Huc tantum refero, quæ apud Gratianum demonstrantur.

De Concilio Romano.

Ad Concilium, Romæ à Zacharia Pontifice celebratum, convenerunt omnes Italiae Episcopi de variis Ecclesiasticæ disciplinæ capitibus regulas constituturi. Vulgo traditur celebrata hæc Synodus anno 743., etenim in ejus fine hæc leguntur: *Factum est hoc Concilium*

anno secundo (legunt nonnulli tertio) Artabasi Imperatoris, nec non & Luitprandi Regis anno trigesimo secundo, indictione duodecima. Sive ex subscriptione ita expressa, in qua & Imperatoris, & Longobardorum Regis anni una memorantur, sive ex variis canonum constitutorum formulis, quibus & Romani, & Longobardi canonibus editis obnoxii scribuntur, facile conjicitur, tunc temporis Romanos feedus inivisse in Italia cum Longobardis, quamquam tamèn Orientali Imperatori adhuc adhærerent, non quidem Constantino Copronymo Iconoclastæ, quem ipsi etiàm Constantinopolitani ejecerant, sed Artabaso sacrarum imaginum adversus impios homines vindici, ac defensori, qui aliquot annis in locum ejecti Imperium tenuit. Quindecim canonibus, quæ discutienda fuerant, definivit Zacharias: In primo, & secundo cautum fuit, ne Episcopi, Presbyteri, vel Diaconi cum mulieribus habitarent, renovato hac in re Synodi Nicenæ decreto. Tertius canon legitur apud Gratianum in can. 3. caus. 21. quæst. 4. ita ex optimis codicibus emendando. Ut Episcopus, Presbyter, & Diaconus seculari indumento minime utantur, nisi, ut condecer, tunica sacerdotali: sed nec dum ambulaverint in civitate, aut in via, aut in plateis, sine operimento presumat ambulare, præter si in itinere longo ambulaverit. Quia, sicut mulier orans in Ecclesia non velato capite detur patet caput suum, juxta Apostoli vocem, ita Sacerdos sine operimento detur patet suum Sacerdotium. Nam, si temere præsumperit contraria statuta agere, communione privetur, donc que statuta sunt adimplere maturerit. Videtur hoc in loco obvious itum fuisse aliquot Sacerdotum moribus, qui in exteriore corporis habitu, dejectâ Romanâ togâ, omnibus olim communi, imitari voluerunt breviores Longobardorum vestes, quemadmodum eadem ratione in canone 8. præceptum est, ne Clerici, aut Monachi comam laxarent, & in canone 13. ne Clerici Ecclesias cum baculis introirent.

Can. 3.
caus. 21.
q. 4.

In canone 4. ejusdem Concilii ita legitur: Ut juxta sanctorum Patrum, & canonum statuta omnes Episcopi, qui hujus Apostolice Sedis ordinationi subjacebunt, qui propinqui sunt, annuè idibus mensis Maji Sanctorum Principum Apostolorum Petri, & Pauli liminibus presentetur, omni occasione seposita. Qui verò de longinquo, juxta chirographum suum impleant. Nam, qui hujus constitutionis contemptor extiterit, præter si aegritudine validè fuerit detentus, sciat se canonibus subjacere. Retulit hæc Gratianus in canone 4. dist. 93. non tamen Zachariæ, quam Anacleti Pontificum nomine. Sed jam superius in cap. 2. de capitibus Anacleti animadvertere debui, falsò Anacleti nomen huic canoni adpositum fuisse. Porro, cum in eodem canone statutum sit, Episcopos Apostolice Sedis ordinationi subiectos, scilicet eos, qui Romano Antistiti tanquam Metropolitæ etiàm suberant, propinquiores saltèm quotannis Romam convenire, idque juxta sanctorum Patrum, & canonum statuta; unusquisque facile intelliget, hæc spectare ad Provincialis Concilii celebrationem, quæ quotannis fieri solebat ex veterum canonum disciplina, quam fortè collapsam ex injuria temporum, ideo restaurandam Zacharias censuit, quod in Italia jungi tum facile Episcopi cœperant, ob junctos tunc temporis Romanorum animos, ac Longobardorum.

In sequentibus Concilii canonibus, quinto nimis rūm, sexto, & septimo, de conjugiorum juribus nonnulla decreta sunt, in octavo de Clericis aut Monachis comam laxantibus. Nonus canon ita exprimitur: Ut nullus Kalendas Januarias, & bromæ colere præsumperit, aut mensas cum dapibus in domibus preparare, ut per vicos, & plateas cantationes, & choros ducere, quod maxima iniqüitas est coram Deo, anathema sit. Ex his emendandus erit canon 14. caus. 26. quæst. 7. Jam ad hunc canonem illustrandum nonnulla tradidit Antonius Augustinus in lib. 2. dial. 1. de emend. Gratiani scribens, in epistola Bonifacii Martyris ad Zachariam

can. 14.
caus. 26.

De Decretis aliquot, Zachariæ tributis.

etiam Pontificem legi, conqueri illum, quod dicerent Barbari se vidisse Romæ juxta Ecclesiam S. Petri Kalendis Januarii paganorum consuetudine choros duci per plateas, & acclamations, & cantiones sacrilegas audivisse, & mensas illâ die, vel nocte dapibus onerari, & alia fieri. Subjicit præterea nomine *broma* intelligi *brumalia* quædam, seu brumales ludos, quos Concilium Trullanum cap. 62. vetuerat. Incidere autem bruma solebant Saturnalibus diebus non longè à Kalendis Januariis. Tertullianus in libro de Idololatria hoc confirmare videtur cum de Brumæ honorario, & Kalendis Januariis, & Saturnalium celebratione agit. Huc usquæ Antonius Augustinus. Qui in superstitionis veterum Romanorum ritibus investigandis studuerunt, bruma, seu brumalia invenierunt celebrata in Bacchi honorem bis in anno, seu mense Februarii, seu mense Augusti. Quæcumque verò esset illius superstitionis ratio, & causa, dubitandum nemini erit, quin jure optimo velut à Christianis hominibus aliena vetita fuerint.

Can. 57.
de cons.
dist. 1. Ejusdem Concilii canones 13., & 14. recensuit Gratianus in canone 57. de cons. dist. 1., quem Macario, non Zachariæ vetusti Gratiani codices adscripserant. En Concilii verba in can. 13. *Ut nullus Episcopus, Presbiter, aut Diaconus ad celebranda Missarum solemnia presumat cum baculo introire, aut velato capite Altario Dei adistere, quoniam & Apostolus prohibet viros velato capite orare in Ecclesia; & si temerè presumperit, communione privetur.* Et in canone 14. *Ut Episcopus, aut Presbyter, dum ingressus fuerit ad Missarum solemnia celebranda, nullo modo audeat datâ oratione (legunt alii dictâ oratione) recedere, ut ab alio Episcopo, aut Presbytero suppleantur Missarum solemnia: sed, qui initium ponit, suppletat usquæ ad finem, quia scriptum est: qui perseveraverit usquæ in finem, salvus erit. Si quis verò prasumpserit, preter quod possumus, agere, à sacro Corpore, & Sanguine Domini Nostri Jesu Christi sit suspensus. Ex his aliquot jure optimo emendari poterunt apud Gratianum.*

Tom. III.

Nonnulla sunt apud Gratianum, quæ sub Zachariæ Pontificis nomine vulgari potuerunt, quasi ex aliquot ejusdem editis decretis, quæ tamè vix Zachariæ eidem convenient. Hujusmodi can. 2.
caus. 29.
q. 2. est in primis canon 2. caus. 29. quæst. q. 2. Primus ejusdem auctor esse videtur Theodorus Cantuariensis, qui in Capitulis, apud Petitum editis, cap. 12. hæc definivit: *Siquis liber ancillam in matrimonio acceperit, non habet licentiam dimittere, si antè cum consensu amborum conjuncti sunt.* Eadem in suis Exceptionibus tradidit Egbertus Eboracensis cap. 124. ibi: *Siquis liber ancillam aut suam, aut alterius, in matrimonio acceperit, non habet licentiam dimittere eam, si antè cum consensu amborum conjuncti sint: si verò dimiserit eam, & aliam ducit uxorem, sive ancillam, sive liberam, ut supra scriptum est, pœnitentiat.* Ex his Collector Capitularium Francorum in lib. 6. cap. 95. editionis Baluzianæ hanc sententiam expressit, nullo adjecto auctoris nomine: *Siquis liber ancillam in matrimonium acceperit, non habet licentiam dimittere eam, si prius consensu amborum conjuncti sunt.* Ex Capitularium libris eadem in suam Collectionem transluit Ivo in parte 8. cap. 53., & quidem sub nomine Capitularium lib. 6. cap. 95. Gratianus, seu quicumque Gratiano auctor extitit, eò amplius progressus est, ut eam Constitutionem Zachariæ Pontifici adscriberet, deinde etià illa verba adderet: *exceptâ causâ fornicationis; sed una lex deinceps erit per omnia & viro, & fœmina.* Undenam Zachariæ nomen in inscriptionem canonis transductum fuerit, certò definire non audeo. Dixero tamè, fortè ex eo evenire illud potuisse, vel quod inter Zachariæ rescripta, decretave plura continentur, ad jura conjugiorum spectantia, ex quibus si non eadem Gratianei canonis verba, similis tamè sententia facile deducatur; vel quod Gratianus,

Aa aut

aut qui auctor Gratiano extitit, cano-
nem fortè derivans ex excerptib⁹ Egberti maluerit laudare Pontificem Ro-
manum, qui Egberti ætate vivebat,
qualis est Zacharias, quām Egbertum
ipsum. Quæ verò apud Gratianum ad-
jecta sunt, ad glossemata potius attin-
ent in textum transducta, & ex Eccle-
siasticis Scriptoribus ab ipsis Glossæ auc-
toribus accepta; nihil enim magis vul-
gare erat apud Ecclesiasticos Interpre-
tes, ubi definiebatur conjugia non pos-
se dissolvi, quām causam fornicationis
excipere juxtā ipsammet Evangelii doc-
trinam. Imò, quod subjecerunt, eam-
dem esse legem & viris, & fœminis, po-
tuerunt illud excerpere ex aliis Capitu-
larium Francorum monumentis. Sic in
Capitularibus Pippini Regis, editis in
Conventu Compendiensi anno 757. cap.
5. hæc habentur: *Si fœmina ingenua ac-
cepit servum, & sciebat tunc, quid servus
erat, habeat interim quo vivit. Una lex est de
viris, & fœminis.*

Can. 23. Verba canonis 23. caus 32. quæst.
caus. 38. 7., quæ sub nomine Pontificis Zacha-
riæ laudantur, cum epistolarem stilum
non exhibeant, frustrè Zachariæ epis-
tolis tribuerentur. Potius videntur ex-
cerpta ex Pœnitentialibus libris, qui in
singulis Diœcesibus velut exemplaria
indicendarum pœnitentiarum Presbyte-
ris Sacramentum administrantibus se-
quenda proponebantur. Reverà in Pœ-
nitentiali, quem pro Ecclesia sua Wormaciensi Burchardus edidit lib. 19. ea-
dem verba leguntur, ibi: *Concubisti cum
sorore uxoris tua? Si fecisti, neutram ha-
beas: & si illa, quæ uxor tua fuit, consciæ
sceleris non fuit, si se continere non vult, nu-
bat in Domino, cui velit. Tu autem, & adul-
tera sine spe conjugii permaneatis, & quam-
diu vivatis, juxta precepta Sacerdotis pœni-
tentiam agite.* Erant hæc instituta Diœ-
cesis Wormaciensis, quæ etiamsi Bur-
chardus ab initio visus fuerit laudasse
nomine Romani Pœnitentialis initio li-
bri 19., tamè videtur ex collatione
aliorum Pœnitentialium, qui Romanæ
Ecclesiæ adscribuntur, normam potius

secutus fuisse Pœnitentialis Romani,
quām verba, ac formulas transduxisse.
Qui verò eas Burchardi leges in alios
Codices derivavit, adscripsit nomen Za-
chariæ Pontificis, non tamè prorsus
injuriam; licet enim ea verba apud Za-
chariam Pontificem non habeantur, non
nihil tamè simile legimus in ejusdem
Pontificis monumentis. Laudo hoc in
loco vel Romanum Zachariæ Conci-
lium, in quo statutum generaliter est
in can. 9., ne quis aut de propria, aut
de uxoris cognitione sibi aliquam jun-
gat; vel Zachariæ capitula ad Pippinum
Majorem-domus, itēmque ad Episco-
pos, Abbates, & Proceres Francorum
missa, in quibus hæc exhibentur cap.
22. De his, quæ duobus fratribus nupserunt,
vel qui duas sorores acceperint, in Concilio
Neocæsariensi cap. 11. continetur: *Mulier si
duobus fratribus nupserit, adjiciatur usq[ue] ad
mortem. Verum tamè in exitu propter miseri-
cordiam, si promiserit, quid facta incolumis
hujus conjunctionis vincula dissolvat, fructum
pœnitentia consequatur. Quod si defecerit mu-
lier, aut vir in talibus nuptiis, difficilis erit
pœnitentia in vita permanenti.* Hæc, ut ar-
bitror, causæ fuerunt, cur aut Gratianus,
aut qui Gratiano auctor extitit,
selegerit potius Zachariæ Pontificis,
quām Burchardi nomen in eo canone
referendo, ut Wormaciensis Episcopi
sententiam, quam sententiis Zachariæ
plurimum conformem agnoverat, Ro-
mani Antistitis nomine decoraret.

Quod contigit in canone 3. caus. 25.
quæst. 5., quemadmodū superius suo loco expendebam, id ipsum evenit in canone 4. ejusdem causæ, ac quætionis, cuius auctor Gratianeam ipsam ætatem ferè attigisse videtur, atque nonnulla de graduum computatione ad conferendos invicem consanguineos, vel adfines scribens, nihil antiquius habuit, quām ut suas sententias sanctissimis no-
minibus inscriberet illorum Pontificum Maximorum, qui nonnulla de prohibendis intrà certos consanguinitatis, vel adfinitatis gradus nuptiis constituerant, Gregorii nimirūm sive II., sive III., ac

ac Zachariæ. Id jam per se ipsa exhibere viderentur duo illa Gratiani fragmenta, scilicet canon 3. & 4., quorum licet prior Gregorio, posterior Zachariae tribuatur, uterque tamè uno eodemque orationis spiritu ita nectuntur, ut uni eidemque auctori meritò tribui, ac facilè debeat. Reverà celeberrima suborta fuit quæstio de modo computandorum graduum temporibus Alexandri II. quod vel unus canon 2. caus. 35. quæst. 5. apertè demonstrat, contendentibus aliis eam in matrimonii computationem recipi, quam recipiendam in hereditatum delatione Jus Romanum civile præstituerat; aliis è converso aliter judicantibus, quorum opinionem memoratus Alexander II. epistolâ editâ confirmavit. Et, quamquam Pontifex hic Maximus in sua Decretali Prædecessorum suorum instituta investigaverit, quæ sequeretur, atque inter cetera Gregorii nomen laudaverit; non tamè de fragmentis Gregorii, & Zachariæ, quæ in memoratis canonibus 3. & 4. legimus, mentionem ullam fecit, quam sanè fecisset, quotiès in Romanæ Ecclesiæ Scrinis custodirentur, cum mirum in modum inservire proposito potuissent. Imò, si apertissima aut Gregorii, aut Zachariæ Pontificum decreta jam edita tum fuissent, quis crederet definitæ jam controversiæ locum potuisse relinquì, quæ temporibus Alexandri II. rursùm excitaretur? Id magis, magisque confirmatur ex canone I. Concilii Meldensis nono Ecclesiæ sæculo, ac propterea pòst Gregorii II., & III. ac Zachariæ tempora celebrati, ibi: *De adfinitate consanguinitatis per gradus cognationis placuit usquæ ad septimam generationem observare.* Näm & hereditas rerum, per legales instrumentorum definitiones sancta, usquæ ad septimum gradum protendit heredum successionem. Non enim succederent, nisi eis de propagine cognationis deberetur. Hæc Meldensium Patrum sententia nullo consistere modo posset, quotiès eâtate jam recepta fuisset diversa computandi ratio, in matrimonii celebran-

dis, ab ea, quæ in hereditatibus legitimis deferendis custodiaretur; qui enim fieri poterat, ut præstituerent, ideo ad septimam usquæ generationem matrimonia prohiberi, quod ad septimum usquæ gradum protenderetur successio heredum, nisi æqua tum in matrimonii jure Ecclesiastico, tum in hæreditatibus jure Romanarum civili fieret computatio?

De Epistola ad Theodorum Episcopum Ticinensem.

Epistolam Zachariæ ad Theodorum Episcopum Ticinensem integrum edidit ^{Can. 2. &} ^{3. cau. 30.} Baluzius ex veteri codice MSS. Bibliothecæ Regiæ, ut ipse profitetur in appendice actorum veterum, adjecta suis adnotationibus ad Reginonem Prumensem. Integrum epistolam hoc loco describam; ad eam enim exigendi sunt canones 2. & 3. caus. 30. quæst. 3. *Zacharias Episcopus servus servorum Dei Reverentissimo, & Sanctissimo Fratri Theodoro Episcopo Ecclesiae Ticinensis. Pictacium, quod nobis tua Reverenda Fraternitas obtulit, per quod nos sciscitari curasti, si liceat Filium, cuius pater alterius filiam, ex sacro Baptismate susceptam, id est, spiritualem ejusdem patris filiam, quod dici crudele est, in matrimonio accipere, quod apud te enormiter asseruisti contigisse. Sed bene tua Sancta Fraternitas compertum habet, quod Dominus Moysi præcepit dicens: Turpitudinem patris tui non revelabis: turpitudinem matris tua non revelabis: turpitudinem sororis tue, & turpitudinem filia patris tui non revelabis. Turpitude enim tua est. Turpitudinem enim revelari dicitur, dum à propria consanguinitate præcipimur abstinere. Multò magis à spirituali patris nostri filia omni occasione, aut arguento supposito sub nimia distictione nos cavere convenit, ne in iram divini examinis incidat, si quis tali facinori mixtus minime restrinxerit frena luxuria. Unde & omnes cavendi omnino sunt talis sceleris commixtione, ne in eternum pereant. Sed hos, qui hujus perniciosa temeritatis, animo sue salutem despicientes, impio se miscuere matrimonio, per*

omnia tua Fraternitas studeat separare, & paenitentia digna submittere; quatenus ab eterna eruti damnatione animas eorum lucreris, prstante Domino. De filiis autem, qui ex eis nati esse probantur, retulisti, si liceat eos conjugio copulari. Sed hi cur prohibeantur à conjugio, aut pro hujusmodi paenitentiam agere compellantur, dum ex hoc absque condamnatione esse perhibentur, quia non pater pro filio, neque filius pro patre sustinebit tormenta, dicente Domino per Prophetam: Anima patris est mea, & anima filii est mea. Anima, que peccaverit, ipsa morietur. Sed &, Frater charissime, de his dixisse sufficiat. Cave autem, ne aliter agere subjectis concedas, ne à recto trahite inveniaris deviare. Integrum hanc epistolam eisdem proptermodum verbis retulit Ivo Carnotensis in parte I. Decreti cap. 307. Sed multò aliter refertur in recentiore editione Labbeana Veneta tom. 8. pag. 267. ibi: Pictatum, quod nobis tua veneranda fraternitas obtulit, per quod nos sciscitari studiasti, si licet filium, cuius pater alterius filiam ex sacri Fonte Baptismatis habet susceptam, id est, spiritualem ejusdem patris filiam, quod dico cruele est, in matrimonium suscipere licet, quod apud te enormiter asservisti contingisse. Sed bene tua sancta Fraternitas compertum habet, quod Dominus per Moysen precipit, dicens: Turpitudinem patris tui non revelabis, turpitudinem sororis tuae non revelabis.... Filia enim prius his est. Turpitude enim patris tui, & turpitude sororis tuae turpitude tua est. Turpitudinem enim non revelare dicitur, dum à propria consanguinitate precipit abstinere omni occasione, aut argumento seposito sub nimia distinctione nos cavyere convenit, ne in iram divini hominis incidamus. Si quis tali facinore mixtus minime restrinxerit venam luxuria, durissime restringi cogatur. Unde & omnes omnino cavyenda sunt talis sceleris commixtiones, ne in eternum pereant. Sed & eum, qui ejus perniciose temeritatis auctor, anima sue salutem despiciens, impissimo sese miscuit matrimonio, per omnia Fraternitas tua studeat separare, & paenitentia digna submittere. Quatenus ab eterna erutas damnatione animas eorum lucretis, ipso prstante Domino Deo, & Salvatore nostro Jesu

Christo. Aliud exemplar ejusdem epistolæ edidit cum adnotationibus Mansius in supplemento Labbeano; illud inter cetera animadvertis, epistolam hanc celebrem fuisse apud veteres, ut potè ad quam Nicolaus I. provocaverit sive in responsione ad Bulgaros, sive in epistola ad Carolum Moguntinum. Ex his autem exemplaribus quod cui præferendum sit, non est facile judicare, ad quæ referendis an erunt memorati Gratianei canones secundus, & tertius; & quamquam tertius nomine Zachariæ simul, & Deusdedit Pontificum describatur, non dubito tamè, quin contineat eamdem sententiam, quæ habetur in canone secundo, quam Gratianus ideo bis describendam voluit, quia paullò aliter expressam in diversis exemplaribus invenerat. Ceterum ejusdem epistolæ sententia, cum Zachariæ temporibus congruere videatur, non erit rejicienda, quasi Zachariæ monumentum esse non possit, contrà quam nonnulli senserunt. Etenim jam recepta erant temporibus Zachariæ cognationis spiritualis jura, de quibus sermo fit in his monumentis. Jam pridè Justinianus Imperator declaraverat in l. 26. cod. de nuptiis, neminem posse eam uxoremducere, quam à sacrosancto Baptismate suscepisset, adiectâ ratione: cum nihil aliud sic inducere potest paternam affectionem, & justam nupiarum prohibitio nem, quam hujusmodi nexus, per quem Deo mediante anima eorum copulatae sunt. Instar adoptionis esse videbatur susceptio Baptismatis causâ, quam fieret, ut qui baptizatum suscepiebat, velut ejus Pater haberetur, unde etiam Patrini nomen derivatum est. Quod si adoptionis civile vinculum inter adoptantem, atque adoptatam matrimonium celebrari non patiebatur, æquissima extitit ratio, cur susceptor à conjugio susceptæ repelleretur. De filio suscipientis nihil specialiter Justinianus, neque Ecclesiae vetusti Patres constituerant, quamquam ex adoptionis similitudine eadem inter filios, quæ in parente, disciplina servanda esse vide-

deretur. Primus, quoad neverim, Rex Rotharis saeculo Ecclesiae septimo legem tulit, quae est 5. tit. 8. lib. 2. Legum Longobardarum, decrevitque non solum, ut nemo aut commatrem suam uxorem duceret, aut filiam, quam de sacro Fonte suscepserit; sed etiam ne filius suscipientis susceptam uxorem haberet, adiectâ ratione, *quia spirituales germani esse noscuntur*. Quae cum ita sint, jure optimo potuit Zacharias receptam sui temporis disciplinam ita promovere, ut ad eam custodiendam Theodorum Ticinensem Episcopum hortaretur. Et quidem Cœlestinus III. in 2. Collectione Decretalium cap. 3. de cognatione spirituali, usus est hac Zachariæ epistola, exceptâ, ut arbitror, ex memorato Gratiani canone 3., ita rescribens: *Quidam quandam mulierem in uxorem accepit, cuius pater ipsum, dum esset puer, de sacro Fonte ante levaverat, qui ambo coniuges 30. annis pariter sine questione manserunt, & filios procrearunt, licet à 15. annis eorum conscientia lœsa fuisse. Postmodum vero contrâ hujusmodi conjunctionem accusatione in jure propositâ, facta est fides Ecclesia per testes omni exceptione majores, ipsum virum mulieris à patre ejus, cum qua contraxerat, de Baptismatis unda fuisse sublatum. Ad hoc autem cum Zacharias, & Deus dedit Romani Pontifices talem copulam decreverunt separandam, utpote ubi cognatio spiritualis minimè esse dubitatur, maximè inter eos, per quos compaternitas contrahitur, per quam in Lege Divina germani esse dicuntur, licet tanio tempore sivi invicem cohabitaverint; quia tamen diuturnitas temporis non minuit peccata, sed auget, & specialiter lite mota super hoc marte proprio decurrente Ecclesia contractum illum esse cognovit, illicitum dicimus matrimonium illud fore secundum instituta canonica dirimentum: monendus est tamen uterque, ut in necessariis provideat alteri juxta vires; prolem autem susceptam ante separationem hujusmodi, si aliud non obstat, legitimam esse censemus. Hinc etiam, quae constituta fuerant in Concilio Moguntino anno 813., in quo ita legitur can. 55. Nullus igitur proprium filium, vel filiam.*

de Fonte Baptismatis suscipiat, nec filiolam, nec commatrem ducat uxorem, nec illum, cuius filium, aut filiam ad confirmationem duxerit. Vbi autem factum fuerit, separentur, Fulbertus Carnotensis, uti Harduin ad eumdem canonem testatus est, in epist. 33. laudavit ex Concilio Leptensi, sub Zacharia, Papa, & sub Principe Carolo Magno celebrato.

De Epistolis ad Bonifacium Episcopum Moguntinum.

Eximiam Sanctitatis penè Apostolicæ famam Zachariæ Pontificis temporibus meritus est Bonifacius, Martyr nuncupatus: Fuit is, ut scribit Bellarminus in libro de Scriptoribus Ecclesiasticis, *natione Anglus, Archiepiscopus Moguntinus: vixit temporibus Gregorii II. & III. & Zacharia, Pontificum Romanorum, & obiit anno 755., scripsit epistolæ multas, que extant. Fuerat ipse Pontificibus Maximis valde familiaris, atque addictissimus ab juventute; hinc anno 719. adhuc Presbyter missus est in Australes Germaniæ partes legatione functurus Apostolicæ Sedis ad eas gentes, superstitione adhuc Idolorum cultui deditas, ad Christianam Fidem adducendas, unde vulgo Apostolus Germanorum audit. Eo Legati munere lubentissime suscepto, propagandæ fidei studiosissimus fuit; ne verò supremas sibi in Evangelico munere obeundo partes vindicaret, idemtidem Romam commeabat, præstitatique jurisjurandi religiosâ fide, se perpetuò Apostolicæ Sedi subditum futurum pollicitus est. Anno 723. promisit Gregorio II. fidem, puritatem, atque concursum Petro, & utilitatibus Ecclesia Romana, cui à Domino Deo potestas ligandi, solvendique data est, & ejus Vicario, atque Successoribus ejus per omnia exhibere. Integra hujus jurisjurandi formula habetur in Bibliotheca Sanctorum Patrum inter epistolas Bonifacii post epistolam 117. Ad hoc jusjurandum sese referens Bonifacius idem in epist. 135. ad Zachariam Pontificem ita scribit: *Postquam me**

ante annos propè triginta sub familiaritate, atque servitio Apostolice Sedis annuente, & juvente veneranda memoria Antistite Gregorio Anteriore (intellige Gregorium II.) voto constrainti, quidquid mibi latitiae, vel tristitiae accideret, Apostolico Pontifici solebam indicare, Deinde Episcopus effectus sub Gregorio III. circè annum 731. eidem Papæ pollicitus est, se omnem debitam obedientiam redditum, atque anno 732. in singularis benevolentiae monumentum ab eodem Gregorio III. insigne Palii obtinuit. Anno 741. Zachariæ Pontifici sacramentum renovans promisit, se, servum, subditum, & discipulum, quantoscumque obedientes, vel discipulos donaverit Deus ad obedientiam Apostolice Sedis invitare, atque inclinare, non cessaturum. Imò & Zachariæ Pontifici adeò obnoxium se professus est, ut nihil, nec ipsam etiā levioris negotiis disciplinam definiendam, non ab eodem Pontifice exquireret, atque expectaret. Id abundè probant ea Zachariæ verba, quæ habentur in ipsius epistola, quæ incipit *Benedictus Deus, ad Bonifacium scripta, ibi: Nām & hoc inquisisti, pōst quantum temporis debet lardum comedī.* Nobis à Patribus constitutum pro hoc non est. Tibi autem pertenti consilium prebemus, quid non oporteat illud mandi, priusquam fumo sicetur, aut igne coquatur; si verò libet ut incoctum manducetur, pōst Paschalem festivitatem erit manducandum. Anno demūm 752. Stephano III. Papæ promisit, se Sedi Romana seriendo servum fidem, & devotum permansurum. Hæc omnia ideo paulò fusiū exhibenda censui, ut exindè liqueret, quām arcto vinculo addictus esset Apostolicæ Sedi Bonifacius, vir ecclesiasticarum rerum studiosissimus, moribus simplicissimus, atque integrerrimus vita, cuius desiderium optimum illud erat, ut Sacerdotes aureis planè moribus distinguerentur, quemadmodū deducitur ex Concilio Triburiensi in canone 44. dist. 1. de consecratis. Quandò verò Bonifacius primū Episcopus ordinatus est, non statim singulari, ut mos ceterorum erat, & est etiā in præsentia, fuit addictus Ecclesiæ, sed in generalem ad apostolicam

formam Ecclesiæ utilitatem fuit Episcopus consecratus; verūm deinde Moguntina Ecclesiæ singulari jure praefectus est, sempè tamè Romani Pontificis legatione fungens in rebus ecclesiasticis administrandis apù Germanos. Hinc cum evangelicæ prædicationis munus obiret quām libentissimè, ut nova in dies Catholicæ fidei incrementa curaret, annuentibus illis quorum intererat, Lullum sibi in Moguntina Ecclesia successorem constituit, ipseque Episcopatum Trajectensem ad Rhenum obtinuit, quā in Provincia commodior ipsi offerri occasio poterat gentes alias ad fidem Catholicam convertendi. Quo in munere diutissimè elaborans, in novis fidelibus baptizandis frequentissimè occupatus, iisdemque sacro Chrismate confirmandis, clarus meritis martyrii palmā illustris decessit ab, iis ipsis subdolè interfactus, qui recens ab ipso sacro baptismate ablui postulaverant.

Ad hunc Bonifacium, in Germania Episcopum, & Legatum, plures habentur à Zacharia Pontifice scriptæ epistolæ. Ad epistolam 1. Zachariæ pertinet canon 17. caus. 7. quæst. 1. Obtinuerat Bonifacius à Prædecessore Pontifice Maximo, ut sibi vivens eligeret Apostolici ministerii, & Episcopatus successorem. Veritus tamè ne Principi grata electio fieret, petuit à Zacharia, quid sibi agendum foret. En verba Bonifacii: *Venerande memoria Prædecessor vester, sicut audistis, in præsencia vestra mibi præcepit, ut Presbyterum pōst obitum meum, Deo volente, in ecclesiastico ministerio heredem, & successorem constituere deberem.* Et hoc mihi, si Dei voluntas est, placet; sed modo dubito, & nescio, si fieri possit, quia poste à frater illius avunculum Duci Francorum occidit, & adhuc ignoramus, qualiter ista discordia pacificari, & finiri valeat. Obscro itaqnè, ut auctoritatis vestra licentia sit, ut cum consilio servorum Dei de ista electione faciam, quod nobis in commune pro Deo, & pro utilitate Ecclesiæ, vel fructu spirituali, & defensione Religionis optimum esse videatur, ut consensum vestrum habeam de hoc facere, quod op-

optimum esse videatur, & mihi inspirare dignetur Deus; quia hoc non videtur posse fieri, si contrarius Princeps fuerit. Hæc leguntur in epistola Bonifacii ad Zachariam, quæ incipit: Confitemur Domine Pater, cap. 4. Porro Zacharias in suo rescripto, quod incipit Susceptis, ita respondit cap. 4. De eo autem, quod tibi successorem constitui velle dixisti, ut te vivente in loco tuo eligatur Episcopus, hoc nullâ ratione concedi patimur; quia contrâ omnem ecclesiasticam regulam, vel insitutâ Patrum esse monstratur. Sed volumus, ut tibi ministret, & sit in Evangelio Christi adjutor, dicente Apostolo: si quis bene ministraverit, bonum sibi gradum adquiret. Nimis enim reprehensibile esse manifestum est, ut te vivente tibi alium substituamus. Sed hoc commoneamus, ut, quamdiu te divina jussereit clementia superesse, sine intermissione ores, ut tibi Deus illum successorem concedat, qui ei possit esse placabilis; & populum, quem ad suam gratiam per tua sanctitatis industriad vocare voluit, irreprehensibiliter regere valeat, atque ad viam vite labore perducere. Nam quomodo hæc, quæ poposci, si & voluerimus (legunt aliqui: si etiam voluterimus) concedere possumus, dum nos fragiles homines existentes, & sub conditione mortis constituti ignorantes, quid superventura dies pariat, non valeamus investigare, quis de nobis prior de praesenti seculo migret? Sin autem & eundem divina voluerit clementia post tui diem transitus superesse, si eum aptum esse cognoveris, & in tua voluntate fuerit definitum, eâ horâ, quâ te de praesenti seculo migraturum cognoveris, praesentibus cunctis tibi successorem designa, ut huc veniat ordinandus. Hoc nulli alii concedi patimur, quod tibi caritate cogente largiri censimus. Rursum verò post annos quinque de eadem re in epistola, quæ incipit Sacris liminibus, propè finem ita rescripsit sanctissimus Pontifex: Petisti autem, ut cum nostro consultu superveniente tibi senectute, & plena diem atate, atque imbecillitate corporis, si invenerire potueris alium, in eamdem sedem, in qua præs, pro tui persona debeas collocare. Tu verò charissime, legatus, & missus es, ut fuisti, Sedis Apostolicæ; nos verò adjutore Deo consilium prebemus tue reverenda sanctitati, ut pro salute animarum rationabilium factore

Christo, sedem, quam obtines, sancta Moguntina Ecclesia nequaquam relinquas, ut imploratur Dominicum in te præceptum: Qui perseveraverit usque in finem, hic salvis erit: sin verò, si Dominus dederit juxta tuam petitionem hominem perfectum, qui possit sollicitudinem habere, & curam pro salute animarum, pro tui persona illum ordinabis Episcopum, eritque in Evangelio tibi credito, & ministerio Christi portando, in omni loco requirens, & confortans Ecclesiam Dei. Ex his emendandus erit, atque ex ordine describendus memoratus Gratiani canon 17. caus. 7. q. 1. in quo siquid singulare, & fortè etiam contrâ generales canonum regulas indultum adparet, accommodari facile potest & temporum, & locorum, & causarum adjunctis, in quibus Bonifacius versabatur. Præterquamquod enim agebatur potius de Vicariatu Apostolicæ Sedis, quam de Episcopatu, ac propterea agebatur de eo jure, quod de Prælato adhuc vivente in alium transferri facilius poterat, illud est observatione dignum, quod Bonifacius successorem à se sibi eligi postulaverat singularibus planè de causis, vel quod ipse aliò ad evangeliacam prædicationem acciebatur, quemadmodum eventus demonstravit, vel quod inter gentes recens ad fidem conversas successoris electio, post mortem Bonifacii dilata, schismati, & seditioni obnoxia esse potuisse, fortè etiam utilitati ecclesiastice adversari.

Alia est Zachariæ Pontificis epistola ad Bonifacium, numero sexta, & scripta anno 744., ex qua de promptus est canon 86. de cons. dist. 4. En integrum Pontificis ejusdem epistolam: Virgilius, & Sidonius religiosi viri, apud Bajoariorum Provinciam degentes, suis apud nos literis usi sunt, per quas intimaverunt, quod tua Reverenda Fraternitas eis injungeret Christianos denud baptizare. Quod audientes nimis fruimus conturbati, & in admirationem quandam incidimus, si habetur, ut dictum est. Retulerunt quippe, quod fuerit in eadem Provincia sacerdos, qui latinam linguam penitus ignorabat, & dum baptizaret, nesciens latini eloquii infringens linguam diceret: baptizo te in nomine Patria, Filia, & Spi-

Spiritu Sancta; ac per hoc tua Reverenda Fraternitas consideravit rebaptizare. Sed, sanitissime Frater, si ille, qui baptizavit, non errorem introducens, aut heresim, sed pro sola ignorantia Romanæ locutionis infringendo linguam, ut suprà fati sumus, baptizans dixisset, non possumus consentire, ut denud baptizentur; quia, quod tua benè compertum habet sancta Fraternitas, quicumque baptizatus fuerit ab Hæreticis in nomine Patris, & Filii, & Spiritu Sancti, nullo modo debet rebaptizari, sed per solam manus impositionem purgari. Nam, sanctissime Frater, si ità est, ut nobis relatum est, non amplius à te illis prædicerentur hujusmodi, sed, ut Patres sancti docent, & prædicant, tua sanctitas studeat conservare. Deus te in colummam custodiat, reverentissime Frater. Integra hæc Zachariæ epistola perspicuum reddit ejusdem Pontificis sententiam, quæ ceteroqui, prout apud Gratianum jacet, nonnullis aliquandò videri asperior potuit in ea parte, quâ scribitur baptismum validum esse, si ille, qui baptizavit, non errorem introducens, aut heresim, formulam pronunciasset, quasi visus fuerit Zacharias dixisse baptismum ab Hæretico collatum irritari. Non erat hæc sancti Pontificis mens, qui aliud manifestè declaravit in eadem epistola propè finem in verbis, nupèr exhibitis; tantum voluit explicare, quandam corrupta Sacramenti formula diceretur, undè invalidum baptismum declarari merito posset. Sed & hoc in loco præjudicatam quorumdam opinionem notare juvabit, qui ex hac eadem epistola non nihil detrac-tum putant nomini Bonifacii, quasi sanctus Episcopus indoctos, rudesque admodum, Sacerdotes baptismati adminis-trando impares, in suis Ecclesiis præfeci-sisset. Quicumque verò observaverit diligenter, & ipsum Bonifacium Sacerdotum plurium illius ætatis luxisse imperitiam, eosque appellare consueuisse Sacerdotes ligneos aureis uentes calicibus, ut legitur in can. 44. de cons. dist. 1. quicumque præterea observaverit, agi de Germaniarum Provinciis, tūm agrestibus & incultis, in Christiana autem Fide, sa-crisque mysteriis recens initiatis; qui-

cumque demùm observaverit, illo tem-pore non tam latinæ linguae cultores stu-diosissimos, quam vernaculae, & præ-di-cando Christi Evangelio magis accom-modæ seligi à Bonifacio debuisse Sacer-dotes, quorum operâ res ecclesiasticae meliora in dies acciperent incrementa, facilè Bonifacium Antistitem religiosi-simum excusabit.

Jam superiùs ad canonem 17. caus. 7. quæst. i mentio facienda fuit de epis-tola Zachariæ ad Bonifacium, quæ in-cipit *Sacris liminibus*, data anno 748. est-que numero 10. Ex illa præterea de-promptus est canon 83. de cons. dist. 4. Romam venerat Burchardus quidam Wirteburgensis Episcopus, & Pontifici Maximo egregia Bonifacii gesta enarra-verat, unâque nonnulla obtulerat capitu-la, de quibus Bonifacius Sedem Apostoli-cam interrogabat. Propositis quæstionibus Zacharias rescripsit per hanc epistolam, cuius initio hæc habentur: *Primum capi-tulum pro Synodo Provinciae, in qua natus, & nutritus es, quam in gentem Anglorum, & Saxonum in Britannia insula primi prædicatores, ab Apostolica Sede missi, Augustinus, Lau-rentius, Justus, & Honorius, & novissimè tuis temporibus Theodorus ex Graeco Latinus, antè Philosophus, & Athenis eruditus, Romæ ordinatus, pallio sublimatus, ad prefatam Britanniam transmissus judicabat, & gubernabat. In illa tale decretum, & judicium fir-missimè preceptum, & diligenter demonstra-tum esse dignoscitur, ut, quicumque sine in-vocatione Trinitatis lotus fuisset, Sacra-men-tum regenerationis non haberet. Quod omnino verum est, quia, si mersus in fonte baptismatis quis fuit sine invocatione Trinitatis, perfectus non est, nisi fuerit in nomine Patris, & Filii, & Spiritus Sancti baptizatus. De illo autem, quod per quosdam adfirmari scripsisti, ut si Evangelicis quis verbis, invocatâ Trinitate, jux-tâ regulam à Domino positam, quicumque mer-sus esset in nomine Patris, & Filii, & Spiritus Sancti, quod Sacramentum sine dubio ha-beret, ita fortiter verbis Evangelicis fuisset con-secratum baptismum, ut, quamvis sceleratissi-mus quisque Hæreticus, vel Schismaticus, aut latro, aut fur, sive adulter, hoc homini peten-*

Can. 83.
de cons.
dist. 4.

ti ministraver, tamè Christi esset baptismus
verbis Evangelicis consecratum; & è contrà,
licet minister justus fuerit, si Trinitatem juxta
regulam à Domino positam in lavacro non di-
xisset, verum baptismus non esset, quod dedit.
De illis itaque immundis, & incertis viris ha-
reticis, atque schismaticis, qui in nomine Tri-
nitatis petentes baptizant, sed & de his, qui
sine invocatione Trinitatis mergunt in fonte bap-
tismatis, fraternitati tuae notum est, quid de
illis sacrorum canonum series continet, quod &
tenere te firmiter hortamus; scriptum quippe
est, dicente Domino: sancti estote, quoniam &
ego sanctus sum. Quod suscepisti, frater, à
Prædecessore nostro sancte recordationis Grego-
rio, hujus Apostolice Sedis Pontifice, in eo per-
mane, & ab evangelica, & apostolica, seu
sanctorum Patrum tradita doctrina nullo modo
declines; sed induitus loricam fidei, & galeam
salutis, viriliter contrà nequitiam diabolice
fraudis apostolicam presentando vicem resiste.
Scriptum namque est: ecce dedi faciem tuam
potentem adversus faciem eorum, & constan-
tiam tuam confortabo adversus contentiones eo-
rum, & erit fortior petrâ constantia tua. Pro
sacrilegis itaque Presbyteris, ut scrisisti, qui
tauros, & hircos Düs Paganorum immolabant,
manducantes sacrificia mortuorum, habentes &
pollutum ministerium, ipsique adulteri esse in-
venti sunt, & defuncti; modò vero incognitum
esse, utrum baptizantes Trinitatem dixissent,
an non; & timent illi, qui vivi sunt, quod in
tali ministerio non sint baptizati, quibus respon-
dens jussisti omnes baptizare. Hoc quoque ob-
servasse in dicta Synodo Sacerdotes, ut qui vel
unam de Trinitate Personam in baptismo non
nominaret, illud baptismus verum esse non pos-
set, quod pro certo verum est; quia, qui unam
ex sancta Trinitate confessus non fuerit, per-
fectus Christianus esse non potest. Qui enim
confiteretur Patrem, & Filium, si confessus non
fuerit Spiritum Sanctum, nec Patrem habet,
nec Filium; & qui confessus fuerit Patrem, &
Spiritum Sanctum, & Filium non fuerit con-
fessus, nec Patrem habet, nec Spiritum Sanc-
tum, sed vacuus est à gratia divina. Ex his
planè supplendus, emendandusque erit
Gratiani canon, in quo plurima deside-
rantur, ex quibus præterea liquet, quæ
mens potissimum & Bonifacii fuerit, &

Zachariæ; nimis uterque probandum
voluit, confirmandumque, quod olim
in Anglorum Ecclesia desacra conferen-
di baptismatis formula, ac ministro cons-
titutum fuerat.

Ex epistola numero 12. apud Lab-
beum, quæ incipit *Benedictus Deus duo de-*
prompta sunt Gratiani fragmenta, vide-
licet canon 105. caus. 11. quæst. 3., & Can. 105.
can. 5. dist. 78. Gratulatus initio Za-
charias, quod Bonifacius res ecclesiasticas in
prædicatione Fidei ex proposito
gereret, majoraque in dies precatus in-
crementa, statim hæc subjicit: Suggessit ita-
quæ sancta fraternitas tua in suis apicibus, quod
Prædecessor noster beata memoria Gregorius
hujus sancte Sedis Apostolice Presul, dum ad
prædicandum verbum Evangelii tuam misisset
fraternitatem in Germanie partibus, & gen-
tibus illis paganis, ab eo te esse communitorum,
itâ ut Orthodoxos Episcopos, Presbyteros, vel
quoscumque reperire potuisses in verbo exhorta-
tionis perfectos, amplius confirmares, & eis
communicares, quod & factum est; si quis ve-
rò seductores Episcopos, aut pseudopresbyteros,
vel quoscumque à recto fidei tramite deviantes
reperisses, nulla tibi cum eis esset communio,
quod te, Deo solatiente, usque ad presens spiri-
taliter servasse confessus es; vel si omnino propter
principalem, & humauum favorem gentis
Francorum, dum ad eos accessisses, corporali-
ter abstinere non voluisti, cogente necessitate
Ecclesiarum Dei, attamen in eorum concilio,
& consensu communionis anima tua non est
coquinata. Itaque propter hoc, quod cum eis
conversatus es, non consentiens iniquitati eo-
rum, nullum tibi est detrimentum coram Deo.
Te enim predicante, si obedirent, salvi essent;
sin autem in iniquitate sua permanerent, ipsi
perirent: tu autem, juxta Prophetæ dictum,
salvasti animam tuam. Hic sanè est canon
105. caus. 11. quæst. 3., in quo ani-
madvertendum erit, non improbari Bo-
nifacii Episcopi œconomiam, qui ali-
quando cum improbis hominibus con-
versari debuit, ut, quæcumque occasio
offerretur, convertendi gentes ad ger-
manam Christi fidem, ea facilius arri-
peretur. Post nonnulla responsa Zacha-
riæ variis interrogationibus accommoda-

ta, hæc in eadem epistola subsequuntur: Inquisisti etiam & hoc, si ante tricesimum annum liceat Sacerdotem ordinari. Bonum, & congruum est, charissime frater, si fieri, & inveniri potest, ut proiecta etatis, & boni testimonii viri juxta sacrorum canonum instituta ordinentur Sacerdotes. Si autem minimè periuntur, & necessitas exposcit, à viginti-

quinque annis, & supra Levitæ, & Sacerdotes ordinentur, quemadmodum in lege Domini continetur. Huc referendus est memoratus canon 5. dist. 78., undè etiam coligitur, quibus ex causis non nihil ex ecclesiastica disciplina remissum fuerit apud eas gentes, quas recens Christiana fides Deo, Ecclesiæque subjecerat.

APPENDIX.

De aliquibus Bonifacii Episcopi, & Martyris monumentis.

Ex epist. ad Zachariam Papam.	{ Can. 104. caus. 11. quest. 3. jungendus cum can. 105. caus. 11. quest. 3.
Ex epist. ad Echeldobaldum Anglo-rum Regem.	{ Can. 10. dist. 56. paulò varius in diversis codicibus.
Adjicitur.	{ Can. 6. dist. 40. incerta admodum fidei, atque auctoritatis.

Commodè huc referenda censui post Zachariæ Pontificis epistolas nonnullæ Bonifacii Episcopi, & Martyris monumenta; ut enim hoc in loco ejusdem Bonifacii mentio habenda fuit, quemadmodum etiam epistolarum Zachariæ ad Bonifacium, opportunum vi- sum est pauca subjecere, quæ ad Bonifacium pertinent in codice Gratianeo. Et quidem commodius ceteris agendum

Can. 104.
caus. 11.
q. 3.

hic est de canone 104. caus. 11. quest. 3., utpotè qui depromptus est ex epistola Bonifacii ad Zachariam, qui etiam conjungi debet cum canone 105. ejusdem causæ, & questionis. Habetur ille in epistola, per Lullum Presbyterum missa, quæ incipit: *Paterno pietatis; ubi tamè pro illis Gratiani verbis: Adstipulator fierem, & adjutor, quod cum divina gratia adimplere studui.... & implere non potui; sed spiritualiter implevi Sacramentum, &c.* ita legitur: *Adstipulator, & adjutor fierem; hoc autem cum divina gratia adimplere studui.... & implere non potui. Spiritualiter implevi Sacramentum, &c.* Hæc si junxeris omnia, liquebit, quæ cautelâ voluerit Gregorius, Bonifacium inter gentes Evan-

gelium prædicaturum vivere, ac conver- sari; quâ etiam ratione Bonifacius jus- jurandum Gregorio præstitum imple- dum crediderit.

Alia est ejusdem Bonifacii epistola ad Regem Anglorum Ethibaldum, legunt alii Hiltibaldum, alii Echeldobaldum, alii Accheldorfaldu cum hac inscriptio- ne: *Domino charissimo, & in Christi amore ce- teris Regibus preferendo, inclita Anglorum Imperii sceptra gubernanti, Ethibaldo Regi Bonifacius Archiepiscopus Legatus Germanicus Romanae Ecclæsiae, &c.* Hinc exceptus est Gratiani canon 10. dist. 56., quem ad manus- criptum codicem Romani Correctores exegerunt, & Antonius Augustinus in lib. 2. Dial. 3. de emend. Grat. cum Thomasiano codice contulit, ita sub- dens: *In verbis non magna varietas est: pro illis impropterum nobis objicitur, illic est, impropterum est, & pro nec bello, nec in bello, pro Hispaniæ, & Provinciæ, omissâ voce &c., Hispaniæ Provinciæ. Sic autem fortasse non Gallia pars, qua Provincia dicitur, accipietur. Pro illis vindex talium, illic est judex omnipotens talium. A. ego vindex omnipotens talium scriberem. B.*

Denique pro illis per ignorantes legem Dei, id est, per Saracenos, scriptum est, per ignorantiam legis Dei, per Saracenos.

A. Quid apud Iwonem sit, videamus. C. Ivo improperium est habet, & nec in bello. *Retinet tamen & Provinciæ, atque voce vin-* dex sive vocibus iudex omnipotens caret. *Ad extremum habet per ignorantiam legis Dei* per Saracenos. *A. Capitularia conferamus.* *C. Contuli.* Et Provinciæ solum habent, ce-
tera ut in ipsa Bonifacii epistola. Hodiè hæc epistola edita est inter cetera Bonifacii ejusdem monumenta; præcipuus autem scribentis scopus is erat: gratulabatur in primis cum ipsomet Rege, quod pluribus optimis gestis Regium animum exor-
naret: deinde mitiore stilo enarrabat se accepisse, quod tamèn falsum suspic-
batur, illum sine justa legitimaque con-
juge, vagâ quadam libidine in plurimas rapi consuevisse; quo enarrato expo-
nebat, quâm turpe illud esset, atque in honestum, potissimum ubi ageretur de Principe, cujus mores facile ceteri imitarentur. Ex his planè intelligitur in-
tegra memorati Gratiane canonis sententia.

Superest adhuc canon 6. dist. 40. quem *ex dictis Bonifacii Martyris* deprop-
tum adseruit Gratianus; paulò aliter Ivo Carnotensis in cap. 23. partis 5. *Ex ges-
tis Bonifacii Martyris Legati Romane Ecclesie.* At verò sive gesta, sive dicta hujusmo-
di Bonifacii nullibi reperiuntur, quemadmodum se non reperisse suis temporibus testatus est Antonius Augustinus, ceteroqui solertissimus rerum ecclesiasticarum veterum investigator, in lib. 2. de emendat. Gratian. Dial. 3. Romani Correctores Naucleri testimonium produxerunt, ut illum canonem Bonifacio jure quodam adscriberent. Non vi-
deo tamèn, quid in hac re valere possit testimonium Naucleri, qui sæculo de-
mùm quintodecimo scripsit, à Bonifacii temporibus valdè remotus. Potiore jure iidem Correctores laudaverunt Deusde-
dit Cardinalem; nondùm tamèn talis, tantaque est ejusdem Collectoris auctoritas, ut rem extrà omnem controver-

siam collocet, cum Deusdedit pòst duo, & amplius à Bonifacio sæcula scripserit. Ego sanè laudandam interea censeo Ro-
manorum Correctorum solertiam, qui Collectorem illum indicaverunt, nimirum Deusdedit Cardinalem, quem non Gratianus tantum sequutus fuerat, sed & Ivo Carnotensis; unâque definivisse visi sunt, non omnino certam esse hujus canonis auctoritatem, quotiescumquè ipsa canonis auctoritas ad fidem, auctoritatemque Collectionis Deusdedit exigatur. Ut enim omittam, Collectionem hanc non omni ex parte probatissimam apud omnes perpetuò extitisse, dicam tantummodò, pluri-
ma in eam Collectionem effluxisse ex mercibus Isidorianis, atque, quod ad rem præsentem pertinet, sufficiet con-
ferre eundem canonem 6. dist. 40. cum canone 8. caus. 2. quæst. 7., ut exindè dignoscatur, quanta adfinitas sit inter hunc canonem Bonifacio tributum, & epistolam Pseudo-Clementis. Non igno-
ro, Martinum Lutherum inter articulos, cx Codice canonum excerptos, quibus adserebat illum detestabilibus frag-
mentis esse repletum, ac propterea per-
dendum, caput hoc publicè proposuisse octavo articulo, ut ceteros suæ opini-
onis sectatores, fervidam præsertim juventutem, adversùs canonum doctrinam concitaret, quemadmodum demontravit Wittembergensis exitus anno 1520. die 7. Decembris, quo Codex canonum igni traditus fuit. Sunt tamèn hæc animi, nimiò, & ultrà æquitatem æstuanti, deliramenta; non enim integra rerum gestarum volumina ideo perdi necesse est, quod in iis aliqua idemtidiem inveniantur à veritate aliena. Quam-
quam verò germana nulla supersint hu-
jus canonis vestigia apud veteres, aut fortè etiàm videatur ipse ex Mercatoris epistolis decerpitus, quid, amabo, erat, undè homo hereticus in Codicem ca-
nonum adeò acriter declamaret? Ego non video, cur inverosimile admodum sit, Bonifacium apud Germanos Epis-
copum hanc, aut similem pronunciasse

sententiam, cuius prouinciandæ si occasio nem verosimilem quæras, ego facile indicabo. Constat ex epistola Bonifacii ad Zachariam, relata apud Baronium ad annum 741. n. 27., Bonifacium eumdem retulisse, se audire à *carnalibus* qui busdam hominibus, Bajoariis, Alemannis, vel Francis juxta Romanam Urbem quædam fieri superstitionis, præsertim Kalendis Januarii, aliisque statis ex gentium consuetudine diebus. Sanè, cum Bonifacius superstitiones omnes eradicare studebat apud Germanos, ne sibi obijicerentur Romanorum mores, qui, cum publicè, ac nemine reluctante, superstitiosis ludis incumberent, videbantur non destituti sui Antistitis auctoritate, aut consensione, (melius dixerim, dissimulatione) forte primùm edocuit, Romanos ipsos Antistites contradicere, aut saltē depravatos populi mores ægrē

ferre; deinde etiā adjecit, parūm obesse optimæ ecclesiasticæ disciplinæ, quod Romæ tum quidpiam minus aptum germanæ doctrinæ Christi ab aliquibus admitteretur, etiamsi forte quisquam ex Pontificibus Maximis aliquandiu conniveret; cum de aliorum gestis, præsertim supremi Ecclesiæ Principis nemo iudicium ferre debeat, sed curare tantummodo, ut suos mores sacris institutis informet, quidquid alii peragant, pœnas ulti or Deo daturi. Atque hæc ipsa sententia eadem prorsus est cum sententia canonis 6. dist. 40. quem proindè, licet non quisquam statim velut germanum & authenticum Juris Ecclesiastici documentum recipiet, non tamè statim, velut pudendum alicujus deceptoris monstrum, instar hæretici hominis expungendum à sacris Codicibus arbitrabitur.

C A P U T L X X .

De Stephano II., aut III., vel etiā IV.

An post obitum Zachariae successerit in Romana Sede Stephanus II. ille, quem per quatuor tantum dies Romanam Ecclesiam rexisse aliqui ferunt, & statim post istum Stephanus III., incertum est: hinc vulgo, qui à plurimis II. dicitur, ab aliquot III. appellatur. Hæc in causa sunt, cur hoc in loco nominaverim Stephanum II. aut III.: inò etiā addiderim IV., qui ab aliis III., ex eo quod post Paulum successerit Stephano III. seu II., atque utriusque capita confundi facile potuerint. En canones, qui horum Pontificum nomina præseferunt.

Ex canonibus, editis in Concilio, habito in Basilica Constantiniana.	{ Can. 3. dist. 79.	{ non omnes omnino indubie auctoritatis; potius autem Stephani IV. nomine designandi.
	Can. 4. dist. 79.	
	Can. 5. dist. 79.	
	Can. 14. dist. 31. falso tributus Concilio Stephani.	
Ex epistola ad Moguntinum Episcopum.	Can. 13. dist. 16.	{ potius referendi ad Stephanum V. seu VI.
	Can. 20. caus. 2. quest. 5.	

O Misso Stephano illo Pontifice, quem quatriduum dicunt, neque enim ipsi decreta ulla, vel canones adscribi facile possunt, paucis dicam, ab anno 752. mense Martio Romanam rexisse

Ecclesiam Stephanum II. sive III. usque ad annum 757. Et quidem è ætate res Italiae premebantur duro Longobardorum Imperio, fractis Constantinopolitanis Imperii viribus: præsertim vero Roma-

mani conquerebantur, res, & patrimo-
nia Ecclesiarum subripi, ac per vim oc-
cupari, ipsam etiām Urbem minis ter-
ri, obsidione angi, eamque ob rem ad
tutelam Pipini Galliarum Regis confu-
gerunt, cuius operā pacem, libertatem
que recuperarunt, ipso Stephano Pon-
tifice maxima cum sollicitudine procu-
rante. Quas identidē in angustias re-
digeretur Stephanus, facile unusquisque
animo concipit suo, modò nimirūm
Longobardorum vi pressus, modò ip-
sis populi sibi singulari etiām jure com-
missi calamitatibus defatigatus, modò
de Constantinopolitanorum viribus pro-
pè destitutorum auxilio desperans, mo-
dò de Francorum tutela dubitans, mo-
dò etiām belli acris pericula expavescens,
modò pōst ipsam quoquā victoriam non-
dūm de diurna pace, ac felici tran-
quillitate securus.

Pōst obitum Stephani anno 757.
mense Majo successit in Romana Ca-
thedra Paulus Diaconus Romana Eccle-
siæ, Stephani ejusdem frater, vir opti-
mè de Romana Ecclesia, & Republica
olim meritus, & ad leniendos Longo-
bardorum animos aliquandò legatus.
Decem autēm per annos, quibus Pon-
tificatum tenuit, nonnulla edidit Eccle-
siasticis rebus utilia, quorum tamē nul-
lum vestigium est apūd Gratianum.

Paulum exceptit Stephanus III., si-
ve IV. anno 768. ordinatus, non levit-
er turbatis initio Romanæ Ecclesiæ re-
bus, quōd quidam Constantinus, deinde
quidam Philippus Sedem Pontificiam
per vim invassissent, per annum enim
ferè integrum schismate concussa Ro-
mana Ecclesia tandem Pastorem suum
suscepit Stephanum, qui obiit anno 772.
nonnullis gestis adversū recentem Græ-
corum hæresim de cultu Sacrarum Ima-
ginum; nonnullis etiām ad curandam
Romanæ Ditionis tranquillitatem adver-
sū conatus Longobardorum.

*De Canonibus, editis in Concilio,
habito in Basilica Constan-
tiniana.*

Stephani III., seu IV. auctoritate
celebratum hoc Concilium est anno
769. Romæ in Basilica Constantiniana,
eō convenientibus Tuscia, & Campania
Episcopis propemodū universis,
aliisque nonnullis ex reliquis Italiæ, &
Galliarum Provinciis. Causæ celebra-
dæ Synodi duæ potissimum fuerunt:
Prior nimirūm modus & forma Roma-
ni Pontificis eligendi; ideò tūc stabi-
lienda, quōd ex ambitu Constantini, &
Philippi, superiūs memoratorum, ac
Sedem Apostolicam invadentium, gra-
vissima, ut in unoquoque hujus gene-
ris schismate contingere solet, in Ro-
manam Ecclesiam incomoda emer-
serant. Hinc in eadem Synodo damnatus
est Constantinus ille schismaticus, imò
& illi, qui ab eodem Pseudo-pontifice
fuerant ordinati. Altera causa fuit re-
cens Orientalium hæresis, qui, Sacras
Imagines aversati, earum cultum im-
piè damnaverant. Hodiè acta istius Sy-
nodi integra non existunt: tantummo-
dò quædam superfuerunt fragmenta, &
quidē informia, quæ non satis tutò
Stephano Pontifici integra attribueris.
Cum verò quatuor sint ex ipsis apūd
Gratianum, in re aliquantispēr dubia
curabo, ut singula, quoqd fieri possit,
ad mentem, reliquiasque illius Conci-
lii exigantur. Edidit Lucas Holstenius
nonnulla capita actionis tertiae, & quar-
ta ejusdem Synodi, ad quæ jure refer-
re poterimus canones 3. 4. & 5. dist. Can. 3.
79. Ex actione 3. ita de promptum le- dist. 4. & 5.
gimus: *Hesterno die prolata est sententia,*
quemadmodū Constantinus Apostolica Sedis
invasor sub pœnitentiæ correptione subsistere
debeat. Item infra: Oportebat, ut hæc Sacro-
santa Domina nostra Romana Ecclesia, jux-
tà quod à Beato Petro, & ejus Successoribus
institutum est, ritè ordinaretur, & in Apos-
tolatus culmen unus de Cardinalibus Presbyteri-
is, aut Diaconibus consecraretur. Nōmo non

videt, heic exhiberi canonem 3. dist. 79., cuius interpretatio plurimum à facto Constantini Pseudo-pontificis pendet. Fuerat enim Constantinus ipso die seditione electionis suæ adhuc Laicus, qui facto exercitu, armatâque rusticorum hominum catervâ Lateranense Patriarchium occupavit, curans deinde, ut Clericatum adipisceretur, quo adepto Pontifex consecraretur. En perspicuum causam, cur definiretur, neminem in summum Pontificem eligendum, nisi inter Diaconos, aut inter Presbyteros Romanæ Ecclesiæ jam esset adscriptus, sive, ut olim ajebant, *incardinatus*, seu *Cardinalis*. Auctor Libri Pontificalis de hac Constitutione mentionem fecit, ita scribens in vita Stephani de Concilio Romano: *Tunc, allatis sacratissimis canonibus, eisque liquido perscrutatis, prolata est sententia ab eodem Sacerdotali Concilio sub anathematis interdicto, nec ullus unquam presumat laicorum, neque ex alio ordine, nisi per distinctos gradus ascendens Diaconus, aut Presbyter Cardinalis factus fuerit, ad Sacri Pontificatus honorem possit promoveri.* Hinc ego non dubito, quin idem canon recte Concilio Stephani tribuatur. Addi posset ad hanc rem canon 6. dist. 79., ubi exhibetur Leo IV. similia proponendum statuisse, eademque auctoritate Papæ Stephani confirmasse, sed vereor, ne parvi pendatur ejusdem Gratianei canonis auctoritas, ut potè quem, jam suo loco dixi, ad Leonem IV. minime pertinere.

Prosequitur Lucas Holstenius in edendis fragmentis actionis tertiae his verbis: Item: *Sed & hoc sub anathematis interditionibus decernimus, ut nulli unquam laicorum, sive ex manu armata, vel ex aliis ordinibus, presumant inveniri in electione Pontificis, sed à Sacerdotibus, atque Proceribus Ecclesiæ, & cuncto Clero ipsa Pontificalis electio proveniat.* Et, priusquam Pontifex electus fuerit, & in Patriarchium deductus, omnes Optimates militiae, vel cunctus exercitus, & Cives honesti, atque universa generalitas populi hujus Romanæ Urbis ad salutandum cum sicut omnium dominum properare debeat. Et

itâ more solito decretum facientes, & in ea cuncti pariter concordantes subscribere debent. Hoc itaque & in aliis Ecclesiis sub divini iudicii obtestatione, & anathematis interdictione decernimus observandum. Hæc rursùm pertinere ad factum Pseudo-pontificis Constantini nemo non videt, qui Pseudo-pontifex, fratrui sui Totonis Duci Nepesinæ Civitatis adjutorio, & armis usus Apostolicam Sedem invaserat. An verò eadem, quæ heic retuli ex Holstenio, sint ipsamet Romani Concilii verba, an potius simili quadam formulâ digesta sententia, non ausim definire. Tantum dixero, Holstenium hac in re sequutum esse fidem Anselmi Luccensis; Autorem autem libri Pontificalis in verbis, nupèr superius descriptis, paulò aliter Romani ejusdem Concilii sententiam descriptsisse, quo sanè referendus erit memoratus canon 4. apud Gratianum.

Hinc nonnulla subjicit Holstenius ex actione 4. ejusdem Concilii ad venerationem Sacrarum Imaginum pertinentia. Deinde verò ita progreditur: *Statuta contrâ vim, & ambitum. Item: Si quis ex Episcopis, vel Presbyteris, vel Monachis, aut ex laicis, contrâ canonum, & Sanctorum Patrum statuta prorumpens, in gradum Majorum Sancte Romana Ecclesie, id est, Presbyterorum Cardinalium, & Diaconorum ire presumpserit; & hanc Apostolicam Sedem invadere quilibet ex supradictis tentaverit, & ad summum Pontificalem honorem ascendere voluerit, ipsi, & sibi faventibus fiat perpetuum anathema.* Item: *Si quis cum armis in electione Pontificis, vel aliorum Sacerdotum inventus fuerit, anathema sit.* Item: *Si quis juvare, aut introducere in hanc Civitatem Roma presumpserit quemquam, de quacumque Civitate, aut castro, vel loco Pontificis prius discessum, quousquè in Sede B. Petri Pontifex ordinatus fuerit, anathema sit.* Item: *Si quis resistere presumpserit Sacerdotibus, atque Primatibus Ecclesie, vel cuncto Clero ad eligendum sibi Pontificem, secundum hanc canonicam traditionem anathema sit.* En hisce verbis exhibitum ipsummet Gratiani canonem 5. dist. 79., cuius auctoritas ma-

jur etiām esse videretur, quotiēs Lucas Holstenius hāc omnia se deduxisse profiteretur ex melioribus monumentis, quām ex quibus se singula depropmsisse confessus est. Hāc Holstenii fragmenta edidit etiām Mansius in tomo I. Supplementi ad Concilia Venetō-Labbeana, quibus adjectit ex vetusto MSs. Codice Bibliothecæ Capituli Veronensis actionem 1. ejusdem Lateranensis Concilii, quod etiām elegantibus & suis, & Cajetani Cenni adnotationibus illustravit.

Can. 14. dist. 31. Tribuitur præterea à Gratiano ca- non 14. dist. 31. Stephano Papæ in prima actione Synodi, ab ipso in Basilica Lateranensi congregata. Una Gratiani auctoritas tan- ti apud unumquemque esse non debet, ut eidem sit illicò obtemperandum. Ex- tat, quemadmodū animadverti, apud Mansium in Supplemento actio 1. me- morati Concilii Lateranensis depropmta ex Codice antiquissimo Veronensi, & tamèn verba illius canonis 14., imò etiām, quæ cum eodem canone quo- quomodò consonet, sententia, deside- rantur. De aliis actionibus non loquor, ad quas neque sese retulit Gratianus, neque referre quisquam Gratianum ca- nonem posset. Addo, nihil simile re- periri apud Ratherium Episcopum Ve- ronensem in epistola 2. Romanæ Eccle- siæ, edita en Spicilegio Dacheriano tom. 2. veteris editionis, quamquām ibidèm nonnulla Romani hujus Concilii capita summatim attingantur. Sed neque auc- tor Libri Pontificalis, qui in vita Ste- phani III. seu IV. expressit, licet pau- cis, sententias Romani ejusdem Conci- lii, mentionem fecit de continentia ma- jorum Clericorum, aut de variis Græ- cæ, Latinæque Ecclesiæ moribus in cus- todienda continentia lege, quemadmo- dum in canone 14. legimus. Quòd si integrum actionem 1. recens editam quis- piam consideret, imò etiām observet Concilii illius scopum, facilè agnoscat, nihil aliud ibidèm pertractatum esse, quām negotium Constantini Pseudopa- pæ, sive formam Pontificiæ electionis,

discussamque disciplinam de cultu ac veneratione Sacrarum Imaginum. Por- rò quid commune habebat cum hisce causis argumentum continentia à Subdiaconis, Diaconis, Presbyterisque ser- vandæ, & diversitatis disciplinæ apud Orientalem, atque Occidentalem Ec- clesiam? Meo sanè judicio minus oppor- tuna tūnc fuisse hujus generis disputa- tio, utpotè quæ exasperandis potiùs, quām leniendis, atque in meliorem fru- gem redigendis, Græcorum animis in- serviisset; neque enim quisquam igno- rat, elaborandum potiùs tūnc fuisse, ut Græci à recta fide devii ad colendas Sa- cras Imagines reducerentur; non ut pro- poneretur sequenda omnino Occiden- talis Ecclesiæ disciplina, sine qua ad- huc unitas Ecclesiæ consistere potuis- set. Planè non ego inficias iverim, ve- ram esse sententiam memorati canonis 14., quo nihil aliud exhibetur, quām diversitas consuetudinum, sive apud Græ- cos, sive apud Latinos inductarum; si- milem propterea traditionem apud alias Collectores habemus: Sic in Collectio- ne quadam canonum MSs. Bibliothecæ Taurinensis Athenæi, cuius nonnulla fragmenta edidit Mansius in tom. 2. Supplementi Labbeani pag. 67. & se- quentibus, legimus sub nomine Leonis IX. contrà epistolam Nicetæ Abbatis: *Apud nos nec ad Subdiaconatus gradum quis- piam admittitur, nisi perpetuam continentiam, etiām à propria conjuge profiteatur: nec post gradum cuiquam ducere uxorem conceditur.* Exindè tamèn facile mihi persuadere non possum, memoratum Gratiani frag- mentum jure optimo adscribendum es- se Stephano III. aut IV., eidemque in Synodo Lateranensi actione 1., quemadmodū testatus est Gratianus.

De Epistola ad Episcopum Mogun- tinum.

Duo sunt Gratiani fragmenta, ca- non 13. dist. 16., & canon 20. caus. 2. dist. 16. quæst. 5. Stephano Papæ adscripta. in & caus. epistola ad Episcopum Moguntinum, 2. q. 5. qui

qui in diversis Codicibus diverso nomine appellatur, nimirum alicubi Luitthobius, alibi Luitbertus, seu Luithbertus, alibi Umbertus. Quis verò fuerit Stephanus auctor canonis minimè indicat Gratianus. Illud pro certo in primis habendum est, Stephano I. tribui non posse, cum temporibus Stephani I. nondum apud Moguntinos Episcopi essent constituti, quos idem Stephanus edoceret; imò & ipsamet canonum memoratorum materies sèculo Stephani I. non conveniat. Neque verò iidem canones tribui possunt aut Stephano II., aut Stephano III., qui etiàm IV. dicitur; etenim ab Episcopatus Moguntini

erectione usquè ad obitum Stephani III. qui IV. apùd alios est, duo tantummodo Episcopi Moguntini recensentur, primus omnium Bonifacius, de quo jam superiùs sermonem institui; secundus est Lullus, quem etiàm temporibus Hadriani Papæ vixisse, Historici ex monumentis firmissimis testantur. Non est igitùs locus Luithobio, aut Luitberto, aut Humberto, ad quem fingamus epistolas à Stephano II., aut III. qui etiàm IV. dicitur, directas. Verosimilius est, hosce canones potius referendos esse ad Stephanum V., qui & VI. dicitur, juxta eā, quæ suo in loco commodius, atque opportuniùs expendentur.

C A P U T L X X I .

De Hadriano.

Quæ ex Hadriani Papæ Capitulis, seu Decreto, seu Romano Concilio se deprompsisse testatus est pluriès Gratianus, jam expendi in priore hujus operis parte cap. 45. Nonnulla adhuc supersunt hoc in loco expendenda, quæ vel ad Hadriani res gestas pertinent, aut cum ipsis necunda sunt, vel ad ipsius epistolas. aut sanctiones.

Ex rebus gestis Hadriani.	{	Can. 22. dist. 63. ex Sigeberto depromptus, & ab historica fide alienus.
Nectuntur	{	Can. 21. dist. 63. pertinet ad Librum Pontificalem in vita Vitaliani, & Agathonis.
Ex epistola ad Carololum	{	Can. 30. dist. 63. ex integris exemplaribus supplendus.
Ex epistola ad Tarasium Patriarcham.	{	Can. 32. dist. 63. simùl jungendi, atque ex integris exemplaribus supplendi.
	{	Can. 33. dist. 63. simùl jungendi, atque ex integris exemplaribus supplendi.
	{	Can. 6. dist. 37. ad integrum epistole sententiam exigendus.
	{	Can. 5. dist. 16. simùl jungendi, & potius exigendi ad epistolas Tarasii Patriarchæ Constantinopolitani.
	{	Can. 29. de cons. dist. 3. simùl jungendi, & potius exigendi ad epistolas Tarasii Patriarchæ Constantinopolitani.

QUO tristior fuit Italiae universæ, ac Romanæ Ecclesiæ facies, cum primùm Hadrianum Pontificem Maximum salutarunt anno 772. seu quòd Longobardorum arma Romanis infesta essent regnante Desiderio, seu quòd Iconoclastarum hæresis apùd

Orientales latiùs, ac vividiùs serperet; eo latior, atque jucundior in dies adparuit, quum pòst paucos annos labentibus rebus opem tulit Carolus Magnus, pace Romanis partâ, captis, perditisve illorum hostibus, locupletatâ ipsamet Romanâ Ecclesiâ, & honoribus.

bus largissimè aucta; aliàs verò ex Nicenæ II. Synodi opportuno tempore celebratæ sanctionibus suis restitui cœperat in Oriente Sacris Imaginibus cultus, damnatâ hæreticorum impietate. Obiit Hadrianus sub finem anni 795., vel, ut alii scripserunt, sub initium anni 796. Paucis argumenta exhibui, circà quæ aut ejus Pontificis gesta versantur, aut ejus epistolæ, responsa, ac decreta; nimirùm aut de cultu Sacrarum Imaginum, aut de Italæ universæ, præsertim verò Romanæ Ecclesiæ, tutela à Carolo suscipienda, vel suscepta, in utilitatem, quoad fieri posset, maximam administranda, actum fuit.

*De Canone 22. dist. 63. Cui nec tendi sunt canones 21. 30. 32.
Et 33. eadem dist.*

Altius repetere juvat, quæ tradenda sunt ad interpretationem canonis 22., sicut & aliorum numero plurium in distinct. 63. Certissimum apud omnes est, vetustissimam fuisse Ecclesiarum omnium consuetudinem, ut, defuncto Ecclesiæ Antistite, Clerus & populus eligeret Successorem; quod potiore jure custoditum olim fuit in Ecclesia Romana, in qua nimirùm, velut omnium Principe, nullæ esse poterant superioris alicujus Antistitis partes. Hæc disciplina viguit integra, quousquæ Imperatores ethnici aut de rebus Ecclesiasticis solliciti non fuerunt, aut Ecclesiam ipsam vexarunt. Ubi verò ad Christianam fidem conversi sunt, imò etiā Ecclesiam ipsam privilegiis, honoribus, opibus ditaverunt, & ipsi voluerunt electioni Pontificis Maximi suffragari; quo jure eo validius contendebant ut se, quo firmiora essent dignitatis imperatoriae incrementa, antiquatâ prope modum Romanæ Reipublicæ formâ. Summa Imperii cœpit à populo in Imperatores migrare, quemadmodum liquet ex l. I ff. de constitut. Principum, eamque ob rem etiā jura populi in electionibus Maximi Antistitis in Prin-

Tom. III.

cipem translata proponebantur. Opportunum autem videbatur quād maximè ad obtainendam Ecclesiæ pacem Imperatoris suffragium, quo lato plebis ac turbarum schismata sedabantur, imò ipse Clerus sæpè ac sæpius in eum consentiebat, quem ipsi Imperatores postulavissent; sciebat enim quantum Ecclesiasticæ utilitati studeret pietas, ac religio Cæsarum, quos optimos, atque integrissimos rerum Ecclesiasticarum vindices ac patronos agnoverat, argumenta hujusmodi inter ceteros præbentibus Theodosio, ac Constantino. Diutius viguit consuetudo hujusmodi, quo usquæ nimirùm Romani Imperii jurisdictione integra apud Imperatorem perseveravit. Primùm recessum ab illa fuit temporibus Pelagii II. ad annum 577., ad quem ita scribit Anastasius: *Hic ordinatur absq[ue] jussione Principis, eo quod Longobardi ob siderent Civitatem Romanam.* Ceterum statim ac Romana Urbs libertate donata est, rursùm Pontificis Maximi electio proposita fuit Imperatori, hinc Anastasius idem ad Vitalianum Papam ad annum 655. ita scribit: *Hic direxit responsales suos cum Synodica juxta consuetudinem in Regiam Urbem apud piissimos Principes, significans de ordinatione sua: Et dum suscepti essent, renovantes privilegia Ecclesia reversi sunt.* (Privilegia erant Primatus Romanæ Ecclesiæ, cuius tutelam adversus Græcorum ambitum Græci ipsi Imperatores persæpè suscepserant). Clarius Platina in vita Severini, sive ad annum 638. *Vana tunc habebatur Cleri, & populi electio, nisi eam Imperatores, aut eorum Exarchi confirmassent.* De Exarchis idè ibi fit mentio, quod Imperatorum nomine Ravennæ commorantes res Italæ graviores administrabant. Id adeò verum est, ut cum Gothi, etiamsi rebus Ecclesiarum infensi, Romanam Urbem occupaverint, non solùm sibi reservaverint jura Imperatorum in electione confirmando Pontificis Maximi, verùm etiā onus Romano Antistiti recens electo imposuerint, ut certum tributum solveret Regi Longobardorum, quo-

Cc

ties

tiescunquè ad ipsum accederet causâ postulandæ confirmationis, quæcumque tandem esset hujusmodi confirmatio, quemadmodum deducitur ex Cassiodoro in libris variarum, & apud Gregorium Magnum in Commentariis 4. Psalmi Pœnit. Hostibus à Romana Provincia profligatis, Imperatores Constantiopolitani non solum jure consentiendi in Romanum electum Antistitem experiri voluerunt pro vetusto more, sed etiàm quod à Gothis olim impositum erat tributum exegerunt, rati non decere Catholico Imperatori munera quædam à Romano Antistite persolvi, quæ antea soluta Ethnico Principi fuisse. Res ita sese habuit usquè ad tempora Agathonis Papæ, sive ad annum circiter 679. Nimirū Agatho ab Imperatore Constantino Pogonato obtinuit, ut Pontifices Maximi confirmarentur quidem suffragio Imperatoris, nullum tamè tributum pendere tenerentur. Anastasius Bibliothecarius id apertere testatur, ita scribens: *Agatho, natione Siculus, ex Monachis, sedit annos duos.... Hic suscepit divalem jussionem p̄iissimorum Principum Constantini, Heraclii, & Tiberii Augustorum, per Epiphanium Gloriosum à secreto missam Predecessori suo Dono Papæ, invitantem, atque adhortantem, ut debeat Sacerdotes, vel Missos suos dirigere in Regiam Urbem pro adiuvatione facienda Sanctorum Dei Ecclesiarum, quod & ordinare non distulit. Et direxit Abundantium Paternensem, Joannem Rhegitanum, & Joannem Portuensem Episcopum &c.... Tanta autem gratia divina omnipotentis concessa est Missis Sedis Apostolice, ut ad lætitiam populi, vel Sancti Concilii, qui in Regia Urbe erant, Joannes Episcopus Portuensis Dominicorum die octavarum Pasche in Ecclesia B. Sophie missas publicas latine celebraret coram Principe, & Patriarcha. Et post pauca: Hic suscepit divalem jussionem secundum suam postulationem, ut suggestit, per quam relevata est quantitas, que solita erat dari pro ordinatione Pontificis facienda; sic tamè, ut si contigerit post ejus transitum electionem fieri, non debeat ordinari qui electus fuerit, nisi prius decretum generale introduca-*

tur in Regiam Urbem secundum antiquam consuetudinem, ut cum eorum conscientia, & jussione debeat ordinatio provenire. Non hic tamè constitut Constantini Pogonati in Romanam Ecclesiam pietas, & amor; etenim non multò posteà, sive anno circiter 685., Benedicto II. Papæ concessit, ut, quicumque in posterum à Clero populoque in Pontificem Maximum electus fuisse, is, irquisito Imperatoris suffragio, pro legitimo Antistite haberetur. Ita tradit in vita Benedicti II. Anastasius: Hic suscepit divales jussiones Clementissimi Constantini Magni Principis ad venerabilem Clerum, & populum, atque felicissimum exercitum Romana Civitatis, per quas concessit, ut persona, qui electus fuerit ad Sedem Apostolicam, è vestigio absque tarditate Pontifex ordinaretur. Nemo non videt, quā gratam rem fecerit Romanis Constantinus, prospiciens sanè majori Ecclesiæ bono, cui ob intervallo, quo Romana à Constantinopolitana Urbe dissita est, non nisi tardius consuli poterat expectato suffragio Imperatoris: deindè etiàm argumenta benevolentiae exhibens non mediocria, cum nupèr Græcorum ac Romanorum animi sancto foedere essent conciliati, quemadmodum superiùs ex Anastasio ostendi. En tandem Romanum Clerum, & populum in electione Pontificis Maximi summà, & omnimodù libertate suffragiorum potitum, quā eo etiàm comodiùs usi sunt posteriore tempore, cum Constantinopolitanorum Principum auctoritas in Italia imminuta, ac tandem deperdita fuerit. Romani Imperii in Occidente labentis ruinam attulit potissimum Græcorum Iconoclastarum in Sacras Imagines odium, ac pugna, Romanis contradicentibus, atque etiàm obsistentibus; quā seditione mota adversus Imperatores Constantium Copronimum, Leōnem IV., aliosque, facile percipitur in electione Antistitis Maximi nullas fuisse, aut esse potuisse Orientalium partes. Jura Imperii accrescere interea cœperunt Pipino Francorum Regi, & Carolo Magno;

no; sed cum Romana Civitas liberè ab ipso Pontifice Maximo penderet, populo ipso se sui Antistitis potestati committente, quidquid inani conatu Græci obsisterent, Reges ipsi Francorum, quorum animus erat, latius Regni sui fines extendere, & labens Imperium sibi adjungere, ac vindicare, Romanorum libertati integræ servandæ morem gesserunt, ut sibi eorumdem benevolentiam conciliarent. Interea Rex Longobardorum Desiderius Romanam Provinciam vi adgressus, propè erat, ut Ravennam, Romani Antistitis administrationi, & curæ commissam, occuparet. A Carolo Magno auxilium petuit Hadrianus Papa, ejusdemque Principis copiis in Italiam venientibus, Desiderius, qui monitis primùm flecti non potuit, ne Romanam Provinciam invaderet, cedere armis debuit. Id causam Romanis dedit, cur Carolum Regem in Romanam Urbem veluti triumphatorrem adducerent inter medias populi adclamations, quo tempore fœdus initum est sanctissimum inter Romanos, ac Francos, quo certæ Provinciæ, ac præsertim Romana, Romanæ ipsi Ecclesia libera concessa est, universa autem propemodum Occidentalis Imperii jura Francis relicta, quod non solum pactum fuit temporibus Caroli, sed etiàm Ludovici Pii temporibus confirmatum. Hæc ita firmissimè constiterunt usq; ad annum circiter 955., quum videlicet Romanæ Civitatis libertati, ab Imperatoribus consecutæ, ambitio invidebat quorundam, qui eam suæ potestati subjici flagitabant vehementissimè. Duo præsertim fuerunt, Albericus, & Berengarius, regnandi libidine concitati. Albericus jam plurium Romanorum animos, atque benevolentiam sibi devinxerat, ut properaret ad regnum, quod ut facilius adriperet, vacante Sede ex obitu Agapiti II. curavit, filium suum Octavianum eligi in Pontificem Maximum, licet natum tantummodo annum decimum octavum; ejus enim favore sperabat futurum, ut sui Romanorum

Imperi quædam propemodum jaceret fundamenta. Votis respondere eventus cœperat; etenim Octavianus electus Pontifex nomine Joannis XII. ob minorem ætatem Parenti suo regendi Urbem facultatem amplissimam fecerat. Cetera optimè etiàm ex voto Alberico cessissent, nisi Berengarius, quem dominandi libidine etiàm præreptum fuisse nuper ajebam, ipse quoquè coacto exercitu ad Romanam Urbem adventasset, pro obtinendo Imperio dimicaturus. Accesit ergò pugnandi animo Berengarius ad Romanam Urbem instructâ ingenti armorum copiâ, ac militum acie, eamque ob rem & Joanni Papæ, & Alberico Pontificis Parenti terrificus. Hinc & Joannes & Albericus gravi metu concussi, ut sibi, rebusque suis consularent, optimum duxerunt ad exterros Principes confugere, illorum etiàm implorare opem: Scilicet precati sunt Germania Regem Othonem Enrici filium, qui tunc temporis rerum bellicarum optimè gestarum famam sibi illustrem pererat, rogantes in primis, ut subsidium Romanis rebus propè labentibus ferret, deinde etiàm egregia victoriæ præmia pollicentes. Noverat Otho, per hæc faustis omnibus suscepta, felique exitu completa, facilem sibi viam sterni ad Imperium Romanorum; quamobrè, abdicato favore filii sui Othonis in Wormatiæ comitiis solemnibus Germania Regno, in Italiam iter fecit ingenti instructo exercitu, ac ubi spem concepit optimam, futurum, ut Imperator ipse salutaretur, statim uno conflictu fregit Berengarii conatus, atque irritavit, in cuius victoriæ præmium Imperatoris nomen, ac dignitatem obtinuit toto consentiente Romano populo, atque adclamante.

Fuerant hæc, paucis licet, præcienda, ut via sterneretur ad interpretationem laudatorum canonum 21. 22. 30. 32. & 33. dist. 63. In primis canon 21., quem Gratianus professus est se descriptisse *ex gestis Romanorum Pontificum*, excerptus est ex Anastasio Bibli-

thecario, cūjus verba nupēr referebam in historica narratione, sive quā ad gesta Agathonis, sive quā ad gesta Vitaliani Pontificum pertinent. Sanē quod ad Vitalianum pertinet, nulla apūd eruditos dubitatio instituitur, quemadmodū neque quod pertinet ad Agathonem; neque enim est, in quo auctorem libri Pontificalis quisquam reprehendat in ea parte, quam in hoc ipso canone 21. edidit Gratianus.

Canonem 22. dist. 63. Ex historia Ec-

Can. 22.

dist. 63.

lesiastica se depropmississe testatus est Gratianus. Sanē in ea parte, quā continetur, quidquid superiū de Caroli Regis in Romanam Ecclesiam meritis, deque Romanorum erga Carolum Regem obsequio, generaliter dictum est, nihil aberrat ab historica fide, juxta ea, quā tradidit inter ceteros Anastasius Bibliothecarius. In iis, quā apūd Gratianum præter Anastasii enarrationem adjecta fuerunt, talis ac tanta non extat auctoritas, ut apūd nos fidem prorsū indubam mereantur. Hujusmodi est, quod subditur, in Concilio Romano concessum ab Hadriano Regi Carolo jus Patriciatus, nec non jus ordinandi Apostolicam Sedem, ac ceteris Episcopis per Provincias constitutis Episcopatum investuras tradendi. Præterquamquod enim de hac re altum est silentium apūd Anastasium, qui ceteroqui de ea utpote de negotio gravissimo fecisset mentionem, ipsamet Romana Synodus, Hadriani tempore celebrata, qualis in editis codicibus exhibitur, nihil hujusmodi continet. Deceptus est Gratianus aut ex incongrua aliquot Codicum interpretatione, aut quod sequi maluerit Scriptores suspectæ admodū fidei. Scilicet dignitatem Patriciatus idēo Carolo Magno datam eo tempore scripsit, quod legerit apūd Anastasium Bibliothecarium, ceterosque Scriptores, Carolum Regem suisse ab Hadriano receptum in Romanam Urbem, adelamante Populo, velut triumphatorem, lætissimis jucunditatis signis, atque inter cetera cum bandora, ut scribit memoratus historicus, sive cum vexillo, quod Patriciis Urbem ingre-

CAPUT LXXI.

dientibus explicari solebat. Ceterū Carolus Magnus jam diū pollebat dignitate Patriciatus, ut plurima demonstrant monumenta. Hæc sanè omnia, quemadmodū quod subjicitur de concessione Carolo Magno facta eligendi Pontificem Maximum, nec non tradendi Episcopatum investuras, exceptit etiā Gratianus à Sigeberto, sibi contemporaneo ferè scriptore; is enim circa annum 1112. enarravit, temporibus Hadriani Papæ I. celebratam fuisse Romæ Synodum 53. Episcoporum, in qua, inquit, Hadrianus Papa cum universalī Synodo dedit ei jus eligendi Pontificem, & ordinandi Apostolicam Sedem, dignitatem quoque Patriciatus. Insuper Archiepiscopos, & Episcopos per singulas Provincias ab eo investituram accipere definiuit; & ut, nisi à Rege laudetur, & investiatur Episcopus, à nemine consecratur: omnesque huic decreto rebelles anathematizavit, & nisi resipiserent, bona eorum publicavit. Hæc eadem, ut patet, verba Sigeberti exaravit Gratianus, reticito tamèn auctoris nomine, fortè quod nollet historiæ tradendæ causâ laudare recentiorem, & sui temporis Scriptorem, vel quod Sigebertus in ea enarratione suspectus pluribus videri revera posset. Ceterū non est, cur in hac parte morem Sigeberto gerere debeamus, qui nullius vetustioris scriptoris testimonio innititur; neque enim aut apūd historicos Carolinæ ætatis, aut in ipsis Romana Synodi actis tale quidpiam legitur. Imò ne ipse quidem Eginhardus, qui Caroli Magni lateri sempèr adhærebat, dum ejusdem Principis vitam, & gesta descriptisset, de his licet memorabilibus rerum ac causarum adjunctis nullam mentionem fecit; quamquam ceteros Caroli actus ad unguem usquè ita dixerim recensuerit. Ac si ipsamē Caroli Regis Capitularia inspiciamus, ipso Rege post reditum à Romana Urbe auctoritatem præbente, constituta, contrarium prorsū evincemus, quippè in lib. 1. cap. 84. sancitum, Episcopos omnes per electionem Cleri, & Populi secundū statuta canonum ordinari debere. Seio quidem,

non-

nonnullos recentiores, inter quos est Baluzius, distinguere electionem ab investitura, ut electionem Clero, & Populo, investituram Carolo tum tributam adserant. Veram, quoties Capitularia Caroli electionem Clero, & Populo reservant, idque secundum statuta canonum, nullamque investituræ mentionem faciunt, isthæc distinctio minimè congruit, quoquæ non jam recepta demonstratur in vetustioribus Sacrorum Canopum regulis. Ut liberè fatear, quod verum est, Sigebertus ejus historicæ narrationis auctor scribebat, ut prænotatum est, anno 1112., quo tempore investiturarum Episcopaliū controversia erat acerrima apud Germanos, quemadmodum unusquisque apprimè noverit, atque ut rem gratam faceret Henrico Principi, cuius gratiam captabat, effingere non dubitavit, Carolum Magnum, cui Henricus in Imperio, & juri bus successisse proponebatur, jam diu obtinuisse ab ipsomet Romanis Pontificibus, unà cum Romani Patricii dignitate, jus eligendi Pontificem Maximum, neconon Episcopatum investituras conferendi. Ex his sanè facilinegotio deducitur, Gratianum fragmentum gravis esse non posse auctoritatis, ad hujuscemodi controversias dirimendas. Fortè quempiam morabitur adhuc Leonis Papæ auctoritas, à Gratiano laudati in canone 23. dist. 63. ubi eadem referuntur, quæ de Hadriano Papa, & Carolo Rege Sigebertus enarravit. Verum, qualis sit hujus fragmenti auctoritas, suo loco expendemus inferius. Ipsemet Gratianus omnia hæc falsitatis redarguere videtur in canone 29. ejusdem distinctionis 63., referens ex Gregorio Papa, tempore Hadriani II. qui non diu post Caroli Magni obitum electus fuit Romanus Antistes, anno circiter 867. conquestos fuisse legatos Imperatoris Ludovici, quod, cum præsentes Romæ essent, ad electionem tamè Pontificis invitati non fuissent, statimque adquievisse, ubi acceperunt, hoc non ex contemptu ipsorum factum esse, sed potius ne in exemplum traheretur,

ut in futuris electionibus Pontificum Maximorum Legati Principis expectarentur. Quod sanè indicat, etiam post Carolum Magnum liberam Romanis fuisse sui Pontificis electionem.

Sufficere haec viderentur ad expendum canonem 22. dist. 63., ubi de Hadriano Pontifice sermo instituitur. Sed materia affinitas, quam cum codem canone habere videntur canones 30. 32. & 33. ejusdem distinctionis, postulat, ut de ipsis adhuc in præsentia loquane eadem pluribus in locis edisseram, præsertim quod ista fragmenta superioribus non mediocrem adferre lucem possint. Verba ipsa canonis 30. dist. 63. hodiè edita sunt in Labbeana Collectio-
ne post acta Concilii Aquisgranensis anni 817., & quidem eruta ex integro Vaticanæ Bibliothecæ monumento; edita quoquæ sunt apud Baluzium in tom. I. Capitularium Francorum pag. 591. & sequentibus. Monumentum integrum hoc in loco describam ex Labbeano exemplari; atque, ubi apud Baluzium diversum quidpiam occurret, indicabo. In nomine Domini Dei Omnipotentis Patris, & Filii, & Spiritus Sancti. Ego Ludovicus Imperator Augustus statuo, & concedo per hoc pactum confirmationis nostræ tibi B. Petro Principi Apostolorum, & pro te (legit Baluzius per te) Vicario tuo Domino Paschali Summo Pontifici, & universalis Pape, & successoribus ejus in perpetuum, sicut à Predecessoribus vestris usque nunc in vestra potestate, & ditione (legit Baluzius dictione) tenuistis, & dispositistis, Civitatem Romanam cum Ducatu suo, & suburbanis, atque viculis omnibus, & territoriis ejus montanis, & maritimis (legit Baluzius maritinis) litoribus, & portibus, seu cunctis Civitatibus, Castellis, oppidis, ac viculis in Tuscia partibus (legit Baluzius partibus) id est, Portum, Centumcellas, Cære, Bledam, Marturanum, Sutrium, Nepe, Castellum Gallesii, Hortam, Polimartium, Ameriam, Tudertum, Perusium cum aliis tribus insulis suis, id est, majorem, & minorem, Pulensem (Baluzius Pulvensam), & Lacum, Narniam, Oriculum, cum omnibus finibus, ac territoriis ad supradictas Civitates pertinentibus. Simili mo-
do,

Can. 30.
dist. 63.

do, & in partibus Campanie Signiam, Anagniam, Ferentium, Alatrum, Patricum, Fru-simonem cum aliis partibus Campanie, nec non & Tibur, cum omnibus finibus, & territoriis, ad easdem Civitates pertinentibus. Nec non & Exarchatum Ravennatensem sub integritate cum Ur-bibus, Civitatibus, Oppidis, & Castellis, quæ pia recordationis Dominus (Baluzius Dom-nus) Pippinus Rex, ac bona memoria genitor noster Carolus Imperator Beato Petro Apostolo, & Predecessoribus vestris jam dudum per do-nationis paginam restituerunt, hoc est Civitatem Ravennam, & Aemiliam, Bobium, Casenam, Forum Pompili, Forum Livii, Faventiam, Imola-m, Bononiam, Ferrarium, (Baluzius Fer-rarium), Comaclum, & Adriam, & Gabellum, cum omnibus finibus, territoriis, atque insulis in terra, marique, ad prædictas Civitates pertinentibus. Similque & Pentapolim, videlicet Ariminum, Pisaurum, Fanum, Senogalliam, An-conam, Humanam, Esiun, Forum Sempronii, Montem Feretri, Urbinum, & territorium Val-vense, Calles, Luceolas, Eugubium, cum omni-bus finibus, ac terris, ad easdem Civitates per-tinentibus. Eodem modo territorium Sabinense, sicut à Genitore nostro Carolo Imperatore Beato Petro Apostolo per donationis scriptum concessum est sub integritate, quemadmodum ab Itherio, & Macenario Abbatibus, Missis illius, inter idem territorium Sabinense, & Reatinum defini-tum est. Item in partibus Tuscia Longobardo-rum, Castellum Felicitatis, Urbevetum, Bal-neum Regis, Ferenti Castrum, Viterbum, Martam, Tuscaniam, Populoniam, Soanam, Ra-sellas. Et insulas Corsicam, & Sardiniam, & Siciliam sub integritate cum omnibus adjacenti-bus, & territoriis maritimis, litoribus, portu-bus, ad supradictas Civitates, & insulas per-tinentibus. Item in partibus Campanie, Soram, Arces, Aquinum, Arpinum, Theanum, Capuam, & patrimonia, ad potestatem, & di-tionem nostram pertinentia, sicut est Patrimo-nium Beneventanum, & Salernitanum, & Pa-trimonium Calabria inferioris, & superioris, & Patrimonium Neapolitanum, & ubicumque in partibus Regni, atque Imperii à Deo nobis com-missi patrimonia nostra (in editione Lab-beana ad marginem legitur: legendum hanc dubiè vestra:) esse noscuntur. Has omnes su-pradicatas Provincias, Vibes, Civitates, Oppi-

da & Castella, Vicos & Territoria, simùl-que & patrimonia jam dictæ Ecclesie tue, Beate Petre Apostole, & pro te (legit Balu-zius & per te) Vicario tuo Spirituali Patri nos-tro Paschali Summo Pontifici, & Universali Papæ, ejusque Successoribus usque ad finem sa-culi, eo modo confirmamus, ut in suo deti-neant jure, principatu, ac ditione. Simili mo-do per hoc nostrum confirmationis decretum fir-mamus donationes, quas pie recordationis Dom-nus Pippinus Rex Avus noscer, & poste à Dom-nus, & Genitor noster Carolus Imperator B. Petro Apostolo spontanea voluntate comulerunt. Nec non & censum, & pensiones, seu ceteras donationes, que annuatim in Palatium Regis Longobardorum inferri solebant, sive de Tuscia Longobardorum, sive de Ducatu Spoletano, si-cùt in suprascriptis donationibus continetur, & inter sanctæ memorie Hadrianum Papam, & Domnum, & Genitorem nostrum Carolum Imperatorem convenit, quandò eidem Pontifici idem de supradictis Ducatis, id est, Tuscano, & Spoletano, sua auctoritatis præceptum confir-mavit. Eo scilicet modo, ut annis singulis su-pradicatus census Ecclesia B. Petri Apostoli per-solvatur, salvâ super eosdem Ducatus nostra in omnibus dominatione, & illorum ad nostram partem subjectione. Ceterum, sicut diximus, omnia superius nominata ita ad nostram partem per hoc nostræ confirmationis decretum robora-mus, ut in vestro, vestrorumque successorum permaneant jure, Principatu, atque ditione, ut neque à nobis, neque à Filii, & Successoribus nostris per quolibet argumentum, sive machi-nationem in qualcumque parte minatur vestra potestas, aut vobis de suprascriptis omnibus, vel Successoribus vestris inde aliquid subtrahatur, de suprascriptis videlicet Urbibus, Provincijs, Ci-vitatibus, oppidis, castris, viculis, insulis, ter-ritoriis, atque patrimonii, nec non & pensio-nibus, atque censibus, ita ut neque nos ea sub-trahamus, neque quibuslibet subtrahere volen-tibus consentiamus; sed potius omnia, que su-perius leguntur, id est, Provincias, Civitates, urbes, oppida, castella, territoria, patrimonia, atque insulas, census, ac pensiones Ecclesia Bea-te Petri Apostoli, & Pontificibus, in sacratissima illius Sede in perpetuam residentibus, in quan-tum possumus defendere nos promittimus; ad hoc ut omnia (legit Baluzius omnia ea) in illius

Illius ditione ad utendum, & fruendum, atque disponendum firmiter valeat obtinere; nullamque in eis nobis partem, aut potestatem disponendi, aut judicandi, subtrahendive, aut minorandi vendicamus, nisi quandò ab eo, qui illo tempore hujus sanctae Ecclesiae regimen tenuerit, rogati fuerimus. Et si quilibet homo de supradictis Civitatibus ad vestram Ecclesiam pertineniibus ad nos veneit, subtrahere se volens de vestra jurisdictione, vel potestate, vel quamlibet aliam iniquam machinationem metuens, aut culpam commissam fugiens, nullo modo eum aliter recipiemus, nisi ad justam pro eo faciendam intercessionem, ita dicitur ait, si culpa, quam commisit, venialis fuerit inventa; sin alteri, comprehensum vestre potestati eum trademus, exceptis his, qui violentiam, vel oppressionem potentium passi ideo ad nos veniant, ut per nostram intercessionem justitiam accipere mereantur, quorum altera conditio est, & à superioribus valde disjuncta. Et quando divinā vocatione hujus Sacratissimae Sedis Pontifex de hoc mundo migraverit, nullus ex Regno nostro aut Francus, aut Longobardus, aut de qualibet gente homo sub nostra potestate constitutus, licentiam habeat contrà Romanos, aut publicè, aut privatum veniendi, aut electionem faciendi; nullusque in Civitatibus, vel Territoriis, ad Ecclesiam Beati Petri pertinentibus, aliquod malum propter hoc facere presunat. Sed liceat Romanis cum omni veneratione, & sine aliqua perturbatione honorificam suo Pontifici exhibere sepulturam; & eum, quem divinā inspiratione, & Beati Petri intercessione omnes Romanī uno consilio, atque concordia, sine aliqua promissione, ad Pontificatus Ordinem elegerint, sine aliqua ambiguitate, & contradictione more canonico consecrari. & cum consecratus fuerit, legati ad nos, vel ad Successores nostros Reges Francorum dirigantur, qui inter nos, & illum amicitiā, & caritatem, ac pacem sicut temporibus piae recordationis Domini Caroli Atavi nostri, sive Domini Pippini Avi nostri, vel & Caroli Imperatoris Genitoris consuetudo erat faciendi. Hoc autem ut omnibus (legit Baluzius, ut ab omnibus Fidelibus) Sancte Dei Ecclesie, & nostris firmum esse creditur, firmiusque per futuras generationes, & secula ventura custodiatur, proprie manus signaculo, & Venerabilium Episcoporum, atque

Abbatum, vel Optimatum nostrorum sub jure jurando, & subscriptionibus pactū istud nostra confirmationis roboravimus, & per Legatum Sancte Romana Ecclesie Theodorum Nomenclatorem Domino Paschali Papae direximus. Ego Ludovicus, misericordia Dei Imperator, subscripsi. Et subscrivserunt tres Filii ejus, & Episcopi decem, & Abbes octo, & Comites quindecim, & Bibliothecarius unus, & Mansignarius unus, & Ostiarius unus. Ita describendum erat integrum monumentum, de cuius vi atque auctoritate licet dubitaverint aliqui, non defuerunt tamē viri gravissimi, atque eruditissimi laude singulari præstantes, qui demonstrarunt, non esse istud rejiciendum cum donatione Constantini, quemadmodū Carolus Molinæus audacter scripsit, quem sequi maluit Baluzius, sive in adnotationibus in Capitularia Francorum, sive in adnotationibus in Gratianum post Dialogos Antonii Augustini de emendatione Gratiani. Quicumque de hac re curiosius investigandum voluerit, soler-tissimos Historicos æquè, ac criticos Scriptores facile consulat.

Canones 32., & 33. dist. 63. videri Can. 32.
tur deprompti ex illo diplomate, quod dist. 63.
& 33.
editum hodiè habemus in Veneta Labbeana Collectione tom. II. pag. 875.
cujusque authographum, aureis literis
exaratum, ibidem dicitur ad servari Roma in Castello S. Angeli. Integrum etiā
heic exemplar subjiciam: In nomine Domini Dei Omnipotentis Patris, & Filii, & Spiritus Sancti. Ego Otto, Dei gratia Imperator Augustus, una cum Ottone glorioso Rege filio nostro, divinā ordinante providentiā, spondemus, atque promittimus per hoc pactū confirmationis nostræ tibi B. Petro Principi Apostolorum, & Clavigero Regni Calorum, & per te Vicario tuo Domino Joanni Summo Pontifici, & universalī XII. Papae, sicut à Predecessoribus vestris usque nunc in vestra potestate, atque ditione tenuistis, & dispositis Civitatēm Romanam, cum Ducatu suo, & suburbanis suis, atque viculis omnibus, & territoriis ejus, montanis, & maritimis, litoribus, atque portibus, seu cunctis civitatibus, castellis, oppidis, ac viculis Tuscie partibus, id est, Portum, Centum-

tumcellas, Cerem, Bledam, Marturianum, su-
trium, Nepem, Castellum, Gallisem, Ortem,
Polimartium, Ameriam, Tudam, Perusiam cum
tribus insulis suis, id est, maiore, minore, Pu-
vensim, Narniam, & Utriculum, cum omnibus
finibus, ac territoriis ad suprascriptas civitates
pertinentibus. Necnon Exarchatm Ravennatem
sub integritate cum urbibus, civitatibus, oppi-
dis, & castellis, que pia recordationis Dominus
Pippinus, & Dominus Carolus Excellentissimus
Imperator, Prædecessores videlicet nostri, B.
Petro Apostolo, & Prædecessoribus vestris jam
dudum per donationis paginam contulerunt, hoc
est, Civitatem Ravennam, & Amiliam, Bo-
bium, Casenam, Forum populi, Forum Livii,
Faventiam, Imolam, Bononiam, Ferrariam,
Comiaculum, & Hadrianis, atque Gabellum,
cum omnibus finibus, territoriis, atque insulis,
terrâ marique ad suprascriptas civitates perti-
nentibus: simil & Pentapolim, videlicet Ari-
minum, Pisaurum, Fanum, Senogalliam, An-
conam, Ausimum, Humanam, Hesin, Forum
Sempronii, montem Feltri, Urbignum, & Ter-
ritorium Balnense, Calles, Luciolis, & Eugubium,
cum omnibus finibus, & territoriis ad easdem
civitates pertinentibus. Eodem modo territorium
Sabinense; sicut à Domino Carolo Imperatore
Antecessore nostro B. Petro Apostolo per donatio-
nis scriptum concessum est sub integritate. Item
in partibus Tuscia Longobardorum Castellum Fe-
licitatis, Urbem veterem, Balneum Regis, Ferent-
um, Viterbum, Ortem, Nartam, Tuscanam, Suan-
nam, Populonium, Roseillas, cum suburbanis,
atqua viculis omnibus, & territoriis, ac mari-
timis oppidis, ac viculis, seu finibus omibus.
Itemque Almus cum insula Corsica, deinde in
Sociano, deinde in monte Bardonis, deinde in
Berceto, exinde in Parma, deinde in Regio, exinde
in Mantua, atque in monte Silcis, atque
Provincia Venetiarum, & Istria, necnon &
cuadum Ducatum Spoletanum, seu Beneven-
tam, una cum Ecclesia S. Christiana, posita
propè Papiam juxta Padum quarto milliario.
Item in partibus Campania Soram, Arces, Aqui-
num, Arpinum, Theanum, & Capuam, nec
non patrimonia ad potestatem, & ditionem
vestram pertinentia, sicuti est patrimonium
Beneventanum, & patrimonium Neapolitanum,
& patrimonium Calabria superioris, & infe-
rioris. De Civitate autem Neapolitana cum cas-

tellis, & territoriis, & finibus, & insulis suis
sibi pertinentibus, sicut ad easdem respicere vi-
dentur, nec non patrimonium Sicilia, si Deus
nostris illud tradiderit manibus. Simili modo
Civitatem Cajetam, & Fundum cum omnibus
earum pertinentiis. Insuper offerimus tibi, B.
Petre Apostole, vicarioque tuo Domno Joanni
Pape, & successoribus ejus, pro nostræ animæ
remedio, nostrique Filii & nostrorum Paren-
tum, de proprio nostro Regno Civitates, & op-
pida cum piscariis suis, id est, Reatem, Ami-
ternum, Furconem, Nursiam, Baluam, &
Marsim, & alibi Civitatem Interamnen cum
pertinentiis suis. Has omnes supradictas Provin-
cias, urbes, civitates, oppida, & castella, vi-
culos, & territoria, similique & patrimonia
pro remedio animæ nostræ, & filii nostri, sive
parentum nostrorum, ac successorum nostrorum,
& pro cuncto à Deo conservato, & conservan-
do Francorum populo, jam dictæ Ecclesiæ tuae, B.
Petre Apostole, & per te Vicario tuo spirituali
Patri nostro Domno Joanni Summo Pontifici,
& universalis Pape, ejusque successoribus, us-
quæ ad finem seculi eo modo confirmamus, ut
in suo detineat jure, principatu, atque ditione.
Simili modo per hoc nostræ delegationis pactum
confirmamus donationes, quas pia recordatio-
nis Dominus Pippinus Rex, & postea Dominus
Carolus Excellentissimus Imperator B. Petro
Apostolo spontanea voluntate contulerunt: nec
non & censem, vel pensionem, seu ceteras da-
tiones, qua annuatim in palatium Regis Lon-
gobardorum inferri solebant, sive de Tuscia,
sive de Ducatu Spoletano, sicut & in supras-
criptis donationibus continetur, & inter sancta
memoria Hadrianum Papam, & Dominum
Carolum Imperatorem convenit, quandò idem
Pentifex eidem de suprascriptis Ducatis, id
est, Tuscano, & Spoletano sua auctoritatis præ-
ceptum confirmavit: eo scilicet modo, ut annis
singulis predictis census ad partem Ecclesiæ B.
Petri Apostoli persolvatur: salvâ super eosdem
Ducatus nostrâ in omnibus dominatione, &
illorum ad nostram partem, & filii nostri sub-
jectione. Ceterum, sicut diximus, omnia supe-
riùs nominata ita ad vestram partem per hoc
nostræ confirmationis pactum roboramus, ut in
vestro permaneant jure, principatu, atque di-
tione: & neque à nobis, neque à successoribus
nostris per quodlibet argumentum, sive machi-

nationem, in quacumque parte vestra potestas immiuatur; aut à vobis inde aliquid subtrahatur de suprascriptis videlicet Provinciis, urbibus, civitatibus, oppidis, castris, viculis, insulis, territoriis, atque patrimonii, nec non & pensionibus, atque censibus, ita ut neque nos ea facturi simus, neque quibuslibet ea facere voluntibus consentiamus. Sed potius omnium, quae superius leguntur, id est, provinciae, civitates, urbes, oppida, castella, territoria, & patrimonia, atque insulae, censusque, & pensiones ad partem Ecclesie B. Petri Apostoli, atque Pontificum, in sacratissima illius Sede residentium, nos, in quantum possumus, Defensores esse restamur, ad hoc ut ea in illius ditione ad utensilium, & fruendum, atque disponendum similiter valeant obtineri, salvâ in omnibus potestate nostrâ, & filii nostri, posteriorumque nostrorum, secundum quod in pacto, & constitutio- ne, ac promissionis firmitate Eugenii Pontificis, successorumque illius continetur, id est, ut omnis Clerus, & universa Populi Romani Nobilitas, propter diversas necessitates, Pontificis irrationalib[us] erga populum sibi subjectum asperitates retundendas, sacramento se obligent, quatenus futura Pontificum electio (quintum uniuscujusque intellectus fuerit) canonice, & justè fiat; & ut ille, qui ad hoc sanctum, atque Apostolicum regimen eligitur, nemine consentiente, consecratus fiat Pontifex, priusquam talem in praesentia Missorum nostrorum, vel filii nostri, seu universæ generalitatis faciat promissionem pro omnium satisfactione, atque futura conservatione, qualem Dominus, & venerandus spiritualis pater noster Leo sponte fecisse dignoscitur. Præterea alia minora huic operi inserenda prævidimus, videlicet ut in electione Pontificum neque liber, neque servus ad hoc venire præsumat, ut illis Romanis, quos ad hanc electionem per constitutionem sanctorum Patrum antiqua admisit consuetudo, aliquod faciat impedimentum. Quod si quis contrà hanc nostram institutionem ire præsumperit, exilio tradatur. Insuper, ut nullus Missorum nostrorum cujuscumque impeditio[n]is argumentum componere in prefatam electionem audeat, prohibemus. Nam & hoc omnimodis instituere placuit, ut qui semel sub speciali defensione Domini Apostolici, sive nostra fuerint suscepti, impetrata justè utantur defensione. Quod si quis quemquam illorum, qui

hoc promovererunt, violare præsumpscrivat, sciatis se periculum vita esse incursum. Illud etiam confirmamus, ut Domino Apostolico justam in omnibus servent obedientiam, sive ducibus, ac judicibus suis ad justitiam faciendam; Huic enim institutioni hoc necessarium adnectendum esse perspeximus, ut missi Domini Apostolici, seu nostri semper sint constituti, qui annuatim nobis, vel filio nostro renunciare valeant, qualiter singuli duces, ac judices populo justitiam faciant. Hanc Imperiale Constitutionem quomodo observent qui missi, decernimus, ut primum cunctos clamores, qui per negligentiam ducum, seu judicum fuerint inventi, ad notitiam Domini Apostolici deferant. Et ipse unum è duabus eligat, aut statim per eosdem missos fiant ipsa necessitates emendata, aut missis nostro nobis renunciante per nostros missos à nobis directos emendentur. Hoc ut ab omnibus fidelibus sanctæ Dei Ecclesia, & nostris firmum esse credatur, propria manus signaculo, & nobilium optimatum nostrorum subscriptionibus hoc pacatum confirmationis nostra roboravimus, & bullæ nostræ impressione obsignari jussimus. Sequuntur post hæc signa Ottonis Imperatoris, nec non Episcoporum decem, Abbatum duorum, aliorum Comitum, ac Procerum nonnullorum, atque ita concluditur: Anno Dominicæ Incarnationis 962. indictione 5. mense Februarii 13. die ejusdem mensis, anno vero Domini Ottonis imperii invictissimi Imperatoris 27., facta est hæc pactio feliciter. Auctoritatem hujus monumenti non defuerunt, qui in dubium revocarent, eâ potissimum ratione, quod Otto primus Henrici filius sua potius in Romano Imperio jura prorogare studuerit, quam imminuere, quemadmodum ex Flodoardo, Reginone, Luitprando, nec non ex Romano Concilio anni 963. ipsomet præsente Ottone, deducitur. Fuerunt e converso viri gravissimi, qui protuenda hujus monumenti fide ac sinceritate non mediocriter elaborarunt. Ego tantum dixero, apud Gratianum nonnulla occurtere menda; & primum in inscriptione canonis 32. dist. 63. ibi: Constitutio primi Henrici, & primi Ottonis cum Romanis Pontificibus. Frustra adjectum fuit nomen Henrici primi,

cum nullum hujusmodi negotium gestum adpareat inter eumdem Henricum, Romanosque Pontifices; neque aliter Ottonis Constitutioni pactionive potuit Henrici nomen adjici, nisi quod Otto Henricum parentem habuerit, eidemque in Imperio successerit. Sanè in ea parte, in qua de Eugenio Pontifice fit mentio, agnoscenda est Constitutio Lotharii Imperatoris, qui anno circiter 830. temporibus Eugenii II. ita decrevit, quemadmodum legimus in lib. 3. Legum Longobardarum tit. 11. n. 3. ibi: *Volumus, ut in electione Pontificis nullus præsumat venire, neque liber, neque servus, qui aliquod impedimentum faciat, illis exceptis solummodo Romanis, quibus antiquitus fuit consuetudo concessa per Constitutionem sanctorum Patrum eligendi Pontificem: & si quis contrà hanc iussionem facere præsumperit, in exilio tradatur.* In ceteris exigenda erunt Gratiani verba ad nupèr descriptam Constitutionem, multaque à Gratiani codicibus expungenda, quæ in eadem Constitutione desiderantur, quemadmodum nonnulla adjicienda, ut ad fidem meliorum, integrorumque codicum singula consonent. An verò jure optimo adjecta à Romanis Correctoribus fuerit postrema illa clausula canonis 33. dist. 63. *Sic me Deus adjuvet, & haec sancta Dei evangelia, ex eo uno, quod apud Centum Cameriarium illa haberetur inter varias juramentorum formulas, facile unusquisque judicabit.* Hæc itaqè omnia cum suis animadversionibus non inaniter videntur in hunc locum relata; siquidem, ubi quis singula singulis contulerit, non solum animo concipiet, quæ sit ferenda sententia de canone 22. dist. 63., sed & quid sentient dum sit de iis, quæ Hadriani gesta interpretatur edisseruit Gratianus ad calcem canonis 34. eadem distinctione.

De epistola ad Carolum.

Gan. 6.
dist. 37. Huc referri omnino debent, quæ in pri ore hujus operis parte fusiùs tradidi in cap. 43. de Concilio VII., seu Nicæno II. generali; tñc enim pluribus per-

sequuntus sum & causas, & modum, quibus Franci ab Orientalibus dissidebant, undè videbantur etiam Concilii Nicæni II. canonibus adversari. Et quidem in Galliis duplicis generis erant, qui adversus constituta Nicæna Synodi scriperant in causa calendarum sacrarum Imaginum. Alii, quibus ceteroquin animus erat à vera fide non recedendi, proptereaque sacras colendi Imagines, cum ingratum haberent jam Græcos veterem hæresim in Nicæno Concilio abdicasse, cuius hæreos causa Imperium Occidentale ab ipsis ad Francos translatum fuerat, veriti, ne fortè ab illis deposito errore Imperium recuperaretur, adhuc Græcorum mentem insectati sunt, ajetes, in Orientali Ecclesia non eum cultum sacris Imaginibus decretum, qui deberetur eisdem, sed majorem illum cultum, qui soli Deo congrueret. Hujusmodi fortè esse potuerunt nonnulli ex Concilii Francofurtiensis Episcopis, si illius Concilii est canon ille secundus, qui in vulgaribus ejusdem exemplaribus legitur. Alii, qui scilicet contrà definitionem Ecclesiæ sacras Imagines detestabantur, Nicæni Concilii gesta, & sanctiones irridebant; iique non solum Concilii phrases, & argumenta quæcumque rimabantur, atque ad strictissimam amissim exigebant, sed & profitebantur, se nullum unquam cultum sacris Imaginibus præstituros. Hujus posterioris generis homines, sine dubio hæretici, plurima scriperant adversus Nicænam definitionem, atque in vulgus sparserant. Quamobrem optimum duxit Hadrianus apologiam Synodi facere, adversantium objectionibus respondere, scriptisque omnia commendata mittere ad Carolum Magnum, cuius pietate, ac religione futurum sperabat, ut hæretici compenserentur. Hæc est epistola Hadriani ad Carolum Regem, quæ incipit *Dominus ac Redemptor noster, &c.* subiecta actis Concilii Nicæni II. in Labbeana Conciliorum Collectione, cuius hic ordo est: Pòst præfationem sibi objicit Hadrianus sigillatim quæcumque ab hæreticis ad-

versus Nicenam Synodum prædicabantur, atque objectis sigillatim etiam respondit. In capite 49. leguntur hæreticorum verba, sive lusus causâ factæ interrogationes, ibi: *Quæ sit differentia imaginis, & similitudinis, sive æqualitatis;* quasi concludere vellent etiam colendas esse similitudines, sive æqualitates, quoiescumque colendæ proponerentur Imagines. His respondit Hadrianus: *Quis de fidelibus ignorare se putat aliquandò, quæ sit imago, aut similitudo, vel æqualitas? In sancta verò Catholica, & Apostolica Ecclesia humilibus datur gratia. Nam differentia Mathematicorum exterioris arte disciplina fideles conservare despiciunt,* B. Ambrosio dicente in libro 1. de fide, ubi inter cetera inquit: *Dicendum est nobis, quod scriptum est: Cärete, ne quis vos deprædetur per philosophiam, & inanem seductionem secundum traditionem hominum, & secundum elementa hujus mundi, & non secundum Deum. Omnem enim vim venenorū suorum in dialectica disputacione constituant, que philosophorum sententia definitur, non adstruendi vim habere, sed studium destruendi. Sed non in dialectica complacuit Deo salvum facere populum suum. Regnum enim Dei in simplicitate fidei est, non in contentione sermonis.* Nemo non videt, quantum lucis accipiat ex Hadriani sententiâ, ita integrè descriptâ, Gratianus canon 6. dist. 37., qui ita à Collectore exhibetur, quasi ex eo demonstrari possit, dialecticæ regulas à Catholicis viris evitandas esse, neque ullo modo illis fore inhærendum. Dialecticam illam insequitur prudentissimus Pontifex, quam Iconoclastæ hæretici collocabant in versutiis, fallaciisque nonnullis, quibus incautos decipiebant, præsertim ubi Imagines unâ cum similitudinibus, atque æqualitatibus promiscuè sumebant, ubi de cultu illarum agendum esset. Ait propterea jure optimo, à nemine ignorari, quid inter imagines intercedat, atque inter similitudines, seu æqualitates. Interēa verò improbat hujusmodi hæreticorum argumenta, quasi cavillationes, ac tortuosas ingenii vias, eò stratas, quò facilius incauti ad impietatem deducan-

tur. Eadem, quæ apud Gratianum legimus, habentur etiam apud Ivenem in cap. 229. part. 4. ubi tamè priora verba hæc sunt: *Omnem vim inventorū suorum in dialectica disputantes ponunt hæretici, &c.*

De Epistola ad Tarasium Patriarcham.

Licet in Tarasii Patriarchæ Constantiopolitani ordinatione improbatum Can. 5.
disc. 16. quidpiam à Sanctis Patribus, ac præser& can. 29.
de cons.
dist. 3. tim ab Hadriano Pontifice, fuerit, quòd laicus statim ad Episcopatum ascendisset, tamè ipse excusatione dignissimus fuit, cum non sponte, aut libenter, sed invitus ad Pontificatum adtractus est potius, quād adductus; illi verò, qui invitum hominem ordinandum curaverant, pietatis, ac religionis studio id moliti fuerunt. Ut enim Iconoclastarum hæresim universos propemodùm Constantinopolitanorum animos occupaverat, cumque pauci autem in vera fide, ac religione consistenter, viri boni agnoscentes Tarasium in Sacras Imagines pium, illustri etiam genere natum, in aula Imperatoria optimè meritum, illum in Episcopum sibi elegerunt, licet laicum, futurum sperantes, ut ejus fide, pieta, doctrinâ, præstantiâ, atque auctoritate Constantinopolitana tandem Ecclesia mutaret faciem, atque ad germanam Fidem, quæ propemodùm ubique in Oriente corruerat, revocaretur; imò ceteris Orientalium Ecclesiis, ut revoarentur, esset exemplo. Itaque Tarasius hisce auspiciis Episcopatum suscipiens anno circiter 785., statim de more Episcoporum recens ordinatorum misit ad Patriarchas omnes, ad ipsum Hadrianum Papam, suam fidei professionem, quæ habetur in Collectionibus Conciliorum inter acta Concilii Nicenii II., actione 3. Ibidem inter cetera fidei dogmata, quæ Tarasius profitetur, hæc leguntur: *Per sextam (intellige Synodum generalem) sicut ex duabus naturis Christum, ex quibus & est, olim esse di-*

diceram; ita & duas naturales voluntates, & operationes ejus in utraque natura credidi, humana, scilicet, & divina: submittoque anathemati Cyrum, Sergium, Honorium, Pyrrhum, Paulum, & omnes Consecratores eorum: Dogma quoque ipsorum, ut Sodomiticam vitem, & Gomorrhiticam propaginem, amaritudinis botryonem habentes, odivi. Ipsius autem sancte sextæ Synodi cum omnibus dogmatis, que legaliter, ac divinitus ab ea promulgata sunt, etiam depromptos canones recipio, in quibus resurget, in quibusdum venerabilium imaginum picturis agnus digito Præcursoris exaratus ostensus, qui in figura præcessit gratiae, verum nobis per legem demonstrans agnum, Christum videlicet Dominum nostrum. Veteres ergo figuræ, & umbras, ut potè veritatis indicia, & precedentes characteres Ecclesie traditos salutantes, gratiam honore præferimus, & veritatem hanc ut legis plenitudinem admittentes. Ut ergo perfectio etiam per colorum operationes in omnium vultibus depingatur, characterem agni Dei Nostri Christi, qui tollit peccata mundi, secundum humanitatem etiam in Iconis ex hoc pro veteri agno definitius depingi; per eum videlicet celsitudinem humilitatis Dei Verbi considerantes, & ad memoriam conversationis, quam in carne gessit, passionis quoque, ac salutaris mortis ejus adducti, atque redemptionis, quem hinc est mundo effecta &c. Sic se se habet Latina interpretatio Græcæ Synodi, quæ edita adparet in Tom. 8. Labbeanæ Veteræ editionis. Paulò aliter antiqua, & vulgata ejusdem Epistolæ editio latina his verbis: Sextam autem (intellige Synodum generale) laudo, quod ex duabus naturis Christum prædicavit, ob id etiam illi duas naturales voluntates, & operationes in alterutra natura, humana scilicet, & divina, adsignavit; anathemate autem execrò Cyrum, Sergium, Honorium, Pyrrhum, Paulum, & omnes, qui eorum decretis insistunt, veluti Sodomiticam vitem, & Gomorrhicum palnitatem amaros botros producentem, exosos habeo. Ejusdem quoque sextæ Synodi omnia, tum recte, & divine decreta edita, traditosque canones recipio, pricipue tamen in quo assignatur quibusdam in picturis agnum digito Præcursoris indeatum feliciter effigiam, velut in typum

gratiae, verum illum agnum Christum Deum nostrum, per legis præcessionem præfiguratum. Propterea antiquas illas picturas, & umbras figurarum, tamquam symbola, & notas Ecclesiæ traditas, amplectimur; ipsam tamen gratiam, & veritatem prius suo honore convenientes; legis enim satisfactio hæc sunt: picturas autem non in aliud usum admittimus, nisi ut perfectius omnium conspectui, oculisque exhibeantur; quemadmodum agnus, qui peccata mundi sustulit, juxta humanam effigiem configuratus à nobis erigitur, ut ex hac ejus humiliatione altitudinem Verbi Dei considerantes, ad memoriam dispensationis in carne ejus omnia trahantur, & ad illius passionem, salutiferamque mortem, unde mundo liberatio orta est, veluti manu ducamus. &c. Sanè ex his apprimè liquet, unde Gratianus exceperit duos illos canones, nimis can. 5. dist. 16., & can. 29. de cons. dist. 3., quos rectius ex Tarasio Patriarcha Constantinopolitano, quam ex monumentis Hadriani Papæ laudavisset. Quid enim aliud iidem canones continent, quam quod in argumentum fidei suæ Tarasius recens Episcopus ordinatus exhibuerat? Fateor, extat responsum Hadriani Papæ ad Tarasium, in quo eadem fermè leguntur: verum ibidem non quid ipse profiteretur Hadrianus exprimendum voluit, sed potius laudavit Tarasium, quod ita, quemadmodum scriperat, profiteretur. Verba Hadriani hæc sunt, quæ leguntur in ipsius responso ad Tarasium, quod incipit Pastoralibus curis, ubi inter cetera sic habetur: Invenimus autem in prædicta synodica Epistola sanctitatis vestra post plenitudinem fidei, & confessionem sacri Symboli, & omnium sanctorum sex Synodorum, & de sacris, & venerabilibus characteribus miraculum laude, ac veneratione dignissimum contineri: quia & easdem Sanctas sex Synodos suscipio, cum omnibus regulis, que jure, ac divinitus ab ipsis promulgatae sunt. Inter quas continetur: in quibusdam venerabilium imaginum picturis agnus digito Præcursoris exaratus ostenditur, qui in figura præterit gratiae, verum nobis per legem præstendens agnum Christum Dominum nostrum. Ergo veteres figuræ, & umbras, ut ve-

ritatis indicia, & præsagia Ecclesiæ traditas amplectentes, gratiam præserimus, & veritatem, hinc ut plenitudinem legis suspiciemus. Ut ergo perfectio etiæ per colorum operationes in cunctorum vultibus depingatur Agni Christi Dei nostri, qui tollit peccatum mundi, secundum humanitatem, characterem, & imaginem hominis, pro veteri agno depingi definitus, per ipsum Dei Verbi humilitatis celsitudinem considerantes, & ad memoriam in carne conversationis, tam scilicet passionem ejus, quam salutarem mortem, atque redemptionem, quæ hinc est mundo effecta, manu quodammodo reducentes. Constat itaque, memoratos Gratianeos canones Tarasii potius esse, quam Hadriani. At si quæramus, quinam ille canon sit ex generalibus Synodis depromptus, in quo mentio fit saceræ vetustæ imaginis Christi Domini, vel eo usquæ depicti sub figura agni à Præcursori demonstrati, vel in posterum pingendi ad formam hominis, nullum sane alium canonem agnoscere quispiam poterit, quam canonem 82. Concilii Trullani, his verbis expressum: *In ter nonnullas venerabilium Imaginum picturas Agnus, qui digito Præcursoris demonstratur, depingitur, qui ad gratie figuram adsumptus est, verum nobis Agnum per legem Christum Deum nostrum premonstrans. Antiquas ergo figuræ, & umbras, ut veritatis signa, & characteres, Ecclesiæ traditas amplectentes, gratiam & veritatem præponamus, eam ut legis impletionem suspiciemus. Ut ergo, quod perfectum est, saltè coloribus effigiatum, omnium oculis subjiciatur, Agni ejus, qui tollit peccatum mundi, Christi Dei nostri instar hominis characterem, etiam in imaginibus deinceps pro veteri Agno statui jubemus, ut per ipsum Verbi Dei humiliationem mente comprehenderemus, ad memoriam quoque ejus in carne conversationis, ejusque passionis, & salutaris mortis manu ducamus, ejusque, quæ ex eo facta est, mundo redemptionis.* Hunc Trullani Concilii canonem specialiter laudandum in sua fidei professione voluit Tarasius, quia in illis temporum, & causarum adjunctis ejus canonis professio erat peropportuna. Forte enim adversus Tarasii ordinationem proponi poterat, illum

vulgatâ Græcorum hæresi abductum Sacrarum Imaginum cultum detestari, & recepisse recentiores illas Græcorum pseudo-Synodos, in quibus denegatus est honos Sacris eisdem Imaginibus debitus. Quamobrèm nihil opportunius erat Tarasio, recens in Patriarcham electo, quæ ea specialiter profiteri, quæ longè à Græcorum hæresi abessent, atque hac professione animum Romanorum Pontificum sibi conciliare, à quo jam plurimi Græcorum Antistites schismate concitato defecerant. Hinc causam facile agnoscimus, cur Tarasius idem dixerit, se sanctas sex Synodos recipere generales, & apud Græcos celebratas, silentio verò præterierit posteriores illas pseudo-Synodos in causa Sacrarum Imaginum factas, utpotè quas minimè sequebatur, licet non expressè damnaverit economiæ cujuspiam causâ, ne scilicet à se Græcorum Schismaticorum animos magis averteret, quos tandem in rectam viam reducendos sperabat. Dices: cur verò Tarasius Trullanæ Synodi parùm probatæ canonem laudavit, in argumentum fidei suæ, imò etiàm velut canonem sextæ generalis Synodi agnovit? Cur prætereat Hadrianus Papa eam ipsam ob rem integrum Tarasii fidem commendavit, ac libentissimè suscepit? Nùm exindè demonstrabitur, Concilii Trullani canones æque apud Romanam Ecclesiam, atque apud Orientales propemodùm universos fuisse receptos, ac confirmatos? Non hanc fuisse arbitror, Tarasii mentem, eove minus Hadriani Pontificis. Tarasius in primis forte errore facti decipi potuit ex vulgaris Græcorum persuasione, apud quos Synodi Trullanæ canones prædicabantur veluti canones Synodi VI. generalis, licet sexta generalis Synodus nulos canones edidisset; atque eo facilius decipi Tarasius potuit, quo minus erat rerum sanctionumque Ecclesiasticarum peritus, homo laicus, & è laico statim in Patriarcam electus. Quòd si mihi Tarasium des in sacra prudentia Græcorum eruditissimum, atque ex animo laudan-

tem

tem nomine sextæ Synodi Trullanos canones, quos sciret reverà non esse sextæ Synodi; non ideo improbandam censio ejusdem voluntatem. Etenim, ut animo præconceperat in Orientali Ecclesia cultum Sacris Imaginibus decernendum, cœpit in sua fidei professione, quid ipse in ea causa sentiret, aperire perspicuè; neve videretur à Græcis in Sacras Imagines infensis omnino dissidere, laudandum voluit Trullanum Græcorum canonem, quem ex traditione etiā Græcorum appellare canonem voluit Synodo sextæ, parùm sollicitus interea de investigandis, discernendisque Synodorum Orientalium canonibus, dummodò, quod tūm præcipue agendum erat, cautiùs, atque efficaciùs ageretur. Quid, amabo, vehementius Græcos excutere poterat, atque ab hæresi revocare ad fidem, quām canon ille Trullanus, & quidem Concilio generali VI. tributus, quandò certum est Græcos ipsos & Trullanos canones recepisse, & illos recepisse velut canones sextæ Synodi? Hunc itaqùe proposuit Tarasius, quo Græcorum hæresim conficere tutiùs meditabatur, velut ex ipsismet Græcorum Schismaticorum monumentis. Sed & animadvertere juvat verba ipsa Tarasii, ex quibus apertè non constat, Tarasium in ea fuisse sententia, ut Trullanos canones susciperet, eosdemque sextæ generali Synodo adscriberet. In eo exemplari, quod primo loco superiùs edidi, ita legitur: *ipsius autem sanctæ sextæ Synodi.... etiā de promptos canones recipio, in quibus resertur: in quibusdam venerabilem Imaginem &c.* Referri, asserit, in canonibus

sextæ Synodi Trullanum canonem de Sacra Servatoris Imagine, eumdemque canonem se recipere professus est Tarasius; non tamè exindè professus est, canonem illum reverà esse Synodi sextæ, aut se æquè recipere ceteros canones Concilii Trullani. Eadem est significatio verborum, quaे habentur in secundo exemplari epistolæ Tarasii, superiùs edito, nec non quaे habentur apèd Hadrianum, referentem ipsam Tarasii verba. Quod verò ad ipsum Hadrianum Pontificem Maximum pertinet, licet ipse probaverit, imò etiā laudaverit Tarasii professionem, in ea potissimum parte, quā Trullanorum canonum decreta proponebantur, recepit quidem doctrinam in eo canone expressam, doctrinam sanè divinæ traditioni conformem, optavit etiā Græcos omnes in eamdem sententiam conavenire; at de Trullanis canonibus, quorum nomen reticebatur, sollicitus minimè fuit, nec investigandum tūnc prudentè erat, an illi recipiendi, confirmandique forent, an præterea habendi uti sextæ Synodi canones, nec ne. Quod si sollicitius inquirendum voluisset Hadrianus, turbare quodammodo visus fuisset inopportuna optima illa Græcorum Catholicorum vota, qui ceteros in hæresim Icnoclastarum lapsos ad rectam fidem reducere meditabantur. Pòst hæc apprimè, uti decet, perspecta, nihil amplius desiderandum videtur ad rectam Gratianorum canonum interpretationem, præsertim canonis 5. dist. 16. quem Gratianus ipse parùm aptè disputationi, quam suscepérat, adcommodavit.

A P P E N D I X.

**De canone 21. caus. 1. quæst. 1. adscripto Tarasio Episcopo
Constantinopolitano.**

QUÆ multa nupè dicenda fuerunt de Tarasio Constantinopolitano Patriarcha, occasionem mihi op-

portunam exhibere videntur, nonnulla hoc in loco subjiciendi de canone 21. caus. 1. quæst. 1., utpotè qui Tarasio ei-

cidem adscribitur, ne fortè aliàs eadem, quæ hic tradita sunt, regerere cogar. Itaque, quod pertinet ad verba ipsa canonis 21. frustrà ego elaborarem in illis exigendis ad optima exemplaria, cum abundè jam id factum fuerit à Romanis Correctoribus, qui & in ipso Gratiano Codice priorem Epistolæ partem integrum ediderunt seu græcè, seu latine. Ego adjiciam, hanc Epistolam suspecta fidei visam fuisse viris eruditissimis, qui eamdem à Theodoro Balsamone, in Romanos Pontifices infenso, effictam esse dixerunt. Sanè legitur quidem illa pòst acta Synodi Nicænae II. in exemplaribus Græcis, ab eodem Balsamone depravatis; sed in antiqua collectione Latina desideratur: imò & Græcorum aliquæ Collectiones, quemadmodum etiàm Romani Correctores animadverterunt, egregiam injuriam inferunt in Hadrianum Pontificem; quæ sanè Collectiones si germanæ sunt, clariùs indicant, epistolam non ab alio factam, quā ab eo, qui Romanam Ecclesiam insequebatur, qualis erat Balsamoni, nunquā verò ab eo, qui Hadriani Papæ, & Romanæ Ecclesiæ studiosus erat, qualis fuit Tarasius. Ejus epistolæ scopus èd tendit, ut Tarasius redarguat Hadrianum Pontificem de vitio Simoniae, improbans, damnansque,

adductis in eam rem veterum Patrum testimoniis, ordinationes, datâ, pactâ pecuniâ celebratas. Hujusmodi autem vitio deditum Hadrianum Pontificem nemo unquam ex Scriptoribus Ecclesiasticis, seu Historicis, memoriae commendavit. Intererat Balsamoni hanc insinuare calumniam, ut, vitia Romanis Pontificibus affingendo, Græcorum animos à Romana Ecclesia averteret. Sunt, fateor, nonnulli, qui asseruerunt aliò pertinere epistolæ argumentum, tradentes, Tarasium fuisse de Simonia suspectum; atque ut hanc suspicionem submoveret, epistolam scripsisse ad Hadrianum, quā palam testaretur, quantum à Simonia vitio abesset. Verùm, qui totam Epistolam legerit, attentiùs que consideraverit, facile dignoscet, Epistolam non se purgantis, sed potius alios reprehendentis, esse. Hinc jure ac merito conjicere quispiam poterit, tribuendam hanc epistolam esse Balsamoni, jam de falsitate monumentorum adversùs Romanam Ecclesiam confingen-dorum, corrumpendorumque convicto. Ceterùm non iverò inficias, ejusdem Tarasii Constantinopolitani, & Hadriani Papæ temporibus aliqua adversùs Simoniacos constituta fuisse, quemadmodum arguento esse potest canon 4., & canon 5. Concilii Nicæni II.

C A P U T LXXII.

De Leone III.

Omissò canone 16. caus. 3. quæst. 9. de quo superiùs actum est in cap. 42., Leoni III. videntur hæc à Gratiano fuisse tributa.

Ex formula purgationis	Can. 18. caus. 2. q. 5. in variis codicibus variâ formulâ expressus.
Ex epist. ad Carolum Regem,	Can. 19. caus. 2. q. 5. pertinet ad Capitularia Caroli Magni.
	Can. 6. caus. 16. q. 6.
	Can. 29. caus. 16. q. 7. { incerti auctoris existunt.

Leonis III. Papæ vices variæ fuerunt ab anno 795., quo Hadria-

no in Pontificatu successit, usquè ad annum 816., quo mortuus est. Initio sci- li-

licet eximiâ cum sui laude exceptus à populo Romano consentientibus omnibus, nemine discrepante, non mediocriter sui nominis gloriam auxerat; deinde verò à Romanæ Ecclesiæ Clericis, in sublimiori etiàm dignitate constitutis, vexatus, fugæ se dedere debuit: Hinc ad Carolum Magnum se contulit, ejus patrocinium de suorum Prædecessorum more imploraturus. Princeps autem religiosissimus pro suo in Romanam Ecclesiam, ac Romanos ipsos Episcopos studio nihil optabilius executus est, quâ Leonis causam, ac dignitatem in tuto collocare; quod perfecit, Romam unâ cum Pontifice veniens, ubi & Leoni eidem, sedato hostium schismate, tranquilla suæ Sedis possessio restituta, & Carolus Princeps Imperatoris nomine salutari cœpit. Interè verò non defuerunt, qui Leonem de atrocibus quibusdam criminibus accusarent, cuius rei causâ in Urbe convocari Concilium postularent. Et quidem plures Episcopi eò convenierunt, ipso Leone consentiente, qui vehementer optabat, ut de adversantium calumpnia palam constaret, quâ ratione fieret, ne honori suo quidpiam detraheretur, aut detracatum quoquo modo jam diù fuisse videretur. Itaque in Concilio, ipsis Episcopis Supremi Pontificis causam dirimere, aut judicio definire renuentibus, ipse Leo sese à delatis criminibus purgavit, eâque ratione, ut seditioni exilio publicæ tranquillitatis causâ mulctarentur, obtinuit. Hinc, quo usquè Carolus Imperator vixit, fretus amicitiâ Principis, cui charissimus erat, pacificè Ecclesiæ præfuit; sed, mortuo Carolo, aliquot interfuerunt similitates inter ipsum, & Ludovicum in Imperio successorem, causam præbentibus viris seditionis Romæ consistentibus, qui novam Imperii formam in Occidente constitutam turbabant. Non tamè diù itâ sese res habuit; si quidem brevi & Pontificis, & Imperatoris animi compositi fuerunt.

De formula purgationis.

Tradidit Gratianus in canone 18. Can. 18.
caus. 2. quæst. 5. fragmentum formulæ
q. 5. illius, quâ Leo III. de nonnullis, uti nupèr præfatus sum, criminibus accusatus, palam in Romano Concilio sese purgavit. An verò, quæ apud Gratianum, aliosve Collectores formula recensetur, eadem ipsa sit, quâ Leo usus fuerit, plurimum dubito; etenim, qui cumque Leonis purgationem retulerunt Scriptores, aut Historici, diversam formulam descripserunt. Sic Anastasius in ejus vita inquit: *Aliâ verò die in eadem Ecclesia B. Petri Apostoli cum omnes adesserent generaliter Archiepiscopi, seu Episcopi, & Abbes, & omnes Franci, qui in servitio ejusdem Magni Regis fuerunt, & cuncti Romani in eadem Ecclesia B. Petri Apostoli, in eorum presentia amplectens præfatus venerabilis Pontifex sancta Christi quatuor Evangelia coram omnibus ascendit in ambonem, & sub jurejurando claram voce dixit: Quia de istis falsis criminibus, que super me imposuerunt Romani, qui inique me persecuti sunt, scientiam non habeo, nec talia egisse me cognosco. Et hoc peracto, omnes Archiepiscopi, Episcopi, & Abbes, & cuncti Clerici litaniâ factâ laudes dederunt Deo &c.* In libro Romani Ordinis hæc describitur, velut formula purgationis à Leone recitata: *Nota res est, Fratres charissimi, malos adversum me homines insurrexisse, meque ad vitam meam gravissimis criminibus infamasse. Cujus rei cognoscenda gratiâ Clementissimus hic, ac Serenissimus Rex Carolus unâ cum Sacerdotibus, ac Principibus suis in hanc Urbem se contulit. Quamobrem ego Leo Pontifex S. R. E. à nomine judicatus, neque coactus, sed meâ voluntate impulsus, purgo me presentibus vobis coram Deo, & Angelis ejus, qui conscientiam novit, & B. Petro Principe Apostolorum, in cuius conspectu consistimus, neque sceleratas res, quas mihi objiciunt, perpetrasse, neque perpetrari jussisse, Deum testans, in cuius judicium venturi sumus, & in cuius conspectu consistimus. Et hoc facio, non legibus ullis obstructus, neque hanc consuetudinem, aut decre-* tum

tum in Sancta Ecclesia Successoribus meis, & fratribus Coepiscopis imponere cupiens, sed ut certius vos iniuris suspicionibus liberem. Paulò aliter eadem formula refertur apud Burchardum, & Ivonem, quorum verba in parte descripserunt Romani Correctores post Gratianum canonem 18. caus. 2. quæst. 5. Monachus quidam Sangalensis in vita Caroli Magni ita scribit: *Illic intemeratus Pater Leo assunens Evangelium Domini nostri Jesu Christi, posuit super caput suum, & in conspectu Caroli, ejusque militum, assistantibus etiam persecutoribus suis, in hac verba juravit: Sic in die magni judicii sim particeps Evangelii, sicut immunis sum criminis, falso mihi ab ipsis objecti.* Hinc sanè adpareret, purgationem quidem à Leone III. publicè factam, attamen non certa, statutaque publicè formulâ usum fuisse, quam scilicet formulam, qui rem gestam scriptis commendarunt ex arbitrio verosimili quadam verborum texturâ juxta ea, quæ vulgo acceperant, descripserunt. Hujusmodi est canon Gratianus, cuius propterea nemo non videt, qualis fides sit, & auctoritas. Unum adhuc est, quod animadvertisimus ad Gratianum, qui antea memoratum canone 18. explicans capita, in eam quæstionem relata, quibus præstituitur accusatos purgare se debere, ait id verum esse, si reus se purgare voluerit, ut sacri canones modum, non necessitatem purgandi accusato imponant, quod deinde adparere dicit ex auctoritate Leonis, qui datâ purgatione ait de seipso &c. Ut traditioni sue atque doctrinæ confirmandæ studeret Gratianus, alia in medium proferre debebat exempla reorum, qui, non lege adacti, sed potius sponte purgare se voluerint. Nam Leonis exemplum meo judicio parùm accommodum esse videtur, cum supremæ in Ecclesia dignitatis ratio singularis non patiatur in discrimen necessariò venire coram Episcopis, neque Pontificem Maximum debere se necessariò coram Episcopis purgare, ubi accusetur. Hæc planè ad alias inferioris Ordinis Clericos, aut etiam Episcopos extendi nullo modo possunt, quod

ipsemet Gratianus agnovisse videtur ante canonem 19. caus. 2. quæst. 5.

De Epistolis ad Carolum Regem.

Quicumque legat verba canonis 19. caus. 2. quæst. 5. in quo Leonis Papæ III. mentio fit, & ejusdem purgationis, de qua jam superius sermonem habui, statim intelligit, illum canonem Leoni III. tribui nullo modo posse. Non est tamè diutiùs morandum, ut auctorem quæramus; Nam verba illa genitoris nostri Pippini satis indicant Carolum Magnum aut loquentem, aut scribentem. Reverà in Capitulari Aquisgranensi anni 803. Paulino Patriarchâ Aquilejensi vices gerente Sedis Apostolicæ, & Carolo Magno Imperatoriam auctoritatem explicante cap. 7. eadem propemodùm verba leguntur, ibi: *Omnibus vobis visu, aut auditu nostrum esse non dubitamus, quod sepissimè, suadente antiquo hoste, Sacerdotibus diversa crimina objiciantur. Sed quoniam qualiter ex eis ab his rationabilis examinatio, & satisfactio fiat, licet tempore bona memoria Domini genitoris nostri Pippini, sive prisca temporibus à Sanctis Patribus, & à reliquo bona devotionis hominibus sapissimè ventilatum fuerit, non tamè pleniter, & ad liquidum definitum reperire minime quivimus.* Nostris quippe temporibus idipsum à Sanctis Episcopis, & reliquo Sacerdotibus, & ceteris Ecclesiastica dignitatibus Ministris nostris in regnis, seu in aliis Deo degentibus, nobisque una cum eis agentibus, sepissimè propter multas, & nimias reclamations, que ex hoc ad nos ex diversis partibus venerunt, ventilatum est. Sed qualiter consultu Domini, & Patris nostri Leonis Apostolici, ceterorumque Romanae Ecclesie Episcoporum, & reliquorum Sacerdotum, sive Orientalium & Gracorum Patriarcharum, & multorum sanctorum Episcoporum, & Sacerdotum, nec non & nostrorum Episcoporum omnium, ceterorumque Sacerdotum ac Levitarum auctoritate & consensu, atque reliquorum fidelium, & cunctorum consiliariorum nostrorum consultu definitum est, vobis omnibus utriusque ordinis ministris scire volumus. Statutum est namque ratione, & necessitate, ac

auctoritate predictâ consultu omnium, ut quotiescumque cuiquam Sacerdoti crimen imponitur, si ipsius accusator talis fuerit, ut accipi debeat, quia quales ad accusationem Sacerdotum admitti debeant, in canonibus pleniter expressum est. Si autem, ut dictum est, ille accusator, qui canonice est recipiendus, eum cum legitimo numero verorum & bonorum testimoniis adprobare in conspectu Episcoporum poterit, tunc canonice adjudicetur. Et si culpabilis inventus fuerit, canonice damnetur. Si vero eum suprascripto praetexto adprobare ipse accusator minimè poterit, & hoc canonice definitur. Ipse ergo Sacerdos, si suspiciosus, atque incredulus suo Episcopo, aut reliquis suis Consacredotibus, sive bonis & justis de suo populo, vel de sua plebe hominibus fuerit, ne in crimine, aut in predicta suspicione remaneat, cum tribus, aut quinque, vel septem bonis ac vicinis Sacerdotibus, exemplo predicti Leonis Papæ, qui duodetim Presbyteros in sua purgatione habuit, vel eo amplius, si suo Episcopo visum fuerit, aut necesse propter tumultum populi inesse perspexerit, & cum aliis bonis, & justis hominibus, se, Sacramento coram populo super quatuor Evangelia dato, purgatum Ecclesia reddat. Siquis autem scire desiderat, quales testes ad accusationem Sacerdotum recipi debeant, & quid de accusatore faciendum sit, pleniter in canonibus reperire poterit. Eadem leguntur in libro 5. Capitularium cap. 36. in editione Baluziana. Eam ipsam Constitutionem, similia etiam quædam in aliis Capitulis Caroli Magni, quæ de purgatione Sacerdotum edita fuerunt, reperies in tomo 1. Capitularium ejusdem Baluzianæ editionis pag. 385. Hanc stabilendi in Clericis, ac præsertim Sacerdotibus, vel Episcopis disciplinam occasio fuit peropportuna. Siquidem circâ finem octavi saeculi singularia quædam recepta erant in judiciis publicis, ut, quotiescumque de crimine fieret accusatio, reus ipse & accusator, immo etiam ipsi aliquando testes, sive in accusatoris, sive in rei subsidium accedentes, in singulare certamen venirent, & susceptis armis in campum prodirent, ut non rei discussa veritas, sed pugnæ ejusdem exitus con-

troversiam definiret. Præterea, ubi graves conjecturæ reum angebant, duplex prorita erat purgationis forma, vel per ferrum candens, vel per aquam seu calidam, seu frigidam; quo fieret, ut facto quodam omnia dirimerentur, seu, ut melius dicam, divinæ voluntati per dubia indicia exploratae omnia commissa viderentur. Id, etsi in laicis hominibus permitteretur, non tamè decorum videbatur in clericis, quorum purgatio necessaria quidem, prout res incideret, erat, at non ea ratione facienda. Eam ob rem & Pippinus, & Carolus Magnus, in rebus Ecclesiasticis Pontifices Maximos consulere potissimum exoptantes, immo eorum vota perpetuò sequentes, Romanorum Antistitum & suffragiis & exemplis inhærentes, purgationis singularem formam Sacerdotibus indixerunt, qualem in nuper descripto capite exhibebam.

Incertum est ipsis etiam invicem collatis Gratiani codicibus, an canon 6. caus. 16. quæst. 6., nec non canon 29. caus. 16. quæst. 7. tribui debeant Leoni III. vel Leoni IV.; alicubi enim Leo III., alicubi IV. commemoratur. Si Leoni III. adscribendi forent, producenda in medium esset aliqua ejus epistola ad Carolum Magnum Imperatorem: Si vero potius Leoni IV. tribuerentur, exhibenda esset quædam ipsius epistola ad Carolum Calvum, ut omnia recte invicem consonent. Verum hujusmodi fragmenta aut inter epistolas Leonis III., aut inter monumenta Leonis IV. minimè reperies, ut proinde tota auctoritas, ac fides hujus rei sit penes Gratianum, aut penes Iwonem, qui auctor extitit Gratiano. Non interest multum, in investiganda canonumistorum origine elaborare; etenim, quæ sententia in illis exprimitur, plana admodum est, ac vulgaris, quam si ex aliis monumentis certissimis, ac perspicuis colligere velis, sexcenta facile ejusdem generis reperies. Quod spectat in primis canonem 6. caus. 16. quæst. 6., nihil aliud ibidem adseritur,

quæm

Can. 6.
caus. 16.
q. 6. &
can. 29.
caus. 16.
q. 7.

quām suprema Romanæ Ecclesiae auctoritas, atque erga ceteras regiminis utilitas; & si forte aliquandò eveniat Præsulem ipsum inutilem apud aliquos judicari, hinc verò semper eamdem Romanam Apostolicam Sedem apud omnes venerabilem esse debere. Verū quis ignorat, plurima hujusce generis monumenta passim in Ecclesiasticis gestis adparere? Unum adfero depromptum ex Leone IX., qui in epistola ad Michaelem Patriarcham Constantinopolitanum ita scribit cap. 35. *Quia de re, Fratres, utinam non ad judicium nostrum dicamus, profectò sumus, qualis Petrus, & non sumus, qualis Petrus, quia idem sumus officio, & non idem merito. Et quotiescumque lac, & lanam, scilicet stipendium, & honorificentiam ab oīibus Dei exigimus, multa meriti nostri ibi fit commemoratio, sed officio nostro queritur debita recompensatio. Acsie, meritum Petri non habentes, officium autem Petri exequentes, officio nostro debitos reposcimus honores, Apostolo dicente: quādiū minister ero, ministerium meum honorificabo. Et premonens oves Christi ad solvendum singulis debita, ait: Redite omnibus debita: Cui honorem, honorem &c. Quod spectat canonem 29. caus. 16. q. 7. adnotandum in primis est, quæ in pluribus Gratiani exemplaribus leguntur quasi Leonis Papæ sint, in aliis legi partim quasi Leonis, partim quasi Gratiani Collectoris. Leonis enim esse possunt verba illa: *Contrà Sanctorum Patrum censuras videtur existere, si sacerdotalis, vel laicus Presbyteros ab Ecclesiis, in quibus tempore administrationis eorum nominati, vel introducti fuerint, nitetur* (itа habet Ivo cum nonnullis Gratiani exemplaribus, licet in pluribus editis legatur videtur) *expellere. Cetera, quæ sequuntur in vers. Si verò videntur esse potius Gratiani, quem-**

admodum jam animadvertisit Franciscus Florens ad canones causæ 16. de antiquo jure Patronatus, ibi: *Sicut & que in fine precedentis canonis (nimis) can. 29. caus. 16. quæst. 7.) verba subjiciantur, si verò fundatores &c. non sunt confundenda cum precedentibus: sunt enim Gratiani, quamvis in quibusdam codicibus confundantur. Apud Iwonem in cap. 102. partis 3. verba illa si verò fundatores usquè in finem desiderantur. Atque huic argumento aliud accedere videtur, quod deducitur ex disciplina temporum sive Leonis III., sive Leonis IV., neque enim certò demonstrari potest, jam tūm viguisse jura fundatorum in ea parte, qua jure necessaria subsidia ab Ecclesiis petere possent, & quidē eo jure singulari, quod recentioribus sæculis obtinuit. Ceterū, quæ legimus initio Gratianei canonis, plurimū consonant cum aliis Ecclesiasticis, & quidē germanis monumentis. Referam hoc in loco capitulum 9. Synodi Augustanæ, temporibus Agapiti II. Papæ celebratae anno 952. ibi; *Ut laici Presbyteros sine conscientia, & consensu proprii Episcopi ab Ecclesiis, eis canonice commendatis, non ejicere presumant, nec alios locum eorum subire faciant; quia, ut ab Episcopis ordinantur, ita necesse est ab ipsis Ecclesiis procurandas accipient, sicut in Concilio habetur Arelatensi cap. 4. Huc etiā referri possent Capitula Caroli Calvi tit. 37. cap. 11., & tit. 40. cap. 9., unā cum capite 84. libri 1. Capitularium Baluzianæ editionis, ibi: Statutum est, ut sine auctoritate, vel consensu Episcoporum Presbyteri in quibuslibet Ecclesiis nec constituantur, nec expellantur. Et si Laici Clericos probabilis vita, & doctrina Episcopis consecrando, suisque in Ecclesiis constituendos obtulerint, nullā qualibet occasione eos rejiciant.**

C A P U T L X X I I .

De Stephano IV. seu V.

Stephano IV. seu V. videtur tributus apud Gratianum hic exhibitus canon.

(*Can. 28. dist. 63. apocryphus, & Stephani temporibus minimè accommodatus.*)

Stephanus Papa, qui Leoni III. in Romana Sede successit anno 816. apud aliquos IV. hujus nominis, apud alios V. adpellatur; cuius discriminis causam facile quisquam repetet ex iis, quæ superius paucis tradidi in cap. 70. Vir fuit sacrorum canonum studiis ab adolescentia addictus, insignis Evangelii præco, cunctis propterea acceptissimus; sed vix per menses septem Pontificatum Maximum tenuit, intereaquæ nihil detraxit Pastorali sollicitudini, quâ Ludovici Imperatoris animum cum Romanis prudentissimè conciliaret; nam in Gallias ad Ludovicum pergens vetustum illud Romanorum Pontificum, & Imperatorum, ita dixerim, fœdus quodam modo renovavit. Scriptores Ecclesiastici egregia ad eam rem Pontificis gesta perspicuè demonstrant. Vulgo huic Pontifici tribui solet, quod à Gratiano traditum est in canone 28. dist. 63. Verùm viris eruditissimis jam diù visum est, hoc monumentum inter apocrypha recentendum esse. Scribit inter ceteros Severinus Binius in suis adnotationibus: *Decretum, quod sub nomine Stephani IV. de Romani Pontificis electione extat dist. 63. can. 28. Quia Sancta, Stephani Papa esse non videtur; tum quod hac in re impostores schismatici, ut supra visum est, frequenter Ecclesia imponere studuerint; tum etiam quod Ludovicus Imperator in constitutione, sub initium Paschalis Papa à se edita, de donatione facta Romana Ecclesiæ, electionem & coronationem Romani Pontificis liberam esse, neque ad aliud teneri, & obligari voluerit, quam ut post sui electionem, & consecrationem Imperatoriam Majestatem, prout Successor Stephani Paschalis fecisse consipicatur, hac de re certiore reddat.*

&c. Idipsum tradidit Baronius ad annum 816. Papebrochius, Natalis Alexander, aliquie Catholici Viri, quibus Pagium adjungere possem ad annum 897., qui tamè fragmentum illud ad Stephanum VI. refrendum censet. Sanè, quod ad Stephanum IV. seu V. attinet, nulla ipsi fuit occasio similia decernendi, neque Anastasius Bibliothecarius, qui Pontificum ejus ætatis monumenta adamussim refert, hujusmodi decreti ullam fecit mentionem. Clarissimus Muratorius in tomo 2. parte 2. pag. 128. Rerum Italicarum, postquam Romani Concilii anno 863. temporibus Nicolai I. Pontificis celebrati, canones plurimos ediderit, numero autem 11. hunc canonem descriperit: *Siquis Sacerdotibus, seu Primitibus, Nobilibus, seu cuncto Clero hujus Sanctæ Romanae Ecclesiae electionem Romani Pontificis contradicere præsumperit, sicut in Concilio Beatisimi Stephani Papa statutum est, anathema sit; hic putavit referri monumentum Stephani Papæ, quale apud Gratianum legimus in dicto canone 28. dist. 63., & memorans eruditorum virorum de hac re disputationem, ita subiectit: Acta Concilii Romani, nunc mibi evulganda, famosam hujusmodi controversiam dividere posse videntur. En, ut Nicolaus I. de electione Romani Pontificis agens, ac turbas in ea exoriri solitas eliminare cupiens, confirmat, & observandum decernit, quidquid in Concilio Beatisimi Stephani Papa statutum est. Ergo decretum Stephani procùl dubio IV. eam in rem præcesserat. Hoc autem vix aliud esse potuerit, quam quod Gratiano laudatur, cui tamè si velis aliquod superadditum à subsequitis Pontificibus, non repugnabo. In Concilio quoquæ Romano, habito sub Lamberto Imperatore, atque adeò non an-*

no 904. ut putavit Baronius, & post eum Labbeus tom. 9. pag. 502. Collection. Concilior. sed quidem anno 898. robatur antiqua consuetudo, observata in electione Pontificis. Si antiqua tunc erat consuetudo, ergo ad tempora usque Stephani IV. Pape illius initia non immemori deducantur. Huc usque Muratorius. Verum, dixerim venia Viri clarissimi, & de literaria Republica optimè meriti, non animadvertis ipse, dum ista scriberet, ad Concilium Romanum anni 769. sub Stephano III. celebratum, ex quo depromptus est canon 3., & 4. dist. 79. ubi sanè multa sunt salubriter decreta ad schismata auferenda occasione electionis

Pontificis Maximi. Cum vero ad hoc Romanum Concilium commodè referri possit canon Concilii Romani sub Nicolao, jam superius ex Muratorio memoratus, quod exinde argumentum deduci potest ad demonstrandum, canone 28. dist. 63. jure optimo adscriptum fuisse Stephano IV., aut V.? Quamobrem cum inane propemodum sit canoni Gratianeo præsidium ex canonibus Concilii Romani, quale Muratorius edit, non video cur à sententia virorum eruditissimorum sit recedendum, qui jam dudum monumentum illud velut prorsus apocryphum rejecerunt.

C A P U T L X X I V .

De Paschali.

Paschali I. tributi apud Gratianum videntur sequentes canones.

- | |
|---|
| <can>7. caus. 1. quest. 3. ad varios codices, & fragmenta canonum exigendus.</can>
<can>27. caus. 1. quest. 7. exigendus ad germanam Paschalis epistolam.</can>
<can>60. caus. 2. quest. 7. consonat cum can. 1. Synodi Regiaticine.</can>
<can>14. caus. 3. quest. 5. falso adscriptus Paschali Papa.</can> |
|---|

Can.
caus.
q. 3. **E** Monasterio ad Pontificiam Sedem invitus propemodum, ac reluctans adductus est Paschalis post obitum Stephani anno 817., & quidem eo tempore, quo nondum omnino confecta Iconoclastarum heresis Catholicos præsertim in Oriente vexabat. Plurimum ipse adversus eamdem heresim elaboravit, obiitque anno 824. vir apud omnes Ecclesiasticos, præsertim apud pauperes, optimè meritus. Huic Pontifici an jure adscribendus sit canon 7. caus. 1. quæst. 3., an potius Paschali II. plurimi dubitant. Verum, cum jam similia quedam Paschali Papæ tribuerit Urbanus II. in epist. ad Lucium Præpositum S. Juventii, definiri facile controversia potest, tutoque adseri, ibi non Pascha-

lem II., sed I. memorari, cum Paschalis II. Urbano II. successerit. Verba Urbani haec sunt: *Sed & Beatus Predecessor noster Paschalis de consecratione, & de rebus, quæ proveniunt ex consecratione, affirmat, quod quisquis alterum eorum vendit, sine quo alterum habere non potest, neutrum non venditum derelinquit.* Fateor quidem, temporibus Paschalis II. similia quedam edita fuisse decreta; sic in Concilio Pictavensi illius temporis ita legitur can. 7. *Ut præbenda non vendatur, vel ematur, neque pastus inde exigatur, sub excommunicatione interdicimus.* Et in statuto Paschalis II. quod ex Codice MS. Ecclesiæ Carnotensis edit Jacobus Petit in tomo 2. Pœnitentialis Theodori Cantuariensis pag. 420. *Nos vero, sanctorum Patrum statuta sequentes, &* ab

ab omnibus ea intemerata servari volentes, easdem consuetudines penitus abdicamus, & Sancti Spiritus auctoritate prohibemus, ut pro prebendis, vel ecclesiasticis beneficiis munus aliquod exigatur. Sed licet hæc consonent cum laudato Gratiani monumento, non tamèn ad hæc ipsa referre se voluit Gratianus, cum Paschalem Pontificem canonis auctorem memoravit. Antonius Augustinus in lib. 1. Dialogo 4. de emendat. Gratiani testatur, se cognovisse ex veteribus libris, hunc canonem laudari ex epistola Paschalis I. ad Mediolanenses; cui observationi consonat codex MS. Lucensis, cuius edidit monumentum Mansius in supplemento ad Concilia Veneto-Labbeana, etenim refertur ibidem epistola hæc eadem, ex qua de promptus est Gratiani canon cum hac epigrapha: Epistola Paschasi Papæ ad Archiepiscopum Mediolanensem. Ex hoc autem Paschasi nomine demonstrat in sua admonitione idem Mansius, epistolam ad Paschalem I. pertinere, cum in codicibus vetustis Paschalis, quem hodiè Primum adpellamus, Paschasius diceretur, quemadmodum inter cetera fidem facere potest canon 8. caus. 1. quæst 3. vers. sed & Beatus, ubi referuntur verba Urbani II. superius exarata, sed in vetustis Gratiani codicibus pro nomine Paschalis Paschasius legitur, licet hodiè à Romanis Correctoribus id fuerit emendatum. Itaqùè hodiè non solum, pro canone Gratiani verè tribuendo Paschali I., atque ad suos integros Codices, & exemplaria optima exigendo, habemus testimonia Romanorum Correctorum, qui Codicem MS. Decretorum Pontificiorum retulerunt, sed etiàm integrum epistolam legimus apù Ivonem parte 2. cap. 84., apù Mansium ex vetusto Lucensi Codice, & apù Pezium editam in commentario in Psalmum 25. Gerohi Præpositi Reichersbergensis. In omnibus istiusmodi exemplaribus deest versiculus nullus igitur, quem ego referendum puto ad Concilium Piçtavense sub Paschali II. celebratum, & quidem ad ejus canonem 7. suprà descriptum,

Priora ejusdem Gratianei canonis verba consonant cum exemplari Iwonis, dummodò pro illis verbis Gratiani, nec alterum provenit, neutrū invenditum derelinquit, adnotes ita legi apù Ivonem: nec alterum haberi provenit, neutrū vendere non derelinquit. Apù Mansium ita potius legitur: *Siquis autem objecerit, non consecraciones, sed res ipsas, que ex consecratione proveniunt, vendi, videtur quidem aliquid dicere, nihil autem penitus sapere. Nam, cum corporalis (notat Collector ad marginem, alicubi desiderari vocem corporalis) Ecclesia aut Episcopus, aut Abbas, aut tale aliquid sine rebus corporalibus, & exterioribus in nullo proficiat, sicut nec anima sine corpore temporaliter vivit; quisquis eorum alterum vendit, sine quo alterum habere non (alicubi legitur nos) provenit, neutrū non venditum non (deest alicubi hæc particula non) derelinquit. Quam tamèn objectionem sacer penitus canon exterminat, &c.*

Ad hoc ipsum Paschalis monumentum pertinere videtur canon 27. caus. q. 7. 1. quæst. 7., non quod reverè eadem illic verba legantur, sed quod ad similitudinem quamdam sententiæ Paschalis auctor canonis scripserit. Verba Paschalis hæc sunt: *Si anathematizati, & excommunicati, & ut verè heretici Simoniaci, & Neophyti à numero sunt fidelium Ecclesia separati, quis non videat, quod hujusmodi Sacerdotum aut Clericorum Missæ, & orationes Dominum ad iracundiam super populum provocent, quem placari talibus credebamus? Scriptum est enim: omne, quod non est ex fide, peccatum est, & ut veri sacrificii locus extrà Catholicam Ecclesiam non est; unde & dicitur: hereticum hominem post primam, & secundam correctionem devita. Quomodo ergo tales Episcopos, Abbes, vel religiosos Clericos devitanus, si eorum Missas audimus, cum quibus si vel simul oramus, excommunicationem subimus? Quos quidem Sacerdotes esse saltē credere omnino errare est, cum Petrus Simoni dicat: pecunia tua tecum sit in perditionem, quia existimasti donum Dei pecuniis possidere. Ubi, cum existimasti dicitur, patet, quia non pro eo, quod fecerit, sed quia facere se posse crediderit, condemnatur; cum tamèn minus sit existimare, quam credere. Cum itaqùè hereticum qualecumque esse*

Can. 27.
caus. 1.

7.

esse sit certa, & indubitata damnatio, quid valet Arianos, Sabellianos, Fotinianos, impiosque Manicheos penè orbe pepulisse, si Simoniacæ, & Neophitorum hæresis, quæ, ut B. Gregorius dicit, antè omnes in sancta Ecclesia diabolica surrexit, quasi prima, & maxima Ecclesia castitatem fœdâ nimium pollutione contaminetur? Igitur in Dominum, & propter Dominum vestram excellentiam, & omnes fideles Christi rogamus, & obtestamur, si habere partem in Christo cupitis, summope-rè instate, ut tam sæva pestis, quæ in universos jam populos usquequaque sæviendo aeterna morte mulcavit, vestrâ auctoritate, & exemplo penitus destruatur, ne ulterius, quod absit, in spiritum peccare, neque hic, neque in futuro sæculo remittatur. Ex hac itaque sententia, quæ detestabilem efformat Simoniacæ hæreseos imaginem, eò usquè, ut prima ac præ ceteris omnibus Ecclesiam contaminaverit, quicumque auctor extitit Gratianei canonis 27. adeò progressus ulterius est, ut non solùm hæreseon omnium primam dixerit, sed & præcipuam, cujus comparatione cetera criminia pro nibilo reputentur. Non est sanè hæc sententia aut Paschalis I., aut Paschalis II.; neque enim quidpiam hujusmodi legitur inter eorumdem Pontificum monumenta, neque, ut arbitror, alterius esse potest, quam scriptoris cuiuspiam nimio adversus Simoniacos zelo correpti, & quidem non procùl ab ipsiis temporibus Gratiani, qui dum vitium Simoniacæ insequutus est, illud crimen præ ceteris atrocissimum judicavit. Ego conjicio, eum canонem adjectum fuisse à studioso quodam ad marginem; ut enim perfecta ibidem erat causa prima, quam multa de Simoniacis damnandis ex sacris canonibus collecta sunt, ita voluit paucis complecti, quod ex superioribus ipse deduxisset. Conjecturam præbet verbum illud pater, quod legitur initio hujus capituli, quod significat nil aliud ibidem contineri, quam illationem ex præcedentibus. Conjecturam auget observatio Romanorum Correctorum, qui testantur caput illud in tribus vetustis Gratiani exemplaribus desiderari. Nemo au-

tèm ignorat, quot in veteribus manuscriptis marginales adnotaciones in tex-tum irrepserint. De nomine Paschalis Papæ cum & in illis exemplaribus, quæ Romani Correctores præ manibus haberunt, etiàm desideraretur, nihil di-xero: fortè & ab alio studio quoipam adjici potuit, quod notum esset Paschalem sive I., sive II. nonnulla adversus Simoniacos edidisse. Unum adhuc in hac materie animadvertiscum arbitror; nimirum in descripto nupèr Paschalis I. monumento perspicuè distingui Simoniacos à Simoniacis hæreticis. Simoniaci hæretici illi jure dici possunt, qui non solùm res sacras quoquo modo mercantur, sed & se jure mercari posse ad-severant, quemadmodum temporibus Paschalis I. nonnullos hujuscemodi homines extitisse liquet ex canone 7. caus. 1. quæst. 3. Simoniaci autem, qui hæretici non sunt, tantum deteriora sequuntur, cum viderint, ac probaverint bona. Atque hæc animadversio plurimùm utilis erit ad habendam germanam sanctorum canonum interpretationem, ne forte confundatur Simonia cum hæresi Simoniacæ, item Simoniaci cum Simoniacis hæreticis; præsertim vero ubi vel ex ipsis sacrarum legum verbis id deduci commodè possit, vel ubi expendendi sint illorum temporum canones, quibus Simoniacæ hæresis plurimū mentes in detrimentum Ecclesiæ gravissimum occupavit, cuiusmodi sanè sunt tempora aut Paschalis I., aut Paschalis II. Interpretis animo inhærente semper debet generalis illa regula, quæ exigit strictæ verborum significationi inhærendum esse, ubi de criminibus, & penis ad-versus crimina infligendis, agatur.

Non satis constare potest, an ca-
non 60. caus. 2. quæst. 7. tribuendus
sit Paschali I., an potius Paschali II.
Imò nec constare satis potest, an alteru-tri jure optimo adscribatur; quamquam enim, quod ibidem definitum est, utriusque temporibus convenire facilè queat, in neutrius tamèn monumentis, huc us-quæ editis, reperitur. Ego potius eum-
dem

dem canonem referrem ad constitutio-
nes Synodi Regiaticinæ , temporibus
Leonis IV. Pontificis celebratæ, anno
850., ac propterea non diù post tem-
pora Paschalis I., siquidem in canone 1.
illius Concilii ita legimus: *Decrevit sancta
Synodus domesticam, & interiorem Episcopi
conversationem totius reprehensionis, atque
suspicionis impenerabilem fieri debere, ut jux-
tā Apostolum provideamus bona, non solum
corām Deo, sed etiā corām omnibus homini-
bus. Oportet igitur, ut cubiculo Episcopi, &
secretioribus quibuslibet obsequiis sincera op-
inionis Sacerdotes, & Clerici assistant, qui
vigilantem, orantem, sacra eloquia scrutan-
tem, Episcopum suum jugiter attendant, ejus-
que sancta conversationis testes, imitatores, &
ad Dei gloriam predicatores existant.* Eadem
propemodū Constitutio habetur in
Concilio Parisiensi VI. anni 829. lib. 1.
cap. 20., eruta ex vetustis Patribus, ac
Pontificibus, ibi: *Beatus quoque Gregorius
in decretis suis ita ait: verecundus mos torpore
indiscretionis inolevit, ut hujus Sedis Pontifici-
bus ad secreta cubiculi servitia laici pueri, ac
seculares obsequantur, & cum Pastoris vita
esse discipulis semp̄e debeat in exemplum, ple-
rumquè Clerici qualis in secreto sit vita sui Pon-
tificis nesciunt, &, ut dictum est, seculares pue-
ri sciunt. De qua re presenti decreto constituo,
ut quidam, ex Clericis, vel etiā ex Monachis
electi, ministerio cubiculi Pontificalis obsequan-
tur, ut is, qui in loco est regiminis, habeat
testes tales, qui vita ejus in secreto conversa-
tionem videant, & ex visione sedula exemplum
profectus sumant. Hac igitur B. Gregorius scrip-
serit. Ceterum, siqui de hac re copiosiora exem-
pla querere voluerint, vitas B. Augustini, &
Ambrosii, & ceterorum aliorum sanctorum vi-
rorum legant, & perspicue invenient, quod vita,
& conversatio Pontificis semp̄e testes
vita probabilis habere debeat. Adjungi pos-
set his canon 1. Concilii Aquisgranen-
sis II. anno 836. celebrati, ex quibus
omnibus abundē liquet, saeculo 9., ac
propterea temporibus Paschalis I. s̄pē
ac s̄pius cautum fuisse, ne suspecta
vulgō haberetur vita Episcoporum, sed
ut Episcopi iidem Clericis unā habitan-
tibus non tam verbo, quām exemplo, in*

Evangelii doctrina, ac morum disciplina
præarent. Saluberrimæ profecto consti-
tutiones, illis autem præsertim tempo-
ribus accommodatae, quibus Clerici pro-
pemodū universi, ipsimet ecclesiarum
Prælati, testantibus historicis omnibus,
ecclesiasticis parūm vacabant utilitati-
bus, vitamque vix in laico homine feren-
dam traducebant.

Canon 14. caus. 3. quæst. 5., qui
nomine Paschalis Papæ laudatur, eodem
etiā nomine relatus fuit in caput 5.

Decretalium Gregorii IX. de accusatio-
nibus his verbis: *Nulli Episcoporum ab ac-*

Can. 14.
caus. 3.
q. 5.

*cusatione sua repellere liceat, quos, antequā
se ab eis impetendum cognosceret, à sua com-
muni familiaritate neglexerit separare.* Ro-
mani Correctores animadverterunt, in
uno pervetusto exemplari Gratianeo
idem caput desiderari eo in loco, quam-
quām superius alibi recenseretur, unā
que Codicum varietatem observaverunt.
Reperitur præterea in cap. 3. de accu-
sationibus in antiqua 1. Collectione De-
cretalium, edita ab Antonio Augustino.
Quid ergo? Num hujusmodi canonem
tanquam germanum Paschalis I., vel II.
agnoscemus? Non co facilè adduci ego
possum; siquidem Nicolaus I. in episto-
la 8. ad Michaelem Imperatorem contendit, ne Clerici, qui sanè illis tempo-
ribus Episcoporum familiares diceban-
tur, imò, ne quicunque Episcopis sub-
ditī essent, Antistites suos accusarent.
At si Paschalis I. definivisset jam diù eos,
qui Episcopi familiares extiterant, ad
illorum accusationem esse admittendos,
quomodo in contrarium Nicolaus I. fu-
sā oratione disputasset, cui Paschalis I.
cujus temporibus vixerat, monumenta
perspectissima esse poterant, ac debe-
bant. Quod si Paschalem II. hujus ca-
nonis credas auctorem, non video quo-
modo idem Pontifex, non habitā præ
oculis famigeratā Nicolai I. ad Michae-
lem epistolā, aut fortè etiā despactā,
respondere voluerit. Potius arbitror, aut
auctorem Palearum, aut auctorem I.
Collectionis Decretalium voluisse sub
Paschalis Pontificis nomine receptam

Ni-

Nicolai I. doctrinam (melius dixerim doctrinam hac in parte à Mercatoris epistolis derivatam) antiquare. Passim tradiderat Isidorus Mercator in suis pseudopistolis multa favore Episcoporum, quos & ab inferiorum Clericorum querimoniis, & à superiorum Archiepiscoporum molestiis eximere, ac vindicare studebat. Hinc nihil repetendum sèpiùs voluit, quām Episcopos à nemine accusandos esse, aut judicandos. Abiit propterè hæc traditio in vulgarem disciplinam, à qua Nicolaus Pontifex non recessit; sed sequentibus sæculis nonnullo-

rum Antistitum licentia causam dedit, cur generaliter pristina illa traditio non servaretur, hinc Clericis conquerentibus, hinc Archiepiscopis veterem auctoritatem explicare conatis; ac tandem factum est, ut certæ accusationum regulæ præstituerentur etiàm in crimibus episcopalibus, nomine Summorum Pontificum insignitæ, à generalibus Juris, æquitatisque principiis non abhorrentes, qualis inter ceteras adparet in memorato canone 14. apud Gregorium IX. confirmato, statim ac in ipsius Collectionem traductus est.

C A P U T L X X V .

De Gregorio IV.

Successit quidèm Paschali I. in Romana Sede Eugenius II., cuius nonnulla extant apud Gratianum monumenta; sed cum hæc jam in priore hujus operis parte exposita fuerint cap. 52. pag. 482., & sequentibus, non erunt hoc in loco repetenda. De Valentino Eugenii successore altum fit apud Gratianum silentium: neque diù ipse Romanam Ecclesiam tenuit, undè legum Ecclesiasticarum Codices augeret. Potius subsisto in Gregorio IV. successore Valentini, cui apud Gratianum hæc capita adscribuntur.

Ex epist. ad Episcopos Germaniæ, & Galliæ.	Can. 2. dist. 12.	{ dubie omnes fidei, atque auctoritatis.
	Can. 5. dist. 19.	
	Can. 4. dist. 45.	
	Can. 11. caus. 2. quest. 6.	
	Can. 42. caus. 2. quest. 7.	
Adjicitur.	{ Can. 8. caus. 35. quest. 9. referendus ad canonem 13. dist. 50.	

A anno Domini 828. usquè ad annum 847. Maximum Pontificatum gessit Gregorius IV. genere Romanus, & quidèm è aëtate, quā res occidentalis Imperii intestinis dissidiis filiorum Ludovici Imperatoris quatiebantur. Nimis rūm Ludovicus Caroli Magni filius ex primo matrimonio tres liberos suscepérat, Lotharium, Ludovicum, & Pippinum, ex secundis autem nuptiis Carolum Calvum, quem germani fratres consortem in imperio minimè pa-

tientes odio prosequabantur, simùl & novercam: imò priores illi Imperatoris filii odio novercæ, & Caroli eo adducti sunt, ut arma adversùs Parentem ipsum arriperent, & eumdem ab administratione Imperii removerent. Eò res devenit, ut, quantumvis Pontifex Maximus causâ conciliandæ pacis arbitrium recepisset, nihil omnino obtinere valuerit. Hæc de Gregorio IV. præfari juvat, quia expendenda hoc loco potissimum est epistola ejusdem Pontificis, quæ

scripta fertur ad Gallicanos, Germanos, & per universam Europam constitutos Episcopos, cui lucem brevis hæc de dissidiis Principum enarratio adferre quoquo modo potest.

De epistola ad Episcopos Germaniæ, Galliæ, &c.

Dilectissimis fratribus universis Coepiscopis, per Galliam, Germaniam, Europam, & per universas Provincias constitutis, Gregorius servus servorum Dei. Ita se se habet Gregorianæ istius epistolæ inscriptio, sub cuius finem nullus designatur aut dies, aut mensis, aut annus, quo scripta fuerit. Occasionem epistolæ deditur gravissima contentio Præsulum Francorum adversus Aldricum Cenomanensem Episcopum sub Archiepiscopatu Turenensi; quæ contentio ex eo, ut arbitrator, profecta est, quod Aldricus Carolo Ludovici filio adhæreret, à quo tamè ceteri Episcopi deflecebant favore ceterorum fratrum, ex priore matrimonio genitorum. Itaque vulgaris est fama, adversus Aldricum ceteros Galliarum Episcopos ita fuisse commotos, ut illum ab Episcopatu deturbare convocatâ Synodo molirentur, ad quos proptereà Gregorius dicitur direxisse epistolam pari exemplari, ad ceteros Europæ Episcopos misso, præstituens, neminem ex Episcopis damnari, deponive à quopiam posse sine Sedis Apostolicæ auctoritate; &, quamquam causa valeat in Synodo Provinciæ agitari coram Primate, nihil tamè, non expectatâ Pontificis Maximi sententiâ, definiendum esse. Nolo ego hujusmodi epistolam tanquam certum, indubiaque prorsùs fidei monumentum adserere, quandoquidem non desunt viri gravissimi, qui eam veluti supposititiam rejiciendam fore arbitrantur, ut liquet apud Pagium in annales Baronii ad annum 839., & apud Petrum de Marca lib. 5. de concordia Sacerdotii, & Imperii cap. 26. §. 9. Si illorum argumenta, qui hanc epistolam rejecerunt, ipse considerem, aut nulla

sunt, aut leviora, quam quæ ad hanc rem conficiendam sufficient. At, quoties res sedulo animo perpendatur, atque ad singularia illius temporis adjuncta exigatur, puto saltē concludi recte posse, epistolam illam non satis esse firmum ecclesiastice discipline præsidium ob valde suspectam illius auctoritatem. Primam falsitatis conjecturam eruo ex eo, quod post obitum Aldrici Cenomanensis, discipuli ipsius singula ejusdem acta descripserunt, quæ ex Cenomanensis Ecclesiæ Codicibus vetustis Baluzius edit initio tomij 3. Miscellaneorum: &, quamquam in actis his quæcumque ad Aldrici causam pertinentia accuratissimè recenseantur, imò & monumenta, quæ ad rei gestæ enarratæque fidem faciendam conducunt, inserta sint; atque etià memoretur quædam Gregorii IV. epistola ad Aldricum scripta, in qua Gregorius idem singularis in Aldricum benevolentiae exhibuit argumenta, de altera tamè Gregorii epistola, quam in memoratis capitibus retulit Gratianus, nulla fit mentio, quandoquidem cum gravissimi illa negotii sit, non fuisse set verosimilitè omittend;. Altera conjectura ex eo colligitur, quod in eisdem actis à Baluzio editis dicitur: videlicet non ibidem legitur, Aldricum ab Episcopis Gallicanæ Ecclesiæ fuisse depositum, sed tantummodo Cenomanensem Ecclesiam à militibus adversus Carolum Calvum pugnantibus occupatam fuisse odio Aldrici, qui proptereà ab Urbe Cenomanensi recedere debuit. Sanè, si quæ contrà Aldricum facta dicuntur, non Episcoporum judicio, sententiâque dependent, sed potius armis militantium, quænam Gregorio IV. esse occasio potuit scribendi ad Episcopos, suadendique, ne prius sententiam in Concilio pronunciarent, quam illa Romani Antistitis consensione confirmaretur? Prætereà certum est, Gregorium IV. se veluti pacis arbitrum exhibuisse inter fratres Principes de Imperio contendentes, quamquam irrito conatu; lugebat hinc sanctus Antistes intestinas hujus-

modi disceptationes, quas Imperio maximè perniciosas, & propè fatales agnoverat. Videat ergò, quicumque Gregorium sese prudentissimum virum gessisse crediderit, nùm decuerit turbatis hisce temporibus Episcoporum universæ Galliæ, Germaniæque animos concutere, & quidem in ea causa, quæ juncta videbatur cum causa Principum fratrum acerrimè contendentium. Epistolæ quoquè inscriptio superiùs exarata dubitationem auget: ut enim illa non ad solos Galliarum Episcopos directa fertur, sed etiàm ad Antistites totius Europæ, imò & universarum Provincia rum, quis facilè sibi persuadeat, ob unam, & singularem Cenomanensis Episcopi causam fuisse opus Encyclicâ epistolâ, contrà quam consuetudo Maximorum Pontificum ferat? Nisi fortè quisquam dixerit, eam Gregorii mentem fuisse, ut universos Episcopos in dissidium etiàm vocaret in causa Aldrici, quod sanè in contumeliam tanti viri, & pacis studiosissimi, diceretur. Ut verò in clariori adhuc lumine hæc collocentur, separanda sunt certa ab incertis. Certum in primis est, Aldricum Cenomanensem Episcopum Imperatori Ludovico Patri charissimum fuisse, ac propterea etiàm ejusdem filio Carolo Calvo, ob quorum benevolentiam plura à ceteris Ludovici filiis, invidiâ correptis, perpeti debuit in commoda; charissimum præterea fuisse Gregorio IV. Pontifici, qui, ut in actis, superiùs laudatis, legitur, Aldrico exhibuerat singularis benevolentia monumen ta, eumdemque donis datis non contemnendis arctius sibi devinxerat. Certum etiàm est, Gregorium Pontificem plurimùm curasse, ut res Imperii, præsertim in Gallia, fratrum dissensionibus turbatæ, concussæque componerentur. Hæc sunt, quæ ex historica veritate certa deduci possunt, & extrâ omnem dubitationis aleam posita, quibus innixus obscurus quidam auctor epistolam composuit, eamdemque Gregorio Pontifici adscripsit. Ex eo enim, quod Aldricus plura perpessus fuerit in Gallia ex mili-

tum ausu, coactus à Civitate, ac Diœcesi recedere, fixit Episcopos Gallicanos adversus Aldricum adeò fuisse commotos, ut eum ab Episcopali officio de posuerint. Ex eo verò, quod Gregorius IV. sollicitudinem maximam habuit, ut res Galliarum pacarentur, fixit præterea, eumdem Gregorium ad Gallicanos Episcopos de Aldrici causa scripsisse, ut nihil, nisi requisito Pontifice Maximo, in Provinciali Concilio definiretur. Verosimiles visæ fuerunt, & aptæ ad fingendum, auctori epistolæ temporum, ac causarum circumstan tiæ, eâ præsertim ætate, quâ sine discrimine apocrypha æquè, ac germana monumenta passim recipiebantur. Ceterum hodiè detectæ sunt deceptoris artes, cum facilè unusquisque agnoscat ex iis, quæ superiùs tradidi, non potuisse commode inter gravissimas Principum conten tiones Provincialia Episcoporum Concilia celebrari, eove minus procedi ad de positiones illorum Antistitum, qui alterutri contendentium parti faverent; cum præterea probatissimum sit apùd universos canonum Conciliorum Collectores, nullum reperiri eo tempore Concilium, quo de deponendo, vel de deposito restituendo Aldrico Cenomanensi tractatum fuerit in Gallia; imò potius in quibuscumque Conciliis Gallicanis tunc celebratis Aldricum Cenomanensem Episcopum sine aliorum Episcoporum controversia interfuisse, scilicet in Wormaciensi anni 833., in Aquisgranensi anni 836., in Parisiensi anni 847., & in Turonensi anni 849.: aliàs verò Aldrici nomen non legeremus in actis Conciliorum Gallicanorum, si Aldricus idem suffragio Gallicanorum Episcoporum dignus habitus fuisse, qui ab Episcopatu deponeretur.

His videretur satis, abundèque demonstratum, epistolam, de qua in præsentia loquimur, Gregorio IV. falsò tributam fuisse. Quoniàm verò non desunt, qui eamdem velut germanam recipiendam velint, atque probandam, cu randum mihi est, ut quoad fieri potest

Gregorianæ hujus epistolæ ratio, atque argumentum declaretur. Itaque Gregorius (si is epistolæ auctor est, & si vera sunt, quæ in epistola ipsa leguntur) omnibus Episcopis, ac præsertim Gallicanis indixit, causam Aldrici Cenomanensis Episcopi esse quidem primùm coram Primate in Provinciali Concilio discutiendam, verum non prius definitivam sententiam ab Episcopis pronunciandam, quam Romanus Pontifex consulatur, ejusdemque censura expectetur. Hæc sanè disciplina plurimum congruit cum epistolis Isidori Mercatoris, in quibus passim illa traditur, ac confirmatur, quidquid apud veteres vigeret in conspectu capituli 19. in Codice canonum Ecclesiæ Africanæ, canonis 5., & 6. Concilii Nicæni I., canonis 6. Concilii Constantinopolitani I., canonis 1. Concilii Ephesini, canonis 9. 17., & 19. Concilii Chalcedonensis, & aliorum numero plurimorum. Ubi enim illa Collectio Episcopis ferè omnibus placuit, & cum vulgo de manu in manum quasi optima traduceretur, statim coeperunt, quæ ibidem legebantur, sententiæ in omnibus penè ecclesiasticis monumentis interse-ri. Ceterum Gregorius, si forte Aldrici causam sibi voluit reservari, neque dirimendam Provinciali Episcoporum Concilio tum reliquit, moveri etiam potuit singulari quadam ratione; nimirum non erat illa ecclesiastica simplex controversia, cuius propteræ comprovinciales Episcopi judices haberentur, sed publica, ad rationes dividendi inter fratres Occidentalis Imperii pertinens. Gregorius autem IV. forte ad se tantummodo causam hujusmodi deferendam voluit quibuscumque inferioribus exclusis Episcopis, vel quod ipse jam inter contendentes fratres sese arbitrum conciliandæ pacis exhibuerat; vel quod in scissione Occidentalis Imperii Romani populi Patricius, qualis Romanus Antistes, suas interponere partes opportunum arbitrabatur; vel demum quod si soli Galliarum Antistites in ea controversia aliquatenus dirimenda sese immis-

cuissent, facile extimescendum erat de gravissimo perniciose schismate in Ecclesia Occidentalı: Fingamus enim verò, damnum fuisse in solo Gallicano-rum Antistitum Concilio Aldricum Cenomanensem; nonne exinde reprobata quoquè censebantur, aut censeri aliquā ratione poterant jura Caroli Calvi, cum non alia esset Aldrici damnandi causa, quam quod Aldricus Caroli Calvi jura fovisset? Quis verò hinc non videt, quot suboriri potuissent schismatum semina, quæ per universam Europam dif-fusa renovato Occidentali Imperio rui-nam quodammodo minitarentur? Quæ si vera esse possunt, in conspectum adferenda erunt illorum, qui eam, de qua agimus, epistolam, Gregorio tribuen-dam censem, ac sunt Gratianeorum capi-tum illinc decrptorum sententias rectā interpretatione illustraturi.

Initio hujus epistolæ legimus verba can. 11. caus. 2. quæst. 6. ita ex in-tegris exemplaribus supplenda: *Divinis preceptis, & Apostolicis saluberrimis incita-mur monitis, ut pro omnium Ecclesiarum sta-tu impigro vigilemus affectu. Et quia cunctarum divinâ dispensatione Ecclesiarum curam gerimus, omnibus nostra poscentibus suffragia apostolicâ auctoritate subvenire optamus. Quo-niam divina virtutis, ac infirmitatis humanae sanctio est, ut omnium Ecclesiarum negotia ad nostræ reparacionis tendant affectum. Quapropter has ad vos literas destinamus, quibus decreto nostro vestram rogantes caritatem man-damus, ut, si aliquis, quod non optamus, suo-rum emulorum, Aldricum Cenomanice Eccl-eiæ Episcopum accusare damnabiliter atten-taverit, ut honoretur B. Petri Apostolorum Prin-cipis memoria, Ecclesia Romana, cui prae-se-dit, privilegium, & nostri nominis auctoritas; liceat illi post auditionem Primum Diacesos, si necesse fuerit, nos appellare, & nostrâ auctoritate, aut ante Nos, aut ante Legatos, nos-tro ex latere missos, juxta Patrum decreta suas exercere, atque finire actiones, nullusque illum ante hac judicet, aut judicare presu-mat; Sed, siquid, quod absit, grave, intolerandumque ei objectum fuerit, nostra erit expectanda censura, ut nihil prius de eo, qui ad*

ad sinum Sancte Ecclesie Romane confugit, ejusque implorat auxilium, decernatur, quā ab ejusdem Ecclesie auctoritate fuerit praecep-
tum, quā sic vices suas aliis impetravit Eccle-
siis, ut in partem sint vocatae sollicitudinibus,
non in plenitudinem potestatis. Proinde dilec-
tio vestra, quorum devotione gaudemus, jun-
gat curam suam dispositionibus nostris, & det
operam, ut non cujuspiam presumptione circa
memoratum fratrem, vestrā provisione, vel
successorum vestrorum, si ipse superstes fuerit,
aliter quām hic insertum est, ullo modo decer-
natur, sed hoc, quā ad ejus tuitionem, atque
defensionem prædicta hic auctoritate suggesta
sunt, ac salubriter ordinata, absq[ue] ulla apo-
logia plenūr impleantur. Si autem quod non
arbitramur, à quoquam secūrū p[re]sumptum fue-
rit, & ab officio Cleri submotus, & injuria-
rum reus ab omnibus judicetur; ne lupi, qui
sub specie ovium subintrarunt, bestiali s[er]vitā
quosque audeant dilacerare, & quod sibi fie-
ri nolunt, aliis inferre p[re]sumant. Romani
Correctores animadverterunt ad hunc
canonem, Aldricum Cenomanensem in-
terfuisse Concilio celebrato apud Sanc-
tum Medardum, exindē inferentes illi
profuisse Gregorii epistolam. Veniā di-
xerim gravissimorum virorum, non evi-
dens est hujusmodi illatio, etenim epistola h[ec] Gregoriana non pertinebat ad
absolutionem Aldrici, sed potius ad
causam Aldrici Sedi Apostolicā reser-
vandam. Porrò hujusmodi reservatio
parūm prodesse potuit ad absolutionem,
nisi supponere velimus, Gregorium qui-
dēm benevolo animo erga Aldricum fuisse,
at viceversa Gallicanos Antistites
fuisse pronos ad daminandum, & qui-
dēm iniquo judicio, Aldricum. Ego sa-
nè nec de Gregorio ita sentire possum,
ut nimio studio Aldricum prosequere-
tur, & adversus jura sententiam dice-
ret: nec alias de Gallicanis Episcopis
universis, ut Aldrico infensi illum in-
noxium adversus jura damnarent. Po-
tius inhærendum puto illorum opinioni,
qui apocrypham esse Epistolam exindē
etiam colligunt; Si enim, non contra-
dicentibus Gallicanis Episcopis, Aldricus
in posterioribus Conciliis sedit, nullum

indicium est, undē deducatur, Aldri-
cum Sedis honorisque sui jacturam, aut
periculum fecisse apud eosdem Episco-
pos Gallicanos.

Prosequitur auctor Epistolæ, plura
ad eam rem coacervans; præ cete-
ris docens, ad Romanum Pontificem
spectare impigre subvenire omnibus,
quibus necesse fuerit, ac subjicit: Nos
vero ad hunc finem omnem nostrum affectum,
curamque dirigimus, ut, quod ad exaltationem
Sancte Dei Ecclesie, & quod ad custodiam,
& profectum pertinet Sacerdotum, nullā dis-
sensione violetur, nullā desidia negligatur. Su-
p[er] quibus si quis arguere voluerit, aut extra
auctoritatem facere contendenterit, veniat ad Se-
dem Apostolicam, quā omnia Ecclesiastica ne-
gotia, de quibus questio habetur, confuere
jussa sunt, ut ibi antē confessionem Sancti Pe-
tri mecum justè decertet, quatenus inibi unus
ex vobis sententiam suscipiat suam. H[ec] sunt
verba canonis 42. caus. 2. quæst. 7.,
p[ost] quæ paucis interjectis sequuntur
verba priora canonis 2. dist. 12. ibi:
Præceptis erga Apostolicis non durā superbiā re-
sistatur, sed per obedientiam, quā à Sancta
Romana, & Apostolicā auctoritate jussa sunt,
salutiferā impleantur, si ejusdem sancte Dei
Ecclesie, que est caput vestrum, communio-
nem habere desideratis. Qui autem se sciunt
quibusdam (h[ec] omittuntur apud Gratianum , videnturque ab auctore Epis-
tolæ excerpta ex illa Vigilii Papæ Epis-
tolæ, quæ refertur in can. 12. caus. 2.
quæst. 6.) esse præpositos, non ferant mo-
lestè, aliquem sibi esse prelatum, sed obe-
dientiam, quam exigunt, etiā ipsi defendant.
Unde liquet, quod omni studio devotionis una-
nimes divinis, & apostolicis præceptionibus
parere beatis, & in nullo inobedientes, quod
abst[ine]ti, effici. Nām, licet plerumq[ue] accident
in Sacerdotibus &c. Hoc in loco sequun-
datur verba canonis 4. dist. 45., ubi ta-
mèn pro verbis illis quam statim judican-
di, legendum est: quam statim, & absq[ue]
nostro consulto judicandi. Quæ vero apud
Gratianum legimus in §. Judai, prosec-
tō è margine in textum irrepsisse viden-
tur, ac sunt potius summa quædam sub-
sequentis canonis, quemadmodū uniu-
cui-

cuique legenti facilè liquet. Pòst pauca sequitur in eadem Epistola canon 5. dist. Can. 5. 19., ubi pro illis verbis *quia majoris excommunicationis dejectione est abiciendus, cui &c.* legendum est: *quia majoris excommunicationis dejectione est exigendus, cui &c.* Tandem pòst multa in eadem Epistola leguntur, quæ Gratianus retulit in §. non novum superius memorati canonis 2. dist. 12. Nihil amplius immoror in explicandis singulis hujusmodi fragmentis; et enim jam superius exposita est integra Epistolæ sententia, si forte apùd aliquos vim obtineat, ità ut nihil amplius superesse, quod possit difficultatem facesse, videatur.

De canone 8. causa 35. quæst. 9.

Cum de Gregorio IV. non nihil tradatur in canone 8. cau. 35. quæst. 9., videbatur hoc loco potissimum explicandus, non quidèm in iis omnibus, ac singulis exemplis, quæ ibidèm propo-

nuntur, sed in eo tantummodo, quod ad ipsum Gregorium pertinet. In reliquis dicere sufficit, hoc monumentum referri commodius posse ad canonem 13. dist. 50., in quo eadem ferè verba recitantur. Ait Gratianus ex libro Pontificali, hæc narrari de Gregorio IV. *Gregorius IV. Theodosium, quem Eugenius Antecessor ejus presbyterii honore privaverat, Ecclesiae Signinæ consecravit Episcopum.* Verùm & hanc enarrationem falso tributam auctori Pontificalis dignoscimus, cum in Pontificali libro ne verbum quidèm occurrat de Theodosio Ecclesiae Signinæ Episcopo per Gregorium IV. designato, & ab Eugenio II. Gregorii decessore à Presbyteratu dejecto. Nihil hujusmodi legitur aut in vita Eugenii II., aut in vita Gregorii IV.: quemadmodum igitùr auctor integri hujus capitis in pluribus lapsus esse dignoscitur, quod suo loco demonstrabitur ad canonem 13. dist. 50., ità & in hac parte lapsum esse non temerè judicabimus.

C A P U T L X X V I .

De Leone IV.

Nonnulla jam relata sunt in priore parte hujus operis cap. 52. pag. 482 & sequentibus, quæ Leoni IV. Pontifici Maximo tribui jure possunt.

Pertinent illa ad Concilium Leonis ejusdem temporibus celebratum. Plura adhuc supersunt eruta ex aliis ejusdem Pontificis monumentis.

Ex Epist. ad Episcopos Brittanniæ.

{ Can. 8. dist. 18. in aliquot Gratiani Codicibus emendandus.

Can. 1. dist. 20. varius in diversis exemplaribus.

Can. 5. caus. 1. q. 7. paulò varius in aliis Codicibus.

Can. 3. caus. 2. q. 4. ex temporis illius adjunctis explicandus.

Can. 4. caus. 10. q. 1. fere consonat cum ceteris Epistola exemplaribus.

Can. 7. caus. 26. q. 5. ex integra Epistola supplendus.

Ex Epist. ad Veronem Ducem Brittanniæ.

{ Can. 10. caus. 7. q. 1. ex aliis monumentis explicandus.

Ex Epist. ad Ebriniū, & Adelphium Episcopos.

{ Can. 5. caus. 1. q. 4. falso tributus ab aliquibus Leoni III.

Ex Epistola ad Exercitum Fran-	Can. 9. caus. 23. q. 8. alii forte auctori tribuendus.
	Can. 9. dist. 10. ex Iyonis Codicibus emendandus.
	Can. 13. dist. 10. non indubie prorsus auctoritatis.
	Can. 16. dist. 63. non indubie prorsus auctoritatis.
	Can. 31. dist. 63. Leonī IV. jure tribuendus.
	Can. 41. caus. 2. q. 7. potius Leonī III. adscribendus, jungendusque cum can. 18. cau. 2. q. 5.
	Can. 7. caus. 23. q. 8. { non dissonant à temporibus Leo-
	Can. 8. caus. 23. q. 8. { nis IV.
Ex Epist. ad Ritam Comitissam.	Can. 17. dist. 63. jungendus cum can. 16. dist. 63.
	Can. 45. caus. 16. q. 1. tribuendus Leonī ad Episcopos Brittaniæ scribenti.
Adjiciuntur.	Can. 3. caus. 21. q. 1. incertæ auctoritatis.
	Can. 16. caus. 25. q. 1. referendus forte ad vulgatam Leonis homiliam.
	Can. 11. de cons. dist. 3. falso tributus Leonī IV.

Leonem IV., qui Romanam Sedem tenuit ab anno 847. usquè ad annum 855. velut Pontificem optimum, Parentem amantissimum Romanæ Civitatis, Urbis præterea restauratorem prouidentissimum historici universi meritis laudibus ornaverunt. Fuit enim ille in restituenda, quæ propemodùm lapsa videbatur, Ecclesiasticā Cleri disciplinā admodūm sollicitus, quemadmodūm & in præmuniendis Civibus ab impetu Saracenorum identidem fidelibus infestorum, & templo locupletissima devastantium, vallata mænibus, ac propugnaculis, imò etiā basilicis auctâ, publicisque ædificiis Urbe.

De Epistola ad Episcopos Brittaniæ.

Sollicitudinem maximam Leonis in ecclesiastica disciplina sedulò custodienda exhibet præ ceteris monumentis ipsius Epistola ad Episcopos Brittaniæ minoris in Gallia, quæ incipit *Quanto studio.* Ibidem initio candidè profitetur Sanctus Pontifex, se olim in suspicione adductum fuisse de Britannis Episcopis, ne forte in sacris ministeriis desides essent, & Ecclesiam fallerent; dein

dè verò animo se erectum fuisse, quòd illorum agnovisset diligentiam ex eo præsertim, quia Simoniacos damnassent, & quid de illis agendum esset, Romanum Antistitem, quemadmodum & de aliis disciplinæ sacræ capitibus consulissent. Huc, sive ad Epistolæ initium, pertinet canon 5. caus. 1. quæst. 7. ibi: can. 5. caus. 1. 7. Legationem denique communem omnium Epis- 9. 7. coporum reverendissimorum nobis propositam delinquentes, requiritis de his, qui turpisimo lucro columbas in Templo Domini vendere non pertimescant, & sua acta improba temeritate Simonis heresi conjugunt, utrum possint in Ordine pœnitentiam agere, aut tantummodo extrâ Ordinem, & Sacerdotalem fieri gradum. Quibus nos quidem convictis, qui tam detestabile nefas, quod jam multis est damnatum Conciliis, peregisse noscuntur, nullâ pœnitentiâ possumus subvenire, & tot spiritualibus Patribus obviare, sed in illorum Patrum mensentia convenire omnibus certum sit. Integra retuli Leonis verba, qualia in vulgatis Conciliorum, Pontificiarumque Epistolarum exemplaribus edita sunt, ut indè animadvertere unusquisque illi-
cō posset, quænam sint inter Gratianum, aliosque Codices utcumquè vix adnotanda varietas. Statim prosequitur Leo: ita tamè ut omnia in conciliis sint Epis- 68

coporum. Nam nullam damnationem Episcoporum esse unquam censemus, nisi aut ante legitimum numerum Episcoporum, qui sit per duodecim Episcopos, aut certe probatâ sententiâ per septuaginta duos idoneos testes, qui tales sint, qui & accusare possint, & prius ad Sacra Christi quatuor Evangelia Sacraenta præstant, quod nil falsum depromant, sicut nobis Beatus Sylvester tradidit, & Romana Sancta tenere videtur Ecclesia. Et si inter eos, quos damnados esse dixerunt homines, fuerit Episcopus, qui suam causam in presentia Romanæ Sedi Episcopi petierit audiri, nullus super illum finitivam presumat dare sententiam, sed omnino eum audiri decernimus. Verba hæc sunt canonis 3. caus. 2. quæst. 4., ad quem tamèn jam Romani Correctores

Can. caus. q. 4.
3. animadverterunt, verba illa sicut nobis B. Sylvester tradidit, & Romana Sancta tenere videtur Ecclesia in epistola Leonis manuscripta desiderari, quemadmodum etiàm animadvertisit Lucas Holstenius. Verùm in epistola Nicolai I. ad Salomonem Regem Brittonum, in qua eadem Leonis epistola memoratur, eadem habentur, quæ legimus apud Gratianum: en verba Nicolai de Leone IV. scribentis. Nam qualiter, & à quot, & à quibus sanxit Episcopos condemnari, scribens eodem tempore Britannicæ Regionis Episcopos, evidenter inter cetera, ut eadem ipsa verba ponamus, decrevit, aquè præcipiens, ut omnia sint in Conciliis Episcoporum. Nam nullam damnationem Episcoporum nisi aut ante (legit Hadrianus ex Codice MSs. Archivi Turonensis nisi inante) legitimum numerum Episcoporum, qui sit per duodecim Episcopos, aut certe probatâ sententiâ per septuaginta duos idoneos testes, qui tales sint, qui & accusare possint, & prius ad Sacra Christi quatuor Evangelia Sacraenta præstant, quod nil falsum depromant, sicut nobis B. Sylvester, & Sancta Romana tenere videtur Ecclesia. Quam secutus decessor meus sancta memoria Benedictus, quia contrà decessoris sui decretum non ab Episcopis, sed à Laicis Episcopos in regione tua cognoverat esse dejectos, multâ mæstitiâ, & indignatione repletus scripsit, quod nulla ratio sineret Episcopos à Sedi suis pelli, quos duodenarius numerus non ejecisset. Quorum vestigia & ego

quoquè sequutus, eadem censui, imò & censio, nec ullam posse Episcopos sui honoris sustinere jacturam, quos non constat fuisse à duodecim Episcopis, præsente, primamque sententiam Metropolitanu Episcopo obtinente, cum examinarentur, auditos. Qui etsi crimen aliquod confessi esse dicuntur, potest credi, quod vi vel formidine fassi tantum, & non confessi fuerint quod non fecerant, quia videbant Laicos, & Seculares quosque una cum Rege contrà se conspirantes, quod nec saltè audierant. Siquidem, qui ore tñntim, & non corde profert, quod dicit, non constitetur, sed loquitur, quanvis non videatur justa confessio, quæ non legitimo provocatur examine. Integræ Nicolai I. sententiam, quoad rem hanc attinet, describendam ideo censui, quia plurimùm prodesse potest commoda interpretationi epistolæ Leonis, eo vel magis, quia Nicolaus I. eodem vivit sæculo, ac Leoni IV. post Benedictum III. successit. Itaque sive apud Leonem, sive apud Nicolaum de controversiis agitur Episcoporum, in Brittannia minore constitutorum. Nemo verò ignorat, tunc temporis nulli Metropolitanu eosdem Brittaniæ Episcopos aut fuisse obnoxios, aut se se obnoxios credidisse, aut etiàm novi Principis occasione se se ab aliena jurisdictione subtraxisse, quemadmodum tradidi ad canonem 10. caus. 3. quæst. 6., quidquid in contrarium studeret Turonensis Archiepiscopus, alive, qui Britanno Antistites sibi subjici curabant, quemadmodum ex ejusdem Nicolai Papæ Epistola nupèr memorata perspicuè colligitur, ibi: quia verò magna, quis sit Metropolitanus apud Britanno, contentio est, licet nulla memoria sit vos in vestra regione ullam habuisse Metropolitanam Ecclesiam &c. Eam ob rem negotia illa, quæ ex generali sanctorum canonum disciplina in Conciliis Provincialibus, Metropolitanu auctoritate congregatis, gerenda erant, qualis tunc habebatur causa accusandorum Episcoporum, vix geri ritè poterant, cum promiscuè Antistites singuli conventus facerent, qui nomine quidem tenus Provincialia Concilia dicebantur, sed quia Su-

Superioris auctoritate destituebantur, satis exiguae vires habere poterant, imò ut plurimū semina effundebant discordiarum. Ubi id agnoverunt Leo, & Nicolaus, Pontifices Maximi, nihil utilius Ecclesiasticæ rei esse posse arbitrati sunt, quām suadere eosdem Episcopos Britannicæ, imò & ipsos Brittanicæ Principes, ut Brittanicæ Episcopatus subdarentur, velut suffraganeorum jure, Archiepiscopo Turonensi. Ingrata quidem res Brittanicis iisdem Episcopis, quos difficile erat ad illud consilium capessendum adducere. Quam ut necessariò obeundam proponentes Pontifices Maximi asseruerunt in primis, duodecim Episcoporum suffragia requiri in damnandis Episcopis; quod si facilè Brittanicis opportunum demonstrabatur, futurum erat, ut Turonensi Archiepiscopo, vel alteri se subjicerent; etenim in Britannia non tot Episcopatus erant, quot ad duodecim Episcoporum celebrandum conventum sufficerent, quemadmodum eveniebat, si Turonensem Archiepiscopum velut Metropolitam agnoscerent, quemadmodum reverè deinde factum est, ut duodecim Episcopi essent in Provincia Turonensi, nimirum Turonensis, Andegavensis, Cenomanensis, Redonensis, Nannetensis, Venetensis, Maclovienensis, Briocensis, Dolensis, Trecorensis, Crisopitensis, & Leonensis. En singularem rationem, quare apud Brittannos opportunum fuerit definire duodecim Episcoporum numerum in dirimendis accusatorum Antistitum causis, quamquām aliàs definitum generaliter fuerit, in Provincialibus Conciliis, nullā habitā ratione majoris, vel minoris numeri Episcoporum, easdem controversias dirimi debere; ut liquet ex Concilio Carthaginensi vulgo IV. can. 25., ex Capitularibus Francorum lib. 6. cap. 281., & lib. 7. cap. 314. & 320., quibus addi merito potest Innocentius I. in can. 26. caus. 11. quæst. 1. & in can. 14. caus. 3. quæst. 6. Deinde etiā Pontifices Maximi adseruerunt, inveniri olim constitutum, Episcopos damnan-

dos non esse, nisi probata sententia per LXXII. idoneos testes. Vulgata tunc erant decreta illa, quæ adtributa fuerant Sylvester Papæ, quæque memorat Gratianus in can. 2. caus. 2. quæst. 4., ubi illa constituitur disciplina. Quæcumque autem habenda esset hujusmodi canonum auctoritas, non nihil removere Brittannos poterat à dirimendis causis Episcopalibus pro lubito, & sine Concilii Provincialis sincerā sententiā. Hinc illis canonibus utendum fore visum fuit opportunum Leoni, cui persuasum forte erat canones illos apud Brittannos jam diù fuisse receptissimos. Duplici quodammodo via Brittannos insequebatur Episcopos Leo, quasi diceret: vel arbitramini, Episcopales causas in Provinciali Concilio dirimi posse; tum verò ad Turonensem Archiepiscopum confgere debetis, velut Archiepiscopum, cuius auctoritate Synodus celebretur, quā demum ita convocata fiat, ut numerus sufficiens sit Episcoporum, qui non extat apud Brittannos: vel arbitramini etiā sine Concilio posse ab Episcopis Episcopos dejici; tum verò locum habebit vulgata traditio, quā præstituitur, ne Episcopi damnentur sine interventu 72. testium, quæ cum liquidò constent tum ex verbis Leonis, tum ex temporis illius, locorum, ceterisque hujusmodi adjunctis, perspicuè etiā liquet, Leonem non ita excepisse merces Isidorianas, ut crederet, quemadmodum apud Mercatorem legitur, septuaginta duorum testium numerum necessarium fore in causis Sacrorum Antistitum dirimendis in Synodo Provinciali.

Prosequitur Leo, enarrans, se de pluribus Ecclesiasticæ disciplinæ capitibus interrogatum fuisse, quibus satisfaciere se asserit juxta Sanctorum Patrum vetustas traditiones. In capite 2. hæc leguntur. *Regenda verò est unaquæque Parochia sub provisione, ac tuitione Episcopi per Sacerdotes, vel ceteros Clericos, quos ipse cum Dei timore præviderit; cui jure pertinere videbitur & circumire, ut sibi necessarium visum fuerit ecclesiastica utilitate cogente.* Verba

can. 4.
caus. 16.
q. x.

hæc relata sunt à Gratiano in can. 4. caus. 10. quæst. 1. ubi nonnulla in scriptura discrepant, fortè etiàm accuratiùs, ut videtur, apùd Gratianum exposita.

Can. 8. dist. 18. In capite 3. hæc habentur: De eulogis ad Sacra Concilia deferendis, nihil invenimus à majoribus terminatum, sed sicut unicùque presbytero placuerit. Näm, si constitutum fuerit, illo in tempore benedictiones adservi, forsà minus libenter ad Synodos occurrit, & magis venire detrectabunt; quæ, ut arbitror, non sunt rationabiliter requirenda, nec ultrò delatae responde. Sunt hæc verba canonis 8. dist. 18., quæ ideo integra descripsi, quod in aliquot Gratiani exemplaribus & quidem recentioribus, corrupta agnoverim. Quæ hic Elogiæ appellantur, apùd recentiores vocantur Synodatica, nimirùm quædam munera, à Clericis oblata Episcopo occasione Synodi. Hæc quemadmodum exigi prohibuit Leo IV., ita etiàm prohibuit Hincmarus Rhemensis in capitulis datis Archidiaconibus & Presbyteris anno 874. num. 5. ibi: *Nolite quasi pro aliquo adiutorio ad quancumque rem denarios apùd presbyteros postuleatis: neque quando ad Synodus, vel pro inquisitione ministerii sui, seu pro chrisma accipiendo venerint, eulogias exigatis.* In formulis antiquis Promotionum Episcopali, editis apùd Baluzium in tomo 2. Capitularium Francorum extat numero 18. querela quædam ejusdem Hincmari de illis, qui Synodos temere frequentabant, ut factio ministrorum suorum diverso modo denarios quasi pro eulogis acciperent.

Can. 7. caus. 26. q. 5. Ex capite 4. ejusdem epistolæ promptus est can. 7. caus. 26. quæst. 5. his verbis legendus: *De experientia autem divinationum, vel maleficiorum, scriptum quidem in sacris habemus canonibus* (ibi laudatus videtur canon Concilii Ancyraní, seu canon 2. caus. 26. quæst. 5.) *ut ipsa verba ponamus, ita: Qui divinationes exceptunt, & morem gentilium subsequuntur, aut in domos suas hujuscemodi homines introducunt, exquirendi aliquid arte malefica, aut expiandi causa, sub regula quinquennii jaceant. Un-*

dè ad illorum similitudinem sortes, quibus cuncta vos in vestris discriminatis judicis, nibil aliud, quæm quod illi Patres dammarunt, divinationes, & maleficia esse decernimus. Quam obrem volumus, illas omnino damnari, & ultra inter Christianos nolumus nominari, & ut abscondantur, sub anathematis interdicto precipimus.

Can. 1. dist. 20. In capite 6. seu postremo epistolæ leguntur verba canonis 1. dist. 20., quæ cum non ubique eadem omnino sint, hic exhibeo, quemadmodum in vulgaris integræ epistolæ exemplaribus describuntur, adiectâ etiàm, ubi opus est, aliorum codicum varietate. *De libellis, & commentariis aliorum non convenit aliquem judicare, & Sanctorum Conciliorum canones relinquere, vel decretalium regulas, id est, quæ habentur apùd nos simul cum illis in canone & quibus in omnibus (apùd Iwonem legitur: simul cum canone in illis, quibus in omnibus) Ecclesiasticis utimur iudicis, id est, Apostolorum, Nicenorum, Ancyranorum, Neocesiensium, Gangrenium, Antiochenium, Ladiensem, Chalcedonium, Sardensem, Carthaginensium, Africanum (hæc Conciliorum nomina alio ordine apùd Iwonem recensentur) & cum illis regulae Presulorum Romanorum, (Ivo: Regulae Romanorum Pontificum) Silvestri, Siricii, Innocentii, Zosimi, Cœlestini, Leonis, Gelasii, Hilarii, Symmachi, Simplicii. (Adjicit Ivo: Hormisdæ, & Gregorii Junioris: è converso in Collectionibus Anselmi, & Polycarpi, ut alii jam ad Gratianum adnotaverunt, desunt omnia Pontificum nomina) Isti omnino sunt, per quos judicant Episcopi, & per quos Episcopi simul & Clerici judicantur. Näm si tale emerse, vel contigerit inusitatum negotium, quod minimè posset per istos finiri, tunc, si illorum, quorum meministis dicta, Hieronymi, Augustini, Isidori, vel ceterorum similiter sanctorum doctrinam similiū reperta fuerint, magnanimitè sunt retinenda, ac promulganda, vel ad Apostolicam Sedem referatur de talibus. Quam ob causam luculentius, & magna voce pronunciare non timeo, quia, qui illa, que diximus, Sanctorum Patrum statuta, quæ apùd nos canones pratitulantur, sive sit Episcopus, sive Clericus, sive lai-*

laicus non indifferentēre receperit, ipse se con-
vincit, (legit Ivo: ipse convincitur) nec Ca-
tholicam, & Apostolicam fidem, nec sancta
vera Christi Evangelia quatuor utiliter, &
efficaciter, & ad effectum (nota marginale
Ivonis habet: ad profectum) suum reti-
nere, vel credere. Nemo hinc non videt,
Leonem Brittannis Episcopis proposuisse
monumenta illa, quae tamquam re-
gulas Ecclesiasticas sequi unusquisque
deberet, quæque tunc in Romanæ Ec-
clesiæ Codice custodiebantur. At verò,
cum varia sint in monumentorum des-
criptione exemplaria, vix certò consti-
tui potest, quibus capitibus Romanus
ille codex constaret. Reverà Gratianus
mentionem fecit Conciliorum Constan-
tinopolitani, & Ephesini, quæ non me-
morantur aut in vulgatis epistolæ codi-
cibus, aut apud ceteros Collectores.
Apud Gratianum & alios nomina Pon-
tificum Romanorum recensentur, quæ
tamèn, ut prænotatum est, apud ali-
quos Collectores desiderantur. In iis ve-
rò codicibus, in quibus nomina Ponti-
ficum exhibentur, non est constans lec-
tio, tantùm enim in quibusdam de Hor-
misdæ, & Gregorio juniore fit sermo. De
nomine Sylvestri, non desunt, qui asser-
uerunt adjectum fuisse ex imprudentia,
vel oscitantia Collectorum, argumento
sumpto ex epistola 7. & 21. Hincmarii
Rhemensis, qui testatur suis temporib-
us nōndūm receptos Sylvestri canones
fuisse, nec in Codicem redactos Roma-
næ Ecclesiæ; quemadmodūm nec in Co-
dicem redactæ fuerant ceteræ decretales
epistolæ, recens tributæ vetustissimis
Pontificibus operâ Mercatoris. Alii etiàm
suspiciati sunt, mendum in epistolam ir-
*repsisse, ut, cum ante legeretur *Scilicet**
**Siricū*, deinde ex imprudentia legi, scri-*
*bive cœperit *Sylvestri*, *Siricū*. Ego sanè*
hac in re illud quidèm observatione dig-
num arbitror, Leonem non protulisse
sequendas decretales illas, quæ Isidori
nomine jam tūm proferebantur, quod
indicat in Ecclesiæ Romanæ Codice non
fuisse servatas, nec receptas, sed tan-
tummodò decretales illas, quæ in Codij-

ce Dionysii Exigui continentur. Fortè movebit quempiam Sylvestri Pontificis nomen, cuius decretales etiàm Leo sequendas proposuit. Sed jam animadverterunt plurimi in hac parte corruptam epistolam, sive nomen Sylvestri penitus eradentes, sive pro Sylvestro scribentes particulam *scilicet*. Ast ego, licet verosimilem hujus rei conjecturam deducamus ex eo, quod non potior esse potuerit apud Leonem ratio Sylvestri, atque antiquiorum Pontificum, quorum omnium decretales æquè prodierunt ex officina Mercatoris, tum ex eo, quod eas decretales proposuerit sequendas Leo, quas in Romano canonum codice dixerat contineri, Sylvestri autem capita in Romano Codice neqdūm continebantur; tamèn me plurimum turbat constantissima universorum codicum, & æqua in omnibus exemplaribus lectio, eo vel magis, quia idem Leo in hac ipsa epistola videtur sententias Sylvestri sequendas Brittanicis Episcopis proposuisse, quemadmodum adparet ex iis, quæ superius animadverti ad canonem 3. caus. 2. quæst. 4., ubi Leo, quem sequutus est Nicolaus Papa, ibidem etiàm laudatus, ideò statuit septuaginta duorum testium numerum convenire debere in damnationibus Episcoporum, quia inter capitula Sylvestri ita constitutum legeretur. Cur itaque velut incongruum alicui videri poterit, Sylvestri capita à Leone recipienda proponi, quandò Leo ipse in præcedentibus ejusdem epistolæ verbis Sylvestri canonibus usus est? Eam ego potius interpretationem caperem, (ne dixerim Leonis auctoritate probatum fuisse Mercatoris codicem, ne in ea quidèm parte, in qua Sylvestri canones continentur), quæ exhibeat Leo propoenens sequenda decreta Sylvestri in ea tantummodò parte, quam superius proposuerat de testibus septuaginta duobus, & quidèm juxtæ ea, quæ superius animadverti ad dictum canonem 3. caus. 2. quæst. 4., hæc enim interpretatio cum præcedenti Leonis sententia sequentem nectere videtur, atque unà componere.

De Epistola ad Vernonem Brittanice Ducem.

Testatus est Stephanus Baluzius in
 Can. 10.
 caus. 7.
 q. 1. notis ad canonem 10. caus. 7. quæst.
 1., inscriptionem capitis in variis Gratiani editionibus variam fuisse; ubi enim vulgares editiones habent *Vernoni*, aliae olim habebant *Nennoni*, aliae *Novoni*, aliae *Nennino*, aliae *Nonnoni*, aliae demum *Nemo*. Unà etiàm animadvertisit, ubique depravatam esse scripturam, & legendum potius *Nomenojo*. Reverà Nomenojum temporibus Leonis fuisse Britannicæ minoris Ducem plura monumenta demonstrant. Imò, quomodò sub eo Principe res Ecclesiasticæ, præsertim Episcoporum Sedes, se haberent, jam exhibui ad canonem 10. caus. 3. quæst. 6., sive in cap. 50. hujus 2. partis ubi quæ dicta sunt, huc etiàm referre oportebit, utpotè plurimum convenientia ad rectam interpretationem canonis 10. caus. 7. q. 1. Animadvertebam illic, Brittonum Episcopos fuisse à suis Sedibus deturbatos, & in locum dejectorum alios fuisse substitutos Nomenoiji auctoritate. Hoc factum non improbare non potuit Leo IV., proindeque non dubito ab eodem Pontifice epistolam ad Nomenojum directam fuisse ea de causa, (quamquàm integra hujus epistolæ exemplaria deperierint), Episcoposque, in deturbatorum locum subrogatos, atque inter ceteros Gillardum, sive ut alii scribunt, Gislardum, fures ac latrones fuisse adpellatos. Ad hanc rem plurimum facere videtur epistola 84. Lupi Ferrarensis, in qua Gallicani Episcopi scripserunt ita: *Episcopi legitimi Sedibus propriis pulsi, & ut mitius loquamur, quia dicere noluimus fures & latrones, mercenarii introducti. Jungi etiàm his posset epist. in recentioribus collectiōnibus 124. inter epistolas Joannis VIII. Papæ ad eosdem Brittones Episcopos directa. Prae ceteris verò monumentis magis ad hanc ipsam rem pertinet Nicolai I. Pontificis ad Salomonem Brittonum*

Regem, quæ est in Labbeana Veneta editione 22. in appendice; in ea enim hæc leguntur: *De Gislardo autem, & Actardo* (legunt alii *Aitardo*). Porrò erant ipsi Nannetenses Episcopi, Gislardus scilicet in locum Actardi suspectus) *Episcopis, de quibus scripsisti, multò aliter, quam tua referebat epistola, in scrinio nostro reperimus. Licet non bene faciat Actardus, quia denudò consecrat, quos Gislardus in eo gradu dignoscitur ordinasse, tamèn Actardus inventur antè Gislardum Episcopatus officium suscepisse. Denique Sanctissimus Leo Papa, Nomenojo scribens, inter cetera præcipuum virum Actardum appellat, & hunc sanum sapere, & sanum docere, vivere, ac permanere, denunciavit; Gislardum verò tamenquàm prædicti Actardi sedulum invasorem denotat. Pòst hæc nihil amplius addendum videtur; non solum enim hinc fides fit memoratae Leonis ad Nomenojum epistolæ, sed etiàm qualis Gislardi fuerit causa apertissimè demonstratur.*

De Epistola ad Ebrunium, & Adelfridum Episcopos.

Epistola ad Ebrunium, & Adelfridum Episcopos, quæ memoratur in canon. 5. caus. 1. quæst. 4. in aliquibus codicibus Leoni IV., in aliis Leoni III. adscribitur. Periit illa, nec aliud, præterquàm apùd Gratianum, ejusdem monumentum existit. Privata quædam causa, quam diremit ibidem Sanctus Pontifex, non adeò visa est movere Collectorès Decretalium, ut de epistola illa solliciti essent. Ex conjecturis, quæ in hanc rem adferri possunt, ego arbitror emendandam in primis inscriptionem, ut legatur non *Ebrunio*, & *Adelfrido Episcopis*, sed potius *Erpuino*, & *Hermenfrido Episcopis*. Interfuerunt hi duo Erpuinus Silvanectensis, Hermenfridus Bellovacensis in Gallia Episcopi Concilio Carisiano anni 849., subscripseruntque Synodicae Concilii Parisiensis ejusdem anni ad Numenojum Ducem. Exinde autem cum illorum Episcopatus incidat in tempora Leonis IV., jam facilè conjicitur custodiens

diendam potius vulgarem Gratiani editionem, quæ exhibit Leonem IV. epistolæ auctorem, quām alias, quibus Leo III. laudatur. Et quidē, cum ex iis, quæ superiū ex ceteris Leonis IV. epistolis deducuntur, facile inferatur, in Gallia frequentes fuisse Episcoporum dejectiones, & substitutiones aliorum Antistitum in locum ac vicem dejectorum, mirum non est, si eisdem in Provinciis quædam similia contigerint in Presbyteris, quos hodiè Parochos appellaremus, ut unus in locum alterius per vim dejecti sufficeretur, quemadmodū legitur in dicto canone 5. caus. 1. quæst. 4. Sacerdos ille, de quo in eodem canone sermo fit, fortè videri poterit Godelgarius, de cuius causa actum est in Concilio Lugdunensi anno 848., de qua apud Labbeum in tomo 9. Venetæ editionis pag. 1051. & sequentibus.

De Epistola ad Exercitum Francorum.

Temporibus Leonis IV. nemo ignorat Romanam ditionem, ipsam præser-
Can. 9. caus. 23. q. 8. tim Urbem, Sarracenorum armis fuisse concussam, & quidē eā vi, quæ diutius, ac repetito sāpē ac sāpiū impetu perduravit. Vedit quidē Leo initio sui Pontificatus liberam ab incursionibus hostium Romam, turpitèrque labefactatam restituit, sed pōst aliquot annos pati rursūs debuit minas acres validissimæ classis eorumdem Sarracenorum, aduersūs quos proptereā impetrato novis ad id editis orationibus divino auxilio, uti refert auctor libri Pontificalis, deinde adjutus Neapolitanorum instructis copiis, sibi & suis optatam peperit tranquillitatem; licet hanc rursūs turbaverint novo misso hostes exercitu pōst Leonis obitum, undē Pontificibus Maximis illius successoribus novis curis, anxiisque sollicitudinibus opus fuisse, monumenta fermē omnia noni sāculi abundē testantur. Hinc fortè dixeris, canonem 9. caus. 23. quæst. 8., qui Leo-

ni IV. alloquenti Francorum exercitum adscribitur, eidem Pontifici convenire, licet de integra Leonis ejusdem epistola non constet: nimirū dixeris, Leonem IV. concitasse Francos milites, in sui, suorumque auxilium accedentes, ut adversus Sarracenos alacri contentione pugnarent, cœlestium præriorum spe propositā morituris, quod belligerassent *pro veritate fidei, & salutione Patriæ, ac defensione Christianorum.* Verū ego plurimū dubito, ne satis recto judicio hæc Leoni IV. tribuantur. In primis enim, cum non aliundē de monumento hoc constet, quām ex Gratiano, aliisque ferè contemporaneis Collectoribus, Ivone nimirū, & Panormiæ auctore; horum autem Collectorum codices non perpetuò, ac constantissimè hoc ipsum caput Leoni tribuerint; ignoro, quomodo firma consistere possit ipsorum auctoritas. Unum ego habeo Gratiani vetustum Codicem, in quo idem canon 9. unā cum canone præcedenti sive 8. adscribitur Gregorio Papæ, reticito prorsū nomine Leonis. Idemmet Gratianus in can. 46. caus. 23. quæst. 5. similia recitat ad exercitum Francorum directa nomine Nicolai, licet hæc ipsa verba Nicolo tributa apud Gratianum Ivo æquè tribuerit Leoni IV. Francorum exercitum alloquenti in parte 10. cap. 87. Decreti. In Panormia, quam præ manibus habebat Antonius Augustinus, videbatur idem canon adscriptus Alexander II., ut ipse testatur in Dialogo 19. lib. 2. de emendat. Gratiani. In Panonia, quam præ manibus habebat Wanespen idem canon 9. laudabatur sub nomine Nicolai Papæ, ut scribit idem auctor in brevi Commentario ad 2. partem Gratiani, ad quætionem 8. causæ 23. Præterea animadverto, nullam potuisse suboriri occasionem Leoni IV. ita alloquendi Francorum exercitum; etenim, ut auctor Pontificalis, aliique Scriptores enarrant, in Sarracenis conficiendis, non aliis subsidium advenientibus usi fuere Romani, quām Neapolitanis, finitimisque populis. Itaque melius

lius alii ex Pontificibus, & quidem ejusdem saeculi tribuerunt: neque enim repugnat; cum iis aut similibus formulis usi tunc fuerint Pontifices Maximi in exercitandis militibus, ut adversus Patriae aequem, ac Fidei hostes pugnarent. Referam ad hanc rem verba Joannis VIII. ita sribentis in epistola 21. ad Carolum Imperatorem, quem precabatur, ut auxilium adversus Saracenos suppeditaret: *Occurrite strenue, subvenite celeriter, & manu consolationis vestra ab oculis nostris tandem abstergite lacrymas, quatenus super illis & presentialiter Deo propitio gaudeatis, & in futuro frequenti, ac laudabilis reliqua fama superstite cum Christo perpetes in caelestibus imperetis.* Quoniā verò verba illius canonis videtur Gratianus de prompsisse ex decreto Iwonis parte 10. cap. 87. atque apud Iwonem pleniora sunt, juvabit integra hic referre. Ita legitur ibidem: *Item (nimis rūm Leo IV. superius laudatus) exercitu Francorum. Omni timore, ac terrore deposito, contrā inimicos sancte fidei, & adversarios omnium regionum (Gratianus sribpsit religionum) viriliter agere stude. Item: Ubi usq[ue] nūc Parentes vestri publicum moverunt procinctū, semp̄r victores extiterunt, nullaque eos multitudo populi superare potuit: non enim audivimus, ut aliquando sine fama victorie reversi fuissent. Item: Omnia vestrum nosse volumus charitatem, quoniā quisquis (quod non optantes dicimus) in hoc belli certamine fideliter mortuus fuerit, regna illi caelestia minime negabuntur. Novit enim omnipotens, si quislibet vestrum morietur, quid pro veritate fidei, & salvatione Patriae, ac defensione Christianorum mortuus est: ideo ab eo prætitulatum præmium consequetur.*

De epistolis ad Lotharium, seu ad Ludovicum Augustum. Item ad Ritam Comitissam.

Jungendas arbitratus sum epistolas, quæ à Leone ad Lotharium Angustum scriptæ feruntur, cum iis, quæ scriptæ esse feruntur ad Ludovicum Augustum, sive quid apud Gratianum frequentissimè duorum hæc Imperatorum nomina in inscriptionibus capitum promiscue

usurpantur, sive quid apud eumdem Gratianum laudetur Leonis epistola ad utrumque scripta, ad Lotharium scilicet, & Ludovicum Augustos. Non defuerunt, qui aliquot hujusmodi fragmenta retulerint potius ad Leonem III. etenim Herimannus Conringius canōnem 41. caus. 2. quæst. 7. Leoni III. adscribendum voluit, quia sub Leone IV. summa imperii erat penè Lotharium, non autem penè Ludovicum; quia insuper ex eo canone deducitur, quasdam inter Augustum, & Pontificem simultates intercessisse, quæ tamè inter Leonem IV., & Lotharium nullæ fuerunt, sed fuisse potius inter Leonem III., & Ludovicum Pium anno 815. Eginhardus in annalibus testatur. Alii vero, de auctore parùm solliciti, ad sententias potius accedentes fragmentorum illorum, quæ apud Gratianum eo nomine leguntur, variis interpretationibus se divinasse saltēm aliquid crediderunt. Ego laudo singulorum curam, ac sollicitudinem, qui, dum carent non authographo tantum, verū etiā exemplari integræ epistolæ, ex variis personarum, causarum, locorum, ac rerum adjunctis aliquid conjicere conati sunt. Interēa tamè illud puto adseri posse, Leonem IV., & ad Lotharium, & ad Ludovicum Lotharii filium Imperatores epistolas scripsisse, cum uterque Leonis IV. temporibus Imperium gessisse facile comprobetur; quod si inverosimile videri laudato Conringio potuit, deceptus fortè ipse fuit, quid, dum legeret Ludovici Augusti nomen, istud retulerit non ad Ludovicum Lotharii filium, sed ad Ludovicum Pium Lotharii patrem, & filium Caroli Magni.

Ex epistola Leonis IV. ad Lotharium Augustum de promptus dicitur canon 9. dist. 10., ubi mendum subesse notaverunt Romani Correctores, ex antiquiore sanè Iwonis collectione corrigendum. Ita sribpsit Ivo in parte 4. cap. 176. *De capitulis, vel præceptis imperialibus vestris, nostrorumque etiā Pontificum Prædecessorum irrefragabiliter custodiendis, &*

Can. 9.
dist. 10.

con-

conservandis, quanto valuimus, & valemus, proprio Christo, & nunc, & in eum conservaturos modis omnibus profitemur. Et si fortasse quilibet vobis aliter dixerit, vel dicturus fuerit, sciatis eum pro certo mendacem. Non memoro hic, quid Glossographi tradiderint ad vocem illam *vestrorumque*, quæ habetur in editione Gratiani, utpotè supervacaneam pòst factam ex codice Ivonis emendationem. Tantùm profaram, quid ad eam rem scripsit Antonius Augustinus in lib. 1. de emendat. Gratiani Dial. 19. ibi: *A vox Pontificum, aut vox Prædecessorum supervacanea est.* Agitur enim de capitulis, sive capitularibus Imperatorum, quæ Lotharius postulabat à Pontifice Romano servari. Quamobrem, omissâ voce Pontificum, recte dicitur *vestrorumque* Prædecessorum. Si verò vox Pontificum *reineatur*, de Pontificibus, hoc est, Episcopis, intelligi oportet, qui capitularia in Synodis cum Imperatoribus fecerunt; vox Prædecessorum *omitti* debet, &c. Nemini sànnè hæc displicere poterunt, nisi quispiam fortè notandum arbitretur, fangi sine teste, aut sine scriptis codicibus Lotharium à Romano Pontifice postulasse, ut Imperatorum Capitularia custodirentur. Quid enim? Num quia etiàm Leo IV. scripsisse dicitur, capitula, & præcepta Prædecessorum Pontificum custodiri debere, suspicari etiàm licet de ea re dubium apud Lotharium fuisse? At verò vel ipsa Imperatorum capitula, ac præcepta ipsimet Pontifices Maximi comprobaverant, per Legatos saltèm suos, quemadmodùm legitur in capite ultimo libri 7. Capitularium, ibi: *Maximè trium ultimorum capitula istorum librorum apostolica sunt cuncta auctoritate rorata*, quia his cùdendis maximè apostolica interfuit legatio. Ego sanè arbitror, nihil aliud Leonem IV. illis loquendi formulì voluisse, quàm significare, quo animo, & Prædecessorum Pontificum, & Imperatorum statuta reciperet ac custodiret, eo nimis, quo leges sanctissimè sapientissimèque editas custodiri decebat. Neque verò admittendum ullo modo videtur, quod aliqui asseruerunt,

Leonem ità scripsisse, aut quòd nimio timore angeretur, cum Imperatorem alloqueretur, aut quòd assentiendo Capitularibus Imperatoriis faciliùs obtineret Legum Romanarum receptionem, quod demonstrari posse putant ex can. 13. dist. 10., aut quòd è ratione faciliùs impetraturum se crederet Romanis liberam Maximorum Pontificum electiōnem, aut demùm quòd Leo à præconcepta suspicione de neglectu Capitularium se purgandum voluerit, quemadmodùm scripsit Baluzius in præfatione Capitularium Francorum num. 23. ad ipsam etiàm Glossographorum auctoritatē configuiens, quam aliis in speciebus facilè neglexisset. Non aliam video ità scribendi causam esse potuisse Leoni, quàm quæ fuit ceteris Ecclesiasticis Patribus, qui eodem sèculo custodiendas Capitularium leges sèpè ac sèpiùs indixerunt. Sic in Concilio Meldensi anni 895. cap. 78. statutum legimus: *Ut capitula ecclesiastica, à Domno Carolo Magno Imperatore, nec non à Domno Ludovico Pio Augusto promulgata, obnoxè observari præcipiantur, sicut & legalia observanda esse noscuntur.* Junge his Joannis IX. in Synodo Ravennatensi anni 904. suggestionem, qualem exhibit memoratus Baluzius in laudata præfatione Capitularium num. 26.: adde etiàm leges Longobardorum lib. 3. tit. 37.

Ad eamdem epistolam Leonis, Lo-
thario Augusto scribentis, vulgò traditum pertinere canonem 13. dist. 10. imò etiàm quamdam velut conventionem continere initam inter Pontificem Maximum, & Imperatorem, cuius vi sicùt Pontifex profitebatur, se recepisse Capitularia Imperatorum, ità ab Imperatoribus recipi Romanas leges postularet. Sunt istæ meo judicio divinationes, ne levibus quidèm conjecturis innixæ. Qui animadversiones in hunc canonem Gratianeæ editioni adjecerunt, asseruere, Lotharium visum esse populo Romano, quod Leo hic petierat, concessisse; eoque arguento comprobarunt, quod in legibus Longobardicis habeatur,

Can. 13.
dist. 10.

tur, statuisse Lotharium, ut interroga-
retur populus Romanus, quā vivere le-
ge vellet. Constitutio Lotharii habetur
in legibus Longobardorum lib. 2. tit.
57. Sed hujusmodi observationem ma-
nifesto arguento Baluzius improbat
in præfatione ad Capitularia Francorum
num. 24. ita scribens: *Porrò decretum Lo-
tharii, quod Correctores Romani, ac pōst eos
Baroniūs, existimarunt datum esse ad postula-
tionem Leonis IV., quodque illi descripserunt
ex codice legis Longobardorum, diū antē pro-
mulgatum fuerat, quām idem Leo locaretur
in sede B. Petri. Conditum enim à Lothario
fuit anno 824. tempore Eugenii II., ut legi-
tur in veteri Codice MS. Bibliothecæ Thuana,
& in Collectione canonum Cardinalis Deusde-
dit, ex qua Holstenius Capitulare edidit, in
quo caput istud continentur. Itaque etiā ex hoc
capite corrūt opinio Baronii de pastis initis in-
ter Leonem Papam, & Imperatores, Lotharium,
& Ludovicum. Edita habemus Capitula
quædam sub nomine Lotharii Impera-
toris in tom. 2. Capitularium Baluzianæ
editionis pag. 317. Romæ constituta sub
Eugenio II. Pontifice, ubi tit. 1. cap. 5.
hæc leguntur: *Volumus etiā, ut omnis Sena-
tus, & populus Romanus interrogetur, quali
vult lege vivere, ut sub ea vivat, eisque denun-
tietur, quād procul dubio, si offendenterint contra
eamdem, eidem legi, qua profitebuntur ex dis-
positione Domni Pontificis, & nostra omnimo-
dis subjacebunt. In titulo autem 2. eadem
ferè verba leguntur cap. 4., ad quæ Ba-
luzius in notis ita animadvertisit: *Vetus no-
ta marginalis in uno codice Regio: non est pu-
tandum, populum Romanum ulterius esse inter-
rogandum, quandoquidem Romanā lege con-
fessi sunt se vivere eo tempore. Hæc si vera
sunt, fortè suberit dubitatio, nūm ca-
non ille 13. dist. 10. Leoni IV. tribui
meritò possit; si enim jam antē tempo-
ra Leonis supponitur Romanum popu-
lum ex Lotharii Constitutione potuisse
Romanis legibus vivere, frustrā Leo
idem inducit Lotharium exorans, ut
Romanis concederetur vivere lege Ro-
manā. Ivo Carnotensis plura retulit sub
nomine Leonis IV. ad Lotharium Au-
gustum scribentis, quām habeantur apud***

Gratianum, nimirū in parte 4. cap. 181. ibi: *Habetis de hoc apud Deum retributio-
nem non modicam, si antiquæ legis dogma-
ta minime observantes vestrā imperiali censurā
pro viribus castigatis, atque corrigitis. Item:
Vestram flagitanus clementiam, ut, sicut hac-
tenus Romana lex viguit absq[ue] universis pro-
cellis, & pro nullius persona hominis reminisci-
tur esse corrupta, ita nūc suum robur, pro-
priumque vigorem obtineat. Imò & sub no-
mine ejusdem Leonis, scribentis ad Wi-
donem Comitem, simile fragmentum
legitur in capite sequenti 182. his ver-
bis: *Valde indignum est, futuris gentibus etiā
contrarium, tam gloriosam legem, quam multi
retrò custodierunt Imperatores, nūc suam vim
perdere, ac injustè damnari. Sed illud unum
pro certo haberi debet in hac re, Roma-
nas leges sempèr vim obtinuisse suam,
etiā ubi Romanum Imperium variis
vicisitudinibus fuit obnoxium, aliam-
que regiminis formam accepit; & licet
novæ leges in medium prodierint in Eu-
ropa, inter ipsas tamèn veterem Roma-
norū sapientiam perpetuò præluxisse,
quod in ipsa primigenia Juris optimi se-
mina inesse dignoscerentur. Hinc Lon-
gobardi, qui septimo labente sæculo
Italiā invaserant, facile inducti sunt,
ut ex ceteris, quæ perdere voluerunt,
unam Juris Romani prudentiam Italij
omnibus incolumem, perpetuamque
relinquerent. In legibus ipsis Longobar-
dorum lib. 2. tit. 7., & tit. 57. cautum,
ut si mulier Longobarda nupserit Ro-
mano, juxta Romanas leges ipsa etiā
viveret; item, ut Romani juxta leges
suas successiones haberent, & conven-
tiones inter vivos celebrarent. Carolus
Calvus in Capitulari Pistensi anni 864.
cap. 20. ita sanxit: *In illis autem regionibus,
in quibus secundūm legem Romanam judicantur
judicia, juxta ipsam legem committentes talia
judicentur, quia super illam legem, vel contrā
ipsam legem nec antecessores nostri quodcum-
que capitulum statuerunt, nec nos aliquid cons-
tituimus; & in cap. 28. De illis autem, qui
secundūm legem Romanam vivunt, nihil aliud,
nisi quod in eisdem continetur legibus, defini-
mus. Hieronymus Bignonius in notis ad***

Marculfum lib. i. cap. 40. memorat Constitutionem Chlotarii Regis nondū editam, sibique communicatam ab Jacobo Sirmondo, in qua inter cetera hæc legebantur: *Inter Romanos negotia causarum Romanis legibus precipimus terminari.* Pasim verò subsequentium sæculorum monumenta plurima supersunt, ex quibus liquet, veteres Romanorum leges coli perpetuò consuevisse, usquè donèc illarum studium vigere deinde cœpit alacrius, erectis Academiis celeberrimis, quemadmodum unicuique compertum est.

Jungendam ideo volui epistolis Leo-
cas. 17. nis ad Lotharium, & Ludovicum Au-
dist. 63. gustos epistolam, quam Gratianus tri-
buit eidem Leoni scribenti ad Ritam Com-
itissam, quia in hac epistola ad Ritam agitur de electione cuiusdam Coloni Episcopi Reatinæ Ecclesiæ, de qua etiàm agitur in epistola ad Imperatores. Id li-
quet perspicuè ex canonibus 17., & 18.
dist. 63., quos jungere juvabit accura-
tum interpretem. In his autèm canonibus expendendis videtur emendanda scriptura; etenim pro vocibus illis *Colo-
no*, & *Colonum*, uti in utroque canone legitur, potius scribendum erat, *Coloni*, & *Colonem*, quam emendationem facilè quisquis eruet ex actis Conciliorum, sub Leone IV., & Nicolao I. celebratorum, in quibus, id est, in Concilio Romano anni 853., & in Concilio Romano anni 861. inter Episcopos, qui subscripserunt, subscrispsit etiàm *Colo Reatinus*. Pithœus in suis adnotationibus ad Gratiani Codicem animadvertisit, pro illis verbis canonis 17. dixerunt, ut *Colonum Reatinæ*, legendum esse: direxerunt, ut *Colonem in Reatinæ*. Imò etiàm in inscriptione ejusdem canonis ad nomen *Rita Co-
mitisse*, ad quam scribens Leo exhibetur, legendum voluit *Itta Comitissa*. Cum verò ibi commemoret Metropolim Crantzii pag. 141., longè à veritate re-
cedit; etenim apù Crantzium mentio quidèm fit Idæ cuiusdam Dominae Sveviæ neptis ex fratre Henrici III., & neptis ex sorore Leonis IX. Papæ, quæ sanè, cum viveret sub finem undecimi

sæculi, nihil commune habere videtur cum Itta, vel Rita, ad quam scribebat medio nono sæculo Leo IV.: deindè non video, quid interesse potuerit Comitis-sæ Sveviæ regentis, Colonem potius Episcopum Reatinæ Ecclesiæ, quam alium quempiam constitutum fuisse. Quidquid tamè sit de hac re, ego non facilè moverer, ut eosdem canones tanquam solida Leonis IV. monumenta recipere, sive quod unius Gratiani testimonium non satis firmum mihi esse videtur, sive quod invicem non benè consonant; cum in can. 16. petere exhibeatur Leo ab Augustis, ut Colo Episcopus Reatinæ Ecclesiæ designetur; in can. 17. profiteatur, se eumdem ordinavisse Episcopum, Imperatore, & Imperatrice postulantibus; cum præterea in can. 16. ab Augustis Ludovico, & Lothario designatio Episcopi expectata videatur; & in can 17. non Ludovicus, & Lotharius, sed Imperator, & Imperatrix consecrationem Colonis faciendam proposuerint.

Superiùs in cap. 73. ubi agerem de Stephano IV., seu V., & ad canonem 28. dist. 63. memoravi canonem II. Romani Concilii anni 863. qualis editus est apù Muratorium, & tributus Nicolao I. Pontifici. Is idem canon tribuitur apù Mansium in tom. i. supplementi Labbeani pag. 929. Romano Concilio anni 853. cum hac inscriptio-
ne, deprompta ex Anselmo Lucensi in tractatu contra Wibertum lib.2. Ex Con-
cilio Leonis IV. Episcoporū L. cap. V. Verba canonis hæc subsequuntur: *Siquis Sacer-
dotibus, seu primatibus nobilibus, seu cetero
Clero hujus Sanctæ Romanae Ecclesia electionem
Romani Pontificis contradicere præsumperet, si-
cut in Concilio B. Stephani legitur statutum,
anathema sit. Item, quod electio Pontificis non
pertineat Laicis tamè.* In Synodo Roma-
na Eugenii II. anni 826. similia quadam de canonice Episcoporum electionibus sunt constituta in can. 5. ibi: *Episcopum enim consecrare non convenit, nisi à Clericis, & populo fuerit postulatus.* Quam Synodus cum Leo IV. confirmaverit anno 853.

Can. 31.
dist. 63.

incertus scriptor de vitis Romanorum Pontificum in suo Breviario ità quintum canonem ejusdem Concilii Leonis exhibuit: *Confirmavit, quæ Cœlestinus, & Magnus Leo de Episcopis constituerunt, videlicet, ut non conveniat Episcopum consecrari, nisi à Clericis, & populo fuerit consecratus; quia nulla ratio sinit, ut aliter consecrati inter Episcopos habeantur.* Hæc, quæ de Episcoporum electionibus in Conciliis ejus atatis pertractabantur, renovando, confirmandoque generalem illarum disciplinam, verosimilem fidem faciunt canonis 31. dist. 63., qui non solùm apùd Gratianum, sed etiā apùd Ivonem tribuitur Leoni IV. alloquenti Imperatores Lotharium, & Ludovicum. Maximè autem decuit tunc temporis, nonnulla definiri de electione Romani Antistitis datâ occasione celebranda, cum identidem illam difficultatem temporis adjuncta quoquomodo turbare potuissent. Cum enim Romanorum Imperatorum singularia quædam & propria jura viderentur in electione explicanda, velut illorum, qui vel in fidei populo præcipuam haberent dignitatem, vel populi ejusdem jura ad se pertraxerant, facile proficiscebatur, vix electionem Papæ in generali omnium concordia posse celebrari, seu quod Imperatores à Romana urbe ut plurimum dissiti essent, seu quod Romana urbs, hostili impetu identidem concussa, non tutò Imperatoris sententias, & suffragia expectaret. Demonstrat id manifestissima ejusdem Leonis IV. electio, quam describit auctor libri Pontificalis. Postquam enim enarravit, Romanos omnes Cives concordi suffragio in Leonem IV. consensisse, subdidit: *Romani quoquæ novi electione Pontificis congaudentes, cœperunt iterum non mediocriter contristari, eo quod sine imperiali non audebant auctoritate futurum consecrare Pontificem; periculumque Romanae Urbis maximè metuebant, ne iterum, ut olim, aliis ab hostibus fuisse obsessa. Hoc timore, & futuro casu perterriti, eum sine permisso Præstolem consecraverunt, fidem quoquæ illius, sive honorem post Deum per omnia, & in omnibus conservantes.* Singula hæc tem-

porum, rerum, & causarum: adjuncta me dubitare non sinunt, quominus de memorato canone 31. ita concludam, ut ad germana Leonis IV. monumenta jure optimo referatur; nihil enim tunc aptius inter Leonem ipsum, & Ludovicum, ac Lotharium Augustos definiri poterat, quād modus, quo electio Pontificis Maximi sine alicuius controversia celebraretur.

Quod Leoni IV. scribenti ad Ludovicum Augustum tribuitur in can. 41. ^{Can. 41.} caus. 2. quæst. 7., Nicolao Papæ tributum videtur apùd Ivonem in parte 5. cap. 22. quemadmodum jam adnotaverunt Romani Correctores: nimirū apùd Ivonem hæc præponitur canonis inscriptio: *Quod in præsencia Legatorum Imperatoris Leo Papa causam suam examinari voluerit. Idem Nicolaus Imperatori. Nos si incompetenter &c.* Deinde, ubi Gratianus legit, & subditis.... corrigere peccata, pejora.... quod ab eis indissum, vel definitum remaneat, Ivo hæc exhibit: *Ex in subditis.... corrigere, pejora.... quod ex his indissum, vel indefinitum remaneat.* Ceterū vel in monumentis Leonis IV., vel in monumentis Nicolai II. hæc desiderantur. Imò, ne Leoni IV. hæc tribuantur, prohibere videtur Ivonis auctoritas, qui refert quidem, Leonem Papam voluisse causam ab Imperatoris Legatis examinari, sed non indicat nominatim Leonem IV., undè suboritur suspicio, Gratianum ex eo erravisse, quia in capite præcedente Ivonis, nimirū in cap. 21. partis 5., nomen erat adscriptum Leonis IV. scribentis ad Carolum Regem. Cum ergò Ivo nomen Leonis Papæ causam suam examinari postulantis pronunciavit, potius eo nomine designatum arbitror Leonem III., cuius purgatio cum Ivonis etiā sæculo esset famigeratissima, ejusdem Leonis indicandi gratiâ sufficiebat Leonem Papam nominare, quin adderetur agnomen tertii. Hinc mihi displicere non potest, quod ex Hermanno Conringio adnotavit Baluzius sive in notis ad Gratianum ad hunc canonom, sive in præfatione ad Capitula-

ria Francorum num. 21. 28., & 29. Ait ille ex Conringio, Leone IV. Pontificatum gerente, summam imperii fuisse non penes Ludovicum, sed penes Lotharium, quamobrem ad Lotharium potius, quam ad Ludovicum dirigen-
dam fuisse epistolam Leonis, si Leoni IV. tribuenda esset. Addit, apud nemini-
nem veterum Scriptorum reperiri, in-
tercessisse simultates aliquas inter Leo-
nem IV., & Lotharium; verum lique-
re, commotum adversus Leonem III.
fuisse Ludovicum Pium anno 815., de
qua re ego nonnulla superius tradidi in
cap. 72. ad canonem 18. caus. 2. quæst.

5. Cum igitur memoratus Gratiani ca-
non aptius Leoni III. conveniat, cum
alijs minimè constet pertinere ad Leo-
nem IV., cui tantum Gratianus voluit
tribuendum, non erit, cur non Leoni
III. potius adscribatur. Quod ubi fiat,
facilem quoquæ obtinebit interpretatio-
nem idem Gratiani fragmentum, dum-
modò ad ipsum referatur memoratus
canon 18. caus. 2. quæst. 5. cum iis
omnibus, quæ fuerant ad eundem ca-
nonem observanda.

Quod dixi ad canonem 9. caus. 23.
quæst. 8., id ipsum ferè dici posse vi-
detur ad canones 7., & 8. eadem cau-
sâ, & quæstione, ex eo præsertim quod
memoratus canon 8. in uno, quem ha-
beo, vetusto edito Gratiani codice non
Leoni Papæ, sed potius Gregorio, tri-
buatur. Verum à canonibus 7., & 8.
non adeò absona sunt adjuncta tempo-
ris Leonis IV., quem scimus plurimum
adversus barbaras gentes elaborasse, ut
præcipuum Italæ partem, Romam ip-
sam præsertim, ab illarum impetu vin-
dicaret. Cum autem eò collineare ví-
deantur duo ista fragmenta, nihil est,
quod me morari possit, ne Leoni IV.
eadem adscribam, licet huc usque in
integris Leonis monumentis edita non
adpareant. Vim addit non levem Ivonis
auctoritas, qui hæc ipsa descriptis in
cap. 83., & 84. partis 10. ibidem me-
morans Registrum Leonis IV., quod
sanè indicat, tunc temporis epistolas

Leonis IV. in volumen digestas fuisse
sub *Registri* nomine, quemadmodum
factum est de epistolis Gregorii Magni,
& Gregorii VII. Pontificum, licet vo-
lumen illud epistolarum Leonis non ad
nostram usque ætatem pervenerit. Tan-
tum adjiciam, apud Ivonem non omnes
Codices æquè indicare, ad quemnam
Leonis epistola directa fuerit; aliqui
enim Codices ad Lotharium, aliqui ad
Ludovicum Augustum scriptam episto-
lam exhibent.

De ceteris canonibus, Leoni IV. adscriptis.

Aliquot supersunt monumenta Leo-
ni IV. apud Gratianum adscripta. Pri-
mus est canon 45. caus. 16. quæst. 1.,
cujus verba iteram sub nomine Leonis
IV. integra referuntur post canonem 1.
vers. Item Leo IV. caus. 13. quæst. 1. Ego
jam animadvertis ad canonem 25. caus.
12. quæst. 2., eadem verba ab Ivone
in parte 3. cap. 151. tribui Gelasio Pa-
pæ, scribenti ad Justinum Archidiaco-
num, & Faustum defensorem: ceterum
observavi, perperam Gelasio tributa
fuisse, ac potiore jure Leoni IV. Pon-
tifici adscribenda, utpotè quæ Leonis
eiusdem temporibus valde sunt accom-
modatoria. Revera Paschalis II. sub fi-
nem saeculi 11. ad Baldricum Episco-
pum de Leone IV. ita scribit: *Idem etiam*
Leo, Episcopis Brittanniae scribens, illis tan-
tum Ecclesiis, que plebes vocantur, deberi de-
cimas indicat, ubi sacrosancta dantur baptis-
mata. Ex his facile est colligere, me-
moratum Gratiani monumentum refe-
rendum esse ad illam epistolam Leonis,
quam scriptam fuisse ad Episcopos Brit-
anniae superius animadvertis; quod clari-
lius etiam hodiè demonstraretur, si in-
tegra eadem epistola ad nostram usque
pervenisset ætatem. Ceterum & senten-
tia, & stilus Leoni IV. maximè con-
gruit. Scimus enim illis temporibus
baptismales Ecclesias plebium nomine
appellatas fuisse; quemadmodum inter
cetera colligitur ex canone 8. Synodi

Can. 7. &
8. caus. 23.
q. 8.

Can. 45.
caus. 16.
q. 1.

Romanæ, sub Eugenio celebratæ, & à Leone IV. confirmatae. Scimus præterea, eisdem temporibus caveri debuisse pluribus in Conciliis, ut decimæ baptismalibus Ecclesiis persolverentur, quemadmodum liquet ex canone 10., & 11. Concilii Moguntini anni 847., ex Capitulari ad Saltz anni 804. cap. 2., apud Reginonem lib. 1. cap. 52., ex Capitulari Ludovici II. anni circiter 855. cap. 12., & cap. 13. Capitularis Caroli Calvi apud Pistas anni 869. Quid plura? Rem hanc confidere videtur famigerata, quæ vulgo sub Leonis IV. nomine præfertur, homilia; in ea enim inter cetera ligimus, decimas non esse facilè recipiendas ab eis, ad quos pertinere non dignoscitur.

CAN. 3. **caus. 21.** **q. 2.** Pitheus ad canonem 3. caus. 21. quæst. 1. asserit, eumdem tribuendum esse Leoni IV. ad Episcopos Brittaniæ scribenti. Quonam verò monumento fretus vir eruditus id asserat, mihi non liquet. Baluzius in notis ad Gratianum ita de hoc ipso canone scribit: *Verum est, istam constitutionem Leoni IV. tribui in vetustis Gratiani libris, sed tamen ego puto dubitari posse, an sit Leonis IV.* Ego etiàm facile in eamdem dubitationem adducor; nam scio, in Concilio Romano, sub Eugenio II. celebrato, & confirmato à Leone IV. curam istorum Pontificum Maximorum fuisse præcipuam, ut vita communis à Clericis restauraretur, rursusque in communionem quamdam revocarentur bona Ecclesiarum Clericis concessa titulo beneficij singularis, ut deducitur ex can. 3. caus. 12. quæst. 1., quod quidem propositum scimus executioni fuisse demandatum in Ecclesiis Cathedralibus; in Ecclesiis autem minoribus iidem Pontifices solertissimi fuerunt, ut Clerici constituerentur, nec illæ vacarent diù, interea Clericis aliis concessæ sub titulo commendæ, quemadmodum perspicue colligitur ex cap. 24. ejusdem Concilii. Quamobrem non video, quæ esse occasio potuerit Leoni IV., ut uni Clerico duo beneficia, vel duas Ecclesias concederet, generali

quadam constitutâ regulâ, dummodo una Ecclesia daretur in titulum, altera in commendam. Idipsum confirmari potest eo, quod legitur apud Krantz lib. 3. cap. 37. in Metropoli, sive Historia Ecclesiastica Saxonum; nimirum tempore Othonis III. Imperatoris, ac propterea multò post tempora Leonis IV. Pontificis, dicitur Giselerus Mersburgensis Episcopus translatus ad Episcopatum Magdeburgensem, retento priore Episcopatu in commendam. Subdit autem Krantz: *Id verò ètas nostra jam desuit pro frequentia mirari; quod passim cernimus, alteram alteri Ecclesie in una persona accedere, ut habeat alteram in titulum, alteram in commendam. Sed non potuerunt pro rei novitate placari homines.* Quomodo verò contingere potuisset, eam novitatem plurimos conturbavisse, si jam edita fuisset memorata Leonis IV. Pontificis definitio? Fortè hoc fragmentum proferri in medium, imò edi etiàm à quibusdam recentioribus potuit, qui, dum pluribus beneficiis locupletari vellet, distinctionem illam invenerunt inter titulos, & commendas, quæ reprobari tandem debuit in Concilio Tridentino, quo decretum est, ne quis duo beneficia sive in titulum, sive in commendam possideat ses. 24. de ref. cap. 17. Quicumque autem hunc edidit canonem, fortè etiàm potuit ideo Leonis IV. meminisse, quod in ea homilia, quæ Leoni eidem tribuitur, aliqualegantur, ad hanc ipsam materiam pertinentia, ibi in editione Labbeana: *Nullus plures Ecclesias teneat sine adjutorio aliorum presbyterorum.* Quod si quisquam adhuc detineatur auctoritate quadam Gratiani fragmenti, in primis velim animadverat, quantum sit inter recentiores, & vetustas Ecclesiarum commendationes discrimen, ne fortè illius fragmenti sententia recentioribus commendis accommodari posse videatur. Siquidem recentiores commendæ adinstar ferè beneficiorum redactæ sunt, quandò veteres non aliud erant, quām simplicia rerum Ecclesiasticarum deposita, certo tem-

tempore circumscripta, ex quibus commendatarius nihil omnino commodi, atque utilitatis hauriret argumento legis 24. ff. depositi. Deinde ad rem erit observare, hunc canonem forte, si tanquam germanus habendus sit, explicandum esse juxta eos, qui in memorata Romana Synodo Eugenii, & Leonis editi deprehenduntur. In canone 10. decretum est, Sacerdotes non nisi in Ecclesiis, aut Monasteriis esse constitutendos, ne in secularibus domibus habitarent; deinde in canone 21., qui est canon 33. caus. 16. quæst. 7., decretum fuit constructoribus monasteriorum licere cum consensu Episcopi commendare presbytero, cui voluerint, ipsam monasteria, ita tamè ut presbyter, in monasterio constitutus, ad platica, & ad justam reverentiam ipsius Episcopi obedienter recurrat. Quæ verba clarius explicans auctor Breviarii ejusdem Concilii, cui nomen Luitprandi, ait, presbyterum, cui monasterium commendatur, fretum esse bona auctoritatis dimissoria cum consensu Episcopi. Colligitur ex his, tempore Leonis IV. clericos omnes in Ecclesiis consistere debuisse, quasi erecto in Ecclesiis collegio clericorum: interea vero, ubi monasteria sacerdotis officio indigerent, mitti consuevisse à clericali collegio Sacerdotem, cui commendari monasterium dicebatur; ac proinde ordinationem quidem suscepserat clericus ille titulo Ecclesiae, cuius collegio adscriptus fuerat, & cuius collegii adhuc jura retinebat, ut potè ad quod revocari ab Episcopo poterat; & præterea commendatum sibi monasterium Ecclesiasticis officiis juvabat. Hæc planè mihi videtur aptior interpretatio, quæ affingi memorato canonii possit, quoties à Leone IV. non sit adjudicandus: nisi intelligendum forte velis de commendationibus, quibus non Ecclesia Clerico, sed potius Clericus Ecclesia commendaretur, juxta ea, quæ trahuntur, in can. 5. & 6. eadem causâ, & quæstione.

Quod sub nomine Leonis IV. ha-

betur in can. 16. caus. 25. quæst. 1. ^{can. 16.} decerptum fuit ex Ivone in parte 4. De- ^{caus. 25.}
creti cap. 186., ubi hæc habetur mo-
numentum ejusdem inscriptio: *Leo IV. Col-
orodo Archiepiscopo, & Beruso.* Quisnam
fuerit sive Colorodus ille Archiepisco-
pus, sive Berthusus, facile conjici non
potest, cum neminem hujus nominis
Episcopum Conciliis illius ætatis vel in-
terfuisse, vel subscrisisse liqueat. Ce-
terum non est, cur fragmentum illud à
Leonis IV. sententiis abjudicemus, cum
similia quedam in illis legantur; hinc
in fine epistolæ Leonis ad Episcopos
Britanniae hæc habentur: *quam ob cau-
sam luculentius, & magna voce pronunciare
non timeo, quia, qui illa, quæ diximus,
Sanctorum Patronum statuta, que apud nos ca-
nones pretilsanunt, sive sit Episcopus, sive
Clericus, sive Laicus, non indifferenter rece-
perit, ipse se convincit, nec catholicam, &
apostolicam fidem, nec sancta vera Christi
Evangelia quatuor utiliter, & efficaciter ad
effectum suum retinere, vel credere.* Ego sus-
picor, ea Gratiani verba deprompta fuisse
ex quadam homilia, nomine Leonis
IV. vulgata, in qua omnibus Episcopis
proponitur servanda generalis Ecclesiasti-
ca disciplina; quæ sanè homilia tanti
aliquando habita fuit, ut passim initio
cujusque Synodi prælegeretur Episco-
pis, eamque ob quem homilia synodica
appellaretur. Initio autem ipsius gene-
raliter traditur, Episcopos Apostolorum
vice fungi, & esse summo Pastori
rationem de animabus reddituros, ac
propteræ singularem esse ab illis adhi-
bendam sollicitudinem, ut semel con-
stituti salubriter canones constantissime
serventur. Quoniàm vero eadem homilia
non eisdem omnino verbis in omnibus
exemplaribus edebatur, sed, reten-
tâ generali Leonis sententiâ, in aliquibus
immutabatur, modò breviore, mo-
dò fusiore stilo, quemadmodum liquet
ex collatione exemplaris Labbeani cum
exemplari Martenii, aut cum exemplari
Lucensi apud Mansium, facile evenire
potuit, ut Ivo, vel Gratianus eum
præ manibus habuerint codicem, in
qui-

quibus ea ipsa legerentur verba, quae illi in suis collectionibus descripserunt.

Pitheus ad canonem 11. de cons. dist. 3. fidenter adserit, illum esse tri-

Can. 11. de cons. Can. 11. de cons. buendum Leoni IV. ad Episcopos Brit-

dist. 3.

tanniæ scribenti. Quibus ex codicibus, aut monumentis id tradiderit, prorsus ignoro. Ego sanè, cum nullum habeam argumentum, ex quo canon idem Leoni IV. tribui possit, aliàs autèm non destituar conjecturis gravissimis, quibus ille ab eodem Pontifice abjudicetur, non dubitabo concludere, falsò Leoni IV. Pontifici tributum fuisse. Sententia canonis paucis perstringitur: nimirùm inducit Leo statuens, ut sive quartâ, sive sextâ feriâ à carnibus abstineatur juxta veterem Ecclesiæ consuetudinem. Cujus Ecclesiæ consuetudo memoretur ibidem, ancesps est disquisitio propter varietatem codicū, quorum alii exhibent apud vos, alii apud nos; proindèque dubietas est, nùm ea referenda sint ad consuetudinem Ecclesiæ Romanæ, an potius ad consuetudinem illius Ecclesiæ, cui erant adscripti illi, ad quos Leo scripsisse fertur. Verùm, quæcumque Ecclesia memoretur ibidem, sive Romana, sive Brittannica juxta opinionem Pithœi, facile est demonstrare, temporibus Leonis IV. dici non potuisse, aut apud Brittones, aut apud Romanos veterem fuisse jejuniū quartæ, & sextæ feriæ disciplinam. Fortè prioribus Ecclesiæ sæculis eam fuisse Græcorum consuetudinem demonstrari posset ex Constitutionibus Clementis lib. 7. cap. 24., ubi laudatur jejunium quartæ feriæ, & Parasceves, improbabur que jejunium Sabbati, ac Dominicī diei, excepto tamè annuo die Sabbati Dominicæ sepulturæ, quem hodiè sanctum Sabbatum appellamus: demonstrari etiàm posset ex canone 67. ex iis, qui Apostolici nuncupantur, ubi jejunium generaliter observandum præcipitur tempore Quadragesimæ, quartæ, & sextæ feriæ, nisi tamè hæc monaumenta parùm auctoritate sua consistenter, & tamquam apocrypha habe-

rentur. Nihilominus tamè, cum aliquando hæc decreta apud Græcos non nihil valerent, recipi in aliquibus provinciis potuerunt, uti tradit Balsamon, & Zonaras ad eumdem Apostolicum canonem, Eutychius Alexandrinus Annalium tom. 1. pag. 522. & Joannes Antiochenus in collectione canonum tit. 31., at in Latina Ecclesia nunquam ea invaluit consuetudo; sed potius quædam jejunii species observata fuit feriâ sextâ, & sabbato per hebdomadas singulas, quemadmodùm colligitur ex Innocentio I. in epist. ad Decentium Eugubinum cap. 4. Non difiteor tamè, aliquibus indictum esse non solum feriæ sextæ, sed etiàm secundæ, & quartæ jejuniū, sed hoc tantummodo onus impositum pœnitentibus, qui gravissimorum criminum rei essent agniti, uti habetur in cap. 7. epist. Gregorii III. ad Bonifacium, quæ incipit *Magna nos.* Ceterùm regulariter sæculo 9., atque ipsis temporibus Leonis IV. jejuniū, sive abstinere à carnibus præceptum erat diebus sabbati, & feriæ sextæ. Sic in Francorum Capitularibus lib. 6. cap. 187. Baluzianæ editionis post commemoratum jejuniū Adventus, Quadragesimæ Paschalis, & Quadragesimæ post Pentecosten, ita legitur: *Præter hæc autem legitima tempora jejuniorum, omni sextâ feriâ propter passionem Domini jejunetur. Sed & sabbati dies à plerisque, propter quod in eo Christus jacuit in sepulchro, jejuno consecratus habetur.* Prætereà Nicolaus I. in responsis ad consulta Bulgarorum cap. 4. & 5. memorat quidem jejuniū sextæ feriæ, quod observandum ab omnibus esse definit: feriâ autem quartâ liberum statuit unicuique esse à carnibus abstinere, vel non abstinere; quod sanè non statuisset, si à prædecessore suo Leone IV. scivisset eamdem habitam fuisse & quartæ, & sextæ feriæ rationem. Quæ cum ita sint, jure concludere poterimus, falsò tributum esse Leoni IV. memoratum canonom 11., & fortè confictum ab eo fuis-

suisse, qui Græcorum disciplinam, ab tibus derivatam, voluerit ad Latinos re-apocryphis, ut prænotatum est, fons centiore ætate traducere.

C A P U T LXXXVII.

De Nicolao.

Nicolai I. Pontificis nomine quamplurima sunt apud Gratianum, quæ sanè in ordinem certum dirigi commodè minimè possunt, cum turbata admodum sint ejusdem Pontificis monumenta, quemadmodum testantur, quotquot in illis edendis singulari studio ad-laborarunt. Sunt autem, quæ sequuntur.

Ex monumentis Concilii Romani.	Can. 21. caus. 2. q. 1. ad integra Concilii monumenta exigendus.
	Can. 10. cau. 11. q. 3. ex integro Concilii canone emendandus.
	Can. 18. caus. 25. q. 2. paulo varius in diversis exemplaribus.
	Can. 4. dist. 32. ex integra epistola supplendus.
Ex epistolis ad Adonem, vel Albinum Viennensem Archiepiscopum, vel Alvinum Januensem.	Can. 22. caus. 12. q. 2. ex integra epistola supplendus.
	Can. 6. dist. 27. simili jungendi, & ex codice Reginonis emendandi.
	Can. 7. dist. 27. simili jungendi, & ad Iponis codicem, aliave Nicolai Papa monumenta exigendi.
	Can. 6. caus. 33. q. 2. referendus ad epistolam ad Carolum Episcopum Moguntinum.
Ex Epist. ad Carolum Moguntinensem Archiepiscopum, & ejus suffraganeos.	Can. 33. dist. 50. falso tributi Nicolao Papa, & potius tribuendi Vormaciensi Conclilio.
	Can. 34. caus. 27. q. 1. simili jungendi, atque ad alia Nic. 19. caus. 24. q. 3. colai monumenta exigendi.
	Can. 25. caus. 32. q. 7. referendus ad Pauli Jureconsulti sententias.
	Can. 6. caus. 33. q. 2. falso tributus Nicolao.
Ex Epist. ad Lotharium Regem.	Can. 4. dist. 63. ex aliis Nicolai monumentis illustrandus.
	Can. 3. caus. 11. q. 3. ex integra epistola supplendus.
	Can. 96. caus. 11. q. 3. simili jungendi, atque ad alia Nic. 19. caus. 24. q. 3. colai monumenta exigendi.
	Can. 22. caus. 2. q. 5. ex integra epistola emendandus.
Ex Epist. ad Carolum Regem.	Can. 6. caus. 6. q. 4. consonat cum integris epistola exemplaribus.
	Can. 19. caus. 23. q. 8. consonat cum integris epistola exemplaribus.
	Can. 26. caus. 27. q. 2. ex integris Nicolai epistolis supplendus.
	Can. 3. caus. 33. q. 2. spectat potius ad Isidorum Meratorum.
	Can. 4. caus. 33. q. 2. ex integra epistola emendandus.

Ex Epist ad Ludovicum Regem.	Can. 16. caus. 2. q. 1. consonat cum integris epistola exemplaribus.
	Can. 8 dist. 96. referendus ad epistolam Nicolai ad Michaellem Imperatorem.
Ex Epist. ad omnes Episcopos in Regno Ludovici.	Can. 4. caus. 20. q. 3. incerta admodum auctoritatis.
Ex Epist. ad Episcopos, apud Convicinum congregatos.	Can. 1. dist. 10. ex integra epistola supplendus.
Ex epist. ad Hincmarum Rhemensem Archiepiscopum.	Can. 3. dist. 8. ex integra epistola supplendus.
	Can. 5. dist. 12. jungendus cum can. 30. caus. 17. q. 4.
Ex epist. ad Episcopos Galliae.	Can. 13. caus. 2. q. 6. paulo varius in diversis codicibus.
	Can. 21. caus. 3. q. 9. convenit cum pluribus Nicolai monumentis.
Ex epist. ad Gallionem Episcopum Senensem.	Can. 102. caus. 11. q. 3. ex optimis exemplaribus emendandus.
	Can. 30. caus. 17. q. 4. ex integra epistola supplendus, & emendandus.
Ex epist. ad Girardum Episcopum Turonensem.	Can. 1. dist. 19. ex integra epistola supplendus, atque explicandus.
	Can. 2. caus. 15. q. 6. incerta admodum auctoritatis.
Ex epist. ad Rodulfum Archiepiscopum Bituricensem.	Can. 12. caus. 3. q. 9. spectat potius ad epistolam, scriptam ad Episcopos Silvanectenses.
	Can. 14. caus. 3. q. 9. ex integris monumentis explicandus.
Ex epist. ad Rhaudoaldum Portuensem, & Joannem Ficolensem Episcopos.	Can. 10. caus. 2. q. 2. ex aliis Nicolai monumentis explicandus.
	Can. 12. dist. 23. consonat cum integris epistola exemplaribus.
Ex epist. ad Francorum exercitum.	Can. 8. caus. 9. q. 3. aliter editus in aliis exemplaribus.
	Can. 6. caus. 30. q. 1. consonat etiam Conciliis illius atatis.
Ex epist. ad Photium.	Can. 5. caus. 33. q. 2. paulo varius in diversis codicibus.
	Can. 56. de cons. dist. 1. consonat cum integris epistola exemplaribus.
Ex epist. ad Clemum Constantino-politanum.	Can. 4. caus. 31. q. 2. ex integris codicibus emendandus.
	Can. 46. caus. 23. q. 5. incerte auctoritatis.
Ex epist. ad Photium.	Can. 14. dist. 16. } simul jungendi, atque ex integra epistola explicandi.
	Can. 2. dist. 20. } la explicandi.
Ex epist. ad Clemum Constantino-politanum.	Can. 36. caus. 24. q. 1. } simul jungendi, referendique potius ad epistolam Nicolai ad Michaellem Imperatorem.
	Can. 37. caus. 24. q. 1. } ad epistolam Nicolai ad Michaellem Imperatorem.
	Can. 5. dist. 10. ex integra epistola explicandus.
	Can. 8. dist. 10. omnino consonat cum integris exemplaribus.

Ex epist. ad Michaelem Imperatorem.

Ex eadem epistola ad Michaelem.

Ex responsis ad consulta Bulgariorum.

Ex epist. ad Episcopos omnes.

Ex epist. ad Episcopum Salonitanum.

- Can. 2. dist. 11. } simul jungendi, & referendi ad epistolam Nicolai ad Photium Constantinopolitanum.
- Can. 3. dist. 12. }
- Can. 4. dist. 21. } simul jungendi, & ad integrum epistolam
- Can. 5. dist. 21. } exigendi.
- Can. 6. dist. 21. }
- Can. 7. dist. 21. }
- Can. 8. dist. 21. }
- Can. 9. dist. 21. }
- Can. 5. dist. 43. | consonat etiam cum epistola Gelasii Papa ad Anastasium Imperatorem.
- Can. 4. dist. 96. jungendus cum can. 5. dis. 10.
- Can. 5. dist. 96. } si nul jungendi, atque ex integra epistola
- Can. 6. dist. 96. } supplendi.
- Can. 7. dist. 96. }
- Can. 8. dist. 96. ex integris epistola exemplaribus emendandus.
- Can. 86. caus. 1. q. 1. cum integris epistola exemplaribus consonat.
- Can. 123. caus. 1. q. 1. ex integra epistola supplendus.
- Can. 15. caus. 3. q. 5. } simul jungendi, atque ex integra epis-
- Can. 2. caus. 4. q. 1. } tola supplendi.
- Can. 3. caus. 4. q. 4. consonat cum integris epistola exemplaribus.
- Can. 10. caus. 9. q. 3. ex integra epistola emendandus.
- Can. 21. caus. 9. q. 3. idem est cum can. 123. caus. 1. q. 1.
- Can. 35. caus. 24. q. 1. jungendus cum can. 36. caus. 24. q. 1.
- Can. 6. caus. 35. q. 9. jungendus cum can. 10. caus. 9. q. 3.
- Can. 17. dist. 28. paulo varius in editis epistola exemplaribus.
- Can. 5. caus. 15. q. 8. paulo varius in editis epistola exemplaribus.
- Can. 15. caus. 23. q. 8. ex integris epistola exemplaribus supplendus.
- Can. 2. caus. 27. q. 2. jungendus cum can. 3. caus. 30. q. 5.
- Can. 1. caus. 30. q. 3. ex integra epistola supplendus.
- Can. 3. caus. 30. q. 5. jungendus cum can. 2. caus. 27. q. 2.
- Can. 22. caus. 32. q. 5. ex integra epistola supplendus.
- Can. 11. caus. 33. q. 4. ex integra epistola supplendus.
- Can. 24. de cons. dist. 4. ex integra epistola supplendus, atque explicandus.
- Can. 6. caus. 17. q. 4. } pertinent potius ad Nicolaum II.
- Can. 25. caus. 24. q. 3. }
- Can. 3. caus. 30. q. 1. consonat cum aliis Nicolai monumentis.

Ex epist. ad Fron-		Can. 17. caus. 12. q. 2. incerta auctoritatis.
tarium Archiepis-	{	
copum Burdega-		
lensem.	}	
Ex epist. ad Humi-		Can. 5. dist. 50. ex Iovonis decreto supplendus.
fridum Episco-	{	Can. 47. caus. 7. q. 1. ex adjunctis noni saeculi explicandus.
pum Morinensem.	}	
Ex epist. ad Joan-		Can. 13. dist. 63. referendus ad Concilium Romanum anni 861.
nem Ravenna-	{	
tem.	}	
Ex epist. ad Medio-		Can. 1. dist. 22. potius tribuendus Petro Damiani Sedis Apostolice
lanenses.	{	Legato temporibus Nicolai II.
Ex epist. ad No-		Can. 8. de cons. dist. 1. incerta auctoritatis.
nensem electum	{	
& Clerum.	}	
Ex epist. ad Os-		Can. 6. dist. 50. Nicolai I. temporibus, ac sententius con-
baldum Corepis-	{	
copum Quadrantinum.	}	Can. 39. dist. 50. sentanei.
Ex epist. ad Rha-		
toldum Episco-	{	
pum Argentora-		Can. 15. caus. 33. q. 2. melius Wormaciensi Concilio tribuendus.
tensem.	}	
Ex epist. ad Salo-		Can. 2. caus. 15. q. 5. non dissonat à Nicolai I. temporibus.
monem Episco-	{	
pum Constantien-		
sem.	{	
Ex epist. ad Tha-		Can. 23. caus. 17. q. 4. ex Iovonis decreto emendandus.
donem Archiepis-	{	
copum Mediola-		
nensem.	{	
Adjiciuntur.	{	
		Can. 4. dist. 33. consonat cum aliis ecclesiasticis monumentis.
		Can. 49. dist. 50. potius ad Wormaciense Concilium refe-
		rendum.
		Can. 3. dist. 97. non dissonat à ceteris Nicolai monumentis.
		Can. 2. caus. 2. q. 2. pertinet ad Isodori Mercatoris monumenta.
		Can. 3. caus. 6. q. 3. inter dubia Nicolai monumenta recen-
		sendum.
		Can. 4. caus. 12. q. 1. referendus ad Concilium Saligunta-
		diente.
		Can. 1. caus. 16. q. 5. pertinet potius ad Concilium Arausi-
		canum I.
		Can. 3. caus. 26. q. 7. referendus ad epistolam Nicolai ad Rodul-
		fum Bituricensem.
		Can. 1. caus. 30. q. 2. facile referendus ad rescripta Nicolai ad
		Bulgaros.
		Can. 57. de cons. dist. 4. non dissonat à Nicolai I. temporibus.

DE Benedicto III., qui ab anno 855. Sedem tenuit usque ad annum 858. sub sub finem Septembris Romanam initium Aprilis, nihil singulare obser-

van-

vandum apud Gratianum occurrit. Quamobrem gradum feci ad Nicolaum Benedicti successorem, qui eodem anno 858., dum Romae praesens esset Ludovicus II. Imperator, ad Maximum Pontificatum evectus est, quem gessit usque ad annum 867. Assiduis causarum ecclesiasticarum curis fatigari debuit Nicolaus, ac praesertim respectu habito ad Ecclesiam Constantinopolitanam, à qua dejectus tunc fuerat Ignatius, Photio subrogato. Verum hæc, sicut & cetera gravissima negotia, quæ Sanctum Pontificem detinuerunt, magis ac magis in expendendis Gratiani monumentis declarabuntur. Tantum dixero, varias esse Nicolai epistolarum collectiones; nam apud ipsum Labbeum in recentissimis codicibus in primis adparent epistolæ numero septuaginta; deinde subjicitur Appendix I. continens alias epistolas quatuordecim; subsequuntur sex fragmenta, & post ea libellus responsorum ad consulta Bulgarorum in centum, & sex capita distributus. Hinc describuntur decreta alia, sive brevia rescripta, in unum collecta per Joannem Cochlaeum, & in vinti titulos dispartita. Rursus referuntur duæ Appendices, varias continentis epistolas, & monumenta, præter epistolas alias, quæ adsutæ sunt actis Conciliorum, eodem tempore celebratorum. Mansius in suo Labbeano supplemento non solùm alia Labbeanis adjectit monumenta Nicolai, sed etiam utile æquè ac laboriosum edidit *Laterculum Chronologicum epistolarum*, in quo singulas Nicolai epistolas per ordinem temporis digessit. Ego in præsentia primum locum concedo capitibus illis, quæ nomen Romani Concilii sub Nicolaus celebrati præferunt, cetera deinde ita persecuturus, ut, quoad fieri possit, invicem illa jungantur, in quibus eadem materies pertractari quodammodo videatur.

De monumentis Concilii Romani.

Lotharius, Lotharii Imperatoris filius, & Ludovici Pii nepos, regnum sortitus in ea Galliae parte, quæ deinde ex ejusdem nomine Lotharingia appellata fuit, circa annum 860. captus amore Waldradæ cuiusdam pellicis, repudium Theutberga conjugis meditabatur. Ut Principi morem gererent, non defuerunt, qui Reginam de incestu cum Huberto fratre accusarent; quæ causa ut solemnitè discuteretur, celebratum est duplex Concilium Aquisgranense, convenientibus in primo Episcopis duabus, totidem Archiepiscopis, & totidem rursum Abbatibus; in secundo septem Episcopis, utrobique autem Theutberga quasi criminis rea pœnitentiæ addicta, & digna Principis repudio declarata. Imò iidem Episcopi & epistolas, & legatos ad Nicolaum Pontificem miserunt, quem de re gesta redderent certiorem. Post hæc anno 862. aliud convocatum est Aquisgranense Concilium ab octo Episcopis, quorum primi erant Guntharius Agrippinensis, & Theutgaudus Trevirensis Archiepiscopi, ibidemque concessum Lothario, postulanti liberè novum cum alia contrahere matrimonium, quamobrem non dubitavit Lotharius Waldradam sibi conjugio sociare. Id ubi intellexit Nicolaus Papa, Metense Concilium, petente etiam Rege ipso Lothario, celebrari jussit anno 863. missis Apostolicis legatis Rodualdo Episcopo Portuensi, & Joanne Episcopo Ficocensi, sed ibidem confirmata fuit Aquisgranensis Concilii sententia. Hæc fuit causa alterius celebrandi Concilii in urbe Roma, ipsomet presente Nicolaus Pontifice, quod Concilium Romanum III. dicitur, & anno 863. celebratum. Auditis ibidem duobus Gallicanis Archiepiscopis, Gunthario, & Theutgardo, superius memoratis, ad tuendam & Concilii Metensis sententiam, & Lotharii factum, Romam missis, Nicolaus Concilii sen-

tentiam revocavit, imò etiàm Archiepiscopos illos depositus, ac communione privavit, consicosque deinde reddidit Synodalis definitionis Episcopos omnes, per Galliam, Italiā, ac Germaniam constitutos. Acta illius Romani Concilii à Sirmondo edita hæc omnia perspicuè demonstrant. Constant hæc ex epistola Nicolai Pontificis, quæ est instar p̄fationis; subsequuntur deinde quinque capita quæ ad causas in Concilio p̄tractatas pertinent. Supplémentum addidit Muratorius, quod septem aliis capitibus constat in tom. 2. parte 2. rerum Italicarum pag. 127. Ad epistolam Nicolai referendus est canon 21. caus. 2. quæst. 1. his verbis describendus: *Nicolaus Episcopus, servus servorum Dei, reverentissimus, ac sanctissimus Fratribus nostris Archiepiscopis, & Episcopis, per Galliam, Italiā, & Germaniam constitutus. Scelus, quod Lotharius Rex, si tamē Rex veraciter dici possit, qui nullo salubri regimine corporis appetitus refranavit, sed lubricā enervatione magis ipsius illicitis motibus cedit, in duabus feminis, Theutberga scilicet, & Waldrada, commisit, omnibus manifestum est. Sed & dudum Episcopos Theutgaudum, & Guntharium in tali factō eum habuisse tutores, & fautores penē totius orbis undique ad limina, seu Sedem Apostolicam confluens, referebat, absentibus quoque idipsum scribentibus nostro apostolatu. Quod nos tanto credere renuius, quanto de Episcopis tale quid audire nullatenus sperabamus; donēc ipsi Romanū tempore Concilii venientes corā nobis, & sancta Synodo tales inventi sunt, quales fuerant à multis sepissimè prædicati, ita ut scripturā, quam suis stipulaverant manibus, quamque volebant, ut nostro roboraremus chirographo, caperentur: & dum miscipulam innocentibus apponere satagerent, insidiis suis illaqueati sunt ipsi. Sique completum est, Deo auctore, quod in proverbī legitur: frustā jacitur rete ante oculos pennatorum. Siquidem ipsi obligati sunt, & ceciderunt; nos vero, qui in hoc flagitium falso cedisse dicebamus, faveente Domino, cum justitiae propugnatoribus surreximus, & ereti sumus. Igitur, decernente nobiscum Sancta Synodo, in presentia depositi, &*

ab officio sacerdotali excommunicati, atque à regimine Episcopatus alieni indubitanter existunt. Unde vestra fraternitas, canonum normam custodiens, & decretorum sanctiones observans, caveat, ne hos, quos nos abjecimus, recipere in Sacerdotum catalogo præsumat. Depositionis autem sententia, quam in predictos Theutgaudum, & Guntharium protulimus, cum ceteris capitulis, quæ, sancto Concilio nobiscum sanciente, promulgavimus, inseriūs adnexa monstratur.

Pòst integrum hanc Nicolai epistolam, ex qua suppleri potest Gratiani canon, sequuntur decreta ipsa Synodi Romanæ, quorum in primo cassata legitur Metensis Concilii constitutio, imò & ipsa Metensis Synodus damnata, ac potius prostibulum appellata. In capite 2. eadem propemodū verba legimus, quæ habentur in can. 10. caus. 11. quæst. 3. ibi: *Theutgaudum Trevirensē Primatē Belgicæ Provinciae, & Guntharium Agrippinæ Coloniae Archiepiscopos, nūc corā nobis, & Sancta Synodo, sub gestorum insinuatione, qualiter causam Lotharii Regis, & duarum mulierum ejus Theutberga scilicet, & Valdrada recognoverint, & judicaverint, scriptum super hoc propriū roboratum manibus offerentes; nihilque se plus, vel minus, aut aliter egisse ore proprio multis corā positis affirmantes; & sententiam, quam à Sede Apostolica in Ingeltrudem uxorem Bosonis Sanctissimus Frater noster Mediolanensis Archiepiscopus Tado, & ceteri Coepiscopi nostri petierant emittendam, & nos divino successi zelo sub anathematis obtestatione canonice protuleramus, publicè vivâ voce se violasse confitentes; in quibus omnibus invenimus eos Apostolicas, atque canonicas sanctiones in pluribus excessisse, & aquitatis normam nequiter temerasse; ab omni judicamus Sacerdotiū officio permanere penitus alienos. Et idèo Spiritus Sancti judicio, & B. Petri per nos auctoritate, omni Episcopali exutus regimine consistere definimus. Quod si juxta precedentem consuetudinem tamquam Episcopi ausi fuerint aliquid de sacro ministerio contingere, nullo modo liveat eis nec in alia Synodo restitutionis spem, aut locum habere satisfactionis, sed communicantes eis omnes abjici ab Ecclesia, & maxime si, posteaquam didicerint adversus memo-*

can. 10.
caus. 11.
q. 3.

ratos prolatam fuisse sententiam, eis communicare tentaverint. Hinc nemo non videt, emendandum esse Gratiani canone, præsertim in posterioribus verbis. Quanta verò fuerit duorum eorumdem Episcoporum contumacia, nemo non colligit; siquidem, non contenti favisse Lotharii libidini, similem cuiusdam Ingeltrudis causam defendere conati sunt, parùm solliciti de Synodalibus decretis jam editis custodiendis. Erat Ingeltrudis, ut ex quarto hujus Concilii capite deducitur, filia Mattefredi, quondam Comitis, nupta Bosoni, & jam diu à septennio à marito diverterat huc atque illuc vagabunda discurrens; quemadmodum etiàm deducitur ex epistola Hincmarii Rhemensis, ad Guntharium eumdem Colonensem Episcopum directa. Sive igitur quod illi Episcopi faverent Lotharii admisso in uxorem, sive quod faverent Ingeltrudis admisso in maritum, in Romana Synodo damnati fuerunt, atque depositi.

Can. 18.
caus. 25.
q. 2.

Quintum Romani Concilii caput ita exprimitur: *Siquis dogmata, mandata, interdicta, sanctiones, vel decreta pro Catholica fide, pro Ecclesiastica disciplina, pro correctione fidelium, pro emendatione sceleratorum, vel interdictione imminentium, vel futurorum malorum, à Sedis Apostolica Præside salubriter promulgata, contempserit, anathema sit.* Verba hæc, quæ veluti generalis quædam sanctio præcedentibus Concilii definitiōnibus adjecta sunt, habentur integra in can. 18. catus. 25. quæst. 2. Admonet Antonius Augustinus lib. 2. de emend. Grat. Dial. 13. eorumdem verborum aliam haberi formulam apud Reginonem in Chronicis ad annum 865., nimirum pro illis verbis: *pro Catholica fide &c.* Reginonem scripsisse: *Pro Catholica fidei disciplina, pro correctione fidelium, pro emendatione sceleratorum, vel interdictione imminentium, seu futurorum malorum &c.* In Appendice 2. epistolarum Nicolai, quæ habetur apud Labbeum, eadem Gratiani verba leguntur sub epistola 3., ubi nonnulla colliguntur sub hoc themate: *De sententiis, atque interdictis Sedis Apostolica*

ad supradictum Archiepiscopum. Directa igitur ea proponuntur ad Adonem Viennensem in Gallia Archiepiscopum, quem Nicolaus Papa certiore etiàm fecit de ausu memoratorum Episcoporum, quos Synodus Romana damnaverat.

De epistolis ad Adonem, vel Albinum, Viennensem Archiepiscopum.

Cum nupèr memoraverim Adonem Archiepiscopum Viennensem in Gallia, non abs re esse videtur huc referre Nicolai epistolæ ad eundem. Inter ceteras recensentur quatuor in 2. appendice Labbeana, quarum prior incipit *Consultationis vestre sub hoc titulo: Nicolaus Episcopus, servus servorum Dei, Reverentissimo, & Sanctissimo Confratri nostro Adoni, Sancte Viennensis Ecclesiae Archiepiscopo.* Hujus epistolæ initio egit Nicolaus de conjugio Lotharii Regis, cuius causâ, quemadmodum dictum modò fuit, universi Galliarum Antistites turbabantur. Deinde ita prosecutus est: *Interē de illo Clerico, Alvico nomine, quem per ordines ecclesiasticos usquè ad Diaconatum castè vixisse dicitis, cur nostrā auctoritate uxorem duxerit, miramur, & eo quod nulli unquam, exceptis illis, quos ecclesiastica regula habere permittit, uxorem ducendi licentiam dedimus. Nam exemplar epistolæ, quod misistis, neque recognovimus, sed nec illius stylum à nobis directum fuisse meminimus. Quocirca vestra fraternitas sollicita investigatione perquirat, ut, quis auctor illius epistola fuerit, valeat inveniri, quatenus cum apostolica auctoritas mittitur, non fusceatur, & si vestros legatos destinaveritis, per eos ut ipsam epistolam nobis dirigatis, optamus; quo, cum illam contemplati fuerimus, vos de hac causa certissimos reddere possimus.* Ex his perspicue liquet, Alvicum quemdam Diaconum voluisse Episcopo suo Adoni illudere, falso quodam sub Pontificis Maximi nomine edito privilegio, seu dispensatione, quam ubi perspectam habuit Ado, nihil æquius duxit, quam eumdem Pontificem Maximum de ejusdem privilegii causis, & de re ipsa ges-

Can. 4:
dist. 32.

ta interrogare. Hinc porrò & supplebis, & interpretaberis commodissimè canōnem 4. dist. 32., quem Ivo Carnotensis perperā in parte 6. Decreti cap. 119. tribuit Stephano, quoniā Adonem Viennensem temporibus Nicolai I. vixisse scimus ex monumentis Conciliorum, non autē vixisse liquet temporibus Stephanī, sive intelligamus Stephanum Leonis III., sive Stephanum Hadriani III. successorem.

Alia est Nicolai ad Adonem epistola, quæ incipit: *Quia sanctitatis vestræ num. 69.* ubi proponitur de quibusdam ecclesiasticæ disciplinæ capitibus Nicolaus ab Adone interrogatus; & in cap. 3. hæc leguntur: *Si hi, qui sacras res Ecclesiis datus, & à fidelibus oblatas, quasi à Principibus sibi indultas invadunt, vastant, diripiunt, retine-re præsumunt, auctoritate Episcopali excommuni-candi, & anathematizandi sunt.* De his quidem rebus, quæ semel Deo contributæ, atque dicatae sunt, & postea sub occasione con-cessionis Principum à quibusdam invaduntur, sancimus, ut, prius consulto Principe, ad re-secundam tam præsumptivam factionem, cog-noscendum utrum illius sit concessio, an inva-soris præsumptio. Quod si Principis inordinata fuerit largitio, ipse sit Princeps pro emendatione redarguendus; si autem invasoris declaratur præsumptio, usquæ ad emendationem excom-municationis sit vindictâ coercendus. Hæc ea-dem verba relata sunt apud Gratianum in can. 22. caus. 12. quæst. 2., & sub eodem Nicolai ad Adonem scribentis nomine apud Ivonem parte 3. cap. 152. In ea autē epistola observatur nonnulla deesse, à Collectore idemidem omis-sa; eamque ob rem non repugnabit, quæ-dam apud Collectores alios descripta fragmenta hūc referri commodè posse, etiamsi in vulgatis epistolæ codicibus desiderentur.

Can. 6. In canone 6., & 7. dist. 27. tri-& dist. 27. buuntur duo fragmenta Nicolao Papæ scribenti ad Albinum Viennensis Eccle-siæ Archiepiscopum. Fallax sanè inscrip-tio, in qua facile arbitrareris pro nomi-ne Albini scribendum esse Adonem, utpotè quem Viennensi tunc Ecclesiæ

præfectum fuisse scimus, nec reperimus alteri Albino concedendum in Viennen-si Ecclesia locum. Siquidè & antè Pon-tificatum Nicolai regebat Viennensem Ecclesiam Agilmarus, qui deindè inter-fuit Concilio Lingonensi apud Sapona-rias anno 859. temporibus Nicolai Pon-tificis celebrato; anno verò sequente, scilicet 860., jam successerat Ado, ut-potè quem interfuisse scimus in Conciilio Tullensi ejusdem anni: cum autē Ado ipse subscriperit anno 873., ac propterea pòst obitum Nicolai, Conciilio Cabilonensi, nulla possunt tempora demonstrari, quibus locus fiat Albino Viennensi Episcopo. Emendationem hanc non improbavit Mansius in sup-plemento Labbeano tom. 1. pag. 977. ubi refert Fragmentum epistola Nicolai I. ad Albinum, (fortè Adonem Archiepiscopum) Viennensem, ut est apud Gratianum dist. 27. ex rescripto Laodicensium ad Traiectensem in Codice Udalrici tom. 2. col. 318. Verba fragmenti ibidem descripta sunt hæc: *Quod interrogasti de femina, quæ pòst obitum viri sui velamen super caput imposuit, & finxit se sub eodem velamine sanctimoniale esse, posteà verò ad nuptias rediit; bonum, & canonicum nobis videtur, quod per hypocrisiam ecclesiasticam regulam conturbare voluit, & non legitime in voto suo permansit, ut penitentiam de illusione nefanda agat, & revertatur ad id, quod spopondit, & in sacro ministerio inchoavit.* Näm, si consenserimus, quod omnia ecclesiastica sacramenta quisquis, prout vult, fingat, & non verè faciat, omnis ordo ecclesiasticus conturbatur, nec Catholica fidei jura consistunt, nec sacri ordines ritè observantur. Tales ergo, nisi resipiscant, spirituali gladio percutere censemus; non enim fas est Spiritui Sancto mentiri. Animadvertis deinde Mansius, in codicibus editis addi nonnulla, quæ facilè quisquam intelliget, quoties cum his conferet, quæ apud Gratianum leguntur. Verùm ego à Gratiana inscrip-tione magis recedendum putarem, nec investigandum crederem Albinum inter Viennenses Archiepiscopos, cum non ad Albinum, vel ad Adonem scrip-tam Epistolam esse arbitrarer: quam-
ob-

obrèm ità censeo immutandam Gratiani inscriptionem: *Nicolaus Papa ad Adalvimum, Juvavensis Ecclesia Archiepiscopum.* Reverà id perspicuè demonstratur ex codice Reginonis, qui scripsit labente sacerdoto 9., ac propterea fuit Nicolao I. ferè coœvus. Sanè in Appendix 1. ejusdem cap. 57. hæc leguntur: *Nicolaus Episcopus, servus servorum Dei, reverentissimo, & sanctissimo confratri nostro Adalvvino, sanctæ Juvavensis Ecclesiæ Archiepiscopo.* Quod autem interrogastis de femina, quæ post obitum marii sui.... sanctimoniale feminam esse.... bonum videtur.... & in sacro ministerio inchoavit. Nam, si consenserimus.... & non verè fiat, omnis ordo Ecclesiasticus conturbatur, nec.... per Apostolum fraus ejus detecta, quid sibi.... Deum, ut forte &c. Quæ hoc in loco descripsi, ea sunt, quæ à Gratiani editione dissonant; alia, quæ omisi, omnino cum Gratianeo monumento concordant. Juvavensis igitur, seu Salzburgensis Episcopus erat Adalvvinus, ad quem Nicolaus epistolam scripsit, quod licet una probare posset Reginonis auctoritas, confirmari adhuc potest ex actis Concilii Coloniensis anni 870., cui Adalvvinus interfuit, quemadmodum animadvertisit Baluzius in notis ad Reginonem. Erratum Gratiani ex Codicibus Ivonis, & Burchardi profluxit: nam Burchardus in lib. 8. cap. 47. tribuit monumentum illud Nicolao, scribenti *Adalvvino, sanctæ Vivenensis Ecclesiæ Archiepiscopo.* Ivo tribuit Nicolao scribenti in parte 8. cap. 65. *Adalvvino, sanctæ Viennensis Ecclesiæ Archiepiscopo*, & in cap. 152. ejusdem par. 8. *Alumino Junariensi Episcopo.* His autem præhabitibus, parùm sollicitus sum de sententia canonis Gratianei exigenda ad editiones sive Burchardi, sive Ivonis, cum sufficiat retulisse Reginonis editionem, utpotè ceteris antiquiore, & magis integrum.

Eadem sanè ratione emendandus erit

Can. 1. canon 1. dist. 34., quemadmodum etiam
dist. 34.
& can. 4. caus. 7. Baluzius animadvertisit in notis ad Gratianum, ubi enim Gratianus habet ad Albinum, legendum erit ad Adalvvimum.
Præterea similitè in can. 4. caus. 7.

quest. 1. pro vocibus illis *Aluino Januensi Archiepiscopo* legendum erit: *Adalvyno Juvavensi Archiepiscopo*, Inscriptionis enim Gratianæ falsitatem agnovit Antonius Augustinus in lib. 2. de emendat. Gratiani dial. 15. scribens, temporibus Nicolai nondum apud Januenses constitutum fuisse Archiepiscopum. Utriusque autem canonis eundem esse fontem, unde Gratianus derivaverit, Ivo Carnotensis aperte demonstrat; nam in parte 5. postquam in cap. 352. sub hac inscriptione, *Nicolaus Aluino Jovanensi Episcopo*, retulerit Ivo memoratum canonom 4. caus. 7. quest. 1., descriptis deinde in capite sequente, seu 353. verba canonis 1. dist. 34. sub hac epigrafe: *Idem ad eundem.* Imò, cum apud Ivonem eadem monumenta magis integra, quam apud Gratianum, legantur, & penè alias Collectores desiderentur, juvabit hoc in loco illa ex Ivone ipso describere. In cap. 352. hæc leguntur: *Pontifices, qui aliquâ occupantur infirmitate, vel agitudine, abiciendi non sunt, nec alias in locum eorum consecrari oportet, nisi ex hac fuerint luce subtracti.* Quod si de ministerio sibi concessa conqueruntur, quæ licita sunt, Sacerdotes expleant. In his vero, quæ eis presumere non licet, vicinorum usque ad recuperandam sanitatem Episcoporum auxilia subrogentur; & hoc cum cautela studio peragatur, ne per necessitatis occasionem presumptionis polluet ambitio. Episcopi vero, qui dominici gregis suscepérunt curam, atque sollicitudinem, ab administratione eorum discedere non oportet, ut accepti talenti pulchritudo non deleatur, sed certamine eorum salubriter augeatur, & triplicetur. Quod autem in hoc canone continetur, non est sanè alienum à germanis Nicolai I. sententiis, qui alias professus est, Episcopos aliquâ infirmitate correptos non esse ab officio deponendos, sed potius humanitate, ac benevolentiâ sublevandos, quemadmodum perspicuè colligi potest ex canone 14. caus. 3. quest. 9., dummodò ad integræ Nicolai ejusdem monumenta exigatur; item ex Capitulis responsionum Nicolai Papæ ad legationem Salomonis Epis-

copi missi à Rege Ludovico Germanico cap. 5. in Appendice 3. Epistolarum ejusdem Pontificis. Atque hæc pertinent ad dictum canonem 4. caus. 7. quæst. 1. Verba canonis 1. dist. 34. ita leguntur apud Ivonem in cap. 353. *Quorumdam relatione fidelium auribus nostris intimatum est, quod Lanfredus Episcopus, qui & juvenis esse dicitur, venationi sit deditus. Quod vitium plurimos etiam de clericali catalogo genere dumtaxat Germanos & Gallos irreverentes implicat. Verum iste, si ita est, ut audivimus, meritè juvenis dicitur, qui juvenilibus desideriis occupatus nullā senum gravitate constringitur. Item: O miseram vitam hominum, & maxime Sacerdotum, qui, dum lucrantis fidelibus debent insistere, venandis feris incumbunt; & quos capere oportet homines, capiunt aves, & bestias, qui, dum moribus student animantium, vitam suarum amittunt animarum: O infelitem vitam super omnem vitam! Nam in quo magis quisque carnalis appetit, quam in tali vita? Venatorum enim vita nil propter carnes capit, in qua dum quisque permanxit, nunquam probatus est. Nam, ut B. dixit Hieronymus, venatorem nunquam legitimus sanctum. Va hujusmodi Presulibus, qui dum debent Petrum, Andream, Jacobum, & Joannem, quibus à Domino dictum est: *Venite post me, faciam vos Pescatores hominum, ad imitationem suam eligere, quorum & discipuli sunt, magis Nemrod & Ismaelem, atque Esau reprobos imitantur, qui hujusmodi adinventionibus incubuisse referuntur. Nihilominus autem de hoc Episcopo relatum est Apostolatu nostro, quod, cum quadam filia sua immoderatam teneat familiaritatem, & ob id mala fama ei orta sit, pro qua re à Sanctitate tua, ceterisque Coepiscopis suis commonitus, ac correptus est, sed nullatenus emendatus. Quæ res in hoc maximè displicet, & magis ac magis de se deteriorem reddit opinionem. In quo Beatitudini tua, & Coepiscoporum suorum rationibus non obedit, & per inobedientiam in culpam Protoplasti relabitur. Oportet ergo fraternitatem tuam Synodale cum Episcopis, & suffraganeis tuis convocare Concilium, & hunc salutariibus eloquuis Episcopum convenire, atque illi pastorali auctoritate principere, quatenus & ab omnium bestiarum, & volucrum venatione penitus alienus existat,**

atque immoderata filia sue familiaritate semetipsum omnino coerceat. Quod si parere contempserit, & tam pro venationis declinatione, quam pro immoderata filia sue vitanda conversatione, vobis admonentibus obedire distulerit, à vestro Collegio excommunicatus abscedat. Quod si in hoc contumax adhuc apparuerit, à ministerio cessare debet. Hæc quoquæ sententia minimè dissonat ab aliis Nicolai monumentis; etenim eisdem ferè rationibus, quibus hoc in loco Nicolaus ait, Episcopum à venationibus abstinere debere, asserit etiam à venationibus esse abstinendum tempore Quadragesimæ, ita scribens ad Consulta Bulgarorum cap. 44. Nulla ratio sit (fortè legendum sinit) in Quadragesimali tempore venationibus uti, venantes enim nihil præter carnes captant: ut ergo nihil carnale sectari videamini, decenter à carnis captandis in Quadragesimali præcipue tempore vobis est abstinendum; quanto enim jejuniū tempore arcuū est divinis cultibus insistendum, tanto est in cunctis mundi nocivis oblectamentis longius recedendum, præsertim cum neminem nisi reproborum venationes exercuisse sacra designet historia. Consonant quoquæ cum hoc Nicolai monumento plures canones, editi nono saeculo, qui præsertim habentur inter Francorum Principum Capitularia, quorum ununa demonstrare sufficiet, canonem nimirū 8. Concilii Turonensis III., qui refertur in additione 3. eorumdem Capitularium cap. 73.

Baluzius in notis ad Gratianum non dubitat asserere, pertinere etiam canonem 6. caus. 33. quæst. 2. ad Epistolam Nicolai I. ad Adaluvinum Juvavensem, sive Saltzburgensem scribentis. Istud idem fragmentum ab Ivone describitur in parte 8. Decreti, sive capite 124., sive cap. 333. eisdem omnino verbis, quibus legitur apud Gratianum, sed sub diversa inscriptione: nam in cap. 124. habetur: *Nicolaus Carolo Archiepiscopo, & ejus suffraganeis, & in cap. 333. legitur: Nicolaus Aluino Archiepiscopo.* Quænam potius sit recipienda inscriptio, tuto definiiri olim non potuit, præsertim cum inter editas Nicolai Epistolas fragmentum illud

can. 6.
caus. 33.
q. 2.

Illud non haberetur. In hac re admodum dubiam tantum huc referri potuissem, quae in proposita specie à Nicolao I. statuta, vel etiam à Conciliis nonni saeculi definita fuerunt, ut cum his sanctionibus Gratiani canon conferretur. Observanda sane in primis, quae Nicolao eidem tribuuntur in can. 5. caus. 33. quæst. 2., ubi Summus Pontifex tum demum voluit interfectores suarum conjugum tamquam homicidas haberi, cum conjuges non proponantur adulteræ. Deinde observandum etiam, quod Nicolaus idem Bulgaris consulentibus rescripsit in cap. 96. ibi: *Quid quid mulier tua contrà te cogitaverit, aut fecerit, vel si te accusaverit, non est, excepta causâ fornicationis, rejicienda, vel odio prorsus habenda; quae est, Apostolo precipiente, sicut à Christo Ecclesia diligenda; quantum autem hereticorum ore Christus & accusatur, & in gentibus blasphematar, sed hos interim perversa predicantes tolerat, & recipientes à misericordia gremio non repellit.* In Conclilio autem Triburiensi celebrato anno 895. can. 46. ita definitum legimus: *Si cuius uxor constuprata fuerit, & propterea maritus capitali sententiâ delere illam machinaverit; ipsa vero, urgente mortis periculo, ad Episcopum confugerit, & auxilium quiescerit, operosiori, si potest, Episcopus labore desudet, ne occidatur. Si vero non potest, nullo modo licet ei requirenti eam reddere viro ad occidendum, quae se ei obtulit ad defendendum, sed solerti curâ transmittet eam ad locum, quem ipsa delegerit, ut secura vivere possit. Si vero interdum maritus eam invenerit, & repeterit, secundum saeculum potestatem habeat, quid agere ei velit &c.* Nomine legum saeculi, quae in Ecclesiasticis nonni saeculi monumentis indicantur, ego intelligo legem Rotharis, quae habetur in cap. 2. lib. 1. tit. 33. legum Longobardarum his verbis expressa: *Si quis cum uxore sua liberum, aut servum fornicantem invenerit, potestatem habeat eos ambos occidendi; & si eos occiderit, non requiratur.* Hæc autem omnia invicem collata demonstrant, Nicolaum, sacrosque Antistites humanius agendum esse suassisse maritis erga delinquentes

uxores, licet legibus Principum in illas ulcisci aliquando permitteretur, id est, nullâ indicata pœna in ulciscentes, quod maritis justa de causa iratis indulgendum videretur; ac propterea aut abjudicandum à Nicolao I. quod in dicto canone 6. legitur, si ceteris hujusmodi monumentis aduersetur, aut si abjudicandum penitus nolles, ita debere interpretari, ut cum ceteris, & Nicolai ejusdem, & Conciliorum nonni saltè saeculi monumentis convenire quoquo modo possit. Verum, cum memoratum Gratiani fragmentum referendum hodie sit ad epistolam directam ad Carolum Moguntinum, ideo inferius de eodem nonnulla subjicienda putavi.

De Epistolis ad Carolum Archiepiscopum Moguntinensem, & ejus suffraganeos.

Cum nuper observaverim, canonem 6. caus. 33. quæst. 2. apud Ivonem in cap. 123. partis 8. ita laudari, ut tribuatur Nicolao Papæ, scribenti ad Carolum Archiepiscopum, & ejus Suffraganeos, statim hoc in loco subjicienda putavi tria alia Gratiani fragmenta, quae Nicolao eidem Papæ tributa sunt, ad Carolum Archiepiscopum Moguntinum scribenti, præter canonem 6. caus. 33. quæst. 2. quem Ivo, ut superius jam dixi, ad hanc epistolam retulit. Temporibus Nicolai fuit Carolus Ecclesiæ Moguntinæ Episcopus, successor Rabani, qui in eadem Ecclesia sededit usque ad annum 856. Post Carolum ex actis Concilii Suessionensis III. anni 866., & ex epistola ejusdem Concilii ad Nicolaum Pontificem dignoscitur sedisse Liutbertum Episcopum. De Carolo habetur mentio in monumentis illius ætatis, nemirum in actis Concilii Moguntini anni 857. sub Ludovico Imperatore, & Benedicto Pontifice. In postrema Labbeana editione ad calcem ejusdem Concilii habetur epistola Nicolai Papæ ad Episcopos Germâniæ, qui ad illud idem Concilium convenerant, videlicet ad

Can. 33.
dist. 50.
Can. 34.
caus. 27.
q. 1.
Can. 25.
caus. 32.
q. 7. &
Can. 6.
caus. 33.
q. 2.

Carolum Archiepiscopum Moguntinum, ejusque suffraganos, Altfridum, Salomonem, Hiltissimum, Theodoricum, Guntonem, Cebhardum, Arn. Wingarium, Egibertum Episcopos, atque Grimaltum, Egilbertum Thiotionamalem, & Adalgarium Abbates. Plura in hac epistola coacervantur disciplinæ Ecclesiasticæ capita, præter facta nonnulla, quæ Nicolai auctoritate discussa, ac dirempta videntur. Agitur in primis de causa cuiusdam Abbonis, qui incestum iniverat conjugium; deinde de Episcopo quodam Salomone de crimen accusato; hinc de epistola, quam Nicolaus negat à se fuisse missam per Abbatem Grimoldum, licet Concilio nomine Pontificis oblata fuisset. Rursus autem auctor epistolæ ad Abbonis incestuosi causam regreditur, asseritque, nemini licere in quarta generatione constitutas sibi jungere conjuges, statimque addit: *Sacerdotes verò si in fornicationis incidere laqueum, & criminis, & manifestus sive ostensus fuerit actus, Sacerdotii non possunt habere honorem, secundum Canonice Instructionis auctoritatem.* En canonem 33. dist. 50. apud Gratianum. Post hæc idem de Diaconis ferendum judicium esse concludit, quod de Sacerdotibus dixerat: feminas autem, semel sacro velamine consecratas, nec si fornicatae fuerint, numquam velamen illud posse deponere, sed pœnitentia potius subjacere. Deinceps definit, quænam esse debeat Parricidarum pœnitentia, quæque servanda sit disciplina in illis, qui vel cum duabus fornicati proponuntur, vel cum matre, aut filia spirituali, sive quæ in Baptismate, sive quæ in Confirmatione suscepta fuerit, maculati: Et statim: *Inter hæc vestra sanctitas addere studuit, si cuius uxor adulterium perpetraverit, utrum marito ipsius liceat secundum mundanam legem eam interficere.* Sancta Dei Ecclesia mundanis nunquam constringitur legibus: gladium non habet, nisi spirituale, ac divinum: non occidit, sed vivifcat. Isthæ sunt, quæ Gratianus descripsit in can. 6. caus. 33. quæst. 2., & demum post pauca, quæ ad homicidia non sponte

commissa pertinent, ita concluditur: *Vidua quidem, quæ sacrum capiti velamen imposuerit, & inter ceteras velatas feminas in Ecclesia oraverit, & oblationem cum illis obtulerit, si professa est in eodem habitu permanere, spondens nunquam religionis deponere velamen, religionis observantia discedere non presumat.* Optamus, sanctitatem vestram in Christo bene valere. Postrema hæc sententia legitur in can. 34. caus. 27. quæst. 1. Ego verò de hac epistola plurimum dubito, ne forte cuiusquam deceptoris figmentum habenda sit, vel quod stilos minimè consonet cum ceteris Nicolai monumentis, vel quod sententiæ sint ibidem inordinatè digestæ, quodque jam ab initio dictum est, post intermedia quedam, ab illa materie aliena, repetatur in fine, quicmadmodùm observatur, ubi nonnulla traduntur de continentia feminarum, quæ sacro jam velamine se Deo consecraverant. Huc advocari commodè potest, quod ad eamdem Synodum Moguntinam adnotavit Mansius in suo supplemento, scribens, ea nullo modo posse congruere Concilio Moguntino anni 857., istud enim celebratum est, adhuc in vivis agente Benedicto Papa, ac propterea non Nicolaus, sed Benedictus ab eadem Synodo de propositis disciplinæ capitibus fuisset interrogatus. Nec fingi ullo modo posset epistolam à Concilio Moguntino directam ad Benedictum, &, Benedicto vitâ functo, respondisse Nicolaum; nam auctor hujus epistolæ perspicue indicat, se jam diu mittere epistolas potuisse ad Concilium, antequam dissolvetur, dum negat à se scriptas epistolas fuisse, quas Concilio Grimoldus Abbas obtulerat. Quæ igitur in hanc epistolam relata sunt, videntur potius hinc illinc collecta ab auctore ex variis ecclesiasticis monumentis, sub Nicolai nomine; nam, ut in fragmentis Gratiani consistam, canon 33. dist. 50. pertinet potius ad canonem 11. Concilii Vvormaciensis anni 868. ibi: *Sacerdotes igitur, si in fornicationis laqueum ceciderint, & criminis manifestus, sive ostensus fuerit actus,*

Sacerdotii non possunt habere honorem, secundum canonica institutionis auctoritatem. Item canon 34. caus. 27. quæst. 1. legitur in can. 21. ejusdem Concilii, ibi: *Vidua quidem, que sacrum capiti velamen imposuerit, & inter ceteras velatas feminas in Ecclesia oraverit, & oblationem cum illis obtulerit, si professa est in eodem habitu permanere, spondens nunquam religionis deponere velamen, à Religionis observantia discedere non præsumat. Quid si præsumperit, & ad id, quod spoponderat, revocari non potest, à liminibus sancte Ecclesie segregetur, donec ad emendationis remedia confugiat.* Idem iste canon legitur apud Reginonem in cap. 50. Appendix 1. sub nomine Concilii Africani cap. 89. Non igitur Nicolaus potuit hæc ex Wormaciensi Concilio describere, cum Concilium illud sit Nicolao recentius; neque præsumendum est, Concilium Wormaciense voluisse sibi vindicare Nicolai epistolam, atque ejus sententias in canones distribuere, quin Nicolai ejusdem faceret mentionem, præsertim quod illud proximè Nicolai ipsius ætatem attingeret, nec potuisset quisquam anno 868. Nicolai epistolam, si extitisset, ignorare. Dicendum adhuc superest de canone 25. caus. 32. quæst. 7., sed hunc frustrè aut in Concilio Moguntino, aut in memorata Nicolao Pontifici tributa epistola quereres. Falsa ea primùm inscriptio legitur apud Burchardum, qui primus in lib. 9. cap. 28. fragmentum illud laudavit ex epistola Nicolai, ad Carolum Moguntinum Episcopum scribentis; ceterum alia est capitinis inscriptio in vetustioribus collectionibus. Reginonem memoro, qui tempora Nicolai Pontificis attigit; nàm ipse in lib. 2. de Eccles. discipl. postquam in cap. 129. verba descripsit quædam Romanæ Legis nomine (illa ipsa, quæ sub nomine Fabii Papæ Gratianus retulit in can. 26. caus. 32. quæst. 7.) ita prosequitur in cap. 130. Ex eodem; nimis ex Lege Romana: *Siqui matrimonium sani contraxerunt, & uni ex duabus amentia, aut furor, aut aliqua infirmitas accesserit, ob hanc infirmitatem conjugia talium solvi non possunt.*

lum solvi non possunt. Similiter sentiendum de his, qui ab adversariis cœcantur, aut membris detruncantur. Verba illa, aut à barbaris exsceti fuerint, quæ legimus apud Gratianum, desiderantur in Codice Reginonis, quemadmodum etiàm apud Iovinem in parte 8. cap. 166. Baluzius in notis ad Reginonem jam visus est indicare, undènam Gratiani fragmentum sit repetendum; ait enim apud Paulum Jureconsultum lib. 2. sentent. tit. 19. caput istud sic expressum haberi: *Neque furiosus, neque furiosa matrimonium contrahere possunt; sed contractum matrimonium furore non tollitur; cui sententia hanc interpretationem subjunxit Anianus: Siqui matrimonium sani contraxerint, & uni ex duabus amentia, aut furor accesserit, ob hanc infirmitatem conjugia talium solvi non possunt.*

De epistolis ad Lotbarium Regem.

Quæ superiùs de Lothario, ejusque conjugio disserui, facilem sternere vi-
dentur viam ad interpretationem non-
nullorum canonum, qui apud Gratia-
num tribuuntur Nicolao I. ad Lotha-
rium eumdem Regem scribenti. Primus
est canon 4. dist. 63., ubi Pithœus pro
illis verbis *faventem tibi* legendum scrip-
sit *favente te*, contrà quām tamèn lega-
tur apud Iovem in parte 5. cap. 357.
ex quo potius emendanda videntur priora illa Gratiani verba: *Porrò scias, quia re-
latum &c.; nàm legit Ivo: Porrò, quia rela-
tum &c.* Hæc sanè epistola, ex qua decerp-
tus est canon, integra non habetur in Col-
lectionibus Pontificiarum epistolarum,
licet ibidè exhibeantur aliquot aliæ
ad Lotharium scriptæ epistolæ; neque
habetur inter alia ecclesiastica à non-
nullis edita monumenta. Verùm ego mi-
nimè dubito, quominus, quod legitur
in dicto canone 4. jure sit Nicolao tri-
butum, cum ex aliis integris Nicolai
epistolis non nihil simile, & eidem rei
accommodatum legatur, ex quo prop-
terè etiàm liceat Gratianum canonem
interpretari. Est inter epistolas Nicolai
numero 55. scripta ad Ludovicum Ger-

maniæ Regem, penè quem Sanctus Pontifex de Lothario conqueritur, tamquam de eo, qui Waldradæ pellici nimium indulgeret, etià ubi ageretur de eligendis Episcopis; ubi enim vacaverat Trevirensis, & Coloniensis Ecclesia, curavit Lotharius, ut illi consecrarentur Antistites, quibus Waldrada favisset, atque consecrarentur, non à Metropolita, sed ab aliis Episcopis Theutgualdo, & Gunthario, Waldradæ adhærentibus. En verba Nicolai in laudata epistola: *Hinc etià, ut novi Treverensi, & Coloniensi Ecclesiis Antistites darentur, injungimus; videlicet, qui nec per Theutgualdi, & Guntharii dudum Episcoporum, sed nec per jam factæ Waldradæ favorem proveherentur, sed canonice à filii, & de filii jam nominatarum Ecclesiarum electi, ab his, qui eamdem Ecclesiarum Antistites soliti sunt consecrare, regulariter ordinarentur.* Et infrà pollicetur Nicolaus, non aliter se recepturum Lotharium pœnitentem, nisi Reginam Theutbergam velut conjugem suam habeat, & nisi de proprio Clero in Agrippinensi Colonia, atque Treverensi Ecclesiis Episcopos ordinari permiserit, eos scilicet, qui nec Waldrada, nec Guntharii, nec Theutgualdi favore vel elegantur, vel etià consecrarentur. Rursùm idem Nicolaus in epist. 63. scribens ad Episcopos, in Regno Lotharii constitutos, ait: *Principimus vobis, ut suggeratis filio nostro Lothario glorioso Regi, & ei, ut nullum Ecclesie Cameracensi prejudicium inferat, summopere suadere curetis, quatenus, Hilduino submoto, ex se eligendi juxta sacros canones Episcopum Clero, & plebi ipsius Ecclesie licentiam tribuat.* His jungi possent sequentes epistolæ, nimirūm 64. ad Lotharium Regem, & 65. ad Hilduinum Clericum, qui à Lothario electus fuerat Cameracensis Episcopus. Quæ cum ita sint, facile percipitur sententia canonis 4. dist. 63. Cum enim agnosceret Lotharius, ab Episcopis definitionem causæ suæ pendere, quam amore pellicis, & odio conjugis suscepserat, curabat eos eligere Episcopos, qui sibi, suæque voluntati indulgerent, quod sanè Nicolaus probare non potuit.

Epistola Nicolai ad Lotharium, ex ^{can. 3.} qua depromptus est canon 3. caus. 11. ^{caus. 3.} q. 3. quæst. 3., quamque Romani Correctores asserunt extitisse Romæ in monasterio Dominicanorum, hodiè edita est inter epistolæ num. 51. Incipit, *Auditio reverente missu nostro.* Ejusdem epistolæ argumentum in eo consistit, quod Nicolaus Lotharium Regem moneat, ut repudiata conjugem recipiat, demonstretque, non aliter dissociari illud conjugium posse, quam si uterque monasticam vitam proheatur; & propè finem hæc leguntur, ex quibus Gratianus canon emendandus erit, atque supplendus. *Igitur consilium nostrum accipe, & monita nostra tamquam affectuosi Patris amplectere, atque ab omni pravitate mentem, linguam, corpusque refrana, principi Waldrada* (Antonius Augustinus in dialogo 14. de emendatione Gratiani lib. 2. improbat Contii editionem, in qua legitur *Principi Waldrada*, quasi eidem mulieri nomen esset *Principiæ*; quin tamè ullum hujus nominis extet vestigium) *pellicis tue, & dudum à te repudiata, communionem declinans, & ejus consortium perpetue oblivioni contradens. Excommunicata est enim, & usquæ ad præsentiam nostram ab omni Christianorum contubernio sequestrata;* sicut totus jam novit Occidens, & jam jamque per missos nostros minimè cum plagiis ceteris Oriens ignorabit. *Quamobrem cayendum est, ne cum ea pari mucrone percellaris sententie, ac pro unius mulieris passione, & brevissimi temporis desiderio, vindictus, & obligatus ad sulphureos factores, & ad perenne traharis exitum.* Deterius quippe in populis Prælati delinquunt, ac per hoc ipsi crudelius, quam ceteri puniuntur. Sed ut manifestius vera nos dicere scias, B. Papam Gregorium audi, qui ait: *Scire etenim Prælati debent, quia si perversa unquam perpetrant, tot mortibus digni sunt, quot ad subditos suos perditionis exempla transmittunt.* Unde necesse est, ut tanto se cautiùs à culpa custodiant, quanto per prava, quæ faciunt, non soli moriuntur.

Ivo Carnotensis in parte 8. cap. 227. simul jungit ea, quæ à Gratiano relata sunt

Can. 96. sunt in canone 19. caus. 24. quæst. 3.
 caus. 11. cum iis, quæ relata sunt in canone 96.
 n. 3.
 & can. 19. caus. 11. quæst. 3. sub nomine epistolo-
 caus. 24. lae Nicolai ad Lotharium Regem. Ver-
 ba Ivonis hæc sunt, ex quibus sancè codex Gratiani erit emendandus: Ita cor-
 poris tui motibus cedere consensisti, & rela-
 xatis habenis voluptatum te ipsum in lutum
 miseriae, & lutum facis pro libitu dejecisti,
 ut qui positus fueras ad gubernationem populo-
 rum, effectus sis ruina multorum. Probat hoc
 Teugaldi, & Gunthari Episcoporum dudum
 legitimus casus, qui pro eo, quid te minimè
 competenter erudierunt, quinimmo quia pra-
 varicationem tuam tegere argumentis suis sub
 quadam justitia specie fuscatis, quibusdam &
 exquisitis adinventionibus equitatem obruere
 studuerunt, nostrâ sunt auctoritate depositi,
 & ab omni Episcopatus regimine regulariter
 sequestrati. Item infra: an non districtâ ultime
 feriendus es, qui in duabus uxoribus
 adulterium Lamech, & flagitium imitatus
 dignosceris esse? Quod Dominus non nisi post
 77. generationes suo salutifero adventu dele-
 vit, cum Cain fratricidium septimâ generatio-
 ne aquis abolitum sit cataclismi. Antonius
 Augustinus de emendatione Gratiani
 lib. 2. dial. 14. scribit, de his duobus
 capitibus nihil se certi accepisse. Ego
 non dubito, quin jure optimo tribuan-
 tur Nicolao, cum in aliis germanis ejus-
 dem monumentis plura his similia pers-
 picuè exhibeantur. Nam de Theutgau-
 do, & Gunthario depositis in Romano
 Concilio satis constat ex epistola Nico-
 lai, præposita Concilio Romino, ex
 qua depromptum diximus canonem 21.
 caus. 2. quæst. 1., cui addi potest ca-
 non 10. caus. 11. quæst. 3. Præterea
 acres epistolas missas à Nicolao in cau-
 sa Lotharii fuisse deprehendimus ex
 epistolis ad eumdem Regem missis, &
 editis, quæ ferè consonant cum iis,
 quæ nupèr ex Ivone, & Gratiano rela-
 ta sunt; demùm, quæ legimus in dicto
 canone 19. caus. 24. quest. 3., eadem
 ferè scripsit Nicolaus ad Bulgaros, nu-
 pèr ad fidem conversos cap. 51. ibi: Si
 liceat uno tempore habere duas uxores, exqui-
 ritis; quod si non licet, scire cupitis, apud

quem inventum fuerit, quid exinde facere de-
 beatis. Duas tempore uno habere uxores nec
 ipsa origo humanae conditionis admittit, nec
 lex Christianorum illa permittit.... Denique
 hoc tam immane scelus est, ut homicidii qui-
 dèm peccatum, quod Cain in Abel fratrem
 suum commisit, septimâ generatione cataclis-
 mo vindicatum fuerit; adulterii autem flagi-
 tiū, quod Lamech omnium primus in du-
 bus uxoribus perpetravit, non nisi sanguine
 Christi abolitum extiterit, qui septimâ & sep-
 tuagesimâ generatione secundum Evangelium
 luxerit in mundum.

De Epistolis ad Carolum Regem.

Antonius Augustinus in lib. 2. de
 emendat. Gratiani dial. 13. principio
 inquirit, quinam sit Carolus ille Rex,
 ad quem Nicolaus scripsisse fertur; con-
 cluditque, non alium esse, quam Caro-
 lum Calvum, qui Rex Francorum post
 mortem Ludovici Imperatoris salutatus
 erat, eratque memorati Regis Lotharii
 Patruus. Ad hunc itaque Nicolaus epis-
 tolam misit de causa Lotharii, Carolum
 precatus, ut nepotem Regem ad melio-
 ra capessenda consilia adduiceret, & re-
 jectam uxorem revocaret. Est hæc nu-
 mero 50. in editionibus recentioribus
 Conciliorum, atque incipit: *Nunquam*
dolorem generat. Initio laudat Sanctus Pon-
 tifex Caroli Regis pietatem, ac religio-
 nem, quid eo usquè dimissæ Theut-
 bergæ causam tueretur; deinde verò
 lugere se profitetur, quod accepisset,
 Carolum Regem non nihil induluisse
 nepoti adversus Theutbergam ipsam,
 eamque ob rem Reginae causam videri
 penè desperatam, quod tamè Nicolaus
 ne eveniat, Principem obtestatur
 & subdit: *Excellentiam vestram nolumus*
ignorare, adeò Lotharium Regem Theutber-
gam conjugem suam diversis afflictionibus sub-
didiisse, & innumeris pressuris contrà prasti-
ta juramenta subegisse, ut nobis coacta nunc
scriberet, Regiā se velle exui dignitate, seu
copulā, & solā privatā vitā fore contentam
desiderare. Cui nos scripsimus, non aliter hoc
fieri posse, nisi eandem vitam conjux ejus

Lotharius elegerit. Hinc supplere juvabit priora verba canonis 26. caus. 27. quæst.

2. Quæ verò sequuntur in eodem ca-

*Can. 26. none, pertinent ad epistolam Nicolai
caus. 27. ad memoratum Lotharium, quæ est in*

recentioribus collectionibus num. 51., in qua Nicolaus Lotharium monet, ne sibi facilè persuadeat, liberè alteram uxorem ducere, quotiè conjugi dimissa monasticam vitam profiteretur; non alitè enim permittitur conjugium justum dissociari, quām si uterque conjugi pari vita monasticæ professione obligetur; & ait ad eam rem: Nām, licet scriptum sit: quod Deus coniunxit, homo non separat; Deus tamè, non homo separat, quando divini amoris intuitu ex consensu utriusque conjugis matrimonia dissolvuntur. Si ergo hoc modo vis, nos grato permittimus animo, celeremque prebemus assensum; alitè autem fieri mutuam vestram separationem prohibemus.

Prosequitur Nicolaus in epistola ad

Can. 6. Carolum, & refert, Lotharium medi-

tatum fuisse nova judicia, novasque contentiones, accusantem in his adulterium conjugis, cuius causā eamdem jure dimitteret. Discussam jam, di- remptamque fuisse causam, & Theut- bergam fuisse innoxiam declaratam, ait Sanctus Pontifex, nec amplius re defi- nitâ novis judiciis fieri locum posse. Hūc pertinet canon 6. caus. 6. quæst. 4., cuius verba integræ epistolæ omni- nō respondent. Heic verò, subdit, non constitisse Lotharium, qui ut conju- gem magis, ac magis torqueret, ad singularem monomachiam causam vo- luit provocandam, juxtā mores illius ætatis, quā receptum erat aliquandò, ut in mallo, seu in campo, ut ajebant, congrederentur accusatores, & accusati, testes utriusque litigioris, aut qui delegati ab illis essent, & objecti cri- minis probatio ab exitu pugnæ pende- ret. Improbandum asseruit Nicolaus hu- jusmodi judiciariam formulam in cau- sa jam definita Theutbergæ, inquiens: Monomachiam verò in legem assumi nusquam præceptum fuisse reperimus; quam licet quos-

dam iniisse legerimus, sicut Sanctum David, & Goliam sacra prodit historia, nusquam tamè ut pro lege teneatur, alicubi divina sancit autoritas; cum hoc & hujusmodi sec- tantes Deum solummodo tentare videantur.

*His emendabis Gratianum canonem 22. Can. 22.
caus. 2. quæst. 5. Hunc eundem cano-*

nem refert Regino in lib. 2. de ecclie- siast. discipl. cap. 77. cum hoc super-

adscripto breviario: De pugna duorum, quod nostri campum adpellant, quod pro im- putato adulterio solet exerceri. Ex epistola Ni-

colai Papæ ad Carolum Regem. Hūc etiā

*pertinet canon 4. caus. 33. quæst. 2.; caus. 33.
q. 2.*

etenim eamdem materiem prosequens

Nicolaus pōst pauca ita scribit, undē

emendandus erit Gratianus: Præterea, si-

ve de conjugii fædere, sive de adulterii crimi-

ne judicium sit agitandum, nulla ratio pati-

tur, Theutbergam cum Lothario posse legaliter

inire conflictum, vel legitimum controversie

subire certamen, nisi prius ad tempus fuerit

sue potestati reddita, & consanguineis pro-

prius liberè sociata. Inter quos etiā locus pro-

videndus est, in quo nulla sit vis multitudinis

formidanda, & non sit difficile testes produ-

cere, vel ceteras personas, que tām à sanctis

canonibus, quām à venerandis Romanis legi-

bis in hujusmodi controversiis requiruntur.

Alia est Nicolai epistola per paria

Can. 19. caus. 23. exemplaria missa ad Ludovicum Ger-

maniae, & Carolum Calvum Reges, quæ

incipit: Credimus ex Dei dono, atque est

27. in recentioribus Collectionibus.

Erat autem Ludovicus Caroli frater, &

memorati Lotharii p̄truus. Utrumque

Nicolaus exoravit, ut Lotharium in me-

liorem frugem revocarent. Eodem tem-

poore conquestus est apud ipsos, quod,

cum Sanctus Pontifex Concilium Romæ

celebraturus esset, nemo ex Episcopis,

in regno tum Caroli, tum Ludovici,

tum Lotharii consistentibus, Romam

convenisset, licet vocati, licet etiā

non breve tempus fuisse illis constitu-

tem, neque omnes ita detineri possent,

ut saltē ex singulis Provinciis bini non

accederent. Et pōst hāc ita inquit: Re-

prehensibile denique valde esse constat, quod

subintulisti, dicendo majorem partem Episco-

*porum omnium die noctuque cum fidelibus suis
contra piratas maritimos invigilare, ob idque
Episcopi impediantur venire, cum militum
Christi sit Christo servire, militum verò secu-
li seculo; sicut scriptum est: Nemo militans
Deo implicat se negotiis secularibus. Quid si
seculi milites seculari militia student, quid
ad episcopos, & milites Christi, nisi ut va-
cent orationi? Hæc sunt, quæ habentur
in can. 19. caus. 23. quæst. 8.*

Quod legimus in can. 3. caus 33.

*Can. 3.
caus. 33. 3. quæst. 2. perperam tributum est apud
Gratianum Nicolao Papæ ad Carolum
Regem scribenti, quemadmodum jam
animadverterunt Correctores Romani,
suspicati ex canone sequente inscriptio-
nem irrepisse. Facilius huis conjectu-
ra parendum videretur, si nonnulla si-
milia non retulisset Gratianus sub no-
mine Nicolai Papæ in can. 2. caus. 2.
quæst. 2. Porro hæc verba sunt Isidori
Mercatoris, qui in præfatione suæ col-
lectionis multa tradens de iis, qui per
calumniam accusantur juxta ea, quæ
commentus est in epistolis vetustissimis,
Pontificibus adscriptis, hæc habet intèr
cetera. Unde & ecclesiastica historia, ab Eu-
sebio Cæsariensi Episcopo confecta, de mulie-
re quadam, que pro castitate à marito accu-
sabatur, ait: Præceptum, vel interdictum est
ab Imperatore lege latâ, ut primò permettere-
tur ei rem familiarem libere diutius ordinare,
tum deinde respondere objectis. Hec omnes le-
ges tam ecclesiasticae, quam & vulgares, pu-
blicæque præcipiunt. Et post nonnulla ex
Sanctis Patribus, & canonibus Conci-
liorum deprompta, concludit: Si enim de
mulieribus, & secularibus hominibus hæc cons-
tituta sunt, multò magis ecclesiasticis viris,
& sacerdotibus sunt concessa. Quis fuerit in
his Isidori scopus, nemo non videret;
cum enim sibi agendum præcipue pro-
posuisset de Episcopis accusatis, quemadmodum in omnibus ferè à se confec-
tis epistolis recinit, nihil antiquius ha-
buit, quæm eò etià referre aliquot ve-
tusta monumenta, quale erat, quod ex
Eusebio descripsit. Ceterum hujusmodi
exemplum parum, aut nihil valere poterat, ut Gratianeo proposito accomo-*

daretur. Narrat Eusebius lib. 4. histor.
Eccles. cap. 17., duos fuisse conjuges
lascivæ pari, & intemperantia deditos,
uxorem deinde sacro baptimate Deo sa-
cratam curavisse, ut maritum à vitio
revocaret. Maritus è contrario pervicax
Alexandriam perrexit, ibidèmque eo
etià gravioribus vitiis animum inqui-
navit. Religiosa uxor verita, ne pessimo
viri exemplo maculam & ipsa con-
traheret, à marito divertit; quamobrem
iratus maritus eamdem apud publicos
Ethnicos Magistratus accusavit, quod
Christo nomen dedisset. Ipsa uxor in-
terea supplici libello Imperatorem ob-
testata est, ut prius rei familiari procu-
randæ, atque administrandæ sibi facul-
tas daretur, ac deinde rebus domesticis
constitutis accusationi se responsuram
esse pollicita, cui annuit Imperator.
Quid verò commune habet cum hoc
exemplo, quod apud Gratianum agitur
de uxore dimissa à viro absque causæ
cognitione? Qui conferet sententiam
memorati canonis 3. cum ceteris senten-
tiis canonum, in eadem causa, & quæsti-
one descriptorum, facile intelliget,
quæm procùl in hac parte Gratianus à
proposito consilio aberraverit.

De epistola ad Ludovicum Regem.

Ludovicus Germaniæ Rex, & Lo-
tharii Regis Patruus, de quo superius Can. 16.
actum est ad can. 19. caus. 23. quæst. caus. 2.
8. is idem est, ad quem Nicolaus epis-
tolam scripsit num. 55. quæ incipit: Sy-
labarum vestrarum, unde depromptus est
canon 16. caus. 2. quæst. 1. Ibidèm sa-
nè nihil aliud exhibetur, quæm causa
Lotharii Regis, à Nicolao Pontifice Lu-
dovico Patruo etià commendata. Ver-
ba dicti canonis 16. cum epistola ipsa
optimè consonant. Tribuitur quoquæ
Nicolao ad Ludovicum Regem scriben-
ti canon 8. dist. 96. Sed cum iste canon Can. 8.
potius referendus sit ad epistolam Ni-
colai ad Michaelem in Oriente Impera-
torem, commodiùs de eodem sermo in
ferius erit instituendus.

De epistola ad omnes Episcopos in Regno Ludovici.

Refert Gratianus in can. 4. caus.
 Can. 4. 20. quæst. 3. epistolam Nicolai ad om-
 nes Episcopos, in Regno jam memora-
 ti Ludovici constitutos: & quidèm
 Gratianus Iwonem secutus videtur, qui
 in parte 6. Decreti cap. 356. eamdem
 epistolam exhibet sub hac inscriptione:
Nicolaus Papa I. omnibus Episcopis in Regno
Ludovici. Cum verò apùd Iwonem non-
 nulla sint aliter edita, juvabit eadem
 hic adnotare: *Præsens Clericus.... nomine*
Atho.... ut pòst suum discessum præsens fi-
lius ejus Lambertus in locum ei succederet....
inter octavum, & undecimum annum.... vo-
luntatem illius cucullam induit.... Episcopus
eum cum quibusdam aliis eidem Lamberto abs-
que.... benedictione monasticum illum in due-
re fecit habitum, ut fertur, invitum.... per-
manere voluit. Super.... sed idem Clericus
Atho.... ut suus filius verus Monachus fuisset,
& in locum ei successisset. Sed sub testifica-
tione jurejurando firmabat, quòd.... Mon-
achico habitu violenter induitus fuerit, asserens,
qua nunquam regulam aliquandò promisit....
pallà altaris involutum illum obtuli.... regulæ
nunquam subactum fuisse Monachum. Super
bis.... Clericus Atho.... Quod enim quis non
elegit.... Quapropter consultius agitur.... ma-
terna illud (quod absit) hereditate privare....
regulis se subdat &c. Apùd alias Collec-
 tores, ne in ipsis quidèm amplissimis
 recentiorum Collectionibus, hoc ipsum
 monumentum minimè legitur. Ego ve-
 rò plurimùm de eo dubito, ne fortè
 falsò tributum illud fuerit Nicolao.
 Näm, quotiès conferatur cum aliis Ni-
 colai epistolis, ac præsertim cum epis-
 tola scripta ad Episcopos, in Regno
 Ludovici constitutos, numero 58. apùd
 Labbeum, quæ incipit *Gaudemus qui-*
dem, perspicuè liquebit, omnium sty-
lum à stylo illius plurimùm dissonare,
 ut nulla sit epistola, quæ cum ista quo-
 quo modo conveniat. Præterea non vi-
 deo, quæ ratio esse potuerit Nicolao,
 cur in causa privati cuiusdam Monachi,

in qua quæreretur, num quis in Mo-
 nasterio consistere necessariò deberet,
 an posset relinquere monasterium, uni-
 versos in Regno Ludovici, sive in Ger-
 mania constitutos Episcopos excitaret;
 neque enim consueverunt leviores istæ
 controversiæ in majoribus Synodis, &
 plurium Episcoporum discuti; quod
 magis magisque confirmatur ex eo,
 quòd in Conciliis illius ætatis, quæ sa-
 nè plura celebrata feruntur, nihil hu-
 jusmodi gestum adparet, quamquam in illorum actis nonnullas alias causas di-
 remptas perlegamus: verosimile autem
 non est, in eisdem Conciliis nihil omni-
 nò exhiberi de hac controversia, quotiès
 eadem fuisset Germanicis Episco-
 pis auctoritate Nicolai Pontificis com-
 mendata. Demùm, si canonis Gratia-
 nei integrum sententiam consideres, ne
 illam quidèm invenies dignam Pontifi-
 ce Maximo: Siquidèm proponitur ibi-
 dem quidam adolescens invitus, & pa-
 ternà auctoritate impellente, addictus
 Monasterio: declaratur is solitus ab
 omni vinculo, quòd ejusdem voluntas
 defecerit, interè tamè teneri videtur
 ad vitam communem ducendam inter
 Canonicos regulares. At jure quæreres
 ab auctore canonis, cur ille profiteri
 debeat Canonicorum regularium vitam,
 de qua nunquam cogitavit, quandò
 Monasterio non obligatur, cui paternà
 voluntate fuit addictus? Imò nec satis
 quidèm constat, utrùm paternà volun-
 tate fuerit adolescens idem Monasterio
 addictus, cum in principio epistolæ,
 auctor asserat ità Monasteria ædificata
 fuisse, ut Patre decedente, ut legit
 Gratianus, aut discedente, ut legit Ivo,
 filius in Patris locum succederet. Qui
 ergò dicet obstrictum Monasterio fi-
 lium, oportet etià supponat obstrictum
 Patrem, contrà quām ex ipso con-
 textu epistolæ deducatur.

De Epistola ad Episcopos, in Con-
cilio apud Convicinum con-
gregatos.

Can. 1.
dist. 10.

Cum Rothadus Suessionensis Episcopus in Concilio, habito in Convicino villa propè Silvanectum, circà annum 863. accusatus fuisset de variis criminibus, ac præsertim quòd ipse Presbyterum injustè deposuisset, bona dissipasset Ecclesiæ, & Hincmari Rhemensis Archiepiscopi, suique Metropolitani præceptis obstitisset, dum agnosceret brevi se in eadem Synodo, cui Hincmarus præerat, esse damnandum, forte etiàm deponendum ab Episcopatu, Romam ad Maximum Pontificem antè sententiam Concilii appellavit. Hæc interposita appellatio Hincmarum, & suffraganeos ejusdem Episcopos à proposito non dimovit, qui Rothadum damnaverunt, deposuerunt, eidemque dejecto successorem dederunt. Id ægrè admodum tulit Nicolaus, qui, objurgatis Episcopis Silvanectensibus, tandem pòst plura gesta in Romano Concilio Rothadum in pristina jura restituit. Quid scripserit Nicolaus ad memorati Concilii Antistites, exhibetur in epist. 32., quæ incipit *Scriptis dilecta fraternitatis*, ad quam pertinet can. 1. dist. 10. Inter cetera Silvanectenses Antistites, ut justam sententiam depositionis assererent, ajebant ex Juris Imperialis principiis non posse interponi appellationem, antequam sententia abs judge inferiore dicitur; quod fecerat Rothadus ad Apostolicam Sedem provocans, antequam sententia in Provinciali Concilio pronunciaretur: deinde ajebant etiàm ex principiis Imperialis Juris, non esse recipiendam appellationem à sententia illorum, qui electi velut arbitri fuerint; Episcopos autèm in causa Rothadi judicatores electos specialiter fuisse. Nicolaus, è contrario ab his principiis contendum esse contendens, ità scripsit: *Insuper autem, & ad imminutionem Apostolicæ, & summae Sedis privilegiorum, quibus*

Tom. III.

vestrarum quoquè Ecclesiarum privilegia firmare depositiis, Imperatorum leges proponitis, quibus quasi prohibentibus, adstruere non habuisse appellationis vocem Rothadum nitimini, cum constet constitutionibus mundanarum legum, & Imperatorum non omnibus ecclesiasticis controversiis utendum esse, præsertim cum inveniuntur ecclesiasticae, ac canonicae sanctioni obviare. Ad quod ostendendum duorum heroum, Innocentii scilicet, & Gregorii, satis sufficiente testimonio. Sanctus Innocentius quidem in decretali epistola sua ad Alexandrum Antiochenum Episcopum ait: Nàm, quod scissitatis, inquiens, utrum divisis imperiali iudicio provinciis, ut duo metropoles fiant, sis duo metropolitani Episcopi debeat nominari. Non ergò visum est, ad mobilitatem necessitatum mundanarum Dei Ecclesiam commutari, honoresque, ac divisiones perpeti, quas pro suis causis facendas duxerit Imperator. Beatus autem Gregorius, scribens ad Theoctistam Patriciam, inter cetera, si enim, inquit, religionis causâ conjugia debere dissolvi dicunt, sciendum est, quia etsi hoc humana concessit lex, tamè divina prohibeat. Ecce, quemadmodum Imperiali iudicio non possint ecclesiastica jura dissolvi; ecce qualiter, quod lex humana concessit, lex divina prohibeat. Non quòd Imperatorum leges, quibus sèpè Ecclesia circà hereticos utitur, sèpè circà tyrannos, atque circà pravos quosque defenditur, dicamus penitus renuendas; sed quòd eas evangelicis epistolis, atque canonis decretis, quibus postponenda sunt, nullum posse inferre præjudicium adseramus. Pòst hæc ad suam rem laudat Nicolaus statuta Concilii Sardicensis, quæ habentur in can. 7. caus. 6. quæst. 4. Interè ex his omnibus supplere poteris memoratum canonem 1. dist. 10., quem ut commodè interpreteris, te juvare admodum poterunt alia monimenta, seu nonnullæ Nicolai epistolæ in eadem causa, modò ad Episcopos, modò ad Principes, modò ad Rothadum ipsum directæ, seu nonnullæ epistolæ Episcoporum, ac præsertim Hincmari Rhemensis ad Nicolaum, seu acta Conciliorum illius ætatis, in quibus discussa videtur ejusdem Rothadi controversia, junctis iis, quæ Interpretes nume-

ro multi in eamdem rem abundè scrip-
serunt.

De epistolis ad Hincmarum Rbe- mensem Archiepiscopum.

Can.
dist.

3. Ex iis, quæ superiùs de Rothadi
8. Sversationensis causa disserui, satis liquet
subortas aliquas fuisse simultates inter
Nicolaum Pontificem, & Hincmarum
Rhemensem Archiepiscopum, qui con-
trà Rothadum Suffraganeum suum acer-
rimè pugnavit, quemadmodùm & ad-
versus alios Clericos, qui deindè ad Ni-
colaum Pontificem appellaverunt. Cum
verò Sanctus idem Pontifex agnosceret,
Hincmarum potestate sua vividius, quām
par esse, uti, ac Metropolitani privi-
legio, ità eumdem redarguit in episto-
la, cuius initium est: *Epistolam Beatitu-
dinis tuae*, edita inter acta Concilii Sves-
sionensis III. anni 866.: *Quamvis hac ne
nos arbitriteris ad discrimen quodlibet tuae sanc-
titatis, vel dignitatis exaggerasse, cum, me-
liora esse vulnera diligenter, quām fraudulen-
ta odii oscula, non nescias: sed ne adeò in pri-
vilegiorum tuorum defensionem, vel elationem
immoderatius erigaris, ut Apostolicae Sedis iu-
ra quoquomodo temere tetigisse videaris. Nam
mala consuetudo, quæ non minus, quām per-
niciosa corruptela, vitanda est, nisi citius ra-
dicitur, in privilegiorum jus ab im-
probis assumitur, & incipiunt prævaricationes,
& varia presumptiones celerrimè non compres-
sa pro legibus venerari, & privilegiorum mo-
re perpetuo celebrari.* Ex his supplebis ver-
ba canonis 3. dist. 8.

Can. 5.
dist. 12.
& can. 30.
caus. 17.
q. 4.

Alia est Nicolai epistola ad Hinc-
marum Rhemensem, & ceteros Archie-
piscopos, & Episcopos, in Regno Ca-
roli Regis Ecclesias constitutas regen-
tes, quæ incipit: *Omnium nos portare one-
ra, atque est numero 70. in Labbeana
collectione.* Ibidèm Nicolaus conscient
eos Episcopos reddit de ambitu, ac per-
fidia Græcorum, qui, cum nupèr Pho-
tium, expulso Ignatio, in Sedem Con-
stantinopolitanam intrusissent, molieban-
tur à Romana Ecclesia divertere, imò
& doctrinam Romanæ Ecclesiæ, disci-

plinamque damnare. Adversus eosdem
Græcos Nicolaus Hincmar, aliorum-
que Antistitum animos inflammavit,
quorum alacri studio futurum sperabat,
ut Orientalium ausus cohíberentur: ex
hac epistola depromptus est canon 5.
dist. 12., quo exhibetur Nicolaus urg-
ere, ne quisquam, quæ à Sanctis Pa-
tribus tradita sunt, patiatur infringi. In-
ter cetera verò, cum Græci libellum
fidei à Legatis Sedis Apostolicae Con-
stantinopolim accendentibus postulav-
sent, ut Romana exhibita dogmata li-
berè, perspicuèque dñmarent, non po-
tuit id non ægrè ferre Nicolaus, ità in-
quiens in eadem epistola: *Libellos autem
nos ab illis & exigere, & suspicere, non au-
tem illos à nostris requiri solere, consuetudo
huc usque custodita demonstrat.* Cum enim
Christi munere, propter Primatum Ecclesiæ
Romana in Beato Petro concessum nemini sit de
Sedis Apostolicae judicio judicare, aut illius
sententiam retractare permisum; constat ni-
mirum, eos ab his nullum jus possidere libellos
exigendi, quos habere fas judicandi nullo ju-
bentur canone, nullo probantur exemplo. Hæc
eadem ferè sunt, quæ Gratianus retu-
lit in can. 30. caus. 17. quæst. 4., quem
propterea ex integra epistola non tam
supplere, quam emendare juvabit.

Ad memoratam Rothadi causam,
quam Hincmarus discusserat, non obs-
tante introductâ appellatione ad Sedem
Apostolicam, pertinet alia Nicolai epis-
tola ad Hincmarum, quæ incipit: *Si cor-
ram tue prudentiae oculis;* ibidèm enim Ni-
colaus totus est, ut redarguat Hinc-
marum quasi veterum canonum viola-
torem, atque eo spectat ex illa epistola
depromptus canon 13. caus. 2. quæst.
6., cui jungendæ sunt Romanorum
Correctorum notæ, quas non universi
probant; etenim in editis epistole exem-
plaribus postrema canonis verba ità ex-
hibentur: & canonicâ Patrum deliberatione
pristino tandem, & proprio decorarentur ho-
nore.

Antonius Augustinus in lib. 2. de
emendat. Gratiani dial. 12. inter incer-
ta Nicolai monumenta recenset cano-
nem

Can. 13.
caus. 2.
q. 6.

Can. 21.
caus. 3.
q. 9.

nem 21. caus. 3. quæst. 9.; verùm, licet eadem ipsa Gratiani verba in editis Nicolai epistolis desiderentur, nonnulla tamè similia passim apùd Nicolaum leguntur. In epistola ad Hincmarum Rhemensem 29., quæ incipit *Sanctitatem vestram*, loquens de causa Rothadi Episcopi Sversationensis, ad Summum Pontificem appellationis causâ devolutâ, itâ scribit Nicolaus: *Siqui videntur illius esse calumniatores cum presbytero illo, qui dejectionis ipsius causa extitit, Romanam pariter cum sepe memorato Rothado omni remotâ occasione, indesinenter occurrant. Hoc autem expressè decernimus, ut post xxx. dies, postquam hæc nostra epistola ad vos delata fuerit, aut prefatum virum Rothadum omnino restituatis pristinæ dignitati, aut si justè vos in eum egisse putatis, Romanam cum eodem vos, vel vester legatus, vestram vicem in omnibus ferens, ut utriusque partis causam ad liquidum sciamus, adveniat.* De eadem Rothadi damnatione scribens in epistola 32. ad Episcopos Synodi Silvanectensis, asserit se nihil definire ullo modo posse, incognitis rebus, priusquam universa, quæ gesta essent, veraciter audivisset; imò se scripturis ex partibus missis non satis credere, proindeque se judicare non posse, quoquæ nemo partis illius, qui objectis annueret, vel renueret, Pontificem adivisset, addens: *Nam accusatores, quodcumque voluerint, dicunt, & scimus justum mediatorem non esse, qui sic unam partem audit, ut alteri parti nihil reservet.* Addere his possumus similem Nicolai sententiam, quæ legitur in canone 12. caus. 3. quæst. 9., ex quibus omnibus cum perspicue liqueat, tradi saepissime apùd Nicolaum, nullam posse proferri sententiam, nisi coram Judice præsentes adsint & accusatores, & is, qui de crimine accusatur, quid aliud elaborandum superest, ut investigetur curiosius, num memoratus canon 21. sit Nicolai nomine recipiendus?

Can. 102.
caus. 12.
q. 3. Rursùm Antonius Augustinus ex-pendens canonem 102. caus. 11. quæst. 3. in dial. 15. lib. 2. de emendatione Gratiani nihil aliud concludit, quæ

illum inter incerta capitula esse recentendum. Hodiè vero edita est epistola Nicolai ad Hincmarum Rhemensem in recentioribus collectionibus in appendice 1. num. 18., cuius verba cum paùlo aliter describantur, quæ sint apùd Gratianum, juvabit hic integra referre. Scribit Nicolaus: *Excellentissimus Rex Carolus apostolatum nostrum consuluit, quid agendum sit de his, qui cum Ingeltrude sàpè damnata communicant feminâ, quonià eos cum excommunicatis, & fautoribus simul priùs vinculo anathematis retineri constat adstrictos. Quapropter nùno Beatitudini tuae injungimus, ut super hoc nostrâ auctoritate freta curam de his sumere audeat. Et quia docta divinitus Sanctitas tua valde novit, aliud esse ex necessitate, aliud ex ignorantia, atque aliud, quod ex studio delinquit; istudque posterius duobus prioribus strictius esse puniendum, idcirò solerter invigilet, & cautâ discretione singulorum mores dijudicet, quatenus hi, qui ex necessitate, vel ignorantia delinquunt, auctoritate nostrâ per te absolvantur, si tamè ipsa eorum ignorantia, & necessitas vera, & non simulata, vel non ex voluntate processerit, qualiter bene nosti. Plerique sunt, qui possunt quidem, sed nolunt recta nosse. Unde Psalmista in hujusmodi: Noluerunt, inquit, intelligere, ut benè agerent. Illos autem, qui studio suo obligantur, & contemptu interdicta nostra postponunt, non nisi dignâ satisfactio-ne præveniente, volumus à te prorsus absolvi. Erat Ingeltrudis Mattefredi quondam Comitis filia, nupta Bosoni etiàm Comiti, reictoque viro in regno Lotharii cum pessima sui nominis fama vagabatur. Iniquum hoc exemplum minimè ferens Nicolaus, propterea ad Carolum Regem epistolas scripsit, ut Lotharium nepotem suum Regem moneret, ne diutius sineret in Regno suo liberè adulteria perpetrari, quemadmodùm liquet ex Synodo Tullensi anni 860., & ex Hincmaro de divortio Lotharii; imò & idem Nicolaus in Romano Concilio III. anni 863. can. 4. camdem Ingeltrudem se anathematizavisse cum fautoribus suis professus est. Videantur ad hanc ipsam rem epistolæ Nicolai 53. ad Ludovicum*

Regem Germaniæ, 54. ad Episcopos in Regno Caroli constitutos, unà cum epistola Arsenii Episcopi Hortensis, & Legati Apostolice Sedis ad omnes Episcopos, & Fideles Galliæ, Germaniæ, ac Neustriæ, itèm epistola 1. appendicis 1. ad Carolum Regem in Veneta Labei editione.

De epistolis ad Episcopos Galliæ.

Vix est, qui non noverit, quād acres sub Nicolao I. fuerint Gallicano-
dist. 29. rum Episcoporum contentiones invicem subortæ, quibus occasionem primū dedit Rothadi Suessionensis, jam superius memorati, causa, quasque fervidiores etiā reddiderunt nova dissidia concitata inter duos Hincmaros, Rhemensem, & Laudunensem Episcopos, patruum, ac nepotem. Agebatur de accusatis Episcopis, & eorum causa in provinciali Concilio discutienda, non solum usquæ ad definitivam sententiam, sed etiā usquæ ad sententiæ executiōnem, non obstante introducētā ad Sedem Apostolicam provocatione. Rothadus in primis temporibus Nicolai in Concilio provinciali damnatus appellaverat, postulabatque, ne quidpiam, appellatione pendente, innovaretur; neque deerant ipsius causæ patroni: deinde Hincmarus Laudunensis, in Concilio apud Attiniacum damnatus temporibus Hadriani II. eadem ferè Rothadi vestigia presserat, ac non nisi seriùs pacati Gallicanorum animi quieverunt. Emerserant tunc epistolæ decretales, aucto-
re Isidoro Mercatore, vetustissimis, ac sanctissimis Romanis Pontificibus adscriptæ, quibus causæ Episcoporum, præsertim criminales, quasi causæ majores, ita reservatae Sedi Apostolicae demonstrabantur, ut locus Provincialium Episcoporum judicio fieri vix posset: hinc tamen Rothado, quād Hincmaro Laudensi nihil antiquius fuit, ut suæ causæ firmum aliquod patrocinium quærerent, quād eas epistolas producere, quibus suorum Metropolitarum, & Provincial-

rium Synodorum jurisdictionem aut in totum, aut in parte saltēm eluderent. Constant hæc perspicuè ex actis memoriati Concilii apud Attiniacum, & ex capitulis Hincmari Rhemensis adversum Hincmarum Laudunensem scriptis. Inter cetera verò argumenta, quibus Hincmarus Rhemensis, & cum eo plures Gallicani Antistes utebantur, ad vindicandam plenissimam suorum Conciliorum auctoritatem, duo hæc potissima producebantur. Primum, quod illæ epistolæ ita singulares erant, & causis, pro quibus scriptæ fuerant, speciali jure accommodatæ, ut generalem disciplinam perpetuō, & in unaquaque provincia servandam minimè constituerent. Alterum, quod eadem epistolæ in codicibus canonum, ad usum Ecclesiarum editis, non continerentur. Nicolaus, qui Rothadi causam jam suscepérat, è converso adversus Gallicanorum Episcoporum sententias scribens, probare non potuit rationes illas: hinc, postquam demonstravit causas Episcoporum velut maiores referendas esse ad Apostolicam Sedem, ostendit præterea, quād infirma essent objecta Gallicanorum adversariorum epistolas Isidorianas, quas non quidem Nicolaus idem produxerat, sed ab Episcopis provocantibus ad Sedem Apostolicam, præsertim ab Hincmaro Lugdunensi, productas acceperat. Huc spectat epistola, quæ incipit *Quamvis singularum Ecclesiarum*, Nicolai ad universos Episcopos Galliæ, & refertur inter acta Concilii Romani VII. anni 865. in recentioribus Conciliorum editionibus. Ex eadem depromptus est canon 1.
dist. 19., cuius priora verba ita legenda erunt: *Si enim ipsorum (subaudiendum est Romanorum Pontificium, de quibus anteā institutus erat sermo, quod Gratianus expressit) decreto ceterorum opuscula tractatorum approbantur, vel reprobantur, ita ut quod Sedes Apostolica probat, hodie teneatur acceptum, & quod illa reputat, haec tamen inefficax habeatur, & quando potius, que ipsa pro catholica fide, pro profanis dogmatibus repellendis &c.* Post illa

verba esse prohibeant ita sequitur in epistola Nicolai: Nām nonnulla eorum scripta penes Nos habentur, que non solum quorumcunque Romanorum Pontificum, verū etiā priorum decretā in suis causis preferre noscuntur. At nūc, ubi suis animis resultare, & privilegia tantō zos, ut in sui status incolumitate persistant, elaborare non cessamus, quanto universa Ecclesiae profuisse, prodesse, ac profutura semper esse probantur. Dignum ergo est, ut, ubi universa fabrica moles innititur, ibi firmum, validumque habeatur in omnibus fundamentum. Porro, si idē non esse decretales epistolas priscorum Pontificum Romanorum admittendas dicunt &c. In vers. Ergo doctrinam nonnulla Gratianus adjecit, pro quibus ita erit legendum: Ergo doctrinam eorum, & sanctiones de codicibus suis eradant, ut quid &c. Ex hac integra epistola liquet, Nicolaum quidē Sedi Apostolicā reservatas dixisse causas illas ecclesiasticas, in quibus ageretur de deponendis Episcopis, at ad id demonstrandum non quidē argumentis usum fuisse, quae ex Isidorianis epistolis depromerentur, sed potius aliundē hausisse, & quidē gravissima argumenta. Quod si de vettustorum Pontificum epistolis non nihil attigit, non eo mentem convertit, ut illas velū indubias prorsūs, & firmissimas habendas censeret, sed quod nosset Gallicanos Episcopos generaliter omnes decretales Maximorum Pontificum genuinas etiā, & germanas contemnerent, quoties in Codice canonum non legerentur. Licet autē parūm interesset, aut nihil Christianæ Reipublicæ ad epistolas Isidorianas veluti ecclesiasticæ disciplinæ præsidium confugere, cum incertis, aut falsis monumentis nunquā Ecclesia ad stabilitatem sui opus habuerit, intererat tamē quād maximē præjudicium illud ab animis fidelium, ac potissimum Episcoporum averruncare, qui putabant, nihil recipiendum esse, nisi quod in canonum Codice expressum contineretur. Quis enim non noverit, exindē etiā non nihil videri potuisse detractum non, solum sanctissimis ecclesiasticorum virorum monumentis,

verū etiā ipsis sacris literis, quemadmodū egregie Nicolaus argumentabatur. Videantur ad hanc rem, quæ inferiū traduntur ad canonem 14. caus. 3. quæst. 9.

Antonius Augustinus in Dialogo 13. ^{Can. 2.} lib. 2. de emendatione Gratiani expen- ^{caus. 15.} q. 6.
dens canonem 2. caus. 15. quæst. 6. ita scribit: Ex epistola ad Episcopos Gallie esse dicitur; apud Petrum Ciaconium in incertis collocatur. B. Nusquam extare adscripserunt Romani Correctores, qui notant ex ea probari auctoritatem epistolæ primæ Alexandri primi. A. Debutissent prius, cuius esset hoc caput, probare, nām ex incertis incerta probatio elicetur. Nicolaum relatas epistolas ab Isidoro Mercatore non improbare dubium non est. Tria hoc in loco pronunciat vit eruditus. Primum, inter incerta Nicolai monumenta illum canonem recenserit: deinde Correctores Romanos ex eo perperām probare auctoritatem epistolæ 1. Alexandri I. demū Nicolaum I. Pontificem non improbabuisse epistolas, ab Isidoro Mercatore editas. Quod spectat ad primam Antonii Augustini observationem, non repugno; imò & dubitationi tum ejusdem Antonii Augustini, cum Ciaconii vires adduntur, sive ex eo, quod inter monumenta, hūc usquè edita sub Nicolai nomine, idem canon locum non habeat; sive ex eo, quod quæ de Episcopo Treverensi ibidē traduntur, non satis congruere possunt Theutgardo tūc temporis Episcopo Treverensi, utpotè qui suis negotiis ita implicabatur, cum passim in Synodis, & epistolis Pontificiis unā cum Gunthario Episcopo damnaretur, ut non posset aliò se, suosque Clericos divertere unā cum illis, qui proponunt eodem obligationis genere colligati; sive demū ex eo potissimum quod verosimile non est, Nicolaum ad Episcopos Galliæ scribentem inniti voluisse auctoritate Alexandri I. juxtā illas epistolas, quæ ex Isidori Mercatoris officina prodierant: noverat enim perquād abundē, Gallicanos Antistites parum, nihilque deferre hujusmodi monumentis; si enim in gravissimis causis,

ac controversiis, quæ apud Gallicanos Antistites concitatæ fucrant, ipse Nicolaus abstinuisse dignoscitur à referendis singularibus Isidorianarum Decretalium capitulis, quod de illorum auctoritate dubitare nosset Gallicanos Antistites, quid comminiscitur Gratianus, aut quisquis Gratiano auctor extitit, epistolam ad Gallicanos Antistites scriptam, in qua Nicolaus demonstrat se Alexandri Papæ decretis adhærere, illis inquam decretis, quæ edita fuerant à Mercatore, & quorum vi Gallicani Antistites se minimè premi candidè profitebantur? Non aliud in hac sua epistola Nicolaus obtinuisset à Gallicanis, quam ad veterem quæstionem acriùs Gallicanorum animos concitare, suaque, quas proponbat sententias, novis ambagibus involvere. Quod spectat ad alteram Antonii Augustini notam, quâ tradit Romanos Correctores ex hoc Nicolai monumento velle probare auctoritatem epistolæ 1. Alexandri I. Pontificis, atque in hac parte in eo peccare, quod ex incerto fragmento velint probationem certam elicere, non possum viro eruditio adsentiri, cum nihil tale ex Romanorum eorumdem Correctorum observationibus colligi possit. Ajunt illi tantum, Nicolaum citare epistolam Alexandri I., de qua notaverant supra dist. 19. can. Si Romanorum. An vero in his verbis voluerint iidem Correctores asserere, Nicolaum reverâ probavisse Alexandri I. epistolam, ego satis non video; cum aliud sit à Nicolao epistolam Alexandri citari, aliud Alexandrinæ epistolæ firmari auctoritatem: deinde Romani Correctores non definiverunt ibidem à Nicolao I. reverâ laudari epistolam Alexandri I., tantum indicaverunt, quænam esset epistola Alexandri I., quæ hoc in loco sub Nicolai nomine laudabatur. Demum, quod attinet ad postremam Antonii Augustini notam, asserentis Nicolaum non improbabuisse epistolas Isidori Mercatoris, quoque consistamus in eo, quod Nicolaus nihil adversus eam auctoritatem definiverit, non ob sisto: at si eo usquè redigenda res sit,

ut tradatur, Nicolaum probavisse ac confirmavisse auctoritate sua epistolas Isidorianas, nullo modo adsentiri possum; etsi enim improbaverit, confece ritque gravissimis argumentis Gallicanorum Antistitum sententias, qui Isidorianas epistolas idè rejiciebant, quia in Codice canonum non habebantur, non tamè exindè ea omnia confirmasse intelligitur monumenta, quæ posita erant extrà Codicem canonum, sive germana essent, sive commentitia. Cujus rei gravissimo arguento est, quod Nicolaus nunquam dignoscitur inter contentiones, quas gravissimas habuit adversus Gallicanos Antistites, earum epistolarum proposuisse auctoritatem, & ex illis deprompsisse sententias, quæ ceteroqui sèpissimè ejusdem proposito fuissent accommodatae.

De epistola ad Gallionem Episcopum Senensem.

Quæ apud Gratianum memoratur ^{Can. caus. 2.} epistola Nicolai ad Gallionem, aliis in collectionibus melius dicitur scripta ad Vvenilonem, seu Vvanilonem Archiepiscopum Senonensem, quemadmodum habetur in integra epistola, edita à Cordesio in Appendice opusculorum Hincmarii Rhemensis, & in recentioribus Labbei editionibus in 1. Appendice epist. 23., & in actis Concilii Senonensis anni 862. Epistolæ argumentum hoc est. Herimannus quidam Nivernensis Episcopus Vvenilonis Senonensis Metropolitæ suffraganeus tali identidem & corporis, & animi infirmitate corripiebatur, ut rebus ecclesiasticis non tam parum consulere, quam gravissimum detrimentum adferre palam diceretur. Deducta causa fuit ad Concilium Sues sionense 2. anni 853., in quo cautum est, ut Metropolitanus, quasi Visitatoris officio fungens, ad Nivernensem Civitatem accederet, ibidem negotia omnia ecclesiastica peracturus, atque interea Herimannus in urbe Senonensi maneret, donèc infirmitas perseveraret. Post ali quo

quot menses, celebrato eodem anno Concilio Vermeriensi II. decretum est, ut Herimannus, æstivo lapso tempore, quo nimirum magis ægritudine premebat, ad suam Civitatem reverteretur, ibidem pastorale officium iterum suscepturus. Sed Vvenilo anno 862. unà cum suffraganeis suis Concilium celebrans hanc ipsam Herimanni causam retractavit, reque discussa suo, & Conciliis nomine, ita ad Nicolaum Pontificem scripsit, quemadmodum edidit Petrus Delalande ex Codice Floriacensi. Suggerimus mansuetissime Paternitati vestre, in nostra Diæcesi in oppido, quod Nevernum dicitur, esse quemdam Episcopoli officio præditum nomine Herimannum, qui frequenter admonitus, & diu expectatus, ut revalesceret, implere non sufficit ipsum officium mente non integra. Dicitur autem Melchiades Papa decrevisse, ne quis unquam Pontifex sine consensu Papæ Romani deponeretur. Unde supplicamus, ut statuta illius integræ, sicut penes vos habentur, nobis dirigere dignemini, ut hinc dictis ipsius confirmati, aut sicut B. Gregorius doctor fecit de Ariminensi Episcopo, simili incommodo laborante, sequamur, aut sicut S. Gelasius docet, removendus sit mente percussus. Quò verum absq[ue] dubietate sciamus, expetimus, & expectamus vestrum judicium, ne in temeritatis calumniam aliquatenus incidamus, sed vestro instituti moderamine veritatis, & rectitudinis tramitem nullatenus deseramus. Optamus sanctitatem vestram in Christo bene valere. His respondit Nicolaus, in primis laudans Vvenilonem, ejusque suffraganeos, quod non, sicut quamplurimi ex Gallicanis Antistitibus fecerant, Apostolicæ Sedis auctoritatem contemnerent, sed ad illam potius confugerent, ubi causa deponendi cujusdam Episcopi versaretur. Deinde, ad Herimanni causam veniens, monuit Episcopos, ne illum dejicerent, sed potius infirmum adjuvarent, sublevarentque, ne pondus ponderi superadderent; ac tandem ita conclusit: Indicatis autem, illum super quibusdam excessibus fuisse frequentè accusatum: pro quibus quia ex parte ipsius persona deest, nos uni parti ad alterius discriminem credere procùl dubio non possumus, quamvis

nec usque adhuc, qui fuerint illi excessus, dixeritis, nec utrum sana erat mente idem Antistes, nec ne, cum ipse excessus perpetrabat, evidenter ostenderitis; satisque arbitramur, quamlibet interim infirmitatem ad pœnam peccati, quam ad ipsum pertinere peccatum, cui magis consulendum sit, & compatiendum, quam puriendum, vel aliquo modo feriendum &c. Ita exhibit Labbeana editio, contra quam in aliquibus verbis ediderit Cordesius in Appendix Hincmarii Rhemensis; nam pro illis verbis: Credere procùl dubio non possumus, quamvis nec usque adhuc, qui fuerint illi excessus.... nec ne cum ipse excessus... arbitramur... vel aliquo modo feriendum &c., scripsit Cordesius: Cedere procùl, dubio non possumus, quamvis nec quique adhuc illi fuerint excessus... nec cum ipsis excessus... arbitremus.... vel etiam aliquo modo ferendum &c. Hinc supplendus erit, emendandus que Gratiani canon 14. caus. 3. q. 9. Atque ex his ita descriptis firmissimum argumentum deducitur ad ostendendum, quod superiùs jam adstruxi ad canonem 1. dist. 19., nimirum Episcopos quidem Gallicanos, contendentes de auctoritate Synodorum Provincialium, proposuisse in Conciliis Mercatoris epistolas, de quarum vi inter ipsis disputabatur; nunquàm tamè harum auctoritate se fretum credidisse Nicolaum. Videmus enim, Senonensis Provinciæ Antistites, sub Vvenilone congregatos, non ausos fuisse sententiam ferre in causa Herimanni Episcopi, veritos ne adversus decretalem epistolam Papæ Melchiadis aliquid facerent, imò & epistolam ipsam Melchiadis à Nicolao postulavisse. At Nicolaus, quamquam illos laudaverit, quamquam eisdem quidagendum esset in causa Herimanni rescripserit, de epistola tamè Melchiadis ne verbum quidem fecit, facturus sanè, si in ea firmum agnovisset exercendæ disciplinæ præsidium; neque enim commodior alia ei offerri occasio potuisset, quâ Melchiadis sententiam in medium proferret, & executioni demandandam pronunciaret, quam ubi de ea proferenda fuerat requisitus, & ab iis, qui ad exequenda Melchiadis man-

mandata paratissimi videbantur.

Caus. 12.
q. 2^a

3. Quod Gratianus retulit in canone 12. caus. 3. quæst. 9. minimè legitur in memorata ad Vvenilonem epistola, sed potius non nihil simile legitur in epistola ad Episcopos Synodi Silvanectensis apud Convicinum congregatos, ex qua superius dixi depromptum esse canonem 1. dist. 10. Agitur ibi de causa Rothadi, quem, postquam ad Sedem Apostolicam provocaverat, inauditum damnandum esse volebant. Eam ob causam scribit Nicolaus de Odore Episcopo, qui nihil adversus Rothadum objeccerat: *Quamquam si objecisset, nihil ad damnationem jam dicti Rothadi proficeret, cum neminem partis illius, qui objectis vel annueret, vel renueret, nostram constaret adiisse presentiam (nam accusatores quecumque voluerint dicunt), & sciamus justum mediatorrem non esse, qui sic unam partem audit, ut alteri parti nihil reservet.* Ceterum hæc etiā consonant cum sententia epistolæ Nicolai ad Vvenilonem, quemadmodum perspicuè liquet, si canones 12. & 14. caus. 3. quæst. 9. invicem conferantur; ac proindè hinc occasio esse potuit Collectoribus, ut dicto canoni 12. etiā Nicolai epistolam ad Vvenilonem inscriberent. Quod verò in eodem canone legitur in vers. *His ita premissis usquè in finem, cum pertinere nequeat ad causam Herimanni, qui nunquam Apostolicam Sedem adire proposuerat (nec enim id moliri gravis ejus sinebat infirmitas), proindè referri non potest ad epistolam Nicolai ad Vvenilonem, & suffraganeos ejus.* Potius à Collectorè hæc adjecta fuerunt ex aliis Nicolai sententiis, qui passim in suis epistolis ad Gallicanos Episcopos scribit, non esse impediendos Sacerdotes, ne appellationem ad Sedem Apostolicam interponant, suasque causas demùm apud eamdem Sedem definiendas proclament.

De epistola ad Girardum Episcopum Turonensem.

Canonem 10. caus. 2. quæst. 1. quem Gratianus descripsit ex epistola Caus. 10.
q. 1. Nicolai ad Girardum Turonensem Archiepiscopum, Ivo Carnotensis in parte 6. Decreti cap. 429. laudavit ex epistola Nicolai ad Airardum Archiepiscopum Turonensem. Baluzius in notis ad Gratianum adjectis Antonio Augustino ait, in Codice Victorino legi nomen *Airardi*, in alio Codice Victorino recentiore legi nomen *Archaldi*, in Sangermanensi *Arardi*, & in Colbertino *Ayrdi*. Nullam ex his editionibus probandam esse jure optimo subdit vir eruditus, arbitratus legendum potius esse nomen Herardi, utpotè quem certissimum est fuisse Turonensem Archiepiscopum temporibus Nicolai, & perspicue demonstrant ejusdem temporis monimenta: Subdit autem, Flodoardum in lib. 3. historiæ Rhemensis cap. 21. memorasse varias Hincmari epistolas Episcopis scriptas, atque inter ceteras *Herardo Turonensium Antistiti de quibusdam Apostatis ad Ecclesiam redeuntibus, & aliis paenitentibus suscipiendis.* Sed hæc parùm prodesse videntur ad investigandam auctoritatem epistolæ Nicolai ad Herardum, undè depromptus dici potest memoratus canon 10. Sanè inter epistolas, quæ huc usquè sub Nicolai nomine editæ sunt, desideratur ista; ac tantummodo inter acta Concilii Suessionensis III. anni 866. alia legitur epistola Nicolai ad Herardum Archiepiscopos, seu ad omnes Episcopos Provinciæ Turonensis, quæ incipit *Multorum à partibus Galliarum.* Ex hac verò epistola nonnulla facilè deduces ad interpretationem memorati canonis 10. caus. 2. quæst. 1., quum integrum ejus archetypum non habeamus. Refert Nicolaus, se à Gallicanis pluribus, Romam confluentibus, accepisse, Hincmarum Rhemensem dejecisse quosdam Clericos ab Ebbone ordinatos. Item se ab Hincmaro conscient factum fuisse, qui-

quibus de causis iidem Clerici jure dejecti haberi deberent, imò & acta Concilii, in quo dejecti fuerant, perlegisse. Deindè subdit prudentissimus Pontifex, se quidè paratum esse ad subveniendum oppressis, attamèn non posse facile adduci, ut statim dejectos Clericos restitueret in gradum suum, nisi primum Hincmarum audivisset, à quo dejecti proponebantur. Ait Nicolaus inter cetera: *Verùm nos nec hos interim justificamus, nec pro hoc quemlibet condemnamus; nec facile vocem istorum spernimus, nec reverentiam jam dicti fratris improvidè reprehendimus.* Illud quidè, ne obturare aures ad clamaores pauperum, id est, humilium, dignoscamus; hoc verò, ne de incognitis immaturè judicare quidpiam videamur. Hinc & Herardum, & Hincmarum hortatus est, ut rursùm causas dejectorum Clericorum discuterent, & clementè de illis sententiam reformarent. Quoties igitùr sententia canonis 10. caus. 2. quæst. 1. eam interpretationem accipiat, quæ maximè congruat cum sententia memoratae epistolæ Nicolai ad Herardum, ego non dubitaverim, quominus idem canon Nicolao rectè sit tribuendus; quoties verò ita canon intelligitur, ut à sententia memoratae epistolæ procùl recedat, ego non facilè eo devenero, ut in diversis ad Herardum scriptis epistolis contrarias Nicolai sententias agnoscam. Hinc autèm intelliges, quid significant ea Gratiani verba *Presbyter pauper*, nec non illa *sue paupertatis caussa*; etenim, sicut in memoria epistolæ Nicolaus eos appellavisse *pauperes* profitetur, qui *humiles* essent, ità *paupertatem* dixit *humilitatem*, sive animi demissionem. Pro illis Gratiani verbis: *Cleri emendatione, legit Ivo: celeri emendatione.*

De epistola ad Rodulfum Archiepiscopum Bituricensem.

Primum abs Joanne Cordesio in Appendice opusculorum Hincmari Rhenensis, deindè à Binio, Sirmondo, ac recentioribus Collectoribus edita est

Tomo III.

epistola Nicolai, quæ incipit: *Susceptis sanctitudinis tuae literis*, directa ad Rodulfum Bituricensis Ecclesiæ Archiepiscopum. Eum in primis laudat Nicolaus, quòd ergà Sedem Apostolicam maximam devotionem exhibeat, brevibusque deindè verbis ejusdem interrogatio-
ni satisfacit septem subjectis capitibus. Caput primum pertinet ad officia Core-
piscoporum, de quibus tunc præsertim
in Gallia crebras scimus subortas fuisse
disputationes. Caput secundum alitè
habetur in Labbeana Collectione, alitè
apùd Cordesium; nàm in editione Ve-
neta Labbeana in prima Appendix epist.
19. eadem omnino habentur, quæ legi-
mus apùd Gratianum in can. 8. caus. 9.
quæst. 3., dummodò pro illis Gratiani
verbis provocaverint, vel si &c. legamus
provocaverint per appellationes, vel si &c. At
apùd Cordesium hæc tantummodo ver-
ba leguntur: *Primates autem nihil privilegiū
habere præ ceteris, nisi quantum sacri canones
concedunt, & prisca consuetudo illis antiquitus
contulit, disimus, ità ut secundum Nicanas
regulas suis privilegia serventur Ecclesiis; præ-
ter si Apostolica Sedes aliquam Ecclesiam, vel
Rectorem ipsius quolibet speciali privilegio de-
creverit honorare.* Apùd Ivonem in parte
5. cap. 56. eadem omnino leguntur
verba, quæ sunt apùd Gratianum: ne-
que omnino illa repugnat cum adjunc-
tis temporis illius, & provinciarum Gal-
licanarum, cum non ignotum sit, Bitu-
ricensem Ecclesiam jura Primatus super
plures Gallicanas Ecclesias explicavisse.
Videatur ad hanc rem, epistola Philippi
Principis ad Innocentium III., quam edi-
dit Baluzius in lib. 4. de concord. Sa-
cerd. & Imper. cap. 13.

In capite 3. eadem leguntur verba,
quæ habentur apùd Gratianum in can. dist. 23.
12. dist. 23., ubi sanè notanda est dis-
ciplina Romanæ Ecclesiæ, quæ nono
sæculo vigebat, juxta quam, sicut non
Diaconorum, ità nec Presbyterorum
manus sacro Chrismate inungebantur.
Ceterùm in Ordinatione Episcoporum
erat in usu, ut manus novorum Antis-
titutum Chrismate consecrarentur, quem-
Mm ad-

admodum deducitur ex Concilio Cari-siaco anni 858. can. 15. Hinc autem forte illud evenit, quod Graeci tempori-ibus Nicolai occasionem arriperent, di-cendi se auctores esse quodammodo sa-cri Chrismatis, & ab ipsis per totum mundum tribui, quemadmodum idem Nicolaus conquestus est in Responsis ad consulta Bulgarorum cap. 94.

Can. 6 caus. 30 q. 1. Quæ habentur in capite 5. apud Ni-colaum, leguntur eisdem verbis apud Gratianum in can. 6. caus. 30. quæst. 1. dummodò animadvertisse, postre-ma verba sive apud Labbeum, sive apud Cordesium ita haberi: *delicata ignorantia mea ne menineris.* Tempori-ibus Nicolai plures matrimonio junc-ti, ut occasionem nanciserentur à con-jugibus recedendi, uxores suas cog-e-bant, ut primæ uxoris filias in Sacra-men-to Confirmationis exciperent, quemad-modum viceversa uxores maritos ad idem peragendum inducebant, ut præ-textu spiritualis initæ cognationis ab illis diverterent, & nova conjugia contra-herent, ut colligi potest ex Flodoardo, qui in lib. 3. cap. 21. refert, Hincmarum Rémensem scripsisse ad Lupum Episcopum Catalaunensem pro quodam, qui dolo deceptus fuerat, ut infantem proprium ad cathechizandum teneret; item, quid de hac re Synodus decreverit. Jam olim in Conciilio Compendiensi anni 757. cautum fuerat, ut, si quis privignum, vel privi-gnam in Sacramento Confirmationis suscepisset, à congressu conjugis abstineret, non tamè novas nuptias contraheret; item in Concilio Cabilonensi II. anni 813. statutum fuit, ut, si qua mulier fi-lium desidiā, aut fraude susceperit in Sacramento Confirmationis, ageret pœ-nitentiam, quamdiù viveret, non tamè à marito diverteret. Hanc ob rem Nico-laus Gallicano Antistiti scribens illud potissimum voluit, ut, quæ in Conciliis Provincialibus statuta fuerant pruden-tissimè, sine discrimine sanctissimè cus-todirentur.

Can. 5 caus. 33 q. 2. In cap. 6. ejusdem epistolæ leguntur verba canpnis 5. caus. 33. quæst. 2.

dummodò tamè deles verba illa *sine judicio*, quæ tum in editione Labbei, tum in editione Cordesii desiderantur, quam-quam habeantur apud Iwonem. Fortè pertinent illa ad cujusdam ignoti Glos-sographi additamentum. Quod autem in eodem canone laudatur ex regula de-cretalium Leonis Papæ, referendum est ad canonem 14. caus. 33. quæst. 2. quemadmodum alii jam recte animad-verterunt. Demùm in capite 7. episto-læ ita legimus in editione Labbeana: *Porro Gloria in excelsis Deo ab Episcopis in Cœ-na Domini inter Missarum solemnia more nos-tro dicenda est.* Pallio vero Apostolico eadem die uti illis solis est licitum, quibus solis ab Apostolica Sede permisum. His consonat edi-tio Cordesii, dummodò pro postremis verbis ista substitutas: *Quibus est ab Aposto-lica Sede permisum.* Gratianus hæc eadem retulit in canone 56. de consecr. dist. 1.

De epistola ad Rhadoaldum Por-tuensem, & Joannem Ficolensem Episcopos.

Cum Lotharii & Theutbergæ di-missæ conjugis controversia Francorum Ecclesiam maximè turbaret, illius cau-sa misit Nicolaus legatos Apostolicae Se-dis duos, Rhadoaldum Episcopum Portuensem, & Joannem Episcopum Ficolensem. Non sunt hæc nomina in Eccle-siasticis monumentis obscura; nam sci-mus, Rhadoaldum, (nominant alii Ro-doaldum) Episcopum Portuensem subscripsisse Concilio Romano anno 853. nec non Joannem Episcopum Ficolensem (alii legunt Ficolum) subscripsisse alteri concilio Romano anno 861. Antonius Augustinus in Dial. 18. lib. 2. de emendat. Gratiani mendosum esse Joannis Episcopi nomen asseruit, & pro Joanne legendum scripsit Haganonem, emendationem necessariam deducens ex Chronicis Reginonis his verbis: *Anno Dominicæ Incarnationis 865. missi sunt Ha-gano, & Rodoaldus Apostolica Sedis Legati in Galliam &c.* Cum vero aliæ de Haganone isto non constet, ego dubito, emandan-dum

De epistola ad Francorum Exercitum.

dum fortè esse potius Codicem Reginonis, quām alium quemcumque, ubi in aliis Codicibus perspicuē de Joanne Ficulensi liquet. Sed hæc levissima esse videntur. Itaque memoratos Antistites missurus Nicolaus ad Francos, Lotharii dissidia composituros, commonitorium eisdem dedit, tamquām formulam, juxta quam actus suos omnes formarent. Editum nūnc istud habemus in Appendix 1. Epistolarum Nicolai apud Labbeum, ad quod referre plurimū juabit Gratiani canonem 4. caus. 31. quæst. 2. Ea hic describam verba, quæ minime consonant cum verbis Gratianeis. postquām Nicolaus datā ad laudatos Episcopos epistolā eos monuit, ut quām primū Metensem Synodum convocarent, ibidēmque, si fieri posset, controversias componerent, eosdem ita de re gerenda conscos in commonitorio reddidit: *Lotharius profitetur Vvaldradam se à patre accepisse, & sororem postmodū admississe Hucberti.... admississe se dicit, vos illud Evangelicum recolite, quo Dominus, nolite: inquit, timere eos, qui corpus occidunt; & iterum ait: Quid prodest homini, si mundum universum lucretur, anima verò sue detrimentum patiatur. In quibus dominicis sententiis considerandum est, quod, si occisores corporum timendi non sunt contrā justitiam hominem impellentes, & lucrum totius mundi non proxit homini anima perditā, quantò minus metu unius hominis tantus Rex debuit contra divinum præceptum in inmane precipitum mergi? In hoc certè se magis reprehensibile ostendit, in quo amori mundi amorem Dei postposuit. Ubi nihil vobis aliud præcipimus, manifestatione sua eodem Rege convicto.... reconciliari uxorem: nec in hoc carnis voci obtemperet, sed potius divinis præceptis obediens, pudeat enim, imò pertimescat in luxuria stercore putrefieri, & voluntatem propriam sequendo ante tribunal Christi strictam ponere rationem. Præterea vos scire volo, &c. Sic emendatus erit Gratiani canon, quem ob Glossam se non emendavisse Romani Correctores profitentur.*

Quod sub nomine Nicolai ad Francorum exercitum sribentis legitur in can. 46. caus. 23. quæst. 5. eidem Pontifici nullo modo congruit, cum ne leve quidēm vestigium extet, ex quo deduci possit occasionem Nicolao subortam fuisse, Francorum exercitum concitandi ad arma capessenda adversus hostes Christianæ fidei, undē morituris in certamine æterna præmia polliceretur. Imò ex iis, quæ superiùs dicta sunt, facile colligitur, diù elaborandum fuisse Pontifici, ut plurim Francorum Principum animos inter se dissidentes conciliaret, tantum abest, ut Principes iidem junctis armis fidei causâ exercitum instruxissent. His accedit, hujusmodi monumentum in collectionibus epistolarum Nicolai penitus desiderari; proindèque qui illud Nicolao adscribendum censeret, nemine alium sibi fidejussorem adduceret, quām Gratianum. At verò Gratiani ipsius in hac re fides, & auctoritas parum probatur, si licet ex vetustioribus Collectoribus, illis etiām, quibus idem Gratianus usus fuisse dignoscitur, contradicere. Näm Ivo Carnotensis, ex quo Gratianus canones derivare consuevit, in parte 10. Decreti cap. 87. eumdem canonem referens, tribuit Leoni IV. Exercitum Francorum adloquenti, & quidēm unā cum verbis canonis 9. caus. 23. quæst. 7. Leoni etiām Papæ per Gratianum adscripti, uno ferè, eodemque contextu verborum. Testatur præterea Antonius Augustinus in Dialogo 19. lib. 2. de emendat. Gratiani, eumdem canonem in Panormia videri adscriptum Alexandro II., qui deinde concludit: illud quidēm certè constat, melius, & pleniùs apud Iwonem in utraque esse collectione, quam apud Gratianum, nisi tibi aliud videatur. B. Hoc ipsum probo, nihilque habeo, quod bis addam. Quamobrèm ego in hac parte nihil certò definiri posse crediderim, cum adeò varii collectorum codices sint in

indicando canonis auctore, cum præterea neque inter monumenta Nicolai, neque demum inter monumenta Alexandri II. canon ille reperiatur. Hinc etiam frustra ejusdem quereretur interpretatio, donèc emergat monumentum, ad quod commodè exigatur.

De Epistola ad Photium Constantinopolitanum.

Can. 14.
dist. 16.
& can.
2. dist.
20.

Celebratissima est in Ecclesiastica historia Photii causa, undè grayissimum Ecclesiae Orientalis emersit schisma ab Ecclesia Romana, quòd Romani Antistites improbabissent dejectionem Ignatii Patriarchæ Constantinopolitani, quem non crimina ulla, sed improborum quorumdam odia è Patriarchali Sede deje- cerant, unà etiàm improbabissent acta omnia, quibus Photius dudùm laicus homo repente in dejecti locum suffectus fuerat. Videantur ad hanc rem, quæ tradi- didi de Synodo octava & nona in cap. 56. prioris partis, & appendice, ubi de Pseudo-Synodo Photiana. Eam ob rem ad suam curam pertinere arbitratus est Nicolaus Pontifex Maximus, ut Photium tamquam alienæ Sedis invasorem corri- peret, quod pluribus ad eum missis epistolis perfecit. Inter ceteras epistola laudanda est, quæ habetur numero 6. atque incipit: *Postquam Beato Petro;* ex ea enim excerpti sunt duo Gratianei cano- nes, nimirum canon 14. dist. 16., & can. 2. dist. 20., licet in vetustis Gratiani codicibus potius tribuantur Nico- lao, scribenti ad Clerum Constantinopo- litanum. In memorata epistola ad Photium Nicolaus tradit in primis, ve- nerabilem omnibus esse debere Romanæ Sedis auctoritatem, atque censuram, tam- quam illius, quæ supèr ceteras Episco- pales Sedes obtineat principatum ex ipsa Christi Domini institutione. Atque ita præfari maximè opportunum erat, ubi res agebatur cum viro, ad schismata, & contentiones prono, & qui parvi pen- debat Romani Antistitis monita, ac præ- cepta, quotiès in Episcopatus, quem

iniquè usurpaverat, periculo versaretur. Deindè idem Nicolaus, propius ad cau- sam accedens, Photium objurgat, quòd properè de laico factus Episcopus fuerit, asserens id quidè aliquandò contigisse in Nectario, & Tarasio Constantinopo- litanis, nec non in Ambrosio Mediolanensi, verùm factum id fuisse singulari- bus temporum, causarum, vel persona- rum adjunctis, at in Photii causa nihil occurrere singulare, undè dispensatione opus fuisset adversùs generalem canonum disciplinam; præsertim quòd in Con- stantinopolitana Sede constitutus esset Ignatius Vir religiosissimus, & verè dig- nus Episcopatu. Tribus autèm potissi- mū argumentis adversùs Photium ibi- dèm disserit Nicolaus; opponit enim in primis naturale illud præceptum, *quod tibi non vis, alii ne feceris;* itèm opponit auctoritates Conciliorum, nec non Sanctissimorum Pontificum decreta. Deindè ità subjicit: *Quod verò dicitis, neque Sardi- cense Concilium, neque decretalia vos habere Sanctorum Pontificum, vel recipere, non faci- lè nobis facultas credendi tribuitur, maximè cum Sardicense Concilium, quod penè vos in vestris regionibus actum est, & omnis Ecclesia recipit, quâ ratione convenerat, ut hoc Sancta Constantinopolitana Ecclesia abjiceret, & ut dignum est, non retineret?* Decretalia autèm, quæ à Sanctis Pontificibus prima Sedis Romana Ecclesie sunt instituta, cuius auctoritate, atque sanctione omnes Synodi, & Sancta Concilia roborantur, & stabilitatem sumunt, cur vos non habere, vel observare dicitis? Nisi quia vestra ordinatio contradicunt, & ex laico subito ad culmen Patriarchatus transvolare re- sistunt contrà illud Apostolicum: nemini cito manum imposueris. *Quod si ea non habetis, de negiectu, atque incuria estis arguendi; si ha- betis, & non observatis, de temeritate estis corripiendi, & increpandi.* Ità jungendi erunt memorati Gratiani canones 14., & 2. quibus junctis commoda affingetur inter- pretatio. Etenim nihil magis studen- dum erat Nicolaus, quam ut Photium, & cum eo Orientales omnes ad obedien- tiam, ac reverentiam erga Sedem Apos- tolicam exhibendam traheret, quorum ani-

animos ab Apostolica Sede multum alienos esse sciebat. Quid aliud porrò aptius ad eam rem esse poterat, quam ut, ubi improbitas Photii, quæ apertè prosiliebat, esset redarguenda, adversus illam opponerentur ii canones, eaque decreta, quibus suprema Romanæ Ecclesiæ dignitas confirmabatur? Hujusmodi erant statuta potissimum Concilii Sardicensis, nec non veterum Romanorum Pontificum decretalia, ad quorum lectionem Photii animum prudentissimè Nicolaus duxit concitandum; atque ut eosdem canones, & decretalia veneratione dignissima prædicaret, & velut talia intimo Photii animo insinuaret, proposuit eadem & naturali juri, *Quod tibi non vis, alteri ne feceris, & præcepto Pauli Apostoli, nemini citio manum imposueris*, esse consentanea; his enim positis, non poterat Photius decretalibus contradicere, quin etià aut naturali, aut Apostolico Juri contradicere deprehenderetur. Quod verò Photius opponebat, in Ecclesia Græca aut Sardicensis Concilii canones, aut decreta veterum Romanorum Antistitum desiderari, verosimile non esse replicavit Nicolaus, vel quòd Sardicense Concilium in partibus Orientalium celebratum fuisset, vel etià quòd veteres Romanorum Antistitum decretales fuissent satis pervagatae. Deindè eumdem Photium de neglectu, & incuria redarguit, si forte se non habere eosdem canones fateatur: noverat enim prudentissimus Pontifex, ad Antistitem pertinere curam canonum in Archivis Ecclesiæ custodiendorum, ac propterea Constantinopolitanæ Ecclesiæ non utiliter præesse, qui rectè custodiri, servarique, qui olim erant, canones non sategisset.

De Epistola ad Clerum Constantinopolitanum.

Can. 36. Quæ sub nomine Epistolæ Nicolai
& caus. 37. ad Clerum Constantinopolitanum refe-
runtur in can. 36. & 37. caus. 24. quæst.
1. habentur in Epistola 8. Nicolai ad

Michaelem in Oriente Imperatorem, quæ incipit *Proposueramus quidem;* atque ideo in inscriptionem mendum istud irrepsit, quod in Epistola ad Michaelem memoratur Epistola Cœlestini Papæ ad Clerum Constantinopolitanum scripta; quamobrem inscriptio Epistolæ Cœlestini ex Collectoris oscitantia prosilivit in inscriptionem Epistolæ apud Gratianum. Verba ibidem faciebat Nicolaus de iusta Photii ordinatione, & dejectione Ignatii, quam depositi, & extrâ communionem sacrorum constituti Antistes fecerant contrâ Leges Ecclesiasticas, atque auctoritate Cœlestini Papæ demonstrabat, neminem dejectum ab Episcopatu, & positum extrâ communionem sacrorum alium Antistitem posse dejicere, ita scribens: *Item idem (nimis Cœlestinus) ad Clerum Constantinopolitanum aperte inquit: Sedis nostra sanxit auctoritas, nullum sive Episcopum, sive Clericum, sive professione aliquâ Christianum, qui à Nestorio, vel ejus similibus, ex quo talia prædicare cœperunt, vel loco suo, vel communione dejecti sunt, vel dejectum, vel excommunicatum videri, sed hi omnes in nostra communione, & fuerunt, & huc usquæ perdurant, quia neminem vel dejicere, vel removere poterat, qui prædicans talia titubabat.* Intellexistisne Imperator ex superiori memoratis, non potuisse, ut non dicamus Prelatum suum, saltē quemlibet removere, qui fuerant olim ipsi remoti, nec dejicere quemquam jam ante prostrati? Ad infirmandam quoque sententiam damnatorum, etià illud valere credimus, quod Sancta Synodus ad prefatum Papam, que apud se gesta sunt, referens, pro Joannis Antiocheni amputanda Antistitis exaggerata præsumptione, quosdam eorum, qui contra Sanctum Cyrillum, & Memnonem latrabant, sive Civitatibus vacantes autem, & Ecclesias non habentes: alios verò ante multos annos pro acerbis causis depositos à suis Metropolitis, inter alios plurimos fuisse suggestit. Quibus per omnia vestraes, ut ita dicamus, depositores Ignatii comparari plurima ex parte non immerito possunt; ibi namque & sine sedibus, & vagi atque pro suis acerbis facinoribus à propriis Metropolitis inventi sunt Episcopatu privati. Ibi etià com-

munitio extores, & anathematis damnationis consortes suisse probantur. Unde miramur, quomodo excommunicati ad judicandum recipi sint, cum secundum Apostolicos canones si ne commendatitiis literis in communione sola recipi prohibeantur. Absurdum etenim est, ut, cui non licet etiam cum minimis juxta sacras regulas communicare, liceat penes vos etiam de majoribus judicare. Ex his supplendi erunt laudati Gratiani canones, in quibus potissimum agi videtur de Gregorio Syracusano Episcopo schismatico viro, & jam diu damnato, qui, quemadmodum Ignatium acerrime oderat, omniue contentione curaverat, ut ille dejiceretur, ita eo progressus est, ut Photio in Episcopum consecrando manus imponeret.

De Epistolis ad Michaelem Imperatorem.

Multæ sunt Nicolai Papæ ad Michaelem Imperatorem Constantinopolitanum Epistolæ, quæ tamè ejusdem ferè sunt argumenti. Nimirùm, cum Michael Photio adversus Ignatium è Sede Patriarchali dejectum faveret, nihil antiquius hærebat Summi Pontificis animo, quam ut Imperatoris flecteret voluntatem, ita ut tandem restitueretur Ignatius in gradum suum, atque usurpator Photius damnaretur. Sed Gratianus vix unam ex illis epistolis memoravit, quæ est numero octava in Labbeana editione recentissima, & incipit *Proposueramus quidem.* Non amplius memoria canonæ 36. & 37. caus. 24. quæst. 1., qui, licet revera habeantur in Epistola Nicolai ad Michaelem, superiùs jam explicandi fuerint; quia Gratianus mutavit inscriptionem epistolæ, atque ita descriptis, quasi de prompti essent ex epistola Nicolai ad Clerum Constantinopolitanum. Exordior potius à ca-

Can. 5. dist. 10. none 5. dist. 10., cui sanè jungendus & can. 4. dist. 96. erit canon 4. dist. 96., uterque enim

canon eodem velut spiritu legendus erit decerptus ex memorata epistola 8. Nicolai ad Michaelem Imperatorem. Con-

queritur ibidem Nicolaus, quod Imperator ita faverit Photio, virisque schismaticis, adversus Ignatium Patriarcham contendentibus, ut ipse & Ignatium depонendum, & Photium promovendum curaverit convocatâ Synodo schismatistarum, quorum, ut diximus, acerrima erant adversus Ignatium odia, his verbis: *Congregasti concilium adversus eum, & ad Imperium vestrum nutum cuncti sunt famulati minores, & ad votum secularium (ut cum pace vestra dicamus) de solo Imperiali descendentes, cathedram præsularem, ut ita fateamur, ascendistis, & pro desiderio hostium ejus augustarium oblii sceptrorum, quemdam Regem Israel imitantes, adversus illum sacerdotalis ministerii arripiuitis officium: præsertim cum imperium vestrum (verba hæc sunt dicti canonis 5. dist. 10.) suis publica rei quotidianis administrationibus debeat esse contentum, nec usurpare, quæ Sacerdotibus Domini solùm convenientia. Dicite, quæsumus, ubinum legistis, Imperatores (verba hæc sunt dicti canonis 4. dist. 96.) antecessores vestros in Synodalibus conventibus interfuisse? Nisi forsitan in quibus de fide tractatum est, quæ universalis est, quæ omnium communis est, quæ non solùm ad Clericos, verum etiam ad Laicos, & ad omnes omnino pertinet Christianos? Vos autem non solùm Synodo in causa Sacerdotis collectæ interfueritis, verum etiam numerosa secularium millia ad videndum ejus opprobrium aggregastis; cum magis debueratis in hoc &c. Ex his, ita descriptis, facilis admodum redditur eorumdem Gratianeorum canonum interpretatio. His præterea jungendus erit canon 8. dist. 96., ita enim subsequitur Nicolaus in eadem Epistola: Cum magis debueratis in hoc imitari Constantinum Pium Augustum, de quo scriptum est, quod dixerit: Quia si vidisem aliquem eorum, qui Religioso circumacti sunt habitu, turpitudinem aliquam operantem, chlamydem meam explicassem, & cooperiisse eum, ne videretur à quoquam. Sed in viro hoc omnia hac oblivioni traduntur: fit plausus de Domini Sacerdote scurris, & bistrionibus. Superiùs vero de eadem Ignatii causa, quem improbi accusavabant, illius ceteroquin jurisdictioni subjec-*

Can. 8.
dist. 96.

jecti, ità scripserat: *Si Cham videns Patris verenda risit potius, quām, ut ceteri, cooperuit, maledictionem in filio percepisse legitur, quantū potius hi, qui verecundiam Patris non solum, si qualibet fuit, minime cooperuerunt, sed & riserunt, & falsò ad subsannationem sui moris homines provocaverunt: atque, quod est deterius, patenter contra ipsum de pharetra iniquitatis sua sagittam judicii produxerunt?* Non sic è contrā filii sobrium, non sic, sed aversi operuerunt. *Quod moraliter egregius Doctor Papa Gregorius interpretatus ait: Aversari dicimus, quod reprobamus. Quid est ergo, quod filii verenda Patris superjecto dorsis pallio aversi venientes operiunt, nisi quod bonis subditis sic prepositorum suorum mala displicant, ut tamè h.e.c ab aliis occulent?* Operimentum aversi deferunt, quia dijudicantes factum, & venerantes magisterium nolunt videri, quod tegunt. Hæc si conferantur cum memorato canone 8., nemo dubitabit, quin plurimum cum illo convenient, & ex hujus Epistolæ sententiis congesta videantur, aliàs autem perperam adscripta Epistolæ Nicolai, ad Ludovicum Imperatorem scribentis.

Propè finem ejusdem Epistolæ leguntur verba canonis 8. dist. 10., ubi Nicolaus in eo sempèr perstitit, docens irregularem fuisse depositionem Ignatii, & Photii substitutionem, utpotè quæ non legitimi superioris auctoritate facta proponeretur.

Canon 2. dist. 11. non tantum à Gratiano, sed & ab Ivone in parte 4. dist. 11. Decreti cap. 211. depromptus dicitur ex Epistola Nicolai ad Michaelem Imperatorem. Verùm, licet passim sententiae eidem canonī consonae legantur in Epistolis Nicolai ad Michaelem, tamè eadem ipsa canonis verba sunt in epistola Nicolai ad Photium Constantinopolitanum, quæ habetur inter acta Concilii Constantinopolitani IV. anni 869. sub Hadriano II. actione 4.: incipit autem Postquam B. Petro. Ibidem Nicolaus reprehendit Photium, quod, dejecto Ignatio à schismaticis hominibus, Sedem Constantinopolitanam invadere non defractasset, eumdemque propterea mo-

net, ut Apostolicæ Sedis præceptis institutionibusque custodiendis operam det, & eidem Sedi Apostolicæ optemperet, inter cetera ita sub initium scribens: *Constat enim Sanctam Romanam Ecclesiam.... omnium Ecclesiarum caput esse, & ab ea rectitudinem, atque ordinem.... requirere ac sectari.* Et idē consequens est, ut, quod ab hujus Sedis Rectoribus plenâ auctoritate sancitur, nullius consuetudinis præpediente occasione, proprias tantum sequendo voluntates, removeatur, sed firmius, atque inconsuete teneatur. Quod hoc in loco de consuetudine aliarum Ecclesiarum non servanda visus est tradidisse Nicolaus, spectat ad confacienda Photii objecta; is enim cum reprehendi se dignosceret, quod de laicorum ordine statim in Episcopatum ascendisset, opposuerat Constantiopolitanæ Ecclesiæ consuetudinem, allegans eadem ferè ratione electos fuisse Nectarium, & Tarasium Episcopos; quibus sanè exemplis, quemadmodum nec exemplo Ambrosii Mediolanensis, à proposito dimoveri non potuit Summus Pontifex, agnoscens in illis singularia quædam, quibus generalibus legibus nihil derogaretur; hinc post nonnulla ita prosecutus est Nicolaus: *De consuetudinibus quidem, quas nobis opponere visi estis, scribentes per diversas Ecclesias diversas esse consuetudines, si illis canonica non obsistit auctoritas, pro qua eis obviare debeamus, nil judicamus, vel eis resistimus, tamè cavere volumus, ne hac vestra consuetudo, quæ omnium Sanctorum Patrum promulgatione convincitur, ut ex Laico non subito ordinetur Episcopus, vires accipiat; aut in vestra Ecclesia magis pullulet, operam dare minime cessamus.* Conferri hæc poterunt cum canone 3. dist. 12.; non enim aliud monumentum laudare voluit Gratianus, quum canonem illum sub nomine Nicolai descripsit.

Revertor nūnc ad memoratam Nicolai ad Michaelem Epistolam, quæ incipit Proposueramus; ad eam enim spectant canones 4. 5. 6. 7. 8. 9. dist. 21. hoc ordine. Prior est canon 5.; cum enim Nicolaus improbasset illorum ges-

ta,

ta, qui adversus Antistites velut parentes suos crimina objecissent causâ illorum dejiciendorum è gradu suo, quòd adversus Ignatium Orientales fecerant, statim ait: *Sed hæc dicentes nolite nos astimare, cujuscumque proximorum nostrorum, quæ sunt digna reprehensione, velle defendere &c.* Quæ in eodem canone apud Gratianum sequuntur, consonant cum Epistola Nicolai, cuius tamèn in editis exemplaribus legitur *dicamus*, ubi legerat Gratianus *dicam*. Pòst nonnulla, sequuntur verba canonis 7. Nùm autem divinâ inspiratione.... non judicabitur à quoquam: Hinc etià superius memoratus Confessor Christi Silvester fecit gradus in medio Synodi, ut non presbyter adversus Episcopum, non diaconus adversus presbyterum, non subdiaconus adversus diaconem, non acolytus adversus subdiaconem, non exorcista adversus acolytum, non lector adversus exorcistam, non ostiarius adversus lectorum det accusationem aliquam, neque Præsul summus à quoquam judicabitur, quoniām scriptum est: non est discipulus supra magistrum. Sed & cum quidam tempore quodam contrà Sextum Papam tentassent &c., quemadmodum apud Gratianum, cuius fragmentum ex iis, quæ modò adjecta sunt, supplere commodè poteris. Pòst pauca ad eamdem omnino rem sequuntur verba canonis 6., prout jacent apud Gratianum, pòst cuius canonis postrema verba *jus ullum penitus obtineant*, hæc statim sequuntur in Epistola Nicolai: *Et reverè, ut superius ex Evangelio, Beato Silvestro commemorante, jam diximus, non est discipulus supra magistrum, si ad benedicendum non, quanto minus ad maledicendum?* In tantum hanc præsumptionem &c., quemadmodum leguntur in canonе 9. usquè in finem; ubi tamèn pro verbis illis, *utrum justè, an injustè ipsam Dioscorus excommunicationem dictasset*, in editis Epistolæ exemplaribus legitur: *utrum justè, an injustè ipsam jam fatum Dioscorum excommunicationem dictasse?* Hanc ipsam rem, seu disciplinam prosequens Nicolaus, ostendit primùm ex Africani canonibus, deinde ex decretalibus Gelasii Papæ, neminem ex inferioribus

posse superiorem Episcopum damnare; utiturque auctoritate Gelasii, etià in Epistola ad Orientales ita scribens: *Ecce item idem in tomo ad Orientales Episcopos, præcipue, inquietus, cum de secunda Sedi ageretur Antistite;* Nec ab inferiore qualibet, sed à prima Sede jure possit absolvi; inferior quippe potiorem absolvere non potest, sola ergo potior inferiorem convenienter absolvit. Hinc liquidò pervidetur, quia quem non potest absolvere, non potest judicio inferior potiorem ligare. Hæc retulit Gratianus initio canonis 4., sed quæ ibidè subjiciuntur in vers. Unde Propheta, habentur in sequentibus Nicolai sententiis, in quibus propositæ quæstioni, nùm ab inferiore judicari & damnari superior posset, finem imposuisse videtur. Rursùm pòst aliqua legimus illa, quæ descriptsit Gratianus in canonе 8. quì consonat cum editis Epistolæ exemplaribus, dummodo pro illis Gratiani verbis *judicia actio dirigatur*, itèm postulandum sit hæc legantur: *judicia dirigatur, & præsto sit.*

Ad eamdem Nicolai ad Michaelem epistolam pertinet canon 5. dist. 43. propè finem, ubi Nicolaus pressius apud Imperatorem urget, traditque, quanta fuerit decessorum Imperatorum erga Sedem Apostolicam reverentia, ut ad similem exhibendam Michaelem ipsum concitaret, ac scribit: *Verùm, si vos non esse spernendos ducitis, nos tamen non possumus ea, quæ Dei sunt, spernere, & negligere, quominus & saluti vestre consulamus, & de acceptatione talenti crediti nostrum periculum declinemus, dispensatione nobis cœlestis seminis injuncta. Væ, si non sparserimus, vae si tacuerimus: quod cum electionis vas &c.* Similia quædam etià scripserat Gelasius Papa in epistola ab Anastasiū Imperatorem, quem hortabatur, ut Apostolicæ Sedi in damnatione Acacii Episcopi morem gereret, inter cetera his verbis locutus: *Dispensatione etenim mihi divini sermonis injuncta, vae mihi est, si non evangelizavero. Quod cum vas electionis Beatus Paulus Apostolus formidet, & clamet, multò magis mihi exiguo metuendum est, si divinitus inspiratum, & paternâ devotione transmis-*

Can. 43.

missum substraxero ministerium prædicandi. Et pòst pauca: Proinde, sicut non leve discrimen incumbit Pontificibus, siluisse pro divinitatis cultu, quod congruit; ita his (quod absit) non mediocre periculum est, qui, cum parere deveant, despiciunt.

Pòst pauca in eadem Nicolai epistola leguntur verba canonis 5. dist. 96., 5. pòst cujus postrema verba illa penitus ignoramus, ita prosequitur Nicolaus: Fuerunt hæc antè adventum Christi, ut quidam typicè Reges simùl & Sacerdotes existerent, quod Sanctum Melchisedech fuisse sancta prodit historia; quodque in membris suis Diabolus imitatus, utpote qui semper, quo divino cultui conveniunt, sibimet tyrannico spiritu vendicare contendit, ut Pagani Imperatores iudem, & Maximi Pontifices dicerentur. Sed cum ad verum venutum est, eundem Regem, atque Pontificem, ultrà sibi nec Imperator jura Pontificatus arripuit, nec Pontifex, &c. quemadmodum leguntur in canone 6. dist. 96. usquè ad verba illa, qui eset negotiis secularibus implicatus; pòst quæ statim hæc in epistola ipsa subsequuntur: ut & modestia utriusque ordinis curaretur, ne extolleretur utroque suffultus, & competens qualitatibus actionum specialiter professio aptaretur. Quibus omnibus rite collectis, satis evidenter ostenditur, &c. sicuti leguntur in canone 7. dist. 96. usquè ad verba illa intermiseri tractatibus, quibus statim adjectum legimus: Quid prætere à hinc Romani Presules sentiant, quid Latini, Græcique doctores hinc exponant; quid denique Maximus venerabilis Monachus, & in illo tempore apùd nos penè solus catholicus in disceptatione sua prohibeat; quoniam longum est scribere, interrogate seniores, qui tamen moribus seniores sunt, & dicent vobis. His itaque manifestè repertis, &c. usquè in finem memorati canonis 7. Non est omittendum, similia quædam legi in tractatu Gelasii Papæ, qui dicitur de anathematis vinculo eisdem ferè verbis.

Can. 86. caus. 1. 1. quæst. 1. eisdem omnino verbis leguntur in memorata epistola sub initium, ubi Nicolaus Michaelem Imperatorem hortatur, ut Romani Antistitis monitis obsecundet.

Tom. III.

Ad eamdem etiàm epistolam pertinet canon 123. caus. 1. quæst. 1., cuius hæc est sententia. Conquestus fuerat Michael Imperator apùd Nicolaum Pontificem, quod Romam sese contulisset Theognostus quidam, olim Monachus, deinde supèr quasdam Provincias constitutus Exarchus ab Ignatio Constantinopolitano, nec non alii etiàm Monachi, quos omnes fama erat causæ Ignatii adversus Photium patrocinari. Hi ut Constantinopolim redirent Michael exoptabat, quod & à Pontifice Maximo postulavit. Respondit autem Nicolaus, Monachos illos & Theognostum in fidem suam, & B. Petri se recepisse, proindeque non debere illos Româ abjici, & Constantinopolim mitti, fortè mac-tandos unà cum Ignatii fautoribus; idque probat Nicolaus exemplo propo-sito Imperatoris, qui olim recusaverat Agarenorum Principi postulanti consentire, dum ab eo quidam venerabilis vir in Imperatoris fidem receptus exposceretur, his verbis: Denique, cum quidam Antecessorum vestrorum quendam venerabilem virum ab Agarenorum Principe multis oblatis muneribus sibi mitti poposcerit, non solùm minime impetravit, verum etiàm, ut feriur, ab eo, quem querebat, pudorem conferentia scrip-ta recepit. Quanvis Deo gratias, & per principalem Beatorum Apostolorum Petri, ac Pauli (de qua supra partim exposuimus) potestatem, & jus habeamus, non solùm Monachos, verum etiàm quolibet Clericos de quacumque Diocesi, cum necesse fuerit, ad nos convoca-re, atque Ecclesiasticis exigentibus opportuni-tatibus invitare. Hoc quidem nostrum: vestrum autem & piorum Imperatorum non est ullum penitus querendi Monachos ministerium, nisi ad miserendum, & orationes eorum sub-missè poscendum. Quid si forsitan opinamini, Theognostum apùd nos Photio detrahere, Ignatiumque jugiter commendare, scitote vera-citer, quia nihil ipse de utroque loquitur, ni-si quod in proposito est &c. His supplere juvabit memoratum canonom 123., ad quem referendus etiàm est canon 21. caus. 9. quæst. 3.

Jungendi simùl sunt canones 15. Nn caus.

Can. 15. caus. 3. quæst. 5., & 2. caus. 4. quæst.
 caus. 3. 1. ex eadem epistola deprompti in ea
 q. 5. & can. 2. parte, in qua Nicolaus conqueritur,
 caus. 4. q. 1. quod Synodus adversus Ignatium cele-
 brata fuisse ab iis ipsis, qui Ignatio
 erant infensi, imo & ejusdem accusato-
 res; de quibus ita Nicolaus ait: *Igitur*
quia suspecti (ex his supplebis memor-
 tum canonem 15.) & *inimici judices esse*
non debeant & ipsa ratio dicit.... prohibere
capitulo, quod tamè non apù nos inventum,
sed apù vos haberi perhibetur. Verùm novi-
nus nos, Apostolicis imbuti documentis, etiàm
sententiis uti Paganorum, quantò magis Chris-
tianorum, atque Catholicorum? Et contrà ip-
 sos, quorum nec vitam sequimur, nec mentem
 erroneam imitamur. Denique Apostolus Paulus de libris Paganorum aliqua in suis scriptis
 posuit, ut est illud ad Titum: *Cretenses sem-*
pèr mendaces, malæ bestiæ, ventres pigri, cu-
pidi. Et iterùm in Actibus Apostolorum de Deo
ait: in quo vivimus, movemur, & sumus:
numquid idè etiàm cuncta recipienda sunt,
qua cum his pariter sunt prolata? Ait autem
 predictus canon: *Quoniam multi Ecclesiasti-*
cum ordinem confundere, ac subvertere volen-
tes amore inimicitiæ, & calumniösè causas
quasdam contrà dispensatores Ecclesiarum Or-
thodoxos Episcopos confingunt, nihil aliud, quæ
fedare Sacerdotum existimationes, & turba-
tiones peccatorum populorum confiscere conantes:
propter quod placuit sancta Synodo Episcopo-
rum, qui Constantinopolim concurrerunt, ne
sine discussione admittantur accusatores, nec
omnibus præcipiatur accusationes facere contrà
dispensatores Ecclesiarum. Veniamus ergo &
ad sanctam Chalcedonensem Synodum.... &
nisi manifesta sibi officiant crimina.... renuit
intrare collegium. Quinimmo hinc Psalmista
David, & Elias eximius Prophetarum Saulis,
vel Achab refugiunt prorsus insaniam. Quod
autem hi, qui &c., quemadmodum legi-
tur in memorato canone 2. caus. 4.
quæst. 1. De canone Concilii Constan-
tinopolitani, qui hoc in loco à Nicolao
laudatur, nihil ego adjicio, cum jam
satis de eo animadverterint Romani Cor-
rectores.

Can. caus. 3. In eadem epistola legitur eisdem ver-
 caus. 4. bis canon 3. caus. 4. quæst. 4. in ea

parte, in qua Nicolaus improbat acta
 Concilii, adversus Ignatium celebrati.

Canon 10. caus. 9. quæst. 3., qui
 in eadem epistola legitur, aliis omnino
 verbis describendus erit juxta fidem
 exemplarium optimorum. Optabat Ni-
 colaus, ut Ignatii causa apù Sedem
 Apostolicam retractaretur, & Romæ sin-
 gulorum jura dirimerentur. Eam ob rem
 ita scribebat: *Quoniam, cum secundum ca-*
nones, ubi est major auctoritas judicium infe-
riorum sit deferendum, ad dissolvendum sci-
llet, vel ad roborandum, patet profectò, Se-
dis Apostolice, cuius auctoritate major non est,
judicium à nemine fore retractandum, neque
cuicunque de ejus licet judicare judicio. Siquid-
em ad illam de qualibet mundi parte canones
appellari voluerunt; ab illa autem nemo sit ap-
pellare permisus. Juxta quod & Bonifacius,
atque Gelasius sanctissimi Presules non suis
ad inventionibus, sed Ecclesie Romana consue-
tudinem non ignorantes dicunt: Bonifacius qui-
dem, Ruso, & ceteris Episcopis per Thessalam,
& alias provincias constitutis, scribens: Nemo,
ait, unquam Apostolico culmini, de cuius ju-
dicio non licet retractare, manus obvias audac-
ter intulit. Nemo in hoc rebellis exitit, nisi
qui de se voluit judicari. Gelasius autem in
commonitorio, Fausto magistro fungenti legatio-
ne Constantinopolim dato: nobis, inquit, op-
ponunt canones, dum nesciunt quid loquantur;
contrà quos hoc ipso venire se produnt, quod
prima Sedi, sana, rectaque suadenti, parere fu-
gunt. Ipsi sunt canones, qui appellations to-
tius Ecclesie ad hujus Sedis examen volvere de-
ferri. Ab ipsa vero nusquam prorsus appellari
debere sanxerunt, ac per hoc illam de tota Ec-
clesia judicare, ipsam ad nullius commeare ju-
dicum. Nec de ejus unquam præceperunt ju-
dicio judicare, sententiamque illius constitue-
runt non oportere dissolvi, cuius potius sequen-
da decreta mandarunt. His sane verbis non
emendari tantum debuit Gratiani editio,
sed etiàm Gratianus canon rectâ inter-
pretatione donandus exhiberi.

Quæ traduntur in can. 35. caus. 24. Can. 35.
 quæst. 1. jungenda fuissent cum iis, quæ caus. 24.
 superius observabam ad canonem 36. q. 1.
 eadem causa, & quæstione, nisi Gratianus sub diversa inscriptione eosdem
 ca-

canones exhibuisset, qui tamè ad hanc eamdem epistolam pertinent omnes in ea parte, in qua Nicolaus ait, neminem fuisse ex iis, qui Ignatium damnaverant, in Christiana communione liberè consistentem, sed ut plurimùm omnes aut hæresi, aut schismate ab Ecclesia recessisse; quamobrèm tradit, ab hujusmodi hominibus Ignatium ritè non potuisse dejici à Sede Constantinopolitana, inter cetera ità scribens: *Sed iterum videte Romanae Sedis Pontificem à vobis quidem derogatum, sed à totius Christianitatis unanimitate veneratum, & magna Synodi Ephesinae Præsulem Celestimum, quid censeat de his, qui depositi, & excommunicati à Nestorio fuerant, postquam depositus coram oculis summi arbitri jam esse credebatur. Et multò magis hoc de fratre, & consacerdote nostro Ignatio esse censendum arbitramini, qui non à Prælato quolibet, sicut isti, sed à se dejectis talia pertulit. Ait enim Episcopis Orientalibus scribens: Siquis verò aut ab Episcopo Nestorio, aut ab aliis, qui eum sequuntur, ex quo talia predicare cuperunt, vel excommunicatus, vel exutus est seu Antistitis, seu Clerici dignitate, hunc in nostra communione & durasse, & durare manifestum est. Nec judicamus eum remotum, quia non poterat quemquam ejus removere sententia, quia se jam præbuerat ipse removendum. Item idem ad Clerum Constantinopolitanum aperte inquit: Sedis nostræ, &c., quemadmodum superiùs exhibui ad memoratum canonem 36., qui est superiori jungendus, undè integra Nicolai sententia colligatur.*

Can. 6. Démùn ex eadem epistola deprompta sunt verba canonis 6. caus. 35. quæst. 9. qui sane jungendus erit cum canonie 10. caus. 9. quæst. 3. jam superiùs exhibito; etenim pòst illa canonis ejusdem 10. verba, cuius potius sequenda decreta mandarunt, ità legitur illicò in epistola Nicolai: *Ergo de judicio Romani Presulis non retractando, quia nec mos exigit, quod diximus comprobato: non negamus ejusdem Sedis sententiam posse in melius commutari, cum aut sibi subreptum aliquid fuerit, aut ipsa pro consideratione atatum, vel temporum, seu gravium necessitatum, dispensatoriè quidam ordinare decreverit. Quoniam & egregium Apostolum Paulum quadam fecisse dispensatoriè legimus, que postea reprobasse dignoscitur. Quando tamen illa Romana videlicet Ecclesia discretissimâ consideratione fieri delegerit, non quandò ipsa, quæ penè (legunt alii bene) sunt definita, retractare voluerit. Quoties ista jungantur cum verbis memorati canonis 10., & quasi uno spiritu omnia legantur, statim integra Nicolai sententia deprehendetur.*

De responsis ad Consulta Bulgarorum.

Jam diù antè sèculum Ecclesiæ nouum Idololatriæ tenebris detinebatur, quod dixerunt Bulgariae Regnum, licet olim dum Græcorum Imperio pareret, Christianæ fidei nomen dedisset; etenim Bulgari populi Idololatræ eas Provincias bello partas in suas traxerunt superstitiones, donèc Michaelem Rex Bulgarorum sub Nicolaum Pontifice non solum Christi fidem amplexus est, sed & populis sibi subjectis dedit exemplum, atque incitamentum, ut veram Religionem amplecterentur. Baptizatus Rex Legatos ad Nicolaum Pontificem misit, postulans, ut in eas partes Episcopi, ac Presbyteri mitterentur, quorum operâ Evangelica doctrina, atque Apostolica recentium fidelium animis insereretur. Annuit libentissimè Nicolaus, ibidemque plures Episcopos constituit, quamquam deinde concitaverit magis invidiani Græcorum, ac præsertim Patriarchæ Constantinopolitani, qui facilè sibi persuadebat, Bulgarorum Provincias ad suum spectasse, aut spectare debuisse Patriarchatum, allegans olim Græcos Episcopos ibidem fuisse designatos, refragantibus tamè Romanis Antistitibus, qui triplici jure visi sunt sibi adseruisse in illo Regno jus etiàm Patriarchicum; primò, quòd Bulgari ipsi se se sponte Romanæ Ecclesiæ subdidissent, & ejus jurisdictioni; secundò, quòd non constaret veteres Bulgariae Provincias, dum Christianæ essent, à Græcorum

dependisse Patriarchatu; tertio demum, quod Romanus Patriarchatus jam ab aliquo annis in possessione ibidem esset juriū Patriarchalium. Qui plura ad hanc rem desiderat, adeat auctorem libri Pontificalis in vita Hadriani II. & Nicolai I., item epistolam Hadriani II. ad Basiliū Imperatorem, quae incipit: *Lectis excellētis imperii vestri literis*, quae habetur in fine actorum Concilii VIII. generalis, interprete Anastasio Bibliothecario.

His quasi per brevem historiam praejectis, statim intelligimus, quo pertineant vulgata Nicolai Papæ responsa ad consulta Bulgarorum. Nimirum Bulgari, recens ad fidem conversi, nonnulla à Romano Pontifice, de quibus ipsi dubitabant, dirimenda postulaverunt, ut liquet ex ipsomet Nicolai resribentis exordio, ibi: *Ad consulta vestra non multa respondenda sunt, nec duximus per singula diutius immorari, qui Deo Auctore non solum libros divina Legis, verum etiam & missos nostros idoneos, qui vos, prout tempus & ratio dictaverit, de singulis instruant, ad patriam vestram, & ad gloriosum Regem vestrum dilectum filium nostrum destinavimus, quibus & libris, quos prævidimus necessarios illis nunc esse, commisimus.* Quibus ex verbis constat in primis, Nicolaum resribentem non in animo habuisse, generalem Bulgari exhibere doctrinam fidei, eisdemque omnia tradere, quae essent recens susceptæ religionis necessaria adjuncta, sed tantum voluisse nonnullis propositis quæstionibus satisfacere; etenim generalem fidei doctrinam asseruit aut in sacris libris, qui missi fuerant, apertissimè contineri, aut si dubia quædam de sacrarum literarum interpretatione emersissent, doctrinam eamdem fidei commodè posse ab illis addisci, quoties legatos Sedi Apostolice illuc ab eam rem missos, consulerent. Deinde etiam constat, responsa Nicolai non ad Regem Bulgariū directa fuisse, neque ad Episcopos, eò missos ab Urbe Roma; frustra enim Nicolaus resribens mentionem fecisset de missis idoneis desti-

natis, ac de gloriose Rege illorum, sed potius directa fuisse ad singulare quosdam recentes Catholicos, & quidem non de trivio homines, qui optaverint sibi per ipsumet Pontificem Maximum in quibusdam quæstionibus satisficeri. Centum & sex capitibus responsa continentur, post quæ ita Nicolaus epistolæ finem imposuit: *Hac quidem suggestionibus, sive questionibus vestris, prout Dominus dedit, respondimus, non quantum potuimus, sed quantum sufficere posse prævidimus.* Cum autem Episcopum, Deo concedente, per Præsulatus nostri ministerium habueritis, ille vos docebit omnia, quæ ad officium suum pertinent; & siquæ sunt, quæ non capiet, ab Apostolica Sedi auctoritate suscipiet. Deus autem, qui in vobis salutem maximam operatus est, hanc perficiat, consolidet, & usque in finem stabilit, & corroboret. Amen.

Ex postremis his epistolæ verbis Romani Correctores ad canonem 17. Can. 71. dist. 28. animadverterunt, nondum fuisse apud Bulgarios interrogantes, qui Episcoporum, aut Presbyterorum munere fungerentur; præsertim, cum in cap. 106., quod postremum est, dicatur varios fuisse ex Græcis, aut Armenis Christianis, qui diversa populum docerent. Hinc sanè liquet, apud Bulgarios Presbyteros extitisse Apostolico ita dixerim more vagantes, nondum institutis Parochis, & Parochiarum limitibus: imò etiam evenire potuit, ut non tam Latini illuc petiissent ex mandato Pontificis, quam Græci ex mandato Photii, seu Patriarchæ Constantinopolitanæ, qui Provincias illas recens conversas suæ jurisdictioni vindicare studebat, quemadmodum Nicolaus insinuareret videtur in epistola 70. ad Hincmarum Rhemensem, aliosque Episcopos, in Regno Caroli constitutos, quæ incipit: *Omnium nos portare onera.* Porrò, ubi Græci, ac Latini Sacerdotes eò confluerent, & quidem singuli eo animo, ut dum disciplinam Ecclesiasticam stabilirent, Græci ad Græcos, Latini ad Latinos mores Bulgariū animos converterent, nihil facilius evenire potuit,

quam

quām ut Latini Sacerdotes Græcis Sacerdotibus conjugiorum usum objicerent, proindèque Bulgarorum animos à Græcis Sacerdotibus averterent. Prudentissimè Nicolaus nec penitus interea ab igendos voluit Sacerdotes matrimonio copulatos, ne omnino Græcos laderet adjuatores; alias verò reprehensibles dixit, ut ab illorum disciplina, ad quorum Patriarchatum non pertinebant, Bulgarorum animos alienos redderet; simùl autem voluit, ne Laici viri in hac Sacerdotum improbandorum, vel absolvendorum specie sententiam ullam ferrent, sed sententiam designandorum Episcoporum potius expectarent; sperabat enim Nicolaus brevi cò accessuros fore Episcopos Latinos, qui Latinæ Ecclesiæ disciplinam, rejectis Græcorum moribus, instaurarent. Verba Gratiani canonis eadem sunt cum iis, quæ in editis epistolæ exemplaribus habentur, exceptis sequentibus, quæ in editis epistolæ exemplaribus leguntur: *Consulendum.... quo respondemus.... vos tamè dominum imitari convenit, qui solem suum, ut Evangelium testatur, oriri facit super bonos, & malos, & pluit super justos, & injustos. Dejicere.... de Presbyteris, qualescumque sint, vobis &c.*

Amplius pergit Nicolaus in capite sequenti, seu 71., & ait, ne ab adulteris quidem Sacerdotibus Sacraenta divina pollui posse; quod Gratianus retulit in can. 5. caus. 15. quæst. 8., ubi pro illis verbis: *Quæ purgatoria cunctarum contagionum existunt: item, dicente B. Hieronymo: ad credendum in anima omni baptismus est perfectus, & in omni Sacerdote Corpus Christi est perfectum; ita potius legitur in editis integræ epistolæ exemplaribus: Quæ purgatoria cunctarum remedia contagionum existunt; item: Docente Sancto Hieronymo, ad credendum in omni anima baptismum esse perfectum, & in omni Sacerdote Corpus Christi esse perfectum.* Ex hoc canone nonnulla derivata esse videntur in Capitulum 7. de cohabit. Cleric. & mulier. sub nomine Lucii III., ubi sanè nemo non animadvertis, emendandam esse vocem illam *cognitionum*, & pro ea legendum esse *contagionum*.

Quæ traduntur in canone 15. caus. Can. 15.
23. quæst. 8. fusiùs describuntur in ca- caus. 23.
pite 46. epistolæ Nicolai his verbis: *Jam verò, si Quadragesimali tempore liceat, si ne- cessitas exigit, vel si non exigit ulla necessi- tas, ad bella procedere, non vobis est necessa- riū exponendum, cum ex priorum propo- sitionum solutionibus, quid vos conveniat agere, etiàm nobis tacentibus jam ipsi colligitis. Bello- rum quippe, ac præliorum certamina, nec non omnium iurgiorum initia diabolice fraude sunt artis prosector reperta; & dilatandi regni cupidus, vel ire, vel invidia, vel aliis ejuspiam vitiis dilector tantum bis intendere, seu delectari con- vincitur; & idē, si nulla urgeat necessitas, non solùm Quadragesimali tempore, sed omni est præliis abstinentium. Si autem inevitabilis urget opportunitas, nec Quadragesimali est tempore, pro defensione tam sua, quam patriæ, seu legum paternarum, bellorum procul dubio præpara- tioni parcendum; ne videlicet Deum videatur homo tentare, si habeat quod faciat, & sue, ac aliorum saluti consulere non procurat, & sanctæ Religionis detrimenta non præcavet. Porro muri Jericho filii Israel, qui sabbatum jam obser- vandum suscepérant, etiàm sabbato urbem cir- cumeunibus, & tubis clangentibus, ad terram protracti sunt.*

Ex capite 3. recriptorum Nicolai Can. 2. deprompti sunt canon 2. caus. 27. quæst. caus. 27.
2. & canon 3. caus. 30. quæst. 5., quos & can. 3. propterea simùl jungi debere arbitrör, q. 5. caus. 30.
imò & ad integrum epistolam exigi, at- que ex illa suppleri: Ita rescripsit Nico- laus: *Consuetudinem, quam Græcos in nup- tialibus coniubniis habere dicitis, commemo- rare, prolixitatem stylī ritantes, carptim mo- rem, quem sancta Romana suscepit antiquitus, & hactenùs in hujusmodi conjunctionibus tenet Ecclesia, vobis monstrare studebimus. Nostra- tes siquidem, tam mares, quam feminæ, non ligaturam auream, vel argenteam, aut ex quo- libet metallo compositam, quando nuptialia fœ- dera contrahunt, in capitibus deferunt: sed pòst sponsalia, quæ futurarum sunt nuptiarum pro- missa fœdera, queque consensu eorum, qui hec contrahunt, & eorum, in quorum potestate sunt, celebrantur, & postquam arrbis sponsam sibi sponsus per digitum fidei à se annulo insig- nitum desponderit, dotemque utriusque pl. citam*

sponsus ei cum scripto pactum hoc continente coram invitatis ab utraque parte tradiderit, aut mox, aut apto tempore, ne videlicet ante tempus, lege definitum, tale quid fieri presumatur, ambo ad nuptialia fœdera perducuntur. Et primum quidem in Ecclesia Domini cum oblationibus, quas offerre debent Deo per Sacerdotis manum statuantur, sicque demum benedictionem, & velamen celeste suscipiunt, ad exemplum videlicet, quos Dominus primos homines in Paradiso collocans benedixit, eis dicens: crescite, & multiplicamini &c. Siquidem & Tobias, antequam conjugem convenisset, oratione cum ea Dominum orasse describitur. Verumtamen velamen illud non suscipit, qui ad secundas nuptias migrat. Post hæc autem de Ecclesia egressi coronas in caputibus gestant, quæ semper in Ecclesia ipsa sunt solita reservari. Et in festis nuptialibus celebratis, ad ducendam individuam vitam Domino disponente de cetero diriguntur. Hæc sunt jura nuptiarum: hæc sunt præter alia, quæ nunc ad memoriam non occurunt, pacta conjugiorum solemnia: peccatum autem esse, si hæc cuncta in nuptiali fœdere non interveniant, non dicimus, quemadmodum Græcos vos astruere dicitis, presertim cum tanta soleat arbitriare quodam rerum inopia, ut ad hæc preparanda nullum his suffragetur auxilium; ac per hoc sufficiat secundum leges solitus eorum consensus, de quorum conjunctionibus agitur. Quia consensus si solus in nuptiis forte desuerit, cetera omnia cum ipso coitu celebrata frustrantur, Joanne Chrysostomo Magno Doctore testante, qui ait: matrimonium non facit coitus, sed voluntas. Jam vero sciscitamini, si, muliere propriâ desunctâ, possit vir alteram ducere; scitote per omnia posse, Paulo egregio predicatore consilium dante, qui dicit: Dico autem non nuptis, & viduis: bonum est illis, si sic maneat, sicut & ego; quid si se non continent, nubant; & iterum: Mulier, inquit, alligata est legi, quanto tempore vir ejus vivit; quid si dormierit vir ejus, liberata est, cui vult nubat, tanum in Domino. Quod enim de muliere sanxit, & de viro intelligentum est, quia è contraria sapientia Scriptura de viro loquitur, sed & de muliere nihilominus dicere subintelligitur. Ecce enim dicimus: Beatus vir, qui non abiit in consilio impiorum &c., & iterum: Beatus vir, qui timet Dominum: ubi non solùm vi-

rum, sed & feminam, quæ non abiit in consilio impiorum, & quæ timet Dominum, beatam esse non immerit credimus. Integrum hoc epistolæ caput non solùm aptum est ad supplendum, quidquid deest Gratiani fragmentis, sed etiā plurimū valet, ut dignoscatur, quænam fuerit Nicolai temporibus solemnitas Romanæ Ecclesiæ in celebrandis connubiis: itēm quænam fuerit solemnitas, quæ adhiberi consueverat apud Græcos, sempè tamèn præ oculis habito Nicolai proposito, cuius mens erat Bulgaros à Græcorum disciplina distrahere, & ad disciplinam Romanorum amplectendam concitare.

Supplendus etiā erit ex integra Ni-
can. 1.
colai epistola cap. 2. canon 1. caus. 30.
caus. 30.
q. 3.
quæst. 3. his verbis: Ita diligere debet homo eum, qui se suscipit ex sacro fonte, sicut patrem: quinimò quanto præstantior est spiritus carne, quod illud spiritale est patrocinium, & secundum Deum adoptio, tanto magis spiritalis pater in omnibus est à spiritali filio diligendus. Marcus enim Evangelista, Petri discipulus, & ex sacro fuit ejus baptismate filius, quem nisi dilexisset ut Patrem, ei non in omnibus obedisset ut filius: nulla verò inter eos, & filios eorum consanguinitas est, quoniā spiritus ea, quæ sanguinis sunt, nescit; caro enim secundum Apostolum concupiscit adversus spiritum, & spiritus adversus carnem, hæc enim invicem adversantur. Est tamèn alia inter eos gratitudo, & sancta communio, quæ non est dicenda consanguinitas, sed potius habenda spiritalis proximitas. Unde inter eos, non arbitramur, esse quodlibet posse conjugale connubium; quandoquidem nec inter eos, qui naturâ, & eos, qui adoptione filii sunt, venerandæ Romanæ leges matrimonium contrahi permittunt. Siquidem primus institutionum liber, cum de nuptiis loqueretur, inter cetera, inter eas, inquit, personas, quæ parentum, liberorumve locum inter se obtinent, nuptiæ contrahi non possunt, veluti inter patrem, & filiam, vel avum, & neptem, vel matrem, & filium, vel aviam, & nepotem, & usq; ad infinitum: & si tales personæ inter se coierint, nefarias, atque incestas nuptias contraxisse dicantur: & hæc adeo sunt, ut, quamvis per adoptionem parentum, liberorumve loco sibi esse cœperint, non possint in-

inter se matrimonio jungi. Itaque eam, quæ mibi per adoptionem filia, aut neptis esse cœperit, non potero uxorem ducere: & infra: si quis per adoptionem soror esse cœperit, quamdiu quidem constat adoptio, sane inter me, & eam nuptia consistere non possunt. Si ergo inter eos non contrahitur matrimonium, quos adopcio jungit, quanto potius à carnali oportet inter se contubernio cessare, quos per celeste sacramentum regeneratio Sancti Spiritus vincit? Longe igitur congruentius filius Patris mei, vel frater meus appellatur is, quem gratia divina, quam quem humana voluntas, ut filius ejus, vel frater meus esset, elegit; prudentiusque ab alterna corporis commixtione secernimur, quantum Spiritus Sanctus sù nos charitate coadunavit, quam si vel carnalis necessitudo, vel invicem nos mutabile cuiusdam corruptibilis hominis arbitrium copulasset.

Romani Correctores jam suppleverunt aliqua, quæ deerant canonii 22. caus. 32. quæst. 5. ex capite 96. ejusdem epistolæ Nicolai: integrum autem caput retulissent, si postrema hæc verba addidissent: *Sicut à Christo Ecclesia diligendas; quantum autem hæreticorum ore Christus & accusatur, & in gentibus blasphematur, sed hos interim perversa prædicantes tolerat, & resipiscentes à misericordia gremio non repellit.*

Postulaverant Bulgari à Nicolao, quidnam fieri tempore quadragesimali liceret; quid verò prohiberetur. Atque eo pertinent capita 44., 45., 46., 47. & 48. hujus epistolæ. In capite 44. scripsit Nicolaus, abstinentiam esse à venationibus. In capite 45. de modo judiciorum publicorum exercendorum rescripsit. Quid scripsit in capite 46. jam indicavi ad canonem 15. caus. 23. quæst. 8. In capite 47. respondit, nunquam Christiano homini jocis esse vacandum, potiore autem ratione non esse vacandum tempore quadragesimali, quemadmodum nec vaniloquio, aut scurrilitati, vanisque rebus quibuscumque; quia eo potissimum tempore Deo per poenitentiam satisfacere pro viribus homines debent. Subdit autem in cap. 48. *Unde nec uxorem ducere, nec convivia facere in quadragesi-*

*mali tempore convenire posse nullatenus arbitramur. Quæ verba retulit Gratianus in can. 11. caus. 33. quæst. 4., ubi notanda sane sunt, quæ prudentissime in ea materie prosecutus est Sanctus Pontifex: Iterum, quid hic sacri canones dicant, Episcopo vestro docente scietis. Quod ipsum ferè tradidit in capite 50. his verbis: *Quid de eo, qui de quadragesimali tempore cum uxore sua coierit, sit iudicandum, Episcopi vestris, & sacerdotis, qui ab eo constituetur, arbitrio considerandum, ac definiendum committimus, qui singulorum mores agnoscere poterant, & uniuscujusque vestrum causas, libratis personis, ac temporibus, discernere, seu moderari debent &c.* Prudens sane Nicolai consilium, qui per epistolam non æquè, ac per ministrorum suasiones, temporibus ac personis industri sollicitudine accommodata, rem illam definiri rectè posse censuit.*

Juvat etià redigere ad integra epis-
tolæ exemplaria, nimirum ad caput 104. ^{Can. 24. de cons.} canonem 24. de cons. dist. 4. ibi: *A dist. 4.*
quodam Judeo, nescitis utrum Christiano, an Paganum, multos in Patria vestra baptizatos asseritis, & quid de his sit agendum, consulitis. Hi profecti, si in nomine Sancte Trinitatis, vel tantum in nomine Christi, sicut in ac- tibus Apostolorum legimus, baptizati sunt (unum quippe, idemque est, ut Sanctus exponit Ambrosius) constat eos non esse denū baptizandos: sed primum, utrum Christianus, an Paganus ipse Judeus extiterit, vel si postmodum factus fuerit Christianus, investigandum est, quamvis non prætereundum esse credamus, quid beatus de baptismō dicat Augustinus: jam sa- tis, inquit, ostendimus, ad baptismum, quæ verbis Evangelicis consecratur, non pertinere cuiusquam vel dantis, vel accipientis errorem, sive de Patre, sive de Filio, sive de Spiritu Sancto aliter sentiat, quam doctrina cœlestis insinuat: & iterum: sunt etià quidam ex eo numero, qui adhuc nequiter vivant, aut etià in hæresibus, vel gentilium superstitionibus ja- ceant, & tamè etià illic novit Dominus, qui sunt ejus. Namquæ in illa ineffabili præscientia multi, qui foris videntur, intus sunt; & alio loco: & jam corde tardiores, quantum existi- mo, intelligunt baptismum Christi nullâ perversitate hominis, sive dantis, sive accipientis, pos-

se violari; & rursus: potest tamen, ait, tradere separatus, sicut potest habere separatus, sed quam perniciose tradere; ille autem, cui tradit, potest salubriter accipere, si ipse non separatus accipiat. Romani Correctores animadverterunt, apud Algerum legi pro illis verbis à quodam Iudeo ita: à quodam, ut audio. Antonius Augustinus in Dialogo 18. lib. 2. de emend. Gratiani refert, se in libro Cæsaraugustano legisse à quodam viro, quam lectionem sibi vehementer placuisse profitetur, eā ratione, quod non poterat dici Iudeus, de quo dubitabatur, an Christianus esset, an Paganus. Verum & Romani Correctores, & Baluzius in notis ad Gratianum probare non potuerunt, emendandum esse Codicem Gratiani, præsertim quod in integro Nicolai capite, quale superius nuper exhibui, ita omnia facta traduntur, quasi ille qui baptizaverit Iudeus esset, de quo tamè dubitaretur, an Christianus esset, an Paganus; Iudeus fortè origine, sive parentibus Iudeis progenitus, de quo tamè minimè constaret, an esset Idolatriæ deditus, an esset potius jam fide Christiana imbutus. Quæcumque verò editio sit recipienda, præterire non debo, torquei quamplurimos in interpretatione hujus capituli in ea parte, in qua traditur, baptismus collatum valere in nomine Christi, aequè ac valeret, si conferretur in nomine Sanctissimæ Trinitatis juxta vulgarem Ecclesiasticorum Ritualium formulam; imò eò graviorem difficultatem emergere, quod validioribus Nicolaus usus fuerit ad suam probandam sententiam monumentis, nimis & sacrarum Scripturarum, sive Actuum Apostolicorum, auctoritate, & Sancti Ambrosii testimonio. Sunt eam ob rem ex Theologis, ac canonum Cultoribus non pauci, quos adeò movit Nicolai I. superius exposita sententia, ut censuerint valere baptismus tantum in nomine Christi collatum, etiamsi expressa non fieret mentio Sanctissimæ Trinitatis. Verum viri gravissimi adhuc in contrariam abire opinionem minimè dubitaverunt,

animadverterentes, in rescripto Nicola tria exhiberi, quæ sejungi necessariò debant: in primis actuum Apostolicorum monumenta, deinde Sancti Ambrosii testimonium, demùm Nicolai ejusdem Pontificis sententiam.

Fatentur in primis, in Actibus Apostolorum sæpè fieri mentionem baptizatorum in nomine Christi, sed ad horum interpretationem verborum in duplice dividuntur classem. Ajunt aliqui, fortè id factum ab Apostolis fuisse primâ illâ Fidei propemodùm nascentis aetate, quodam velut dispensatione recedentibus, Deo ipso inspirante, à generali Christi mandato, quo baptizandas gentes esse in nomine Patris, & Filii, & Spiritus Sancti acceperant; idque ex eo factum, ut Christi nomen gentibus inclaresceret magis, ac facilius illæ Christi Fidem profiterentur. Alii è converso id ab Apostolis factum denegant, & non aliter in nomine Christi baptizatum fuisse volunt, quam juxta formulam à Christo præstitutam, quod idem est, ac in expresso nomine Trinitatis. Reverè frequentissimè verba illa in nomine non ita sonant, quasi nomen aliquod sit pronunciandum, sed quasi quod fit, illius fiat auctoritate, ac mandato, in cuius nomine fieri dicitur, quemadmodum cum de Apostolis dictum est: In nomine meo dæmonia ejicient, linguis loquentur novis, &c. Neque est, cur quisquam fortè sacrum Scriptorem ita loquentem redarguere posset, quasi verba ambigua posuisset; nam mens sacri Scriptoris non erat, indicare verba formule, quibus Apostoli baptizando utebantur, ut potè de qua satis constabat in Evangelio juxta generale mandatum Domini; sed potius indicare, quo baptisatae quidam baptizarentur, num baptisatae Christi, num baptisatae Joannis, cum tunc duo haec baptisatae ministrata adparerent. Posterior haec opinio mihi magis placet, quæ congruit in primis verborum formulis, à Scriptore sacro adhibitis: congruit deinde, quod potissimum spectandum est, cum expresso Christi Domini mandato de baptis-

timate ministrando expresso nomine Sanctissimæ Trinitatis; prior autem opinio, quæ ad dispensationes contrà jus divinum confudit, quamdam aut injuriam Apostolis infert, quasi Christi mandata non servaverint, aut supponit dispensationem, de qua non constat, adversus jus divinum, nupèr Christi ipsius ore firmatum, dum esset Cœlos adscensurus. Ego sanè reor, non facilè hujusmodi dispensationes præsumendas esse, nisi forte talis emerget casus, quo aliter interpretari sanctissimorum Virorum acta non possemus. Nec forte dicas, causam fuise gravissimam dispensandi, quod Christi nomen magis inclarescere videatur; nam si Christum à Filio Dei non distinguit fides nostra, non video, cur æquè non inclareceret Christi nomen, ubi baptizaretur etiā in nomine Filii, unā cum Patre, & Spiritu Sancto, imò, cum potissima Christi claritas sit ipsa Divinitas, quid aptius ad eam demonstrandam, quam ita baptizare, ut Christus, sive Filius Dei, à Patre, & Spiritu Sancto minimè sejungeretur?

Venient deinde ad expendendum Sancti Ambrosii testimonium, & ajunt ad hanc quæstionem Ambrosii sententias vix pertinere. Sanè prænotare juvat, ibidem nullum aliud Ambrosii monumentum referri, quam quod habetur in lib. 1. ejusdem Sancti Doctoris de Spiritu Sancto cap. 3., ubi totus est *Vir eximus*, ut demonstret ex sacris literis, Spiritum Sanctum esse Deum, quemadmodum eisdem ferè rationibus demonstrabat S. Basilius in libro etiā de Spiritu Sancto in cap. 10. 11. & 12., ita ut dixeris, Ambrosium de divinitate Sancti Spiritus sribentem habuisse præ oculis librum Basili, ex quo plura in librum suum derivaret. Inter cetera Sanctus Antistes ea profert Scripturæ, seu novi Testamenti fragmenta, ex quibus constat tacite etiā intelligi Spiritum Sanctum, ubi Pater, vel Filius nominarentur, quemadmodum intelligebatur Pater, aut Filius, ubi nomen pronunciaretur Spiritus Sancti; exinde enim

facilè consequebatur, sive Patris, sive Filii, sive Spiritus Sancti eamdem esse naturam. Ad hanc rem pertinebat, quod in Actibus Apostolorum dicitur cap. 8. Eunuchum Reginæ Candacis Æthiopum baptizatum fuisse à Philippo, postquam professus est, se credidisse, *Filiū Dei esse Iesum Christum*, ad quod ait Ambrosius, tacite Eunuchum credidisse etiā in Spiritum Sanctum ex eo, quod expressè in Christum crediderat; eodem modo, quo ubi in Evangelio dicitur, Christum baptizaturum esse *in Spiritu Sancto*, eadem Spiritus Sancti virtus indicabatur, quæ Patris erat, & Filii. Itaque huc spectat, quod ait Ambrosius, idem esse in sacris literis nominare Christum, aut Filium Dei, item Patrem Deum, ac nominare Spiritum Sanctum; nemo verò non videt, quam parùm conveniat hoc propositum cum ea disputatione, utrum sufficiat baptizare in nomine Christi, non expresso alias Personarum Divinarum nomine. Non loquebatur Ambrosius de formula Sacramenti pronuncianda, sed potius de vi verborum sacræ Scripturæ, quæ identidem de Filio prædicavit, quod etiā voluit de Sancto Spiritu prædicatum, quemadmodum, ubi dicitur per Filium omnia esse creata, virtutem Sancti Spiritus minimè exclusit. Sanè, ubi de formulis sensibilibus Sacramentorum agitur, non est investigandum, quid tacite intelligatur, sed potius quid expressum voce sit, cum Sacraenta signa sint sensibilia, quæ verbis, & rebus constant; secùs enim ex Ambrosii sententia concludere etiā oporteret, valere Sacramentum baptismi, tantum in nomine Spiritus Sancti collatum, non expresso nomine Patris, vel Filii; quod non arbitror dicturos eos, qui asserunt valere ex Ambrosii sententia baptismum, in nomine Christi collatum. Propositum autem exemplum Eunuchi à Philippo baptizati plurimum ad rem hanc explicandam facere videtur; etenim, cum sacra literæ doceant, non quidem Philippum baptizasse in nomine Christi, sed

potius baptizasse, postquam Eunuchus eredit Christum esse Filium Dei, perspicue liquet non agi apud Ambrosium de formula à baptizante pronuncianda, sed potius de formulâ fidei, quæ proferenda sit à baptizato; & quamvis verum sit, satis fuisse Philippo, quod Eunuchus crediderit Christum esse Deum, quia hac fidei formulâ etiam tacite credidit Deum Spiritum Sanctum, non tamen satis esse Philippo potuit Eunuchum baptizare in nomine Christi, qui ex Christi ipsius mandato baptizare debebat etiam in nomine Patris, & Spiritus Sancti. Adde his omnibus animadversiones Maurinorum Monachorum, qui Ambrosii libros ediderunt; siquidem ipsi demonstratum scriperunt, Ambrosium aliis in locis docuisse, non aliter valere posse Baptismatis Sacramentum, nisi cum expresso Sanctissimæ Trinitatis nomine collatum fuerit: quamobrem concludere exinde licebit, Ambrosii loca ad propositam quæstionem pertinere vix posse.

Ita expositis & sacrarum Literarum, & Sancti Ambrosii monumentis, una superest expendenda Nicolai Papæ doctrina, perspicue concludentis, idem esse & in nomine Trinitatis, & in nomine Christi tantummodo Sacramentum Baptismi conferre. Verum, qui necessariam asserunt expressam Sanctæ Trinitatis invocationem, recte animadvertisunt in Nicolai rescripto duas esse partes, quarum prior explicat, quomodo etiam ab ignoto, nec Christiano viro Sacramentum Baptismatis collatum valere dicatur juxta vetustam Ecclesiæ traditionem; posterior explicat, parum referre, utrum Sacramentum Baptismatis collatum sit sub ea formula, quâ solùm invocetur Christi nomen, an sub ea, quâ nomen Sanctissimæ Trinitatis exprimitur. In prima rescripti parte jus esse dicunt, at in secunda privatam Nicolai opinionem, cui non sit juris auctoritas. Revera, ut ex toto superius descripto contextu patet abunde, non fuit à Bulgaris Nicolaus interrogatus de formula,

aut formulæ qualitate, sed potius de ministro, seu ministri conditione. Regula autem est rescriptorum, quæ postulat, ut rescripta in ea tantum parte vim juris obtineant, in qua vere rescripta dici possunt, sive in qua interrogatio respondent.

De epistolis ad Episcopos omnes.

Sub nomine Nicolai Papæ, ad omnes Episcopos scribentis, duo habemus fragmenta apud Gratianum. Primum legimus in can. 6. caus. 17. quæst. 4.

Sub nomine Nicolai Papæ, ad omnes Episcopos scribentis, duo habemus fragmenta apud Gratianum. Primum legimus in can. 6. caus. 17. quæst. 4. quem in primis exigere juvabit ad decretum Ivonis, ex quo videtur excerptus, deinde quid de eo senserint Viri eruditæ indicare. Itaque Ivo in parte 3. Decreti cap. 104. ita habet: *Nicolaus Papa omnibus Episcopis: De confiniis cæmeteriorum, sicut antiquitus à Sanctis Patribus statutum est, statuum: ita ut major Ecclesia per circuitum sexaginta passus habeat, Capella verò, vel minores Ecclesia xxx. Qui autem confinium eorum constringere tentaverit, aut personam hominis, vel bona ejus inde abstracterit, nisi publicus latro fuerit, quousque emendet, & quod rapuerat, reddat, excommunicetur.* Hinc sane adparet, non sermonem institui de Ecclesiarum confinibus, quod videtur apud Gratianum, sed potius de confinibus cæmeteriorum non violandis; si enim cæmeteria suaptè natura, sive ex ipsa Romanorum etiam veterum lege, tanquam loca religiosa habita semper fuerunt, omnique humano commercio exempta, deinde ubi ecclesiastica illis benedictio accessit, sacra quodammodo loca evaserunt, nulla ratio eadem violari permittit; religionis enim species semper fuit apud homines defunctorum cineribus nullam injuriam, quocumque tandem modo injuria fieri dicatur, inferri. Antonius Augustinus in dialogo 17. lib. 2. de emendat. Gratiani adnotat inscriptionem illam, *Nicolaus omnibus Episcopis*, memorato canonii adjectam, haberi quidem apud Gratianum, Iovinem, & in libro Tarragonensi, sed in Panormia duplē esse inscriptionem, ni-

nimirūm & Agathensis Concilii cap. 29. & Nicolai, quamquām nihil tale in Agathensi Concilio reperiatur. Itē adnotat, quod etiā Romani Correctores observaverunt, legi in veteribus codicibus LX. passus pro XL., & confinia eorum, pro confinio eorum. Ego hunc canonem agnoscō pertinere potius ad Nicolaum II. cum legatur eisdem omnino verbis, quibus apud Ivonem exhibitus est, in epistola ejusdem Pontificis ad Episcopos Galliæ, Aquitaniæ, & Vasconiaæ, in qua referuntur decreta Concilii Romani anni 1059. edita in recentioribus Conciliorum collectionibus ex apographo Sirmondi; ubi tamē pro illis verbis vel minores Ecclesiae, legitur, sive minores Ecclesiae. Cum verò in eodem canone legatur, sicut antiquis à Sanctis Patribus statutum est, arbitror id referendum esse ad illa, quæ constituta fuerunt in Capitulari 2. anni 803., in Capitulis legi Salicæ adjectis, editisque sub Carolo Magno, de illis, qui ad Ecclesias confugientes se se in atria illarum recipiunt; nām in cap. 3. hæc leguntur: *Siquis ad Ecclesiam confugium fecerit, intrâ ipsius atria Ecclesie pacem habeat; nec sit ei necesse Ecclesiam ingredi, & nullus eum indè per vim abstrahere præsumat, sed liceat ei confiteri, quod fecit, & indè per manus bonorum hominum ad discussionem in publicum perducatur.* Relata hæc sunt in librum I. Capitularium Francorum cap. 134., & in librum 2. legum Longobardarum tit. 40. cap. 5.: atque ad hoc ipsum caput respicientes, ut arbitror, Episcopi Hispani in Concilio Coyacensi anno 1050., unā cum Ferdinando Rege, accedente etiam Sancia Regina, itā constituerunt communi suffragio in can. 12. Duodecimo quoquātitulo præcipimus, ut, si quilibet homo pro qualicunque culpa ad Ecclesiam confugerit, non sit ausus aliquis eum indè violenter abstrahere, nec persequi infra dextros Ecclesiae, qui sunt triginta passus, (dextrorum mentionem fecit, qui edidit appendicem formularum Marculfi formula 17., quasi mensuræ cujusdam agri, seu soli) sed sublato mortis articulo, & corporis deturbatione, faciat quod lex Gothica ju-

bet. Qui aliter fecerit, anathema sit, & solvat Episcopo mille solidos purissimi argenti.

Alterum fragmentum habemus in can. 25. caus. 24. q. 3., quod tamē nec tribuere possumus Nicolao I., sed potius adscribendum videtur Nicolaio II., quemadmodū jam animadvertisit Baluzius in notis ad Gratianum, eam potissimum adferens rationem, quod in eo canone agatur de treuga, & pace, quæ istius tantum Nicolai seculo reperta est, Nicolai I. aeo audita nondū fuerat. Reverā inter decreta Nicolai II., quæ Baluzius idem edidit in tomo 7. Miscellaneorum distributa in capita 15. hæc habentur num. 1. Primum quidem, ut pax, & treuga Domini à fidelibus christianis reperta, & laudata, sicut scriptura habentur, ita firmiter teneantur; infractores verò anathemate feriantur. Hæc sane verba eadem sunt cum iis, quæ Gratianus retulit in memorato canone 25. in fine. Qui plura desiderat de modo treugæ servandæ, animadvertisat canones numero plurimos Concilii Narbonensis à Baluzio editos anni 1054. Priora autēm ejusdem canonis verba leguntur in nupèr memorata epistola Nicolai II. ad Episcopos Galliæ, Aquitaniæ, & Vasconiaæ, ubi Sanctus Pontifex tradit nonnulla edita in Concilio Romano anni 1059., inter cetera hunc canonem describens: *Illi etiā, qui peregrinos, vel oratores cujuscumque Sancti, sive clericos, sive monachos, vel feminas, seu inermes pauperes deprædati fuerint, vel bona eorum rapuerint, vel in malum eis obviaverint, anathematis vinculo feriantur, nisi dignè emendaverint.*

De epistola ad Salonitanum Episcopum.

Ex iis, quæ superiùs tradidi ad epistolam Nicolai ad Rodulfum Episcopum Bituricensem, atque ad canonem 6. caus. 30. quæst. 1., facilè liquet non injuriā tribui eidem Nicolao Pontifici canonem 3. caus. 30. quæst. 1., cuius eadem ferè sententia est, licet ea, quæ ibidem memoratur epistola, inter eas, quæ

usquè nūc editæ sunt , non reperiatur; neque verò inanis esse potuit hujusmodi constitutio, cum dixerimus temporibus Nicolai gravem fuisse, & inferendum abusum illorum conjugum , qui religionis prætextu conjugiorum dissolutionem meditabantur. Tantùm heic dixero, non in omnibus codicibus eamdem esse hujus canonis inscriptionem; quemadmodum enim jam adnotavit Antonius Augustinus in lib. 2. de emend. Gratiani dial. 19., apùd Ivonem in decreto legitur: *Idem*, nimirùm Nicolaus, *Salemonio Episcopo*, & in Panormia edita *Salomonitano*, in libro Cæsaraugustano *Salemizio*, & in Tarraconensi: *Nicolaus ad Salemoniam*.

De epistola ad Frontarium Archiepiscopum Burdegalensem.

can. 17.
caus. 12.
q. 2. Frontarium , sive Frotarium , aut etiā, ut alii scribunt , Froterium, fuisse Burdegalensem Archiepiscopum temporibus Nicolai I. facilè deducitur tum ex subscriptione privilegii, monasterio Atrebateni concessi anno 866. apùd Baluzium de concord. Sacerd. & Imper. lib. 3. in fine, tum ex subscriptiōnibus Concilii Tullensis II. anni 860. apùd Labbeum , tum ex subscriptionibus Concilii Pontigonensis anni 876. apùd eundem Labbeum , in quo Concilio idem Frontarius , quidquid pluri- mi in contrarium molirentur Galliæ Antistites , morem illicò gessit tum Imperatori Carolo Calvo , tum Joanni Pontifici Maximo in causa Ansegisi Senensis Primatis constituendi. Verùm, quis fuerit vir ille *nefandus Burgandus nomine*, & *rabie insanè commotus*, de quo mentio fit in can. 17. caus. 12. quæst. 2. adscripto Nicolao Pontifici, adloquenti memoratum Frontarium, admodum est in obscuro , ac proptereà quoquo modo dubitare viderer de auctoritate canonis, nisi generaliter liqueret, temporibus Nicolai plurimos fuisse rerum ecclesiasticarum invasores, ac deprædatores. Dubitationem fortè augere pos-

set, quod nimis subtilitè obeundæ injungantur varia pœnitentium stationes, & gradus; quæ disciplina paulò asperior videri posset illis, qui norunt, quām irrequieti fuerint tūc temporis Franco- rum animi variis disputationibus concussi, quemadmodum liquet ex pluribus epistolis Nicolai Papæ : cum illis proptereà mitiùs agi decebat , ut suaviùs ad disciplinam sacram custodiendam traherentur. In hac dubitatione, ipse suspicor, eum canonem fortè tribuendum esse alicui auctori, & quidem incerto , libri Pœnitentialis, cuius generis volumina plurima olim fieri poterant, atque ita composita, ut, quod codicis auctor tradebat, sub nomine cūjusdam Pontificis Maximi, vel ecclesiasticorum Patrum ederet. Proinde evenire potuit, ut auctor libri Pœnitentialis, quem Gratianus, aut quisquis Gratianum manuduxit, sequeretur, eundem canonem composuerit, & Nicolai Papæ ad Frontarium scribentis nomine insigniverit. Reverà in Pœnitentiali Romano, edito ab Antonio Augustino , eadem omnino verba leguntur in titulo 8. cap. 19. sub nomine Nicolai.

De epistola ad Humifridum Episcopum Morinensem.

Ex Ionis Carnotensis decreto sup- plenda est inscriptio canonis 5. dist. 50. Can. 5.
dist. 50. etenim in parte. 6. ad caput 120., ubi & eadem ferè Gratiani verba leguntur , ita Can. 47.
caus. 2.
q. 1. legitur: *Nicolaus Vulfredo Morinensis Ecclesia Episcopo*; proindeque nil dubito, quin ad eamdem epistolam sit canon iste referendus, ad quam referendus etiā sit canon 47. caus. 7. quæst. 1., utpotè qui apùd Gratianum tribuitur Nicolao, ad Humifridum Episcopum Morinensem scribenti. Fateor, nomen Hujus Morinensis Episcopi paulò alitè in variis, quā Conciliorum nono sèculo celebratorum actis, quā Collectorum codicibus legi, modò enim Humifridus , modò Huntfredus , modò Hunifridus , modò Hunlfredus , modò Guifredus , mo-

dò Wilfredus, modò Vinfridus, vel Vinfredus appellatur. Quæcumque tamè sit nominis variatio, quæ sanè levissima esse videtur, constat Episcopum illum Morinensem unum ex illis fuisse, quos aliàs diximus ejectos à Nomenojo Brittonum Rege, qui Nortmannorum auxilio fretus, sicut regno potitus est, ità sui regni Episcopatus, atque Episcopos defatigavit, plurimos etiàm ex istis deturbavit. Videantur, quæ dicta sunt ad canonem 10. caus. 7. quæst. 1., ubi de Leone IV., ex quibus sanè commodè interpretari unusquisque poterit canonem 47. caus. 7. quæst. 1. Verùm de canone 5. dist. 50., quoniàm integra Nicolai epistola, ad quam exigendus esset, deperiit, nihil aliud dicam; tantummodo hùc referam, quod apùd Ivonem legitur, apùd quem plura sunt, quàm penè Gratianum. Habet Ivo in parte 6. cap. 120. *Clericum autem, qui paganum occiderit, non opportet ad gradum majorem provehiri, qui carere debet etiàm acquisito, homicida enim est. Nam, cum discreti sint milites sæculi à militibus Ecclesie, non convenit militem Ecclesia sacculo militare, per quod ad offensionem sanguinis necesse sit pervenire. Denique, sicut turpe, ac perniciosum sit, laicum Missas facere, Sacraenta Corporis, & Sanguinis Christi conficere, ità ridiculum est, & inconveniens, clericum arma sustollere, & ad bella procedere, cum Paulus Apostolus dicat: Nemo militans Deo implicat se negotiis secularibus, ac si liquidò versâ vice dicat: Nemo militans mundo implicat se negotiis spiritualibus.* Hæc ad adjuncta illius ætatis, uti decet, exacta, nemo non interpretabitur de illis Clericis, qui Nortmannis, & Nortmannorum adjutoribus Paganis arreptis armis restitissent, atque ut suas tuerentur Ecclesias, milites adversarios occidissent.

De epistola ad Joannem Episcopum Ravennatem.

Dubitare visus est Antonius Augustinus in lib. 2. de emend. Gratiani dial.

Can. 13. dist. 63. 15. nùm canon 13. dist. 63. adscri-

bendus sit Nicolao I. Pontifici, an Nicolao minori, sive II. Ait ille: *Ad Nicolau[m] minorem pertinere in quodam Michae[li] Thomasii libro inveni. B. In Pontificali de vitis Pontificum libro certius est, Nicolau[m] I. in Concilio, Rome habito in domo Leoniana, de causa hujus Joannis cognovisse, eique restitu-to dixisse, ut Episcopos per Amilianam, nisi post electionem de eis Cleri, & populi, atque per epistolam Apostolicæ Sedis Praesulis, non habeas consecrandi licentiam. A. Hec meliora sunt, quàm que Gratianus refert. Hodiè verò res est in clariore lumine posita, postquàm in editione Labbeana edita sunt acta Concilii Romani, sub Nicolao I. celebrati anno 871. in causa Joannis Episcopi Ravennatensis, qui potestate sacrâ abutens quâ in consecrandis, quâ in dijeciendis suæ Provinciæ Episcopis, postquàm citatus est, ut ad Synodum veniret, obediens detrectans, synodali sententiâ damnatus est, deinde verò post exhibita obedientiæ argumenta, peractamque pœnitentiam, in sedem suam restitutus, datis tamè ipsi aliquot capitulis custodiendis, ne forte rursùs auctoritate suâ abuteretur. Eorum capitulorum exemplar primus edidit ex Cathedralis Mutinensis tabulario Bacchinius in appendice ad Agnellum Ravennatem; numero autem 1. hæc leguntur: Episcopos per Amiliam non consecres, nisi post electionem cleri, & populi; quæ sanè verba eadem omnino sunt cum memorato Gratiani monumento.*

De epistola ad Mediolanenses.

Veteres Gratiani editiones in inscriptione canonis 1. dist. 22. ità exhibebant: *Nicolaus Papa scribit Mediolanensis. Verba hæc, quæ potius de Nicolao II. erant intelligenda, nescio quis recentior Gratiani operis editor nomen Nicolai I. expressit. Illum canonem derivaverat Gratianus ex codice Anselmi, qui eundem referens in lib. 1. cap. 63., uti animadvergit Antonius Augustinus dial. 13. de emend. Gratiani lib. 2., sub hac epigrapha adposuit: Ex epistola Nicolai Papæ ju-*

Can. 1.
dist. 22.

*junioris, Mediolanensibus missa. Verùm ne Nicolao quidè II. adscribendus erit canon, sed potius Petro Damiani, Nicolai II. apùd Mediolanenses Legato. Turbabatur Mediolanensis Ecclesia ob turpem avaritiam, & incontinentiam plurium clericorum, apùd quos veteres & Simonis, & Nicolitarum hæreses renovabantur, atque ità, ut, quod pessimum erat, forent in erroribus pervicacissimi, atque ipsis etià Pontificibus Maximis pertinaciter obsisterent, illorumque jurisdictionem excutere conarentur, in perniciosam morum, disciplinæque libertatem proclamantes. Inter cetera ajebant Mediolanenses Clerici, Ecclesiam suam esse à Romana distinctam, suo se Antistite regi, nec Romano Episcopo subjici. In his causarum, & locorum adjunctis Pontificiâ legatione susceptâ Mediolanum accessit Petrus Damiani, qui, initio in ipsum vitæ discrimen ad ductus, tandem plurimos removit à schismate, & ad unitatem Romanæ Ecclesiæ revocavit. Intèr Sancti Viri opera, ubi recensentur Acta Mediolanensis, opusculo 5. habetur sermo habitus ad Mediolanenses, cuius priora verba hæc sunt: *Noverit charitas vestra, Dilectissimi, non me pro Romana Ecclesia huc honore venisse, sed vestram gloriam querere, vobis salutem, & gratiam, qua in Christo est, cum ejus auxilio, si permittitis, providere. Quo enim pacto honore indiget parvuli hominis, qua laudes, atque præconia ex ipsis ore sortita est Salvatoris? Quæ autem provincia per omnia Regna terrarum ab ejus ditione extranca reputatur, cuius arbitrio ipsum quoquæ Cœlum & ligatur, & solvit? Oxnes autem sive Patriarchi ciujuslibet apicem, sive Metropoleon Primatus, aut Episcopatum cathedras, vel Ecclesiarum cuiuscumque ordinis dignitatem, sive Rex, sive Imperator, sive ciujuslibet conditionis homo purus instituit; & prout voluntas, aut facultas erat, specialium sibi prærogativarum jura præfixit; Romanam autem Ecclesiam solus ipse fundavit, & super petram fidei mòx nascentis erexit, qui Beato vita aeterna Clavigero terreni simul, & cœlestis imperii jura commisit. Non ergo qualibet terrena sententia, sed**

illud verbum, quo constructum est cœlum, & terra, per quod denique omnia condita sunt elementa, Romanam fundavit Ecclesiam. Illius certè privilegio fungitur, illius auctoritate fulcitur; unde non dubium, quia quisquis cuilibet Ecclesiæ jus suum detrahit, injustitiam facit, qui autem Romana Ecclesiæ privilegium ab ipso summo omnium Ecclesiarum Capite traditum auferre conatur, hic procùl dubio in hæresim labitur, & cum ille notetur injustus, hic est dicendus hæreticus. Fidem quippè violat, qui adversus illam agit, quæ mater est fidei, & illi contumax invenitur, qui eam cunctis Ecclesiæ suis prætulisse cognoscitur. Pòst pauca subdit Petrus, Ambrosium Sanctissimum, ac vetustissimum ejusdem Ecclesiæ Mediolanensis Antistitem de Nicolitarum hæresi consuluisse Siricum Papam, atque ejus institutis adhæsisse, ità concludens: Unde & ipse Sanctus Ambrosius in omnibus sequi se magistrum Sanctam Romanam profitetur Ecclesiam. Quicumque sanè verba isthac omnia conferet cum memorato canone 1. dist. 22. non solùm agnosceret, qualis illius habendus auctor sit, sed etià quænam sit integra auctoris sententia, & quâ ratione verba ejusdem canonis juxtâ optimos codices sint emendanda.

De Epistola ad Nonensem Electum, & Clerum.

Canonem 8. de cons. dist. 1. alitè Gratianus, alitè Anselmus designarunt; etenim apùd Anselmum hæc inscriptio legitur: *Nicolaus Episcopus Clero, & Plebi Nonensis Ecclesiæ; sed apùd Gratianum in vetustis codicibus ità legebatur: Nicolaus Papa Clero, & Plebi Viennensis Ecclesiæ.* Antonius Augustinus in lib. 2. de emend. Gratiani dial. 13. testatur, in quodam Veronensi libro ità exhiberi: *Electo, & Clero Ecclesia Nonensis,* una subdens hoc caput inter incerta Nicolai I. monumenta esse recensendum. Hinc planè ego non video, cur recentiores veterem Gratiani editionem corrigendam crediderint in dupli parti, primùm addendo nomen *Electi*, & excludendo no-

men

men *Plebis*, deindè pro *Viennensi Ecclesia Nonensem* designando. Vel enim sequendus erat Anselmus; tum verò non erat adjiciendum nomen *Electi*, neque nomen *Plebis* detrahendum; vel recedendum fuerat ab Anselmo; tum verò designandum non erat pro *Viennensi* nomen Ecclesiæ *Nonensis* eo prætextu, quòd Anselmus non *Viennensis* fecisset, sed *Nonensis Ecclesiæ* mentionem. Fuit isthac nimis ampla emendandi licentia, ubi præsertim certa esse nequeunt emendationum argumenta. Ego potius dubitarem de auctoritate ejus epistolæ, utpote cuius non constat fuisse Nicolaum auctorem, cum inter ceteras Nicolai epistolas apud quoscumque etiàm recentissimos Collectores desideretur; cum præterea nulla fuisse videatur occasio Nicolao porrecta ita scribendi, sive ad *Viennensem Ecclesiam* in Gallia, sive ad *Nonensem Ecclesiam* in Dalmatia; cum demùm primus eam epistolam in medium produxerit Anselmus, cuius fides in educendis reconditis monumentis non est sine discriminè probata, præsertim in iis, quæ quoquo modo possent proposito ejusdem Anselmi servire. Non omittam tamè advertere, nonnulla similia haberi in epistola tributa Nicolao eidem I. rescripti ad consulta Arduici Archiepiscopi Vesontionensis apud Dacherium in tom. I., in ea enim in cap. 5. haec leguntur adversùs Chorépiscoporum ambitum constituta: *De Chorépiscopis, de quibus consulis, utrum Presbyteros, & Diaconos valeant consecrare, sacri te canones satis poterunt edocere. Quomodo autem Chorépiscopos posse dicimus Ecclesiæ consecrare, quas nulli Episcoporum licet sine nostro precepto secundum sanctas regulas dedicare? Non ergò Chorépiscopis dabimus.*

De epistola ad Osbalduum Chorépiscopum Quadrantinum.

Can. 6. Osbaldu, qui Chorépiscopus, aut
& dist. 39. Coepiscopus in can. 6. & 39. dist. 50.
juxta quædam exemplaria dicitur Quadrantinus, apud Antonium Augustinum

in lib. 2. dial. 16. de emend. Gratiani creditur idem esse, ac Osualdus quidam Episcopus, primùm Vintonensis, posteà Eboracensis in Britannia, auctor libelli cuiusdam Martyrologii. Incerta admodum hæc sunt, cum opportunis destituamur monumentis, quæ in hac potissimum parte, quæ privata negotia, & omnino singulare facta continet, vix ob vetustatem superesse recentioribus potuerunt. Interè verò jure dicere possum ea, quæ traduntur in memoratis canonibus 6. & 39., neque à Nicolai temporibus, neque ab aliis Nicolai sententiis dissonare. In primis, si de temporibus loquamur, nemo ignorat quælis esset tunc, præsertim in Gallia, Chorépiscoporum disciplina, quorum nimirū officio passim Episcopi in administrandis rebus ecclesiasticis utebantur: proindè esse occasio potuit Osbaldo, si Chorépiscopus, ut fertur, Quadrantinus extitit, Sedem Apostolicam in causa Clericorum delinquentium consulendi. Itè non ignoramus, temporibus Nicolai Paganos fuisse Christianis maximè infenos, eamque ob rem facile contingere potuisse Paganorum occisiones, sive à Clericis, sive à Laicis propriæ defensionis causâ perpetratas. Fuerant autem hæ Paganorum cædes jam dudum præsertim viris Ecclesiasticis veritæ, quemadmodum colligitur ex Capitulari Caroli Magni anni circiter 769. cap. 2. & lib. 7. Capitularium cap. 124. ibi: *ut Sacerdotes neque Christianorum, neque Paganorum sanguinem fundant.* Hinc Nicolaus potuit sacerdotali officio jure spoliare Clericos in ejusmodi homicidia pronos, quemadmodum ex laudatis canonibus edocemur; imò & ita eosdem exuere, ut nulla superesset spes in pristinum gradum revertendi; firmum enim erat apud Nicolaum veteris Ecclesiastice disciplinæ principium, juxtæ quod semel jure remoti à sacerdotali gradu nusquam in illum omnino restituerentur. Similis plane sententia legitur in capite 6. epistolæ Nicolai ad consulta Arduici Archiepiscopi Vesontionensis apud

Da-

Dacherium in Tomo 1. Spicilegii, ibi: Porro de presbitero, quod non possit restauratum post lapsum recipere, ut multa præteramus, Beatus Papa declarat Gregorius, ad Sabiniandum inter cetera scribens Jadertinum Episcopum, Presbyterum vero, inquiens, de quonos fraternalis tua latoris presentium relatione consulit, nullâ ratione in sacro ordine post lapsum aut permanere, aut revocari posse cognoscas.

De Epistola ad Rhatoldum Episcopum Argentoratensem.

Non sunt contemnendæ Baluzii adnotaciones ad canonem 15. caus. 33. quæst. 2., qui hodiè inscribitur in vulgatis Gratiani Codicibus Nicolao Papæ, Rhatoldo Episcopo Sanctæ Ecclesiæ Argentoratensis scribenti; ait enim ille, in libro Sangermanensi inscriptionem canonis hanc fuisse: Item Nicolaus Papa Rodulpho Episcopo Sanctæ Argenteæ retensis, in Regio libro: Item Nicolaus Papa Radulpho Episcopo sanctæ argenteæ retensis Ecclesiæ; olim vero scriptum fuisse tretensis, postea prima litera t jugulata, in antiquo Codice Victorino: Item Nicolaus Papa Rodulpho Episcopo sanctæ Argenteæ utensis, in recentiore sanctæ Argenteæ erecensis Episcopo; in Codice Colbertino sanctæ Argenteæ recentissis; in antiquis editionibus Moguntina, & Veneta sanctæ Ecclesiæ argenteæ retensis, sive, ut ego lego in edito Codice vetustissimo, Rhetensis. Burchardus, ex quo primùm ceteri Collectores fragmentum derivasse videntur, ita inscrisit in lib. 6. cap. 46. Nicolaus Episcopus, servus servorum Dei, Reverendissimo & Sanctissimo Rhatoldo Episcopo sanctæ Argenteæ Retensis Ecclesiæ. Addit præterea Baluzius, testari B. Rhenanum in admonitione de Tertulliani dogmatis eamdem lectionem reperiri in omnibus, quos ipse vidit, Gratiani Codicibus, non excusis modò, verum etiam manu scriptis; reperisse se porro epistolam illam in veteri Codice adjunctam constitutionibus Provincialis Synodi, quam Magunciaci habuit Rhabanus Archiepiscopus; in editione autem Rhe-

nani ita legi: Nicolaus &c. Ratholdo Episcopo sanctæ Argentoratensis Ecclesiæ, quo poste modo apud Gratianum Demochares, & Contius emendaverunt; hinc recte Democharem, Contium, Romanosque Correctores Ratholdi nomen pro Radulphi nomine reposuisse, præsertim quod Radoldum nominet Burchardus memoratus, & eâ tempestate vixerit Radoldus Argentoratensis, seu Argentinensis Episcopus, si fides est Jacobo Wymphelingio in Catalogo Episcoporum Argentinensium. Huc usquæ Baluzius. Ego cum viderim, Burchardi Codicem in pluribus à Gratiano dissonare, imò ibidem integrum epistolam exhiberi, hic describendam censui, ut emendetur Gratianus, aut suppleatur his verbis: Dum universis mundi partibus credentium agmina Principis Apostolorum liminibus proprant, quidam vir nomine Thiothart venit vestre beatitudinis epistolam gerens, quam nostro contulit Presulatu, cuius paginam prelegentes, matricidam illum esse cognovimus, quo facto multis steribus, lacrymisque profusis valde doluimus. Idcirco præcipimus, & patrum almorum censuris statuimus, ut sub paenitentia jugo permaneat, ita ut unum per annum Ecclesiam non ingrediatur, sed ante fores Basilice orans, ac deprecans Deum perseveret, qualiter tanto eripiatur piaculo. Completo vero anni circulo introeundi in Ecclesiam licentiam habeat, tamè inter audientes stet, & nondum communicet. Completis autem trium annorum circulis, sacra communionis illi gratia concedatur. Oblationes vero non offerat, nisi posquam aliorum septem annorum curricula expletantur. In his autem omnibus annis, atque temporibus carnem non manducet, nec vinum bibere præsumat, exceptis festis diebus, atque Dominicis, & à Pascha usquæ Pentecostes; & quocumque ire voluerit, nullo vehiculo deducatur, sed pedibus proficiatur: arma non sumat, nisi contrà Paganos. Jejunet autem tres dies per hebdomadam usque ad vesperum. A propria quidem, ac legitima sua conjugi non separetur, ne fornicationis voragine corrut, quod ne fiat optamus. Si autem ante trium annorum cursum finis vita illius adpropinquaverit, Corporis, & Sanguinis Domini Nostri Je-

su Christi particeps fiat; sin autem, ut supra statuimus, efficiatur, tamè si illius conversationem, & lacrymarum fontem in omnibus videritis floridis actionibus, & optimis operibus pullulare, humanius circà eum vestra sollicitudo pervigil adpareat, mitisque omnibus demonstretur. Optamus vos in Christo benè valere. Similis propemodùm pœnitentia à Nicolao Pontifice præstituta fuit cuidam Wimaro, qui tres suos liberos peremerat, quemadmodùm liquet ex epistola ejusdem Pontificis ad Rivotladrum (legunt alii Ronolardum) Episcopum 17. in priore Appendix. Addere his potes similem ferè impositam pœnitentiam rerum Ecclesiasticarum invasoribus, quemadmodùm colligitur ex canone 17. caus. 12. quæst. 2. Eadem ferè verba Nicolai, qualia sunt apud Burchardum, & Gratianum, edidit Baluzius in tom. 5. Miscellaneorum, sub nomine Decretrum Nicolai Papæ. Ceterū non est inverosimile, quod jam adnotaverunt Romani Correctores, canonem eumdem tribuendum potius esse Concilio Wormaciensi anni 868. sive post annum ab obitu Nicolai Pontificis, à Burchardo primum adscriptum Nicolao, quòd inscriptiones canonum transformare soleret, & Pontificibus Maximis ut plurimum coævis tribuere, quæ edita in particularibus Conciliis fuissent. Itaque in can. 30. Wormaciensis Synodi hæc leguntur. *Statuimus, ut paricide, & fratricide per unius anni curriculum antè fores Basiliæ orantes Domini clementiam perseverent. Completo autem anni curiculo, introducantur in Ecclesiam: tamè inter audientes, usquè dum unius anni spatium finiatur, stent, cum Missarum solemnia, vel alia sacra audire officia venerint. His ita peractis, si pœnitentia fructus in eis conspicitur, Corporis, & Sanguinis Domini Nostri Jesu Christi partipes siant, ut desperantia non indurentur caligine. Carnem non manducent omnibus diebus vitæ illorum, & jejunent usquè ad nonam horam diei quotidie, exceptis festis diebus, atque Dominicis. Abstineant à vino, medone, atque cervisia melita tres dies per hebdomadam. Arma gerere non audeant, vel sumere, nisi con-*

tom. III.

trà Paganos. Et ubicumque ire maluerint, nullo vehiculo deducantur, sed pedestri more proficisci studeant. Tempus autem hujus pœnitentia in Episcoporum ponimus arbitrio, ut secundum conversationem illorum aut extendere, vel minuere valeant. Ab uxoribus, si habuerint, non separentur. Si autem non habuerint, & se continere non valuerint, legitimas accipiant in conjugio feminas, ne in fornicationis voraginem incidere videantur. Et si finis vite illorum venerit, antequam duorum predictorum annorum finiantur curricula, viaticum illis non negetur. Addi his potest epistola Nicolai ad Episcopos Germaniæ, quæ habetur inter acta Concilii Moguntini anni 857. ubi eadem ferè verba leguntur.

De Epistola ad Salomonem Episcopum Constantiensem.

Veteres Gratiani editiones canonem

2. caus. 15. quæst. 5. tribuerunt Nico-
lao Papæ, scribenti ad Solonem Episco-
pum Constantiensem. Sed rectè recen-
tiores emendaverunt pro Solone Salomo-
nem scribentes, potissimum Iponis au-
toritate, qui non solum in Decreto parte 6. cap. 122., sed etià in epistola 206. ad Hildebertum Cenomanensem
Episcopum idem monumentum retulit
sub nomine Nicolai ad Salomonem Cons-
tantiensem. Sed præterea Baluzius in
tom. 5. Miscellaneorum ejusdem Salo-
monis Episcopi mentionem fecit refe-
rens quædam capitula responsionum Ni-
colai Papæ ad legationem Salomonis
Episcopi, missi à Rege Ludovico Ger-
manico. His addi possunt acta Concilii
Triburiensis anni 895., quibus Salomon
Constantiensis Episcopus subscriptissime
adgnoscitur. Fateor tamè, hanc ipsam
Nicolai epistolam, demptis Iponis in me-
moratis locis, nec non Gratiani frag-
mentis, inter cetera ejusdem Pontificis
monumenta desiderari. Non indè vero
ea erit rejicienda, sive quòd à ceteris
Nicolai sententiis minimè dissonet, si-
ve quòd disciplinæ illius ætatis congrue-
re videatur. Conferantur cum his cano-
nes 6. & 39. dist. 50. junctis iis, quæ
Can. 2.
Caus. 15.
q. 5.

Pp

su-

superius tradidi ad illorum interpretationem. Fortè huc quisquam referendam arbitrabitur (neque ego repugno) epistolam Nicolai ad Episcopos Germaniae, quæ habetur inter acta Synodi Moguntinæ anni 857. Ibidem Nicolaus ita scribit inter cetera: *Sacerdotes illi, qui in crimine fornicationis fuerint accusati, & crimen illis non fuerit comprobatum, aut ipsi non manifestaverint, quid aliud agendum est, nisi quod in Neocasariensis Sancti Concilii capitulo legitur, ac demonstratur?* Tamen si ipsi juramento se voluerint purificare, licentiam habebant. Similiter autem & Diaconi, si fuerint accusati, peragant. Notatu dignum est, inter eos Germaniae Episcopos, ad quos hæc directa fuit epistola, recenseri Salomonem Constantiensem; quamobrem non inverosimiliter aget, qui Gratiani canonem cum descripto hujus epistolæ fragmento conciliabit.

De Epistola ad Thadonem Archiepiscopum Mediolanensem.

Thadonem, sive, ut alii scribunt, Can. 23. caus. 17. q. 4. Tadonem, fuisse temporibus Nicolai Ecclesiae Mediolanensis Episcopum facile demonstratur, tum ex epistola scripta ab Episcopis constitutis in Regno Lotharii ad Episcopos constitutos in Regno Ludovici, quæ habetur apud Labbeum in recente Veneta editione tom. 10. pag. 230., tum ex Concilio Romano III. anni 863. can. 2., ubi fit mention Thadonis Archiepiscopi Mediolanensis. Sed & fuisse præbitam illis temporibus occasionem cædum, in odium præsertim virorum Ecclesiasticorum apud Mediolanenses, non obscurè indicatur ex iis, quæ superius præjecta sunt ad interpretationem canonis 1. dist. 22., ubi non nihil dicendum fuit de Petro Damiani, ad Mediolanenses Pontificia auctoritate legato. Hæc sanè me plurimum movent, ut Nicolao ad Thadonem scribenti jure tributum agnoscam canonem 23. caus. 17. quæst. 4.; ex quo sanè liquet, humanè admodum cum Mediolanensibus rem fuisse à Nicolao

gestam; erant enim apud illos Schismati- tici numero plurimi, ad unitatem Ecclesiastica- leniter adducendi. Cum vero apud Ivonem in cap. 20. partis 10. Decreti idem Gratiani canon describatur, aliquibus immutatis verbis, juvabit lectionem Ivonis hoc in loco exhibere, ut Codex Gratianus emendetur apud eos, quibus major est Ivonis vetustioris, quam Gratiani recentioris existimatio. Scripsit Ivo: *De Presbyterorum flagellatoribus, & occisoribus, predonibus scilicet, qui seculari brachio minime coercentur, juxta præceptum Domini, placet fraterno amore convenientius secundò, ac tertio. Quique si te non audierint, conveniente Ecclesia, eos Eucharistia privare, atque si in sua obstinatione parvipendentes Sacerdotalia monita forte permanesint, ab Ecclesia compage sub anathematis interdictione resecare licentiam tribuimus. Quos etiam resipientes tandem, digna satisfactione premissa, in gremio Sanctæ Matris Ecclesia revocari neveris posse.*

De ceteris canonibus, Nicolao I. Pontifici adscriptis.

Quæ supersunt expendenda Gratiani monumenta adscripta Nicolao I. Pon- Can. 4. dist. 33. tifici, incerta admodum sunt. Ex illis est in primis can. 4. dist. 33., de quo Antonius Augustinus in lib. 2. de emend. Grat. Dial. 19. jam adseruit: *Id in incertis numerant selecti viri. Si danda fides est Ivoni, ipse in cap. 104. partis 11. ita eumdem canonem exhibet. Nicolaus Almino Jovavensi Archiepiscopo: Clerici, qui in adolescentia à Dæmonibus cognoscuntur ob- sessi, ad superiorem sacri regiminis gradum accedere non possunt. Planè jam superius adnotaveram, quædam superesse frag- menta epistolarum Nicolai Papæ ad Adalwinum Episcopum Juvavensem; at- que ad has epistolas facile referri posset memoratus can. 4., quoties integræ hodiè extarent. Verum cum interierint, solæque superfluerint breves quædam laci- niæ, non erit inutile curare, ut istæ, qualescumque sint, Nicolao tributæ sententiæ, si fieri potest, ad generales sa- cro-*

crorum canonum regulas exigantur. Jam Romani Correctores adnotaverunt, similia quædam constituta fuisse in Concilio Arausico 1. cap. 16. ibi: *Qui pàlam à Dæmone arrepti sunt, aliquandò non solum non adsumendi ad ullum ordinem clericatus, sed, etsi aliqui jam ordinati sunt, ab imposito officio repellendi.* Addi poterat canon 13. Concilii Toletani xi. ibi: *Benè majorum regulis definitum est, ut dæmoniacis, aliisque passionibus irretitis ministeria sacra tractare non liceat.* Præ ceteris clariū id prosequitur Gelasius Papa I. ita scribens in epistola ad universos Episcopos, per Lucaniam, Brutios, & Siciliam constitutos, cap. 19. *Usque adeò sane compérimus illicita queque prorumpere, &c., quæ habentur in can. 5. dist. 33. quem integrum jam edidi suo in loco.*

Can. 49.
dist. 50.

Incertæ etiā auctoritatis est canon 49. dist. 50., & nusquàm illum repertum esse testatur Antonius Augustinus in lib. 2. dial. 17. de emend. Grat. Ego puto tributam Nicolao eam ipsam Concilii Wormaciensis sententiam, quæ legitur in can. 50. eadem dist. 50., licet alia verborum specie inducta; neque enim id novum est Collectoribus, cum ejusdem sæculi monumenta alia aliis interserere solerent, vel subjicere, non designato nomine auctorum: aliás autem scimus, Concilium Wormaciense celebratum fuisse anno circiter post obitum Nicolai. Quòd si evidens in hanc rem mavis exemplum, illud exhibeo statim in can. 15. caus. 33. quæst. 2. qui, licet Nicolao Pontifici tribuatur, idem tamèn, uti suo loco diximus, videtur esse cum canone Concilii Wormaciensis. Quòd si adhuc non nihil ex monumentis Nicolai velis huc referre, in medio ego exhibere potero Nicolai ejusdem epistolam, quæ adjicitur actis Concilii Moguntini scripta ad Episcopos Germaniæ, ubi inter cetera hæc leguntur: *De his, qui non sponte homicidium commiserunt, in vigesimo secundo capitulo Ancyranii Concilii, qualiter agere debeant, definitum habetis.* Capitulum hoc Ancyranii Concilii habes in can. 42. dist. 50.

Joannes Cochlæus in sua collectio-
ne decretorum Nicolai Papæ, quod ha-
betur in canone 3. dist. 97. scripsit per-
tinere ad epistolam missam ad Ludovi-
cum Imperatorem: deindè paulò aliter
canonis sententiam delineavit, his ver-
bis: *Licet nunquàm Apostolice Sedis modus
fuerit, absque signatis apicibus undecumque le-
gationem suscipere, nos tamen sublimitatem
vestram in nobilissimo viro, ac strenuo lega-
to vestro honorantes, ejusque gravitatem, &
eloquiorum illius veridicas cognoscentes assertio-
nes, nihilominus eum absque epistola vestra
suscepimus.* Nonnulla his in Gratiani Co-
dice addidit Pithœus, testatus hæc ei-
dem canoni 3. esse subjicienda: *Illud ve-
rò, quod idem Augustus dicebat, fuisse con-
suetudinis decessorum nostrorum tempore, ut
ex quo cumque regno aliqua legatio ad Sedem
Apostolicam veniret, Optimates Romani inte-
ressent, modo verò nullus intersit prater Ar-
senium, ita non est. Verumtamen quid inte-
rest, utrum in suscipienda legatione omnes in
unum Optimates Romani, an tres ex iis, vel
duo, vel certè unus conveniat, dum tamen ni-
hil reprehensibile, nihil properum, Deo cus-
tode, nos penitus ignoramus. Nam si repre-
hensione aliquid dignum geritur, non tantum
de non convocata turba à vobis, quantum à
Domino de hoc, quod male geritur, potius re-
darguemur.* Undè verò hæc Pithœus de-
prompserit, non satis indicat, imò mihi non videtur cum ipso Gratiani mo-
numento satis consonare, cum Gratia-
neus canon verba contineat epistolaria
ad Principem directa, at verba Pithæi
ita concepta sint, ut ad tertium quem-
dam de Principe scripta videantur. Ce-
terum, quæ ibidem traduntur à Nico-
lao, generali disciplinæ convenienti, etiā
recentioribus temporibus confirmatae in
Extrav. 1. de electione vers. *asserenti
namque.* Ipse etiā Nicolaus in episto-
la 2., quæ habetur in 1. Appendice epis-
tolarum, Rhadoaldum, & Joannem
Episcopos mittens in Franciam legatos,
potissimum illud suasit, ut non aliter
suam perficerent legationem, quam so-
leminibus instructi Epistolis; & in epis-
tola, quam scripsit ad Salomonem Brit-

Can. 3.
dist. 79.

tanorum Regem, ejusque conjugem, apud Mansium tom. 1. Supplementi pag. 973. professus, est se plurimum dubitare de suggestionibus nomine Principis ad se delatis, quod ex litteris quedam suspiciones falsitatis emergerent. Quod si Nicolaus cum Ludovici Principis legato minus scrupulosè agendum voluit, ex eo potissimum, quod legati fides per se ipsam extabat, nihil videtur, quod proponi possit adversus monumentum istud, ut potè quod exceptiones certis in casibus admissæ generalibus regulis non officiant, ac disciplinis.

Can. caus. q. 2. De canone 2. caus. 2. quæst. 2. nihil est, quod ego singulari animadversione adjicere possum, postquam Romanii Correctores, & cum illis universi eruditii viri observaverint, non debuisse eumdem Nicolao Pontifici adscribi, sed potius Isidoro Mercatori in Præfatione Conciliorum, eodem modo, quo perperam apud Gratianum laudatus est nomine Nicolai etiam canon 3. caus. 33. quæst. 2., qui habetur in eadem Mercatoris præfatione. Abstineo à referendis Pseudo-Isidori verbis, sive quod parum habeant apud prudentissimos viros auctoritatis, sive quod infinitus proptermodum essem, si hujusmodi, seu similes sententias facilè ex omnibus ferè Isidorianis Epistolis apocryphis eruendas in medium proferrem.

Can. caus. q. 3. Antonius Augustinus in dial. 15. lib. 2. de emendat. Grat. ad canonem 3. caus. 6. quæst. 3. asserit, in ejus investigatione divinum superesse implorandum auxilium, cum destituti simus humano. Clarissimus Pithœus ad eumdem canonem adjecit, illum referendum esse ad epistolam Nicolai ad Ludovicum Imperatorem, quod etiam adnotavit recentior Labbeanæ Collectionis editor Venetus in tom. 9. pag. 1533. ad marginem, ubi plura referuntur monumtorum Nicolai Papæ fragmenta. Gratianus paucis eamdem sententiam perstrinxerat in can. 13. dist. 50. ibi: *Sophronium Placentinum Episcopum merito reprobatum Nicolaus Papa ambos reconciliavit. Mendum sanè in alterutro Gratiani loco notatur, cum qui in can. 13. appellatur Sophronius, deinde in can. 3. appellatur Suffredus. Quidquid tamè sit, ego facile adduci non possum eo, ut canonom istum habeam tanquam certum & genuinum Nicolai Pontificis monumentum. Me enim plurimum movet altum, quod in omnibus Nicolai I. actis servatur, silentium; quamquam enim ut plurimum hoc argumentum à silentio deductum non satis firmum per se sit quo usquè aliis non juvatur conjecturis, in hac tamè re apud me gravissimum est. Nimirum novi, temporibus Nicolai plures, non ex Episcopis tantum, sed etiam ex Presbyteris fuisse Episcopali, seu Synodali auctoritate depositos, dejectosque, eosque fermè omnes ad Sedem Apostolicam appellatione interpositâ confugisse, plurimos etiam in pristinam Sedem, & Dignitatem restitutos. At novi præterea, quot fuerint in hac materie concertationes Episcoporum, & quot illarum adhuc in præsentia monumenta supersint. Sufficit in hanc rem evolvere acta Codicum, quæ à Collectoribus sub Nicolai temporibus congesita sunt, & passim occurrent præ oculis Episcopi, Presbyterique dejecti, pluribus dejectione confirmata judiciis, ac tandem non sine maxima animorum hinc illinc contendentium exagitatione restituti. Cum verò frequentissima ibidem sit ceterorum, quâ dejectorum, quâ restitutorum, & quidem pluriè iterata mentio; nullibi autem ne verbum quidem de Suffredo, sive Sofronio fiat, qui à Gratiano Placentinus Episcopus dicitur; non video, qua de causa Gratiano sit adhærendum. Unum forte quemquam morari posset Anastasii Bibliothecarii monumentum, videlicet Anastasius Nicolao Papæ coœvus in eisdem Pontificis vita ita scribit: *Nibilominus Seufredum Placentina Sedis Antistitem, à Sede propria cuiusdam Pauli diaconi perfidiâ pulsum, per Legatos suos idem Papa Sedi sue restituit, & eumdem Diaconum, qui Sedem illam**

tum Nicolaus Papa ambos reconciliavit. Mendum sanè in alterutro Gratiani loco notatur, cum qui in can. 13. appellatur Sophronius, deinde in can. 3. appellatur Suffredus. Quidquid tamè sit, ego facile adduci non possum eo, ut canonom istum habeam tanquam certum & genuinum Nicolai Pontificis monumentum. Me enim plurimum movet altum, quod in omnibus Nicolai I. actis servatur, silentium; quamquam enim ut plurimum hoc argumentum à silentio deductum non satis firmum per se sit quo usquè aliis non juvatur conjecturis, in hac tamè re apud me gravissimum est. Nimirum novi, temporibus Nicolai plures, non ex Episcopis tantum, sed etiam ex Presbyteris fuisse Episcopali, seu Synodali auctoritate depositos, dejectosque, eosque fermè omnes ad Sedem Apostolicam appellatione interpositâ confugisse, plurimos etiam in pristinam Sedem, & Dignitatem restitutos. At novi præterea, quot fuerint in hac materie concertationes Episcoporum, & quot illarum adhuc in præsentia monumenta supersint. Sufficit in hanc rem evolvere acta Codicum, quæ à Collectoribus sub Nicolai temporibus congesita sunt, & passim occurrent præ oculis Episcopi, Presbyterique dejecti, pluribus dejectione confirmata judiciis, ac tandem non sine maxima animorum hinc illinc contendentium exagitatione restituti. Cum verò frequentissima ibidem sit ceterorum, quâ dejectorum, quâ restitutorum, & quidem pluriè iterata mentio; nullibi autem ne verbum quidem de Suffredo, sive Sofronio fiat, qui à Gratiano Placentinus Episcopus dicitur; non video, qua de causa Gratiano sit adhærendum. Unum forte quemquam morari posset Anastasii Bibliothecarii monumentum, videlicet Anastasius Nicolao Papæ coœvus in eisdem Pontificis vita ita scribit: *Nibilominus Seufredum Placentina Sedis Antistitem, à Sede propria cuiusdam Pauli diaconi perfidiâ pulsum, per Legatos suos idem Papa Sedi sue restituit, & eumdem Diaconum, qui Sedem illam*

illam proprio rectore superstise præsumpsit invadere, competenti cum suis sequacibus increpatione corripuit. Pro cuius etiam infesta, nefariaque præsumptione penitus amputanda sanctitatis studio jussit, & pro pace Dei Ecclesia ipsi jam sato præcepit Diacono, ut nec tale quid unquam tentaret peragere, nec eamdem Sedem Placentinam, sive viveret Seufredus, sive moreretur Episcopus, repeteret præsumeret, vel recipere. Sed haec cum in ipsis Nicolai monumentis desiderentur, facile quidem occasionem præbere potuerunt recentiori alicui Collectori, nonnulla ad hanc ipsam rem pertinentia comminiscendi: non tamè satis exinde deduci potest, memorata Gratiani verba haberri posse tanquam firmum & solidum Ecclesiasticæ disciplinæ stabiendi præsidium. Ceterum, si nihilominus fortè quisquam monumentum istud velut germanum velit agnoscere, sequi commodè poterit Mansium, qui in Supplemento Labbeano tom. I. pag. 995. illud refert ad Concilium Romanum VII. Nicolai.

Non immemor diù in investigando
Can. 4. caus. 12. auctore canonis 4. caus. 12. quæst. 1.,
q. 1. jam enim ex decreto Iovonis & Burchardi codice collegerunt viri eruditii, canonem illum non ad Nicolaum Papam, sed ad Saligunstadinense Concilium pertinere. Reverà in canone 12. ejusdem, anno circiter 1022. celebrati, ita legimus: *Statutum est etiam, ut adficia Laicorum, quæ Ecclesiis adjuncta sunt, auferantur, & nulla in atrio Ecclesiae ponantur, nisi tantum Presbyterorum.*

Neque præterea diù immorandum
Can. 1. caus. 16. est in investigando auctore canonis 1.
q. 5. caus. 16. quæst. 5. falsò tributi Nicolao Pontifici, qui tribuendus potius erat Concilio Arausicano I., etenim in canone 10. ejusdem, qui etiam relatus est inter canones Concilii Arelatensis II. num. 36., hæc leguntur. *Siquis Episcopus in aliena Civitatis territorio Ecclesiam adficare disponit, vel pro agri sui, aut Ecclesiastici utilitate, vel quacumque sua opportunitate, permittâ licentia, quia prohiberi hoc volum nefas est, non præsumat dedicationem,*

que illi omnimodis reservanda est, in cuius territorio Ecclesia assurgit: reservata adficatori Episcopo hac gratiâ, ut quos desiderat Clericos in re sua videre, ipsos ordinet is, cuius territorium est, vel si jam ordinati sunt, ipso habere acquiescat; & omnis Ecclesia ipsius gubernatio ad eum, in cuius Civitatis territorio surrexit, pertinebit. Et siquid ipsi Ecclesia fuerit ab Episcopo conditore conlatum, is, in cuius territorio est, auferendi exinde aliquid non habeat potestatem. Hoc solùm adficatori Episcopo credimus reservandum. Addo his sequentem canonem, qui etiam est numero 37. in Concilio Arelatensi II., cum & iste non mediocrem possit Gratianeo canoniv lucem adferre. *Quod si etiam quicumque Ecclesiam adficiaverit, & alium magis, quam eum, in cuius territorio adficit, invitandum putaverit; tam ipse, qui contra constitutionem, vel distinctionem gratificari vult, quam omnes Episcopi, qui ad hujusmodi dedicationem invitantur, conventu abstinebuntur: si ordinem excesserit, in reatu revocabitur.* Erant sanè hæc prima jurispatronatus, seu juris præsentationum initia, quæ si conveniunt aut Arausicano I., aut Arelatensi II. Conciliis, quorum tempore nondum jus præsentandi receptum fuerat, sed libera erat, sicut ordinatio Clericorum, ita beneficiorum collatio; non potuerunt tamè amplius congruere temporibus Nicolai I., à quo propterea jure optimo memoratus canon est adjudicandus.

Canon 3. caus. 26. quæst. 7. integrer legitur in epistola Nicolai, jam superius memorata, ad Rodulfum Archiepiscopum Bituricensem, edita primùm abs Joanne Cordesio, & ex eo à ceteris recentioribus Collectoribus cap. 4. ibi: *De his verbis, qui pro criminibus pœnitentiam gerunt, & ad cingulum militie revertuntur, constat eos contrâ sacras regulas agere. Verum, quia crimina non aequalia sunt, perhibesque alios horum propter nimiam hebetudinem in desperationem adiisse, alios ob hoc ad Paganos fugisse, tibi hoc committimus decernendum, nimurum quæ loca, & tempus regionis illius, modumque culpe, nec non pœnitentiam, & gemitus hominum ad confessionem venientium, præsens positus inspicere vales.*

Can. 3.
caus. 26.
q. 7.

In lib. 2. de emendat. Grat. Dial. 18. ait Antonius Augustinus de canone 30. quæst. 2. *Inscriptionem non aliam inveni, quam hanc: Nicolaus Papa, apud Ixonem, & Gratianum, & Bernardum Apiensem, & Raymundum. Fontem tu nobis ostendes.* B. Nili fontibus obscurior est. Sanè apud Gregorium IX. nonnulla adjiciuntur Gratiani verbis, aliqua etiā imputantur in cap. 2. de despontat. impub. Ego in his tantum agnosco sententiam quamdam Nicolai Pontificis, quæ habetur in rescripto ejusdem ad Bulgarios, deinde apud auctorem Panormiæ, & eum secutum Gratianum paulò aliter digestam, quemadmodum in more habuerunt Collectores. Porrò Nicolaus in memorato rescripto cap. 3. Bulgarios docens, quâ ratione sint contrahenda sponsalia, ait: *consensu eorum, qui hæc contrahunt, & eorum, in quorum potestate sunt, celebrantur.* Quæ vero apud Gregorium IX., quemadmodum & in prima Decretalium Collectione, adjecta fuerunt, ex recentiorum placitis profluxerunt; et enim sæculo Ecclesia duodecimo cœpit non improbari conjugium etiā inter impuberis, dixerim melius, tolerari, dum gravissimæ emergent causæ. Simumilem constitutionem ad hanc rem proferre possum ex Mansii Supplemento Labbeano tom. 2. pag. 670.; ibidem enim referuntur canones quidam Concilii, sub Ricardo Archiepiscopo Cantuariensi habitu anno 1173., atque inter eos num. 35. legitur ita conceptus: *Non contrahatur matrimonium inter aliquos infra annos, nisi ex dispensatione inter Principes, vel magnos viros, reconciliationis, vel pacis causâ.* Fortè ex canone isto profluere

potuit exceptio, tradita in dicto cap. 2. de disponsat. impub. : & quoniā Nicolao tributa erant priora canonis verba juxta ea, quæ ediderat Gratianus, facile etiā sub Nicolai ejusdem nomine potuit eadem exceptio tradi.

Quod sub Nicolai nomine describitur in can. 57. de cons. dist. 4. legimus apud Ixonem in parte 1. Decreti cap. 87. sub hac inscriptione: *Nicolaus Papa Joanni Archiepiscopo Ravenne.* Deinde sequitur fragmentum his verbis: *Catechismi baptizandorum à Sacerdotibus uniuscujusque Ecclesie possunt fieri, sicut in sancta hac Romana, cui Deo auctore ministerium famulatus nostri exhibemus, Ecclesia, solemniter fieri comprobatur.* Hæc ad Joannem Ravennatem epistola hodiè non superest; attamen Ravennatensi Ecclesie temporibus Nicolai præfuisse Joannem Episcopum minimè dubito, cum ejus fiat mentio in epistola ejusdem Pontificis ad Adonem Viepnensem Archiepiscopum, quæ est 59. in editione Labbeana. Ejus autem canonis occasio, quâ nimis quereretur, an liceret in unaquaque Ecclesia singularem catechismum baptizandis proponere, non aliena est à Nicolai ipsius temporibus; tunc enim non ignoramus rerum divinarum studia instaurata in Ecclesiis, quemadmodum deducitur ex canone 10. inter Lingones propositos Concilio Tullensi 1. apud Saponarias anni 859., ac proinde facile fuit varias propositas in variis Ecclesiis methodos, quibus Catechistæ ad baptizandorum institutiones uterentur. Atque id sufficere potest, ut verosimilis saltē in re obscura laudati canonis fides, atque auctoritas habeatur.

C A P U T LXXXVIII.

De Joanne VIII.

Hadriani II., qui Nicolao in Romano Pontificatu successit, nullum apud Gratianum monumentum extat, dummodo excipias canonem 1. dist. 63., quem jam expendi in prima operis parte, ubi actum est de octavo generali Concilio: quamobrem ad monumenta progredior, quae Joanni VIII. apud Gratianum adscribuntur. Sunt autem sequentia.

Ex epistola ad omnes Episcopos.	<i>Can. 21. caus. 17. q. 4. ex variis variorum monumentis con-</i> <i>gestus.</i>
Ex epistola ad Ros-tannum Episco-pum.	<i>Can. 47. caus. 27. q. 2. incertæ admodum auctoritatis.</i>
Ex epistola ad Cen-nomanticum Epis-copum Uticen-sem.	<i>Can. 4. dist. 50. non dissonat à germana Joannis doctrina.</i>
Ex epist. ad Ansel-mum Episcopum Ecclesiæ Lemovi-cinæ.	<i>Can. 7. caus. 30. q. 1. paulò varius in diversis exemplaribus.</i>
Ex epist. ad Vul-bernum Episco-pum Agrippinen-sem.	<i>Can. 4. dist. 100. illius temporis adjunctis maximè consonat.</i>
Ex epist. ad Cle-rum, & ordinem Salonianum.	<i>Can. 109. caus. 11. q. 3. paulò varius in diversis exemplaribus.</i>
Ex epist. ad Pau-lum Episcopum Legatum in Pan-nonia, & Germa-nia.	<i>Can. 14. caus. 16. q. 3. jungendus cum can. 17. caus. 16. q. 3.</i> & ex adjunctis illius temporis explicandus.
Ex epist. ad Ludo-vicum Regem.	<i>Can. 17. caus. 16. q. 3. jungendus cum can. 14. caus. 16. q. 3.</i> & ex adjunctis illius temporis explicandus.
Ex epist. ad Dema-gum Ducem.	<i>Can. 12. caus. 23. q. 8. consonat cum aliis ejusdem Papæ sen-tentiis.</i>
Ex epist. ad An-gelbergam Impe-ratricem.	<i>Can. 1. caus. 23. q. 8. incertæ fidei, atque auctoritatis.</i>
Adjiciuntur.	<i>Can. 10. dist. 10. simul jungendi, & ad Joannis VIII. epis-tolas parùm tutò referendi.</i> <i>Can. 3. dist. 86. Can. 11. dist. 96. non congruit Joannis VIII. temporibus.</i> <i>Can. 12. cau. 3. q. 4. consonat aequè & Nicolai I., & Joannis VIII. monumentis.</i>

Difficilima fuerunt tempora, quibus Joannes VIII. Sedem Apostolicam tenuit post obitum Hadriani II. nimirum ab anno 872. usque ad finem anni 882. Occidentales Christianae Provinciae quatieruntur diuturnis contentionibus, quas, mortuo Ludovico II. Imperatore, trium in imperio, regnove successorum Caroli Calvi, Ludovici Balbi, & Caroli Crassi discidia peperrant: Orientalis Ecclesia adhuc turbabatur Photiano scismate; Photius enim nullum non lapidem movebat, ut Constantinopolitanam Sedem iterum occuparet, quemadmodum tandem occupavit, mortuo Ignatio Patriarcha, ipsomet Joanne Pontifice lato suffragio consentiente. Demum gravissimas molestias pati idem Pontifex debuit ob inferendas Sarracenorum incursionses, qui universam Italiam miserando squallore confecerant, adeo ut necessarium fuerit libertatem annui census promissione quoquo modo redimere. Hac juvat initio generaliter attigisse, in quorum respectu ad interpretationem Gratianeorum canonum accederemus.

De epistola ad omnes Episcopos

Fuit quidem Gratiano praebita occasio, tribuendi Joanni VIII. canonem
 Can. 21. caus. 17. 21. caus. 17. quæst. 4., sive quod præcipua, quæ in illo exhibetur, sententia revera habeat Joannem VIII. auctorem, caus. 17. q. 4.
 sive quod ejusdem Pontificis nomine apud vetustiores Collectores laudatus idem canon fuerit; at vero non omnia verba ita captanda sunt, ut habeantur velut germana illius Papæ decreta. Muita quippe apud Gratianum sunt immutata multa abs Joanne traduntur non quasi propria, sed quasi tum à vetustis, tum à recentioribus Imperatorum legibus derivata. In editione Conciliorum inter acta Concilii Tricassini II. 878. sub Joanne celebrati, hæc epistola legitur:

Joannes Episcopus, servus servorum Dei, omnibus Episcopis, Comitibus, Vice-Comitibus, Centenariis, Judicibus Catholicis in Hispania, & Gothia Provinciis degentibus, omnique populo occidentali Catholico, salutem, & Apostolicam benedictionem. Noveritis, dilectissimi Filii, quia nos pro statu sancta Dei Ecclesie jussimus congregari Synodale Concilium apud urbem Trecas. Ubi sedentibus nobis in corona, venit ante presentiam nostram Sigebodus (legunt alii: Sineboldus) prima Sedis Narbonensis Episcopus, cum suis Suffraganeis Episcopis, & detulit nobis librum Gothicæ legis, ubi nihil habebatur de sacrilegiis, & in eisdem legibus scriptum erat, ut cause, quas illæ leges non habent, non audirentur à judicibus illius patriæ, atque ita jus Sanctæ Ecclesie suffocabatur ab incolis Gallia, & Hispaniae Provinciis. Unde nostra serenitas cum prescriptis Episcopis, inspectis legibus Romanis, ubi habebatur de sacrilegiis, invenimus ibi à Justiniano Imperatore legem compositionis sacrilegii constitutam in quinque libras auri optimi. Sed nos leniorem legem præcipimus esse tenendam, que à Carolo est constitutus a pio Principe de compositione sacrilegii, videlicet in triginta libras examinati argenti, id est, sexcentorum solidorum sumam argenti purissimi. Idedque, quisquis inventus fuerit reus sacrilegii, istam leviorem compositionem emandet Episcopis ipsis, vel Abbatibus, sive personis, ad quas querimonia sacrilegii justè pertinuerit; & si ipse reus sacrilegii facere noluerit, tandem excommunicationi subjaceat, usquequæ predictum compositionem sexcentorum solidorum persolvat. Et si in hac obstinatione mortuus fuerit, corpus ejus cum psalmis, & hymnis non deferatur ad sepulturam. Et præcipimus, ut in fine codicis legis mundana scribatur hæc lex. Hac ipsa verba referuntur etiam apud Ivonem in parte 3. Decreti cap. 98. Inscriptionem aliam ejusdem monumenti nobis exhibet ex vetere quodam libro Antonius Augustinus in dial. 9. lib. 2. de emend. Grat. his verbis: Lex sacrilegum, edita à Joanne Papa coram serenissimo Ludovico Imperatore, & Episcopis LIII. in Concilio Trecacen-

censi, & eorum auctoritate juncta Gothicæ legi: Per defectum sacrilegii. Initium autem epistolæ his continetur: Joannes Episcopus servus servorum Dei omnibus Episcopis, per Narbonensem, atque Hispanicas Provincias cōstitutis, Abbatibus, Presbyteris, cunctisque simili Ordinibus ministerio mancipatis, necnon Comitibus, Vice-Comitibus, Vicariis, Centenariis, Judicibus, & omnibus in potestatibus constitutis, & omni populo, & cuncte simili generali Ecclesiae, salutem carissimam cum benedictione Apostolica. Auctore omnipotenti Deo mediante, Incarnationis Domini Nostri Iesu Christi an. DCCCLXXXVIII. xv. Kalend. Septembri Indict. I. Domno videlicet Ludovico Sereniss. Rege anno I. actum est hoc à nobis apud urbem Trechas pro statu Sanctæ Dei Ecclesiae Synodale Concilium &c. Ibidem tamè monet Antonius Augustinus, erratum esse, & pro notis illis an. DCCCLXXXVIII. Indict. I. ita legendum putat an. DCCCLXXVIII. Indict. II., ut possit Joannis VIII. temporibus convenire. Ut interpreteris hanc Joannis epistolam, actis Tricassini Concilii insertam, observare debebis in primis nomine Gothiæ Provinciae intelligi Galliam Narbonensem, utpotè quæ fuit unà cum Hispania Gothis obnoxia; illi autem Narbonensi Provinciae præfuisse Sigebodium, seu Sineboldum, superius memoratum, qui vehementer optaverat, ut Imperiales leges, adversus sacrilegos latæ, Gothicarum legum codicibus insepararentur. Videatur Baluzius in notis ad Capitularia Francorum tom. 2. Capitul. pag. 1118., & 1287. Non poterat præberi occasio magis opportuna renovandis Imperatorum legibus antiquis adversus sacrilegos, quam in eo ipso Concilio, in quo & Ludovicus Princeps, & Joannes Pontifex Maximus publico Ecclesiæ bono interfuisse feruntur, quemadmodum facile demonstrari potest ex actis Concilii, prout habentur in tom. 2. Capitularium Francorum Baluzianæ editionis pag. 274. & sequentibus, ubi inter cetera habetur allocutio Papæ ad Ludovicum Regem. Alias autem operæ præmium erat, ut leges, adversus sacrilegos latæ,

Tom. III.

legos latæ, utriusque potestatis auctoritate, vel intercessione restaurarentur; etenim cum Saracenorū vi sacra omnia turbata fuissent in scandalum bonorum omnium, per legum sanctorum restorationem sacra omnia in pristinum decus, decebat, honoremque restitui. Observandum præterea erit, duplicitis generis leges in medium productas fuisse ab Joanne VIII., quarum aliae ex vetusto Romanorum Codice, aliae ex Carolinis libris derivarentur. Ex vetusto Romanorum Codice, sive ex Codice Justiniane laudatam voluit Joannes legem Arcadii, & Honorii, quæ habetur in l. 13. Cod. de Episc., & Cler. ibi: Si venerabilis Ecclesia privilegia cuiusquam fuerint vel temeritate violata, vel dissimulatione neglecta, commissum hoc quinque librarium aurum condemnatione plectetur. Ex Carolinis legibus voluit laudatam Joannes eam Caroli Magni Imperatoris Constitutionem, quæ legitur in lib. 2. legum Longobardarum tit. 39. num. 4. ibi: Siquis in immunitate damnum aliquod fecerit, decas solidos componat. Si autem homo furtum, aut homicidium, vel quodlibet crimen foris committens, & infra immunitatem fuderit, mandet Comes Episcopo, vel Abbat, vel Vice-Comiti, aut qui locum Episcopi, vel Abbatis tenuerit, ut reddat ei eum. Quod si ille Episcopus, sive Abbas, sive Custos contradixerit, & eum reddere noluerit, in prima contradictione solidas xv. culpabilis judicetur. Si autem ad secundam requisitionem eum reddere noluerit, solid. xxx. culpabilis judicetur. Si nec ad tertiam inquisitionem consentire noluerit, quidquid reus damnum fecerit, totum ille, qui infra immunitatem eum retinet, nec reddere vult, solvere cogatur. Et ipse Comes unicus habeat licentiam ipsum hominem infra immunitatem querendi, ubicumque eum invenire potuerit. Si autem statim in prima inquisitione Comiti responsum fuerit, quod reus infra immunitatem quidem fuisset, sed fugâ lapsus est, sic statim juret, sive Episcopus, sive Abbas, sive Custos, quod ipse eum ad justitiam cuiuslibet difaciendam fugere non fecisset, & sit ei in hoc satisfactum. Si autem intraverit in ipsam immunitatem Comes collectâ manu, & quislibet

Qq

re-

resistere tentaverit, Comes hoc factum ad Regem, vel ad Principem deferat, ubi judicetur, ut sicut ille, qui in immunitate damnum fecerit, DC. solidos componere debet, ita qui Comiti collecta manu resistere tentaverit, vel presumperit, DC. solid. culpabilis judicetur. Hanc Caroli Magni legem voluit insuper habitis veterum constitutionibus executioni demandari Joannes Papa, subiiciens in Codicibus mundanae legis hanc ipsam Constitutionem esse adsuendam. Addidit Joannes, excommunicationis pœnae subjectum esse eum, qui pœnas indictas minimè fuerit, quod sane jam aliis Conciliorum decretis nuper fuerat stabilitum, uti liquet ex Capitulari II. quod Baluzius retulit ad annum 814. in tom. I. Capitul. Francorum pag. 519. cap. 12. præsertim in illis verbis: *Taliū vero scelerum patratoribus, nisi post prædic tam satisfactionem, nec vivis, nec mortuis communicare debemus.*

Exposui integrum, ac germanam Joannis VIII. sententiam; nondum tamen ista sufficere videntur ad interpretationem memorati canonis 21. caus. 17. quæst. 4., nam hujus canonis verba quidem priora usque ad versiculum *Sacrilegium committitur* facile ad ea, quæ dicta sunt, exiguntur; sed verba, quæ subsequuntur à laudato versiculo usque in finem canonis, alio referri necessariò debent. Itaque, quæ exhibentur in vers. *Sacrilegium committitur*, sunt, non Joannis VIII. Papæ, sed Iovonis, qui voluit clariùs exprimere in cap. 98. partis 3. Decreti, quod ex Joanne Papa descripsérat; nam ipse postquam exaravit verba Joannis VIII. quæ superiùs edidi, statim prosequitur Ivo: *Huc usque lex Papæ, ac deinde hæc subjicit: Sacrilegium enim committitur, si quis infregerit Ecclesiam, vel xxx. ecclesiasticos passus, qui in circuitu Ecclesie fuerint, vel in domibus, quæ infra predictos passus fuerint, aliquid inde diripiendo, vel auferendo; seu qui injuriam, vel ablacionem rerum intulerit Clericis, arma non ferentibus, vel Monachis, sive Deo devotis hominibus, ecclesiasticis personis. Non enim cappellæ, quæ infra ambitum murorum castellorum sunt,*

mirtuntur, vel ponuntur in hac observatione. Similiter etiam sacrilegium committitur auferendo sacrum de sacro, vel non sacrum de sacro, sive sacrum de non sacro. Non sacrum verò de non sacro, quia non potest computari in criminis sacrilegii, secundum mundanarum legum censuram debet emendari, vel secundum morem patriæ. Quæ sequuntur in vers. *Siquis domum Dei apud Gratianum, pertinent ad Concilium, Ravennæ habitum ab Joanne VIII., convinentibus 130. Episcopis, anno 877., in quo hæc leguntur can. 5. Siquis domum Dei violaverit, & aliqua sine licentia illius, cui commissa esse dignoscitur, inde abstulerit, vel ecclesiasticis personis injuriam fecerit, donec convenitus, & admonitus legitimè satisfaciat, sciat se communione fore privatum. Si verò post secundam, & tertiam conventionem coram Episcopo satisfacere detrectaverit, sacrilegii periculo ab omnibus obnoxius teneatur, ita ut secundum Apostolum nemini fidelium misceatur. Demum, quæ legimus à vers. *Siqui monasteria usquæ in finem apud Gratianum, referenda erunt ad Concilium Meldense anni 845., in quo can. 60. ita decretum agnoscimus. Ut hi, qui monasteria, atque sacra loca, vel Ecclesias infringunt, & deposita, vel alia quelibet exinde abstrahunt, & Sacerdotes, ac viros ecclesiasticos non solum dehonoran, verum & diverso, atque adverso modo affligunt, velut sacrilegi canonica sententia, que ex his decreta esse dignoscitur, subigantur.**

De epistola ad Rostannum Episcopum.

In veteribus Gratiani codicibus hæc erat adjecta inscriptione canonii 47. caus. Can. 47. caus. 27. 27. quæst. 2. *Joannes Chrisostomus Rostano Archiepiscopo Romani Correctores Gratiani erratum emendaverunt ex Codice Iovonis, qui in parte 14. Decreti cap. 64. eadem verba referens, hanc exhibet inscriptionem: Joannes VIII. Rostano Archiepiscopo. Alius esse nequit Archiepiscopus iste, quam Rostagnus Arelatensis, qui pluribus Conciliis, Joannis VIII. temporibus celebratis, interfuit, atque sub-*

subscriptis. Ad eumdem plures extant Papæ Joannis epistolæ, quales exhiberi possunt 93. 94., & 103., quibus patet Rostagni Arelatensem vetera Sedis suæ privilegia iterum obtinuisse ab Apostolica Sede, nimis ut Apostolicæ Sedis Vicarius constitueretur; quod se confirmavisse Joannes idem Papa testatur in epist. 95. ad universos Episcopos Galliæ. An verò epistola illa, quam memorato in canone Gratianus, & antè Gratianum Ivo recensuit, reverè Joanni adscribenda sit, plurimùm dubito, non tam ex eo, quod eadem inter ceteras epistolas à collectoribus editas non reperiatur, quam ex eo, quod verosimiles in contrarium urgeant conjecturæ, & quæ in eo canone traduntur editis aliis monumentis non bene convenient. Enarratur ibidem, Athonem conquestum fuisse, uxorem, vel sponsam suam fuisse ab alio raptam. Causæ cognitionem Rostagno mandavit Joannes, ut illa discuteretur in Concilio Episcoporū, quod in vim Apostolici Vicariatus à Rostagno celebraretur, & ibidem raptor, & rapta communione privarentur, quotiēs primum conjugium quoquomodo turbarent. Scio quidem Arelatensi Episcopo inter cetera Vicariatus privilegia illud potissimum fuisse concessum, ut Gallicanorum Antistitutum conventus idemtidem celebraret in gravibus causis, quemadmodum ex litteris abs Joanne VIII. ad illum datis 93. & 94. facile colligitur; at non video, cur mandari debuisse Rostagno, ut in levissima, ac facili quadam causa singularum, in qua de raptu feminæ ageretur, Suffraganeorum suorum Concilium convocaret. *Siqua inquisitio de fide* (scribit Joannes ad eumdem Arelatensem Antistitem in dicta epistola 94.) *vel fortasse aliarum rerum inter Episcopos causa emerserit, quæ discerni difficultius possit, collectis duodecim Episcopis ventiletur, atque decidatur &c.* In epistola etiam 95. ubi Joannes certiores reddit Gallicanos Episcopos de facultate Episcopo Arelatensi concessa, ita scribit: *Cui etiam injunxi-*

mus, ut, si quarumdam causarum tale fuerit certamen exortum, in quo aliorum presentia opus sit, congregatis sibi numero competenter fratribus, & Coepiscopis nostris, salubriter servata hoc aequitate discutiat, & canonica auctoritate definiat. Me præterea admotum movet, quod legitur inter acta Concilii Tricassini; anno 878. celebrati, ubi num. 5. legitur monumentum sub hac inscriptione. *Statutum Joannis Papæ adversus laicos, qui viventibus uxoribus alias ducunt, & contrà Episcopos, qui de minore ad majorem Ecclesiam ambitus causa demigrant.* Verba Joannis VIII. ista subsequuntur: *Inter nonnulla necessitatum à sancta Synodo reclamatum est, quod laicorum quidam, sortitis primò legaliter conjugiis, postposito Dei timore, secundi, vel tertii, adhuc uxore viente, conjugij copulam contrahant. De quibus Otilo quidam, intrà Parochiam Rostagni Arelatensis Episcopi, & Eoldus intrà Ottramni Viennensis Archiepiscopi, talia fecisse multorum famâ refertur.... Nos quoque eorum, quos veneranter imitamur, atque complectimur, quorumque statutis consentimus, Ecclesiarumque gubernationem tenemus, fulti virtute interdicimus, & inhærendo prohibemus, ne quisquam catholicorum taliter audeat anodd, & deinceps agere, & si, ut non optamus, hactenus quidquam taliter actum est, dignâ penitidine ecclesiastica corrigatur. Denique hac auctoritate apostolicâ virtute Dei nostri intercedimus, ut... laici redeant ad primum conjugium, sin autem vinculo anathematis innudentur.* Quicumque conferet monumentum istud cum laudato Gratiani canone, facilè animadvertet, quantum discrepant invicem duo illa fragmenta in ea ipsa, quæ utrobius meo judicio proponitur, causa; ego enim Athonem apud Gratianum non alium esse puto, quam Otonem illum, de quo sermo institutus est in Concilio Tricassino, sive in statuto Joannis Tricassini Concilii actis adjecto: nisi dicere malis, duplarem similem controvèrsiam tunc in eadem Rostagni Dicecesi emersisse, de qua separatim Joannes aut scribere, aut statuere voluisset. Cum verò id inverosimile prorsus videatur, alias Athonis, & Otonis nomina maxi-

mē affinem habeant sonum, unde diversitas ex una Amanuensium oscitantia profecta videatur, mihi facilē persuadeo, canonem 47. Gratianum confectum fuisse ab auctore incerti nominis, qui vellet sententiam Joannis Papæ paucis perstringere adversus raptores, illamque à ceteris sententiis, in eodem statuto contentis adversus nonnullorum Episcoporum inertiam, separare; quam dum sejungeret stylum immutando, sententiam quoquè ipsam præcipuam Joannis inflexit, atque à facti veritate detorsit. Quam ob rem, quicumque optabit germanam Joannis doctrinam accipere, poterit potius in nupèr exarato Joannis statuto consistere, illud sequi, & ex illo deducere, qualis esset Joannis tempore constituta adversus raptores alienarum conjugum ecclesiastica disciplina.

De epistola ad Cenomanticum Uticensem Episcopum.

Quod Joanni VIII. ad Cenomanticum Uticensem Episcopum scribens
Cas. 4.
dist. 50. Gratianus adtribuit in can. 4. dist. 50. apud Ivonem tum in cap. 114. partis 6. Decreti, tum in cap. 51. partis 10. adscribitur Joanni VIII. in epistola ad *Cennemocum*, seu *Cenomocum* Episcopum Venetiensem. Si antiquiores codices in dubio sempèr sunt præferendi, editio Ivonis vel ob unam vetustatis causam erit Gratianeæ editioni antehabenda. Ceterum ipsamet integra epistola hodiè non superest, sed tanquam monumentum quamdam privati hominis causam spectans facilē periit. Quod tamèn in eo ipso canone legitur, consonat cum germana canonum sanctorum prudentia, juxta quam & Gratianus idem in can. 29. dist. 50. concludere non dubitavit, Sacerdotes è gradu semèl dejectos ne pòst pœnitentiam quidèm regulariter esse restituendos, ità scribens adversus eos, qui lapsos Clericos pœnitentes facile restituebant. Sed forte major est in illis pietas, quam in suprascriptis CCCXVIII. Episcopis? Major in illis misericordia, quam in Sancto

Joanne Apostolico Papa? major charitas, quam in reliquis sanctis Sacerdotibus &c. Eadem propemodùm sententia expressa legitur in canone 5. Concilii Duziacensis II. anno 854. sub Joanne VIII. celebrati: quamquam tamèn non inficias iverim, certis in casibus à generali ac severiore regula abs Joanne fuisse recessum, ac nonnullos ex Sacerdotibus lapsis pòst probatam pœnitentiam fuisse in dignitatem suam, atque officium restitutos: qua in re non regula constituta fuisse videtur, sed datus singularibus exceptionibus locus, ubi graves quædam causæ, aut singularis pœnitentia adjuncta id postulabant. Hinc in epist. 34. directa abs Joanne ad Anspertum Mediolanensem Episcopum, professus idem Pontifex, se in eo periculo tempore compelli ad penè cuncta dispensatoriæ moderanda, nihilominus subdit, homicidam, & homicidae socium ab omni esse Præpositura pellendum sine spe restitutionis; & in epist. 146. ad Odonem Episcopum Bellovacensem scribit, non aliter impubes ipsos inter se rixantes deindè ad Ecclesiasticos ordines promoveri, quam si peracta ab ipsis pœnitentia *inculpabiles reperti fuerint.... servatis in omnibus Patrum regulis, & canonum institutis.* Id magis confirmatur ex epistola 149. ad Joannem Episcopum Ticinensem, ubi Joannes Papa rogavit, ut restitueretur Clericus pòst exactum pœnitentia quinquennium, quandò tamèn Clericus ille non homicidio causam dederat, sed intererat præsens, dum femina quædam furrem interemisset; subjiciens tamèn, si id fortè impossibile visum fuisse, Apostolicæ Sedis judicio esse causam eamdem reservandam. Itèm in epistola 283. ad Wilibertum Archiepiscopum Agrippinensem, ubi agebatur de restituendo Clerico, qui per annos undecim illatam sibi excommunicationis sententiam humiliè sustinuerat; & quod ex pollute consortio femina venenum adtraxerat, longè pœnitentia satisfactione purgaverat, non aliter eum in priorem dignitatem revocandum voluit, quam misericordia intuitu, atque ut precibus

inclinaretur potenter Episcopi. Videatur etiā ad hanc rem epistola 294. ad Athanasium Episcopum Neapolitanum, ex qua deducitur, quantā moderatione etiam cum lapso & pōnitente Episcopo Joannes Papa agendum esse decreverit.

De epistola ad Anselmum Lemovici-næ Ecclesiæ Episcopum.

Quoād inscriptionem canonis 7. caus.

Can. caus. q. 2. 290. quæst. 1. nihil aptius hūc adferri potest, quād quod ad eundem canonom tradit Baluzius, scribens, in omnibus vetustis Gratiani exemplaribus, & editionibus (addere potuisse Codicem Ivonis parte 1. cap. 306.) legi *Limozina*, vel *Lemozina*, exceptā primā editione Moguntina, in qua legitur *Lemovisina*; in codice vetere Monasterii Rivipullensis, & apud Anselmum lib. 10. cap. 30. legi *Lemosina*. Addit vir eruditus, Anselmum Lemovicensem Episcopum, ad quem scripta est Joannis epistola, Synodus suam plenam habuisse Lemovicas Civitate anno 897. ordinationis suæ anno 28., ut patet ex charta, edita à Clarissimo Viro Christophoro Justello in probationibus historiae Vicecomitum Turennessium pag. 14.; undè colligitur, factum illum fuisse Episcopum anno 869., itēm in Chartulario Ecclesiæ Lemovicensis extare quamdam chartulam Frotarii militis, datam anno 871. iudictione 4. regnante Ludovico Rege filio Caroli Regis in Aquitanorum Regno anno 5.; in qua Anselmus Episcopus nominatur. In editione Conciliorum Veneta Labbeana ad annum 867. legitur Privilegium, Monasterio Atrebantensi concessum, cui inter plures Episcopos Anselmus Lemovicensis subscripsit, quemadmodū etiā subscrispsisse legitur actis Concilii Pontigonensis anni 876. Quid plura? Inter epistolas Joannis VIII. in ea, que habetur numero 121. scripta ad Episcopos plurimos, pari exemplari ad singulos misso, adnotatur, simile exemplar etiā ad Ansel-

mum Lemovicensem fuisse directum. Integra autem epistola hodiè edita est inter epistolas ejusdem Joannis Papæ num. 188., quam hic describere juabit, cum nonnulla sint apud Gratianum paulò aliter descripta; unā etiā juabit adnotare ea, in quibus in Codice Ivensis quoddam discrimen agnoscitur. Ad limina Beatorum Petri, & Pauli Apostolorum Principum hic præsens homo, nomine Stephanus, orationis causâ veniens, nostro Præsulatu suggestendo innotuit, quod filium suum in extremo vita positum, nec baptismatis undâ lotum, absentia scilicet Sacerdotum necessitate cogente baptizasset, eumque ipse propriis manibus retinendo suscepisset; atque pro hijs reis negotio, notitia tua patescat, reverentia tua quasi zelo rectitudini flagrans præfatum hominem à sua judicaverit conjugé separandum; quod fieri nullatenus debet, dicente scripturâ: à Deo junctam viro esse uxorem; & quod Deus conjunxit, homo non separat: Unde & Dominus in Evangelio neminem posse dimittere uxorem suam, nisi causâ fornicationis, apertissimè jubet (paulò aliter Ivo: Unde & Dominus in Evangelio ait: nemo dimittere potest uxorem suam, nisi causâ fornicationis). Quapropter & Nos tantæ auctoritatis jussione præcipue freti, dicimus omittendum esse, & inculpabile judicandum, quod necessitas intulit. Nam baptizandi hoc opus etiā Laicis fidelibus juxta canonicam sanctionem, si necesse fuerit facere, liberè conceditur. Unde si predictus genitor filium suum corpore morientem adspiciens, ne animam morte perpetuâ percuntem dimitteret, sacri baptismatis undâ lavit, ut eum de potestate auctoris mortis, & tenebrarum eriperet, & in regnum Christi jam regeneratum indubitanter mitteret, bene fecisse laudatur (legit Ivo: & eum de potestate.... eripuit, & in regnum.... misit, bene fecisse laudatur.) Et idcirco cum sua uxore sibi, jam olim legitimè sociata impunè, quandiu vixerint, judicamus manere conjunctum, nec ob hoc contraria prefatas auctoritates divinas aliquatenus separari debeare. (legit Ivo: Et idcirco suam uxorem sibi jam olim optimè sociatam impune.... manere conjunctam, neque ob hoc.... separari debuisse.) Data VII. die mensis Junii iudictione XII.

De epistola ad Vulibertum Episcopum Agrippinensem.

Periit quidem epist. Joannis ad Vulibertum, seu, ut alii scribunt, Wilibertum Agrippinensem, sive Colonensem, qualis exhibetur apud Gratianum in can. 4. dist. 100: verum ex aliis monumentis epistolæ illius, sive canonis argumentum deducitur, & demonstratur auctoritas. Jam à temporibus Hadriani II., qui Joannem præcessit, depositus fuerat ab Archiepiscopali Sede Coloniensi Guntharius, & quidem auctoritate Apostolica, ita tamè, ut nondum ejus causa absoluta fuisse, quoniam Hadrianus spönderat se iterum controversiam excussurum, iterumque judicaturum. Interè vero in locum dejecti ordinatus fuit Vulibertus, nescio cuius auctoritate, consentiente quidem Ludovico Germaniae Rege, de ordinatione autem conquerente Pontifice Maximo, qui in epist. 27. ad eumdem Ludovicum ita scribit. *Miramur prætereà gloriā vestram in proficiendo Episcopo Agrippina Colonia tam indiscretè præbuisse consensum; cum evidentissime scires, quod Apostolica Sedis iudicio, atque consultu ibidem debuerit ordinari Anistes, cuius censurā nuper fuerat eadem Ecclesia suo privata Rector. Et quidem, quod post iudicium Sedis Apostolica factum est, dure suscepimus; sed quod tua super hoc devotio, quam circa nos habere probaris, omnimodis tacuit, durius astimamus. Præcipue, quia Guntharii dudum Archiepiscopi causam, antequam in locum illius substitueretur Episcopus, nos iterum audituros, & vocem ejus admissuros fore spöndimus.* Prefatam quippe ordinationem nec confirmamus, nec ratam habere decernimus, quoisque ille, qui ordinatus est, nostra exhibeat præsentia, & utraque pars coram nobis discussa, conventus Synodalis perpendatur audiencia. Nondum, ut conjicio, absoluta fuit hæc eadem causa temporibus Joannis VIII. qui præudenter concessionem pallii novo Episcopo in opportunius tempus differre voluit, allegans aliquot causas, quæ in laudato can. 4. describuntur. Erat

Can. 4.
dist. 100

enim jam tūm receptum, ut Archiepiscopi pallium à Sede Apostolica paterent, quemadmodum deducitur ex epistolis Joannis VIII. 93. 94. & 95.: quamobrem Vulibertus nihil magis anxie quærebat, quām pallii usum, quo obtento, quasi probata ab ipsamet Apostolica Sede sui consecratione, facilè Episcopatum suum pacificè possideret. Vero simile tamè est, Joannem Papam tandem illius ordinationi morem gessisse, quemadmodum liquet ex epistola ejusdem Pontificis 283. ad Wilibertum Agrippinensem Episcopum scripta, ubi Joannes illius Episcopi sollicitudinem Episcopalem, & prudentiam Sacerdotali vigilantiæ junctam plurimùm laudat; quemadmodum etiā liquet ex eo, quod postea Vulibertus ipse Episcoporum Concilia celebravit, & præsentia sua, ac subscriptione firmavit, quale demonstrari potest Concilium Coloniense anni 873., & aliud Coloniense anni 888. Ex hoc vero ipso, quod anno 873. celebraverit Concilium, quo sanè tempore jam pallium obtinuerat, deducitur perspicue canōnem memoratum 4. editum fuisse, aut anno ipso 873., aut 872., cum primùm Joannes VIII. Pontificiam Sedem concedit; ac propterea miramur inde magis Joannis Papæ moderationem, qui in sui Pontificatus exordio in re gravissimè momenti, non præcipitem tulit sententiam, sed, antequām pallium petenti concederet, de pluribus facti adjunctis se certiore fieri postulavit.

De epistola ad Clerum, & Ordinem Salonianum.

Emendanda est inscriptio canonis Can. 109. caus. 11. quæst. 3. atque legendum: Joannes VIII. Clero, & Ordini Salernitanano; ita enim legitur apud Ivonem in parte 14. cap. 55., nec non in Collectione epistolarum ejusdem Joannis Papæ, ubi eadem epistola habetur numero 311. his verbis: *De illis Presbyteris, qui tempore sanctissimi successoris nostri Domini Papa Nicolai excommunicati sacram ministere*

caus. 11.
q. 3.

rium contingere præsumperint, ipsi in se damnationis, sicuti sancti canones statuunt, sententiam incurrerunt. Tamèn, quia miseratio Apostolica veniam solet prestare correctis, ob multitudinem misericordie illis hanc indulgentiam exhibemus, ut sanctâ communione saginatis studeant tribus continuis annis per hebdomadam omni secundâ, & sextâ feriâ, aut à vino, aut à cibo (animadvertisendum est in aliquibus Codicibus legi aut à cocto cibo; apud Ivonem autem habetur, aut aceto; solus propterea Gratianus habet, & à carne) penitus jejunare, & ultrâ lugenda nequam committere. Similem, imò benigniorem, dispensationem concessisse video Joannem VIII. in epistola 196. ad Anspertum Archiepiscopum Mediolanensem, qui, non obstante excommunicatione, Sedis Apostolicae auctoritate inflictâ, in despectum, & injuriam paternorum canonum, ut ibidem legitur, sacrum ministerium egerat, & Missam celebrare præsumperat; quod sine pena dimissum voluit prudentissimus Pontifex, dummodò in proxima Synodo, apud Sedem Apostolicam celebranda, se Mediolanensis Episcopus purgaret.

De epistola ad Paulum Episcopum, in Pannonia, & Germania Legatum, & de epistola ad Ludovicum Regem.

Can. 14. & caus. 16. Jungere juvat duas epistolas, apud Gratianum relatas in can. 14., & 17. caus. 16. quæst. 3., quarum prior abs Joanne VIII. scripta dicitur ad Paulum Episcopum, & Sedis Apostolicae in Germania, & Pannonia legatum: posterior ad Ludovicum Regem; etenim in utraque eadem sententia eisdem etiàm ferè verbis exprimitur: aliàs autem istæ ad Paulum Legatum, & Ludovicum Regem epistolæ adhuc in latebris delitescunt. Vix unam ex illis indicavit Baluzius, qui in lib. 1. cap. 5. de concord. Sacerd., & Imperii Petri de Marca itâ adnotavit, ad num. 4. Eam præterea confirmat epistola nondum edita Joannis VIII. ad Paulum Episcopum Anconitanum, fungentem

legatione in Germania, & Pannonia. Non solum, inquit, intrâ Italianam, & ceteras Hesperie Provincias, verùm etiàm intrâ totius Illyrici fines, consecrationes, ordinationes, & dispositiones Apostolicae Sedes patrare antiquitus consuevit. Istius epistolæ fragmentum habetur apud Gratianum 16. quæst. 3. cap. 14. Sunt sane inter editas Joannis epistolas aliquæ ad Ludovicum Regem, aliquæ ad Paulum Anconitanum Episcopum, & in Germania, ac Pannonia Legatum, sed ad illas non pertinet Gratiani fragmentum. Is idem Paulus interfuit tamquàm Sedis Apostolicae Legatus Synodo Photianæ anni 880., quemadmodùm ex actis illius Concilii constat. Extat etiàm commonitorium Joannis Papæ, eidem Paulo Legato datum, quod insertum est in actis Concilii Romani III. anni 879., sed, istud fuisse à Photio corruptum, Collectoræ ipsi testantur. Quid ergo agendum erit, ut laudati canones ad germanas Joannis sententias exigantur? Cum desint epistolarum propositarum exemplaria edita, mihi curandum videtur, ut ex verosimilibus illorum temporum, locorum, ceterisque id genus adjunctis, quoad fieri possit, Papæ sententiam, si non omnino adsequar, saltè attingam.

Quod in primis attinet ad canonem 17., cuius verba ad Ludovicum Regem diriguntur, puto eò refendum illum esse, quo studium Joannis VIII. apud Ludovicum Principem ferebatur. Videlicet, cum plures essent, præsertim ex Paganorum numero, qui res Italæ variis incursionibus, atque deprædatiōibus vexabant, eamque ob rem plura in Romanam Ecclesiam incommoda emergerent, ac fierent detimenta, nihil sollicitius persequebatur Joannes, quâm Ludovici Regis animum, & probatam ergâ Romanam Ecclesiam benevolentiam excitare, ut pius Rex Ecclesiam tueretur, resque Ecclesiasticas ab impiorum invadentium manu diriperet, quod studium maximè liquet ex epistola 197., que habetur inter Labbeanas in recentiore editione. Hinc, cum ad-

adversus Ecclesiam potuisset à possessoriis opponi numerus annorum, sive diuturna præscriptio, commodè potuit Joannes replicare, asserendo, *Ecclesia privilegia nullis temporibus angustari, nullis regnorum portionibus prejudicari;* atque in eam rem confirmandam plurimum facere poterat allegare veterum ipsorum Imperatorum constitutiones, quibus centenaria tantum præscriptio Ecclesiæ Romanæ nocere posse probatur. Res ita explicata satis indicat, quænam sit germana ejusdem canonis interpretatio; neque enim satis firma videtur mihi esse nonnullorum opinio, qui scripserunt, centenariam tantum præscriptionem adversus Romanam Ecclesiam nocere posse, non solùm pòst tempora Bonifacii VIII. vi capituli 2. de præscript. in 6. sed etiàm à temporibus Joannis VIII. quasi ejus disciplinæ Joannes, non Bonifacius, auctor fuerit. Etenim verba Joannis in dicto can. 17. non eò tendebant, ut indicaretur, qualis præscriptio demùm Romanæ Ecclesiæ nocrest, sed ut indicaretur ab invasoribus Ethniciis, & Ecclesiam vi armorum vexantibus, nullam posse præscriptionem, ac possessionem opponi, eo velùt adniculo accedente, quòd Imperatores Romani veteres ne ipsi quidèm ordinariam adversus Ecclesiam possessionem, seu præscriptionem admisisserent. Quòd si ad Romani Juris capita quæcumque controversia exigatur, liquet ex l. 23. Cod. de sacros. Eccles. Justinianum habuisse eam mentem, quâ definiret res ecclesiasticas nullâ unquam temporis metâ circumcludi; sed deinde sanxisse, omnibus generaliter Ecclesiis, piisve causis solam obesse posse præscriptionem centenariam; quod confirmatum præterea fuit in Novella 9. Justiniani, ad Pontificem Romanum directa. Tandem verò Justinianus idem voluit etiàm quadragenariam admittendam præscriptionem in Ecclesiis omnibus in Nov. 111., & 131. cap. 6.; neque videtur renovata vetus disciplina unius centenariæ præscriptionis, nisi temporibus

Bonifacii VIII. favore Romanæ Ecclesiæ; quin ad verba dicti canonis 17. respectus habeatur, quibus non illum præscriptionis legitimum esse terminum volebat Joannes, sed tantum, exemplo veterum Imperatorum, qui singularibus privilegiis res ecclesiasticas tuebantur, ne ab aliis vindicarentur, voluit stimulos addere Ludovico religioso Regi, ut & ipse utilitatibus Ecclesiæ studeret, nec diutiùs sineret Ecclesiastica bona à Paganis occupari, & detineri.

Quod verò adtinet ad canonem 14. cuius verba ad Paulum Anconitanum Episcopum, & Sedis Apostolicæ legatum in Germania & Pannonia, diriguntur, puto referendum esse ad gravissimam illam concertationem, quæ tunc temporis suborta fuit inter Romanum Antistitem, & Ecclesiam Constantinopolitanam, occasione Bulgariae recens ad Christi fidem conversæ; hanc enim provinciam Patriarchatui suo obnoxiam Græci iidem asseruerunt, quod jam attigi in præcedente capite. Præcipuum Constantinopolitanæ Sedis fundamentum in eo possum erat, quodolum Bulgari ipsi Constantinopolitanis parerent, ac propterea jure quodam vetustissimo usus Bulgariam sibi Patriarcha Constantinopolitanus assereret. Paulus Anconitanus Episcopus, qui legatione Pontifici fungebatur in vicinia Bulgariae, aliquando etiàm in ipsam Urbem Constantinopolitanam missus causâ componendorum dissidiorum, quibus causam dederat Photius Constantinopolitanus, mandato Joannis Pontificis illud recipere debuit, ut assereret annorum veterum numerum parùm prodesse, eo magis ubi intermedia tempora profluxissent, quibus Bulgari à Paganis detinebantur. Hoc mandatum Paulo Episcopo, & Legato datum facilè agnosces in citato canone 14., quem propterè ex his prædictis facilè commodeque poteris interpretari.

De Epistola ad Demagum Ducem.

Can. 12.
caus. 23.
q. 8. In omnibus Gratiani Codicibus, sive recentioribus, sive vetustis hæc habetur inscriptio canonis 12. caus. 23. quæst. 2. Joannes VIII. Demago Duci glorioso. Non defuerunt, qui testati sunt, in aliquibus Codicibus pro Demago legi: Hermanno. Apud Ivonem, cuius codex velut antiquior Gratianeo majori videtur prædictus auctoritate, in parte 10. cap. 70. ubi eadem ipsa canonis verba leguntur, dummodò pro verbis illis Gratiani, nisi eos compescueris, verba ista substituas nisi eos compresseris, hæc inscriptio exhibitur: Joannes VIII. Domagol Duci glorioso. Utinam verò superesset in præsentia Joannis epistola, non solum, ut integra exinde redderetur scripturæ editio, verùm etiàm ut facilior & commodior, velut ex integro textu educta, redderetur interpretatio. Sed unà cum aliis monumentis epistola hæc periiit, neque aliud illius extat fragmentum, quād quod in dicto canone 12. apud Gratianum habemus. Ceterum nemo exinde colliget, de auctoritate ejusdem canonis dubitari quoquo modo posse; etenim, quidquid ibidè legitur, sèpissimè in aliis Joannis VIII. Epistolis repetitur, nimirùm ex epistolis ejusdem Pontificis, quarum numerus tercentas multum excedit, inter editas, paucas admodùm invenies, in quibus non conqueratur religiosus Papa de rebus Ecclesiæ Paganorum, & Paganis faventium incursionibus, & deprædationibus miserandum in modum obnoxii, in quibus non omnes passim, præsertim potentes Principes, & Gloriosos Exercituum Duces extimulet, ut prædonum, & impiorum impetus cohibeant, frangant, confiant. Videatur inter ceteras epist. 43. ad Gregorium Imperiale Pædagogum, epist. 54. ad Carolum Calvum Imperatorem, & epist. 172. Quibus addas epistolam 22. ad Lambertum Comitem, statim sententiam ipsam, quæ in dicto can. 12. legitur tibi exhibitam agnosces. Ita legitur ibi: Rogamus, ut.... quæ

Tom. III.

nostrum de tuis hominibus Pontificum pulsaut, emendare nullatenus prætermittas; non enim speramus, ut talia scias, qualia ab eisdem tuis hominibus in nostris finibus perpetrantur. Quæ oportet gloriam tuam studiosè inquirere, & (sicut concedet) pro Dei, & nostro amore omni conamine emendare, quia tamen hominibus S. Petri Apostoli, quam hominibus Guidonis, tui homines, sicut fertur, innumera mala faciunt, & rapinas multas exercent. Quæ rogamus statim emendare facias, & tibi subjectis ultrà tale quid facere non consentias. Verùm, si id forte emendare te non posse fateris, ut cum pace tua dicamus, in prævos, atque iniquos homines illos ob tui amoris dilectionem tuo consensu exhibito, nostri Apostolatus sententiam dabimus, & quousquè resipiscant, à liminibus sancte Ecclesie sequestrabimus. In conspectu epistolæ hujus quis dubitare poterit sententiam canonis 12. caus. 23. quæst. 8. à sententiis Joannis esse alienam, licet injuriâ temporum epistola illius Pontificis integra deperierit? Non nihil etiàm in eumdem canonem traductum fuisse videtur ex can. 3. dist. 86., sed de hoc agendum erit inferiùs.

De Epistola ad Angelbergam Imperatricem.

Angelberga Imperatrix, mortuo Can. 1.
caus. 23.
q. 8. Ludovico II. Augusto conjugé, à filiis suis, de imperio, regnove capessendo ac retinendo valde sollicitis, plura pati incommoda debuit; verebantur enim illi, ne mater in Bosonem Comitem & generum Imperii jura transferre curaret. Hinc Vidua Augusta, ex ea suspicione in exilium missa, frequentè obtestata est officia Joannis VIII., qui filios Principes per epistolas sèpiùs hor-tatus est, ne eamdem defatigarent amplius, illos de concepto anxi timore data fide liberans, imò etiàm plurium Episcoporum officia requisivit, ut apud Principes eamdem ob causam intercederent Plures extant editæ Joannis VIII. ad Imperatricem epistolæ, nimirùm 43. 83. 86. 91. 92. & 204., sed in nulla ex illis reperire possumus, quæ tradi-

Rr

dit

dit Gratianus in can. 1. caus. 23. quæst. 8., neque ibidem vestigium reperiri potest, undè dignoscatur, quam ad rem Gratiani canonis sententia pertineat: imò adeò anceps in eo fragmento reddita est Pontificis propositio, ut in utramque partem flecti facile possit; etenim videtur hinc Joannes Papa non satis probare, Episcopum Joannem *de armis tractare*, quod munus illud *terrene potestatis est*; illinc videtur eumdem Episcopum quodammodo redarguere, quod arma tractare, & militiam sacerdalem exercere formidet, & nimium vereatur. Quid ergò? Non possum non concludere, dubiam esse monumenti illius fidem, atque incertam auctoritatem. Ceterum, si conjecturis in re ancipiti indulgendum est, referendus erit canon eo, ut intelligatur de Joanne Episcopo Ravennate, cuius præsidio multum fidebat Joannes Papa, atque futurum sperabat, ut res Ecclesiasticae, Paganorum vi & incursiōnibus concussa, redderentur incolumes, ablatæ etiā restituerentur. Cum Joanne Ravennate necessitudine jungebatur Angelberga, quamobrè non dubitavit Joannes VIII. ita ad Angelbergam scribere in epist. 92. inter editas: *Ceterum rogamus, ut Joanni Episcopo Ravennati mittatis epistolas ex nostra parte consolatorias, incitantes, ut pro nobis orationes faciat, & contrà Dei inimicos se preparare nequam formidet, & nostris fidelibus Romæ legatos consolando transmittat &c.* Neque verò novum fuit Joanni Episcopos eā ratione excitare; quemadmodum facile deducitur etiā ex epist. 45. ad Ajonem Episcopum; quidquid enim à Nicolao statutum legamus in can. 19. caus. 23. quæst. 8., singularem tamè disciplinam temporibus Joannis postulare videbantur singularia illius ætatis adjuncta, quibus nihil adeò sacrum, & religiosum erat, quod non Paganorum militum vexationibus subja ceret.

De ceteris capitibus, Joanni VIII. tributis.

Inter ceteros canones, qui apud Gratianum Joanni VIII. Pontifici tribuntur, duo potissimum sunt, quos jungerre oportuit, videjēcè canon 10. dist. 10., & can. 3. dist. 86., etenim uterque apud Ivonem uno ferè contextu descripti leguntur in parte 6. Decreti cap. 115. his verbis: *Idem (id est, Joannes VIII.) ad Ludovicum Imperatorem. Vides, fili carissime, quia, quod contrà leges accipitur, per leges dissolvi meretur. Item. Facientis procūl dubio culpam habet, qui, quod potest corrigeret, &c., quemadmodum exhibentur apud Gratianum.* Ex quibus adparet, Ivonem quidem voluisse priora illa verba, *vides, fili charissime.... dissolvi meretur*, nomine Joannis ad Ludovicum Imperatorem scribentis recitare, quemadmodum ea ipsa alio in loco recitavit, nimirum in cap. 230. partis 4.; at verò non ita voluisse intelligenda posteriora verba illa: *Item. Facientis &c.;* nàm particula *item* demonstrat, Collectorem ad alia disjuncta gradum fecisse, quemadmodum juxtà similem scribendi formulam ex aliis capitibus numero plurimis perspicue colligitur. Itaque Gratianus in referendo can. 10. dist. 10. vestigia Ivonis pressit, & quod duobus in locis Ivo tribuerat Joanni scribenti ad Ludovicum Augustum, ipse in dicto canone 10. eodem modo descriptis; verùm in can. 3. dist. 86. errore facti lapsus est Gratianus, qui putavit ab Ivone descriptum esse nomine epistolæ Joannis ad Ludovicum Imperatorem, quod pòst verba Joannis ad Ludovicum Imperatorem scribentis subjiciebatur. Sanè, quod spectat verba canonis 10. dist. 10., dicere quidem possumus, ibidem directam epistolam ad Ludovicum II. Augustum, quem superius diximus fuisse Angelbergæ maritum: imò ulteriùs progredi licebit, ajoendo cam sententiam pertinere ad speciem, quam continuator Pontificalis retulit in vita Joannis VIII., scribens, Ludovicum Im-

Can. 10.
dist. 10.
& can. 3.
dist. 86.

Imperatorem ab Adalgiso Beneventano
Duce adactum fuisse timore vitæ, ut ju-
rejurando firmaret, nunquam se Bene-
venti fines ultrâ intraturum, neque ex
periculo injuriæ tunc sibi illatae vindic-
tam aliquandò exacturum; deinde verò
ab eodem Pontifice Joanne absolutum
jurisjurandi vinculo fuisse Ludovicum,
cum gesta contrà publicas leges rescin-
di per leges publicas mereantur; verùm
certa non est hæc interpretatio, cum in-
tegra Joannis ad Ludovicum epistola pe-
rierit, & vix supersit memoratum Gra-
tiani fragmentum, quod ita in dubio for-
tè juvabit interpretari, ubi commodior
nulla alia esse interpretatio potest. Quod
verò spectat ad canonem 3. dist. 86. jam
adnotaverunt Romani Correctores, il-
lum esse variis laciniis contextum, illis
præsertim, quæ ad Mercatoris epistolas
facile exigerentur. Non immoror diu-
tiùs in illis investigandis, cum contineantur
ibidem nonnullæ breves sententiae,
quarum singula idem omnino significant
inter se collatæ; erant autem quædam
dicendi formulæ, quæ passim sæculo
Ecclesiæ nono recinebantur velut ada-
gia probatissima: Hinc ad instar earum
ita scriptum legimus in cap. 386. lib.
7. Capitularium editionis Baluzianæ:
Omnibus fidelibus notum fore desideramus,
quod quorumdum peccatorum alienorum cons-
cit, nisi ea emendationis, & salutis causâ
prodiderint, delinquent: Unde scriptum est:
nihil prodest illi suo errore non pollui, qui
consensum præstat erranti. Et alibi: non solùm
qui faciunt, sed qui consentiunt facientibus,
rei sunt. Adde his canonem 3. 4. & 5.
dist. 83. junctis meis in eosdem canones
adnotationibus.

Can. 11. Nullibi inter monumenta Joannis
dist. 96. VIII. reperire possum verba canónis 11.
dist. 96., undè vacuus onminò non abeo
à dubitatione, ne fortè canon idem fal-
sò illi Pontifici adscriptus fuerit, præ-
sertim quod antiquiorem ex Collectoris
bus, qui eum sacris codicibus inserue-
runt, non agnosco, quam Anselmum
Lucensem, cuius in monumentis veter-
rum referendis integritas, ac fides pa-

rùm probatur, & quidem potissimum
in iis, quæ ipsius proposito inservirent.
Sed si fortè hæc parvi à nomullis exis-
timentur, plurimum auget dubitatio-
nem meam singularis observatio, dum
animadvero, non solùm nullam occa-
sionem oblatam fuisse Joanni VIII. ita
disserendi, quemadmodum in illo cano-
ne legimus, sed eam fuisse oblatam po-
tiùs occasionem, quâ diversis admodum
verborum formulis Imperatorem allo-
queretur. Siquidem ibidem exhibetur
Joannes quasi d'Imperatore conquestus,
quod Ecclesiasticis sese negotiis immis-
ceret. Non convenient hæc temporibus
Joannis. Vel enim intelligenda illa sunt
de Imperatore, qui erat in Occidente,
Carolo Calvo, aut etià ejus filii. Quis
autem ignorat, quot precibus usus fue-
rit Joannes, ut Princes illos ad occur-
rendum labentibus Ecclesiæ rebus vehe-
mentissimè concitaret, quin tamè, prout
postulaverat, cum effectu obtinuisse, Carolo Calvo morte prævento. Id dig-
noscitur passim ex editis ejusdem Ponti-
ficiis epistolis. Alias autem tantum abest.
ut Joannes de Imperatore conquereretur,
quin potiùs illum in epist. 47. prædicaverit Ecclesia patronum invictum, defensorem
potentem, & strènum adjutorem, & in om-
nibus ecclesiasticis utilitatibus quasi vindicem
Dei ministrum. Quid, quod in epist. 70.
ad Archiepiscopum Ebredunensem im-
probavit electionem cuiusdam Episco-
pi, quod facta esset adversus aliam Im-
peratoris electionem? Quid, quod Joannes idem Episcopum Vercellensem à Ca-
rolomanno Rege eligendum postulavit
in epist. 171. & 187.? Addi his potest
epistola 221. 222. & 223., in quibus
agitur de simili Episcoporum Mediola-
nensis, ac Vercellensis electione. Vel
quisquam dixerit, referendum esse ca-
nonem ad Orientis Imperatores, quales
erant Basilius, aut Constantinus, aut
Alexander? sed istorum erga Ecclesiam,
& res ecclesiasticas propensionem sem-
pèr laudavit Joannes, quemadmodum
constat ex ejus epistola 169. ad Grego-
rium Primicerium, ex epist. 80. & 81.

ad Basiliū Imperatorem, ex epistola 199. ad Basiliū, Constantīnum, & Alexandrū Imperatores, & ex epist. 251. ad Imperatores Augustos. Qui ergo voluerit cum his epistolis omnibus, & germanis Joannis Papæ monumentis memoratum Gratiani canonem conferre, facilè concludet, canonem illum aut temporibus, aut sententiis Joannis VIII. minimè congruere; proptereaque recentendum esse inter ea monumenta, quæ Anselmus Lucensis aut ipse effinxit, ut suo serviret proposito, aut ab aliis effecta, ut suo sempè serviret proposito, in suum codicem derivavit. Potius ad eam rem si quis non nihil accommodatum desideraret, arripere posset canones 2. & 3. Concilii Moguncianensis, paullò pòst Joannis VIII. obitum celebrati, nimirū anno 888., & temporibus Stephani Papæ.

Can. 12. Romani Correctores ad canonem 12.
caus. 3. caus. 3. quæst. 4. observaverunt, non esse quidèm inverosimile, illum adscribi Joanni VIII., quia Engelrudis, siue, ut alii vocant, Ingelrudis, vivere potuit sub eodem Pontifice: attamen unà animadvertisunt, eundem canonem facilius adscribi Nicolao Papæ I., cuius temporibus Ingelrudem anathemate damnatam fuisse non ignoratur, utpotè impudicam feminam, quæ à marito adulterii causâ diverterat, atque huc illuc in eodem scelere pertinax vagabatur. Huc sanè referri potest Concilium Romanum III. sub Nicolao celebratum anno 863. cuius in canone 4. ita definitum adparet: *Ingelrudam filiam quondam Matfredi Comitis, quæ à Bosone proprio viro, relicto, ecce jam per septem circiter annos hac, atque illac vagabunda discurrit, nuper cum fautoribus suis regulariter anathematizavimus, sed propter contumaces eam iterum anathematis vinculo duximus innodandam &c.* Addi præterea potest epistola 53. inter editas ejusdem Nicolai Papæ, qui scribens ad Ludovicum Regem, eundem conscientum reddit de anathemate in Ingelrudem, non resipiscentem, sed nequitia suâ pertinaciter consistentem, illato; deinde

etiam rogat, ut invitam & reluctantem feminam auctoritate sua compescat, & ad pristini mariti conjugium reducat. Addatur epistola 54. Nicolai ad Episcopos in Regno Caroli constitutos, unà cum epistola Arsenii Episcopi Hortensis Sedis Apostolicae Legati ad omnes Episcopos & fideles, in Gallia, Germania, & Neustria commorantes, quæ subjecta est in collectione Labbeana memoratae epistolæ 54. Nicolai; ex his enim omnibus monumentis satis liquebit Ingelrudis factum, & anathematis causa. Planè ex his perspicuum redditur, dictum canonem 12. non temerè adscribi Nicolao Pontifici potuisse. Sed mihi verosimilis admodùm videtur Gratiani inscriptio, præsertim quod idem monumentum referens Ivo in parte 14. Decreti cap. 51., ejus auctorem ita designat. *Joannes VIII. Luitberto Archiepiscopo Moguntino.* Vixisse Luitbertum temporibus Joannis, compertum est; etenim sunt ad illum directæ Joannis epistolæ, quales sunt 106. & 108. Imò de eadem Ingelrudis causa sàpè mentionem factam fuisse ab Joanne VIII. ex ipsis Papæ epistolis abundè colligimus. Sic in epistola 109. & 129. Joannes plurimùm curavit, ut bona Ingelrudis, huc illuc vagantis, & jam anathemate percussæ, filiis ejus justis concederentur, exclusis aliis, quibus illa, ut marito, & mariti filiis fraudem faceret, bona sua iniquâ voluntate concesserat. Quod si consistamus in epist. 108. scripta ad Luitbertum Archiepiscopum Moguntinum, agnosceremus illicò abs Joanne illum Episcopum admonitum, ut curaret, bona Ingelrudis ad justos ejusdem filios devolvi, quin aut jure repugnare possent ii, quorum favore donata fuerant, aut donans ipsa Ingelrudis, utpotè quæ sine mariti consensu non poterat illa dare. Imò, cum ibidem Joannes memoret, aliam epistolam se jam scripsisse, quæ sanè hodiè non extat, illa facilè esse potuit, quam Ivo, & sequens Iovensem Gratianus in dicto canone 12. indicare voluerunt; quamobrem conjectu-

tura capi facilis potest, ex qua idem Gratianus canon non tam Nicolao Papæ, quam Joanni VIII. rectè adscriptus existimetur.

Quod sub Joannis VIII. nomine legimus in can. 26. caus. 23. quæst. 5.,
Can. 26.
caus. 23.
q. 5. habetur eisdem omnino verbis in canone 13. Concilii Ravennatensis anno 877. celebrati, ex quo etiam dixi deceptum fuisse canonem 20. caus. 11. quæst. 3. apud Gratianum adscriptum Honorio Papæ. Cum autem Concilium illud Ravennatense non solum Joannis temporibus, sed etiam Joanne eodem VIII. con-

vocante, præsente, ac subscribente, celebratum adpareat, quemadmodum præter acta Concilii plures ipsius Papæ epistolæ demonstrant, ac præ ceteris 53. 55. 56. 57. 59. & 60., non injuriâ Gratianus potuit eundem canonem Joanni tribuere. Acta Concilii Ravennatensis & canones rursus probati dignoscuntur, ac confirmati in alio Concilio Joannis Papæ anni 878., nimis Tricassino, cuius in canone 3. ita legimus: *Ut illa Capitula, quæ anno praecedente apud Ravennam statuimus synodali collegio, inconclusa ab omnibus observentur.*

C A P U T L X X I X.

De Stephano V. seu VI.

Stephani V., qui apud alios VI. appellatur, hæc referuntur apud Gratianum monumenta.

Ex epist. ad Humbertum, alias Luythobium, Moguntinum Episcopum.	{ Can. 13. dist. 16. incertæ omnino auctoritatis. Can. 20. caus. 2. q. 5. non satis tutò Stephano tribuendus.
Ex epist. ad Sichibertum Episcopum Corsicæ.	{ Can. 38. dist. 50. non omnino certæ auctoritatis.
Ex epist. ad Robertum Metensem.	{ Can. 11. dist. 55. ex optimis codicibus supplendus.
Ex epist. ad Romanum Ravennatem.	{ Can. 12. dist. 63. non inverosimiliter Stephano V. tribuendus.
Ex epist. ad Guidonem Comitem.	{ Can. 18. dist. 63. temporibus Stephani V. facile accommodatus.
Ex epist. ad Leonem Episcopum Theanensem.	{ Can. 17. caus. 2. q. 1. } simul jungendi, & facile, quidquid alio Can. 1. caus. 15. q. 5. } senserint, Stephano V. tribuendi.
Ex epist. ad Giscardum Leodiensem.	{ Can. 3. caus. 3. q. 2. incertæ auctoritatis.
Ex epist. ad Gualbertum Patriarcham.	{ Can. 20. caus. 9. q. 3. ad Iyonis monumentum exigendus.

Ex epist. ad Hastingum.
Ex epist. ad Paulum Episcopum Placentinum.
Ex epist. ad Stylinum, aliosque Episcopos.

Can. 8. caus. 33. q. 2. potius Paulino Foro Juliensi adscribendus.
Can. 2. cau. 35. q. 9. ad Gregorii Magni sententias commode referendus.
Can. 10. de cons. dist. 5. ex integra Stephani epistola emendandus.

Quarè Stephanum, qui Romanam Sedem tenuit ab anno 885. usquè ad annum 891., quintum, vel sextum ejus nominis Pontificem appellaverim, facile unusquisque deducet ex iis, quæ superiùs tradita sunt in cap. 70. & 73. Successit ille Hadriano III., quem post Joannem VIII. præcesserat Marinus, ab aliis dictus Martinus II.: at de his duobus Pontificibus frustrà sermo instituendus esset, utpotè quorum nulla extant apud Gratianum monumeta. Quali autem fuerit Stephanus morum integritate ornatus, quanto cum gaudio apud Romanos fuerit ad supremam Pontificatus dignitatem evectus, quam sollicitus in Ecclesiarum curandis utilitatibus, exhibendis pauperibus, captivis redimendis; quam pius in miseros fideles tūm innumeris propemodùm calamitatibus, quam caussante bellorum iuriā, quam agrorum sterilitate, vexatos; quam demum religiosus in Deum, historici Scriptores abunde testati sunt. Inter cetera verò illius animum exagitavit vetus Photii causa; ut enim Photius vir erat in schismata admodum pronus, & Romanae Ecclesiæ prælationem ægrè ferrebat, idemtidem, prout sese offerebat occasio, Romanam eamdem Sedem perfido animo adoriebatur; cui ut obsisteret Stephanus, optimum duxit invictam Prædecessorum suorum constantiam æmulari, nunquam ab egregia animi moderatione disjunctam. Insignem Pontificis ejusdem virtutem non modicum ostenderent, si superessent, integra illius monumenta. Verùm vix pauca apud Gratianum habemus: utinam saltē ea integra essent, & certā consisterent auctoritate.

De Epistola ad Humbertum, alias Luythobium, Moguntinum Episcopum.

Si reverè Stephano V. adscribendus Can. 13. dist. 16. esset canon 13. dist. 16., non dubitarem, quin inscriptio emendanda esset non solum apud Gratianum, verùm etiā apud Iwonem, qui in parte 4. Decreti cap. 232. eadem verba retulit; atque pro illis verbis: *Stephanus Luythobio Moguntino Episcopo*, ita scribendum adsererem: *Stephanus Luitberto Moguntino Episcopo*; non enim dubitare possumus, quin Luitbertus Moguntinæ Ecclesiæ Antistes esset temporibus Stephani, quandò scimus ab eo celebratum fuisse Moguntinum Concilium anno 888. Verùm canon ille passim apud eruditos falsitatis suspicione laborat, quemadmodum testatur Wanzenp in tractatu historico canonico parte 2. cap. 1. §. 6., ubi de numero Nicænorum canonum verba faciens inter cetera hæc habet: *Fragmentum epistole Stephani Pape, ex Ivone Gratiani decreto insertum can. 13. ead. dist., in quo dicitur, 20. tantum capitula Nicæna Synodi in S. Ecclesia Romana haberí; sed quo neglectu alia defecerunt, ambiguum esse, ejusdem cum prædicta epistola Athanasii fidei fore, omnibus hodie persuasum est.* Apud Iwonem verba canonis Stephano tributi hæc sunt. *Capitula Nicæna Conciliij, testimonio Athanasij, septuaginta in figuram septuaginta discipulorum scripta non dubitamus.* E quibus viginti tantum in Ecclesia sancta Romana habentur, sed quo neglectu reliqua defecerint, ambiguum est. Arbitrantur enim plurimi ea Antiocheno inserta Concilio. Antonius Augustinus hæc verba postrema expendens in dial. 20. lib. 1. de

de emend. Gratiani, ità interrogat: *Quod dicit hic, Antiocheno Concilio insertos esse plurimos arbitrari Nicænos illos septuaginta canones, velim scire à te, an verosimile putes?* Quibus ità respondet: *quod ait, plurimos arbitrari, ità ipsum Stephanum invenisse existimo, licet ego non meminerim alibi legisse.* Itaque Sardicensi pro Antiocheno sufficerem. Namque Antiocheni canones xxv. tantum fuerunt, quorum auctores si illi sunt, ad quod Julius scripsit, hostes erant Athanasii, & aliorum Patrum CCCXVIII. Quia de causa nihil de fide Nicæni Concilii, sed de Paschate tantum statuant capite primo id Concilium esse observandum. At Sardenses Patres Catholici aliquot canones scripserunt, qui pro Nicænis habiti sunt, ut constat ex Concilio Carthaginensi vi. Ego pluribus non immoror in hac re, quam ex certis monumentis, imò ne verosimilibus quidèm, deduci hāud posse dignosco. Habebo canonem illum inter incerta Papæ Stephani monumenta, sive ille Quintus sit, sive aliis post Quintum, quin tamèn alicui antiquiori tribuendum credam, quemadmodùm tradidi superius in cap. 70. Major verò fit dubitatio ex eo, quod non liquet, quænam porrecta fuerit occasio querendi de numero canonum Nicænorum, de quibus nulla esse potuit eo tempore disputatio; atque ejus disputatio, si fortè emersisset, vestigia quædam adparerent in actis Concilii Moguntini memorati, in quo tamèn nihil omnino deprehenditur.

Non absimile judicium ferendum erit de canone 20. caus. 2. quæst. 5., cuius inscriptio videretur in primis emendanda, ut pro Humberto Moguntino Episcopo scribatur *Luitberto*. Varios in hac parte fuisse codices, Baluzius testatur in notis ad Gratianum; in aliis enim legit *Huberto*, in aliis *Luberto*, alibi *Guiliberto*, alibi *Liberto*, alibi *Lamperto*, alibi demùn *Lulberto*. Deinde addit, ejusdem Moguntini Episcopi epistolam ad Ludovicum Regem extare in calce opusculorum Hincmari apud Cordesium pag. 628., cui adjici potest epistola Otfredi Monachi ad eumdem Luitberum pag.

631. iterum apud Cordesium. Demùn Baluzius observat, ad illa Gratiani verba *occulta verò & incognita illi sunt relinquenda, &c.*, ità potius legi in quodam Puteano codice: *Occulta verò, & incognita illius sunt iudicio relinquenda, &c.* Apud Ivonem in parte 10. Decreti cap. 27. non nihil diversum agnoscitur in verborum formulis, ac conceptionibus, unde propterea juvabit eumdem canonem velut ex codice antiquiore describere, ibi: *Consulisti etià de infantibus, qui in in uno lecto cum parentibus dormientes mortui reperiuntur, utrum ferrò candente, an aquâ servente, seu alio quolibet examine parentes se purificare debeant, eos non oppressisse. Mennendi namquæ sunt, & protestandi parentes, ne tam tenellos secum in uno collocent lecto, ne negligientia quolibet proveniente suffocentur, vel opprimantur, unde ipsi homicidii rei inveniantur. Nam ferrī candentis, vel aquæ ferventis examinatione confessionem extorqueri à quolibet, sacri non censem canones; & quod sanctorum Patrum documento sanctum non est, superstitione adinventione non est presumendum. Spontanea enim confessione, vel testium approbatione publicata delicta, habito præ oculis Dei timore, commissa sunt regimini judicare: occulta verò, & incognita illius sunt iudicio relinquenda, qui solus novit corda filiorum hominum.* Hi autem, qui probantur, vel confitentur talis reatus se noxios, tua eos castiget moderatio, quia si conceptum in utero, qui per abortum deleverit, homicida est, quanto magis, qui unius saltèm diei puerulum peremerit, homicidiam se se excusare nequibit? Ceterum, quæcumque recipiatur editio, ego valde suspicor, illud ipsum fragmentum falsò Stephano Papæ fuisse tributum; et enim ex verbis Ivonis nupèr descriptis constat, ibidem exhiberi Stephanum de pluribus capitibus à Moguntino Episcopo interrogatum, quemadmodùm demonstrant priora illa verba *Consulisti etià*; at verò demonstrari non potest de pluribus ad purgationem scelestorum hominum pertinentibus interrogatum fuisse Stephanum à Moguntino Episcopo: imò, non fuisse de ea re interrogatum, facile conjicitur ex canonibus Con-

cili Moguntini, ab eodem Luitberto anno 888. celebrati, in quo nihil hujusmodi discussum constat, aut definitum, quod tamè definiendum, dicutiendumque fuisset, si eæ tunc emersissent causæ, undè Moguntinus Archiepiscopus ad Stephanum Pontificem confugere debuisset. Non tamè ego inficias iverim, tunc temporis jam subortam fuisse disciplinam, juxta quam alii cubi, ubi dubietas esset admissi alicujus criminis, ad purgationem per aquam frigidam, aut ferrum candens devenirentur. Erant medio ix. sæculo, qui eam purgandi formulam receperant, quasi ad imitationem Sumini Dei, qui in veteri lege dignoscitur peccantes homines aut aquis, aut igne purgasse, quemadmodum describit Hincmarus Rhemensis in opusculo de divortio Lotharii pag. 348. & sequ. in editione Cordesii. Alii è converso superstitionem admodum eam purgandi formulam judicaverunt, ac propterea abolendam; hinc ait Hincmarus ibidem pag. 341. *Quidam dicunt, nullius esse auctoritatis, sive credulitatis iudicium, quod fieri solet per aquam calidam, si-ve frigidam, neque per ferrum calidum, sed ad inventiones sunt humani arbitrii, in quibus sepiissimè per maleficita falsitas locum obtinet veritatis, & ideo credenda esse non debent.* Non itaqè repugnat, eodem sæculo de ea purgatione recipienda dubitavisse plures, forte etiàm Stephanum Pontificem interrogasse, atque intellexisse eam purgandi rationem minimè probandam videri. Consueverunt tunc commissa homicidia, etiàm casu, pœnitentiâ purgari, at Synodali auctoritate non omnino recipiebatur purgatio aquæ, vel ignis. Memoro hic canonom 53. Triburiensis Concilii anni 895. ita expressum. *Siquis filium suum, quod absit, non sponte, sed ca-
su contingente occiderit, secundum homicidia sponte commissa pœnitiat, ut sequenti subin-
fertur capitulo. Clarius in can. 37. ejusdem Concilii: Sique mulier, ut sepè con-
tingit, infantem proprium prope ignem collo-
caverit, & alias, qui caldarium super ipsum
ignem pependerit, & aquam insuderit, atque*

*aqua ipsa per ignem servens egreditur, & in-
fanti superinsfunditur, & propterea mortuus
agitur, mater infantis propter negligentiam
judicio sacerdotum pœnitiat, & homo, qui
caldarium pependit, securus permaneat. Simi-
li modo de ceteris similibus, quæ sapè diversè
solent evenire, & judicamus, & esse volu-
mus. Quòd si proximiùs ad speciem apùd
Gratianum propositam accedere veli-
mus, eo referre commodè poterimus,
quod legitur inter canones Isaac Epis-
copi Lingonensis, ex Capitularibus
Francorum Regum depromptos tit. 2.
cap. 11. ibi: *Siquis infantem necaverit, ut
homicida teneatur, & can. 14. ibi: Mulier
qua dormiens filium suum oppresserit, & mor-
tuus fuerit, sex annis pœnitiat. Vir ejus, si
in domo illius fuerit, quatuor. Si vero in uno
lecto, simili modo peniteat, duos in pane &
aqua; reliquos quatuor, secundum quod Sacer-
dos viderit illos posse, abstinentiam imponat
ciborum.**

De epistola ad Sichibertum Episco- pum Corsicæ.

Quis fuerit Sichibertus ille in Cor-
sica Episcopus, de quo sententiam tu-
lissee visus est Stephanus V. in can. 38. Can. 38.
dist. 50.

dist. 50., maximè incertum est; tan-
tummodò adnotare potuit Mansius in
suo Codice, Siegerbertum appellari. Hinc
incerta erit monumenti ejusdem au-
toritas, quamquam videam non repugna-
re Stephani temporibus, quod ibidem
legitur; etenim non possumus ignorare,
tum maximas fuisse Saracenorum vires,
quibus fideles omnes, ac præsertim Ec-
clesiarum Antistites obruebantur: non
ignoramus præterea, in ea temporum
improbitate nullum non lapidem mo-
tum fuisse, etiàm à viris ecclesiasticis,
ut, quoad fieri posset, res Italiae ab ex-
teriorum Saracenorum tyrannide libe-
rarentur. Quid propterea mirum esse
potest, si Sichibertus Episcopus vim vi
repellens Saracenos quosdam occidisse
proponatur, eaque propter à Summo
Pontifice postulavisse, nùm canonum
censuræ subjaceret? *Aequum sanè timo-*
rem

rem illum fuisse respondit Stephanus, interea tamè adjunctis temporum clementè aliquid indulgendū voluit; nàm aliàs etiàm homicidia, non spontè commissa, pœnitentiæ subjiciebantur, quod sanè idem erat, ac Clericos, eadem homicidia admittentes, potiore ratione Episcopos, à proprio officio, vel dignitate decidere. Ad rem Isaac Lingonensis Episcopus in suis canonibus tit. 2. cap. 13. deprompto ex Francorum Capitularibus, scribit: *Siquis quiete gradiens per viam, aut si etiàm in domo sua fuerit, aut in platea Civitatis, aut in villa, subito ab alio sit superventus, aut litis commotione, volens se defendere, non habens contrà illum ante odium, interficerit hominem, septem annis secundum canonicam institutionem pœnitentiat, tres verò à communione privetur, quatuor autem in communione orationum & oblationum susceptus, in Sacerdotis pendeat arbitrio, utrum dignus sit Corpus Christi accipere, aut usque ad plenitudinem pœnitentia ab eo separari. Abstinentia ciborum in providentia Sacerdotis erit, secundum possibilitatem pœnitentis, & devotionem, & affectum.*

De epistola ad Robertum Metensem.

Epistola Stephani ad Episcopum Metensem, ex qua depromptus est canon 11. dist. 55., integra describitur in Labbeana Collectione num. 3., necnon apùd Ivonem parte 6. Decreti cap. 118. Non piget illam hic exarare, ex qua, quæ apùd Gratianum desunt, suppleantur: *Lator præsentium, Flavinus scilicet Clericus, ad Sanctam Sedem Apostolicam veniens detulit à te nobis directam epistolam, quā indagare studiisti, eum à Normannis nuperimè captum sinistra manus digitum habere abscessum* (itè legit Labbeus: paulò aliter Ivo his verbis: *Studiisti, cum à Nortmannis... haberet abscessum*) *sciscitans, si ob hoc ad Ecclesiasticum Ordinem valeret promoveri, an non. Quod & nos reperientes, quia solertia tua magis super hoc sollicita à Sede Apostolica edoceri flagitat, normam justitia semper sequi exoptans, studium tue sanctitatis merito collaudamus, reverentiam tuum scire volentes,*

Tom. III.

quoniam si ità est, quod à Normannis digitum ipsum habeat abscessum, ad promovendum, si aliàs dignus fuerit, nihil ei nocebit, eo quid quid de his, qui à Dominis, vel medicis, sive à paganis non sponte tale quid patiuntur, sacri censeant canones, dilectionem tuam latere non credimus, quam ei (scribit Ivo: quos eis) obviare debere, si ità est, minimè reperimus, monentes religionem tuam, ut circa illum ità peragat, quatenus ut (legit Ivo &) mercedem pro eo magnam incurrat, & desiderium illius, canonica auctoritate ei in aliis non obviante, Deo adjuvante perficiat. Hinc sanè liquet, Stephanum V. in proposita specie, cum laudavit ecclesiasticos canones, quos sequendos rescripsit, sese retulisse ad canonem Nicænum I., qui apùd Gratianum refertur in can. 7. dist. 55. Iis, quæ in memorata Stephani epistola continentur, fidem quamdam facere videntur acta Metensis Concilii sub eodem Roberto, sive Rotberto, ut alii scripserunt, celebrati anno 888. temporibus Stephani V., siquidè in canone 1. ejusdem Concilii conquestus est pius Antistes, à Northmannis plurimùm exagitatos, atque injuriis laccitos fuisse Christi fideles, atque ideo res Christianorum turbatas, ut Synodales Conventus dià interrumparentur.

De epistola ad Romanum Episcopum Ravennatem.

Baluzius in notis ad Gratianum ad canonem 12. dist. 63. animadvertisit, in omnibus Gratiani libris antiquis, & editionibus caput istud referri ex epistola Stephani Papæ ad Romanum Archiepiscopum Ravennatem, quo etiàm modo legitur apùd Anselmum Lucensem lib. 6. cap. 30. in Codice Sangermanensi, quod referendum ad Stephanum V. scribit Hieronymus Rubeus. Ego sanè minimè dubitarem, quin canon idem rectè Stephano V. Pontifici tribuatur, nisi paulispèr in ancipiiti collocarer ex eo, quod noverim apùd Collectores omnes Gratiano vetustiores eam epistolam desiderari, & exhiberi primùm, imò tan-

Ss. tum,

tum, apud Anselmum, cuius fides & auctoritas mihi parum probatur, præsertim in ea re, qua de agitur in eodem canone, ut potè quam tractabat Anselmus admodum alacriter, atque ut plurimum sine delectu monumentorum, dummodo proposito suo serviret. Ceterum nihilominus facilè in eam trahor opinionem, ut credam eumdem canone Stephano V. convenire, quod plurima concurrent adjuncta, & temporibus, & locis, & personis, de quibus ibidem agitur, accommodata; atque illud unum esse potest, quod non measis ab omni liberat suspicione; nimirum in referendo germano monumento non nihil paulò vividiùs exprimi potuisse apud Anselmum, quod non in epistola Stephani contineretur, præsertim quod temporibus Stephani nulla adhuc suborta fuisset gravis occasio, quā pressius in ea materie quidpiam urgenteretur. Dixi, multa concurrere adjuncta temporum, locorum, ac personarum, quibus facilè monumentum illud accommodatur. Revera Romanus fuit ad Ravennatensem Ecclesiam electus temporibus Joannis VIII., uti liquet ex epistola ejusdem Papæ 184. Ad eumdem Episcopum aliæ sunt plures Joannis VIII. epistolæ, præsertim 218. 220. 270. 272. 273. 275., & 276., & quamquam idem Romanus in Concilio Romano VII. anni 881. fuerit ecclesiasticâ communione privatus, quod etiā deducitur ex epistola Joannis Papæ 278., tamèn temporibus Stephani V. restitutus fuisse ad pristinum honorem videtur ex eo, quod Mansius inter acta Stephani V. duas referat epistolas, quibus indicat idem Stephanus, Romanum Ravennatem, quem honorifice ibidem nominat, obiisse, ac propterea ad alterius Episcopi electionem esse deviendum; quibus sanè loquendi formulis non usus fuisset Stephanus, si Romanus in excommunicatione pertinax mortuus fuisset. Præterea constat Immolensem Ecclesiam, de qua fit mention in dicto can. 12. dist. 63., fuisse

subjectam veluti Metropolitanæ Ecclesiæ Ravennatensi, ac propterèa, juxta disciplinam illius ætatis, vacantis Ecclesiæ Immolensi fuisse per Ravennatensem Archiepiscopum consulendum. Similis ferè species deducitur ex epistola Joannis VIII. 271. superiùs memoratâ, nam cum Faventina Ravennatensi Ecclesiæ subjecta vacavisset, mandavit Joannes Romano Ravennatensi, ut electum Episcopum secundum morem ordinaret. Simile præterea exemplum perspicue colligimus ex epistola Stephani V. ad Dominicum Romani in Ravennatensi Ecclesia successorem; cum, enim vacavisset Ecclesia Placentina Ravennatensi Metropolitanæ subjecta, professus est Stephanus Papa se extra ordinem Placentinum Episcopum elegisse, ac consecrassè, quia uno eodemque tempore & Placentina, & Ravennatensis Ecclesia vacaverat; ceterum regulariter ad Ravennatensem Archiepiscopum Placentini Episcopi consecrationem pertinere. Habetur hæc epistola apud Mansium tom. 1. Labbeiani Supplementi pag. 1046. de prompta ex historia Ravennensi Rubei.

De epistola ad Guidonem Comitem.

Canon 18. dist. 63. rectè laudatur ex epistola Stephani V. ad Guidonem Comitem, quem alli Widonem appellaverunt; licet enim epistola illa perierit, solumque ejusdem fragmentum apud Gratianum remanserit, tamèn ego non dubito, quin eadem germana sit, ut potè Stephani Papæ temporibus consentanea. Erat Guido, seu Wido, uti coniicio, Comes ille Spoletanus, qui anno circiter 890. post obitum Caroli Crassi Imperatoris in Concilio Ticinensi Rex Italiae salutatus est, qui tandem curavit, ut filius suus Lambertus jura Imperii nancisceretur. Ad eumdem Guidonem scripta exitit epistola 291. Joannis VIII. atque ad eum arbitror etiā pertinere epistolam ejusdem Joannis 316. ad Comites in Regno Ludovici constitutos,

Can. 18.
dist. 63.

ex

ex qua patet, Comites numero plurimos non nihil turbasse jura Imperatoris, unde etiam pax Sanctæ Dei Ecclesiæ, ut ibidem dicit Joannes Pontifex Maximus, turbaretur. Quænam inter cetera essent jura, quæ temporibus Stephani V. sibi vindicaret Imperator, demonstrat Caroli Crassi præceptum, quod edidit Sirmundus ad annum 885. his verbis: *In nomine Sanctæ, & Individua Trinitatis Carolus divinæ favente clementiæ Imperator Augustus. Si ea, quæ divinis conveniunt auctoritatibus præcepto nostra altitudinis confirmamus, supernam ob id gratiam promererri nullo modo dubitamus. Quocircum omnibus sanctæ Ecclesia fidelibus & nostris, presentibus, & futuris, notum esse volumus, quod venerabilis Agilmarus Arvernorum Præstus, adiens genua serenitatis nostræ, innotuit, quoniam Girboldus Cabilonensis Ecclesiæ venerabilis Antistes & reverendus, infirmitate jam similique senio consecutus, non modicum metu sui obitus civibus, & filiis Ecclesiæ sue inferret dolorem. Itaque nostram humiliter deprecatus est dominacionem, ut præstatæ Ecclesia canonicam electionem concedere deberemus. Placuit ergo nobis saluberrima acquiescere postulationi. Decernimus igitur, & pro Dei amore hoc eidem concedimus, ut, obeunte pastore proprio, omni deinceps tempore canonicam habeant electionem. Hoc denique, quod Divino amore concessimus, nostro imperiali præcepto confirmavimus, & annulo nostro insigniri jussimus. Itaque in electionibus Episcoporum maximas tunc fuisse Imperatoris partes constat; proindeque cum vacasset Reatina Ecclesia, quemadmodum proponitur in specie dicti canonis 18., operæ pretium erat, non aliter recipi electionem Episcopi Reatini à Guidone Comite propositam, nisi Imperatoris consensus accederet; jure enim verebatur prudentissimus Pontifex Stephanus, ne, si aliter ageretur adversus veterem consuetudinem, turbaretur Imperatoris animus, in iis præsertim & temporum, & locorum adjunctionis, quibus Guido idem Comes, qui jam in Spoletano Comitatu, in ipsa etiam Reatina Civitate auctoritatem, potestatemque explicabat, ad regnum univer-*

sæ Italiae inhiabat. Quid verò post epistolam Stephani evenerit, incertum videtur: conjicio tamè Guidonem acquiescebat, neque aliter urgere voluisse novi Antistitis electionem, quam si Imperatoris consensus accessisset; etenim in Concilio Ticinensi laudato can. 11. & 12. postquam enarratum fuerit Carolo Imperatore obeunte plurimis periculis fuisse obnoxium Regnum Italiae, exhibetur Guido ad Regnum Italiae electus, quod Ecclesiarum pacem strenuè tuitur, Ecclesiarum omnium jura servaturum, imò & singulares leges editurum promisisset. Observandum tamè est, Guidonem eumdem deinde post Regni adsecutionem tale pactum, sive legem edidisse, quam minus utilem rebus Ecclesiasticis posteriores nonnulli Antistites crediderunt, ac propterea reformandam Lamberto Imperatori ejusdem Guidonis filio proposuerunt in Concilio Ravennatensi anni 904. can. 6. & 7. his verbis: *Ut pactum, quod à beata memoria vestra genitore (ita Lambertum Imperatorem Concilii Patres alloquebantur) Domino Vvidone, & à vobis püssimis Imperatoribus, juxta præcedentem consuetudinem factum est, nunc reintegretur, & inviolatum servetur. De locis autem, atque rebus, que in eodem pacto continentur, præcepta nonnulla illicita facta sunt, quæ perimus, ut in eadem Synodo terminentur, & quæ non recte facta præcepta sunt, corrumpantur.*

De epistola ad Leonem Episcopum Theanensem.

Nescio qua de causa Vvanespen in Brevi Commentario ad secundam partem Gratiani ad canonem 1. caus. 15. quæst. 5. hanc censuram adjecet in epistolam, quam tum in memorato can. 1., tum etiam in can. 17. caus. 2. q. 1. Stephano V. Gratianus adscripsit. *Indigna verisimiliter, quæ huic Pontifici adscribatur, ut propterea nec ejus epistolis tom. 9. Conciliorum Generalium descriptis enumeretur. Contemnenda sanè animadversio, ubi nullum aliud argumentum adfertur, quam quod ex*

Can. 17.
caus. 2.
q. 1. &
can. 1.
caus. 15.
q. 5.

silentio Collectorum Conciliorum deducitur; nemo enim ignorat, parcos admodum fuisse Conciliorum, & Epistolarum Pontificiarum Collectores in singulis referendis monumentis, aliquando etiam sine ullo criterio, ut omiserunt germana, ita apocrypha, aut dubia descripsisse. Quid vero diceret Vvanespen hodiernis temporibus, si camdem epistolam in Supplemento Mansii descriptam adspiceret, & quidem primo loco inter fragmenta monumentorum Stephani tom. 1. pag. 1043., ubi etiam adnotavit se fragmentum illud excepsisse ex Gerhoo de ædif. Dei in Anecdoto Pezii tom. 2. p. 2. pag. 374. Puto autem & Mansio ipsi tantum honorem jure deferri & posse, & debere, ut meliorum Collectorum studia Criticæ arti conjuncta fuerit æmulatus. Ego sanè non video, quā ratione consistat Vvanespenii censura; si enim duos illos canones, qui apud Gratianum existunt, jungamus, quemadmodum jungi debent, cum sint ex eadem epistola deprompti, nihil emerget, quod aut disciplinæ sacrorum, aut Stephani V. temporibus aduersetur. Leonem Tharnensem Episcopum labente ferè saeculo 9. vixisse, liquet ex epistola 289. Joannis VIII. ad eundem Episcopum scripta; idem propterea Leo potuit adhuc inter vivos esse temporibus Stephani V., cum vix anni quatuor ab uno ad alterum Pontificem interfluxerint. In ejus autem Dicecesi facile emergere potuit controversia de purgatione Aldericu Diaconi, de certis criminibus accusati; non enim infrequentes erant tunc temporis de Clericorum accusatorum purgationibus quæstiones, quemadmodum nemo ignorat. Quid vero congruentius adferri in medium poterat, quām definire, in crimine manifesto ac publico nullis opus esse testibus, viceversa in occultis, in judicium tamē deductis, necessariam esse probationem, quæ si firma non sit, tota res abs jurejurando accusati dependeat? Non aliud arbitror in similibus illius temporis Pontifices Maximos respondisse; ne-

que aliud ex memoratis Gratiani canonibus Stephano adscriptis colligitur. Ivo Carnotensis, cum ageretur de quodam electo in Episcopum, deinde à nonnullis accusato, in eamdem propemodum ivit sententiam in Epist. 68. ita scribens ad Hugonem Lugdunensem: *Manifesta autem accusatione non egere testatur B. Ambrosius super epistolam ad Corinthios, ita dicens de eo, qui neverca sua manifestè abutebatur: Judicis, inquam, non est sine accusatore damnare; cognito autem opere istius, pellendum eum de fraternitate cœtu censuit; omnes enim crimen ejus sciebant, in qua re neque testibus opus erat, neque tergiversatione aliqua poterat tegi crimen. Simile quid scribit Papa Nicolaus Carolo Regi: Quæ Lotharius Rex vester nepos operatur, accusatione non indigent; manifesta quippe in eo sunt opera carnis, quæ sunt fornicatio, & immunditia.* Quoniā vero integra Stephani epistola non ad nos usquæ pervenit, licet illius exemplar Romani Correctores se in quadam anonyma Collectione Vaticanæ Bibliothecæ reperisse asseruerint, alias autem fragmenta etiam Gratiani sive apud Ivenem, sive apud Mansium legantur, juvabit adnotare quamdam verborum varietatem. Iis itaq; omissis, in quibus Gratianæ lectio consonat, legit Ivo in parte 6. Decreti cap. 431. *De manifesta & nota plurimis causa.... ut Beatus Ambrosius in epistola ad Corinthios scribit, de fornicatore.... quia Dominus Iudam, cum fuisset sur, quia non est accusatus, minimè abjecit. At mōx. Cognito autem opere pellendum illum de cœtu fuisse fraternitatis censuit &c.* Apud Mansium ex Gerhoo: *De manifesta.... ad Corinthios dicit, de fornicatione sententiam exponens Apostoli: Judicis, inquam, non est.... cum fuisset sur, quia non accusatus, minimè abjecit. Cognito autem opere isto, pellendum illum de cœtu fraternitatis censuit &c.* His addi potest canon 31. caus. 23. quæst. 4. Quod vero pertinet ad verba canonis 1. caus. 15. quæst. 5. eadem paulò aliter habentur apud Mansium, ibi: *De crimine sibi illato Diaconus tuus verissime fatebatur, se esse immunem. Veruntamen si suspicio super viaculum (adnotat vir eruditus*

tus fortè legendum esse piaculum) habetur, & accusatores idonei reperiuntur, & testes, quales sacri canones sanciunt, cum fuerit legitimis testibus approbatus canonica sententia feriatur. Quod si nec sponte confitetur, neque legitimi accusatores, vel testes reperti fuerint, & mala fama crebescit, non publico examine, sed coram te, & coram Reverendissimis Presbyteris, & Diaconis secreto juramento se purget, & tu deinceps boni testimonii eum annuncia, & compesce, & commone Ecclesie tuae filios, ne Sacerdotem Dei ultius infamare presumant; timentes, quod Cham maledictus est, quod Patris verenda derisit. Paulò aliter habentur apud Ivonem in parte 6. cap. 430. cujus verba describam, ea omitendo, quae consonant cum editione Gratiani, ibi: *De crimine sibi illato Diaconus tuus verissime se fatebatur immunem.... quod si nec sponte.... & mala fama crebescit.... compesce, ac admone.... Sacerdotem Dei infamare ultius presumant, timentes maledictionem Cham, qui Patris verenda derisit.*

De epistola ad Girardum Leodiensem.

Can. caus. q. 2. 3. Valde in obscurō delitescit epistola, quae fertur à Stephano scripta ad Girardum Leodiensem, ex qua depromptus dicitur canon 3. caus. 3. quæst. 2. Referam hic, quid nonnulli jam tradiderunt, licet nihil adhuc definierint, deinde ex quibusdam conjecturis, quid addi alienis traditionibus possit, indicabo, interea nitidiora lumina ab aliis expectaturus. Romani Correctores ubi observaverunt ad eumdem canonem codicum varietatem, in aliquibus enim neverunt epistolam scriptam ad Girardum Laodicensem, in aliquibus scriptam ad Girardum Leodiensem, posteriorem hanc editionem priori antehabuerunt, ex eo, quod mansorum mentio, quæ in canone fit, satis indicat non ad Græcum Episcopum, qualis fuissest Laodicensis, sed potius ad Germanum, vel Gallum, qualis fuissest Leodiensis in Belgii finibus, canonem pertinere. Non placuit hæc emendatio Baluzio, qui in notis ad

illum canonem, postquam animadvertisit in Codice Sangermanensi hanc haberi inscriptionem, Item Stephanus Papa Girardo Laodicensi, in Regio Leodicensi, in antiquiore Victorino Lodicensi, in recentiore Gerardo Leodicensi, in Colbertino demum Grando Leodicensi, subdit, manifestissimè constare epistolam inscriptam esse cuidam Clerico Leodiensi, seu is Episcopus erat, sive in inferiore gradu constitutus, cum veteres Codices nihil de dignitate hominis habeant. His præjactis, inquit, si de Leodiensi Episcopo heic agitur, necesse esse, ut Franconis nomen pro Girardo substituatur, cum nullus sub Stephani V. Pontificeatu Leodiensis Episcopus fuerit Girardus, sed Franco, uti constat ex historia Episcoporum Leodiensium. Paulò aliter Pithœus, qui putavit pro Girardo legendum esse Ratherio; quod deduxit ex Sigeberto, Trithemio, & Placentino. Mansius in Supplemento Labbeano, postquam eumdem canonem juxta Gratiani editionem descriptis, hæc ad marginem adnotavit: *In MS. Codice meo per compendium scribitur: Gigdo Leodicensi. Sed quocunque modo hæc accipiuntur, vix coherent Episcopo alicui, qui tunc Leodiensem Cathedram teneret.* In tanta dubitatione si licet conjecturis indulgere, atque si opus est emendare scripturam, ego potius ita emendarē, ut, quanto minus fieri posset, corrupta olim videretur; Hinc legerem Girardo Laudensi; scio enim Girardum Laudensem Episcopum Archiepiscopi Mediolanensis suffraganeum vixisse temporibus Stephani V., qui subscripsit Concilio Ticinensi anni 876. & Concilio Ravennensi anni 877., atque ad eum scripta Stephani epistola nihil continet, quod locis, vel temporibus dissonum dignoscatur; Scimus enim in Italia tunc res Ecclesiasticas variis direptionibus obnoxias fuisse; neque inverosimile est, cum de illarum restitutione ageretur, ita omnia fuisse composita Pontificum auctoritate, ut non aliter in communionem Synodali judicio recipentur rerum Ecclesiasticarum invasores, quam si direpta

ta primū restituissent. Non tamē in-dē illud perspicē deducendum velim, ut in memorato canone 3. certum ag-noscendum sit disciplinæ Ecclesiasticæ monumentum.

De epistola ad Gualbertum Patriar-cham.

Can. 20. caus. 9. quæst. 3. non ad caus. 9. 3. alios codices commodius exigi potest, quām ad codicem Ivonis, & quo Gratianus ipse fragmentum descriptsit. Illuc in parte 5. cap. 23. itā legitur: Stephanus Vvalberto Patriarchæ. Miramur prudentiam tuam Cumensi Ecclesie denegare consecrare pastorem, cum te jam ab hoc provocatum no-veris Apostolicâ exhortatione. Sic enim in ejus electione, quod tibi displicuit sacris canonibus interdictum, apologeticis literis tuis respondere nobis debueras. Nīcē verò iteratō tibi scribimus, nolentes alicujus Ecclesiae privilegium infringe-re, licet Apostolicâ prærogativâ possimus de qua-libet Ecclesia Clericum ordinare. Desine jam cūjuspiam zelo electum à Clero, & expetitum à populo Lintvardum Cumensi Ecclesiae Antistitem protelare; quia, si protelaveris, & eum consecrare totiens monitus non matu-raveris, quum ad nos venerit, procūl dubio consecratus abibit, quia, licet apostolicâ au-citoritate id facere valeamus, tuo tamē incita-mur exemplo, qui transgressis terminis tibi com-missis in Ecclesia Salonensi Episcopum ordinare ad indecentiam Apostolicæ. Sedis præsumpsisti, quod quanta prævaricationis sit, ipse perpende. Nonnulla ex his retulit idem Ivo in epis-tola 61. ad Hugonem, ex quibus sanè multa suppleri possunt, quæ desunt apud Gratianum. Ego verò paulispèr codicium lectionem corruptam puto, ubi scilicet Cumensis Ecclesia memoratur; nām pro voce Cumensis legerem potius Comensis, quandō scimus Comensem Ec-clesiam subjectam fuisse Aquilejensi Pa-triarchatui, quem tenebat Vvalbertus, seu Gualbertus; Cumensem autēm Ec-clesiam subjectam fuisse asserere mini-mē possumus: aliās autēm Stephanus no-lebat à Vvalberto fieri Episcopi ordina-tionem extrā Provinciam Patriarchalis

Aquilejensis jurisdictionis. Intereā verò nollem certō concludere, eam episto-lam sine ulla dubitatione tribui posse Stephano V. Generaliter tamē dixero fuisse, mediā præsertim Ecclesiæ a-tate, Romanorum Antistitum morem, ut ipsi ad consecrationes electorum Epis-coporum progrederentur, quotiēs Metro-politani, vel Primates, ad quos ordina-rio jure suffraganeorum consecratio per-tinebat, electos suffraganeos consecrare in longiora, quām par esset, tempora differebant. Sic Gregorius VII., cum vacasset Carnotensis Ecclesia, non tam populum & Clerum admonuit de suc-cessoris Antistitis facienda juxtā cano-nes electione, quām Richerium Archie-piscopum Senonensem, de electi conse-cratione non differenda, itā subdens: quem electum canonicē cognoveris, & manus imponere, & in Episcopum consecrare nullā oc-casionē recusetis; scientes, quoniā si illud ti-more aut gratia cuiusquam prætermiseritis, nos tamē inordinatum eum nullatenūs relinque-mus, & vos eo honore, & dignitate, quam ignobiliter deserere non erubescitis, deinceps in-dignos fore judicabimus. Habentur hæc in epist. 15. lib. 4. Addi his potest epis-tola Urbani II., quæ est secunda inter epistolæ Ivonis Carnotensis juncta epis-tolæ 8. ejusdem Ivonis, ex quibus deducitur, ideo Ivonem in Carnotensi Ecclesia fuisse auctoritate Pontificis Maximi consecratum, quia Senonensis Metropolita illum ordinare neglexerat, imò illius electioni certis de causis diū restiterat. Hinc, si fortè quisquam de auctoritate dubitaverit memorati cano-nis 20. caus. 9. quæst. 3., alia hæc mo-numenta in illius vicem substituendo, eamdem servatam fuisse colliget disciplinam apud alios Pontifices mediae a-tatis; exindē etiā capiet conjecturam, ut auctoritatē ejusdem canonis 20. mi-nus ancipitem, &, si non omnino cer-tam, saltē verosimilem arbitretur.

De epistola ad Hastulphum.

Can. 8. caus. 33. q. 2. Jam persuasum est viris eruditis, epistolam ad Hastulphum quemdam, quam Stephano V. Papæ tribuit Gratianus in can. 8. caus. 33. quæst. 2. nullo modo Stephano V. tribui potuisse; siquidem illa potius pertinet ad Paulinum Foro Juliensem Episcopum, qui illam edidisse fertur in Synodo Francofordiensi anni 794. Reverè Burchardus eumdem canonem referens in lib. 6. Decreti cap. 40. sub hac inscriptione voluit exarandum: *Epistola Paulini Foro Juliensis Episcopi ad Heistulphum.* Sub hoc ipso titulo edita fuit apud Labbeum ad calcem memorati Francofordiensis Concilii, nimirūm in tom. 9. pag. 108. Venetæ editionis, quam Collector eruit ex Ms. codice Rhemensi, collato cum codice Burchardi. Adnotat autem Baluzius, dubium esse non posse, quia ea sit vera, ac genuina epistolæ hujus inscriptio, cum diserta illius mentio extet apud Flodoardum lib. 3. historia Rhenensis cap. 21. in commemoratione epistolarum, ab Hincmaro Rhemensi Archiepiscopo scriptarum. Verba Flodoardi hæc sunt: *Vulfado Bituricensi Archiepiscopo, de his, qui consulte uxores suas interficiunt, sententiam Paulini, quam sibi mitti petierat, scribens.* Fateor quidem, apud Ivonem in parte 8. Decreti cap. 126. eamdem epistolam legi sub hoc nomine: *Stephanus V. Hastulpho.* At ex eo quidem deducitur, errare facile potuisse Gratianum, qui Ivonem ut plurimū sequebatur, non tamè colligitur ceteris Ivonis codicem antehabendum esse, quemadmodum nec antehabendus esset Pœnitentialis Romanus, editus ab Antonio Augustino, in quo tit. 1. cap. 11. hæc ipsa epistola refertur sub nomine *Decreti Pii Papa.* Quoniām verò & in Gratiani decreto, & in Pœnitentiali Antonii Augustini, & in decreto Ivonis, & in editione Conciliorum, & apud Burchardum varia est paulispèr epistolæ editio, alijs autem nimis operosum esset,

hùc singulas atque integras referre scripturas, tantùm exarabo verba, quæ habentur apud Burchardum, sive quod antiquissima omnium videatur editio, sive quod mihi singula conferenti visa fuit ceteris accuratior, sive demùm quod hodiè Burchardi codices penè interierint, nec facile sit ad illos manum admovere: qui autem curiosius ceteras etiàm editiones animadvertere voluerit, & comparare, commodè id, quo proprio studio satisfaciat, inveniet. Itaque his verbis apud Burchardum integra Paulini Foro Juliensis Episcopi ad Heistulphum epistola exprimitur: *Admonere te cum lacrymis, & multo gemitu curo, fili Heistulfe, si tamen filius dici debeas, qui tam crudeliter infelix homicidium perpetrasti. Nam occidisti uxorem tuam partem corporis tui, legitimo tibi matrimonio sociatam, sine causa mortis, non tibi resistentem, non insidiantem quoquo modo vitæ tue. Non invenisti eam cum alio vi o nefariam rem facientem, sed incitatus à diabolo, impio inflammatus furore, latrocinii more, atrocior, & crudelior omni bestiâ, eam gladio tuo interemisti. Et nunc post mortem ejus addis iniquitatem super iniquitatem filiorum tuorum, improbe prædo, qui matri non pepercisti, & filios tuos idèo orphanos fecisti, ut superinduceres mortis causam post mortem: & per unum homicidiam, & reprobum testem incusare vis mortuam; hoc nec Evangelium, nec ulla divina humanaque lex concedit, ut unius testimonio etiàm idoneo aliquis condemnetur, vel justificetur: quantò magis per istum tam flagitiosum, & scelerum nec illa viva debuit condemnari, nec tu poteris post ejus mortem excusari? Priùs causa criminis subtiliter erat investiganda, & nunc, si rea fuisset inventa, secundum legis tramitem debuit excipere ultiōis vindictam. Nam & si verum, quod absit, fuisset, sicut ille adulterus mentitus est, post septem annos pœnitentiâ peractâ dimittere eam per approbatam causam poteras, si voluisses; occidere eam nullatenus debuisti. Duo consilia propominus tibi. Acceptâ tecum deliberatione duorum, elige magis, quod placeat, & miserere animæ tue. Et tu hic in isto angusto tempore positus, ne sis tu ipse tuimet homicida, & in aeternum pereas, relinque hoc malignum sæculum, quod te*

te traxit ad tam immanissimum peccati facinus. Ingredere monasterium, humiliare sub manu Abbatis, & multorum fratrum precibus adjutus observa cuncta simplici animo, quæ tibi ab Abbe fuerint imperata, si forte ignoras infinita Dei bonitas peccatis tuis. Istud consilium, ut certissime scias, levius, & salubrius est, ut sub alterius custodia lugeas deflenda peccata. Secundum autem consilium tale est: Arma depone, & cuncta secularia negotia dimitte. Carnem, & sagimen omnibus diebus vita tua non comedas, excepto uno die Resurrectionis Domini, & uno die Pentecostes, & uno die Natalis Domini: ceteris temporibus in pane, & aqua, & interdum leguminibus, & oleribus pœnitentias: in jejuniis, in vigiliis, & in orationibus, & in eleemosynis persevera omni tempore. Vinum, medonem, & mellitam cervisam nunquam bibas, nisi in illis prædictis tribus diebus. Uxorem ne ducas, concubinam non habeas, adulterium non facias, absque spe conjugii perpetuæ permittas. Nunquam te laves in balneo, equum non ascendas, causam tuam & alterius in conventu fidelium non agas, in convivis letantium nunquam sedeas: in Ecclesia segregatus ab aliis Christianis post ostium humiliter stes, ingredientium, & egredientium orationibus suppliciter te commendes: communione Sacri Corporis, & Sanguinis Domini cunctis diebus vita tua indignum te existimes: In ultimo termino vita tua pro viatico, si observaveris consilium, ut accipias tibi concedimus. Sunt & alia multa duriora, quæ tibi juxta pondus tanti facinoris essent adjicienda, sed si hec omnia, quæ suprà misericorditer dicta sunt, perfecto corde Deo auxiliante perfeceris, & custodieris, confidimus de immensa Dei clementia, remissionem tuorum peccatorum habiturum; & secundum boni justique Pastoris imperium, resolvat te Sancta Ecclesia ab hoc vinculo peccati in terris, ut per ipsius gratiam, qui eum suo sanguine redemerat, sis solutus in celis. Sin autem aliter feceris, & Sanctæ Matris Ecclesia salubre consilium despixeris, ipse tibi sis judex, & in laqueo diaboli, quo irreitus teneris, maneas, sanguisque tuus sit super caput tuum: nos alieni à consortio tuo, & sub indissolibili anathemate permaneas, donec Deo, & Sanctæ Ecclesia satisfacias.

De Epistola ad Paulum Episcopum Placentinum

Paulum Placentinæ Ecclesiæ Epis- Can. 2.
caus. 35.
q. 9.
copum vixisse temporibus Stephani V. verosimile admodum est; scimus enim ad ipsum scriptam fuisse epistolam ab Joanne VIII., quæ inter editas est numero 142.: item scimus, illum subscriptissime Concilio Pontigonensi anni 876. Num verò ad illum reverè scripta epistola fuerit, cujus fragmentum refertur in can. 2. caus. 35. quæst. 9. non satis compertum est; cum inter editas Stephani epistolas nullibi integra habeatur. At, quoniā nihil in eo canone ferè continetur, quod non excerptum sit ex epistolis Gregorii Magni, quemadmodum jam Romani Correctores animadvertebant, ita satis erit huc illa referre, quæ apud eumdem Gregorium exhibentur, nimirū in lib. 7. Regesti epist. 13. & 28. indict. 1. Ait Gregorius initio epist. 13. ad Candidum Abbatem S. Andreæ. Sicut loci nostri consideratio providere nos admonet, ut monasteriorum negotia pacis intentio salubri fine distinguat, sic iterum ratione constringimur, consensus nostri auctoritate, quæ utiliter decisa fuerint, roborare: ne forte cuiusquam excusationis obtentu, quod à religioso proposito, & aequitate valde dissentit, aliquid in dubium contentio recidiva perducat, & gignat ex pace litigium &c. Et in epistola 28. ad Joannem Episcopum Syracusanum: Ecclesiastici vigoris ordo confunditur, si aut temerè illicita præsumantur, aut impune non concessa tenentur &c.

De epistola ad Stylianum, aliosque Episcopos.

Ivo Carnotensis, quæ Gratianustradit in canone 10. dist. 5. de consecr. Can. 10.
de cons.
dist. 5.
refert etiā in suo Decreto parte 1. cap. 114. sub hac inscriptione: Stephanus V. Styliano Archiepiscopo. Item in parte 2. cap. 91. Stephanus Papa Styliano, Anastasio, Eusebio, Joanni, Paulo, Episcopis, &c., item utrobique his verbis monumen-

mentum exaravit: Numquid non omnia charismata sacerdotalis ministerii crucis figura perficiuntur? Numquidne baptismatis unda, nisi cruce sanctificata, peccata relaxat? Et ut cetera præteremus, sine crucis signaculo quis sacerdotii gradus ascendit? Si quis Ivonis codicem Gratianeo velut recentiori præferendum velit, poterit interea Gratiani canonem ex Ivonis canone emendare. Ceterum uterque canon sive Ivonis, sive Gratiani paulispèr ab ipsa Stephani epistola dissonat. Fuit Stylianus temporibus Stephani V. Neocæsareae Euphratesia Provincia Metropolita, qui interfuit Concilio Constantinopolitan IV. anno circiter 870. Ejus extant epistolæ ad Stephanum Pontificem missæ, quibus precatur, ut quidem aduersus Photium Orientalis Ecclesiæ turbatorem ex canonum censura agatur, clementius tamè recipiantur ii, qui olim à Photio decepti fuerant, deinde vero à schismate recedentes, unitatis Ecclesiasticæ servandæ studio excitabantur. Ad ipsum, & plures alios Episcopos Orientales, quales fuerunt Anastasius, Eusebius, Joannes, & Paulus, ab Ivone laudati, rescrispit Stephanus, cuius epistola dupli refertur editione, primò inter monumenta Stephani Papæ numero 2. in recentiore Labbeana collectione, secundò ad calcem actorum Concilii Constantinopolitani IV. ex græco in latinum traducta. Ad hanc epistolam, quæ causam Photii respicit, memoratus Gratiani canon pertinet, atque ex eadem erit emendandus. Vulgaris epistolæ editio ita

habet. Nec igitur mirum, si Photium satis exosum ab Ecclesia damnatum ejecisti; qui salutiferam Domini Crucem ita delusus, per quam videlicet venerandam Crucem omnia dona sacerdotalis ministerii perficiuntur, & sancti baptismatis lavacrum sanctificatur. Prædictus itaque Photius laicus homo, si regiam viam ambulasset, & decretis Sanctorum Patrum habuisse, ad tantam insaniam nunquam devinisset. Quapropter, qui Christi humilitatem, venerandam scilicet crucem contemnunt, percussi sunt tanquam primogenita Ægypti, tunc enim Israelitarum primogeniti, cum essent signati, servati sunt, ac custoditi. Quid vero erat ille sanguis agni in limine Israelitarum, nisi crux Passionis Christi, quæ in frontibus fidelium imprimitur? Quicunque igitur salutarem crucem parvipendit, Evangelico ense interimitur. Consonat his altera editio, nimirum Græca, quæ ita latinè redditur: *Quare mirandum non est, si satis invisum ab Ecclesia Photium ejecisti; qui ipsam quoquæ vivificam crucem, per quam omnia sacra sacerdotii ministeria peragantur, à qua ipse fons sacri baptismatis sanctitatem accipit, iudicatus est. Si ergo is, quem modò dixi, laicus Photius viam regiam institisset, & à Patrum decretis & sanctionibus non recessisset, nunquam in tantam insaniam incidisset. Hinc illi, qui humilitatem Christi, hoc est, venerandam ejus crucem irriserunt, non secùs ac primogenita Ægypti percussi sunt. Tunc, quidquid Israelis signatum erat, salvum fuit. Quid enim sanguis agni in Israelitarum postibus erat aliud, quam crux patientis Christi, quæ credentium frontes insigniuntur? Qui ergo salutarem crucem contemnit, Evangelico gladio mactatur.*

C A P U T LXXX.

De Leone VIII.

Miror, Gratianum laudavisse Leonem VIII., qui passim è numero Pontificum Maximorum expungitur, atque inter invasores Apostolicæ Sedis recensetur. Tolerabilius tamèn est, unicum tantùm sub ejusdem nomine monumentum fuisse descriptum: nimurum.

(Can. 23. dist. 63. incerte prorsùs fidei, nec probata auctoritatis.

Nemo ignorat, quantum turbata fuerit Romana Ecclesia electo in Pontificem circa annum 956. Joanne XII., cujus mores improbi, quemadmodum historici universi fatentur, & non servata erga Imperatorem Ottонem fides dico schismati occasionem dederrunt, eo usquè, ut celebratā Episcoporum plurium Synodo in Urbe Roma, quod ipse Imperator accesserat, Joannes, qui metu fugam arripuerat, dignus declararetur, qui esset Pontificatu privandus, imò repente dejiceretur, substituto in ejus locum Leone, qui dictus fuit octavus. Ejus Synodi gesta passim improbantur, quamobrem consulere quisque poterit Natalem Alexandrum in dissertat. 16. saeculi 9. & 10. quæst. unica. Sed diù non constitut Leonis Pontificatus; nam evectus ad illum anno 963. quo celebratum Concilium fuit, initio ferè sequentis anni 964. in alia Romana Synodo, auctoritate Joannis convocata, depositus fuit, gestis omnibus præcedentis Synodi omnino cassatis. Post breve temporis spatium vitâ functo Joanne, novum schisma emersit; nam in locum defuncti electus illico fuit à Romano Clero, ac Populo Benedictus V. rursùm verò in medium prodiit Leo VIII. Benedicti electioni refragatus, qui, consentiente Ottone Imperatore, anno 964. aliam Romæ Synodus congregavit, sibique, ejecto Benedicto, & in exilium pulso, Pontificiam Sedem asseruit. Ad postremam hanc Synodus vulgo referunt Constitutionem illam, quæ

habetur in can. 23. dist. 63. Sed in primis statim adparet, quænam esse debet ejusdem Constitutionis auctoritas, si tamèn illa germanum illius Synodi appellanda sit monumentum. Quæ enim esse poterat ejus legis auctoritas, quæ, ab invasore Sedis Apostolicæ per vim, & metum adductis in Pseudo-Synodum Episcopis, edita proponitur? His accedit non certò constare, eamdem Constitutionem in Synodo editam fuisse: imò plurimi ex eruditis Scriptoribus asseruerunt, & gravissimis argumentis demonstrarunt, illam à recentiore quodam confictam fuisse, & Leoni tributam. Ego sanè video datam Leoni occasionem, ut illa constituenda curaret, quæ in memorato canone leguntur. Cum enim ipse jactatus crebro fuerit, modò in Summum evectus Pontificatum, modò vexatus, & pressus; atque in sui tutelam Imperatoriam Ottonis auctoritatem vocavisset, quam facile obtinuit ob exasperatum Imperatoris animum adversus Joannem XII., nihil sibi utilius fore censuit, quam mulcere Ottonis voluntatem, eidem concedendo jus eligen-di, ordinandique Pontificem Maximum; eā enim ratione suam electionem in primis certiore reddebat, ut potè quæ jam dudum facta fuerat consentiente Imperatore; deinde magis ac magis sibi videbatur conciliare Principis gratiam, quā adjuvante tutò Sedem Pontificiam occuparet. Licet verò facilis esse potuerit ita constituendi occasio, non indè tamèn concluditur, captam occasionem fuis-

fuisse, & reverè editam illam Constitutionem. Sunt enim gravia argumenta, quibus ista apocrypha censeatur, & recentiore manu conficta. Non est cur eadem à me in præsentia adferantur, cum tritissima sint apud omnes ferè scriptores historicos, inter quos unum laudo Cardinalem Baronium, quem facilè consulere quisque poterit. Tantum dixero, eos, qui pro ea Constitutione pugnant, potissimum uti auctoritate Luitprandi, testis sanè alias idonei, utpotè qui Romanæ Synodo eidem interfuit. Verùm in primis Luitprandi fides plurimis est

suspecta, utpotè qui curabat Ottonis Imperatoris gratiam sibi captare, prindèque assentationibus, conflictisque singularibus juribus potuit Principi velificari: deindè jam persuasum viris eruditissimis est, Luitprandi opera hodiè ita esse consarcinata, ut aut libelli, alienâ manu & recentiore conscripti, sub Luitprandi nomine eum ceteris Luitprandi libris emerserint; aut ipsimet Luitprandi libri additamentis recentiorum depravati fuerint: undè propterea nullum rerum gestarum firmum argumentum deduci ab aliquo possit.

CAPUT LXXXI.

De Leone IX.

Omissis quamplurimis Pontificibus decimi, & undecimi saeculi, quorum nulla sunt apud Gratianum, vix etiā apud ceteros Collectores quedam existunt, monumenta, gradum facio ad Leonem IX., cuius nomine canones inferiū subiecti recensentur.

Ex epist. ad Mihaelm Episcopum Constantino-politanum.	{ Can. 3. dist. 12. partim Leoni IX., partim Nicolao I. adscriptus.
Ex dictis contrà epistolam Nicetæ Abbatis.	
Adjicitur.	
Can. 3. dist. 16. Can. 11. dist. 31. Can. 14. dist. 32.	tribuendi potius Humberto Sylvæ Candidæ Episcopo, & ad integrō Codices exigendi.
	Can. 55. de cons. dist. 1. incerta auctoritatis; consonat autem cum Concilio Toletano VI. anni 633.

Anno 1049. ad Sedem Apostoli: can vocatus est vir verè Apostolicus Leo IX., cuius insignis pietas, ac religio in Deum potissimum eo saeculo emicuit, quod corrupti admodum essent (lugens dico, quod & lugentes etiā Scriptores Ecclesiastici referunt) Clericorum ferè omnium mores, quibus propterea reformati opportuna erat providi piissimum Pontificis vigilantia. Si bella, & clades Romanum Imperium universum, præsertim Italiam, turbabant, ipse vir pacificus Leo ani-

mos componere studuit, Simoniacorum vitia compescuit, recentiores Nicolaitas damnavit, aut in meliorem frugem reduxit, sublevandis pauperibus misericors, optimum præbens in omnibus humilitatis, & Christianæ charitatis exemplum, dignissimus, ut paucis omnia complectar, Universæ Ecclesiæ Pastor, cuius sollicitudinis fructus uberior extisset, si diutius Pontificatum Maximum administrasset: verū brevi tempore, & vix quinquennio elapso post adeptam dignitatem, obiit, anno scili-

cet 1054. Quæ nunc ex Gratiano expendam, ejusdem Sancti Pontificis virtutes aliqua in parte exhibebunt.

De Epistola ad Michaelem Episcopum Constantinopolitanum.

Veteres contentiones Constantino-
politanæ Ecclesiæ adversùs Romanam,
quas plurimorum Patriarcharum Constan-
tinopolitanorum ambitus vehemen-
tissimè concitabat, eo etiàm acriores
emerserant temporibus Leonis, quum
Michael Cerularius Constantinopolita-
nus Antistes Romanæ Ecclesiæ mores,
disciplinam, imò & ipsam Romanam
Ecclesiam improbis conviciis lacescivit,
aliosque etiàm in perfidiam suam attraxit,
quos inter fuit Leo quidam Acri-
dianus Archiepiscopus, & Bulgarorum
Ecclesiæ Primas. Opponebant adversùs
Romanam Ecclesiam, quòd Sacra Eu-
charistia in azymo conficeretur apùd La-
tinos, quasi id esset adversùs Christi
Domini institutionem, & exemplum, un-
dè ludibrio quodam Romanos *azymi-
tas* vocabant. His accesserat præcipuus
Orientalium scopus; etenim Michael se
universalem Ecclesiæ totius Patriarcham
dicere non verebatur: omitto, quæ de
Spiritus Sancti processione à Patre, &
Filio adhuc disputabant, aut quâ ratio-
ne Latinos Sacerdotes quasi Hæreticos
à suis Provinciis exclusissent, & tem-
pla, monasteriave Latinorum, quasi su-
perstitiosa delubra, & hæreticorum con-
ventus clausissent. Leo Pontifex Maxi-
mus, studiosissimus pacis, atque unionis
inter utramque Ecclesiam nihil curavit
sollicitiùs, quam ut tandem aliquandò
Patriarcham Constantinopolitanum ad
fidei, & animorum unitatem adduceret,
unà cum iis, qui Patriarchæ eidem ad-
versùs Romanos adhæserant. Fuit qui-
dèm sine fructu quæcumque sollicitu-
do; interea tamè non omisit Sanctus
Pontifex schismaticos per epistolam ad-
monere blandis æquè, ac vividis ratio-
nibus, quemadmodùm inter cetera li-
quet ex epistola 1., quæ incipit *In terra*

Can.
diss.

3.

12.

pax distributa in capita 41. quasi libel-
lus. Scripta eadem fuit ad Michaelem
Constantinopolitanum Patriarcham, nec
non ad Leonem Acridanum, apùd Bul-
garos Metropolitam, Michaeli adhæren-
tem: ibidè plurima tradita sunt de cus-
todienda Ecclesiarum pace, atque uni-
tate; plurima etiàm de obedientia ergà
Romanam Ecclesiam, veluti ceterarum
omnium matrem; plurima de azymo-
rum consecratione; atque, ubi eo ven-
tum est, ut de disciplinæ capitibus dis-
sereretur, quæ, salvâ unitate fidei, va-
ria esse in variis provinciis possunt, ut
quemadmodùm etiàm in latinis provin-
ciis non rejiciebatur usus Græcorum in
fermentato consecrantium, ità rejicien-
dus non esset apùd Græcos Latinorum
usus in azymo consecrantium, subjicit
Leo IX. in cap. 29. *Omnes Latinorum ba-
silicas penes vos clausistis, monachis Monaste-
ria & Abbatibus tulistis, donec vestris viverent
institutis.* Ecce in hac parte Romana Ecclesia
quintò discretior, moderatior, & clementior
robis est? *Siquidè cum intrà, & extrà Ro-
manam plurima Grecorum reperiuntur monaste-
ria, sive Ecclesia, nullum eorum adhuc per-
turbatur, vel prohibetur à paterna traditione,*
sive sua consuetudine, quin potius suadetur, &
admonetur eam observare. Nec enim animosi-
tatè impie hæreos habet, qua semper divi-
sione gaudet, dicens per patridam meretri-
cem: *nec mihi, nec tibi sit, sed dividatur:*
*sed pietate vera matris sic Salomonem depre-
catur: obsecro, Domine, date huic infantem
vivum, & nolite interficere eum.* Scit namque,
quia nil obsunt saluti credentium diversæ pro
loco & tempore consuetudines, quandò una fi-
des per dilectionem operans bona, qua potest,
uni Deo commendat omnes. Idipsum ferè ante-
te scriperat, in dissimili tamè causa, Nicolaus I. ad Photium Constantinopo-
litanum in epist. in recentioribus collec-
tionibus 6., quæ incipit *Postquam B. Pe-
tro: cum enim Nicolaus Photium objur-
gasset, quod repente ex Laico factus es-
set Episcopus, Photius verò quamdam
consuetudinis speciem in contrarium op-
posuisset, ait Nicolaus: De consuetudini-
bus quidem, quas nobis opponere visi estis, scri-
ben-*

bentes per diversas Ecclesias diversas esse consuetudines, si illis canonica non obsistit auctoritas, pro qua eis obviare debeamus, nil judicamus, vel eis resistimus: tamèn cavere volumus, ne hac vestra consuetudo, que omnium Sanctorum Patrum promulgatione convincitur, ut ex Laico non subito ordinetur Episcopus, vires accipiat, aut in vestra Ecclesia magis pullulet, operam dare minimè cessamus. Ex his duabus epistolis sive Leonis, sive Nicolai depromptus est Gratianus canon 3. dist. 12., quemadmodùm jam animadverterunt Romani Correctores, qui olim in vetustis editionibus tribuebatur Nicolao Pontifici, ad Michaelem Imperatorem scribenti. Ex iis autem, quæ huc usquè perspicuè tradita sunt, facile unusquisque poterit eumdem canonom interpretari.

De dictis contrà epistolam Nicetæ Abbatis.

Quæ sub nomine Leonis IX. scriptis adversus epistolam Nicetæ Abbatis apud Gratianum exhibentur, hodiè jam manifesto constat falsò fuisse adscripta Leoni, sed fuisse potius Humberto Sylvæ Candidæ Archiepiscopo, ejusdemque Leonis apud Græcos Constantinopolitanos Legato adscribenda. Fervebat tunc, uti superius prænotatum est, æstuans Græcorum ambitio adversus Romanam Ecclesiam, duce Michaeli Cœrulario, quo tempore Nicetas quidam Pectoratus Monachus, Presbyter Constantinopolitanae Ecclesiæ, scripto proposuit, quidquid contrà Romanos Græci omnes opponerent, potissimum verò asseruit, perperam Romanos in azymo consecrare, perperam etiàm jejunare Sabbato, perperam demùm Sacerdotum conjugia improbare; laudans viceversa Græcos, quod fermentata ute-rentur in Eucharistia confienda, à Sabbati jejunio averterent, ac venerabiles in ipsis etiàm Sacerdotibus nuptias agnoscerent: curavit autem in his omnibus demonstrare consentaneam Græcorum disciplinam vetustis Patrum Sanc-

tissimorum sanctionibus, quemadmodum ab his dissonam consuetudinem Latinorum. Operæ pretium fuit adversus Nicetæ libros Pontificios Legatos Constantinopolim missos insurgere, ac emendatis Græcorum argumentis respondere. Hanc provinciam amplexus est Legatus Humbertus Sylvæ Candidæ Episcopus, & brevi quidem, sed acri libello Nicetam compescuit, eo usquè, ut Nicetas idem (si fides est habenda actis illis, quæ describuntur apud Labbeum in tom. 11. Venetæ editionis pag. 1360.) quod scripserat ejurasset, suique erroris consortes anathemate conficere non dubitasset. Ad eum itaque Humberti librum pertinet in primis canon 3. dist. 16., cuius integrum sententiam juvabit ^{Can. 3.} _{dist. 16.} excutere; ne forte cuiquam videatur Humbertus (qualiscumque tandem disputantis habenda sit auctoritas) ex canonibus illis, qui vulgo Apostolici appellantur, saltè quinquaginta recepisse, suoque suffragio comprobasse. Integra Humberti verba hæc sunt: *Hinc videamus, si non estis Sabbatiani, quos commemorant Patres sanctæ quintæ Synodi. Reprehendens enim nos, cur jejunemus Sabbatis, dicas: quartâ & sextâ feriâ jugitur jejunandum, unâ propter traditionem, alterâ propter passionem Domini; Sabbato autem nunquam nisi uno. Et hoc asserere conaris ex apocryphis libris, & canonibus, pari sententiâ sanctorum Patrum repudiatis. Nam Clementis liber, id est, itinerarium Petri Apostoli, & Canones Apostolorum numerantur inter apocrypha, exceptis capitulis quinquaginta, quæ decreverunt regulis Ortodoxis adjungenda; unde nos quoque, omne apocryphon abjicientes, dedignamur audire eorum fabulosas traditiones, quia non sunt ut lex Domini. Hinc sanè liquet Nicetam Pectoratum Romanos accusavisse, quod Sabbato jejunarent, atque ut demonstraret id adversus sacros vetustissimos canones fieri, in medium protulisse canonem 65. ex vulgo Apostolicis, ita conceptum: Siquis dominicum diem, aut sabbatum, uno solo dempto, jejunare deprehendatur, deponitor: sin Laicus, communione ejicitor. Quid aliud in contrarium*

reponendum erat ab Humberto, quām monumentum illud, quod tanquam Græcorum Achillem objiciebat Nicetas, apocryphum esse, uti ceteri apocryphi dicebantur canones, qui quinquaginta Apostolicis adjecti fuerant? Neque diccas, Humbertum priores canones quinquaginta probasse, dum eos voluit excipiendos, quandò posteriores improbarit; etenim non idèo priores quinquaginta excepit Humbertus, quòd dissimilem esse crederet causam, & originem illorum, sed quòd in proposito parum intererat veritatem quinquaginta priorum canonum investigare. Non ignorabat vir prudens, apùd Græcos passim quinquaginta priores Apostolicos canones passim receptos fuisse, præser-tim in Synodo Trullana; posteriorum autèm auctoritatem firmam non fuisse apùd illos. Non erat ergò opportunum de omnibus canonibus rejiciendis disputare, quandò satis erat Humberto aliquos rejici apùd Græcos, atque illos rejici, qui negotium adversùs Romanos facessere videbantur. Quinquaginta canones excipiendos dixit, quasi de illis nulla proponenda quæstio foret; eos, qui excedebant numerum quinquaginta, inter quos erat canon de interdicto jejunio Sabbati, voluit rejiciendos; idipsum sanè & de præcedentibus quinquaginta dicturus, si ex istorum auctoritate quæstio dirimenda emersisset. Reverà in fine ejusdem libelli, ubi Humbertus idem contrà Nicetam, opponentem canones 5. & 39. ex Apostolicis, probat vetitum esse Sacerdotibus conjugii usum, generaliter adstruit non esse apocryphis monumentis pugnandum, sed germanis veterum Patrum doctrinis, quod idem erat ac dicere, canonem 5. & 39. ex vulgo Apostolicis falsò Apostolis fuisse tributos.

Ad eundem Humberti sermonem
Can. 11.
dist. 31. pertinent canon 11. dist. 31., & canon
& can. 14.
dist. 32. 14. dist. 32., quorum verba consonant
cum integris libelli exemplaribus. Ibi-
dèm, ut liquet, totus est Humbertus,

ut probandam suadeat disciplinam Ro-manorum, qui conjugiorum usu Sacer-dotibus interdicunt, quin tamè id ad-versetur Sancti Pauli doctrinæ, aut quid-
quam honori conjugii detrahatur.

De can. 55. de cons. dist. 1.

Sub nomine Leonis IX. refertur apùd Gratianum canon 55. de cons. dist. 1., qui tamè in monumentis illius no-mine editis non reperitur. Quid ergo? Inter incerta ejusdem Pontificis acta re-censendus erit, donèc res ipsa in niti-diore lumine collocetur. Non omittam tamè indicare, similia nonnulla legi in Concilio Toletano VI. anni 633. cap. 11. his verbis: *Item cognovimus quosdam His-pania Sacerdotes, qui in Quadragesima die-bus alleluja decantant, præter in ultima heb-domada Paschæ; quod deinceps interdicimus fieri, statuentes, ut in omnibus prædictis Quadragesime diebus, quia tempus est non gaudii, sed mœroris, alleluja non decantetur: tunc enim opus est fletibus, ac jejuniis insistere, corpus ciliico, & cinere induere, animum mœ-ribus dejicere, gaudium in tristitiam verte-re, quoisque veniat tempus Resurrectionis Chris-ti, quandò oportet alleluja in latitia canere, & mœrem in gaudium commutare; hoc enim Ecclesia universalis consensio in cunctis terra-rum partibus roboravit; quod & à nobis om-nibus, ut conservetur per Hispanias, Gallias-que Provincias oportebit. In temporibus quoquæ reliquis, id est, Kalendis Januariis, que propter errorem gentilitatis aguntur, omnino alle-luja non decantetur. In quibus etiam præter pisces, & olus, sicuti in aliis quadraginta diebus à ceteris carnis abstinetur, & à qui-busdam nec vinum habitur. Si quis igitur Epis-copus, aut Presbyter, aut Diaconus, aut qui-libet ex ordine Clericorum fuerit repertus, qui arbitrium suum huic constitutioni astimet pre-ferendum, ordinis sui officio carere cogatur, & à communione ejusdem Paschæ privetur. His addi potest recentior Constitutio anni 817. edita in Capitulari Aquisgranensi sub Ludovico Pio Imperatore cap. 30. ibi: Ut alleluja in Septuagesima dimittatur.*

C A P U T LXXXII.

De Nicolao II.

Omissò Victore II., nec non Stephano IX., ut potè quorum nulla apùd Gratianum extant Decreta, progredior ad illorum Successorem Nicolau>m II., quem in sequentium canonum inscriptionibus laudavit Gratianus.

<i>Omnis ex actis Concilii Romani.</i>	<i>Can. 1. dist. 23. Can. 5. dist. 32. Can. 1. dist. 79. Can. 9. dist. 79. Can. 107. caus. 1. q. 1. Can. 109. caus. 1. q. 1. Can. 110. caus. 1. q. 1. Can. 3. caus. 16. q. 2. Can. 17. caus. 35. q. 2.</i>	<i>Simil Jungendi, & ad varios Codices, ac monumenta exi- gendi.</i>
--	--	--

NON diù vixit in Romano Pontificatu Nicolaus II., qui electus propè finem anni 1058., obiit anno 1061., brevi tamèn eo tempore plurima Ecclesiæ utilia edidit, præsertim in Lateranensi Concilio anni 1059., licet Italorum Ecclesie ferè omnes, Roma na ipsa præ ceteris, turbarentur. Initio Pontificatus sui æmulum quemdam dignitatis intueri debuit Sedis Apostolicæ invasorem Benedictum ; quem tamèn deinde dejecit. In finitimis Ecclesiis, seu Diœcesibus, ac Provinciis renovatas agnovit veteres Simoniæcorum, & Nicolaitarum hæreses, præcipuè in Ecclesia Mediolanensi, quemadmodùm jam superius observandum fuit ad canonem 1. dist. 22., quem falsò dixi fuisse Nicolao I. adscriptum ; illinc enim constat maximè fuisse laborandum Nicolao II., ut Mediolanenses germanam canonum disciplinam, quam jam diù abjecerant, reciperent, & Romanæ Ecclesiæ doctrinam sequerentur, curante inter ceteros Petro Damiani ejusdem Nicolai II. Legato. Sed iterum fructum ingentem de suis laboribus retulit in hac etiàm parte Nicolaus ; nam & Simoniæcorum, & Nicolaitarum veteres damnavit traditiones, obicemque perpetuum posuit, canonibus latis editisque, ne iterum si-

milia dogmata reviviscerent. Hujus Pontificis solerter industriam exhibent monumenta nonnulla, quæ pertinent ad Concilium Lateranense, sive Romanum memoratum anni 1059., cuius acta integra interierunt quidèm, nonnulla tamèn ad illud spectantia remanserunt. Numerus Episcoporum & convenientium quantus fuerit, incertum admòdum est proptè Codicum varietatem, cum in aliquibus legamus centum, & tresdecim convenisse Episcopos, alicubi tantummodo tres suprà sexaginta. Videatur in hanc rem Mansius in tom. 1. Supplementi Labbeani, ubi duplè subscribentium Episcoporum catalogum texuit, unà cum ejusdem animadversionibus. Ceterùm liquet, eam Synodus celeberrimam fuisse, sive quòd in illa de rebus gravissimis agendum erat, potissimum de stabilienda electio nis Romani Pontificis disciplina, in qua sanè electione plurima identidem schismata improborum quorumdam hominum factionibus suboribantur ; sive quòd agendum erat de damnandis hæresibus Nicolaitarum, & Simoniæcorum, quæ tunc universam Italiam miserandum in modum occupaverant. Eam ob rem nullo opportuniore remedio indigebant res Ecclesiasticae, quam eo, quod uni-

universorum, aut plurimorum saltē Italiae Episcoporum auctoritate, ac sollicitudine pararetur. In Labbeana postrema Collectione, in quam sanè vetustiorum laciniæ relatæ sunt, hæc habentur, velut Synodus ipsam spectantia. In primis epistola Nicolai II. sub hac inscriptione: *Nicolaus Episcopus, servus servorum Dei, omnibus Episcopis Catholicis, cunctoque Clero, & Populo salutem carissimam, & Apostolicam benedictionem.* Distribuitur ista in capita 13., quibus adjungitur decretum quoddam, quod adversus Simoniacos in eadem Synodo editum dicitur. Subsequitur deinde jusjurandum Berengarii Andegavensis Diaconi, quo primùm hæresim suam dicitur ejurasse. Adiectæ fuerunt tres epistolæ, apud Martenium olim editæ, quarum prima dicitur Hugonis Episcopi Trecensis ad Bartholomeum Episcopum Turonensem; secunda Hugonis Nivernensis Episcopi ad eumdem; tertia Walterii Episcopi Meldensis ad eumdem. Demùm ex Severino Binio tenor Constitutionis, adversus Simoniacos in Concilio editæ, quā etiā consuleretur electioni rite celebrandæ Pontificis Maximi, describitur; atque ad hæc omnia acta referenda quoquè videtur epistola Nicolai II. apud Labbeum VIII. ex Sirmondi Apographo edita, scriptaque ad Episcopos Galliæ, Aquitaniæ, & Vasconiaæ, in qua Episcopos illos certiores reddit Nicolaus de iis, quæ ad firmitatem disciplinæ Ecclesiasticæ fuerant recens in Romana Synodo constituta. Canones Romani Concilii ejusdem edidit præterea Mansius in tom. I. Supplementi Labbeani pag. 1333., quasi eos, quos Nicolaus II. misit custodiendos ad Clericos Amalphitanæ Dioceseos, plurimū sanè consonantes cum iis, qui describuntur in memorata epistola Labbeana; & vix eo intercedente discriminé, quodd Labbeana epistola scripta videtur ad omnes Episcopos, quemadmodum ex nupèr edita inscriptione demonstratur, at Epistola Mansii, eruta, ut ipse ait, ex vetere Codice Pistoriensi, hanc habet

inscriptionem: *Nicolaus Episcopus, servus servorum Dei, omnibus Episcopis Amalphitanæ Ecclesiae suffraganeis, cunctoque Clero, & Populo salutem carissimam, & Apostolicam benedictionem.* Hæc omnia monumenta in variis quidem reperta codicibus invicem consonant, nisi fortè verborum, ac formularum, quibus exprimuntur, discrimina velis investigare; quamobrem facile concludere poterimus, eorumdem singulorum sententias pro germanis habendas esse, quamquam in varia illarum descriptione non nihil dandum sit, atque indulgendum scriptoribus illius ætatis, qui dummodò gesta compilarent sine fraude, parùm solliciti fuerunt in descriptione verborum. Neque verò inutile est omnia isthæc monumenta recensuisse, cum ad eadem facile Gratianei canones, Nicolao II. tributi, redigantur. Nam Gratianus canones Nicolai II. modò ita laudavit, quasi erutos ex epistola unica, modò quasi editos ex epistola ad Amalphitanæ Ecclesiae suffraganeos, modò quasi ex Concilio Lateranensi, modò demùm sine ulla adjecione epistolæ, vel Concilii. Ceterum, quæcumque inscriptio fuerit, non aliud designatur apud Gratianum, quam acta Concilii Romani; cum epistola illa unica sit eadem cum illa, quam Labbeus edidit, ad omnes Episcopos scripta, ut consci redherentur canonum in Romano Concilio editorum, quæ sanè eadem esse videtur cum epistola ad Amalphitanos, quam ex Pistoriensi Codice edidit Mansius.

Ejus Concilii, ut patet, integrum decretum exarare voluit Gratianus in can. I. dist. 23., quod etiā retulit ^{Can. 1.}
Binus, animadvertisens ex Baronio ad ^{dist. 23.}
annum 1059. fuisse à Schismaticis de-^{can. 1. &}
pravatum. Hinc operæ pretium erit, ca-^{9. dist. 79.}
nonem illum conjungere cum canone I.
& 9. dist. 79., qui videntur esse de-
prompti ex memorata epistola ad Epis-
copos omnes apud Labbeum, cuius
exordium hoc est: *Vigilantia universalis re-
giminis assiduum sollicitudinem omnibus de-
bentes, saluti quoquè vestra providentes, que*

in Romana Synodo¹, nupèr celebrata corām tredecim Episcopis, nobis licet immoritatis präsidentibus, sunt canonice constituta, vobis notificare curamus; quia ad salutem vestram executores eorum nos esse optamus, & Apostolicā auctoritate jubendo mandamus. Prīmō namquæ, inspectore Deo, est statutum, ut electio Romani Pontificis in potestate Cardinalium Episcoporum sit, ita, ut si quis Apostolica Sedi sine premissa concordi & canonice electione eorum, ac deinde sequentium ordinum religiosorum, Clericorum, & Laicorum consensu intronizatur, is non Papa, vel Apostolicus, sed Apostaticus habeatur. Paulò aliter in editione Mansii in epistola, superius memorata, his verbis: Vigilantia universalis regiminis assiduam sollicitudinem omnibus debentes, salutis quoquè vestra causa prerogativa dilectionis carissimi confratris nostri Archiepiscopi vestri specialiter providentes, que in Romana Synodo, nupèr celebrata corām 113. Episcopis, nobis licet immeritis präsidentibus, sunt canonice instituta, vobis notificare curamus, quia ad solutem vestram executores eorum vos esse optamus, & Apostolicā auctoritate jubendo mandamus. Prīmō namquæ, inspectore Deo, est statutum, ut si quis Apostolica Sedi sine concordia, & canonica electione, ab benedictione Cardinalium Episcoporum, ac deinde sequentium ordinum religiosorum Clericorum intromizatur, non Papa, vel Apostolicus habeatur. Ex his emendandi erunt Gratianei canones, nimirū nihil aliud pro germano Nicolai monumento in memoratis canonibus habendum est, quoniā de depravatione Codicūm constat, quād quod cum hujusmodi Nicolai epistolis consonare penitus videatur.

Ad idem Concilium Nicolai pertinet can. 5. dist. 32. nam in capite 3. & can. 3. memoratæ epistolæ apud Labbeum ita legitur: Ut nullus Missam audiat Presbyteri, quem scit concubinam indubitanter habere, aut subintroductam mulierem. Unde etiam ipsa sancta Synodus (Mansi in Pistoriensi ejusdem epistolæ exemplari legit: Unde ipsa prima Synodus) hoc Capitulum sub excommunicatione statuit dicens: Quicumque Sacerdotum, Diaconorum, Subdiaconorum post constitutum B. memoria prædecessoris nos-

tri Santissimi Pape Leonis de castitate Clericorum concubinam palam duxerit (Mansi ex Pistoriensi Codice, omissa voce palam, legit concubinam duxerit) vel ductam non reliquerit, ex parte Omnipotentis Dei, auctoritate Beatorum apostolorum Petri, & Pauli precipimus, & omnino contradicimus, ut Missam non cantet, nec Evangelium, vel Epistolam ac (Mansi legit ad) Missam legat, neque in Presbyterio ad divina Officia cum iis, qui profatae constitutioni obedientes fuerint, maneat, neque partem Ecclesia suscipiat, quousque à nobis sententia super hujusmodi Domino concedente procedat. Et præcipientes statuimus, ut ii prædictorum ordinum, qui eidem prædecessori nostro obedientes castitatem servaverunt, juxi à Ecclesiis, quibus ordinati sunt, sicut oportet religiosos Clericos, simul manducant, & dormiant, & quidquid eis ab Ecclesiis venit (Mansi ab Ecclesiis competit), communiter habeant; & rogantes monemus, ut ad Apostolicam, communem scilicet, vitam summopere pervenire studeant (addit hic Mansius haec verba, quæ in Labbeano exemplari omittuntur: Quatenus perfectionem consecuti cum his, qui centesimo ditantur, in cœlesti patria mereantur adscribi.) Deinde, ut decime, & primitiae, seu oblationes vivorum, & mortuorum Ecclesiis Dei fideliter reddantur à Laicis, & ut in dispositione Episcoporum sint, (addit Mansius secundum canones distribuenda), quas qui retinuerint, à Sancta Ecclesiæ gremio separantur. His videatur integrè expositus non tam canon 5. dist. 32., in quo nonnulla Gratianus omittenda censuit, eadem propemodùm sub nomine Alexandri II. in sequenti canone descripturus, quād canon 3. caus. 16. quæst. 2., ad quem postrema nupèr descripta verba pertinent. Similia etiā leguntur in epistola Nicolai apud Labbeum 8. ad Episcopos Galliæ, Aquitaniæ, & Vasconiaæ, ibi: Anno Dominica Incarnationis 1059. anno Pontificatus nostri primo, iudictione 12. Romana Urbe in Basilica Sancti Salvatoris, quæ appellatur Constantiniiana, Sanctam celebrantes Synodum, à Sanctis Patribus, videlicet 113. Episcopis, exceptis Abbatibus, & Clericis religiosis, ac Laicis, celebratam, de statu Ecclesie Sanc-

te ad communem utilitatem, Deo proprio, canonice dispositum. Inter cetera de Nicolaitarum hæresi, id est, de conjugatis Presbyteris, Diaconibus, & omnibus in clero constitutis, ab omni Concilio statutum est, & corroboratum ita: Quicunque sacerdotum, diaconorum, & subdiaconorum, post constitutum beatæ memoriae prædecessoris nostri Santissimi Leonis Papæ de castitate Clericorum, concubinam pallam duxit, vel ductam non reliquit, ex parte Omnipotentis Dei, auctoritate Beatorum Apostolorum Petri, & Pauli, præcipimus, & omnino contradicimus, ut missam non canteat, neque Evangelium pronuncient, neque epistolam ad missam legant; neque in presbyterio ad divinis officia cum his, qui prefatae institutioni obedientes fuerunt, maneant; neque partem ab Ecclesia recipient, quousque à nobis sententia super hujusmodi, Deo concedente, procedat. Et præcipientes statuimus, ut hi prædictorum ordinum, qui ejusdem prædecessoris nostri decreto obedientes hac servaverint, juxta Ecclesias, quibus ordinati sunt, siue oportet religiosos Clericos, simili manducent, & dormiant. Et rogantes monemus, ut ad Apostolicam, communem scilicet, vitam summopere pervenire studeant, quatenus perfectionem consecuti cum his, qui centesimo fructu ditantur, in cœlesti patria mereantur adscribi. Similia præterea edidit Baluzius nomine decretorum Nicolai II. Papæ in canonibus sacris repertorum, quæ Romana Ecclesia præcipue asserit tenere, in Miscellaneis tom. 7. pag. 67. ibi num. 3. Ut presbyteri conjugati aut uxores dimittant, neque cum eis sine testimonio legitimo habitent, aut Ecclesiam cum ordinibus suis amittant; & num. 4. Ut presbyteri, & diaconi, & subdiaconi, & omnes, qui Canonici sunt, uxores non habeant; & si duixerint, deponantur, & à Canonicorum consortio separantur. Ex his adparet, quænam sit sancta illa Synodus, quæ in codice Mansii appellata fuit prima, nimirum fuit illa ipsa, quam nuper Nicolaus Romæ celebraverat, & cuius canones ipse pallam edebat, & Episcopis indicabat; adparet præterea, quisham sit Leo ille, quem suum Prædecessorem Nicolaus vocat, & cuius etiam refert constitutions; neque enim ignoramus fuisse Leo-

nem IX., ut potè qui jam cœperat corruptos Clericorum mores, quoad fieri per temporum improbitatem poterat, emendare.

Huc usquæ ii canones relati sunt, ^{can. 107.} qui spectant ad improbandos Nicolaitarum ^{caus. 109. 110.} mores; qui verò adversus alteram ^{caus. 1.} Simoniacorum hæresim editi sunt, habentur apud Gratianum in can. 107. 109. & 110. caus. 1. quæst. 1. Verùm non dubito, quin aliis verbis per Collectorès, Scriptoresque varios exhibiti fuerint, ideoque erunt ad meliores codices exigendi. Itaque Nicolaus in epistola ad Episcopos omnes apud Labbeum cap. 9. ita refert in Concilio constitutum: Ut per Simoniacam hæresim nemo ordinetur & in cap. 6. Ut per Laicos nullo modo quilibet Clericus, aut Presbyter obtineat Ecclesiam, nec gratis, nec pretio. Paulò aliter Mansius, qui ita verba epistolæ descripsit ex Pistoriensi codice: Ut per Simoniacam hæresim nemo ordinetur, vel promoveatur ad quodlibet officium ecclesiasticum. Et: Ut per Laicos nullo modo quilibet Clericus, aut Presbyter obtineat Ecclesiam nec gratis, nec pretio. In decretis Nicolai, à Baluzio editis in tomo 7. Miscellaneorum pag. 67. ista leguntur, num. 5. Ut Ecclesie, vel altaria nec vendantur, nec emantur. Qui autem amoddò vendiderint, aut emerint, anathemati subjacebunt; num. 7. Ut Episcopi canonicas, vel officia Ecclesiastica non vendant, & de consecrationibus Ecclesiarum, aut ordinacionibus Clericorum ipsi, & Clerici eorum nihil exigant; num. 8. Ut Ecclesie per pretium à Simoniaciis consecratae denudò consecrarentur; num. 9. Ut Presbyteri, & omnes à tempore Nicolai Papæ usque nunc, & deinceps scienter ordinati à Simoniaciis, sciант se non esse ordinatos, & deinceps non fiant; num. 12. De cæmeteriis autem, & sepultura, & baptisteriis exactiōnem fieri omnino prohibemus; & num. 14. Ut nullus Abbas obedientias suas vendat, neque nullus Monachus emat obedientias (erant obedientiae regularia quedam beneficia, sive Cappellæ à monasteriis dependentes) quod si præsumperint, utrique ordine, officioque careant, quia simoniacè agunt. Huc quoquè referendum est decretum illud in-

integrum adversus simoniacos, quod in editione Labbeana adjectum est epistola Nicolai ad Episcopos universos his verbis: *Dominus Papa Nicolaus, Synodo in Basilica Constantiniæ præsides, dixit: erga simoniacos nullam misericordiam in dignitatibus servanda habendam esse decernimus; sed juxta canonum sanctiones, & decreta sanctorum Patrum, eos omnino damnamus, ac deponendos esse apostolicæ auctoritate sancimus.* De iis autem, qui non per pecuniam, sed gratis sunt à simoniacis ordinati, quia questio à longo tempore est diutiùs ventilata, omnem modum (aliás nodum) dubietatis absolvimus, ita ut super hoc capitulo neminem deinceps ambigere permittamus. Quia igitur usque adhuc hec venenata perniciès hactenus inolevit, ut vix qualibet Ecclesia valeat reperiri, qua hoc morbo non sit aliqua ex parte corrupta, eos, qui usque modò gratis sunt à simoniacis consecrati, non tam censura justitiae, quam intuitu misericordiae in acceptis ordinibus manere permittimus, nisi forte alia culpa ex vita eorum contraria canones eis existat. Tanta quippe talium multitudo est, ut dum rigorem canonici vigoris super eos servare non possumus, necesse sit, ut dispensatoriæ ad pie condescensionis studium nostros animos ad præsens inclinemus. Ita tamè auctoritate Sanctorum Apostolorum Petri, & Pauli omnimodis interdicimus, ut aliquando aliquis successorum nostrorum ex hac nostra permissione regulam sibi, vel alicui assumat, vel praefigat, quia hoc non auctoritas antiquorum Patrum jubendo, aut concedendo promulgavit, sed temporis nimia necessitas permittendum à Nobis extorsit. De cetero autem si quis hinc in posterum ab eo, quem simoniacum esse non dubitat, se consecrari permiserit, & consecrator, & consecratus non disparem damnationis sententiam subeat; sed uterque depositus penitentiam agat, & privatus à propria dignitate persistat &c. Essent & alia numero plurima, quæ decerpta ex variis ejusdem temporis monumentis, ad eam ipsam rem facere possent; etenim nullum ferè Concilium tunc celebratum extat, nulla ferè Pontificum proximè succedentium constitutio, in quibus non eadem penitus repetantur: hinc Gratianus canones illos non tam sub nomine Nicolai II., quam

sub nomine Alexandri II., qui Nicolao successit, recensendos voluit, cum eadem ferè verba in Alexandri constitutionibus exhibeantur. Verùm sufficiat, quæ superiùs demonstrantur, edidisse, ut exinde valeat unusquisque ad similes sententias Collectorum aliorum fidei commendatas Gratianum exigere, apud quem nonnulla videntur varià verborum texturâ composita. Interè tamè necessarium erit animadvertere, quod idem Nicolaus professus est, canones istos adversus Simoniacos editos non continere strictam ecclesiasticæ disciplinæ censuram; siquidem non nihil à stricto jure recessendum ex humanitate, ac dispensatione illis temporibus fuit, dum ingens erat simoniacorum multitudo: iatererat autem Ecclesiæ simoniacos ipsos mitiore remedio ad penitentiam adducere.

In eadem epistola Nicolai ad omnes Episcopos apud Labbeum, dum palam flunt Romani Concilii canones, ista leguntur num. 11. & 12. Ut de consanguinitate sua nullus uxorem ducat usque ad generationem septimam, vel quoque parentela cognosci poterit. Ut laicus uxorem simil, & concubinam habens non communicet Ecclesiæ. Mansius ex Ms. Codice Pistoriensi, ubi refertur Nicolai epistola ad Ecclesiæ Amalphitanæ suffraganeos, cui Gratianus consonare videtur in inscriptione canonis 17. caus. 35. quæst. 2. ita canonem exhibit: Ut de consanguinitate sua nullus uxorem ducat usque post generationem septimam, vel eousque parentela cognosci poterit. Ut laicus uxorem simil, & concubinam habens non communicet Ecclesiæ. Paulò aliter etià Baluzius in Miscellaneis tom. 7. pag. 67. inter decreta Nicolai Papæ II. hæc recensuit num. 13. Si quis infra septimum consanguinitatis gradum uxorem habet, aut deinceps duxerit, ab Episcopo suo eam dimittere canonice compellatur. Si vero obediere noluerit, excommunicetur. Nemo sanè non videt, in his omnibus eam ipsam referri sententiam, quæ habetur in canone 17. caus. 35. q. 2., quæm propterea jure optimo Nicolao II. tributum fuisse minimè dubitabimus.

C A P U T LXXXIII.

De *Alexandro II.*

Alexandri II. nomine sequentes Canones proferuntur apud Gratianum.

Ex Epistola ad Cle-	{	Can. 17. dist. 81.	{	similē jungendi; consonantque cum non-
rūm, & Populum		Can. 18. dist. 81.		nullis Alexandri monumentis.
Mediolanensem.	{		{	
Ex Epist. ad Cle-				
rūm, & Populum	{		{	Can. 9. caus. 1. quest. 3. ex integra epistola supplendus.
Lucensem.				
Ex Epist. ad Epis-	{		{	Can. 16. dist. 81. referendus ad Concilium Romanum Nicolai II.
copos, & Regem				Dalmatarum.
Ex Epist. ad Epis-	{		{	Can. 11. caus. 23. quest. 8. scriptus potius ad Episcopos Gallie.
copos Hispaniæ.				
Ex Epist. ad Epis-	{		{	Can. 2. caus. 35. quest. 5. referendus ad Concilium Romanum Ale-
copos, & Clerum				xandri.
per Italiam.				
Ex Epist. ad Gebo-	{		{	Can. 1. caus. 7. quest. 2. ex Iyonis codice emendandus.
nardum Vivarien-				sem Episcopo.
Ex Epist. ad Gri-	{		{	Can. 1. dist. 52. ex Iyonis codice emendandus.
maldum Constan-				tiensem Episcop.
Ex Epist. ad Gul-	{		{	Can. 10. caus. 35. quest. 6. ex Iyonis codice emendandus.
lielnum de Mons-				trolio.
Ex Epistola ad Lan-	{		{	Can. 2. caus. 33. quest. 5. ex Iyonis codice supplendus.
dulphum in Cor-				sica.
Ex Epistola ad Rai-	{		{	Can. 11. caus. 2. quest. 5. jungendus cum can. 7. vers. purgatio-
naldum Cumam-				nem, eadem causa, & quastione.
num Episcopum.				
Ex Epistola ad Va-	{		{	Can. 4. caus. 24. quest. 1. ex Iyonis, necnon ex vetustis aliquot Gra-
lerianum Episco-				pum Martyrem.
Adjiciuntur.	{		{	Can. 6. dist. 32. exigendus ad canones Romani Concilii sub Ale-
				xandro.
				Can. 12. dist. 56. non satis firmam habet auctoritatem.
				Can. 109. caus. 1. quest. 1. } similē jungendi, & ad alta Ro-
				Can. 110. caus. 1. quest. 1. } mani Concilii exigendi.
				Can. 11. caus. 16. quest. 1. ex codice Iyonis supplendus.
				Can. 20. caus. 16. quest. 7. referendus ad canones Romani Concilii
				sub Alexandro.
				Can. 1. caus. 17. quest. 2. supplendus ex codice Iyonis.
				Can. 22. caus. 17. quest. 4. apocryphus, & ad Photianum Synodus
				potius referendus.

Can.

*Can. 17. caus. 35. quest. 2. referendus ad canones Romani Concilii
sub Alexandro.*

Can. 5. caus. 35. quest. 5. est potius Isidori Hispalensis.

*Can. 53. de cons. dist. 1. referendus potius ad exceptiones Egberti
Eboracensis.*

Descripsisse tempora, & temporum improbitates, quæ Nicolai II. Pontificatum curis angere sollicitis potuerunt, idem est ac descripsisse tempora improba, in qua incidit etiam Pontificatus Alexandri II., qui Nicolaos successit anno 1061. Hic vero Sanctus Ecclesiæ Princeps diutius pro restituenda canonum disciplina elaboravit, cum per decem, & amplius annos Romanam Sedem tenuerit, vitâ demùm functus anno 1072. Natus ipse Mediolani, ad Luccensem dein Episcopatum electus compertos admodum habuit corruptos Clericorum in finitimis provinciis mores, quæ Nicolitarum, quæ Simoniacorum erroribus inquinatos; in eosdem propterea reformatos toto studio incubuit, Prædecessoris sui prudentiam, æquè ac sapientiam æmulatus: unde apud Collectores non semel contigit, ut iidem canones, eademque monumenta utrique Pontifici, nimirum & Nicolao II., & Alexandro II. sine discriminé tribuerentur, sive quod Alexander decreta Nicolai confirmavit, sive quod eorumdem edendorum decretorum apud utrumque eadem ferè emerserunt occasions.

De Epistola ad Clerum, & Populum Mediolanensem.

Ex iis, quæ pluriè, præsertim ad canonem 1. dist. 22. dicenda fuerunt, satis liquet Mediolanensem Ecclesiam inter ceteras medio undecimo saeculo indiguisse morum reformatione; quæ in re obeunda nil aptius evenire poterat, quam ut Summus Ecclesiæ Pastor, cuius operâ remedium adferretur, in ipsa Ecclesia Mediolanensi natus, non tamè Clericorum Mediolanensium erroribus inquinatus Alexander seligeretur. Re-

verà ipse statim ac ad maximum evectus est Pontificatum, nihil antiquius habuit, quam ut suos in rectam virtutum semitam revocaret. Id palam fit ex prima ejusdem Pontificis epistola, scripta ad Mediolanensem Clerum, & Populum, in qua ita præfatus est Alexander: *Divini judicii dispositione provisum est, ut Mediolanensis Ecclesia filius, & Ambrosianis ueribus sublactatus, ad famulatum Apostolica Sedis indignus ascenderem, ac Matri omnium Ecclesiarum Pastoralis curæ sollicitudine deservirem. Unde, cum totius universalis Ecclesie cura nobis non levis incumbat, propensiùs circa vos ipsa natura nos provocat esse peregrines, ut unde nos constat originis duxisse primordium, ibi etiam majoris ad aeternam salutem habeamus sollicitudinis incrementum.* Et propè finem epistolæ ita concludit: *Sic profecto, Fratres, quamplures sunt hodie Christianæ professionis titulo decorati, qui videlicet in Christi hereditate nequam inerentur adscribi, & nunc quidem paterno vocabulo gloriantur; sed nequam ad hereditaria paterna pervenient, quia velut sparü, non caelestia, sed terrena ignobiliter concupiscunt. Vos autem dilectissimi, membra mea, viscera animæ meæ, sic satagit per viam mandati caelestis sic incedere, ut mens nostra meritò semper debeat de sancta consanguineorum suorum conversione gaudere; speramus autem in Eo, qui de Virgine dignatus est nasci, quia nostri ministerii tempore sancta Clericorum castitas exaltabitur, & incontinentium luxuria cum ceteris heresis confundetur &c.* Hæc sollicitudo, quam Alexander curabat, ut Mediolanensis Ecclesia à Nicolitarum potissimum vitiis abstineret, probabilem reddit causam, quod asseramus ab Alexandre eodem non esse adjudicandos canones 17., & 18. dist. 81. qui inscribuntur Alexandre, ad Clerum, vel Populum Mediolanensem scribenti, licet illorum canonum verba in memorata edita ad Mediolanenses epistola non le-

iegantur. Ceterū in Labbeana editione inter fragmenta quādam epistolarum Alexandri duo isthac recensentur, ad quāe Gratianeī canones exigantur. Primum est: *Noveritis, nos in Synodo nostra Romana, Episcopis omnibus, & Religiosis Fratribus adjudicantibus, decrevisse à simoniacis, & fornicatoribus officium celebrari non debere, nec aliquem Christianum id ab iis audire. Populum itaque à simoniacis, & ab his, quos feminis abuti cognoscitis, officium audire interdicite, & Sacerdotes nihilominus à tam nefaria præsumptione repellite. Siquis verò Sacerdotum, Diaconorum, vel Subdiaconorum officium contumaciter deserens, feminam sibi potius eligit, sicut sponte ob fornicationem dimittit officium, ita ob prævaricationem dimittere cogatur & invitus beneficium. Alterum ita exprimitur: Sciat nobilitas vestra, nos in Romana Synodo consilio totius Sancti Conventus decrevisse, ut à Presbytero simoniaco, seu concubitu habente missa à nullo fidelium audiatur. Eos etiā, qui, ut fornicari liceat, divinum officium derelinquent, & ab eo recedentes diabolo, & ejus operibus serviant, sicut se justissimè ab officio alienos faciunt, ita beneficio Ecclesiarum privatos adjudicamus. Hæc ita proferuntur, ut videantur Romani Concilii sub Alexandre II. celebrati canones continere; hodiē tamē in eodem Romano Concilio non leguntur; verū non exindē de eorumdem auctoritate dubitare possum, cum sciverim nonnulla similia edita fuisse Mediolani à Legatis Apostolicæ Sedis anno 1067. Maynardo Episcopo Sylvæ Candidæ, & Joanne Cardinali. Eorum gesta habentur pōst epistolam 6. Alexandre II. in Collectione Labbeana, ibidēmque inter cetera hæc leguntur: *Apostolica auctoritate fulti, ex parte omnipotentis Dei, & Apostolorum Principis Petri, gloriosique Confessoris Sancti Ambrosii statuentes precipimus.... Presbyter etiā, Diaconus, & Subdiaconus feminam ad fornicandum palam retinens, donēc in culpa manserit, nec officium faciat, nec Ecclesia beneficium habeat. Qui verò non retinet, & eventu ex humana conditione ceciderit, postquam manifestum veraciter fuerit, suspendatur ab officio tantum, donēc per pœnitentiam**

satisficerit. Statuimus insuper, neminem predictorum graduum Clericum ex suspicione dannari ita, ut nec officio careat, nec beneficio nisi ipse fortè confessus, vel per idoneos testes veraciter sit convictus. Ne autem laderendo eos aliqua occasio pro relidis feminis eorum fiat, statuimus, ut cum illis in una domo non maneant, nec manducent, nec bibant, nec sine tribus, vel duobus idoneis testibus simil loquantur, & hæc servantes nullam pro eis calumniam patiantur; ipsi verò juxta Ecclesias, si fieri potest, habitare cogantur. Qualiter verò quisque eorum pro ordinum iniquitate, vel culpæ varietate officium, ac beneficium perdat, idē scribimus, quia cuncta ecclesiastica officia in status sui dignitate consistere volumus, & nullum Clericorum pro cuiusquam peccati culpa, vel officii sui aliqua in Deum offensa in judicio laicorum amodò esse permittimus, sed modis omnibus in perpetuum prohibemus. Siquis autem laicus, cuiusque ordinis predicatorum graduum Clericos in potestate sua habet, cum primùm sciverit in veritate aliquem ex eis vel feminam, sicut dictum est, retinere, vel in fornicationis crimen casu cecidisse, statim per se, vel per suum Nuntium hoc studeat indicare Archiepiscopo, & hujus Ecclesie Ordinariis, quibus cura ista commissa fuerit. Si ipse, aut ipsi, illi admodum scilicet in culpa indurato, vel accidentaliter lapso interdixerint, ut dignum est, officium, ipse laicus postmodum interdicat obdurato tantum officium. Si verò Archiepiscopus, vel sui Ordinarii, postquam audiuerint, hoc neglexerint, ipse laicus, quicunque sit, ex tunc in sua potestate, nec officium facere, nec beneficium alicui ex illis permitat tenere, donēc culpam deserat, & dignè Domino per pœnitentiam satisfaciat. Posset etiā huc referri canon 3. Concilii Romani, sub Alexandre eodem celebrati anno 1063., cuius fragmentum legitur in can. 6. dist. 32., quamquam & iste canon etiā Nicolao II. Prædecessori tribui potuerit in can. 5. ejusdem distinctionis, quemadmodum superius fuit animadvertisendum.

De Epistola ad Clerum, & Populum
Lucensem.

Providam quoquè Pastoris sui sollicitudinem jure optimo sibi singularem fecit Lucensis Ecclesia, quam Clerici simoniæ beneficiorum collationibus labefactabant. Et quidem frequens fuisse eodem sæculo vitium simoniæ facile demonstratur ex canonibus Conciliorum illius etatis, quibus nihil urgetur prescius, quam ut Clerici ab eo criminis abstinerent, quod potissimum deduces perspicuè ex can. 109. & 110. caus. 1. quæst. 1., & can. 20. caus. 16. quæst. 7. Erat jam simonia vetustissimis canonum regulis improbata, sed criminis in Clericos iterum invehendo occasionem quamdam dedit disjunctio collationis sacerorum ordinum à collatione beneficiorum; etenim tunc primum cum inciperent Clerici sine beneficio ordinari, vel post ordinationem susceptam beneficio donari, persuasum nonnullis avaritiâ turpissimâ corruptis fuit, in recentiore beneficiorum collatione propriè simoniæ vitium non admitti, quando beneficiorum collatio non juris spiritualis, sed temporalis concessio videretur. Interebat ecclesiasticæ rei redarguere falsitatis hanc recens subortam opinionem, atque eo pertinet epistola Alexandri ad Lucensem Clerum, & Populum, quæ est 35. in collectione Labbeana, consonans sanè cum Gratianeo canone 9. caus. 1. quæst. 3., qui eamdem epistolam integrum exhibet. Verum hodiè, præsertim post Mansii supplementum, integra omnino edita adparet ex Lucensi archetypo, quem in archivio Canonicorum illius Ecclesiæ adservari Mansius idem testatur; atque epistola hæc ita edita cum plura contineat, quæ in Gratiani codice desiderantur, aliqua etià paucispè diversa videantur ab editione Gratiani, non inutile erit, eamdem hic integrum exarare, iis exceptis, quæ cum Gratiano omnino concordant, subsequentibus punctulis interjicienda. Ver-

Can. caus. 9.
q. 3.

ba epistolæ hæc sunt: Alexander Episcopus servus servorum Dei Licensis Ecclesie Clero, & Populo in perpetuum. Cum Divina providentia idcirco nos in Sede Apostolica constitueret, ut omnium Ecclesiarum generalem curam gerere debeamus, tum maxime illi Ecclesia studium nostræ devotionis sollicitius est exhibendum, in qua antè susceptum universalis regiminis opus ecclesiastici officiū necessitate laboravimus, & cui privata quodammodo dilectione priùs deseruire studiūmus. Circà Lucensem itaq; Ecclesiam tantò specialius nostra devotionis studium desideramus impendere, quanto & illi privata ejus, & publica omnium cura compellimus providere. In ea igitur quod multis temporibus pullulasse, & in rebus jam inveterata malitia comperimus excreuisse, divini verbi gladio succidere, & penitus extirpare optamus, ut, Deo volente, eritis spinis vitiorum, in fertilem postmodum messem semen illic satum valeat abundare. Ex multis temporibus hoc detestabile malum (hinc exorditum Gratianus) intrà ipsam Ecclesiam inlevisse cognovimus.... fiebat Ecclesia, & res ejus.... Chalcedonense nempè Concilium, unum ex principalibus, simili pena condemnat eos, qui sacram manus impositionem (per quam Spiritus Sanctus confert) mercari dignoscuntur. Utrosque enim auctoritate inexpugnabili, illos à beneficio, istos sacro ordine jubet repellere. Sacerorum vero canonum auctoritate docemur, omnia, que Deo, vel ejus Ecclesia offeruntur, sacra fieri ipsâ oblatione, nullaque autem sacra fieri possunt, nisi Spiritu Sancto, à quo omnis sanctificatio procedit. Nam, sicut omnis qualibet res cum Imperatori defertur, imperialis efficitur, sic cum ex voto Deo, vel Sanctis offeratur, divina, ac per hoc sanctificata cognoscitur. Non igitur mirum, si par pena constringit eos, qui aut sacram ordinem, aut sacram rem Ecclesia vendere, seu emere audent, cum neutrū nisi Sancti Spiritus dono valeat sanctificari. Preterea cum sacerorum canonum auctoritas quatuor ex rebus Ecclesia jubeat fieri portiones, quarum una pauperibus, altera fabricis Ecclesiarum sit int̄pendenda, tertia Episcopo, quarta Clericis conferenda, sicut pauperibus Ecclesia singulæ partes gratis sunt concedenda, ita quoque reliquæ partes nec ab ipso Episcopo, vel Clero sunt retinenda, aut vendenda, sed eis pro-

Evangelii precepto, & officii sui labore eodem modo conferenda. In veteri quoque testamento cum adhuc gratia Evangelii adhuc non coruscaret in mundo, legimus scelus hoc quantum abominabile esset, cum tempore Jeroboam, qui cumque volebat, implebat manum suam, & siebat Sacerdos excisorum, & propter hanc causam peccavit domus Jeroboam, & delecta est de superficie terra. Si vero domus Jeroboam ob hoc delecta est, quod pecuniam accipiens constituebat Sacerdotes in excelsis, non immerit de libro vite caelestis eorum nomina delentur, qua interventu pecunia Sacerdotes, vel Clericos in domo Dei constituunt. Puto enim, quod tales nunquam adverterunt Psalmista sententiam, dicentis: Quia non cognovi negotiationem, introibo in potentias Domini. Nam si quis idem intrat in potentias Domini, quia non cognovit negotiationem, aperte consequitur, ut non intret in eas, qui negotiations maxime ecclesiasticarum rerum non solum cognoverit, sed etiam exercuerit. In novo autem testamento humani generis Redemptor.... negotiations. In quo Salvatoris facto vigilanter est advertendum, quod non dicitur cathedras vendentium movisse, sed evertisse. Levius utique ferendum esset, si talium negotiatorum cathedrae moverentur, quam si everterentur, sicut per Joannem Dominicam voce Angelo idem predicatori Ephesi Ecclesie dicitur: Age penitentiam, & prima opera fac; alioquin veniam ad te, & movebo candelabrum tuum de loco suo. Ille quoque... speluncam latronum efficiunt. Quia ab hismodi mercatoribus quidquid possunt capiunt, & gladio sua malitia non corpora, sed, quod peius est, animos trucidare noscuntur. Tempore vero Apostolorum cum multi rerum suarum pretia ad pedes eorum ponerent, Anania, & Saphira, inspirante S. Spiritu, voto cordis premium agyorum suorum Deo obrulerunt. Qui postmodum, quia, suggestente diabolo, partem ipsius pretii retinere conati sunt, voce B. Petri Principis Apostolorum Spiritui Sancto mentiti esse dicuntur; & quam grave scelus contraxerint, utriusque repentina morte monstratur. Si ergo illi initio surgentis Ecclesie tam horribili paenam divinitus sunt puniti, pro eo solummodo, quod partem pretii retinuissent, quod solo voto Ecclesie obtulerant; quid dicendum est de his mercatoribus, qui non suas, sed res Ecclesiae, sed in usus suos ex (videtur legendum

) propinquorum suorum non verentur verte-
re? Profecti, sicut deterius est distrahere, vel comparare res Ecclesia, non quas ipsi Ecclesia conferunt, seu quas pro animabus suis fideles offerunt, quam solam pretii partem rerum a se oblatarum retinuisse; sic talium negotiatorum interitus gravior, & profundior, quam illorum esse convincitur. Ex hac quoque pessima venditione penè malorum omnium semina pullulare noscuntur. Nam ita, qui res Ecclesiarum, & potiora earum prætia student adquirere, non Deo, vel ejus Ecclesie velle famulari, sed soli mammona velle servire, veridicâ ratione probantur. Sicut etiam S. Gregorius de simoniacis testatur: non vitam moribus componere, non scientiam curant exornare, sed solummodo aurum, & pecuniam, quibus res emant Ecclesia, inhabentes desiderant congregare. Ac si tandem malitia sua votum impleverint, & datâ numerosâ pecunia rerum ecclesiasticarum penes se dominium habere cœperint, tunc aperiunt, quam intentione Ecclesia militare decreverunt. Toto enim mentis annisu undecimque possunt corradere pecuniam student, ut, que prius evanuerant, possint redimplere marsupia; cuius aviditate impulsi sacris non parcunt altariis, sed veluti fures, & sacrilegi profanas eis manus injiciunt, pauperibus, & Ecclesiarum fabiis decimas, & oblationes, justè, & canonice competentes, more predonum diripiunt, à mortuis etiam, quasi fisci exactores, importuni clamoribus velut trivita exigunt. Terras quoque, quas fideles pro suis peccatis Ecclesia contulerunt, quia eas ex toto vendere non possunt, ob vilissimum redditum pecunia accepta quibusque concedunt. Inter se autem, ubi de lege divina, & de animalium salute esset tractandum, litibus, & contentiobus, clamoribus, & injuriis præstrepere non desistunt. Quibus ad cumulum sue damnationis non sufficit, quod ipsi percutunt, sed insuper laicos, quibus ducatum recte vita præbere debuerant, secum malo exemplo trahunt in profundam inferni voraginem. Quapropter ego Alexander.... unquam conferre, sed etiam ministros.... sustentare Ecclesiam. Sponte (vi-
detur legendum sponsæ) Christi donaria, non pro libitu cujusque invito sponso venalizant, sed gratis, & pro vita meritis tribuantur, nec audeat ullus, cujuscumque gradus sit

Glericus per se, vel per interpositam personam aliquo ingenuo pretium vel dare, vel promittere, nec ipsi Episcopo, nec alicui ex ejus ministris, sed cuicunque magna, vel mediocri, aut parva persone. Ne vero calliditas, aut fraus diaboli sub specie religionis aliquos sue malitia laqueo capiat, constituimus, & eodem modo firmamus, ut nullus.... modis omnibus abscondatur. Ego Alexander, solius Domini misericordia Sanctæ Romanae, & Apostolice Ecclesiae Præsul, & Lucensis Episcopus, in hoc decreto ad confirmandum s.s. Integrum hoc monumentum satis perspicue indicat, qua animi alacritate Alexander simoniacorum sui temporis hæresim oppugnaret, quo sanè nihil est in epistola, quod non spectet, vel in ipsam subscriptione; quid enim aliud indicare voluit Sanctus Pontifex, ubi se solius Dī. miser., id est, Dei misericordia Sanctæ Romanae Ecclesiae Præsulem nominavit, quam se non humano favore, aut gratiâ, non datâ pacataque pecuniâ, sed Deo vocante, Sedem Apostolicam concendisse? Fortè quemquam turbabit Concilii Chalcedonensis decretum, ab Alexandro isthic memoratum, quasi Alexander non satis recte protrahere potuerit Chalcedonensem Patrum sententiam ad recentiora, & sui temporis beneficia. Verum non est, cur Alexandri oratio minus apta existimetur. Quod enim apud Veteres, & tempore Concilii Chalcedonensis erat ordinatio Clericorum, fuit deinde temporibus Alexandri beneficiorum collatio, etiā post ordinationem facta, nam in ipsa collatione beneficii adhuc certum officium in Ecclesia obeundum Clerico injungitur, quod profecto non est simoniaci injungendum. Imò, si integer legatur Chalcedonensis canon, relatus à Gratiano in can. 8. caus. 1. quæst. 1., facile liquebit, eum esse rei ipsi ab Alexander tractate valde accommodatum, licet in eo ecclesiastici beneficii nulla specialis mentio habeatur. Nimirū mentio ibidem fit de defensoribus, de dispensatoribus, de mansionariis, qui sanè, sicut non semper per sacram ordinationem, & per ipsum sacræ ordinan-

tionis actum singularibus ecclesiasticis officiis addicebantur, ita facile potuerunt recentiorum beneficiariorum, qui extrà ordinationis sacræ causam, & titulum constituuntur, imaginem præseferre; atque exinde validissimum erat ad confirmandum Alexandri propositum argumentum. Etenim, si damnandi apud Veteres fuerunt, quicumque defensorum, dispensatorum, mansionariorum, aut similia officia pretio vel concessissent, vel impetrassent, licet illa non in ipso sacræ ordinationis actu conferrentur, licet etiā quadam temporalis potius administrationis speciem exhiberent, eadem ratione erat velut simoniaca improbanda beneficiorum collatio illa etiā, quæ Alexandri temporibus demonstrabatur sejuncta à sacri ordinis collatione, ac videbatur nonnullis potius in temporali quodam emolumento consistere.

De Epistola ad Episcopos, & Regem Dalmatarum.

Alexandro II. tribuitur canon 16. Can. 16.
dist. 81. sub hac inscriptione: Episcopis,
& Regi Dalmatarum. Ego vero puto, inscriptionem corruptam esse, vel quod apud Collectores Epistolarum Alexandri nullibi eadem inscriptio legatur, vel potissimum quod Regis Dalmatarum mentio Alexandri temporibus minimè congruat. Siquidem refert Baronius ad annum 1076. primum sub Gregorio VII. Ducem Dalmatiæ Regis nomine appellatum fuisse, id demonstrans ex Actis synodalibus, quæ in Archivo Lateranensi adservata testatur. Quomodo ergo jam potuit ad Regem Dalmatiæ epistolam mittere Alexander Gregorii VII. prædecessor? Suspicio ego rem ita contigisse: nimirū, quum Nicolaitarum hæresis plurium Italorum animos temporibus Alexandri II. occuparet, quemadmodum suprà jam dicendum fuit, ad eam conficiendam duo à Romano Pontifice designati fuere Legati, Mainardus Episcopus Sylvæ Candidæ,

& Joannes Cardinalis, de quibus jam suprà mentionem habui ad canones 17., & 18. dist. 81. Idem etiàm in Dalmatiā missi fuerunt, ut ibi clericalis continentiae leges sancirent, observandasque curarent, cuius rei auctor est Ivo Carnotensis, coævus auctor, referens in parte 4. Decreti cap. 139. Alexandri II. monumentum, his verbis conceptum: *Notificamus omnia capitula, quæ per Confratres nostros venerabiles, Mainardum scilicet collateralem Episcopum nostrum, & Joannem Archipræsulem nostrum in Spalato, aliisque Civitatibus sunt statuta, eadem in Romana Synodo seriatim ea referente à B. memoria prædecessore nostro Nicolao apostolicâ auctoritate roborata, & sub anathematis interpositione roborata.* Et quoniàm monumentum istud tribuitur Alexandro II. scribenti Episcopis, & Regi Dalmatarum, facile in eodem inseri potuit quidquid à Pontificiis Legatis alibi adversùs incontinentes Clericos statutum fuerat sub Nicolao II. ejusdem Alexandri prædecessore. Porrò non absimilis Constitutio edita videtur in Concilio Romano anni 1059. can. 3. ibi: *Ut nullus missam audiatur Presbyteri, quem scit concubinam indubitanter habere, aut subintroductam mulierem. Quicumque Sacerdotum, Diaconorum, Subdiaconorum post constitutum beatæ memoriae Prædecessoris nostri Sanctissimi Papa Leonis de castitate Clericorum concubinam palam duxerit, vel ductam non reliquerit, ex parte omnipotentis Dei auctoritate Beatorum Apostolorum Petri, & Pauli præcipimus, & omnino contradicimus, ut missam non cantet, neque evangelium, vel epistolam, ac missam legat, neque in presbyterio ad divina officia cum iis, qui præfate constitutioni obedientes fuerint, maneat, neque partem ab Ecclesia suscipiat, quousque à nobis sententia super hujusmodi, Deo concedente, procedat.* Quibus iti descriptis liquet non aliam esse apud Dalmatas renovatam constitutionem ab Alessandro, quam quæ olim dicta fuerat à Nicolao, quamobrè ex eodem Nicolai canone facile intelligere possumus, quid Alexander ad Dalmatas rescribendum voluerit in dicto canone 16. In inscrip-

tione canonis *Regis Dalmatarum nomen* potuit à recentiore auctore adjici, ubi primùm Dalmatia Regibus fuit obnoxia. Nùm verò Alexandri II. constitutio paratam habuerit in eadem Provincia executionem, plurimum dubito; nàm temporibus Innocentii III. anno 1199. novis opus fuit Pontificiis constitutionibus, ut Dalmatiæ Clerici ad continentiae leges servandas adigerentur, nàm in Concilio illius anni, habito in Dalmatia, præsentibus Apostolicæ Sedis Legatis hic canon num 2. edendus fuit: *Cum Domini Sacerdotes, & si qui sacro Altario deserviunt, continentè vivere debeant juxta illud: Mundamini, qui fertis vasa Domini, in partibus Dalmatiæ, atque Dioclie Sacerdotes & uxores habere, & Ecclesias tenere dicuntur. Quocirca præsenti decreto statuimus, ut Sacerdotes, & Diaconi antè susceptum officium, nisi eorum conjuges in manu Episcopi votum fecerint continentæ, uxores habentes, cum ipsis maneant, & Ecclesias dimittant. Non enim possunt secundum ordinem Romana Ecclesia manentes in conjugio, nisi defunctis uxoribus, aut continentiam voventibus, si digni inventi fuerint, ad sacerdotium promoveri. Illi verò, qui post susceptum Sacerdotii, vel Diaconatus honorem adulteras potius, quam uxores accepisse probantur, nisi eas dimiserint, & dignam egerint pénitentiam, ab officio, & beneficio ecclesiastico fiant penitus alieni.*

De Epistola ad Episcopos Hispaniæ.

Mendum irrepsisse videtur in inscriptionem canonis 11. caus. 23. quæst. q. 8. Can. 11.
caus. 23. q. 8. ; non enim ad Episcopos Hispaniæ, sed ad Episcopos Galliæ Alexandri epistola dirigitur. Integra epistola est apùd Ivonem coævum auctorem in parte 13. Decreti cap. 114. sub hac inscriptione: *Alexander Papa II. omnibus Episcopis Hispaniæ: sed ad marginem adnotatur, pro voce Hispaniæ in aliis codicibus legi Galliæ.* In hac codicum varietate ea sanè erit præferenda scriptura, quæ magis epistolæ consonat. Verùm integra epistola potius indicat, Alexandrum ad Galliæ, non

non ad Hispaniæ, Episcopos scripsisse: ibi: *Placuit nobis sermo, quem nuper de vobis audivimus, quomodo tutati estis Iudeos, qui inter vos habitant, ne interimerentur ab illis, qui contrà Sarracenos in Hispaniam proficiscebantur.* Illi quippe, stulta ignorantia, vel forte cœcâ cupiditate commotis, in eorum necem volebant servire, quos fortasse divina pietas ad salutem predestinavit: *Sic etiam B. Gregorius quosdam, qui ad eos delendos exarcescebat, prohibuit, impium esse denuncians, eos delere velle, qui Dei misericordia servati sunt, ut patriâ, libertateque amissâ, diuturnâ pœnitentiâ, patrum prejudicio in effusione sanguinis Salvatoris damnati per terrarum orbis plagas dispersi vivant.* Dispar nimis est *Judeorum, & Sarracenorū causa.* In illis enim, qui Christianos persequuntur, & ex urbibus, & propriis sedibus pellunt, justè pugnatur: *huiusq[ue] parati sunt servire.* Quemdam etiā Episcopum Synagogam destruere volentem cohibuit. Nemo sanè dixerit, verba hæc ad Hispaniæ Episcopos dirigi potuisse, neque enim Hispaniæ Episcopi tueri poterant Iudeos ab illis, qui contrà Sarracenos in Hispaniam proficiscebantur: facilius tueri eos Iudeos poterant finitimi Galliarum Episcopi. His etiā accedit similis proponendum ejusdem Alexandri sententia in epistola ad Berengarium Narbonensem in Gallia Vicecomitem, cuius fragmentum legitur apud eundem Ivonem in parte 13. Decreti cap. 115. ibi: *Novit prudentia vestra nobis placuisse, quod Iudeos, qui sub vestra potestate habitant, tutati estis, ne occiderentur; non enim gaudet Deus effusione sanguinis, neque letatur in perditione malorum.* Quæ verba cum ferè consonent cum iis, quæ habentur in dicto can. 11., facile colligitur utraque ad easdem provincias Galliarum spectare. Ut verò hæc perspicue intelligantur, animadvertere juvabit adjuncta illorum temporum, quibus fieri posset, ut fieret ea Iudeorum, ac Sarracenorū comparatio. Sarraceni gens Arabica universum tunc regnum Hispaniæ occupaverant, ipsam etiā urbem Toletanam, in qua Christiani nominis hostes nihil vividiū moliebantur, quām ut everte-

rent, perderentque, quidquid ad fidem Christi, ac religionem tuendam conduceret. Præ ceteris Christianos Reges expulerunt, gravissimoque jugo tyrannidi suæ omnia subjecerunt. Temporibus Alexandri II. barbari illius imperii impatientes Hispani suaserunt Alfonso, licet monacho, legitimo tamè Regni Hispanici Successori (is erat frater Sancii II. jam defuncti Hispaniarum Regis), ut provinciam adgrederetur Sarracenos ejiciendi. Morem gessit Alfon-sus, Rex ejus nominis sextus salutatus, qui proindè, coacto ingenti exercitu undecimquæ ex universa Hispania, finitimusque populis, Sarracenos omnes non solum à Toletana Civitate, sed etiā à toto Regno ejicit: hinc recoli Christianam fidem, resque ecclesiasticas augeri in dies vehementissimè studuit, & quidquid superstitionis ex Barbarorum moribus irreperserat, antiquari. Quamobrè scimus temporibus Alexandri II. in Concilio, celebrato in Hispania, quod refert Labbeus ad annum 1068., abrogatum fuisse ritum *Mosarabicum* celebrandi divini officii, ita dictum, quod tunc celebraretur ab Hispanis mixtis cum Arabiæ populis, quasi *Mixtarabicum*, vel, ut alii dicunt, à Musa Arabum duce; quod sanè officium non erat adeò quacumque superstitione vacuum, ut Christianum hominem omnino deceret. Ex his facilè deduci potest Alexandri II. sententia, qualis in dicto can. 11. exhibetur, quæ eò spectat, ut Iudeis nemo molestiam ingereret, quoties ipsi Christi fidelibus non essent importuni, quamquam liceret vim Sarracenorū vi factâ repellere, quod sanè etiā Juris publici, apud omnes gentes firmati, constitutionibus est maximè consentaneum.

De Epistola ad Episcopos, & Clerum per Italiam.

Meretur jucundam observationem canon 2. caus. 35. quæst. 5., qui ita ^{can. 2.} ^{caus. 35.} exhibetur quasi ad omnes Episcopos,

& Clericos, nec non judges per Italiam constitutos, directus. Tempore Nicolai II. Pontificis celebrata fuerat Romana Synodus anno 1059., ad quam converserant Episcopi 113., atque in ea ita definitum fuerat can. 11. Ut de consanguinitate sua nullus uxorem ducat usque ad generationem septimam &c., quod ipsum rursum decretum fuit in Synodo Romana anni 1063. centum, & amplius Episcoporum sub Alexandro II. can. 9. Emergit hinc gravissima quæstio, quæ ratione *septima generationis* nomen interpretandum esset; alii enim ita intellexerunt, ut septem civilis cognitionis gradus computarentur, atque ii dicerentur ultrâ septimam generationem distare, qui ex Juris civilis ultrâ septimum cognitionum gradum constituerentur; qua in specie jam videbantur ultrâ septimam generationem distare illi, quorum uterque esset quarto jam gradu à communi stipite remotus; alii è converso duplitudinem voluerunt computationem, ex latere scilicet utriusque, de quorum cognitione quereretur, faciendam, ita ut tūm demum inter se septima generatione disjungerentur, quoties septima generatione à stipite communi distarent. Potissimum apud Ravennates hujusmodi controversiam scimus fuisse subortam, quam verbis primū, deinde etiā literis compescere studuit S. Petrus Damiani, rem ita enarrans in libro de parentela gradibus in principio, quem librum ad Joannem Episcopum Cæsanatem (hic erat Suffraganeus Ecclesiae Ravennatensis) & ad Archidiaconum Ravennatem inscripsit, ibi: *Ravennam, ut nostis, nuper adii, quam mox periculoso erroris scrupulo turbatam vacillare cognovi. Erat autem de consanguinitatis gradibus plurima disceptatio, atque jam res eo usque processerat, ut sapientes civitatis in unum convenientes sciscitantibus Florentinorum veredam in commune rescriperint, septimam generationem canonica auctoritate preficam ita debere intelligi, ut, numeratis ex uno generis latere quatuor gradibus, atque ex alio tribus, jure jam matrimonium posse contrahiri videtur.*

Ad adstruendam quoque præpostera hujus allegationis ineptiam, illud etiam in testimonium deducebant, quod Justinianus suis interset institutis: sed & neptem, inquit, fratri, vel sororis ducere quis potest, quamvis in quarto gradu sit.... Et quidem ego nudis verbis ista dogmatizantibus restitu, ac prout in expeditione licuerat, emergentem, ut ita fatear, heresim canonicae testimonii auctoritatis attrivi; quo tamen vos minime contenti dignum esse decrevistis, ut, quod ore protuleram, apibus tradarem, atque ita non paucis, sed omnibus hoc errore nutantibus faciliter compendio responderem. Sed non satis confecit errores, imò nec disputationibus modum dare potuit privata Damiani doctrina: Opportuna fuit Concilii celebratio, indicita ab Alexandro II. anno 1065., in quo Concilio editus est memoratus canon 2. caus. 35. quæst. 5., ubi adversus eos, qui contrà sentirent, propositæ anathematis minæ; demum adversus pervicaces inficta poena anathematis in alio Concilio Romano ejusdem anni, ut testatur idem Petrus Damiani in libello de contemptu sæculi. Sanè Gratianus memoratum canonem melius sub nomine Romani Concilii edidisset, aliam tamen putavit proferendam inscriptionem, scilicet ad Episcopos, & Clericos Italiae, vel ut alii codices habent: Neapolitanis Clericis, & omnibus Episcopis, atque Judicibus, per Italiam constitutis; quod ex eo fortassis à Gratiano factum arbitror, quia Alexander post illorum Conciliorum celebrationem aliquas de ea re epistolas scripsit tum ad Neapolitanos, tum ad Episcopum Venetensem, tum ad Episcopum Basileensem, tum demum ad Episcopum Aretinum, quarum epistolarum fragmenta retulit Ivo Carnotensis Alexander coævus in parte 9. Decreti cap. 6. 9. 10., & 37. Jam vero si proprius accedamus ad consequendam, aut saltē ad attingendam Alexandri mentem, & vim acerrimam, quæ in eo canone exhibetur, disputationis, non inutilis erit, quemadmodum non injucundus labor. Vulgus Interpretum legum tum ecclesiasticarum, tum civiliū adsevera-

vit, in computatione graduum consanguinitatis contrarias omnino esse regulas in Jure ecclesiastico, ab iis, quae sunt Jure Romano præstituta; quamobrem nec dubitavit velut consecutarium quoddam exinde deducere, quo in matrimonii canonum regulæ, in hereditariis successionibus Romanæ leges spectandæ sint, ut cognatio investigetur. Ego vero in figendo illo principio non possum æquè adsentiri; quippè qui utriusque Juris regulas contemplatus, non contrarias hac in parte, sed diversas agnovi: neque ex illis sum, qui cum quamdam Jurium diversitatem intueor, statim de Jurium eorumdem conflictu, & pugna judicem, gnarus ut plurimum Juris ecclesiastici, & civilis regulas mutuam sibi manum, & adjutricem præbere, quemadmodum scripsit Lucius III. in cap. 1. de novi operis nunciatione. Revera, qui putant hac in re canones veteribus Romanorum legibus adversari, jam tales habendi sunt, ut Romanarum legum peritiā non polleant; quemadmodum habitu fuerunt apud Petrum Damiani, qui sub Alexandro II. vivebat. Etenim cum eo tempore nonnulli vellent in conjugiis computationem fieri, ascendendo primū ad communem stipitem, deinde ab eodem communi stipe descendendo, ita redargui à Petro debucrunt in lib. de gradibus Parentelæ cap. 4. Sed ut de ceteris sileam, miror saltem legisperitos ita potuisse despere, ut subjecta figura oculis videantur in supputandis gradibus caligare, qui nimurum, dum quartum generis gradum octavum faciunt, quid super hanc etiam sue leges definiant, non attendunt. Simili ratione eosdem, qui ita sentiebant, redarguit Alexander II. in epistola ad Neapolitanos, quæ est numero 27. apud Labbeum, ibi: *Sedentes enim in cathedra pestilentia dicant jura, quæ nesciunt, & docent illa, quæ nullatenus didicerunt.* Si revera civile Jus singulas personas, non generatione, sin supputandis cognitionum ordinibus matrimoniorum causâ numeraret, cur Alexander, cur Damianus imperitos, & caligantes in luce appellavisi-

sent Jurisconsultos illos ita loquentes, eâ præsertim ætate, qua hæc Juris, ut ajunt, civilis, & ecclesiastici differentia nondum agnita esse poterat, ut potè quæ ab hoc Alexandri II. decreto passim traditur originem habuisse? Dicam paucis, in quo sita sit rei veritas. Jus civile Romanorum nunquam mentionem fecit graduum cognitionis in matrimonii contrahendis; tantum in hereditatibus, aut tutelis, ut dignosceretur, quis cognitione proximus esset, vel ut in adeunda intestati hereditate ceteris præferretur, vel ut ad obeundam tutelam legitimam præ ceteris adigeretur. Hujus rei argumento perspicuo esse potest, quod Justinianus, de nuptiis sermonem habens in Institutionibus, gradus cognitionis minime recenset, sed eos potius, dum de successionibus intestatorum ageret, enumeravit. Adde Jurisconsultum Paulum, qui in l. 10. ff. de gradibus, & affinibus profitetur, gradus cognitionum solertissimè esse ab Jurisconsultis inquirendos; quorum perscrutationem necessariam dicit, quia legibus hereditates, & tutelæ ad proximum quemque agnatum redire consueverunt, & editio Praetor proximo cuique cognato dat bonorum possessionem; præterea lege publicorum iudiciorum contra adfines, & agnatos testimonium inviti dicere non cogimur. Porrò addidisset etiam Paulus graduum cognitionem necessariam esse, ratione habitu conjugiorum, si etiam apud Romanos ratione conjugiorum ad graduum computationem deveniri debuisse. Ubinam in toto Romani Juris corpore legitur, in matrimonii celebrandis gradus esse servandos? Dicitur quidem, inter certas, designatasque personas locum non esse justis nuptiis, de gradibus altum ubique silentium custoditur. Quid quod Modestinus in l. 4. §. 5. ff. de grad. & affin. scripsit, gradus adfinitati nullos esse, quando tamè certum est etiam inter certas, designatasque adfinem personas nuptias vetitas fuisse, nisi concludamus nullam in specie nuptiarum factam fuisse graduum computationem? Itaque in celebrandis conjugiis graduum designatio in Jure ci-

vili Romanorum præstituta non fuit: primum præstui visa est recentioribus Constitutionibus, Principum æquè, ac Sanctorum Antistitum auctoritate firmatis, quibus declaratum est, usquè ad certam, modò quartam, modò septimam, generationem contrahi matrimonia non debere. Notandæ profectò recentiorum harum legum formulæ, quibus non de gradibus, sed de generationibus mentio facta proponitur, can. 1. 3. 12. 16. 17. 18. 20., & 21. caus. 35. quæst. 2. Nomen gradus in utraque transversa linea locum habet, sive in ea, quâ ascenditur ad communem stipitem, sive in ea, quâ descenditur, cum per gradus ascendamus æquè, ac descendamus; quamobrem, ubi graduum mentio fit, tot gradus constituimus, quot sunt personæ in utraque transversa linea, ut ex. gr. duo nepotes ex duobus filiis nati in quarto gradu constituti dicantur, cum sint ab uno ex nepotibus gradus duo ascendendo ad avum, totidem gradus ab avo ad alterum ex nepotibus descendendo. At nomen generationis, quo sacrorum canonum auctores usi fuerunt, significat primum generantis stipitis actum per varios descendantium veluti surculos, ramosque diffusum; ideoque cum à communi stipite exordium fiat usquè ad remotiorem, ut vocant, geniculum, duplicatis personis, quæ per transversas generationes descendunt, fit computatio. Mea hæc, qualiscumque tandem habeatur interpretatio, dixerim etiam utriusque Juris conciliationem, consonare videtur cum sententia Magni Gregorii, relata apud Gratianum in can. 20. caus. 5. quæst. 2., atque ab Alexandro II. in dicto can. 2. caus. 35. quæst. 5. versic. *Hanc computationem.* Vixerat Gregorius paulò post tempora Justiniani, id est, sub finem sexti sæculi; callebat ergò modum computandi Justinianum, scilicet ut fratrum filii in quarto gradu constituti dicerentur; attamen quartum illum gradum, non quartam, sed secundam generationem appellavit. Erant ergò Gregorio in secunda generatione,

qui erant in quarto gradu: ergò gradus est à generatione distinctus, & generationum numerus duplicato ferè graduum numero computatur.

De Epistola ad Gebonardum Vivariensem Episcopum.

Quæ adnotanda occurrunt ad can-

Can. 1. caus. 7. 2. jam satis ad-

notavit Baluzius in notis ad Gratianum, q. 2.

scribens in tribus Gratiani codicibus hanc exhiberi inscriptionem: *Vnde Alexander II. scribit Gebonardo Vivaniensi Archiepiscopo, in alio Vinanensi, in alio recentiore Viennensi:* deindè verò non potuit probare vulgarem Gratiane codicis editionem ex eo, quod Vivariensis Episcopus nunquam metropolitico honore gavisus fuerit, qualis dicitur in codicibus Gratiani, item ex eo, quod nullus ea tempestate fuerit Gebonardus Episcopus Vivariensis. Hinc concludit, ita legendum esse: *Alexander II. Gebonardo Juvenensi Archiepiscopo, id est, Salzburgen si, quam lectionem facile probare unusquisque potest ex codice Iwonis parte 6. Decreti cap. 405., & vetere canonum collectione MSS., quam fuisse Claudii Puteani Baluzius idem testatur. Porro Gebonardum tenuisse Cathedram Juvenensem temporibus Alexandri II. liquet ex ejus vita, ab Henrico Canisio edita, in tom. 6. lectionis antiquæ pag. 1227., & ex Sigeberto in lib. de unitate Ecclesiæ pag. 94. in editione Basileensi Simonis Seardi. Demù notat Baluzius, similem emendationem faciendam fuisse capiti *Quod interrogasti dist. 27.*, & in caus. 1. quæst. 1. cap. 4. His nihil addi posse videtur, nisi fortè quisquam exoptaret, ut canon hoc in loco describatur, qualis est apud Iwonem parte 6. cap. 405. tanquam apud auctorem coevum, ex quo Gratiani editio sit emendanda. Iwonis monumentum ita exhibetur: *Alexander II. Genobardo Iuvensi Archiepiscopo. In literis tuis continebatur sic: Hic Clericus ordinem habet presbyterii; sed quia ad uno morbo laborat, & ipsi hoc in presen-**

tia-

tiarum agnoscimus, non ausi sumus ei concedere, ut offerret, vel missam celebraret. Quia vero languor non in culpa est, super hoc re auctoritatis nostra decreto consulendum liberavimus. Consulimus itaque, ut, si frequenter hoc morbo tangitur, ab oblatione omnimodis, & missarum celebratione prohibeat. Indecens enim est, & periculosissimum, ut hoc ei accidat, quatenus in consecratione Eucharistiae morbo victus epileptico cadat. Si vero Dei misericordia convaluerit, quandoquidem non culpa, sed infirmitas est in causa, eum sacrificare jam non interdicimus.

De Epistola ad Grimaldum Constantiensem Episcopum.

^{Can. 1. dist. 52.} Non est dubitandum, quin canon 1. dist. 52. jure tribuendus sit Alexandro II., cuius nomine ab Ivone coævo auctore descriptus legitur. Verum juvabit hoc in loco ipsa Ivonis verba exarare, ut pote quæ paulò dissonant à verbis Gratianei. Scripsit Ivo in parte 6. Decreti cap. 409. *Alexander Secundus Rumaldi Constantiensi Episcopo. Sollicitudo dilectionis tuae studuit consulere, utrum poritor istarum literarum Diaconatus, & Presbyteratus officium sit idoneus peragere, necne: cum ad id prepropero cursu, videlicet sine Subdiaconatus ordine, negligientia potius, quam superbiam, cognoscatur ascendisse. Unde nos consulendo charitati tua mandamus, ut ab officio Sacerdotali eum prohibeatis, donec proximo quatuor temporum jejunio Subdiaconatus ministerium sibi ritè imponas, & sic deinceps ad majora officia eum redire conendas. Simile quoddam monumentum sub Alexandri II. nomine edidit Mansius in supplemento Labbeano tom. 1. pag. 1330. ex MS. Codice Pistoriensi, ibi: Alexander II. Quidam in clericalibus officiis educatus Subdiaconatus gratum suscipere neglexit, & Diaconatus, ac Presbyteratus honorem, non quidem ambitiosè, sed negligenter concendit. In quo præceptum canonicum non nos invenisse meminimus; consilium autem ex prerogativa autoritatis Apostolice damus. Ab utriusque itaque, id est, Sacerdotali, & Leviticæ, quos inordinate suscepit, officio suspendatur, donec congruo tem-*

pore intersit ejus, qui ad Subdiaconum benedicendum honorem, & cum eis Subdiaconatus suscipiat benedictionem. Prius tamèn discutendum, si ejus vita digna officio habeatur, & sic si vitæ canones non obviaverit, in priore ordinatione Diaconus, & Presbyter teneatur. Nolo sanè, ut quisquam præferat Pistoriensem hunc canonom canoni Ivoniano; etenim ab obscuris quibusdam fragmentis ego facile recedendum puto, ubi antiquiores codices nobis, & publicæ utilitati supersunt, præsertim cum recentiora, quæ prodeunt, corrupta esse, vel ipsa verborum compositio demonstrat. Itaque cum Ivonem sequor ad emendationem Gratiani, animadverso in primis pro nomine Grimaldi Episcopi Constantiensis, quod apud Gratianum occurrit, legendum esse nomen Rumaldi, quem sanè Constantiensi Ecclesiæ temporibus Alexandri II. præfuisse scimus, eidemque in Cathedra successisse Carolum, de cuius simoniaca ordinatione actum est in Concilio Moguntino anni 1071. Deinde etiàm colligimus, temporibus Alexandri II. jam invectam fuisse disciplinam illam, juxta quam nemo ad majores ordines promoventur, nisi qui primum in minoribus ordinibus functus officio fuisse.

De Epistola ad Guillielmum de Monstrolio.

<sup>Can. 10. caus. 35. caus. 35.
q. 6.</sup> Quod legitur in canone 10. caus. 35. q. 6. habetur eisdem verbis apud Ivonem in cap. 32. partis 9. Decretis; tantum discrimen adparet in inscriptione canonis, ubi legitur: *Alexander II. Guillermo de Monasteriolo*; in aliquot Gratiani codicibus legitur *de Monstrolico*. Sed parum interesse videtur alterutram sequi lectionem. De rei veritate non dubito, statim ac apud Ivonem habemus firmissimum utpote coævi scriptoris testimonium. Adnotare possumus, disciplinam illius temporis fuisse, ut propria, eique similes causæ in Episcoporum Conciliis examinarentur, quod tunc tem-

temporis decebat maximè ab Alexandro II. insinuari, quod ad dirimendas consanguineorum controversias acerrimè à plurimis disputabatur, quemadmodum superius dicendum fuit ad interpretationem canonis 2. caus. 35. quæst. 5.

De Epistola ad Landulphum in Corsica.

Canon 2. caus. 33. q. 5. supplementus erit ex Decreto Iwonis parte 8. cap. 220., quod idem est cum epistola Alexandri II. undecima apud Labbeum; neque enim Gratianus integrum retulit monumentum, sed eam tantum descriptum monumenti partem, quæ satis proposito suo facere sibi videbatur. Habet Ivo. *Alexander Papa II. Landulpho in Corsica. Notificasti, te morte tenus infirmatum, & peccatorum tuorum recordatione, & terrore valde pavesactum, anxie quasissime monachum fieri, & à tua uxore minis, & terroribus eam occidendi, ad hoc liceniam extorsisse; & sie te monasticam vestem sine abbe sumpsisse, & monasterium petuisse. Postea verò cum sanus factus essem, tua uxoris reclamationibus, ejulationibus, & planctibus, tueque familia dispersionibus, utpote pænitens (ad marginem in Decreto Iwonis adnotatur, legi in aliis codicibus, utpote penitus) devictus domum remeasse, & post multos dies quorundam sapientum consilio ad jam dictæ cubile mulieris rediisse. Nunc autem si tibi tua uxore uti liceat, nostrum requiris consilium. Si ita denique est, ut tuus nuncius narrat, non videtur nobis rationabiliter, neque sanâ mente id factum; quoniam cum omni homini ad monachicam vitam tendenti legaliter sancte, & justè sit peragendum, tu contrà leges minaciter, & violenter à tua uxore, partim terrore mortis, partim tua infirmitatis doloribus exanimatus, devia secutus, nulla, ut dicitur, licentia accepta recessisti, & Monasterium petisti. Non enim violentia, sed ex pari voluntate & consensu, sicut sancti Patres dicunt, hoc fieri debet: neque vir in monasterium recipiendus est, nisi uxor illius fæmineum monasterium elegerit, aut professam continentiam, habitum cum festinatione mutaverit. Sanctus enim Basilius de hac re taliter di-*

cit: Siquis conjugatus vult converti ad monasterium, non est recipiendus, nisi prius à conjuge castimoniam profiente fuerit absolutus. Nam, si illa, vivente illo, per incontinentiam alteri nupserit, procùl dubio adultera erit, nec recipitur apud Deum ejusmodi viri conversio, cuius sequitur conjugalis fæderis prostitutio. Tales igitur tunc sine culpa relicto seculo sequuntur Christum, si habeant ex pari voluntate castitatis consensum. Itaque, fili carissime, perpende, & vide, si sic canonice à tua es absolutus uxore, & tua uxor ita pollicita est, & tu, & illa adimplere bonum inceptum, & votum vestrum: aliter autem non debemus yobis necessitatem imponere separationis.

De Epistola ad Rainaldum Cumamnum Episcopum.

Canonem 11. caus. 2. quæst. 5. ^{Can. 11. caus. 2.} rectè tributum fuisse Alexandro II. jam superius demonstratum est in cap. 59. ad canonem 7. eadam causâ, & quæstione pag. 104., ubi integrum Alexandri Papæ monumentum ex Iwonis codice describendum volui, nimis ex epistola 74. ad Hildebertum Cenomanensem Episcopum. Eadem etià leguntur apud Iwonem in parte 10. cap. 15. Decreti; quamobrè nulla superstite dubitatio, quin sententiam illam unusquisque Alexandro facilè tribuat, cui etià jungi poterit, imò & debebit versiculus Purgationem, qui habetur in can. 7. caus. 2. quæst. 5., quemadmodum etià adnotavit Mansius in tomo 1. Supplementi Labbeani pag. 1347. quemadmodum etià ego laudato in loco animadverti.

De Epistola ad Valerianum Episcopum Martyrem.

Adnotavit Baluzius in notis ad Gratianum ad canonem 4. caus. 24. quæst. 1. inscriptionem ejusdem canonis esse corruptam in omnibus Gratiani exemplaribus manuscriptis, & editis: rectè autem apud Iwonem parte 14. Decreti cap. 57. legi: *Guillelmus Marioni;* in Pa-

normiæ editionibus lib. 5. cap. 135. autem ut apud Gratianum, quamquam in optimo Panormiæ codice Victorino ita habeatur: *Vnillermo Martinioni*. Concludit autem Vir eruditus, *querendum dñm ceps esse, quis fuerit ille Marchio Vnillermus*. Lucem quamdam præferre obscuræ rei jama visa est hæc adnotatio Baluzii; hinc facile nobis possumus persuadere, immutandam in primis esse Gratiani inscriptionem, ut cum Ivone coævo auctore legamus: *Alexander II. Guillelmo Marconi*, seu verosimilius *Marchioni*; neque enim congruit Alexandri Papæ temporibus nomen *Martyris*, quod solebat primis Ecclesiæ sæculis significare Episcopos in carceribus detentos, vel exilio pulsos *Æthnicorum* tyrannide: neque præterea possum assentiri illorum opinioni, qui pro voce *Martyri* legunt *Mariuri*, nomine desumpto ab Episcopatu Marturani urbis, in Calabria sitæ; etenim Marturana urbs non Ravennati, sed Consentino Archiepiscopo subest, propterea non facilè evenire potuit, ut Martur ille Episcopus à Ravennate Metropolita sententiam passus fuerit excommunicatis. Itaque vel Gratiani codicis Amannienses pro *Guillelmo*, sive *Vvilielmum* scripserunt *Valeriano*, & pro *Marchioni* scripserunt *Martyri*. Quâ re suppositâ, amplius progredior, & puto Willielmum illum fuisse Comitem Northmannum, qui dein S. Eduardo in Angliæ Regno successit, cuius meminit tanquam in Germania existentis Baronius ad annum 1064. num. 43. Tunc temporis Archiepiscopus Ravennensis nomine Wibertus adhæserat Henrico IV. Germanorum Regi, ut scribit Hieronymus Rubeus in lib. 5. Histor. Ravvenat., eamque ob rem, uti scribit Joannes Monachus in vita Petri Damiani cap. 21., pro sua protervia sententiâ Romane Synodi olim fuerat communione privatus, qui tamècum nimia temeritate nequaquam ob illatam sibi sententiam tremefactus ab Archiepiscopali temperaret officio, consentaneum sibi populum sùa contagione miserè fadavit, totamque Ecclesiam illicitis ausibus profanavit. E converso Romanis Pontificibus acceptissimus

Tom. III.

suit Willielmus, quem præ ceteris Borealis Principibus à Gregorio VII. etiam atque etiam commendatum fuisse scribit Baronius ad annum 1074. num. 65. imò excitatum ab Alexander II. quasi Virum de Sede Apostolica optimè meritum ad capessendum Anglorum Regnum, ad se delatum testamento Sancti Eduardi, testantur Ingulphus, & Matthæus Vvestmonasteriensis. Huc spectat epistola 10. inter Labbeanas Alexandri II. ad eundem Vvilielmum scripta, ubi inter cetera scribit Alexander: *Omnipotenti Deo laudes, gratiasque referimus, quod in hoc tempore licet mundus in maligno positus plus solito prævis incumbat stuïus, tamen inter mundi Principes, & Rectores egregiam vestrae Religionis famam intelligimus, & quantum honoris Sanctæ Ecclesiæ, tum simoniæ heresis vires opprimendo, tum catholicæ libertatis usus, & officia confirmando, vestra virtus impendat, non dubiâ relatione cognoscimus*. Cum hæc vera sint, verosimile admodum est, inter Vvilielmum eundem, & Ravennatem Archiepiscopum exortas fuisse simultates, quarum causâ sicut Ravennas Antistes potuit sententia sua Vvilielmum damnare, ita Vvilielmus idem potuit auctoritate, & sententiâ Romani Pontificis erigi, ne sententiam ab Episcopo damnato pronunciata extimesceret. Verba canonis, qualia habentur apud Ivonem, hæc sunt: *Audivimus, quod Henricus, Ravennas dictus Archiepiscopus, nisus sit te excommunicare: quod quia excommunicatus te excommunicare non potuit, apostolicâ auctoritate te, tuosque absolventes, mandamus exinde non curare*. His videor facilè adsecutus & sententiam, & interpretationem canonis, nisi forte quemquam adhuc jure moretur, quod dicitur in canone, *Henricum Ravennatem Episcopum fuisse, quandò aliàs non ignoretur, non cum fuisse Henricum, sed potius Vuibertum*. Sed hæc difficultas, quæ statim suo momento non carere videtur, facilè evanescit in conspectu Gratianorum quorundam vetustissimorum exemplariorum, in quibus ita legitur: *Audivimus, quod hereticus Ravennas, &c. Ita-*

Yy

quæ

quæ non *Henricum* legemus, sed *hæreicum*, qualis tunc temporis appellari solebat, qui eadem navi vehebatur cum *Hericianis* omnibus, quibus *Vuibertus* adhærebat.

*De ceteris Capitibus, Alexandro II.
adtributis.*

Plurima adhuc supersunt capita, *Alexandro II.* tributa, quæ leguntur definita in Concilio Romano, sub eodem Pontifice celebrato, centum, & amplius Episcoporum, anno 1063. adversus *Simoniacos*, & recentiores *Nicolaitas*. Cumque in hac Synodo eadem ferè statuta fuerint duodecim canonibus editis, quæ pridè decreta fuerant à *Nicolaو II.*, *Gratianus* non infrequentè canones ipsos utriusque Pontificis nomine laudandos voluit. Hujusmodi sunt in primis canones 109. & 110. caus. 1.

Can. 109. quæst. 1., qui, ut superiùs tradidi, editio
& 110. caus. 1. ti jam fuerunt à *Nicolaو II.*, ac posteà
9. 1. renovati perhibentur ab *Alexandro* in

cap. 1. & 2. memorati Concilii his verbiis: In cap. 1. Primo namque, inspectore Deo, sicut à *Sancto Papa Leone*, & à sancta memoria Papa *Nicolaو* primum statutum est, erga *Simoniacos* nullam misericordiam in dignitate servanda habendam esse decernimus, sed juxta canonum sanctiones, & decreta Sanctorum Patrum, eos omnium damnamus, ac in Ecclesia non praesesse Apostolicā auctoritate sanctimus. In cap. 2. De his autem, qui non pecuniam, sed gratis sunt à simoniacis ordinati, quia quesita jam à longo tempore diutiis ventilata est quæstio, omnem nodum dubietatis absolvimus, ita ut super hoc capitulo neminem deinceps ambigere permittamus. Quia igitur usque adeò hac venenata perniciès hæc tenet inolevit, ut vix qualibet Ecclesia valeat reperiri, que hac morbo non sit aliqua ex parte corrupta, eos, qui usque modò gratis sunt à simoniacis ordinati, non tam obtenuit justitie, quam intuitu misericordiae, in acceptis ordinibus manere permittimus, nisi forte alia culpa ex vita eorum secundum canones eis obsistat. Tanta quippe talium multitudo est, ut dum rigorem canonici vigoris super eos servare non possumus, necesse sit, ut dispensatione ad piæ condescen-

sionis studium nostros animos ad præsens inclinemus. Ita tamen, ut auctoritate Sanctorum Apostolorum Petri, & Pauli omnimodis interdicamus, ne aliquis Successorum nostrorum ex hac nostra permissione regulam sibi, vel alicui sumat, vel præfigat: quia non hanc aliquis antiquorum Patrum jubendo, aut concedendo promulgavit, sed temporis nimia necessitas permittendo à nobis extorsit. De cetero autem statuimus, ut, si quis in posterum ab eo, quem *Simoniacum* esse non dubitat, se consecrari permiserit, & consecrator, & consecratus non disparem damnationis sententiam subeant, ut iverque depositus agat pénitentiam, & privatus ab ea propria dignitate persistat. Sic descripti integri canones perspicue indicant, quænam fuerit *Alexandri* sententia.

In capite 3. 4. & 5. ejusdem Roma-
dist. 32. his
næ Synodi legitur canon 6. dist. 32. his
verbis: In cap. 3. Præter hac autem preci-
piendo mandamus, ut nullus missam audiat
Presbyteri, quem scit concubinam indubitam-
ter habere, vel subintroductam mulierem. Un-
de sancta Synodus hac à capite sub excommu-
nicatione statuit, dicens: *Quicumque Sacer-
dos, vel Diaconus post constitutum B. meno-
rie Predecessoris nostri Sanctissimi Papæ Leon-
nis, aut Nicolai, de castitate Clericorum, con-
cubinam duxerit palam, vel ductam non reli-
querit, ex parte omnipotentis Dei, & auto-
ritate Apostolorum Petri, & Pauli precipimus,
& omnino interdicimus, ut non cantet mis-
sam, neque evangelium, neque epistolam ad
missam legat, neque in presbyterio ad divina
officia cum his, qui prefatae constitutioni obe-
dientes fuerint, maneat, neque partem ab Ec-
clesia suscipiat. In cap. 4. Et præcipientes sta-
tuimus, ut hi prædictorum ordinum, qui iisdem
Predecessoribus nostris obedientes castitatem
servaverint, juxta Ecclesias, quibus ordinati
sunt, sicut oportet religiosos Clericos, simili
manduent, & dormiant, & quidquid eis ab
Ecclesia competit, communiter habeant. Et
rogantes monemus, ut ad apostolicam commu-
nen vitam summoperè pervenire studeant,
quatenus perfectionem consecuti, cum his, qui
centesimo fructu ditantur, in caelesti patria
mereantur adscribi. Et in cap. 5. Ut decima,
primitiæ, seu oblationes vivorum, & mortuo-
rum reddantur à laicis, & in dispositione Epis-*

can. 6.
dist. 32.

coporum sint; quas qui tenuerit, à Sancte Ecclesie separetur communione.

Ad idem Concilium referendus erit

*Can. 20. caus. 16. quæst. 7., in quo
caus. 16. continentur tria Synodi capita, nimi-
q. 7. rùm 6. 7. & 11. In cap. 6. hæc haben-
tut: Ut per laicos nullo modo quilibet Clericus,
aut Presbyter obtineat Ecclesiam, nec gratis, nec
pretio. In cap. 7. Nec aliquis Presbyter duas
Ecclesias obtineat. In cap. 11. Ut nullus ha-
bitum monachalem suscipiat, spem, aut pro-
missionem habens, ut Abbas fiat. Nemo sta-
tim non videt, has Constitutiones fuisse
illis temporibus maximè opportunas.*

*Can. 17. caus. 35. q. 2. Demùm hùc etiàm referri posset
canon 17. caus. 35. quæst. 2., licet enim
iste describatur nomine Nicolai II., ju-
re tamèn pertinere etiàm videtur ad
eamdem Romanam Synodum; in cuius
cap. 9. hæc leguntur: Et ut de consanguini-
nitate sua nullus uxorem ducat usquè ad septi-
mam generationem, vel quousque parentela
cognosci poterit, quod priùs à Nicolao II. sta-
tutum fuit. Et in cap. 10. Et ut laicus, uxo-
rem simil habens, & concubinam, non com-
municet Ecclesia.*

*Can. 13. dist. 56. In aliquot Gratiani editionibus de-
pravata fuit scriptura canonis 13. dist.
56. in fine; ubi enim antiquiores om-
nes habent: Nam pro eo, quod filius Sacer-
dotis dicitur, si ceteræ virtutes in eum conve-
niant, non rejicimus, sed suffragantibus me-
ritis connivendo eum recipimus, perperam in
aliquot recentioribus errato, ut puto,
Typographorum legitur: Nam pro eo,
quod filius Sacerdotis dicitur, si ceteræ vir-
tutes in eum convenient, non recipimus.
Ceterum non arbitror, in hoc cano-
ne satis firmum juvandæ ecclesiasticæ
disciplina præsidium posse collocari;
etenim non alterius testimonio fulcitur,
quam Anselmi Collectoris, quem sine
delectu germanis monumentis passim
apocrypha, miscuisse, eruditis Viris pers-
picue constat. Falsitatis suspicio in hac
parte non levis etiàm emergit ex eo,
quod canon ille parum congruere Ale-
xandri II. temporibus videatur. Etsi
enim circè finem undecimi sæculi veti-
tæ fuerint ordinationes spuriorum, ac*

præsertim filiorum ex Presbyteris des-
cendentium, plurimùm tamèn ve-
reor, ne illud interdictum Alexandri
II. temporibus adhuc prodiisset, cum
in Conciliis Alexandri II. plura qui-
dèm inveniamus, quibus apparet aut
Simoniacos, aut incontinentes Cle-
ricos à sacris officiis fuisse remotos,
nihil tamèn specialitè de filiis Pres-
byterorum cautum adpareat: quam-
obrèm non video, quâ ratione scribere
potuerit Alexander se ex conniventia
Presbyteri filium recipere, quasi ex dis-
pensatione generalis jam præstitutæ per
editos canones disciplinæ. Quædam ve-
luti imago recentioris disciplinæ adpa-
ruit sub finem decimi Ecclesiæ sæculi;
non tamèn formata generalibus decretis
Conciliarum, vel Summorum Pontifi-
cum, sed potiùs singularibus quorum-
dam Capitulorum, seu Collegiorum sta-
tutis, & pactionibus: Eo namquæ tempore
(sunt verba Christiani Lupi) Duces, &
Comites suos passim ex ancillis bastardos vio-
lenter intrudebant in sacras dignitates, atque
ita servili simil, atque adulterino sanguine
fædabant Ecclesias. Adversus illos solemni ju-
ramento se adstrinxerunt plura Capitula, de
nullis deinceps in suum Collegium admittendis
bastardis, nullisque servis, nisi ex Ecclesiæ sue
familia legitimè natis. Deinde primùm hac
in re editus adparet canon in Concilio
Pictaviensi anni 1078. tempore Grego-
rii VII. celebrato, relatus in cap. 1. de
filiis Presbyter. apud Gregorium IX.;
quæ tandem disciplina passim ad omnes
ferè Ecclesias traducta fuit, ex Con-
stitutionibus variarum Diœcesanarum Sy-
nodorum, inter quas recenseri potest
Claromontana anni 1095. can. 25. At-
que id maximè congruum videbatur,
ut & Clerici incontinentes quoquo mo-
do plecerentur, & nonnullorum laico-
rum beneficia ecclesiastica suis conferen-
tium excessus coerceretur.

Canon 11. caus. 16. quæst. 6. auct. 11.
toritate Iovonis Carnotensis coævi Col- caus. 16.
lectoris innititur; nam Ivo in parte 7.
Decreti cap. 151. hæc scribit: Alexander
II. Clero, & Populo Florentino: Juxta Chal-

redonensis tenorem optimi Concilii, cuius series adnectitur inferius, Monachis quamvis religiosis ad normam S. Benedicti inter claustra morari præcipimus: vicos, castella, civitates peragrare prohibemus, à Populorum omnino prædicatione cessare censuimus; nisi forte quis de sue salute animæ sollicitus, ut eorum habitum assumat, eos intrâ claustrum consulere voluerit. Canonis hujus ut integra, & temporum adjunctis admodum interprætatio habeatur, animadvertendum est, exortum fuisse tunc in Florentina Civitate dirum schisma, auctoribus quibusdam Monachis, quorum caput in contentione erat Thesus & ipse Monachus, quemadmodum refert Baronius ad annum 1063. num. 7. & sequ. Siquidèm Monachi illi populum ferè universum concitaverunt adversus Petrum Florentiae Episcopum, quem simoniacè electum prædicabant, atque turbas, comitiaque facientes, à rebus sacris à Petro celebratis abhorabant, eaque veluti sacrilegia damnabant: hinc palam suadebant, non in urbe Sacra menta esse suscipienda, sed extrâ urbem in monasteriis: imò quoties baptizandum esset, ipsi Sacramentum regenerationis administrabant, utentes aquâ non chrismate benedictâ, ne chrisma à Simoniaco consecratum tangerent. Tanta fuit, ac tam perniciosa seditio, ut opus fuerit eo Alexandri Papæ decreto, quo Monachorum illorum inopportuna temeritas cohiberetur. Sanè, hujusmodi tempora passim Monachorum, & Clericorum contentionibus occasionem præbuisse, nemo ignorat; cum ob lugenda Clericorum plurimorum vitia nonnullis visa fuerint Sacra menta per Monachos religiosius administranda. Et quidèm alicubi res bene cessit; alicubi verò, ubi acriores fuere contentiones, vix congruum adferri medium potuit. Hinc Alexander idem II. in epistola ad Lanfrancum Cantuariensem Episcopum, quæ est 39. apud Labbeum, redarguit nonnullos Anglicanos, qui Monachos omnino à clericis officiis expellendos voluerint, ibi: *Acceptimus à quibusdam venientibus de partibus*

*vestris, quid quidam Clerici associato sibi laicorum auxilio moluntur de Ecclesia S. Salvatoris Monachos expellere.... hoc adjicere conantur, ut in omni Sede Episcopali ordo Monachorum extirpetur, quasi in eis non rigeat auctoritas religionis. Viceversa ipse Alexander in adprobatione Congregationis Monachorum Eremitarum Camaldolensium Ordinis S. Benedicti, quæ habetur in Bulario Romano, veritus, ne forte aliquando Clericorum invidiam in se Monachi concitarent, ita cavit in §. 4. *Volumus, & constituimus, ut jam dictum oratorium cum cellis suis omni tempore eo modo, atque tenore, quo prius inchoatum est, & ad nostra usque tempora productum, maneat in suo vigore, atque stabilitate, scilicet ut semper eremitico tramite contemplativa vita celsitudine perseveret; nec liceat cuiquam unquam aut abbatem ibi ponere, aut cœnobium facere, sed semper solitaria vita locus ipse sit deditus, & seruitate continuâ dedicatus.**

Testatur Baluzius in notis ad *Gatianum*, in *Panormia* edita Basileæ, inscriptionem canonis 1. caus. 17. quæst. 2. hanc esse: *Calix III. Hugoni Treverensi, & Theorico Virilinensi Episcopo*; in editione autem Lovaniensi lib. 3. cap. 183. hanc esse: *Calix III. Hugoni Treverensi, & Theorico Verdunensi Episcopis*; melius in codice Victorino: *Alexander II. Hidoni Tervirensi, & Theodoro*. Mihi recedendum non videtur à Decreto Iovonis coxvi collectoris, unde non tam inscriptionem canonis, quam canonem ipsum integrum describere possumus. Habet Ivo in parte 6. cap. 428. *Alexander II. Udoni Ereverensi, & Theodoro Virginiensi, Episcopis Præsentium lator Cosaldus Presbyter, ad limina Apostolorum veniens, querelam Apostolicæ Sedi depositus, beneficia, & altaria, quæ per canonicam Virginiensis Ecclesie obtinere solebat, à quadam Diacono Richeria nomine sibi ablata esse*. Dixit enim, quid quondam in infirmitate fervore passionis oppressus Monachum se facere promiserit, non tamè ut monasterio, vel Abbatia se tradiderit, vel præmissionem scriperit; sed confiterit, quid præstatum beneficium in manu Advocati Ecclesiæ refutayerit. At, postquam convulxit, Monachum

Can. 17.
caus. 17.
q. 2.

ebum facere mōx negavit. Dixit etiā, quod, eum infirmus jaceret, p̄dictus Racherius beneficium suum ab Episcopo Virdunensi adquirere potuisset, quia dixit eum Monachum jam factum esse. Causa differtur in Treverensem Synodum, in qua p̄fatus Richerius Diaconus malā fide adquisisse, ac male intrasse convictus est. Quapropter, quia B. Benedicti, canonicaque, & p̄cipue Patris, & Predecessoris nostri S. Gregorii Pape constitutio interdicit, ante unius anni probationem effici Monachum, si ita est, ut dixit, judicamus, & auctoritate apostolica p̄cipimus, ut diligentia vestra, atque clementia horum portitor, Cosaldus Presbyter videlicet, beneficia, & altaria recipiat, habeat, & quiete reimeat. Memoratæ hujus Trevirensis Synodi mentionem facit Mansius in tom. I. Supplementi Labbeani pag. 1371.

Verba canonis 22. caus. 17. quæst.

Can. 22.
caus. 17.
q. 4.

referenda videntur ad canonem 30. Concilii Constantinopolitani, in templo S. Sophiæ habiti à Photio, ubi ita legitur ex interpretatione Beveregii: Si quis laicus, auctoritate usus, divinis quidem, & regiis jussis contemptis, reverendisque Ecclesie ritibus, & legibus irrisis, aliquem Episcopum verberare ausus fuerit, vel in custodian tradere, vel sine causa, vel aliqua conficta causa, iis sit anathema. An hæc, similisve sententia Alexandro II. tribui quoquo modo possit, plurimū dubito, ex eo, quod nec apud Iwonem, nec apud alios Collectores coævos aliquid tale sub Alexandri nomine reperiatur, nisi forte quemquam detinere posset epistola ad Clerum Vvulturnensem, quæ est 30. inter Labbeanas, eruta ex Decreto Iwonis parte 10. cap. 16., ubi pœnitentia infligitur adversus percussores, atque occisores Presbyterorum. Non immoror in voce illa priorum interpretanda; ubi enim Gratianus immutavit canonum verba, quid interest, privati Collectoris sententiam investigare? Mihi satis est retulisse Synodi Photianæ verba, tanquā illa, ad quæ Gratianeus canon exigatur, licet deinde Synodi illius auctoritas nihil habeatur.

Nou est quoque, cur immoror in

can. 5. caus. 35. quæst. 5., ut potè can. 5.
quem satis expenderunt Romani Cor- caus. 35.
rectores, adseverantes illum non esse q. 5.
Alexandri, sed usquæ ad §. uxor esse Gregorii Polycarpi, qui in lib. 6. suæ Collectionis postquam Constitutionem Alexandri II. retulit, quæ habetur apud Gratianum in can. 2. caus. 35. quæst.
5. hæc verba de suo adjecit: Quod autem frater, soror uxoris tue cognati tui dicuntur, equivocationis jure fit, & necessitate vulgaris appellationis potius, quam ullâ causâ cognationis. Imprudens Gratianus putavit hæc esse Alexandri, cui propterea statim adscripsit. Quæ verò sequuntur, accepterat Polycarpus ex Isidoro in lib. 9. Ethimologiarum cap. ult. ibi: Fratris uxor fratrissa vocatur: mariti frater levir dicitur: Duorum inter se fratrum uxores janitrices vocantur, quasi eandem januam terentes, vel per eandem jannam iter habentes. Viri soror glos appellatur. Sororis vir speciale nomen non habet, nec uxor's frater. Consonant hæc etiā cum l. 4. §. 6. ff. de gradibus, & afiliis, ubi Homeris auctoritate & viri frater levir, & duorum fratrum uxores non janitrices, sed inateres appellantur; ubi etiā viri soror galos apud Græcos dicitur, glos apud Latinos, quo pertinet versus Horatii: Vitricus, atque audax sequitur cum glote noverca.

Apud Iwonem in parte 2. Decreti cap. 81. eisdem verbis refertur canon Can. 53. de cons. dist. 1.: neque ego dubitarem, quominus jure tribuendus esset Alexandro II., si Alexandro II. idem Ivo adscripsisset. Verum tantum Alexandrum Papam nominavit, quin indicaret, primusne esset, an secundus. Quamobrem res admodum incerta esse videtur, eo vel magis, quia similia quædam habentur in excrationibus Egberti Eboracensis, Alexandro II. longè antiquioris; nam in cap. 54. ita legitur: Et sufficit Sacerdoti unam missam in una die celebrare, quia Christus semel passus est, & totum mundum redemit: in Levitico quoque scriptum est, non debere Aaron ingredi assidue ministerius in Sancta. Hinc non videtur adsen- tiendum Severino Binio, qui cum cano- nem

nem referendum putavit ad Synodum Romanam, sub Alexandro II. celebratam, ut ut inter ejusdem Synodi canones desideretur. Intercà verò non video, sententiam ejusdem canonis temporibus Alexandri II. dissonare. Etenim cum ea àestate plures essent Sacerdotes simoniaè ordinati, ut acta illius temporis passim testantur, facilè eo adducebantur ex avaritia, ut missarum sacrificia quo-

tidiè ingeminarent turpis lucri causâ, præsertim quod, ut scribit Petrus Damiani in lib. 5. epist. 15., privataram jam invectus esset usus eleemosynarum, & extrà Ecclesiam datarum: quamquam hic usus post sæculum demum duodecimum generaliter in latina Ecclesia obtinuerit, quemadmodum docet Mabillo-nius in præfatione ad 1. partem sæculi 3. Benedictinorum num. 62.

C A P U T LXXXIV.

De Gregorio VII.

Gregorio VII. Pontifici hæc apud Gratianum capita tribuuntur.

Ex statutis Conci- lli Romani.

Ex Epist. ad Wit-mundum Episco-pum Aversanum.

Ex Epist. ad om-nes per Regnum Italicum, & Theu-tonicum.

Ex Epist. ad He-riemannum Me-tensem Episco-pum.

- | | |
|--|--|
| <i>Can. 1. dist. 83. referendus ad Concilium Romanum V.</i>
<i>Can. 113. caus. 1. quest. 1. referendus ad Concilium Roma-num V.</i>
<i>Can. 124. caus. 1. q. 1. referendus ad Concilium Romanum V.</i>
<i>Can. 3. caus. 1. q. 3. referendus ad Concilium Romanum V.</i>
<i>Can. 103. caus. 11. quest. 3. jungendus cum can. 4. caus. 15. q. 6.</i>
<i>Can. 4. caus. 12. q. 2. referendus ad Concilium Romanum V.</i>
<i>Can. 4. caus. 15. q. 6. exigendus ad Concilium Romanum IV.</i>
<i>Can. 1. caus. 16. q. 7. referendus ad Concilium Romanum V., & emendandus.</i>
<i>Can. 12. caus. 16. q. 7. referendus ad Concilium Romanum VII.</i>
<i>Can. 13. caus. 16. q. 7. referendus ad Concilium Romanum V.</i>
<i>Can. 6. de pen. dist. 5. referendus ad Concilium Romanum V. & ex eo emendandus.</i>
<i>Can. 69. de cons. dist. 1. referendus ad Concilium Romanum V. & emendandus.</i>
<i>Can. 15. de cons. dist. 5. ad alios sæculi xi. codices exigendus.</i>
<i>Can. 31. de cons. dist. 5. referendus ad Concilium Romanum V.</i> | <i>Can. 5. dist. 8. temporibus Gregorii facile accommodatus.</i>

<i>Can. 15. dist. 81. pertinet ad Concilium Romanum anni 1074.</i> |
|--|--|

- | | |
|--|--|
| <i>Can. 9. dist. 96.</i>
<i>Can. 3. caus. 15. q. 6.</i> | <i>similis jungendi, atque ad optimorum Scriptorum monumenta exigendi.</i> |
|--|--|

Can.

Adjiciuntur.

} Can. 13. caus. 1. q. 3. pertinere videtur ad Concilium Roma-
 num V.
 } Can. 3. caus. 16. q. 7. idem est cum can. 13. caus. 1. q. 3.

Postquam Romani discissi fuerunt ab Imperio Græcorum, vix quisquam inveniet, per plura succedentia sæcula Occidenti universo firmam aliquam, aut diuturnam pacem, tranquilitatemque adquisitam; non solum enim barbararum gentium arma ad totam ferè Europam devastandam accesserunt, verùm etiàm intestinis concertationibus obnoxiae Provinciæ omnes suismet armis in extremum interitum corruerant. Nimirum ea rebus publicis perpetuò imminuit calamitas, quoties in novam regiminis formam transferrentur, ut plurimos regnandi cupiditas invaderet, in varia studia distractis suffragiis populorum. Hinc apud Historicos legimus, post interitum Orientalis in Romanos Imperii non paucos in Europa Principes prodiisse de variis ditionibus inter se se contendentes, variasque etiàm pro vi, fatoque armorum provincias occupantes, ac sibi vindicantes imperium. His sanè in causis, si multum poterat auctoritas Sacrorum Antistitum in singulis Diccesibus constitutorum, quos tamquam Parentes optimos populi venerabantur, quos etiàm velut Consiliarios prudentissimos ipsimet populorum Principes colebant quam frequentissimè, nemo statim non videt, quanta fuerit auctoritas Pontificum Maximorum, qui Occidental Ecclesiæ singulari etiàm jure præerant, ut sempè præfuerunt, quique illi urbi, ac populo regendo addicti specialiter ex Sancti Petri Apostolorum Principis successione fuerunt, qui populus, quæve urbs Imperatoribus ipsis nomen dabat, & reparatam quodammodo vetustissimi Imperii dignitatem cum potestate. Urgebant etiàm populorum animos aliquot Religionis causæ, cum Imperii translatione conjunctæ: Græcorum ambitus, qui universæ Ecclesiæ Primitum in Constantinopolitano Episcopo renovato idemtidem conatu constitue-

bant; Græcorum eorumdem hæresis adversus sacras Imagines non ubiqùe locorum, nec perpetuò confecta, atque alia his similia, quæ à populis, in libertatem quamdam proclamantibus Pium Principem, in sacras Imagines religiosum, Apostolicæque Sedis cultorem eligendum, exposcere videbantur. Quamobrem eò deducta res fuit, ut à Romanis Pontificibus post octavum Ecclesiæ sæculum usquè donèc stabilita fuerunt vel Imperia, vel Regna, universæ proprietatum Principum in Europa potestates pendere potissimum viderentur, in illos ut plurimum ex populorum concessionibus, ac suffragiis translato Principatu, quorum fidem, religionem, pie-tatem, virtutem, ceterasque dotes Summo Imperante dignas, Maximus Pontifex probavisset. Erat tum fluctuans inter diversas gentes imperium, à Græcis jam diut abscissum, modò apud Francos, modò apud Germanos transferendum. Quis autem non videat, in his temporum, locorum, ac causarum adjunctis qualis esse potuerit Sacerdoti, & Imperii imago, imò & utriusque conjunctio: nimirum, qui rebus sacris præerat, regna etiàm administrare quodammodo videbatur, cum ejus essent maximæ in eligendis Principibus partes; illi verò, qui Principatum gerebant, nihil antiquius habebant, quam curare, ut electiones Sanctorum Antistitum, quoad fieri posset, ad suam potestatem devolverentur, rati futurum tum, ut firmius in se, ac suis regnum, vel imperium obtinerent, cum sibi, ac suis chariores, ac propensiores eligerent. Est hæc imago Christiani Occidentalis Orbis mediaæ ætatis, quæ ex temporibus Gregorii VII. exhiberi potest. Sedem ipse Pontificiam consecutus est anno 1073., tenuitque usque ad annum 1085. Testatur ipse, pertinuisse tunc ad jura Sancti Petri plura Europæ Regna: De Regno Galliæ ita scri-

scribit in epistola ad Philippum Regem Francorum lib. 8. Regesti epist. 20. *Maxime enitere, ut B. Petrum, in cuius potestate est tuum regnum.... tibi facias debitorum; item in epistola 23. lib. 8. asserit jam ab aetate Caroli Magni Gallos omnes annum tributum Romanae Ecclesiae persolvisse; præterea in lib. 9. Regesti epist. 12. exhibetur juramentum fidelitatis, quod Romano Pontifici præstit Bertrannus Provinciae Comes, ut adpareat, Provinciae Comitatuum in Gallia singulari jure à Pontificibus Maximis accepto ferendum fuisse. Præterea in Dalmatia Regem auctoritas Apostolica constituit (sunt eadem verba Gregorii in epistola ad Wezelinum lib. 7. Regesti epist. 4.) Exhibetur in lib. 7. Regesti post epistolam 1. investitura à Romano Pontifice concessa Apuliae, Calabriæ, ac Siciliæ, item juramentum fidelitatis à Roberto facti: imò & jura proponuntur ejusdem Papæ quoad Salernum, Amalphiam, & partem Marchiæ Firmanæ. Corsicam etiā insulam pertinuisse ad jura Apostolicae Sedis, idem Gregorius testatus est in epistola ad Corsos 4. lib. 5. Regesti, ibi: *Sicut Fratres, & charissimi in Christo Filii, non solum vobis, sed multis gentibus manifestum esse, insulam, quam inhabitatis, nulli mortalium, nullique potestati, nisi Sanctæ Romanae Ecclesia ex debito, vel juris proprietate pertinere;* atque hæc eadem insula dicitur in epistola ad Landulphum 12. in lib. 6. à jure & dominio Sanctæ Romanae Ecclesie per quorundam pravorum hominum invasionem subtracta. Regnum quoquè Hispaniæ, refert Gregorius, Romanae Ecclesie fuisse subjectum; ait enim epist. 7. ad Principes Hispaniæ lib. 1. Regesti: *Non latere vos credimus, Regnum Hispania ab antiquo proprii juris Sancti Petri fuisse, & adhuc (licet diu à Paganis sit occupatum) lege tamen justitia non evacuata nulli mortalium, sed soli Apostolicae Sedi ex aequo pertinere.* Et in lib. 4. epist. 28. ad Hispanos scribit, *Regnum Hispania ex antiquis Constitutionibus B. Petro, & Sanctæ Romanae Ecclesie in jus & proprietatem esse traditum:* licet postea subjiciat, barbaro-*

rum tyrannide ita fuisse occupatum, ue proprietatis memoria dilabi coepit. Simile jus fuisse Romanæ Sedi, Gregorius adseruit, in Regno Hungariae in epist. ad Salomonem Hungarorum Regem 13. lib. 1. Regesti, ibi: *Regnum Hungariae Sancta Romana Ecclesia proprium est, à Rege Stephano olim B. Petro cum omni jure, & potestate sua oblatum, & devotè traditum.* Curam quoquè, ac sollicitudinem se non mediocrem adhibuisse fatetur Gregorius in Rege Angliae constituendo, epist. 23. lib. 7. Quid plura? Liquet ex his abundè, Gregorii VII. Pontificis tempore, quæ, quantaque fuerint Sedis Apostolicae iura in universa propemodum Europæ Regna, ac Principatus, undè videretur supremæ ac generali spiritualium rerum potestati summa quoquè ac generalis Imperii in Occidente constituti auctoritas accessisse. Quod quidem non satis placuisse videtur Imperatori, qui tunc erat Henricus IV. Henrici III. filius, licet & ipse dignitatem à Sede Apostolica consequutus; etenim Gregorius in Epistola ad Rodulphum Sveviæ Ducem 19. lib. 1. testatur, se Henricum in Regem elegisse, & in epistola ad Salomonem Hungarorum Regem 13. lib. 2. asserit Henricum Imperatorem defunctum iura Imperii à Sede Apostolica agnovisse. Displuit, inquam, Henrico, qui, ubi agnovit viros ecclesiasticos, præsertim Pontificem Maximum, plurimum potuisse tunc in Imperiis, regnisque firmans, transferendisve, solertissimè curavit, ut ad se sacrorum eorumdem Antistitutum inaugurationem, ipsius etiā Pontificis Maximi electionem pertraheret.

En originem satis undique pervagati dissidii inter Pontificem Maximum, ac Principes nonnullos, undè plurima in Rempublicam, & Ecclesiam ipsam incommoda derivaverunt. Gregorius Regi Angliae indixit, ut, si modum in conferendis Episcopatibus minimè servet, se sciat iram B. Petri in se graviter provocaturum, lib. 7. Regesti epist. 1. ad Humbertum. Regem Galliarum monuit,

nuit, ut resipisceret, secūs futurum comminatus est, *ut Franci generalis anathematis mucrone percussi illi ulterius obtemperare recusent*, in lib. 1. Regesti epist. 35. ad Rodericum Cabilonensem Episcopum. Urget præterea in lib. 2. epist. 5. ad Episcopos Francorum, ibi: *Quod si nec hujusmodi distinctione voluerit resipiscere, nulli clam, aut dubium esse volumus, quin modis omnibus Regnum Franciæ de ejus occupatione adjuvante Deo tentemus eripere*, quod ipsum repetit in epist. 18. lib. 2. ad Guillielmum Comitem Pictaviensem. Tandem sententia prodiit non semel, sed pluriè pronunciata adversùs Henricum Imperatorem, qualem legimus in Regesto lib. 3. ad calcem epistolæ 6. nec non in Concilio III. Romano sub Gregorio. At verò è contrario Reges ac Principes facto suo Episcopos sibi non adhærentes ejecerunt, recepto aliquandò pretio alios ejectorum in locum substituerunt. Henricus III. Germaniæ Rex Gregorium VI. Pontificem deturbavit, suffecto in ejus locum Suidgero, qui dictus est Clemens II., ac deindè Nicolaus II., & Alexander II. aliis substitutis à Sede Pontificia semel adepta dejecti sunt; atque, ut ad Gregorium VII. deveniam, ipse antequam in Henricum IV. in Romano Concilio sententiam pronunciaret, depositionis suæ sententiam ab eodem Henrico latam in ipso Concilio præsens audivit, eam pronunciante Imperatoris Legato: quibus sanè contentionibus concutiebatur propemodùm Christianus orbis, dum Pontifices ac Reges mutuis se dejectiōnibus lassirent, dum tamè interea æqualia viderentur utriusque partis studia, undè improbi homines occasionem sumpserunt, impunè multa flagitia perpetrandi; siquidè ex istis, qui Regum ac Principum minas gravissimorum criminum reus spernere voluisset, adsumpta decorâ Religionis specie, Pontificiæque sententiæ titulo inobedientiam suam protegebat; qui verò irreligiosus res ecclesiasticas pessundare meditabatur, Regium facile patrocinium se obtinuisse jaçtabat.

Et quidèm gravissima hæc in Rem.
Tom. III.

publicam uiiversam incommoda agnoverunt & Gregorius Papa, & Imperator Henricus; ille dum metuendum Theutonicorum, aliorūque adhærentium schisma adversùs Romanam Ecclesiæ concitatum sensit, hic dum plures à suo deficere in dies imperio animadvertebat: eam propterea ob rem mitiùs utrimque agi cœpit, ac conclamatum, nihil aliud nisi pacem, unitatemque exoptari. Pacem conclamavit Sanctissimus Pontifex lugens ex acerrimis contentionibus suborientia mala, in epist. 39. lib. 1. ad Wozelinum Magdeburgensem Archiepiscopum, & alios ibi: *Verum inter ceteras curarum anxietates ea nos maxime sollicitudo coarctat, quod inter vos & Henricum Regem vestrum videlicet dominum tantam discordiam, & tam inimica studia exorta esse cognovimus, ut exinde multa homicidia, incendia, depradationes Ecclesiarum, & pauperum, ac miserabilem Patriæ vestre vastitatem fieri, audiamus. Qua de re Regi misimus exhortantes, & ex parte Apostolorum Petri, & Pauli eum admonentes, ut interim sese ab armis, & omni bellorum infestatione contineat, donec tales ad eum ab Apostolica Sede Nuntios dirigamus, qui tanta dissensionis causas & diligentè inquire, & annuente Deo ad pacem, & concordiam aquâ valeant determinatione perducere. Atque itidem vos exortatos & Apostolicâ auctoritate commonitos esse volumus, ut ex vestra parte omni motione sotpâ easdem pacis inducias observetis, nec aliquâ occasione nobis cum Dei adjutorio adstruenda pacis impedimentum opponatis. Eamdem concordia voluntatem clarius etiàm exhibuit in epistolis ad Germanos, & ad Udonem Trevirensem, quæ sunt 15., & 16. in lib. 5. Regesti, ubi scripsit gravissimam sibi sollicitudinem, imò & tristitiam fuisse de perturbatione ac dissidio Germanici Regni, eo etiàm veheimentiorem in dies augeri animi curam, quo diuturnior, ac perniciosior res in dies fieri dignosebatur; proindèque se quidquid consultius visum esset, matrare cœpisse, deque ineunda, firmandoque pace sedulò meditari, professus tandem se Legatos missurum, quorum in-*

terventu, quæ juris essent, communi consilio definirentur, eaque ratione concordia, in quam toto animi sui conatu intendebat, repararetur; quæ ipsa Gregorius idem repetit in epist. ad omnes Clericos, & Laicos Regni Theutonici, quæ in Regesto est 1. lib. 6. Pacem quoquè aliquandò conclamavisse Henricum, Gregorius ipse testatus videtur in epistola ad Herlembaldum Mediolanensem 25. lib. 1. ibi: *Henricum Regem præterea scias dulcedinis & obedientie plena nobis verba misse, & talia, qualia neque ipsum, neque Antecessores suos recordamus Romanis Pontificibus misse. Sed magis id ostendit Henricus idem in epistola ad Gregorium, quæ est in lib. 1. Gregoriani Regesti ad calcem epistolæ 29., cujus priora verba hæc sunt: Cum enim Regnum, & Sacerdotium, ut in Christo rite administrata subsistant, vicariâ sui ope semper indigeant, oportet nimis, Domine mihi, & Pater amantisime, quatenus ab invicem minimè dissentiant, verum potius Christi glutino conjunctissimâ indissolubiter sibi cohærent. Namquæ sic, & non aliter conservatur in vinculo perfectæ charitatis, & pacis, & Christianæ concordia unitatis, & Ecclesiastica simùl status religionis. Aurea sanè sententia, quæ si perpetuò menti Henrici insedisset, Gregorio annuentे, facile erat futurum, ut pacatis Ecclesiæ & Imperii rebus nec Gregorius in exilio Henrico insequente obiisset, nec Henricus urgente Gregorio Rodulphum Imperii æmulum, ac deturbatore expertus fuisset.*

Hæc omnia, per brevem veluti historiam paucis collecta, satius duxi prænotanda, antequam Gregorianos canones, qui apud Gratianum proponuntur, expenderem, ut æquus sacrorum Canonum Interpres exinde rationem sumat, Gregorianas ipsas Constitutiones, atque epistolas suis temporibus, ac causarum suarum adjunctis, uti decet, accommodare. Nemo enim non videt ex illis, qualis fuerit & quām tristis sæculo undecimo Ecclesiæ facies, quam scilicet turpiter labefactatam Gregorius pluriès lugebat, epist. 42., & 70. lib. 1. inter-

cetera ità scribens in epist. 9. lib. 2. *Pene in oculis nostris naufragantem Ecclesiam nullo valemus eripere gubernaculo, & epist. 45. lib. 2. Infeliora tempora nemo viventium vidit, nec à tempore B. Sylvestri Patris nostri scripturarum traditione reperit. Conferatur cum his epistola 49., & 75. lib. 7., & epist. 9. lib. 8. Quod si servidis hisce diuturnisque Sacerdotii, & Imperii contentione addas corruptam Clericorum, non minorum tantum, sed & majorum disciplinam, quemadmodum ex simoniaco Episcopatum, ceterorumque beneficiorum inferiorum collationibus, depravatisque virorum ecclesiasticorum moribus, quales historici exhibent universi, facile constat, nemo dubitabit, quin res plena periculi esset tunc temporis in officio singula continere, quum nec qui auctoritate continendi pollabant, ea facile experiri potuissent. In referendis autem Gratiani capitibus, Gregorii ejusdem nomine memoratis, ea primū recensebo, quæ spectant Romana Concilia, ejus Pontificis auctoritate celebrata; deinde illa, quæ ex illius epistolis, ceterisque monumentis decepta dignoscuntur.*

De Romanis Conciliis, sub Gregorio celebratis.

Plura sub Gregorio VII. celebrata fuerunt Romæ Concilia, quorum canonibus potissimum lapsus propemodum apud Clericos ecclesiasticæ disciplinæ vigor restauraretur. Decem apud Labbeum recensentur, ex quibus tria tantummodo memoravit Gratianus, nimis quartum, quintum, & septimum.

In Concilio 4., quod anno 1078. fertur celebratum, interfuerent centum ferè Episcopi, præter Abbates, aliosque ex Clericis, laicisve quamplurimos. In eo primū damnati sunt Episcopi quidam, atque è gradu suo dejecti, quod simoniaco ordinati fuissent, aliosque etiā simoniaco ordinavissent. Hi fuerunt Thealdus Mediolanensis, Guibertus

tus Ravennas, Arnulphus Cremonensis, Rolandus Tarvisiensis, Hugo Cardinalis, & Gaufredus Narbonensis. Deindè verò oculos convertens Gregorius ad discissum Imperium inter fautores Henrici, & Rodulphi, sese paratum ad pacem inter utramque partem conciliandam exhibuit. Itaque constituit, se Legatos missurum in Theutonicum Regnum, quorum operâ schismata sedarentur; animo verò perpendens, futuros fuisse non paucos, præsertim ex Archiepiscopis, Episcopis, Comitibus, Ducibus, ac militibus, qui minimè passi fuissent controversiam jam diù agitatam componi, sed fortè pro sua singuli factione decertassent, hujusmodi deturbatores pacis generaliter ab Ecclesiæ communione alienos esse voluit, infastumque ipsis certaminis exitum deprecatus est. Pòst hæc in ipsius Concilii actis subjiciuntur quedam capitula ad disciplinam ecclesiasticam pertinentia, præsertim ad causas excommunicatorum: nimirùm eā atate frequentior erat excommunicationum usus, ut patet ex epistolis Gregorii, cui visum fuit acriori quadam regiminis asperitate corruptos sui sæculi mores in pristinam virtutem, simplicitatemque revocare. In-

curiâ librariorum in textum, ut in aliis monumentis sèpissimè contigit. Sunt qui canonem istum judicaverunt spectare causam Henrici Imperatoris, & subditorum ipsius. Verùm toto cœlo falluntur: etenim adnotat Severinus Binus ad hoc Concilium, Henrico Regi non fuisse suffectum Rodulphum à Saxonibus, & Principibus Imperii, nisi bienio pòst hanc Synodum. Præterea in hoc ipso Concilio Gregorius professus est, se pacis, justitiæque fovendæ causâ Legatos destinare, qui omnia componenda curarent, cui parti magis justitia faveret addiscerent, deindè operam sollicitam darent, ut omnis controversia finiretur. Sanè verosimile non est, Sanctissimum Pontificem, ubi pacem sperabat sanciendam, imò & sanciendam meditabatur, legatione missâ de dissocianda communione quidpiam decrevisse. Quid verò plura ad hanc rem congeram? Ipsamet canonis verba, prout superiùs exarata sunt, integra perspicue docent, monumentum istud potius pertinere ad causas Episcoporum, vel inferiorum Clericorum, qui ab Archiepiscopis, aut Episcopis simoniacis, atque extrâ communionem ecclesiasticam positis, ordinati fuerant, suisque ordinatoribus sese jurejurando fidelitatis de more legitimarum ordinationum adstrinxerant. Cum autem Gregorius irritas declarasset hujusmodi ordinationes illegitimè celebratas, ne fortè ordinati suis ordinatoribus adhærerent, schismateque concitato ab Ecclesia deficerent, rati se jurejurando, utcumquè contrà leges præstito, obstringi, solvenda voluit, aut irrita declaravit hujusmodi jura menta Gregorius, probè sciens jusjurandum esse non posse vinculum iniquitatis, & potius perjurii nomine donandum esse, quoties contrà publicam, aut ecclesiasticam utilitatem præstatur. Ad hujusmodi causas facile etiàm intelliguntur pertinere, quæ Gratianus tradit in canone 103. caus. 11. quæst. 3., etenim in eisdem Concilii actis legitur statim pòst verba dicti canonis 4. caus. 15. q. 3.

Can. 4.
caus. 15.
q. 6.

ter hæc capita Synodalia legitur canon 4. caus. 15. quæst. 6. his verbis: *Ordinationes verò illorum, qui ab excommunicatis sunt ordinati, Sanctorum Patrum sequentes vestigia irritas fieri decernimus. Iterum, Sanctorum Predecessorum nostrorum statuta tenerentes, eos, qui excommunicatis fidelitate, aut Sacramento constricti sunt, apostolicâ auctoritate à Sacramento absolvimus, & ne sibi fidelitatem observent, omnibus modis prohibemus.* Apùd Gratianum sequuntur hæc verba: *Quousque ipsi ad satisfactionem revertiant; quæ in Codice MSS. Vaticano desiderari jam animadverterunt Correctores Romani: quæ etiàm in editis apùd Labbeum Concilii exemplaribus non leguntur; eamque ob rem facilè quisquam judicabit adjecta fuisse à quodam Interpreti vel Glossographo, & primùm fortassis ad marginem, deindè translata in-*

Can. 103.
caus. 11.

quæst. 6. ibi: Item: & quoniam multos, peccatis nostris exigentibus, pro causa excommunicationis perire quotidie cernimus, partim ignorantia, partim etiam nimia simplicitate, partim timore, partim etiam necessitate, devicti misericordia, anathematis sententiam ad tempus, prout possumus, opportunè temperamus. Apostolicâ namque auctoritate anathematis vinculo hos subtrahimus, videlicet uxores, liberos, servos, ancillas, seu mancipia, nec non rusticos, & servientes, & omnes alios, qui non adeò curiales sunt, ut eorum consilio scelerâ perpetrentur, & illos, qui ignorantè excommunicatis communicant, seu illos, qui communicant cum eis, qui communicant excommunicatis. Quicumque autem aut orator, sive peregrinus, aut viator in terram excommunicatorum devenerit, ubi non possit emere, vel non habet, unde emat, ab excommunicatis accipiendo licentiam damus. Et si quis excommunicatis pro sustentatione, non superbia, sed humanitatis causâ, aliquid dare voluerit, fieri non prohibemus.

Quod quintum in Labbeana Collectione Romanum Gregorii Concilium dicitur, celebratum est anno 1078., in quo præter singulares causas Henrici, & Rodulphi, de Imperio contendentium, præsentibus, ac consentientibus eorumdem legatis discussas; præter causas etiam nonnullorum Episcoporum, aliquot ecclesiasticæ disciplinæ capita statuta sunt, quorum pauca hodiè supersunt, eaque in duodecim numero distributa, atque ista fermè omnia, duabus nimis exceptis, retulit in suum Codicem Gratianus. Caput 1. legitur in canone 4. caus. 12, quæst. 2., ubi tamè pro illis verbis suscepit, vel in-

Can. 4. caus. 12. raserit, vel de Rectorum &c. in Labbeana Collectione legitur: Suscepit, vel suscepit, vel invasit, vel etiam de Rectorum &c. Hæc Constitutio, quâ cavebatur, ut bona ecclesiastica non alienarentur, maximè erat tunc temporis opportuna; nemo enim ignorat ex monumentis illius saeculi, quæ hodiè supersunt, quo impetu ab irruentiibus hinc illinc hominibus eadem bona vastarentur, atque occuparentur. Ad hunc canonem adjecta hæc leguntur in

aliquibus collectionibus Conciliorum, licet alibi desiderentur, quemadmodùm etiàm apud Gratianum: Siquis Normannorum, vel quorumlibet hominum prædia monasterii S. Benedicti montis Cassini invaserit, vel quascumque res ejusdem monasterii injustè abstulerit, & bis, vel ter admonitus non emendaverit, excommunicationi subjaceat, donec resipiscat, & Ecclesia satisfaciat. Causam hujus canonis sanciendi tradidit Severinus Binus ex Leone Ostiensi, qui præsens Concilio fuerat, dum esset Bibliothecarius Monasterii Sanctæ Sophiæ Beneventani.

Caput 2. ejusdem Concilii legimus ^{can. 13.} in can. 13. caus. 16. quæst. 7.; ubi ^{caus. 16.} notandum est, verba illa intrà parenthesim posita apud Gratianum, in riu-^{q. 7.}nam Sanctæ Religionis, in exemplaribus Concilii non haberi. Ad eundem canonem animadvertisit in Collectione Labbeana, §. quod si præsumperit usquè in finem non haberi in Chronico Virdunensi, in quo Concilii illius capita descripta sunt. Nemo autem non agnoscit, quanam occasio fuerit ita definiendi de collationibus sacrarum dignitatum; hujusmodi enim causa frequentissimè in conventibus sive ecclesiasticis, sive civilibus diù tunc agitata passim demonstratur.

Ad damnandas simoniacas ordinatio-^{can. 3.} nes, seu collationes beneficiorum ecclæsiasticorum pertinet canon 3. ejusdem Concilii, relatus apud Gratianum in can. 3. caus. 1. quæst. 3., his verbis describendus: Siquis Præbendas, Archidiaconatus, Præposituras, vel aliqua officia ecclesiastica vendiderit, vel aliter, quam statuta Sanctorum Patrum præcipiunt, ordinaverit, ab officio suspendatur: dignum est enim, ut, sicut gratis Episcopatum accepit, ita membra ejusdem Episcopatus gratis distribuat.

Eamdem rem pertractavit, confe-^{can. 113.} citque Gregorius in cap. 4., quod re-^{caus. 1.} tulit Gratianus in can. 113. caus. 1. quæst. 1. ubi tamè observandum est, pro illis verbis, falsas esse dijudicamus, legendum esse infirmas, & irritas esse dijudicamus, dummodò vulgata Concilii exemplaria Gratianæ editioni anteferenda arbitremur.

Can. 6.
de pœn. dist. 5. In capite 5. Concilii legitur sententia canonis 6. de pœn. dist. 5., quem aliquantulum depravatum ideo Romani Correctores se non emendavisse testantur, quod nollent studiosos Glossarum beneficio carere. En ipsamet canonis verba, prout in exemplari Concilii describuntur: *Falsas pœnitentias dicimus, que non secundum auctoritatem sanctorum Patrum pro qualitate criminum imponuntur. Ideoque, quicumque miles, vel negotiator, vel alius cui officio deditus, quod sine peccato exerceri non possit, si culpis gravioribus irreitus ad pœnitentiam venerit, vel qui bona alterius in justè detinet, vel qui odium in corde gerit, & recognoscatur, se veram pœnitentiam non posse peragere, per quam ad eternam vitam valeat pervenire, nisi arma deponat, ulteriusque non ferat, nisi consilio religiosorum Episcoporum pro defendenda justitia, vel negotium derelinquit, vel officium deserat, & odium ex corde dimittat, bonaque, que in justè abstulit, restituat. Ne tamè desperet, interim quidquid boni facere poterit, hortamur ut faciat, ut omnipotens Deus cor illius illustret ad pœnitentiam.* Multo aliter sanè Concilii sententia exhibetur apud Gratianum: *imò & quod de militia dicitur, adhuc tempestandum videtur, juxta illius temporis adjuncta, quo nimis non omnes milites publicā auctoritate supremi Principis potiebantur; sed non pauci erant, qui vi, & armis militiam privatam jactantes, ad contentiones omnes fovendas dato pretio sese paratissimos exhibebant aliena odia promoventes.* Clarius aperit mentem suam Sanctus Pontifex in epistola 10. lib. 6. Regesti, ad Brittanos scripta. Conquestus ibidem Gregorius fuit de collapsa in Brittanæ regionibus veræ sinceræque pœnitentiae disciplina, cuius restituendæ gratiâ misit Legatum suum Amatum Olorensem Episcopum, omnes hortatus, ut, convocato Pontificiâ auctoritate Concilio, & singulis convenientibus, salubres pœnitentiae canones stabilirentur. Inter cetera ita scribit: *Qua in re hoc summoperè vos caverere oportet, aliosque monere debetis, quia, si quis in homicidium, adulterium, perjurium, vel ali-*

quid hujusmodi lapsus, in aliquo talium criminum permanserit, aut negotiationi, quæ vix agi sine peccato potest, operam dederit, aut arma militaria portaverit, excepto si pro tuerda justitia sua, vel domini, vel amici, seu etiam pauperum, nec non pro defendendis Ecclesiis (nec tamè sine Religiosorum Virorum consilio sumpserit, qui eterna salutis consilium sapienter dare neverunt) aut aliena bona in justè possederit, aut in odium proximi sui exarserit, vera pœnitentiae fructum facere nullatenus potest, infrafructuosam enim pœnitentiam dicimus, quæ ita accipitur, ut in eadem culpa, vel simili deteriori, vel parùm minori, permaneatur. Hæc Gregorii sententia si sedulò perpendatur, non solùm dignoscetur, jure optimo emendandum esse Gratiani fragmentum, verùm etià illud ita emendatum eo genere interpretationis esse donandum, quod Gregorianæ menti conveniat, qualis ex posttremo hoc monumento deducitur.

Quod in capite 1. Concilii de praediis statutum fuerat, id ipsum de decimis definitum est in capite 6., unde Gratianus deprompsit canonem 1. caus. 16. quæst. 7. à principio usquè ad illa verba *damnationis periculum incurvare*; quæ enim sequuntur in §. *oporteat*, in ipso Concilio non leguntur, quemadmodum rectè animadverterunt Correctores Romani. Ego ita hoc §. agnosco vetustissimam Ecclesiæ disciplinam, eamque ob rem suspicor, vetustissimo cuiquam incerti nominis auctori tribuendum esse; etenim ibi agitur de jure decimarum, quæ, sicuti omnes ad manum Episcopi devenire, ita ab Episcopo ipso in singulos Clericos distribui debeant; quod sanè ad vetustissimos canones referendum est, illos scilicet, qui editi sunt antè constitutiones Parochiarum, vel saltè antequam ad Parochos decimarum jura devolverentur. Simile quidpiam legitur in Constitutionibus Apostolicis vulgo tributis S. Clementi lib. 2. cap. 29. & 39., ubi inter cetera hæc habentur: *Te enim dare oportet (subaudi decimas), illum (subaudi Episcopum) distribuere tamquam æconomum, & dispensatorem rerum ec-*

Can. 1.
caus. 16.
q. 7.

clesiasticarum. Similia fermè etià legimus in can. 4. vulgo Apostolorum, que monimenta etsi apocrypha sint, veteris tamè disciplinæ argumentum facile suppeditant.

Can. 31. De canone 31. de cons. dist. 5., dist. 5. & nec non de canone 124. caus. 1. quæst. Can. 124. caus. 1. i. nihil est, quod adnotemus. Habentur illi eisdem omnino verbis in cap. 7. & 9. Gregoriani Concilii.

Can. 1. Caput 11. Concilii his verbis ex-
dist. 83. primitur: *Siquis Episcopus fornicationem Presbyterorum, Diaconorum, seu Subdiaconorum, vel crimen incestus in sua Parochia, precibus, vel præcio interveniente consenserit, vel commissum, sibique compertum, auctoritate sui officii non impugnaverit, ab officio suspenderatur.* Hic autem est canon 1. dist. 83. apud Gratianum.

Can. 69. Quæ apud Gratianum habentur in can. 69. de cons. dist. 1. referenda sunt de cons. dist. 1. ad postremum caput ejusdem Concilii, in quo ita legitur: *Ut omnis Christianus procuret ad Missarum solemnia aliquid Deo offerre, & ducat ad memoriam, quod Deus per Moysem dixit: Non ad patribus in conspectu meo vacuus. Etenim in collectis Sanctorum Patrum liquido adparet, quod omnes Christiani offerre aliquid Deo ex usu Sanctorum Patrum debent.* Nonnulla sequuntur apud Gratianum, quæ cum apud ceteros Collectores etià desiderentur, quemadmodum animadverterunt Romani Correctores, non temerè judicabit, qui dixerit aut verba Gratiani esse, aut Interpretis cuiuspiam ad marginem primùm adjecta, quæ tandem in textum irrepserint, quemadmodum in aliis numero plurimis contigit.

Cati. 12. Concilium, quod Romanum VII. dicitur ex iis, quæ Gregorius celebravit, frequentissimum habuit Episcoporum, Abbatum, & Clericorum diversi generis, imò etià laicorum, conventum anno 1080. Tractata ibidem fuit Henriciani dissidii causa; atque in canone 1. & 2. ita decretum legimus: *sequentes statuta Sanctorum Patrum, sicut in prioribus Conciliis, quæ Deo miserante, celebravimus, de ordinatione ecclesiasticarum dig-*

natum statuimus, ita & nunc Apostolica auctoritate decernimus, ac confirmamus, ut si quis deinceps Episcopatum, vel Abbatiam de manu alicuius laice personæ suscepere, nullatenus inter Episcopos, vel Abbates habeatur, nec ulla ei ut Episcopo, seu Abbatu audientia concedatur. Insuper etià ei gratiam Sancti Petri, & introitum Ecclesie interdicimus, quousque locum, quem sub crimine tam ambitionis, quam inobedientiae (quod est scelus idolatriæ) coepit, resipiscendo non deserit. Similiter etià de inferioribus ecclesiasticis dignitatibus constituimus. Item, si quis Imperatorum, Regum, Ducum, Marchionum, Comitum, vel quilibet secularium potestatum, aut personarum, investituram Episcopatum, vel alicuius ecclesiasticae dignitatis dare presumpserit, ejusdem sententia vinculo se obstrictum esse sciatur. Insuper etià, nisi resipiscat, & Ecclesie propriam libertatem dimittat, Divina animadversionis ultiō in hac presenti vita tam in corpore suo, quam ceteris rebus suis, sentiat, ut in adventu Domini spiritus salvis fiat. Ex his supplendus erit canon 12. caus. 16. quæst. 7. apud Gratianum.

Quædam adhuc dicenda supersunt de canone 15. de cons. dist. 5., cuius de cons. dist. 5. apud Gratianum hæc est inscriptio: *Item Gregorius VII. in generali Synodo residens statuit. Quæ ibi describitur sententia in nullo ex Conciliis Gregorii VII., qualia edita sunt, reperitur. Cum autem novem, & Conciliorum Collectores aperè testentur, Concilia Gregorii integra in codicibus non haberi, non est, cur exinde idem canon ab eodem Pontifice abjudicetur, præsertim quod non una Gratiani fides intercedat, sed plura sint argumenta, quibus ille canon Jure Gregorio tributus censeatur. In primis constat, Gregorium valde fuisse sollicitum, ut Romanus Divinorum Officiorum ordo accuratè servaretur, qualis jam ab antiqua ætate fuerat constitutus. Id probat ejus epistola 64. in lib. 1., ubi Sanctus Pontifex suasit Alphonso Castellæ, & Sancio, Aragoniæ Regibus, ut in Hispania Romanum Officium recitaretur. Imò ibidem refert Gregorius, Episcopos Hispaniæ jam Romæ fuisse*

in Concilio, deque recipiendo Romano Officio pertractasse, ac promisisse, ibi: *Vos adhortor, & moneo, ut vos.... Romanæ Ecclesiæ Ordinem, & Officium recipias.... quod etiā Episcopi vestri, ad nos nuper venientes, juxta Constitutionem Concilii per scripta sua facere promiserunt, & in manu nostra firmaverunt.* Quid clarius tradi potest, quōd demonstretur, Gregorium Synodum habuisse, in quam plures diversarum Provinciarum, atque inter ceteros Hispaniarum Episcopi convenierant, atque de Romano Officio recipiendo, aut restituendo tractaverant? Atque indē sequitur, quemadmodū memorata epistola ad annum primum Pontificatus Gregorii pertinet, itā Concilium hoc, quod Gratianus in dicto canone laudat, ad eundem annum, qui est 1074., esse referendum. Hanc eamdem sollicitudinem exhibit Gregorius in epistola 18. lib. 3. ad Simeonem in Hispania Episcopum, ad quem his verbis scribit: *Procura ergo, ut Romanus Ordo per totam Hispaniam, & Galliciam, & ubi cumquè poteris, in omnibus rectius teneatur.* Edidit Mansius in Supplemento Labbeano tom. 1. pag. 1393. Gregorii ejusdem decretum ex MSS. Codice Pistoriensi, quod hanc rem maximè illustrat, his verbis expressum: *Gregorius Papa VII., & Urbanus Papa II. constituerunt, ut festivitates Romanorum Pontificum celebres habeantur. Martyrum in ix. lectionibus, Confessorum in tribus saltē lectionibus, prater quorundam, qui pro sui excellentia celeberrimi haberentur, sicut & S. Silvester, Gregorius, & alii. Nām, cum qualibet Ecclesia sui Patroni, & si Confessor fuerit, festum solemniter observet, quanto magis eorum, qui totius Ecclesiae non tam Patroni, quam Patres extiterunt, quam & usquè ad martyrium verbis, & exemplis instituere non destiterunt. De his quidem Sanctis Martyribus invitatorium, hymnus, responsoria, psalmi, & versus, ut de Martyribus, decantantur. Nota autem, S. Gregorium Papam I. in graduali libro de his Martiribus, sicut & de Confessoribus Pontificia administrantibus, instituisse officia, ut de S. Marcello P. & M. Statuit ei Dominus, &*

de S. Felice P. & M. Sacerdotibus. Et hoc utique satis congrue propter excellentiam dignitatis apostolicae. His accedit testimonium, Gregorio VII. contemporaneum, scilicet auctoris Micrologi de ecclesiasticis observationibus, (non desunt quidem, qui velint Micrologum opus tribendum esse Rhabano; sed id verum esse non potest in conspectu decretorum Gregorii VII., & sententiarum Anselmi Lucensis, quæ ibidem memorantur, cum uterque sit Rhabano recentior.) Porro hujus Micrologi auctor cap. 14. testatur se scribere tempore Gregorii VII., rursūmque in cap. 54. sub titulo de Paschali observatione ait, Gregorium VII. constituisse illud ipsum, quod legimus apud Gratianum in dicto canone 15. de modo recitandi matutinas horas juxta ritum Ecclesiæ Romanæ. Prætermitterem hūc etiā adducere Radulphum de Rivo Decanum Tungensem, qui refert idem decretum sub nomine Gregorii VII. in Concilio generali, atque ideò prætermitterem, quod Scriptor recentior aliquibus videri possit, nemirū anni 1403., ceteroqui accuratissimus in investigandis vetustis Romanæ Ecclesiæ ritibus de officiis ecclesiasticis. Verū multum valere video ejusdem auctoritatem; non enim ex Gratiani codice Gregorianum Decretum exhausit, sed scripsit se decerpisse ex epistola Galterii Magolonensis Episcopi ad fratres regulares Calmosiacenses. Vibebat autem Galterius anno 1119., uti constat ex ejus subscriptione adjecta epistole synodali Callisti II. in Concilio Toletano apud Labbeum, ac propterea fuit hic Episcopus Gregorio VII. ferè contemporaneus, eamque ob causam testis fide dignissimus hujus rei, ut proinde dubitare minimè possimus, quin memoratus canon 15. dist. 5. de consuere optimo eidem Gregorio tribuatur.

Arbitror, his satis perspectum esse posse, sententiam laudati canonis Gratianei Gregorio donandam, licet in Conciliis Gregorianis editis desideretur. Nunc investigandum ulterius est, nūm scrip-

scriptura Gratiani authographo omnino respondeat. Non est recedendum ab auctoribus, Gregorio ferè contemporaneis, qui Gratianum præcesserunt; ex iis enim emendandam reor Gratiani editionem. In Micrologo cap. 54. ità legitur: *Gregorius Papa, in Apostolica Sede constitutus, de hac causa tale statutum promulgavit. A die, inquit, resurrectionis usque in sabbatum in Albis, & à die Pentecostes usque in sabbatum ejusdem hebdomadæ tres psalmos tantum ad nocturnas, tresque lectiones antiquo more cantamus, & legimus. Omnibus alijs diebus per totum annum, festivitas est, novem lectionem, & responsoria dicimus; aliis autem diebus duodecim psalmos, & tres lectiones recitamus. In diebus Dominicis octodecim psalmos, excepto die Pascha, & die Pentecostes, & novem lectiones dicimus. Hoc etià usquequaquè juxta Romanum Ordinem ità statuimus, ut suprà notavimus. Hæc si conferantur cum Gratiano canone 15. nemo non videt plurimum congruere, & paucis quibusdam exceptis, unum, idemque Gregorii decretum utrobiquè exhiberi. Sed adhuc Gratiano codici propius accedit codex laudati Radulphi Tunensis, qui in libro de canonum observantia propositione 10. refert eumdem Gratiani canonem, eumque appellat *Sacratissimum canonem Magni Viri Gregorii VII. editum in Synodo, generali*, quem subdit se exceperisse ex laudato Galterio Magalonensi Episcopo, ac postmodum ità scribit: *Est autem talis tenoris: In die resurrectionis usque ad sabbatum in Albis, & in die Pentecostes usque ad sabbatum ejusdem hebdomadæ tres psalmi tantum ad noctem, tresque lectiones antiquo more cantamus, & legimus. Omnibus diebus alijs per totum annum, si festivitas est, novem psalmos, & novem lectiones dicimus. Aliis autem diebus duodecim psalmos, & tres lectiones recitamus. In diebus Dominicis octodecim psalmos, (exceptis diebus Pascha, & Pentecostes) & novem lectiones celebramus. Illi autem, qui quotidiani diebus tres psalmos, & tres lectiones tantum videntur legere, non ex regula Sanctorum Patrum, sed ex fastidio, & negligenzia comprobantur facere. Romani autem**

diverso modo agere cœperunt, maximè à tempore, quo Theutonicis concessum est Regnum Romana Ecclesia. Nos autem, & Ordinem Romanum investigantes, & antiquum morem nostræ Ecclesia, statuimus fieri, sicut suprà notavimus, antiquos Patres imitantes.

Ità ad optimos codices exacto Gratiani monumento, non incongruum erit quædam hoc in loco animadvertere de Psalmodia sacra, quam Clerici in Ecclesia exercent, atque jam diù exercuerunt. Antiquissimus sanè est, & ferè apostolicus ejus usus, nec non generaliter apùd omnes Ecclesias receptissimus. Modus autem, & ordo psallendi prioribus Ecclesiæ sæculis uniuscujusque relinquebatur arbitrio; donèc Sanctus Ambrosius, & S. Hieronymus in Romana Ecclesia, & S. Benedictus in claustris Monachorum certum ordinem sequendum præstiterunt, undè triplex Divinorum Officiorum ordo prodiit, Ambrosianus, Romanus, seu Hieronymianus, nec non claustral, seu Benedictinus. Ordo à S. Benedicto institutus Monachorum proprius esse cœpit; peculiariter item apùd Ecclesiam Mediolanensem servatus est Ordo Ambrosianus; at Romanus Ordo passim apùd omnes ferè Ecclesias receptus est. Illustrat hæc memorato in libro laudatus Rodolphus, in hac materie eruditissimus. Interfuit ergò rei ecclesiasticæ, ut Divinum Officium rectè, accuratèque recitaretur, & quemadmodum olim Benedictus Monachis psallendi modum rectè præscriperat, Ambrosius Mediolanensis, Hieronymus Romanis, ità recentiores Pontifices studuerunt, ut in aliis universæ Ecclesiæ, ac præsertim Occidentalibus Provinciis certus quoquè psallendi Ordo haberetur; proptereaque Romanum Ordinem tamquam optimum proponere minimè dubitarunt. Non dubitavit Gregorius VII., qui in Hispaniam, uti superius prænotavimus, Romanum Ordinem invehendum curavit. Octavo etià sæculo legimus id in Conciliis actum, inter quæ est Concilium Cloveshoviae anni 747. cap. 15.

in quo cautum est, ut Clerici tantum, quod ex Sacrarum Scripturarum auctoritate descendit, & quod Romana Ecclesia consuetudo permittit, cantent, vel legant, quatenus unanimes uno ore laudent Deum. Similia ferre sunt, quae habentur in Capitulari Ahytonis Episcopi Basileensis anno circiter 822. num. 14., ubi haec Basileenibus Clericis proponuntur. Ut horas canonicas tam nocturnas, quam diurnas nullatenus pratermittant; quia, sicut Romana Ecclesia psallit, ita omnibus ejusdem propositi viam tenentibus faciendum est. Omittendum autem censeo, quod aliquibus placuit dicere, meo iudicio alienum ab historicâ veritate, atque à fide dignis veterum monumentis. Nimirum aliqui crediderunt, modum, ac formam Divini Officii recitandi à discipulis Sancti Petri Apostolorum Principis fuisse institutam, eamdemque in Niceno Concilio confirmatam, quod traditum est in Concilio Lemovicensi anni 1031. num. 2., ubi varie diversarum Ecclesiarum consuetudines memorantur, & inter cetera haec habentur: *Numquid Canonicci Monachos pro duodecim lectionibus, vel Monachi Canonicos pro novem numero reprehendere possunt? Utraque enim ratione, & auctoritate firma sunt.... Duodecim comprobavit ille Vir spiritu omnium justorum plenus, Sanctusque Papa Gregorius, prius Monachus, posse à Apostolicus. Novem traditæ sunt à discipulo B. Petri Ignatio Martyre, qui per novenarium numerum lectiones, & psalmos ab Angelorum chorus prolata audivit in cœlo; deinde à Niceno Concilio; deinde ab ipso S. Gregorio hic numerus in psalmis, & lectionibus, atque responsoriis observatus est.* Planè hujusmodi Divini Officii origines non satis in memoratis veterum monumentis demonstrantur; & quod refertur sub nomine Concilii Nicæni, spectat potius canones illos Arabicos, qui sub nomine canonum Nicænorum vulgati fuerunt, titulo de Monachis, & Anachoritis canone 11.

De Epistola ad Vvimundum Episcopum Aversanum.

In Gratiani codicibus ad canonem ^{can. 5.} dist. 8. hæc adjecta fuit inscriptio: *Gregorius Vvimundo Aversano Episcopo;* sed quis ille Gregorius fuerit, num VII., num alias antiquior Pontifex, nec Gratianus idem, nec alii Collectores perspicuum faciunt. Id jam accuratè animadvertisit Baluzius in notis ad Gratianum; postquam enim observaverit testimonia Correctorum Romanorum, qui in aliquot MSS. codicibus, & apud Ivonem canonem Gregorio VII. tributum agnoverunt, subjicit, apud Ivonem parte 4. Decreti cap. 213. ita legi: *Gregorius VII. Vvimundo Aversano Episcopo,* in Panormia edita Basileæ lib. 2. cap. 166. *Gregorius Guillimundo Aversano Episcopo;* in editione Lovaniensi: *Augustinus cap. 5. & 6. lib. 4. de Baptismo;* in veteri codice Panormiae Victorino: *Gregorius IV. Vvimundo Aversano Episcopo;* in antiqua collectione canonum, quæ fuerat Viri clarissimi Claudi Puteani, temporibus autem Baluzii servabatur in Regia Bibliotheca: *Gregorius VII. Vvimundo Aversano Episcopo;* in codice S. Germani Parisiensis: *Item Gregorius VII. Guimundo Aversano Episcopo;* in vetere codice Victorino: *Item Gregorius Papa VII. Guillimundo Aversano Episcopo;* in antiqua editione Moguntina: *Item Gregorius VII. Guillimundo Aversano Episcopo;* in codice Colbertino: *Item Gregorius VII. Simundo Aversano Episcopo;* & in altero codice Victorino: *Item Gregorius VII. Guimundo Adversario Episcopo.* Antonius Augustinus in dial. 19. lib. 1. de emendat. Gratiani, ubi adnotavit varias hujusmodi canonis inscriptions, Romanorum Correctorum retinendam editionem voluit, quæ certiora invenirentur. Si hoc monumentum in Regesto Gregorii VII., in quod ad instar epistolarum Gregorii Magni epistolæ ipsius relatae fuerunt, investiges, nullibi invenies. Nihilominus tamè non auserim ego hocce fragmentum ab eodem Gregorio VII.

Aaa

ab-

abjudicare, præsertim cum sciamus, ejusdem Pontificis temporibus fuisse quemdam Vvimundum Aversanum Episcopum, qui scripsit librum de Corpore, & Sanguine Domini, in Bibliotheca Patrum relatum, & quidem, ut arbitrator, vixit ille post annum 1075., scilicet eo anno Aversam Ecclesiam tenebat adhuc Goffridus, cuius subscriptio legitur in Concilio Beneventano ejusdem anni apud Labbeum. Non nihil sanè probare videntur plerique codices, quos ex Baluzio nuper memoravi, Gregorio VII. ad Episcopum Aversanum scribenti canonem tribuentes: potissimum verò probat Ivo Carnotensis Collector Gregorio VII. coævus, qui, ut diximus, hujus canonis auctorem etiàm laudavit Gregorium VII. in epistola ad Vvimundum Aversanum Episcopum: quemadmodum itaque non nisi impudentis esset, decreta apocrypha contemporaneis Pontificibus adscribere, eoque nomine damnaretur Ivo, si canon ab ipso memoratus ad Gregorium VII. minimè pertineret; ita temeritas est, ubi certa in contrarium non suppetunt argumenta, fidem scriptori contemporaneo denegare. Quod si ad sententiam ipsam Gratianei canonis expendendam quisquam provocaret, video ibidem nihil, quod temporibus Gregorii parùm conveniat. Ut enim ex adjunctis illius atatis deducam in dubio, quo spectaret Pontificis illius sententia, dixero, neminem ignorare, quanta tūm esset nonnullorum Laicorum licentia in possessionibus ecclesiasticis sibi vindicandis, sacris etiàm rebus manu impiâ diripiendis; quanta insuper esset Clericorum libido, injustis connubiis Sacerdotii dignitatem labefactantium: neminem præterea ignorare, quanta è converso fuerit Maximorum Pontificum, ipsius etiàm Gregorii sollicitudo in depravatis hujuscemodi moribus improbandis, dannandisque. Fortè vero reis hominibus una excusationi esse poterat vetus impunè peccandi consuetudo: hinc vero simile admodum est, Gregorium adver-

sùs eam consuetudinem, velut honestati contraria, verba fecisse apud Vvimundum Aversanum; non enim ferendum erat, ut in dies alacrior ea consuetudo gliseret, quâ aliena jura, præsertim ecclesiastica, per vim usurparentur, ac possiderentur, vel Clerici mores corruptissimos protegere quoquo modo valerent. Hæ ceteroqui gravissimæ temporum, ac causarum conjecturæ majorem adhuc vim obtinebunt, quotiescumquè animadvertisatur similem adesse sententiam apud Urbanum II., qui paulò post Gregorium VII. Romanam Cathedram tenuit: nimirum Urbanus II. anno 1092. epistolam scripsit ad Robertum Flandriæ Comitem, quæ habetur in Actis Concilii Rhemensis ejusdem anni apud Labbeum, illum corripiens quod bona decedentium Clericorum invaderet. Allegabat Robertus consuetudinem, adversus quam ita scribēbat Urbanus: *Quod si pretendis, hoc ex antiquo usu in terra tua processisse, scire debes Creatorem tuum dixisse: Ego sum veritas, non autem usus, vel consuetudo.* Ad hæc respiens Clerus Flandrensis in epistola ad Raynaldum Rhensem Archiepiscopum, quæ refertur in eodem laudato Rhemensi Concilio, ait: *Convicit autem eum (idest, Robertum) Dominus Papa verbis Domini, dicentis: Ego sum veritas, non autem usus, vel consuetudo.* Hæc porro si cum Gratianeo canone Gregorio tributo conferantur, plurimùm cum illo convenire videbuntur, ut propterea verosimile sit in eadem causa, aut ferè simili Gregorium VII. scripsisse, quæ deinde scripsit Successor Urbanus. His addi potest, quod legitur in can. 20. Concilii Romani I. anni 1074. temporibus ejusdem Gregorii, cum enim decreta de custodienda à Clericis continentia commemorarentur, ita subjicitur: *Fortassis autem aliquis dicit: cur noster Gregorius tam contraria nostræ consuetudini statuta observari præcepit: cur non potius nostram consuetudinem quasi misericordi dissimulatione tolerarit. Sed ille audiat &c.* At verò sive Urbanus, sive Gregorius eas phrases,

seu loquendi formulas ex vetustissimo-
rum Patrum monumentis exhauserunt; nàm similia, licet in dissimilibus causis,
jam protulerant Episcopi LXXXVII.
in Concilio Carthaginensi sub Cypriano,
quod integrum refert S. Agustinus
in lib. 3. de Baptismo. Agebant Africa-
ni plures Episcopi, & tuebantur rebap-
tizantium causam, rati hæreticos à Di-
vino jure prorsùs exclusos à potestate,
ac ministerio baptizandi. Quibus cum
objiceretur vetus Ecclesiæ consuetudo,
quà venientes ab hæresi minimè rebap-
tizari solebant, statim ipsi responde-
bant: *In Evangelio Dominus, ego sum, in-
quit, veritas; non dixit: Ego sum consuetudo:*
*Itaque veritate manifestata cedat consuetudo
veritati, ut etsi in præteritum quis in Ec-
clesia hæreticos non baptizabant, nùnc
baptizare incipiat.* Quod igitùr Africa-
ni Episcopi perperam aliquandò scrip-
serunt ad suum errorem fovendum, pro-
tegendum, meliore sanè ratione & Grego-
rius, & Urbanus usurpaverunt, ut
corruptos sui temporis mores repro-
barent.

*De Epistola ad omnes, per Regnum
Italicum, & Theutonicorum debi-
tam S. Petro obedientiam ex-
hibentes.*

Can. 15.
dist. 81.

In Gregoriano Regesto non habetur
epistola, ex qua indicatur depromptus
apùd Gratianum canon 15. dist. 81., ni-
mirùm data omnibus, per Regnum Italicum,
& Theutonicorum debitam S. Petro obedien-
tiam exhibentibus. Verùm nemo dubita-
vit, quin monumentum istud jure opti-
mo Gregorio tribuatur. Plura indicave-
runt Romani Correctores, ex quibus
deducerent similem sententiam sèpissi-
mè in Actis Gregorii exhiberi, quam
frequentissimè indici opus fuit ob cor-
ruptos Clericorum plurimorum mores,
atque ob denegata eam ob causam Cle-
ricis ecclesiastica jura. Ad hanc rem ità
scribit auctor incertus magni Chronicci
Belgici apùd Pistorium inter veteres
Scriptores rerum Germanicarum ad an-

num 1074. de Gregorio VII. Pontifice.
Anno 2. Pontificatus sui secundùm Sieberatum
celebratà Synodo Simoniacos anathematizavit,
& uxoratos (ut se esse putabant) Sacerdotes
ab officio removit, & laicis missas eorum au-
dire interdixit novo exemplo, &, ut multis
visum est, inconsiderato præjudicio contrà Sanc-
torum Patrum sententiam, qui scripserunt, Sa-
cramenta, que in Ecclesia sunt, scilicet Bap-
tismum, Chrisma, Corpus, & Sanguinem
Christi, Spiritu Sancto latenter operante, eum-
dem præstare effectum, sive per bonos, sive per
malos intrà Dei Ecclesiam dispensentur.... Ex
illa igitùr re tam grave oritur scandalum, ut
nullius hæresis tempore Sancta Ecclesia gravio-
re schismate discussa sit, istis pro justitia, illis
contrà justitiam agentibus... ad hac opportuni-
tate illa laicis insurgentibus contrà sacros Ordines,
& se ab omnib[us] ecclesiastica subiectione ex-
cutientibus, ut sacra Mysteria laici temerarent,
& de his disputarent &c. Agnoscis exinde
facili ratione argumentum, & causas
Gregoriani monumenti, cuius si plura
velis similia, adire potes epistolam 45.
lib. 2. Regesti ad Rodulphum, & Ber-
tulphum, ibi: *Sciunt namq[ue] Archiepisco-
pi, & Episcopi terræ vestrae, quod & omnibus
Fidelibus notum esse debet, quoniam in sacris
canonibus prohibitum est, ut hi, qui per simo-
niacam hæresim, hoc est, interventu pretii, ad
aliquem sacrorum Ordinum gradum, vel offi-
cium promoti sunt, nullum in Sancta Ecclesia
ulterius ministrandi locum habeant, nec illi,
qui in crimine fornicationis jacent, missas cele-
brare, aut secundùm inferiores ordines minis-
trare Altari debeant. Que cum eos Sancta, &
Apostolica Mater Ecclesia jam à tempore B.
Leonis Papa sèpè in Conciliis tum per Legatos,
tum per epistolas in se, & commissas sibi ple-
bibus, utpote ab antiquioribus neglecta renova-
re, & observare commonuerit, rogaverit, &
accepta per Petrum auctoritate jusserit, adhuc
tamen inobedientes (exceptis per paucis) tam
execrandam consuetudinem nullâ studuerunt
prohibitione decidere, nullâ distinctione punire,
non attendentes, quod scriptum est, quia ario-
landi peccatum est repugnare, & quasi crimen
idolatriæ nolle acquiescere. Similia leges in
epistolis 61. 62. & 66. ejusdem libri 2.
item in epistola 4. libri 3., rursùm in*

epistolis 11. 20. & 24. lib. 4.; in epistola 24. lib. 7.; demum, ut alia plura prætermittam, in epistola 34. lib. 9. Quæ verò magis præ ceteris epistolis consonat, est epistola ad Germanos, quæ habetur numero 10. in 2. appendice Gregorianarum epistolarum tom. 12. Labbeanæ Venetæ editionis pag. 697. his verbis: *Gregorius Episcopus, servus servorum Dei, omnibus Clericis, & Laicis in regno Teutonicorum constitutis, salutem, & apostolicam benedictionem. Audivimus, quod quidam Episcoporum, apud vos commorantium, aut Sacerdotes, & Diaconi, & Subdiaconi mulieribus commisceantur, aut consentiant, aut negligant.* His, præcipinus, vos nullo modo obedire, vel illorum præceptis consentire, sicut ipsi Apostolice Sedis præceptis non obediunt, neque auctoritati Sanctorum Patrum consentiunt, testante Divinâ Scripturâ, facientes, & consentientes per penam complectitur. Sciunt namque Archiepiscopi, & Episcopi terra vestra, quod omnibus Fidelibus notum esse debet, quoniam in sacris canonibus prohibitum est, ut hi, qui per simoniacam heresim, hoc est, interventu pretii ad aliquem sacerorum Ordinum, gradum, vel officium promoti sunt, nullum in Sancta Ecclesia ulterius ministrandi locum habeant, nec illi, qui in crimen fornicationis jacent, missas celebrare, aut secundum inferiorem ordinem ministrare Altari debeant. Et infrâ: *Quapropter ad omnes, de quorum fide, & devotione confidimus, nunc convertimur, rogantes vos, & apostolicâ auctoritate commonentes, ut quidquid Episcopi dehinc loquantur, aut taceant, vos officium eorum, quos aut simoniacè promotos, & ordinatos, aut in crimen fornicationis jacentes cognoveritis, nullatenus recipiatis.* Quid verò ad similia Gregorii monumenta ulterius progredior, cum hodiè videatur idem canon è pulvere, in qua delituerat, editus à Mansio in tomo 2. appendicis Labbeanae pag. 1. tamquam fragmentum Concilii I. Romanî, à Gregorio VII. Pontifice celebrati anno 1074.? Ediderat tantummodo Labbeus illius Concilii synopsim, sed Acta integra Concilii perierunt. Actuum fragmentum excerptis Mansius ex Gerhoo Reicherspergensi in expositio-

nibus in psalmos ad psalmum 10. pag. 157. his Gregorii verbis: *Siqui sunt Presbyteri, vel Diaconi, vel Subdiaconi, qui in crimen fornicationis jaceant, interdicimus eis ex Dei parte omnipotenis, & Sancti Petri auctoritate Ecclesie introitum, usque dum paeniteant, & emendent. Siqui verò in peccato suo perseverare maluerint, nullus vestrum eorum audire presumat officium, quia benedictio eorum veritur in maledictionem, & oratio in peccatum, Domino testante per Prophetam: Maledicam, inquit, benedictionibus vestris. Qui verò huic saluberrimo precepto obedire noluerint, idolatriæ peccatum incurront, Samuele teste, & B. Gregorio instruente: Peccatum ariolandi est non obedire, & scelus idolatriæ nolle acquiescere: Peccatum igitur paganitatis incurrit, quisquis, dum Christianum se asserit, Sedi Apostolice obedire contemnit. Sunt hæc ipsamet Gratiani verba, ex quibus dubitare non licet, ad idem Concilium I. Gregorianum exhibitum canonem pertinere. Atque id magis magisque confirmat Apologeticus capitulorum Gregorii, apud Labbeum editus in tom. 12. editionis Venetæ ad idem Concilium; siquidem ibidem in cap. 19. ita legitur: *Notandum autem, quod noster Gregorius juxta Sanctorum Patrum statuta prius incontinentes Presbiteros officio privavit, postmodùm populo, ne eorum officia reciperet, interdixit; unde non tam incontinentium, quam pro incontinentia damnatorum missas audire prohibuit; ne & populus se juxta Antiochenum Concilium sub excommunicatione poneret, si eorum officia recipere presumeret. Ipse autem Spiritus Sanctus per Samuelem Prophetam docet populum, ut Canonicis institutionibus nostri Apostolici potius obediatur, quam hujusmodi presumptorum sacrificia in periculum suum recipiat. Dicit enim: melior est obedientia, quam vicina, & auscultare magis, quam offerre arietum adipem: quoniam quasi peccatum ariolandi est repugnare, & quasi scelus idolatriæ nolle acquiescere. Igitur populus apostolicis institutis obediens inobedientium Sacerdotum officia, & Sacramenta recusat, ne ipse crimen idolatriæ per inobedientiam incurrat. Liquet ex his satis superque, in Gratianeo canone nihil aliud contineri, quam sententiam Gregorii**

antè Concilii Romani celebrationem editam, ac promulgatam, in cuius executione cum nonnullorum pervicaciâ difficultia plura occurserent, opportunum visum fuit in Concilio ipso controversias omnes dirimere, atque ad Sanc-
torum veterum Patrum Gregorii doc-
trinam exigere: undè tandem eo deven-
tum est, ut, quidquid Gregorius idem
præstituerat, Concilii quoquè sententiâ
confirmaretur, quemadmodum constat
non solùm ex canonibus Concilii ejus-
dem Romani I., sed etià sequentium
Conciliorum.

*De Epistola ad Herimannum Me-
tensem Episcopum.*

Fuit Herimannus Metensis Episco-
pus in Gallia ex illis, qui adversus Hen-
ricianos in causa diri illorum schismatis
acerrimè pugnarunt, animo conjunctissi-
mus Gregorio VII., qui propterea
oblata sibi sententiæ Concilii Worma-
ciensis, ab Henricianis adversus Grego-
rium prolatæ, subscribere strenuè recu-
savit, uti refert Baronius ad annum 1076.
num. 14., eamque ob causam Henri-
cianorum sententiâ depositus est ab Epis-
copatu, suffecto in ejus locum Megi-
nardo: nec non in exilium pulsus, ubi
miserè afflictus vitam traduxit, & obiit,
eodem rursùs Baronio ita scribente ad
annum 1085. num. 9. Itaquè & Grego-
rio, & Herimanno causa communis
fuerat adversus Henricianos; quam-
obrèm uterque missis invicem epistolis
familiaribus idemidem, quid disputan-
dum, quid agendum, & quâ ratione ge-
renda essent omnia, significabant, mu-
tuis se subsidiis adjuvantes, & quidquid
aut Ecclesiasticis Patribus, aut ex Histo-
ricorum quorumcumque monumentis
ad rem quodammodo facere videretur,
investigantes, & mutuò prudentes, quid
unusquisque data occasione in confi-
ciendis adversariis uteretur. Hujus rei ar-
gumento sunt valdè perspicuo duæ Gre-
gorii epistolæ, quarum prior est 2. lib.
4. Regesti, posterior est 21. lib. 8. Ex-

hac posteriore duo fragmenta recitan-
tur apù Gratianum, nimirūm canon
9. dist. 96., & canon 3. caus. 15. quæst.
6., in quo pro verbis illis Zacharias sci-
licet.... quam pro eo, quid tanta potestati erat
inutilis.... in ejus locum substituit.... ex au-
toritate frequenti agit &c. legendum est ex
integris epistolæ exemplaribus: Zacha-
rias videlicet... quam eo, quid tanta potesta-
ti non erat utilis.... in ejus loco substitutus....
ex frequenti autoritate sèpè agit &c. Pro-
posuerat ibi Gregorius duo Pontificum
Acta, & primum Innocentii Papæ ad-
versus Anastasium Imperatorem, qui
consenserat expulsioni Joannis Chrysos-
tomi; alterum, quod apù Gratianum
recensetur de Zacharia Pontifice; in qui-
bus tamè deceptum fuisse ex apocry-
phis monumentis Gregorium, Viri gra-
vissimi testantur. Pagius ad Acta Inno-
centii Papæ, à Baronio relata ad annum
407. ita adnotavit: *Epistola Innocentii Pa-
pæ XXX. ad Arcadium Imperatorem, quâ ex-
communicantur persecutores S. Chrysostomi,*
supposititia, cum in ea sermo sit de Eudo-
xia vivente, que tamè jam ab anno 404.
(quod demonstraverat perspicue idem
Pagius ad annum 404. num. 28.) *supre-
num diem obierat. Quare ejusdem epistola nec*
Palladius, nec Socrates, nec Theodoreus, nec
Sozomenus, nec Zonaras, nec aliqui ex Latini-
nis mentionem fecere; primusque Georgius Ale-
xandrinus, qui septimo Ecclesia sèculo vixit,
ex quo Nicephorus, & Glicas eam hausere.
His Pagii adnotationibus adjici potest,
quod de Arcadio Imperatore, velut in
ecclesiastica communione perpetuò con-
sistente, ac vitâ functo, refertur in his-
toria Tripartita cap. ult. ibi: *Non multa
post tempore, quām Joannes defunctus est, mo-
ritur & Arcadius Imperator, vir mitis, &
quietus, & circa finem vite pro hujusmodi causa
venerabilis existimatatur.* Pagio consensit
Natalis Alexander in historia ecclesiasti-
ca sèculi 5. cap. 2. art. 1., vocans ibi-
dèm Georgium solitarium hujus, alia-
rumque non absimilium fabellarum auc-
torem. Supposititia quoquè idem Natalis Alexander in historia ecclesiastica sè-
culi 8. dissert. 2. probavit gesta, que
Za-

Zachariæ Pontifici tribuebantur, vel quod contemporanei Scriptores silentium perpetuum de iis habuerint, vel quod Historici iidem contemporanei multò aliter rem gestam enarrent, quam recentiores nonnulli tradiderint. Suspicor ego, gesta hujusmodi inventa fuisse à Græcis Schismaticis, eademque Constantinopolitanis Imperatoribus proposita, ut illa specie Imperatorum animum à Romanis Pontificibus averterent, quorum ipsi potestati subjici recusabant. Atque hæc figmenta certis temporum, ac locorum adjunctis adjuvabantur; in primis enim constabat, Romanos ab Imperio Orientali jam diù defecisse, aliosque sibi Principes constituisse post Ikonoclastarum hæresim subortam, quod facilè Summorum Antistitutum operæ tribui à Schismaticis poterat: deinde, ubi ageretur de Francorum Regibus, facile etiā erat figuris omnia vertere, cum illorum Acta incertissima vagarentur etiā apud suos. Notat enim Baronius ad annum 671., incertissimam saeculo 7. fuisse Francorum Regum successionem, ob maximam Scriptorum varietatem; imo etiā aetate Caroli Magni scribit Eginardus in vita ipsius, nihil se scire de nativitate, infancia; & pueritia illius Principis, nec aliquem superesse, qui horum se dicat habere notitiam.

*De ceteris Canonibus, Gregorio VII.
adscriptis.*

Can. 13. caus. 1. apud Gratianum Gregorio VII. tributa, q. 3. & nimirū canon 13. caus. 1. quæst. 3., Can. 16. & can. 3. caus. 16. quæst. 7., seu verius dixerim, unum taatummodo bis exaratum diversis in locis, ut liquef unicusque, utrumque canonem conferenti. Inter editas Gregorii epistolulas, aut Concilia eadem, quæ Gratianus retulit, verba minimè reperiuntur: non dubito tamè, quin jure optimo adscripta eidem Pontifici fuerint, cum maximè convenient temporibus illius, qui-

bus nihil pressius urgendum erat, quam decimas à Clericis subreptas Clericis esse reddendas. Duo detestabilia nonnullorum Clericorum vita, nimirū simonia in celebrandis ordinationibus, & incontinentia occasionem dederant Laicis, ut decimas à Clericis, quasi ab indignis, eriperent. Hinc, quemadmodum elaborandum fuit Pontificibus Maximis, ac præsertim Gregorio, ut Clericos in bonam frugem reducerent, ita quoquè curandum, ut decima Clericis restituerentur. Quid aliud porrò aut in epistolis ejusdem Gregorii, aut in Conciliis illius ætatis, pressius, ac frequentius urgetur? Exemplum est in canone 1. caus. 16. quæst. 7., de quo superius actum est; exemplum perspicuum in epistola 5. lib. 6. ad Herimannum Metensem, quem Gregorius ideò reprehendit, quod Laicis jura quædam Ecclesiastica concessisset. Exemplum, ut cetera omittam, in epist. 5. lib. 9. ad Hugonem Diensem Episcopum, ubi Gregorius laudat Regem Anglorum, quod compulerit Laicos ad decimas dimittendas, quas ipsi detinebant. Ego arbitror, memoratum Gratiani canonom pertinere ad Concilium Romanum V. sub Gregorio VII. celebratum anno 1078. cuius acta integra perierunt: etenim de hac materie actum illic fuisse constat ex capite 6. ex illis, que edita supersunt apud Labbeum, ibi: *Decimas, quas in usum pietatis concessas esse canonica auctoritas demonstrat, à Laicis possideri Apostolicâ auctoritate prohibemus; sive enim ab Episcopis, vel Regibus, vel quibuslibet Personis eas acceperint, nisi Ecclesia reddiderint, sciant se sacrilegii crimen committere, & aeterna damnationis periculum incurvere.* Similem sententiam Gregorii VII. edidit Mansius in tom. 2. Supplementi Labbeani pag. 29. erutam ex tom. 2. parte 2. Rer. italicarum, in cuius postremis verbis hæc leguntur: *Quicumque militum, vel cuiuscumque ordinis, vel professionis persona prædia ecclesiastica à quocunque Rege, seu seculari Principe, vel ab Episcopis, invitis Abbatibus, aut ab aliquibus Ecclesiarum Rectoribus suscep-*

pit, vel suscepit, vel invasit, vel etiam eorumdem Rectorum depravato sententioso consensu tenuerit, nisi eadem prædia Ecclesiæ restituerit, excommunicationi subjaceat. Roma in universali Syodo presidente B. Gregorio Papa ab eodem promulgata, ab universalis Concilio comprobata. Ex his constat, acta Concilii Romani integra periisse, ejusdemque varia fragmenta in aliquorum mo-

numentis dispersa superfuisse, forte autem nos non nihil Gratiano debere, qui in memoratis canonibus 13., & 3. Gregorii verba posteritati servaverit: nisi forte dixeris, apud Gratianum non verba ipsa Gregorii exhiberi, sed sententiam, propterea exigendam ad fragmenta illa, quæ alii ex eodem Concilio prodiderunt.

APPENDIX

De Confessione Berengarii.

CAN. 42. **de cons. dist. 2.** **confessio quædam nomine Berengarii Andegavensis Diaconi, quem alii Berengerium vocant, quam hunc in locum retuli, quod ipsius causa finem tandem acceperit sub Gregorio VII., licet sub Gregorii antecessoribus, præsertim Leone IX., ac Nicolao II., variis obnoxia fuerit vicibus, modò enim versipellis Diaconus in unam sententiam descendebat, modò ab illa in aliam recedebat pro variis temporum, & locorum adjunctis. Extat de hac re apud Labbeum in tom. 11. Venetæ editionis pag. 1425. opusculum Anonymi, qui scribebat anno 1088. quo mortuus est idem Berengarius, editum à Chifletio. Refert ille, Berengariu[m] primū asseruisse, in Sacratissimo Eucharistiæ Sacramento Christi Corpus, & Sanguinem non contineri, sed tantum inesse tigaram. Id ubi primū intellexit Leo IX. Pontifex Maximus in Romano Concilio anni 1050. novam hæresim damnavit, hæreticum etiā communione ecclesiastica privavit, quæ damnationis sententia confirmata est in Concilio Vercellensi ejusdem anni. Renovatum est judicium, Berengario ipso præsente, seque etiā pro viribus defendantे, in Concilio Turonensi anni 1055. mandato victoris Papæ II., cuius vices gerebat Hildebrandus, qui postea ad Summum Pontificatum electus est nomine Gregorii VII.,**

ibidèmque Berengarius hæsim suam præstito jurejurando anathematizavit; sed in eandem rursus opinionem inclinans à Nicolao II. ad Romanum Concilium advocatus est anno 1059., ibique convictus libros propriæ hæreses in conspectu Pontificis Maximi, & Episcoporum, qui eō convenerant, CXIII. concremavit, præstitoque rursus jurejurando catholicam professionem renovavit, quam in Turonensi Concilio fecerat. Hæc est illa confessio, quæ legitur in dicto canone 42. de cons. dist. 2. eidem omnino verbis. Verum Berengarius more suo ad pristinam hæsim reversus est, eo ulterius progressus, ut Romanos Antistites, & Romanam ipsam Ecclesiam pudendis conviciis laceraret, interea per discipulos suos virus hæreses undique diffundens, & incertos inficiens. Pervicacem hominem tandem Gregorius VII. audire voluit in duabus Synodis, tum anni 1078., tum anni 1079., ubi Berengarius tandem retractatione facta benè de se sperandum bonis universis reliquit. Formula professionis hujus postrem à Berengario factæ hæc est: *Ego Berengarius corde credo, & ore confiteor, panem, & vinum, quæ ponuntur in Altari, per mysterium sacre orationis, & verba nostri Redemptoris, substantialiter converti in veram, ac vivificantem Curnem, & Sanguinem Jesus Christi Domini nostri, & post consecrationem esse verum Christi Corpus,* quod

quod natum est de Virgine, & quod pro salute mundi oblatum in cruce pependit, & quod seder ad dexteram Patris, & verum Sanguinem Christi, qui de latere ejus effusus est, non tantum per signum, & virtutem sacramenti, sed in proprietate naturae, & veritate substantiae, sicut in hoc Brevi continetur, & ego legi, & vos intelligitis: sic credo, nec contra hanc fidem ulterius docebo: sic me Deus adjuvet, & haec sancta Dei Evangelia. Post haec Berengarium à Gregorio VII. restitutum omnino fuisse in Christianam communio- nem, facilè constare potest ex literis commendatitiis, quas idem Pontifex Berengario concessit anno 1080., quæque re-

feruntur in 2. Appendice epistolarum Gregorii VII. apud Labbeum epist. 2. ibi: *Gregorius, servus servorum Dei, omnibus B. Petro fidelibus salutem, & apostolicam benedictionem. Notum vobis omnibus facinus, nos anathema fecisse ex auctoritate Dei omnipotens Patris, & Filii, & Spiritus Sancti, & BB. Apostolorum Petri, & Pauli, omnibus, qui injuriam aliquam facere præsumperint Berengario Romana Ecclesie filio, vel in persona, vel in omni possessione sua, vel qui eum vocarit hereticum, quem post multas, quas apud Nos quantas voluimus, fecit moras, domum suam remittimus, & cum eo fidelem nostrum Fulconem nomine.*

C A P U T LXXXV.

De Urbano II.

Prætèr illa, quæ Urbani II. Conciliis tributa fuerunt, quæque expendi in cap. 63. primæ partis, multa adhuc sunt ejusdem Pontificis monu- menta apud Gratianum.

Ex Epist. ad Gebhardum Episcopum Constantiensem.	{ Can. 110. caus. 11. q. 3. { simul jungendi, atque ex integræ Can. 4. caus. 9. q. 1. } epistola supplendi.
Ex Epist. ad Hungonem Lugdunensem Episcopum.	{ Can. 10. caus. 9. q. 2. ad varia temporum, & locorum adjuncta exigendum.
Ex Epist. ad Lucium Praepositum S. Juventii.	{ Can. 8. caus. 1. q. 3. ex optimis exemplaribus emendandus. Can. 12. caus. 1. q. 3. referendus ad can. 8. caus. 1. q. 3.
Ex Epist. ad Petrum Pistoriensem, & Rusticum Abbatem Vallis Umbrosæ.	{ Can. 24. caus. 1. q. 7. varius in diversis codicibus.
Ex Epistola ad Abbatem S. Rufini.	Can. 3. caus. 19. q. 3. paulò varius in diversis exemplaribus.
Ex Epist. ad Bartholomæum Episcopum Turonensem.	Can. 13. dist. 56. per perpetam Urbano II. tributus.

- Ex Epist. ad Dominum Patriarcham Gradensem.** } Can. 11. dist. 32. perperam Urbano II. tribus.
- Ex Epist. ad Hugonem Gratianopolitanum Episcopum.** } Can. 39. caus. 16. q. 7. pluribus Urbani monumentis consonat.
- Can. 11. caus. 35. q. 2. ex aliis monumentis explicandus.
- Ex Epist. ad Gauñerium Narbonensem Episcopum.** } Can. 37. dist. 50. ex aliis monumentis emendandus.
- Ex Epist. ad Albertum Metensem Episcopum.** } Can. 3. caus. 1. q. 3. aliis Urbani monumentis consonat.
- Ex Epist. ad Episcopum Vapicensim.** } Can. 5. caus. 15. q. 6. consonat Urbani temporibus.
- Ex Epist. ad Guimondum Episcopum.** } Can. 3. caus. 24. q. 2. ex Iwonis codice emendandus.
- Ex Epist. ad Gofredum Episcopum Lucanum.** } Can. 47. caus. 23. q. 5. ex Iwonis codice emendandus.
- Ex Epist. ad Petronium Episcopum Legionensem.** } Can. 14. dist. 56. ad Panormia codicem exigendus.
- Ex Epist. ad Richardum Archiepiscopum Genuensem.** } Can. 3. caus. 35. q. 6. paulo varius in diversis codicibus.
- Ex Epist. ad Sanctum Regem Aragonum.** } Can. 3. caus. 31. q. 2. paulo varius in diversis codicibus.
- Ex Epist. ad Vitaliem Presbyterum Brixiae.** } Can. 2. caus. 1. q. 5. } simul jungendi, atque ad Baluziam.
- Can. 4. caus. 30. q. 3. } num codicem exigendi.
- Can. 6. caus. 30. q. 4. }
- In Capitulo Sancti Rufini.** } Can. 2. caus. 19. q. 2. falso adscriptus Urbano.
- Ex Gestis ejusdem Pontificis.** } Can. 2. caus. 8. q. 3. paulisper depravatus.
- Can. 1. dist. 56. consonat cum pluribus Urbani II., & Gregorii VII. monumentis.
- Can. 11. dist. 56. referendus ad canonem 1. dist. 56.
- Can. 4. dist. 60. referendus ad Concilium Beneventanum anni 1091.
- Can. 6. dist. 68. consonat tum Paschalis II., tum S. Augustini monumentis.
- Can. 2. caus. 9. q. 2. falso tributus Urbano II.
- Can. 37. caus. 12. q. 2. pertinet ad Concilium Lateranense Calisti II.
- Adjiciuntur.** } Can. 2. caus. 16. q. 2. pertinet ad Concilium Moguntinum anni 813.
- Tom. III.** Bbb Can.

PARS SECUNDA. CAPUT LXXXV.

- Can. 6. caus. 16. q. 2. referendus ad Concilium Claromontanum.
 Can. 1. caus. 16. q. 4. pertinet ad Concilium Lateranense Cal-
 listi II.
 Can. 2. caus. 16. q. 7. ad integros Claromontani Concilii codices
 exigendus.
 Can. 2. caus. 19. q. 3. est adscribendus Anselmo Episcopo Ha-
 velbergensi.
 Can. 23. caus. 22. q. 5. consonat Urbani II. temporibus.
 Can. 22. caus. 23. q. 8. consonat Urbani II. temporibus.
 Can. 24. caus. 24. q. 3. pertinet ad Concilium Lateranense Cal-
 listi II.
 Can. 37. caus. 24. q. 3. convenit Urbani II. temporibus.
 Can. 6. caus. 25. quest. 1. non dissonat ab Urbani II. sen-
 tentiis.
 Can. 1. caus. 31. q. 2. ad emendationem Iovonis codicem exi-
 gendas.
 Can. 3. de p̄n. dist. 6. idem est cum can. 2. caus. 9. q. 2.

Adjiciuntur.

Nemo facile poterit de Gratia-
 neis fragmentis Urbano II. tribu-
 tis sententiam ferre, nisi paucis saltēm
 attingantur quādam Occidentalis eccl-
 esisticae disciplinæ capita, quā ejusdem
 Pontificis temporibus propemodū col-
 lapsa ab Historiographis feruntur. Ro-
 manam Sedem tenuit Urbanus natione
 Gallus, professione Monachus Clunia-
 censis ab anno 1088. pōst obitum Vic-
 toris III. usquè ad annum 1099., quūm
 adhuc vigerent adversus Romanam Ec-
 clesiam dira, ac diuturna Henricianor-
 rum schismata; eamque ob rem suā dig-
 nitatis æmulatorem adhuc pati debuit
 Guibertum, jam dūl contrā Gregorium
 VII. constitutum. Vix Romæ in rebus
 incertis asylum invenire potuit recens
 electus Antistes, qui satius duxit confu-
 gere ad suos, videlicet perrexit in Gal-
 liam, ibidēque plura celebravit Con-
 cilia, de quibus jam alibi egimus. Tur-
 babat etiā Pontificis animum nonnullorū
 Clericorum pervicacia, qui nun-
 quām solertiā Prædecessorum Pontifi-
 cum adduci potuerunt, ut continentiam
 custodirent; laicorum etiā plurimo-
 rum, qui Clericos insequendo bona ipsa
 ecclesiastica diripiebant, decimarum
 iurā, atque iis similia denegabant. Inte-
 rēa verò Monachi ditescere cœperant
 vel novis liberalitatibus, vel ex acces-

sione bonorum ecclesiasticorum, quā
 fiebat à laicis, direpta bona ecclesiastica
 monasteriis concedentibus; atque etiā
 totis viribus contenderunt, ut abs ju-
 risdictione Episcoporum eximerentur,
 modò Pontificiis obtentis privilegiis,
 modò diplomatiis Principum, modò
 tabulis fundatorum; utinā etiā nulla
 commentitia ipsi monumenta exemptio-
 num suarum confecissent, quibus faci-
 lē eludebant Episcopos, imò & Cleri-
 cos universos, ut plurimū in ecclesias-
 ticis literis tūc ineruditos, sed inhiantes
 sacerularibus rebus, adeò ut animarum
 cura ad Monachos quodammodo trans-
 siisse videretur. Quod deinde clariū ad-
 paruit, dum sub eodem Urbano II. bel-
 lum sacrum adversus Turcas, sive ad
 recuperationem Terræ, ut vocant, Sanc-
 tæ, pararetur. Nimirū anxia fuit tūc
 Clericorum fermè omnium sollicitudo
 in augendis militum copiis, instruendo
 exercitu, eleemosynis indicendis, exi-
 gendisque, dum Monachi, aliique hu-
 jus generis homines eximiā vitæ probi-
 tate, & proximorum zelo spectabiles, cu-
 ram animarum subsidiariā quadam ope-
 rā gererent. Vides in his Ecclesiæ Oc-
 cidentalis imaginem, qualis erat Urba-
 ni temporibus, quam præ oculis habe-
 re frequentissimè oportebit in capitibus
 ejusdem Pontificis expendendis. Et quo-
 niām

niam maximam partem ex epistolis Urbani videntur eruta hujusmodi capita, opportunum erit animadvertere, plures hodiè ex illis epistolis desiderari, plures è converso ex extantibus eidem Pontifici falso esse tributas. Petrus Diaconus in libro de Viris illustribus Monasterii Cassinensis cap. 31. ità scribit: *Leo, Romana Ecclesia Diaconus Cardinalis Cassinensis Cœnobii, Monachus insignis, studio eloquentia scriptis ex nomine Urbani Papa complures epistolas, fecit & Registrum ejus.* Hocce Registrum tempore Iwonis Carnotensis notum fuisse liquet ex ipsius Iwonis Decreto, ubi caput 53. partis 9. ità laudatur: *Ex Registro Urbani Papa II.* Hanc collectionem periisse animadvertisit Marus Benedictinus in suis adnotationibus ad dictum caput 31. in Bibliotheca Patrum. Ceterum, quo tempore Regestum præ manibus Collectorum erat, plures apocryphas epistolas, præsertim in gratiam Monachorum, factas emersisse pluribus ostendit Cardinalis Baronius ad annum 1088.; idque ab ipsis Monachis Cassinensibus factum ait, qui epistolas Urbani II. nomine inscripserunt, ac, postquam id vividiore stylo tradidit, ità subdidit: *Etsi sciamus concitari in nos odium Monachorum, sed præstat anteferre omni humano respectui veritatem.* Quæ si vera sunt, nimirum si Monachi Cassinenses in commentitiis Urbani II. epistolis effingendis elaborarunt, si itidem Gratianus in Cassinensi Cœnobia diutius vixit, & Cassinensis propterea Cœnobii bibliothecâ usus est, eo animo ad epistolas Urbani à Gratiano exhibitas accedere licet, ut ad rejiciendas illas solis conjecturis indulgere facilè quispiam possit. Regestum Urbani in Monachorum bibliothecis diù delituit, in Monachorum manibus diutissimè versabatur; in collectiones publicas nusquam redactum est, imò & ipsum Urbanum, ut arbitror, latuit, utpotè qui Pontifex peregrinari quodammodo cogebatur, Henricianorum vexationem evitans. Ea igitur, qua par est, sollicitudine investigandæ illinc depromptæ epistole,

& non nisi seduli criterii opè vel admittendæ, vel rejiciendæ videntur.

De Epistola ad Gebehardum Episcopum Constantiensem.

Ex codice Atrebateni edidit Jacobus Sirmondus epistolam Urbani ad Gebehardum Constantiensem Episcopum, qui aliquot in codicibus dicitur Guieardus, alibi Genebaldus, alibi Geboardus. Tota epistolæ sententia eò tendit,

Cas. 110
caus. 11.
q. 3.
Can. 4.
caus. 9.
q. 1.

ut Guibertus Antipapa cum fautoribus Henricianis tanquam extrà communio nem Ecclesiæ prorsùs existentes habentur: insuper excommunicati etiā sint quicumque cum illis communicaverint: quod si quisquam communicaverit, non cum Guiberto, aut Guiberti fautoribus, sed cum illis, qui Guiberto, & fautoribus communicaverant, isti quidem non sine penitentia recipiendi es sent, nullam tamè excommunicatio nem incurrerent. Nihil est meo judicio, quod dubitationem facere possit de hu jus epistolæ veritate; præterquamquod enim temporis adjunctis apprimè con veniat, consonat etiā cum iis, quæ nonnulli ex historicis retulerunt. Bernardus Pez in tom. 1. parte 3. sui Thesauri Anecdotorum edidit MSS. vetus Monasterii Zuvetlensis Ordinis Cisterciensis, in quo texitur historia Romanorum Pontificum à S. Petro usquè ad Cœlestimum III., sive ad annum 1191. De Urbano autem II. ibidem ita legitur: *Canones statuit Genebaldo Constantiensi Episcopo de iis, qui communicant excommunicatis sponte, aut per ignorantiam.* Scimus prætereà, eam Urbani epistolam in causa fuisse, cur in Diœcesi Constantiensi plures meditarentur à Diœcesi ipsa recedere, & in alias se recipere civitates, ne cum excommunicatis communicare viderentur, donèc Paschalis II. Urbani successor in epistola (12. ex Labbeanis) ad eumdem Gebehardum scripta docuit, qui, & quâ ratione excommunicati vitari à Fidelibus deberent. Ad istam sanè epistolam Urbani pertinet ca-

non 110. caus. 11. quæst. 3.; postquam enim Urbanus Guibertum, & Henricianos excommunicasset primo gradu, deinde quasi ad secundum gradum deveniens excommunicasset eos, qui cum illis communicaverant, hæc subjicit: *Hos igitur principaliter anathematis vinculo adstringentes, in tertio gradu communiances eis nos quidem non excommunicamus.* Sed quia ipsi se eorum communione comminaculant, in nostram eos societatem nequaquam sine pœnitentia ultione, & absolutione recipimus. Sanctis quippe canonibus cautum constat, ut, qui excommunicatis communicaverit, excommunicetur. Ipsi tamè pœnitentia, atque absolutionis modis è moderatione discrevimus, ut, quicumque seu ignorantia, seu timore, seu necessitate negotii cuiusque maximi, & maxime necessarii, eorum se convictu, salutatione, oratione, osculove contaminaverit, cum minoris pœnitentia, absolutionisque medicina societas nostra participium sortitur. Eos vero, qui aut spontaneè, aut negligenter inciderint, sub ea volumus discipline coercione (legunt alii coertione pro coercione) suscipi, ut ceteris metus incutiatur. Ex his supplendus, emendandusque erit Gratiani canon 110., post quæ ita statim prosequitur Urbanus: *Cujus disciplina moderamina, quod ad tuam curam spectat, nos tue prudentia, prout oportere videris, pro temporis, & personarum competentia servanda committimus.* Porro de Clericis, qui ab excommunicatis sunt Episcopis ordinati, necdum quidem sententiam ferimus, quia generalis mali contagium generalis Synodi est cauterio comburendum. Tua tamè Fraternitati hoc respondemus ad præsens, ut ab excommunicatis, quondam tamen Catholicis, Episcopis ordinatos, si quidem non simoniace Ordines ipsos acceperint, etsi Episcopos ipsos non simoniacos esse constituerit, ad hoc si religiosior eorum vita, & doctrina prærogativa visa fuerit promereri, pœnitentiæ indictâ, quam congruam duxeris, in ipsis, quos acceperint, Ordinibus manere permittas. Ad superiores autem ascendere non concedimus, nisi necessitas, & utilitas maxima flagitaverit, & ipsorum sancta conversatio promeruerit, & hoc tamè ipsum rariùs cum cautela est præcipua concedendum. Hæc verba retulerat Gra-

tianus in canone 4. caus. 9. quæst. 1., quemadmodum etiàm Ivo in parte 6. cap. 406. sub nomine Urbani II. ad Gebeardum sribentis; quam ipsam inscriptionem, notat Baluzius ad Gratianum, fuisse in veteri collectione canonum, quæ erat Claudi Puteani, Sirmondi arguens, quod in cap. 3. Aptirrhetici secundi adversus Aurelium crediderit mutandam esse inscriptionem, & pro Gebeardo Episcopo Constantiensi substituendum esse nomen Pibonis Episcopi Tullensis. In hac parte nec rejicienda est Baluzii nota, qui Collectorum inscriptionibus eò usquè insistendum esse rectissimè asserit, quòd cum authographis, aut optimis exemplaribus consonant; neque aliàs nimis erit improbanda Sirmondi traditio, cum eadem propemodùm verba legamus in epistola Urbani II. ad Pibonem Tullensem Episcopum, editam apud Labbeum in Appendice epistolarum Urbani II. num. 17. ex codice MSS. Petavianæ Bibliothecæ. In cap. 4. ejus epistolæ hæc leguntur: *Porro de Clericis, qui ab excommunicatis Episcopis sunt ordinati, necdum quidem sententiam fiximus, quia generalis mali contagium generalis Synodi est cauterio comburendum. Tu tamè Fraternitati hoc respondenmus ad præsens, ut ab excommunicatis, quondam tamen Catholicis, Episcopis ordinatos, si quidem non simoniace Ordines ipsos acceperint, etsi Episcopos ipsos non simoniacos esse constituerit, ad hoc si religiosior eorum vita, & doctrina prærogativa visa fuerit promereri, pœnitentiæ indictâ, quam congruam duxeris, in ipsis, quos acceperint, Ordinibus manere permittas. Ad superiores autem ascendere non concedimus, nisi necessitas, vel utilitas maxima flagitaverit Ecclesia. Hoc tamè ipsum rariùs, & cum cautela est præcipua concedendum.*

De Epistola ad Hugonem Lugdunensem Episcopum.

Extat præterea apud Labbeum in Appendice epistolarum Urbani II. num. 19. epistola ad Hugonem Lugdunensem Archiepiscopum, eadem ipsa, qualis apud

apud Gratianum refertur in can. 10. quæst. 2. Eamdem epistolam integrum retulit Ivo in parte 6. cap. 412., cuius auctoritas plurimum me movet in hac parte, vel quod non disstat ab Urbani tempotibus, vel quod in Gallia scripserit, illudque monumentum laudaverit, quod editum fuerit à Pontifice scribente in Gallia, & ad Episcopum Gallicanum. Temporibus autem Urbani II. Hugonem fuisse Lugdunensem Episcopum, imò & aliquandò viues Urbani gessisse, constat, tum ex Concilio Brivatensi anni 1094., tum ex Concilio Turonensi anni 1096. Totus epistolæ tenor è pertinet, ut in Diœcesi Lugdunensi nemo sit ordinandus juxta generales canonum regulas ab alterius Diœcesis Episcopo: verùm bono pacis patientè indulgendum, si quis ita ordinatus esset, ut in suo gradu Ecclesiæ ministret, dummodò integer vitæ sit, ac propterea veniam sibi quodammodo promereatur; atque ad eam rem adfertur in medium exemplum S. Epiphani, qui in Diœcesi S. Joannis Chrysostomi fertur quosdam Clericos ordinasse. Sunt hæc digna animadversione; quamobrèm duo potissimum hoc in loco consideranda veniunt: primum, quâ de causa contingere potuerit, ut in Diœcesim Lugdunensem extranei Episcopi accederent Clericos ordinaturi; cur etiam id benignè ferre debuisset Lugdunensis Episcopus: alterum, quid sentiendum sit de proposito Sancti Epiphani exemplo, quasi Epiphanius, Vir certior qui justitiae cultor, terminos diœcessanos publicâ auctoritate constitutos violaverit transgrediendo.

Quod primum spectat, contingere tunc facile potuit, ut extranei Episcopi in Lugdunensi Diœcesi Clericos ordinarent, de illis propterea conquereretur Lugdunensis Episcopus, quem Urbanus ad patientiam, atque indulgentiam fleceret; atque id triplici forte de causa. En primam: Nemo ignorat, anno 1079. in Gallicanis provinciis constitutum fuisse Primum Lugdunensis

Ecclesiæ suprà Rothomagensem, Turonensem, ac Senonensem Ecclesias, ut Lugdunensis Archiepiscopus legatione quadam Pontificis Maximi potiretur, cuius vi ceteris memoratis Archiepiscopis præsideret. Nihilominus tamè posteriore ætate Legatos alios extrà ordinem Romani Antistites mittere in illas Provincias solebant, quemadmodum constat missum fuisse in Gallias Amatum Episcopum Oloronensem, in Hispanias Geraldum Episcopum Ostiensem, & Bonifacium ad Germanos, ut omittam alios numero plurimos, qui, cum Apostolicam auctoritatem vi sua legationis explicarent, arbitrii sunt se in unaquaque Diœcesi posse Episcopali officio fungi, ac propterea etiam celebrare ordinationes Episcoporum, quod aliquantulum ægrè tulerunt Episcopi Diœcessani, quemadmodum constat apud Ivenem Carnotensem in suis epistolis quam frequentissimè. In his adjunctis personarum, ac temporum, quid mirum, si etiam Hugo Lugdunensis, Primatis auctoritate, legatione etiam Pontificiæ insignitus, conquereretur de extraneis Episcopis ordinationes Clericorum in Lugdunensi Ecclesia celebrantibus? Quid præterea mirum, si Urbanus Episcopos illos extraneos, quos legationis honore decoraverat, excusaret? Altera causa hæc esse potuit. Dixeram nupèr, Lugdunensem Archiepiscopum jure Pontificiæ legationis pluribus Provinciis fuisse præfectum veluti Primatem. Hugo autem Lugdunensis ex his fuit, & Primas, & Legatus Apostolicus, quemadmodum Historici universi testantur, qui de Lugdunensi Primatu egerunt, & quemadmodum perspicue colligitur ex decreto Urbani, ad eumdem Hugonem misso. Idem propterea Lugdunensis Antistes ad se unum spectare arbitrabatur Episcoporum omnium Primatui subjectorum consecrationes, contrà fortè sentientibus Archiepiscopis, & Episcopis illarum Provinciarum, qui jus vetustissimum servandum, custodiendumque asserebant, quo & Metropolitanus, coac-

to Suffraganeorum Concilio, consecratur, & Metropolitano in conventu Suffraganeorum suffraganeus Episcopus ordinabatur. Testem hujus rei habeo optimum Ivonem Carnotensem, qui de Hugone ipso Lugdunensi hac de causa gravissimè conqueritur in epist. 59., 60., 61., & passim. Hinc, cum Episcopi, vel Archiepiscopi has Coepiscoporum ordinationes, non petitâ ab Hugone facultate, celebrare non dubitarent, conqueri Hugo penè Urbanum potuit, æquumque putavit Urbanus ordinatores Episcopos excusare, qui dum ad ordinationes illas procedebant, veterum canonum disciplinæ se se studiosissimos exhibebant, non considerata in hac parte legatione Pontificis Maximi, utpôtè quæ erat in Hugone recentissima. Tertiam demùm causam adjicio, quam Monasteria præbere potuerunt: nimirùm cœperant tunc temporis Monasteria quedam exemptionum privilegia producere, quibus episcopalem evaderent jurisdictionem; quamobrèm quoties ordinari Clericos in Monasteriis hujusmodi decebat, Monachi ordinationes non à Diœcesano, sed ab extraneo Episcopo postulabant, veriti ne si Diœcesanum adivissent causâ ordinationis, renunciasse tacite suo privilegio videbantur. Id manifestè colligitur ex Concilio, apud Urbem Ansam celebrato in Diœcesi Lugdunensi anno 1025., cuius verba edidit Jacobus Severtius in Chronologia Archiepiscoporum Lugdunensium num. 67. Conquestus fuit in hoc Concilio coram Burchardo Lugdunensi Archiepiscopo Gauslenus Episcopus Matisensis de Burchardo Archiepiscopo Viennensi, quod sine suo assensu ordinationes Monachorum fecisset in suo Episcopatu, id est, in Cluniensi Cœnobio. Cum autem præsens adessent, Odilo Cluniacensis Abbas exemptionis privilegia allegavit à Romana Ecclesia obtenta, ex quibus patebat potuisse Monachos Clunienses quemcumque Episcopum accire causâ sacrarum ordinationum: licet tamèn

deindè res synodali judicio eo devenerit, ut Burchardus veniam peteret, & Gausleno satisfaceret. In his rerum, & locorum adjunctis facile suspicari quispiam poterit, Hugonem Lugdunensem simili de causa conquestum fuisse apud Urbanum; ipsum autem Urbanum, qui auctor Monasticorum quorundam privilegiorum esse poterat, aut saltèm intellecterat propositas exemptiones fuisse, velut obtentas à Sede Apostolica, voluisse illos Episcopos, quoad fieri posset, excusare, qui privilegiis, aut exemptionibus fidentes ad ordinationes in aliena Diœcesi celebrandas accesserant.

Sic absolutâ priore observatione, ad alteram venio, quæ pertinet ad memoratum S. Epiphani exemplum, qui consecraverat Clericos in Diœcesi S. Joannis Chrisostomi. Agnoscendus illic est error facti: non in Diœcesi Joannis Chrisostomi, sed in Diœcesi Joannis Episcopi Hierosolymitani fertur Epiphanius Clericos ordinavisse: error quidem excusatione dignus; etenim cum tempore S. Epiphani Salaminæ in Cypro Episcopi Episcopus Constantinopolios esset Joannes cognomento Chrisostomus, Hierosolymitanum verò Episcopatum gereret Joannes II., facile erat decipi ita, ut pro Joanne Hierosolymitano Joannes Constantinopolitanus, sive Chrisostomus diceretur. Laudo ego auctorem S. Hieronymum, Epiphanio ipsi contemporaneum, tum in epistola ad Pammachium adversus errores Joannis Hierosolymitani, tum in epistola ad Theophilum adversus eumdem Joannem. Laudo præterea Epiphanium ipsum in epistola ad Joannem Hierosolymitanum, quam è græco in latinum idem Hieronymus transtulit, ex quibus optimis monumentis hæc facti series colligitur. Joannes Hierosolymitanus Episcopus Origenis doctrinam & errata sequebatur. Propè ejus Provinciam in loco ab hominum societate dissito (puta in solitudine, ac sylvestribus locis, in quibus monasteria olim condi solebant) Monachi quidam morabantur sacri ali-

eujs administris officio destituti, nemine ex ipsis paciente causâ humilitatis se sacris ordinibus initiari. Sanctus Epiphanius ut Monasterii illius, & Monachorum utilitati consuleret, arbitratus se alienam Provinciam minimè ingredi, ibidem invitum quemdam Monachum Diaconum primùm, deindè Sacerdotem ordinavit. Hinc Joannes Hierosolymitanus, qui recte noverat Epiphanium Origenis doctrinam, quam ipse excubebat, detestari, cœpit hac oblatâ occasione eumdem Episcopum tanquam alienæ Diœceseos invasorem, ac turbatorem prædicare, ut sic facilius Epiphanium premeret, unumque ex præcipuis Origenis hostibus perterrefaceret, atque in eum multorum, si fieri posset, odia concitaret. Id ubi Epiphanius novit, statim epistolas ad Joannem scripsit, candidè facti seriem enarravit, de jure edocuit, uno verbo certiorem reddidit de re legitimè gesta: imò exindè occasionem sumpsit acriù ergà ipsum tamquam Origenis doctrinæ adhærentem disserere. Hinc Joannes è converso cœpit passim, & in vulgus tradere, ab Epiphanio se de hæresi proclamari suspectum, non quòd Epiphanius ità crederet, sed quòd eo prætextu illegitimè factam ordinationem excusatam ab omnibus vellet, undè acerrimæ inter utrumque Episcopum subortæ sunt, & diutius commotæ contentiones. Quæ hucusqù enarrata sunt, ex memoratis & Hieronymi, & Epiphiani monumentis deducuntur. Quod pertinet ad rem nostram, ut dignoscamus, an legitima Epiphiani ordinatio fuerit, juvabit eadem Epiphiani, aut Hieronymi verba referre. Ità scribit Epiphanius in epist. ad Joannem: *Nihil tibi nocuimus, nihil injuria fecimus, nec quidquam violenter extorsimus. In Monasterio Fratrum, & Fratrum peregrinorum, qui Provincia tua nihil deberent* (adnotanda sanè sunt isthæc, ex quibus apertè constat, ordinationem in Provincia Joannis minimè fuisse celebratam, licet id Joannes assereret, fortè ut justam de Epiphanio conquerendi causam

arriperet) & propter nostram parvitatem, & literas, quas ad eos crebrò direximus, communionis quoquè tuae cœperunt habere discordiam, (fortè ex eo, quòd Origenistis assentiri non deberent) ne viderentur quādam duritiâ, & conscientiâ nostrâ antiquæ fidei ab Ecclesia separari, ordinavimus Diaconum, & postquam ministrauit, rursus Presbyterum, super quo debueras gratulari intelligens, quòd ob Dei timorem hoc sumus facere compulsi, maximè cum nulla sit diversitas in Sacerdotio Dei, & ubi utilitati Ecclesie providetur. Näm, etsi singuli Ecclesiarum Episcopi habent sub se Ecclesias, quibus curam videntur impendere, & nemo super alienam mensuram extenditur; tamen præponitur omnibus charitas Christi, in qua nulla simulatio est, nec considerandum quid factum sit, sed quo tempore, & quo modo, & in quibus, & quare factum sit. Deindè, facti serie integrè expositâ, ità prosequitur: *Hac ità acta sunt, ut loquutus sum, in charitate Christi, quam te ergà parvitatem meam habere credebam, quamquam in Monasterio ordinaverim, & non in Parochia, que tibi subjecta sit.* Hieronymus autem in memorata epistola ad Theophilum ità de Monasterio, in quo Epiphanius Clericum ordinaverat, & quod Joannes Hierosolymitanus ajebat ad Parochiam Bethleemiticam pertinere, scribit: *Monasterium Sancti Papæ Epiphani non mine vetus addictum, in quo frater meus ordinatus est Presbyter, in Eleuteropolitano territorio, & non in Æliensi, sicutum est.* Ex quibus sanè liquet, controversiam omnem non in eo fuisse, utrum Epiphanius extrà Diœcesim suam, & in Diœcesi Hierosolymitana, sive Æliensi, Clericum ordinare potuerit; sed utrum Monasterium, in quo Epiphanius Clericum ordinavit, ad ordinantis ejusdem Diœcesim, an potius ad Episcopum Hierosolymitanum spectaret. Quæ cum ità sint, jam etià liquet, qualis Gratianeo canoni affingenda interpretatio sit, non solùm in ea parte, in qua factum Epiphiani memoratur, sed etià in ea, quâ Urbanus quid agendum esset à Lugdunensi Archiepiscopo, tradidit.

De Epistola ad Lucium Præpositum Sancti Juventii.

Epistolam Urbani ad Lucium Præpositum Sancti Juventii, seu, ut alicubi scribitur, Sancti Jumentii, fermè integrum retulit Gratianus duobus in locis, nimis in canone 8. caus. 1. quæst. 3., & post canonem 6. vers. ad hoc verò dist. 32. Integra autem legitur in Collectione Labbeana inter epistolas Urbani II. num. 17. Ejus inscriptio hæc est: *Urbanus Episcopus, servus servorum Dei, dilecto Filio Lucro Preposito Ecclesie Sancti Juventii apud Tricinum salutem, & apostolicam benedictionem.* Argumentum epistolæ pendere videtur ex præviis interrogationibus Lucii Præpositi. Interrogaverat Pontificem Maximum Lucius de aliquot ecclesiasticæ disciplinæ capitibus. Primò, utrum simoniacum esset vendere ecclesiastica prædia: deinde utrum præstantia esset humilis obedientia Prælatis, quoties isti minus honesta præciperent: postremò, quid sentiendum, agendumve, ubi ordinationes, & reliqua Sacra menta ab improbis Sacerdotibus confecta proponerentur. Quod priorem interrogationem spectat, exhibetur in dicto canone 8., ubi tamè nonnulla sunt ex Labbeanis Codicibus emendanda. Exhibeo hoc in loco verba illa Labbei, ex quibus emendare juvabit Gratiani scripturam. *Salvator prædictus.... ex adverso ascendere, & murum.... in regnum Dei, unde non sunt.... res ipsius Ecclesia oblata.... per eundem siebant, multiplicatam pecuniam quam obtulerat, lucraretur.... sed ambitionem talis questus, id est, avariciam, quod est Idolorum servitus.... de consecratione, & de rebus, quæ proveniunt ex consecratione, affirmat, quod quisquis alterum eorum vendit, sine quo alterum habere non potest, neutrum non venditum derelinquit.... simoniacum intelligit, in nomine verò.... Audi Augustinum super Joannem: Oh, quot proposita fecerunt? alterum propositum habet.... unusquisque propositum suum laudat, quod vendit &c.... attendat super his Augustinum.... unusquisque*

propositum suum laudat, quod vendit, non adjiciens in templo, vel extra templum. Hac contrà venditores, vel emptores sacrarum rerum. Post hæc secundæ interrogationis satisfaciens, ait, non esse obediendum hominibus, quotiescumquæ Divinis præceptis quidquam contrarium jubeant, eamque ad rem adducit verba Hieronymi, quæ retulit Gratianus in can. 93. caus. 11. quæst. 3. Demùm postremæ interrogationi respondet eisdem verbis, quæ apud Gratianum leguntur post canonem 6. dist. 32. Addidit Gratianus in eadem caus. 1. quæst. 3. canonem 12. ex eadem epistola Urbani depromptum; sed nemo non videt, priora ejusdem canonis verba esse Gratiani, aut à Gratiano excerpta esse ex alio Collectore, & tantum ad Urbani epistolam pertinere verba versiculi quisquis res &c., quæ referenda prorsus erunt ad memoratum canonem 8. eadem causâ, & quæstione in versic. *Quisquis igitur.*

De Epistola ad Petrum Pistoriensem, & Rusticum Abbatem Vallis Umbrosæ.

Extat inter epistolas Urbani II. numero decimanona, quæ hunc titulum præfert: *Urbanus II. Papa Pistoriensi, & Rustico Vallis Umbrosæ Abbatibus.* Eam edita Severinus Binus ex MSs. Bibliothecæ S. Victoris Parisiensis ad se missam à Picardo Ecclesiæ ejusdem S. Victoris Canonico Regulari, his verbis expressam: *Scriptis nobis, maximum apud vos scandalum emersisse, quod Pisanium Episcopum consecraverimus, quod à Guezelone heretico Diaconus fuerat ordinatus. Et nos profectò scimus, Guezelonem hereticum fuisse, Moguntinumque Episcopatum simoniaco credimus facinore invasisse, propter quem aut alium adquirendum Regi sub anathemate posito diu servierat, & propter adquisitum omni vita sue tempore deservivit. Eundem & ipsi nos pro eadem causa, qui ab excommunicatis consecratus est, in synodali Concilio excommunicavimus, & ab omni ecclesiastico officio sine spe restitutionis aliqua depositimus.* Hunc Guezelonem, auc-

auctoritate Henrici Regis Moguntinum Archiepiscopum inauguratum, veteres appellant Wicellonem; etenim recentioribus facile fuit literam W immutare in G, uti memoratus Binius animadverit. Hæc verò, quæ ex Binio apud Labbeum descripti, eadem, arbitror, sunt cum iis, quæ Gratianus describere voluit in can. 24. caus. 1. quæst. 7., licet apud Gratianum aliis loquendi formulis contexta oratio sit, sive in Gratiani codicem ex aliis codicibus aliter contexta oratio derivaverit. Extat in Regii Taurinensis Athenæi Bibliotheca Codex MS. membranaceus Panormiæ, ubi in lib. 3. cap. 79. idem Gratiani monumentum refertur sub hac inscriptione: VII., quæ adnotatio fortè significat *Urbanum Secundum*, sejunctâ literâ V à literis II. Post hæc in eadem inscriptione subsequitur: *A Petro Pistoriensi, & Rustico Vallis Umbrosa*. Vox illa A fortè significat *Abbatibus*. Baluzius in notis ad Gratianum refert eamdem inscriptionem legi in Panormia impressa Basileæ, & in codice Victorino. Subjicit etiā, in codice Victorino initium capitis esse hujusmodi: *Daibertum à Gnezelone &c.* Et infrà: *Negzelon hereticus constat ab heret. ordinatus; quia nihil habuit, dare nil potuit, cui manus impo-suit; & mōx: necessitate ingruente diaconem.* In memorato autem MSs. Taurinensi Codice ita se se habent priora canonis verba: *Lambertum à Neghelone, licet Simoniaco, simoniacè* (inter hæc postrema duo verba imminet superimposita particula non, sed diverso charactere, quasi legendum esset: *Simoniaco non simoniacè*, uti legitur apud Gratianum) *eiusdem confessione* (rursùm alio charactere, & eodem ipso, quo in præcedentibus adjecta est negativa particula, inter postremas illas voces imminet nomen Daiberti; quasi legendum esset: *eiusdem Daiberti confessione*) *reperimus in Diaconum ordinatum &c.* Quæ sequuntur, cum Gratiano optimè consonant, An Daiberti, an Lamberti, aut simile quodpiam nomen præferamus, parum, aut nihil interesse videtur. Verùm negotium facessere potest

particula non, prout vel adjiciatur, uti adjicitur, in vulgatis codicibus, vel detrahatur, quemadmodum detracta est in prælaudato MSs.; etenim, quoties à Gratianeo codice detrahenda foret, statim consequeretur; non fieri locum pœnis adversus Simoniæ crimen indictis, nisi qui ordinatur, & à Simoniaco ordinaretur, & ipse etiam simoniacè ordinem consequeretur; quod quidem est sedulò observandum. Ego sanè, ubi varios codices agnosco, definitionem eo suspendendam arbitrarer, usquequò ex aliis ecclesiasticæ prudentiæ monumentis confici res posset, eaque ratione Urbani monumentum explicari.

De Epistola ad Abbatem Sancti Ruffini.

Ad canonem 3. caus. 19. quæst. 3.

emendanda in primis inscriptio erit vul- Can. 3.
garium Gratiani codicum, non solū q. 3.
quod accuratiores codices alii aliter habeant, sed etiā quod aliter legatur apud Ivonem, Collectorem antiquorem, & Urbano II. contemporaneum, parte 6. cap. 411. ibi: *Urbanus II. Abba-ti S. Ruffi.* Ejusdem Ivonis auctoritate non dubito, quominus idem canon Urbano II. jure sit adscribendus: imò etiā ipsam Ivonis editionem ceteris præferrandam arbitror, ita expressam: *Statui-mus, ne professionis canonica quispiam, post-quām Dei vice supèr caput sibi hominem impo-suerit, alicujus levitatis instinctu, vel distri- tioris religionis obtenuit, ex eodem claustro au-deat sine Abbatibus, totiusque Congregationis permissione discedere: discedentem verò nullus Abbatum, vel Episcoporum, & nullus Monachorum sine communi literarum cautione suscipiat.* Neque verò demonstrari ullo modo potest, hujusmodi sententiam aut non congruere Urbani temporibus, aut ceteris etiā Urbani canonibus non consonare. Congruit in primis Urbani temporibus; etenim prodierant nupèr Maximorum Pontificum, ac Conciliorum decreta, quibus Clerici omnes ad regularis vitæ professionem vocati fuerant,

ut è ratione lapsa propemodum clericis disciplina restitueretur; propterea opportunum maximè fuerat identidem monere singulos, ne à suscepto regularis vitæ proposito ullo prætextu recedetur. Congruit etiàm ceteris Urbani canonibus; nám in Concilio Melphitano, ab eodem Pontifice celebrato anno 1089. cap. 10. ita statutum legitur: *Præterea constituimus, ne quis Episcopus, aut Primas Monachum quenlibet vagantem in sua Dioecesi, Provinciaque retineat, nisi Abbatis proprii fuerit literis regulariter commendatus.* Edidit præterea Baluzius in Miscellaneis tom. 2. pag. 179. epistolam Urbani II. ad Petrum Præpositum, & Canonicos Ecclesie Ruthenensis, in qua hæc leguntur: *Vita canonica ordinem, quem professi estis, presentis privilegiu auctoritate firmamus, & ne cui post professionem exhibitam proprium quid habere, neve sine Prepositi, vel Congregacionis licentia de claustru discedere liceat, interdicimus. Quod si discesserit, & commonitus redire contempserit, tibi, tuisque successoribus facultas sit ejusmodi ubilibet à suis officiis interdicere; interdictum verò nullus Episcoporum, Abbatumve suscipiat, quandiu scilicet illic canonici ordinis tenor, Domino prestante, viquerit.* Idem decretum Urbani, quod apud Gratianum legitur, edidit quoquè Stephanus Tornacensis in epist. 1. ad Robertum Pontiniensem, & ex eo Mansius in tom. 2. Supplementi Labbeani pag. 82. sed non nihil immutatis verbis, ibi: *Item statuimus, ne professio- nis canonica quispiam Dei vice super caput sibi hominem imposuit, alicuius levitatis instinctu, vel distinctioris religionis obtentu ex eodem claustru audeat sine Patri totius Congregationis permissione recedere. Discedentes verò nullus Abbatum, vel Episcoporum, & nullus Monachorum sine communii literarum cautione suscipiat, ad hac impetrata venia, salvâ reverentiâ majorum, & gratiâ. Quem ad locum monet Baluzius in notis ad Gratianum, verba illa: ad hac impetrata venia, salvâ reverentiâ majorum, & gratiâ, apud Stephanum Tornacensem italicico charactere edita, non esse Urbani, sed potius ejusdem Stephani. Non est quoquè omit-*

tenda alia Baluzii animadversio in illa verba *sine communi literarum cautione*, ad quæ ait, eam formulam servatam postea fuisse à Romanis Pontificibus, quoniam Monasteriis privilegia concesserunt, ejusdemque rei ferè innumera posse produci exempla, quorum unum refert in Bulla Lucii III. pro Monasterio Montis Sancti Quintini, edita à Dacherio in notis ad Guibertum pag. 620., ibi: *Prohibemus insuper, ut nulli fratrum vestrorum, post factam in eodem loco professionem, nisi arctioris religionis obtentu, sine Abbatis sui licentia fas sit de eodem loco discedere. Discedentem verò absque communium literarum cautione nullus audeat retinere.* Unum adhuc adjicio, nimis rùm eam Urbani II. epistolam hodiè integrè editam haberi ad calcem Poenitentialis Theodori Cantuariensis in editione Petiti tom. 2. pag. 614., & quidem aliis verbis exaratâ sententiâ, quæ ad Gratiani canonem pertinet, ibi: *Statuimus enim, ut nemini inter vos professione exhibita proprium quid habere, nec sine tua, fili Arberthe Abbas, & eorum, qui post te in eodem regimine successerint, aut sine communi Congregationis licentia de claustru discedere liberum sit; & si discesserit, & commonitus redire contempserit, tibi, tuisque successoribus facultas sit ejusmodi ubilibet à suis officiis interdicere: interdictum verò nullus Episcoporum, Abbatumque suscipiat.*

De Epistola ad Bartholomæum Turonensem Episcopum.

Non possum assentiri Gratiano, qui canonem 13. dist. 56. tribuit Urbano II. ^{Can. 13. dist. 56.} in epistola ad Bartholomæum Episcopum Turonensem: etenim constat, Bartholomæum fuisse Turonensem Episcopum jam anno 1059. sub Nicolao Papa, id est, triginta circiter annos antequam Urbanus II. Sedem Pontificiam concenderet, ut patet ex Conventu Rhenensi, celebrato sub Nicolao II. anno 1059.: constat etiàm, tempore Urbani Turonensem Episcopum fuisse Rodulphum, ut patet ex epistola ejusdem Urbani 36. in Appendice Labbeana, seu po-

potius ex Actis Romæ in consecratione Lamberti, quæ eidem epistolæ subjiciuntur, quæque referuntur ad annum 1093., imò & jam ab anno 1080. tempore Gregorii VII. obiisse Bartholomæum, eique successisse Rodulphum patet ex Concilio Santonensi anni 1080., in quo subscriptio ipsius Rodulphi habetur. Causa verò Cenomanensis Episcopi, de qua in eodem canone agitur, demonstrare etiàm potest, caput illud esse Urbano II. antiquius. Nimirum agitatur de Episcopo Cenomanensi electo, de cuius admissione dubitatio suborta fuerat, quod Sacerdotis filius esse proponeretur. Hic planè alias esse nequit, quam Arnaldus, qui tempore Gregorii VII. Cenomanensem Episcopatum ges- sit, quique Sacerdotis filius esse dicebatur. Itaque auctor Urbano II. vetustior quærendus esset, cui Gratiani fragmentum tribueretur, vel Gregorius VII., uti credidit Baluzius in notis ad Gratianum, vel quidam Lugdunensis Episcopus, ad quem, tanquam ad Primatem, spectabat de electione Cenomanensis Episcopi ab Archiepiscopo Turonensi perficienda judicare juxta disciplinam illius ætatis. Gratiano errandi occasionem præbere potuit Panormiæ Codex, cuius in exemplari MS., quod asservatur in Taurinensi Athenæo lib. 3. cap. 50. hæc leguntur: *Decretum Gregorii VII., & Urbani II. Presbyterorum filios à sacris Altaris ministeriis removendos decernimus, nisi aut in Cœnobiosis, aut in Canonice regularibus religiose probati fuerint conversari.* Hic est canon 14. ex Melphitanis, tempore Urbani II. editus, ac renovatus in Concilio Claromontano can. 25. Pòst hæc in cap. 51. ejusdem Panormiæ quædam describuntur ex Libro Pontificali; deinde in cap. 52. hic titulus sequitur: *Bartholomeo Turonensi Archiepiscopo*, nullo tamèn adjecto auctoris, sive scribentis nomine, & pòst titulum subjiciuntur statim verba dicti canonis 13. dist. 56. Itaque Gratianus Urbano II. potius tribuendum putavit, quod sine ullo auctoris nomine in cap. 52. Panormiæ legerat, Urba-

ni II. nomen derivans ex capite 50. præcedenti. Unum adhuc animadvertendum superest, in memorato Panormiæ Codice ita legi: *Cenomanensem electum, pro eo, quod filius Sacerdotis dicitur, si cetera virtutes in eum convenient, pro tempore non rejicimus, sed suffragantibus meritis &c.*

De Epistola ad Dominicum Gradensem Patriarcham.

Arbitror, perperam à Gratiano tributam fuisse Urbano II. epistolam ad Dominicum Patriarcham Gradensem, ex qua depromptus scribitur canon 11. dist. 32. Fuerat dominicus jam in Patriarchatu Gradensi tempore Leonis IX. anno 1053., ut patet ex epistola 2. ejusdem Pontificis ad Episcopos Venetiæ, & Istriæ, in qua mentio fit de Dominico Gradensi, quasi jam diù Gradensem Patriarchatum teneret. Scimus etiàm, anno 1077. sub Gregorio VII. vixisse Dominicum eumdem, ut adparet ex epistola Gregorii VII. ad illum lib. 4. Regesti epist. 26.; at verosimile non videatur, Dominicum adhuc vixisse sub temporibus Urbani II. Hinc placet potius Labbeum sequi, qui canone illum inter fragmenta Alexandri II. recensuit circè annum 1065., his tamèn verbis: *Erubescant impii, & aperte nos, intelligant, iudicio Sancti Spiritus eos, qui, in tribus sacris gradibus, Presbyteratu scilicet, Diaconatu, & Subdiaconatu positi, mulierculas non abjecerunt, & castè non vixerunt, excludere ab eorundem graduum dignitate. De manifestis loquimur, secretorum autem cognitor, & judex Deus est.* In Panormiæ Codice MS. Regii Taurinensis Athenæi lib. 3. cap. 102. referuntur idem fragmentum sub hac inscriptione: *Dominico Gradensi Patriarchæ, non adjecto scribentis Pontificis nomine: in capite autem præcedente refertur fragmentum quoddam sub nomine Urbani II.* Hinc verosimile est, errandi occasionem sumpsisse Gratianum, qui, canone deprompturus ex Panormiæ Codice, quod tribuebatur scribenti ad Dominicum Gradensem, cum de scriben-

te non constaret, adscripsit Urbano II., cuius nomen legebat in canone præcedente. Quoniām verò in eo ipso MS. Par normiæ Codice aliqua scripturæ varietas inest, canon ipse describendus est, prout illic habetur, vel ex antiquiore codice emendandus: *E rubescant impii, & aperte nos intelligent iudicio Sancti Spiritus eos, qui in tribus gradibus sacris, Presbyteratu sci licet, Diaconatu, Subdiaconatu, positi, mulierculas non abjecerint, & castè non vixerint, excludere ab eorum graduum dignitate. De manifestis quidem loquimur; secretorum autem cognitor judex Dominus.* Ceterū sententia hujus canonis æquè convenit temporibus Alexandri II., ac temporibus Urbani II., cum facilè sciverit unusquisque, utriusque ætate abusum illum viguisse inter Clericos, ut mulieribus, aut etiā concubinis publico cum scandalo uterentur, eamque ob rem tum in Conciliis Alexandri II., tum in Conciliis Urbani II. saluberrimas plures editas fuisse Constitutiones.

De Epistola ad Hugonem Gratianopolitanum Episcopum.

Plures hodiè editæ sunt nomine Urbani II. epistolæ ad Hugonem Episcopum Gratianopolitanum. Jacobus Petitus in suis ad auctionibus ad Pénitentiale Theodori Cantuariensis tom. 2. pag. 525. plures hujusmodi epistolæ evulgavit excerptas ex Chartulario Ecclesiæ Gratianopolitanæ; verū ea omnes potius spectant ad jura Ecclesiæ Gratianopolitanæ servanda adversus Guidonem Viennensem Episcopum, nihilque habent commune cum Gratianis canonibus, qui Urbano II. ad Hugonem scribenti tributi fuerunt. Baluzius in Mis-

Can. 39. caus. 16. q. 7. cellaneis tom. 2. pag. 177. refert etiā quamdam epistolam ad Hugonem Episcopum Gratianopolitanum anni 1099. 11. Idus Maji, ad quam pertinere aliquomodo videtur canon 39. caus. 16. quæst. 7.; etenim illic ista leguntur: *Constituimus ergo, ne ulli omnino hominum qualibet subreptionis astutia liceat vestri Epis-*

*copatus possessiones invadere, minuere, vel au ferre, aut Episcopatus vestri decimas sine ves tra concessione subripere, aut subreptas tenere, neque vestri juris Ecclesias per manum laicano obtinere; sed omnia, que justè haec tūs vestra possedit Ecclesia, sive in futurum domino adjuvantे justè, atque canonicè poterit adipisci in tua, tuorumque successorum manu, integra semper, & illibata permaneant. Cum hæc plurimū cum Gratianei canonis sententia consonent, in hunc locum Gratianum ipsum fragmentum retuli, quasi jure optimo laudari potuisset ex epistola Urbani ad Hugonem Gratianopolitanum. Ceterū referri etiā, & fortè commodiū posset ad canones 5., & 6. Concilii Melphitanī, sub Urbano II. celebrati anno 1089., siquidē in can. 5. ita legitur: Nullus laicus decimas suas, aut Ecclesiam, aut quidquid Ecclesiastici juris est, sine consensu Episcopi, vel Romani concessionē Pontificis Monasteriū, aut Canonicis offerre presumat. Et in can. 6. Nullus Abbas, nullus Ecclesiarum Praepositus, que juris sunt ecclesiastici, accipere sine Episcopi concessione presumat. Hūc quoquè referri potest canon ille Melphitanī Concilii, quem ex vetusto Codice Vaticano edidit Mansius in Supplemento Labbeano tom. 2. pag. 85. his verbis: *Perlatum est ad Sanctam Synodum, quod sint quidam Episcopi, & Abba tes, qui colonos ad se pertinentes non simant decimas dare ad Ecclesias, ubi missas audiunt, & infantes eorum baptizantur. Proinde decrevit sacer iste conventus, ut Episcopi, & Abba tes de vineis, vel agris, ac frugibus, que ad suum, vel fratrum usum laborant, decimas sibi pro benedictione, vel hospitum susceptione habeant: familia verò ibi dent decimas suas, ubi per totum anni circulum missas audiunt, & infantes eorum baptizantur.**

Epistola Urbani ad Hugonem Gratianopolitanum, ex qua depromptus est Can. 17. caus. 35. q. 2. canon 11. caus. 35. quæst. 2. in Collectionibus Conciliorum, ac Decretalium Pontificiarum minimè reperitur. Nihilominus tamè eadem tanquam genuina recipienda erit; in primis enim laudanda est Romanorum Correctorum solertia, qui inscriptionem canonis emenda-

daverunt olim corruptam, quæ nimis rūm ità exhibebat: *Urbanus II. Gratiano Neapolitano Episcopo*, vel alibi, uti notavit Baluzius, *Gratiano Apolitano Episcopo*, vel alibi, *Gratiano & Apolitano Episcopo*. Deinde epistolæ ejusdem fidem facit *integra Iponis contemporanei scriptoris epistola 232. ad Hildebertum Cenomanensem Episcopum*, in qua, quoniām Urbani ejusdem epistolæ argumentum exhibetur, *integra referenda utilis erit labor ad Gratianei canonis interpretationem*. Ità scribit Ivo: *De viro, qui antequām uxorem duceret, circā maritalia loca matrem ejusdem uxoris exteriori pollutione maculavit, nihil sanius respondere valeo, quād quod Papa Urbanus respondit Hugoni Gratianopolitano Episcopo consulenti eum de simili negotio: respondit enim ex consulto, propter tale flagitium legitimū solvendū non esse matrimonium. Consuluit tamē diligētissimis, & districtissimis examinationibus esse perquīrendū, utrū in tali turpitudine contigerit aliqua carnis commixtio, per quam fierent in commixtione semi-nata una caro, propter quam fieri debet male initi, vel violati matrimonii disjunctio. Audiri enim, quōd vir ille, de quo agitur, de objecto crimine examinatione igniti ferri se purgaverit, & à lesionē ignis illas repertus sit. Quod si ita est, & hoc in Sacramento purgationis sue posuit, quod nunquām cum matre uxorū sua una caro fuerit, contrā divinū testimonium nullum ulteriū investigandū intelligo esse iudicium. Vale.* Ex hac Iponis episiola facile intelligit unusquisque, non solū Gratiani canonem jure optimo Urbano II. ad Gratianopolitanum Episcopum scribenti adtribui debuisse, verū etiā percipiet, de qua re interrogatus Urbanus fuerit, & quomodo juxta propositam speciem responderit. Unum adjicio: nimis idem canon Gratianus legitur in quadam antiqua Collectione canonum incerti auctoris MS., quæ adseratur in Bibliotheca Regii Taurinensis Athenæi: Distributa est illa Collectio in libros 7., quorum in quinto cap. 204. ita legitur: *Urbanus Papa: extraordinaria pollutio non in natura libus admissa citrā maritalē affectū, licet*

sæpiū repetita, non videtur impedire, aut separare conjugium. Et quidēm ita editum Urbani Papæ monumentum paulispèr differt ab editione Gratiani: verū, quæ editio sequenda potiū sit, jure optimo ambigerem, cum utri Collectoris præstanda major sit fides, prorsū ignorem. Hanc viam ineundam crederem, ut ea lectio præferatur, quæ magis accommoda est memoratæ Iponis epistolæ.

De Epistola ad Guarnerium Narbonensem Episcopum.

In investiganda vera inscriptione canonis 37. dist. 50. jam plurimum elaboravit Baluzius, qui in notis ad *Gratianopolitano Episcopo consulenti eum de simili negotio: respondit enim ex consulto, propter tale flagitium legitimū solvendū non esse matrimonium. Consuluit tamē diligētissimis, & districtissimis examinationibus esse perquīrendū, utrū in tali turpitudine contigerit aliqua carnis commixtio, per quam fierent in commixtione semi-nata una caro, propter quam fieri debet male initi, vel violati matrimonii disjunctio. Audiri enim, quōd vir ille, de quo agitur, de objecto crimine examinatione igniti ferri se purgaverit, & à lesionē ignis illas repertus sit. Quod si ita est, & hoc in Sacramento purgationis sue posuit, quod nunquām cum matre uxorū sua una caro fuerit, contrā divinū testimonium nullum ulteriū investigandū intelligo esse iudicium. Vale.* Ex hac Iponis episiola facile intelligit unusquisque, non solū Gratiani canonem jure optimo Urbano II. ad Gratianopolitanum Episcopum scribenti adtribui debuisse, verū etiā percipiet, de qua re interrogatus Urbanus fuerit, & quomodo juxta propositam speciem responderit. Unum adjicio: nimis idem canon Gratianus legitur in quadam antiqua Collectione canonum incerti auctoris MS., quæ adseratur in Bibliotheca Regii Taurinensis Athenæi: Distributa est illa Collectio in libros 7., quorum in quinto cap. 204. ita legitur: *Urbanus Papa: extraordinaria pollutio non in natura libus admissa citrā maritalē affectū, licet*

Can. 37.
dist. 50.

sæpiū repetita, non videtur impedire, aut separare conjugium. Et quidēm ita editum Urbani Papæ monumentum paulispèr differt ab editione Gratiani: verū, quæ editio sequenda potiū sit, jure optimo ambigerem, cum utri Collectoris præstanda major sit fides, prorsū ignorem. Hanc viam ineundam crederem, ut ea lectio præferatur, quæ magis accommoda est memoratæ Iponis epistolæ.

In investiganda vera inscriptione canonis 37. dist. 50. jam plurimum elaboravit Baluzius, qui in notis ad *Gratianopolitano Episcopo consulenti eum de simili negotio: respondit enim ex consulto, propter tale flagitium legitimū solvendū non esse matrimonium. Consuluit tamē diligētissimis, & districtissimis examinationibus esse perquīrendū, utrū in tali turpitudine contigerit aliqua carnis commixtio, per quam fierent in commixtione semi-nata una caro, propter quam fieri debet male initi, vel violati matrimonii disjunctio. Audiri enim, quōd vir ille, de quo agitur, de objecto crimine examinatione igniti ferri se purgaverit, & à lesionē ignis illas repertus sit. Quod si ita est, & hoc in Sacramento purgationis sue posuit, quod nunquām cum matre uxorū sua una caro fuerit, contrā divinū testimonium nullum ulteriū investigandū intelligo esse iudicium. Vale.* Ex hac Iponis episiola facile intelligit unusquisque, non solū Gratiani canonem jure optimo Urbano II. ad Gratianopolitanum Episcopum scribenti adtribui debuisse, verū etiā percipiet, de qua re interrogatus Urbanus fuerit, & quomodo juxta propositam speciem responderit. Unum adjicio: nimis idem canon Gratianus legitur in quadam antiqua Collectione canonum incerti auctoris MS., quæ adseratur in Bibliotheca Regii Taurinensis Athenæi: Distributa est illa Collectio in libros 7., quorum in quinto cap. 204. ita legitur: *Urbanus Papa: extraordinaria pollutio non in natura libus admissa citrā maritalē affectū, licet*

Codex Victorinus (quod etiā superius adnotabam legi in Taurinensi Codice) *Urbanus II. Garnero Mereburgensi Episcopo Wernerum autem fuisse Merseburgensem, sive Marspurgensem in Germania Episcopum ab anno 1073. usque ad tempora Paschalis II. docet ex Broturfo Joannes Gualterius in Chronicō Chro-nicorum. Pōst tam uberes Baluzii adnotations nihil aliud addendum videtur, quod pertineat ad Gratianei canonis inscriptionem. Quod verò spectat ad ipsius canonis sententiam, illam sub nomine Urbani relatam reperio in Actis Concilii Bellovacensis, non multo pōst tempore celebrati, nimirū anno 1114. sub Paschali II. Urbani ipsius successore, cuius verba hic describam, cum paulispēr discrepant à Gratiana editio-ne. Pōst relata ibidē aliquot Sanctorum Patrum, ac Pontificum monumen-ta, ipsius etiā Urbani epistolas non-nullas, ita legitur: *Urbanus Gar.... Clericum, quo jaciente lapidem puer dicitur interemptus, nos pro amore tuo in eodem ordine permanere permittimus: ut tamē semper in pœnitentia, & timore permaneat.**

De Epistola ad Albertum Metensem Episcopum.

Nūm canon 3. caus. 1. quæst. 5. Can. 3. eaus. 1. jure Urbano II. tribuatur, incertum prorsū est, ex eo, quod integra, quæ ibidē memoratur, ad Albertum Metensem Episcopum epistola perierit. Sanè Pontificum Epistolæ illæ, quæ singularibus propositis gestis, veluti pri-vata quædam rescripta, sunt accommo-datæ, nec generalem continent disciplinam, difficilius adservari consueverunt: vix illas Scriptor, aut Collector aliquis, datâ occasione commemoravit, cuiusmodi est rescriptum, de quo in dicto canone 3. Si consideraveris ipsam fragmenti inscriptionem, fortè illud ab Urbano abjudicabis; etenim non con-sitat, Albertum Metensem aliquem Episcopum fuisse, sed potius Herimannum, ad quem scripta est epistola 53. lib. 1.

in Regesto Gregorii VII. Ante Heri-mannum fuit Metensis Episcopus Adal-bero, pro quo fortè apud Gratianum Alberti nomen substitui facile potuit; ast, si Adalbero dicendus sit rescriptum istud recepisse, non erit rescriptum tri-buendum Urbano, sed potius Victori II., aut alteri Pontifici, cui Adalbero contemporaneus fuerit. Quod si con-sideraveris rescripti ejusdem sententiam, ea certè non dissonat à temporibus, & disciplina Urbani II., ut propterea ea de causa rectè Urbano tributa videatur. Id facile demonstratur ex canone 1. caus. 1. quæst. 5., qui editus fuit in Concilio Placentino, sub Urbano eodem celebrato: hunc autem canonem si con-tuleris cum canone 3., agnosces statim eamde[m] propemodum utrobiquè propositæ causæ definitionem, nisi in eo discrimen reperias, quod canon 1. ge-neralem exhibeat disciplinam, in cano-ne autem 3. singulare rescriptum con-tineatur. In Concilio Bellovacensi anni 1114. similia traduntur sub nomine Urbani II. his verbis: *Quicumque adhuc pauci cupiditate parentum aliquod ecclesiasticum beneficium per pecuniam adepti sunt, illo dimisso, ibidē misericorditer & in sacris Ordinibus vivere possunt. Ad laudatum can-onem 3. animadvertisit Baluzius in no-tis ad Gratianum, in veteri codice Ri-vipullensi legi cuidam Principum ejus obla-tam pro eo, quod Gratianus habet da-tam; & in eodem libro infrā sic haberit: Liceat eum ex concessione Episcopi sui, fratrū que &c.*

De Epistola ad Episcopum Vapi-censem.

Canonem 5. caus. 15. quæst. 6. re-tulit Gratianus sub hac inscriptione: *Ur-banus II. Episcopo Vapicensi.* Fortè is esse 5. caus. 15. potuit Leodegarius Vapicensis in Del-phinitu Episcopus, ad quem extat scrip-ta Gregorii VII. epistola in lib. 7. Re-gesti epist. 21. ad annum 1079. Idem Gratiani fragmentum in Codice MS. Panormiæ Regii Taurinensis Athenæi re-

refertur pag. 92. col. 2. sub hoc titulo : *Urbanus II. Vapicensi Hedrensis Diocesis Episcopis.* In editis Panormiae exemplaribus parte 5. cap. 111. paulò aliter se se habet canonis inscriptio, nimirum : *Urbanus II. Vapicensi, & Diensi Episcopis.* Baluzius in notis ad Gratianum testatur, se in Codice Victorino ita scriptum vidisse : *Urbanus II. Edrensi, Vapicensi, Dienisi Episcopis, & melius in Codice MS. Monasterii Rivipullensis: Urbanus II. Ebredunensi, Vapicensi, Dienisi Episcopis.* Subdit etiā ad vocem *Hugoni*, ita quidē habere Gratiani codices omnes, uno excepto Sangermanensi, qui *Vigoni* habet, quam lectionem optimam arbitratur, quod in Codice Rivipullensi ita disertè scriptum viderit: monet demū, in duobus Codicibus Victorino, & Rivipulli pro illis Gratiani verbis prohibeto. Qui si *Sacramenta.... Principi jurarunt &c.* legi: prohibete: quod si *Sacramenta.... Principi juraverunt &c.* In laudato Taurinensi Codice MS. eadem verba leguntur, quae in vulgaribus Gratiani codicibus. Epistola autem integra Urbani apud Collectorē minimē reperitur; nihilominus tamē minimē dubito, quin recte eidem Pontifici adscripta fuerit, cum epistola argumentum, formulæque ibidē expressæ Urbani temporibus apprimē convenient. Reverā fuit sub Urbano II. apud Gallos Hugo quidam Comes de Inciaco, qui armatā manu in villam Sancti Gaucerici veniens treviam Dei fregerat, ut illius temporis Acta perhibent (treviam Dei frangere dicebatur tunc, quicumque, aut res ecclesiasticas pro lubito invadebat, aut res quidē alias occupabat, sed certis diebus Deo dicatis, quemadmodū ducitur ex Concilio Rothomagensi anni 1096. can. 1. 2., & sequentibus.) Cameracensi Ecclesiæ infensus Comes illius jura, ac prædia devastaverat, in quem propterea Rainoldus Rhemensis Episcopus excommunicationis sententiam, quemadmodū & in ejus assecias, fautoresque, pronunciaverat. Id referunt Acta Concilii Compendiensis anni 1095. apud Man-

sium in Supplemento Labbeano, ubi legitur fragmentum epistolæ Rainoldi Rhemensis ad Lambertum Episcopum Atrebensem his verbis: *Liquere vobis credimus, quoniam in Concilio, quod Compendii celebravimus, ad clamores Gerardi Cameracensis Episcopi omnium præsidentium iudicio in eum (id est, in Hugonem de Inciaco) anathematis gladium exeruimus, & in omnes ejus cooperatores, & consentaneos. Sed neque ideo ipse, nec filius ejus Cameracensem Ecclesiam persecuti destiterunt &c.* Hæc sanè Hugonis durities facilem occasionem præbere potuit, ut causa ad Urbanum deferretur, cuius deinde auktoritate ea sententia prolata fuit, de qua in dicto canone 5.

De Epistola ad Guimondum Episcopum.

Guimondum, qui apud Gratianum ^{Can. 3.} Guitmondus, in MS. autem codice ^{caus. 24.} Panormiae Willimundus appellatur, & ad quem Urbanus II. epistolam scripsisse fertur in can. 3. caus. 24. quæst. 2., illum ipsum fuisse arbitror, ad quem scripta extat epistola Gregorii VII., ejusdemque fragmentum in can. 5. dist. 8., nimirum Episcopum Aversanum. Mihi suffragatur Ivo Carnotensis coetus auctor, qui idem fragmentum referens in parte 14. cap. 68. illud tribuit Urbano in epistola ad Guimondum Episcopum Aversanum. Satis autem esse videtur Iwonem Carnotensem memorasse, apud quem eadem epistola referatur, ut statim illa jure Urbano II. adjudicetur. Nimirum fuit Ivo Urbano II. charissimus, imò ab eodem Pontifice Carnotensem Episcopatum obtinuit, atque sub finem Pontificatus Urbani suam edidit Collectionem, ut proinde nemo suspicari facile possit, Virum Religiosum in epistolis Urbani referendis decipi potuisse, aut alios voluisse decipere. Quoniam verò Gratiani lectio paulisper discrepat à lectione Iwonis, quæ sanè videtur anteferenda, hoc in loco Iwonianum canonem describendum puto,

ibi:

ibi: Sane quod super Richardo Burrelli filio vestra Fraternitas egisse innotuit pro zelo Dei, & animarum charitate, laudamus: sed non adeò timendum, non adeò vobis ab ejus elemosynis abstinentium. Inter ceteros quippe nostre fidei Patres B. Leo Doctor egregius, quibus, inquit, vivis non communicavimus, nec mortuis communicare debemus. Constat ergo, quoniā quibus vivis (ut ex opposito loquamur) communicavimus, mortuis quoquā communicare possumus. Nos planè, inter duo oppugnantia positi, impīi quidem, & schismaticis communicare nullo modo possumus, istis autem, licet peccatoribus, & pradonibus, dispensative pro tempore communicamus; quia & hactenū Ecclesiam sustentaverunt, & se fideliiores in posterum pollicentur; alioquin oportet nos de hujus mundi partibus exire, sub qua etiā sponsione nos eis nuper in B. Petri natalitiis absolutionem indulsimus. Quia ergo prædictus vir neque nominativè excommunicatus, neque communicans excommunicatis ex nomine obiit, sed in Domini sui fide, atque servitio, licet nobis ejus, dispensative, id est, quandiu eos nos patimur, elemosynis communicare, & defuncti animam Christianæ Religionis moribus adjuvare.

De Epistola ad Gofredum Episcopum Lucanum.

Can. 47. caus. 23. q. 5. Eadem ratione, quod scilicet referatur apud Iwonem in parte 10. Decretri cap. 54. fragmentum epistolæ Urbani II. ad Gofredum, seu Gotifredum, seu Godesridum Episcopum Lucanum, illud ipsum, quod legitur apud Gratianum in can. 47. caus. 23. quæst. 5., non erit sanè ab eodem Pontifice abjudicandum. Describenda tamè hic erunt eadem Iwonis verba, cum Gratiani editio non nihil corrupta deprehendatur. Habet Jvo: *Excommunicatorum interfectoribus, prout morem Romana Ecclesia nosti, secundum ipsorum intentionem modum congruae satisfactionis injunge. Non enim eos homicidas arbitramur, quod adversus excommunicatos zelo Catholica Matris ardentes eorum quoslibet trucidasse contigerit. Ne tamè ejusdem Ecclesia Matris disciplina deseriat, tenore, quem*

diximus, pœnitentiam ei indicite congruentem, qua Divina simplicitatis oculos adversus se complacare pervaleant, si fortè quid duplicitatis pro humana fragilitate in eodem flagitio contraxerunt. Ad interpretationem hujuscē canonis mihi non displicer illorum opinio, qui tradiderunt, non generaliter illum referendum esse ad eos, qui quoscumque extrā Ecclesiæ communionem positos interfecissent, sed potius qui interfecissent illos, qui ideo erant excommunicati, quod treviam Dei fregissent, nimis adhuc bellis privatis intendissent feriatis diebus. Nemo enim ignorat, quantā tum & sollicitudinē, & prudentiā apud sacros Antistites opus fuerit, ut aboleretur tandem pravus ille usus privatorum certaminum, quæ temporum barbaries invexerat. Excommunicationis pœna si quospiam non amovisset à pravo consilio, fortè amovere poterat metus, ne occiderentur ab aliquo, dum interfector excommunicatorum ordinariam homicidii pœnitentiam ex indulgentia canonum non timebat,

De Epistola ad Petronium Episcopum Legionensem.

Si auctor Panormiæ reverè esset Ivo Can. 14. dist. 56. Carnotensis, quemadmodùm nonnulli tradiderunt, jure etiā asserere unusquisque posset, tributum fuisse Urbano II. canonem 14. dist. 56., qui eisdem verbis legitur in Panormia, cuius MS. Codex Taurinensis Regii Athenæi ita habet in inscriptione: *Urbanus II. Pet. o in Legionensi Ep̄o.* Nūm rectè legerit Gratianus Petronio Legionensi Episcopo, plurimum dubitaverim; imo ego putaverim legendum potius esse Petro Legionensi Episcopo, cum Petri Legionensis mentio fiat in actis Concilii Hispanici anni 1088. apud Labbeum in Veneta editione tom. 6. pag. 567. Ceterū plurimum consonat adjunctis temporum Urbani ejusdem fragmenti sententia; scimus enim, tunc beneficia majora, præsertim Episcopatus, minus idoneis per-

sonis concessa fuisse, undè Pontifices Maximi identidem consulebantur, & pro variis causis modò asperiore, modò indulgentiore utebantur disciplinā. Præcipue verò humanitè agendum fuit cum Legionensi Episcopo, licet minus idoneo; etenim in Hispania tunc temporis, & quidem in ipsa Provincia Compostellana, in qua situs est Legionensis Episcopatus, res ecclesiasticae propemodum universæ turbatæ erant, quam obrem Urbanus II. impensè studuit per Legatos missos, Primumque Toletanæ Ecclesiæ constitutum, ut omnia in pristinum restituerentur. In rebus autem maximè turbatis non erant rejiciendi Antistites illi, qui maxima cum humilitate, animique demissione, utcumque minus fortasse idonei, ad Sedem Apostolicam accesserant, germanam canonum sententiam expectaturi à Pontifice Maximo, qualis fuisse exhibetur Petronius, sive Petrus Legionensis. Adeo his, ad demonstrandum jure tribui posse Urbano memoratum canonem, aliquo adhuc momento valere Panormiæ auctoritatem; sive enim Ivo, sive alius quispiam illius auctor extiterit, coœvus tamè Urbano fuit, ac proinde non omnino contemnendus.

De Epistola ad Richardum Archiepiscopum Genuensem.

Can. 3. Ad inscriptionem canonis 3. caus. caus. 35. 35. quæst. 6. notat Baluzius, in omnibus antiquis Gratiani exemplaribus, & editionibus caput istud inscriptum esse Richario, vel Richardo Episcopo Januensi; Codicem Sangermanensem Ricardum Genuensem vocare; veterem collectionem canonum Rivipullensem Ciriaco Genuensi Episcopo, Ivonem parte 9. Decreti cap. 33. Ciriaco; in Panormia edita lib. 7. cap. 85. Richardo Januensi Episcopo; in Codice Victorino Ciriaco Genuensi Episcopo (huic consonat MS. Codex Panormiæ, in quo hæc est inscriptio: *Urbanus II. Ciriaco Genuensi Episcopo, quomodo sit inquirenda parentela*): De-

Tom. III.

mùm adnotat, legendum esse Ciriaco ex eo, quod moneat Ferdinandus Ughellus tomo 4. Italæ Sacrae pag. 1164. Cyriacum factum fuisse Episcopum Januensem circa annum 1090., eamque Ecclesiam rexisse annis quatuor. Quod spectat ipsam canonis sententiam, ego ab Ivone non arbitror recedendum, ut potè illius ætatis Scriptore. Ferè autem consonat cum Gratiano, dummodò pro illis Gratiani verbis: *Notificamus tibi, ut, postquam tres.... quod si propinquii aut extranei &c. legamus: Notificamus tibi, ut, si tres.... quod si propinquii, vel extranei &c.* Notat Baluzius ad ea verba *defuncta uxoris &c.*, in omnibus antiquis libris, & veteribus editionibus, etiam apud Democharem, & Contium ita haberi: *Duo ex propinquioribus jam defuncta uxoris, vel viræ ejus, qui accusatur, hanc &c.* In MS. nupèr laudato Codice Taurinensi Panormiæ pro illis verbis: *Remoto amore, timore, pretio, omni malo studio &c.* legitur: *Remoto amore timore præcipue, & omni malo studio &c.* Ad eamdem rem pertinet canon 1. Concilii Trojani, apud Labbeum celebrati ab Urbano II. anno 1093. ibi: *Episcopi, quorum Diœcesani sunt, eos usque in Pentecosten trinam advocatione convenient. Tunc si duo viri, vel tres, consanguinitatem jurejurando firmaverint, vel ipsi forte confessi fuerint, conjugia dissolvantur. Si vero neutrum contigerit, Episcopi eos per baptismum Christi, per fidem Christi, per Christi judicium in veritate obedientia obtestentur, quatenus palam faciant, utram se, sicut fama est, consanguineos recognoscant. Si negaverint, sibi ipsis relinquenti sunt; ita tamen ut si aliud in conscientia habeant, se à liminibus Ecclesia, à Corpore, & Sanguine Domini, à fidelium communione noverint segregatos, atque infames effectos, donec ab incestu facinore desinant. Si se judicio Episcoporum segregaverint, si juvenes sunt, alia matrimonia contrahere non prohibeantur.*

*De Epistola ad Sanctum Regem
Aragonum.*

Rursùm ad canonem 3. caus. 31. Can. 3. caus. 31. q. 2. quæst. 2. adnotat Baluzius, variam esse in diversis codicibus monumenti inscriptionem; etenim in Gratiani Codice Regio, Sangermanensi, & primâ editione Moguntinâ animadvertisit legi: Item *Sanctio Regi Aragonum*, & in aliis codicibus MSS. & editione Veneta *Sacrato*, vel *Sacratio*. Non indè sanè colligas, tribuendum esse Hormisdæ Pontifici, cuius est præcedens canon; nàm errandi in inscriptione occasionem præbere posset auctor Palaearum, qui inter duo Urbani fragmenta, nimirum canonem 1. & canonem 3. fragmentum epistolæ Hormisdæ Pontificis inseruit. Apùd Ivonem in parte 8. Decreti cap. 24. hæc habetur inscriptio: *Urbanus Satino Regi Aragonum*. In Panormia editionis Lovaniensis lib. 6. cap. 109. Item *Sanctio Regi Aragonum*; in editio Sebastiæ Brant: Item *Sacratio Regi Aragonum*; in Taurinensis Panormiæ Codice MS. jam superiùs laudato: *Urbanus Sancio Regi Aragonum*. Antonius Augustinus Dial. 5. lib. 1. de emendat. Gratiani monet in libro Cæsaugustano scriptum legi: *Urbanus secundus Sanctio Regi Aragonum*. Nonnulla præterea notatu digna sunt in ipso canone; etenim in memorato Codice MS. Panormiæ Taurinensi pro illis verbis *sub fidei pollicitatione* ita legitur breviatis characteribus *sub fidei pollicitatione*, quæ scriptura hanc commodiorem pateatur interpretationem *sub fideli pollicitatione*; item pro verbo *decernimus* legitur *discimus*; deinde pro verbis, aut *crimen fornicationis incurrat*, ita legitur breviatis characteribus aut *etiam fornicationis incurrat*; verosimile autem est, in particula *etiam*, quæ fortè exprimit etiàm, fortè exscriptores intellectisse *crimen*, priorem literam e vertentes in literam c. Demùm postrema illa Gratiani verba, *Qui eam conjunxit invitam, quod pari tenore de viro est etiàm sentiendum*, in eodem MS. Codice alio charactere descripta sunt, ut prop-

terè tamquam suspectæ fidei haberi meritò possint. His consonant exemplaria, quæ edidit Mansius in tom. 2. Supplementi pag. 83., ubi postrema illa verba: *Quod pari tenore de viro est etiàm sentiendum* desiderantur. Describam, quale hic habetur, integrum monumentum, in quo non nihil agnoscitur varietatis. *De neptis tuae conjugio*, quam te cuidam daturum necessitatìs instante articulo sub fidei pollicitatione firmasti, hoc equitate dictante decernimus, ut si illa viram, ut dicitur, omnino renuit, & in eadem voluntatis auctoritate persistit, ut viro illo prorsus se deneget nupturam, nequam eam invitam, & renitentem ejusdem viri cogas conjugio sociari; quorum enim unum corpus est, debet esse & animus: ne forte, cum viro alii in vita fuerit copulata contra Domini, Apostolique præceptum, aut reatum dissidiū, aut crimen fornicationis incurrat. Cujus videlicet peccati malum in eum redundare constet, qui eam conjunxit invitam. Non est prætereundum, idem monumentum haberi etiàm apùd Hildebertum de Lavardino Cenomanensem Episcopum, Urbano II. coœvum, qui in epist. 42., postquam tradidit consensum conjugum in matrimonio requiri, ita prosequitur: *Hoc etiàm Urbanus Papa non tacuit super Aragonum Regem, qui neptem suam cuidam militi se daturum sub fidei professione firmaverat, canonicum proferens in hac verba capitulum: De neptis tuae conjugio &c.* Sequuntur hoc loco, quæ leguntur apùd Gratianum usquè ad illa verba: *Qui eam conjunxit invitam*; nàm postrema illa: *Quod pari tenore &c.* apùd eumdem Hildebertum etiàm desiderantur.

De Epistola ad Vitalem Presbyterum Brixiae.

Ut expendantur canones 2. caus. 1. Can. 2. caus. 1. q. 5. quæst. 5., 4. caus. 30. quæst. 3., & 6. Can. 2. caus. 1. q. 5. caus. 30. quæst. 4., deprompti ex ea- Can. 4. caus. 30. q. 3. dem epistola Urbani II. ad Vitalem Pres- Can. 6. caus. 30. q. 4. byterum Brixiae nihil aptius adserri po- test, quād quod ad dictum canonem 2. Can. 6. caus. 30. q. 4. Baluzius tradidit in notis ad Gratianum, quibus vix quidpiam addi posse vide- tur.

tur. Ait ille, epistolam illam integrum haberi in vetere Codice MS. Monasterii Rivipullensis. Ejus initium est: *Urbanus II. Vitali Presbytero Brivensi. Super quibus &c.* ut in dicto canone 4., deinde: *Quod autem uxor &c.*, ut in dicto canone 6. denique *Porrò eos, qui &c.* ut in dicto canone 2. Quis autem fuerit Vitalis ille, dubium faciunt antiqui Codices manuscripsi. Apud Gratianum vocatur Presbyter absque titulo; sed Correctores Romani admonent, in libro MS. decretorum Pontificum citari ex Nicolao ad Vitalem Presbyterum Pruiensem. Recitius tamè dicitur derivatum ex epistola Urbani II. Antiqui Codices Regius, & Sangermanensis canonem tribuunt Urbano II. scribenti ad Vitalem Presbyterum Brixiae: in optimo tamè, & vetusto codice Monasterii Rivipullensis, qui scriptus est ævo Paschalis II., capita illa constantè inscribuntur Vitali Presbytero Brivinensi; quo etià modo legitur in vetustissima Collectione Canonum MS., quæ fuit Claudii Puteani. Ex his Baluzius propè eo adducebat, ut intelligeret fuisse eam epistolam scriptam ad Vitalem Presbyterum Brivensem in finibus Lemovicum. Verum dimovit antiquus auctor vitæ Anselmi Episcopi Lucensis, à Sebastiano Tengnagelio editus, apud quem mentio fit cuiusdam Vitalis Brixensis Presbyteri, eo ipso tempore viventis. Hæc ejus sunt verba: *Aliud quoque miraculum, quod confratre Vitali Brixensis Ecclesie Presbytero, religiosa vita Viro, aliisque pluribus referentibus didici &c.* È auctioritate permotus Vir eruditus veram lectionem putavit, quæ docetur epistolam scriptam esse ad Vitalem Presbyterum Brixensem, tametsi libri optimi MSS. nomen habeant Vitalis Presbyteri Brivensis. Imò exinde etià dubitat, de capitulo *Consuluit*, quod extat in tit. Decretalium de usuris, quodque in prima Collectione Decretalium lib. 5. tit. 15. cap. 12. dicitur esse Urbani III. ad Brixensem Presbyterum, nùm restituendum sit Urbano II.; nam Antonius Augustinus illic ad-

monet, Presbytero Brixensi inscriptum illud esse in tribus libris Tarragonensis, licet hanc inscriptionem omiserint Raymundus, & Contius.

De can. 2. caus. 19. quæst. 2., qui editus ab Urbano dicitur in Capitulo Sancti Ruffini.

Eruditi omnes, quotquot Gratianis canonibus notas adjecerunt, dum de venerunt ad canonem 2. caus. 19. quæst. 2. legendum existimarunt in inscriptione: *Urbanus II. in capitulo Sancti Ruffi*, eodem modo, quo superius etià animadvertisi ad inscriptionem canonis 3. caus. 19. quæst. 3.: imò Baluzius in notis Gratianis asserit, decretum istud fortasse olim extitisse in epistola Urbani ad Arberium Abbatem, & Capitulum S. Ruffi, data Tricasti anno 1096. 13. Kal. Octobris, quæ edita fuit à Fratribus Sanmarthanis valdè decurtata, ubi hoc ipsum fragmentum desideratur. Ego verò non facile eo adduci possum, sed canonem illum confictum arbitror ab otioso quodam Monacho, qui monasticis exemptionibus fortè plus æquo consistens, ita de illis ementito Sancti Pontificis nomine disseruit, ut extra germanam, rectamque sacri Ecclesiæ regimini viam prosilierit. Sanè hoc monumentum nec in Panormia, nec in Decreto Iponis legitur; undè me nemo ex Collectoribus Urbano coævis tenet. Ivo autem, vel Panormia auctor, qui Urbani II. decreta præ manibus diu versabant, non omisissent istiusmodi monumentum, tanquam insigne ad asserendum monasticam libertatem, si illud præ manibus habuissent. Neque temere id de quibusdam Monachis illius ætatis dictum est, cum de adulterinis, confiscisque Privilegiis, & Constitutionibus apostolicis convicti fuerint. Præter ea, quæ initio hujus capituli paucis præfatus sum, perspicuum, & insigne exemplum præfert Juretus in observationibus ad epist. 65. Iponis Carnotensis de Monachis B. Walerici, quorum fraudem de-

texit Godefridus Ambianensis Episcopus, cum ueste absterrisset atramentum scripturæ recentis. Neque verò in medium proferatur auctoritas Stephani Tornacensis, qui in epist. 1. hunc eumdem canonem laudavit; etenim ipse, si cutalii quicunque pòst Gratianum scripsérunt, Gratiani fidem sequuti sunt, & ex illo Collectore decepti. Profectò sufficit exhibere sententiam propositi canonis, ut non solum pateat, Urbanum Pontificem longè ab illa distare, verùm etiàm in oppositam penitus partem non semè declinavisse. Proponitur ibidè, duas esse leges, publicam unam, ab ecclesiasticis Antistitibus ordinatam, privatam alteram, quam Sanctus Dei Spiritus in corde uniuscujusque fidelis intimo quodam, & invisibili charactere descriptis. Subjicitur deinde, privatam hanc legem multò digniorem esse publicâ, ac propterè legi publicæ anteferendam, quatenus Spiritus Dei ipse lex est, & Spiritui Dei obsequendum est, non resistendum. Ergò concluditur, Episcopis tradicentibus resisti potest lege privata, quia ubi Spiritus Dei, ibi libertas sine lege. Quis non horreat istiusmodi principia altius repetita, quām propositum postularet? Etenim canonis auctor exinde colligebat, posse unumquemque, etiàm Clericum muneri ecclesiastico adictum, invito Episcopo, monasticam vitam appetere, ac profiteri, quod ut demonstraret eo adductus est, ut divinitus institutum Ecclesiæ publicum regimen dissolvere videatur. Quod enim majus & schismatibus, & hæresibus, ipsis etiàm immanibus flagitiis, patrocinium accedere potest, quām hæc de privata lege legi publicæ anteferenda doctrina, cuius sane prætextu nullæ leges, nulla iura optimè, sanctissimèque firmata usquām consistent. Vel enim, qui spiritu privato, quem Spiritum Dei appellat auctor canonis, agitur, puro, putoque sui ipsius consilio relinquendus est, vel Superiorum adhuc judicia expectabit. Si primum, dummodo agenti ipsi lubeat, quid non liebit? Si alterum, frustrâ

adseritur, privatam legem legi publicæ, sive Superiorum voluntati anteferri. Quotquot ab Ecclesiæ communione extorres hodiernis temporibus sunt, in suæ hæreos patrocinium in has quoquè perniciosas Reipublicæ Christianæ opinones iverunt, nihilque aliud, quām hæc Ecclesiæ matri, à qua recesserunt, opponere potuerunt. Fateor quidè, singulari Dei spiritu nos aliquandò, pluriès etiàm, illustrari, & moveri ad optimam; sed hujusmodi illustratio Superioris adhuc auctoritate probanda est, ne forte mali spiritus illusiones cum Divina illustratione perperam confundamus. Quòd si Spiritus Dei legem ipsam, ut dicitur, privatam inspirat, magis sane, ac magis inspirat legem, ut dicitur, publicam, quippè qui publicis Ecclesiæ Magistratibus magis, quām privato unicuique fideli, illustratus adstat; qua in specie is potius dicetur agi Spiritu Dei, qui legi publicæ obtemperet, quām qui privatæ indulget voluntati, ubi nimirūm privata voluntas lege publicâ distrahitur, vel impeditur: neque enim sibi metipsi contrarius esse potest Spiritus idem in duabus legibus, publicâ, uti in eodem canone dicitur, & privatâ. Nusquām in has sententias ivisse credendus est Urbanus, qui non semè publicam hujusmodi legem præ privata longè custodiendam prædicavit. Constat id ex canone 2. & 3. caus. 19. quæst. 3., quos Urbano II. idem Gratianus adtribuit. Ibi enim statuitur, contrà quām in dicto canone 2. caus. 19. quæst. 2. legatur, neminem ex Canonis regularibus, aut ex Monachis posse ad arctiorem vitam in alio Monasterio ducendam transire, nisi Superioris consensus accesserit. Quomodo intelligi potest Urbanus decreuisse, modò Superiorum auctoritatem, ac consensionem necessariam fore, modò nullâ ratione attendendam, & privato consilio postponendam? Nimius libertatis amor videtur illusisse auctori hujus monumenti, quem non aliud, nisi otiosum quemdam, & falsarium Monachum

chum fuisse, jure optimo suspicatus fui.

De Canone 2. caus. 8. quæst. 3., quem ex gestis Urbani II. se excerpisse Gratianus ait.

Ad interpretationem canonis 2. caus. 8. quæst. 3., quem Gratianus laudavit, quasi depromptum ex gestis Urbani II., nihil accommodatius hæc adferri potest, quam quod tradit Baluzius in libro de Concord. Sacerd. & Imp. lib. 5. cap. 41. Ait ipse in primis, apud omnes eruditos perspectissimum hodiè esse, canonom illum mendis esse corruptum, ubi præsertim memoratur Arelatensis Episcopus veluti Suffraganeus Archiepiscopi Narbonensis; quemadmodùm etiàm agnovit Stephanus Tornacensis Episcopus, qui paulò pòst editum Gratiani codicem, Gratianum idem opus glossemate illustravit; Correctores præterea Romani, qui pro nomine Episcopi Arelatensis substituendum voluerunt nomen Episcopi Elecensis, quod Elecensis Episcopus esset Suffraganeus Archiepiscopi Narbonensis. Licet autem emendationem Franciscus Bosquetus reprehenderit in notis ad Epistolas Innocentii III. pag. 114., tamèn idem Baluzius necessariam probavit, quod agnoverit toto tempore, quò Urbanus Pontificatum tenuit, nullum fuisse Arelatensem Episcopum nomine Artaldum, sed ad Arelatensem Cathedram pòst depositum Achardum in Concilio Avenionensi, anno 1076. evectum fuisse Gibilinum, qui eam tenuit usquè ad annum 1107., quò ad Patriarchatum Hierosolymitanum translatus est, ut testatur Willelmus Tyrius lib. 11. cap. 4. Tandem pòst hæc concludit Baluzius, agi ibidem de Helenensi, seu Elenensi Episcopo, (cujus Episcopatum hodiè in Perpinianum translatum scimus) in finibus Gallie Narbonensis constituto; & quidem de hoc Episcopo testatur se vidisse duos veteres codices MSS., præterea Arnaldum fuisse Elenensem Episcopum anno 1087. docet, eumque pas-

sum fuisse controversiam à Dalmatio Archiepiscopo Narbonensi propter causas in hoc ipso Gratiani capite commemoratas, donèc Romam pergens ab Urbano Pontifice consecratus fuit in Episcopum. Hic tamèn finem non habuerunt diutissimæ concertationes inter Artaldum, & Dalmatium Metropolitam; quandoquidem Urbanus Papa scribens ad Raynerium Legatum suum ei mandavit, ut de causa Elenensis Episcopi diligentè inquireret, eamdemque finiret, his verbis: *Elenensis quoquè Episcopi causam diligenter inquirito, & inter Narbonensem Episcopum, & ipsum justo omnia iudicio definito.* Huc usquè Baluzius in loco laudato, cuius observationi nihil sanè amplius addendum videretur, nisi Baluzius idem nonnulla adhuc observanda credidisset in suis notis ad Gratianum. Ait ille, in veteri collectione canonum MSS., quæ fuerat Viri clarissimi Claudi Puteani, hæc, quæ sequuntur, paulò aliter legi, quam apud Gratianum: *Canonis juraverat.... hujusmodi sacramentum.... feci, nullam conventionem antè.... consecrationem meam.... criminis ejus conscius sum.... à sacerdotio me repellat.* Ceterum, subdit ille, omnia antiqua Gratiani exemplaria MSS., & edita habent: *à sacerdotio me repellat,* quæ verba optimum sensum faciunt, ut mirum sit, hanc lectionem fuisse repudiatam à Correctoribus Romanis, qui, *à sacra me unctione repellat*, edere maluerunt. Subjicit demùm ibidem nonnulla, quæ pertinent ad jura Ecclesiae Elenensis, quæ huc non refero, quia parum, aut nihil conferunt ad Gratianei capitis interpretationem.

De ceteris Capitibus, nomine Urbani II. laudatis.

Quædam adhuc supersunt discutientia fragmenta, Urbano II. apud Gratianum tributa, quin in Gratiani codice designetur monumentum, ad quod eadem sint exigenda. Ex his est in primis canon 1. dist. 56., qui apud auctorem Panormiæ non tam Urbano II., quam Gre-

can. 1.
& dist. 56.

Gregorio VII. adtribuitur. Reverà in Codice Panormia MSs., qui asservatur in Regia Taurinensis Athenæi Bibliotheca lib. 3. cap. 50. ità legitur: *Decre-
tum Gregorii VII., & Urbani II. Presbyterorum filios à sacris Altaris ministeriis remo-
rendos decernimus, nisi aut in Cœnobii, aut in Canoniciis regularibus religiose probati fuerint conversari.* Si acta Urbani II. evolva-
mus, eadem omnino verba legemus in epistola ejusdem Papæ ad Pibonem Episcopum Tullensem, quam numero 17. refert Labbeana Veneta editio in Appendix. Eadem ferè verba leguntur in Concilio Melphitano anni 1089. can. 14. ibi: *Presbyterorum filios à sacri Altaris mi-
nisteriis removendos decernimus, nisi aut in
Cœnobii, aut in Canoniciis religiose probati
fuerint conversati.* Id ipsum fermè habetur in Concilio Claromontano anni 1095. can. 11. ibi: *Ut nulli filii concubinarum ad
ordines, vel aliquos honores ecclesiasticos pro-
moveantur, nisi monachaliter, vel canonice
vixerint in Ecclesia.* Hæc perspicuè probant, laudatum Gratiani canonem jure tribui Urbano II. potuisse, cum non solum in Conciliis ejusdem temporibus celebriatis, verum etiàm in ejusdem epistolis integer reperiatur. Sed præterea, ut ajebam ex Panormia auctore, tribui posset Gregorio VII., cum legatur expressus in Concilio, sub eodem Pontifice celebrato; etenim in Concilio Piævensi, quod Labbeus ex apographo Jacobi Sirmondi refert ad annum 1078., can. 8. ità legitur: *Ut filii Presbyterorum,
& ceteri ex fornicatione nati, ad sacros gradus
non provocabantur, nisi aut Monachi fiant, aut
in Congregatione canonica regulariter viventes:
prælationes vero nullatenus habeant.* Atque ex his propterea adparet, huc referendum esse canonem 11. dist. 56. Notanda porrò est disciplina illius ætatis; cum enim Clerici aut concubinis, aut uxoribus uterentur, rebus ecclesiasticis quasi familiaribus fruebantur ita, ut eas in filios post mortem suam quasi hæreditatem unà cum Sacerdotio ipso transferrent. Id sanè vertebatur in gravissimam Ecclesiarum perniciem, quamobrèm

meliori modo consuli non poterat Ecclesiarum utilitatibus, quām si ad vitam communem vel in Monasteriis, vel in Canoniciis locis ducendam Clerici vocarentur. Erat autem inter Monasteria, Canonicaque loca discrimen, quod in Monasteriis constituti tribus votis adstringebantur sub Abbatे, certaque regulâ à Fundatore monastico præstitutâ; at Canonica loca ad instar Clericalium Congregationum redigebantur sub vita communis instituto, quales hodiè dixeris Congregationes Clericorum S. Philippi, aliasve similes.

Locum etiàm hic habere videretur ^{Can. 4.}
canon 4. dist. 60., sed hunc pertinere
ad Concilium Beneventanum anno 1091.
celebratum, jam dixi in cap. 63. prioris
partis hujus ejusdem Operis: quemadmodum etiàm de ceteris similibus frag-
mentis disserendum ibidem fuit.

Canon 6. dist. 68. inter ea, quæ ^{Can. 6.}
hodiè supersunt, Urbani II. Pontificis
monumenta, minimè legitur: verùm nihil prohibet, quominus ejusdem Papæ
temporibus maximè convenire videatur;
cum enim diræ tunc essent inter Clericos,
& Laicos contentiones, quæ collationes
spectabant sacrarum dignitatum, nihil antiquius erat Viris ecclesiasticis, quām
tradere, Viros Apostolicos adhuc recentioribus
temporibus existere, quorum
auctoritate Sacri Administris designarentur,
quo pertinere videbatur illud Psalmista: *Pro Patribus tuis nati sunt tibi filii.*
His usus ad eam rem est Paschalis II.,
qui Urbano II. immediate successit, ita
scribens ad Henricum in epist. 93. apud
Labbeum: *Præterea Propheta David ad Ecclesiam loquens ait: Pro Patribus tuis nati sunt
tibi filii, constituë eos Principes super omnem
terræm. Ecclesia filios genuit, Ecclesia Principes
statuit: possemus alia de Scripturis sacris
testimonia, & exempla proponere, quibus constaret
Ecclesia Sponsos, ac Pastores Episcopos
non secularium potestatum mutu, sed Christi
dispositione, & Ecclesia judicio præponendos.*
Qui hæc Paschalis II. verba cum dicto
canone 6. contulerit, facile agnoscet,
unam, eamdemque esse sententiam, ita
ut

ut rectè idem canon 6. tribui fortè posset Paschali II.; neque enim absonum est & Paschalis, & Urbani monumenta ità confusa, permixtaque fuisse, ut quod unius esset, alteri apud Collectores tribueretur, cum uterque eodem sæculo vixerit, cædemque controversiæ ab utroque discuti, dirimique debuerint. Fortè agnoscendum erit, apud Gratianum in eodem canone 6. nonnulla addita fuisse ex S. Augustino, qui in enarratione Psalmi 44. ità memoratum versiculum interpretatus est: *Pro patribus tuis nati sunt tibi filii: quid est, pro Patribus tuis nati sunt tibi filii?* Patres missi sunt Apostoli, pro Apostolis filii nati sunt tibi, constituti sunt Episcopi. Hodie enim Episcopi, qui sunt per totum mundum, unde nati sunt? ipsa Ecclesia Patres illos appellat, ipsa illos genuit, ipsa illos constituit in sedibus Patrum. Non ergo te putas desertam, quia non vides Petrum, quia non vides Paulum, quia non vides illos, per quos nata es, de prole tua tibi crevit Pateritas. Pro patribus tuis nati sunt tibi filii: Constitues eos Principes super omnem terram. Vide templum Regis, quād latè diffusum est, ut noverint virgines, quæ non adducuntur in templum Regis, non se ad istas nuptias pertinere. Pro patribus tuis nati sunt tibi filii, constitues eos Principes super omnem terram. Hec est catholica Ecclesia, filii ejus constituti sunt Principes super omnem terram, filii ejus constituti sunt pro Patribus. Agnoscant, qui precisi sunt, veniant ad uitatem, adducantur in templum Regis. Templum suum Deus ubique collocavit, fundamenta Prophetarum, & Apostolorum ubique firmavit. Filios genuit Ecclesia, constituit eos pro Patribus suis Principes super omnem terram.

Can. 2. Auctor Palearum in can. 2. caus. 9.
caus. 9.
q. 2. & quæst. 2. parùm aptè tamèn, & appo-
Can. 3. de pœn. sitè, retulit, quod Gratianus sub no-
dist. 6. mine Urbani II. descripsérat in can. 3.
de pœn. dist. 6. Sive unum, sive alterum, quod in idem consonat, fragmentum respicias, frustrà illud inter Urbani II. monumenta requires. Observare tamèn nihilominus juvat, tempore Urbani II. tria de pœnitentibus in disputacionem venisse, ob quosdam, qui tunc

irreperserant, abusus. In primis cum Lai- ci, præsertim Ecclesiarum Patroni, de Ecclesiis à se erectis tamquād de rebus omnino suis liberè posse se disponere arbitrarentur, in illis non solùm Clericos sacro functuros officio nominabant, sed etiàm pro lubito quæcumque Sacramenta independenter ab Episcopis, & Parochis, ipsum quoquè pœnitentia Sacramentum, suscipiebant: quamobrem in Concilio Claromontano anni 1095. can. 18. ità decernendum fuit: *Ut nullus Presbyter Capellanus alicujus laici esse possit sine concessione sui Episcopi;* vel, ut alii legunt: *Ut nullus Princeps Capellanum habeat, nisi quem Episcopus sius, aut Archidiaconus Procuratorem anima delectum constituat.* Alterum in eo situm erat, quod quidam fallaces pœnitentias adfectabant, & licet pluribus irretiti criminibus detineren- tur, unius aut alterius pœnitentiam humili confessione coram Sacerdotibus exhibebant, in aliis verò pervicacissimi perseverabant. Id liquet tum ex eodem Concilio Claromontano can. 22., ubi statutum legimus, neminem admitten- dum ad pœnitentiam fore, nisi perfectam confessionem fecerit, verbi gratiâ, ut si per- petrato homicidio manserit in adulterio, vel perjurio, hujusmodi ad perfectam pœnitenti am minime recipi debere decretum est; tum ex Concilio Melphitanô can. 16., quo ità statuitur: *Sanè, quia inter cetera unum est, quod maxime Sanctam perturbat Ecclesiam, falsæ videlicet pœnitentia;* Confratres nostros Episcopos, & Presbyteros admonenus, ne falsis pœnitentiis laicorum animas decipi, & in infernum pertrahi patientur. Falsam autem pœnitentiam esse constat, cum, spretis pluribus, de uno solo peccato pœnitentia agitur, aut sic cum agitur de uno, ut non discedatur ab alio &c. Postremò vigebat acerrima inter Clericos, & Monachos controversia, Monachis Sacramentum etiàm Pœnitentia pas- sim administrantibus, Clericis autem si- bi hanc potestatem reservatam adseren- tibus; unde varia tunc prodierunt de- creta modò in favorem Monachorum, modò in odium eorumdem, prout vel in adversis provinciis, vel diversis tem-

poribus eâ facultate aut uterentur Monachis, aut abuti viderentur. Sic in cap. 1. de Cappellis Monachorum, quod ad ætatem Urbani II. eruditii referunt, Monachis interdictum adparet, ne quamlibet gererent animarum curam, sed potius per Clericum Cappellanum, ab Episcopo institutum, Sacra menta in Ecclesia Monasterii ministrarentur. Testatur prætereà Ivo Carnotensis in epist. 63., Lemovicensem Episcopum interdixisse Monachis regimine Parochiarum, & confessione Pœnitentium excipiendā. Viceversa in Concilio Nemausensi anni 1096. decretum est, Monachos uti posse facultate absolvendi, ligandique, in can. 2., quem Gratianus retulit sub nomine Bonifacii Papæ, imò & in ipso Concilio adjectum est in can. 3., eos, qui *sacrulum reliquerunt, plus valere peccata hominum solvere, quam Presbyteros seculares.* In tanto Monachorum, Clericorumque conflictu, mirum est, quid utrinque pertentatum fuerit, dum Monachi præ ceteris objicerent quædam Clericorum illius temporis vitia, quæ facile palam demonstrabant, præsertim ignorationem sacrorum canonum, quæ reverè tunc plurimi cœcutebant, unicè intenti aut militaribus rebus, aut laicorum famulatu, à quibus pluribus beneficiis, iisque pinguibus ditatum iri sperabant. Ex his facile mihi persuadeo, sententiam dicti canonis 3. de pœn. dist. 6. seu canonis 2. caus. 9. quæst. 2. à quibusdam Monachis fuisse confictam, ut suæ causæ, cui impensè studebant, servirent, quemadmodum, ut alibi jam monui, facere consueverunt. Noverant illi in sacris canonibus definitum, ut unusquisque à proprio Parocho susciperet Pœnitentiæ Sacramentum. Quid autem moliri melius, & ad rem suam opportunius poterant, qui laicos ad Monasteria per trahebant, quam sub nomine Urbani allegare ignorantiam Parochorum, ex qua à Parochis ad Monasteria sacrorum causâ divertere liceret? Porrò illud Gratiani monumentum neque inter epistolas Urbani, neque inter canones Concilio-

rum illius ætatis reperitur, imò nec ab ullo ex Collectoribus Gratiano antiquioribus laudatur; undè verosimile est, primù ex Bibliotheca Monasteriorum, in quibus Gratianus scribebat, prodiisse. Neque verò conjicere quispiam facilè poterit, Urbanum II. in eam erupisse sententiam, quæ in Parochos odia omnium concitaret, ansamque præbæret singulis in scientiam sui Parochi inquirere, dum ibidem perspicuè traditur, licere unicuique à proprio Parocho discedere, quotiès sciat Parochum rerum sacrarum ignorantia laborare. Quod si fervidiore zelo correptus de Parochorum honore parùm sollicitus ab aliquo fingatur Urbanus, cur non etiàm eo progressus fingitur, ut diceret, non solùm posse, sed etiàm debere fideles à Parochis suis eo in casu devertere; non enim tantum eos, qui in via Domini cœciunt, ne ab ea cum ipsis deflectamus, evitare possumus, sed omnino debemus. Sed hæc nunquàm fuit ratio saluti animarum consulendi, quam sempèr optimam iniverunt Pontifices Maximi. Nimirum cavere potius consueverunt, ut si quis ex Parochis parùm exequendo muneri videretur idoneus, is removere tur, non facultatem dare fidelibus de Pastoris sui scientia judicandi, eumque pro libito rejiciendi, vel retinendi; ne forte exindè gravissima schismata suborirentur.

Romani Correctores ad canonem
37. caus. 12. quæst. 2. animadverte-
runt, se reperiisse fragmentum Conci-
lia Urbani II., in quo eadem propemo-
dum Gratianei canonis verba legebantur. Hodiè verò, postquàm editi sunt à recentioribus canones 22. Concilii Late-
ranensis sub Callisto II. celebrati anno
1123., perspicuè liquet potius ad Cal-
listi Concilium, quam ad Urbanum
eumdem canonem pertinere. Ita in Con-
cilio legitur canone ultimo: *Alienationes,*
que specialiter per Ottonem, (legitur alibi
Attonem) *Guidonem, Hieremiam,* seu forte
Philippum, ubilibet de possessionibus Ravenna-
tis Exarchatus factæ sunt, damnamus; gene-
ra-

Ca n. 37.
ca us. 12.
q. 2.

valiter autem omnium per intrusionem, seu canonice electorum sub Episcopi nomine, aut Abbatis, qui secundum usum Ecclesiae sua conseruandus est, alienationes quocumque modo factas, nec non personarum ordinationes ab eisdem sine communi consensu Clericorum Ecclesiae, sive per simoniam itidem factas, irritas iudicamus. Illud etiam per omnia interdicimus, ut nullus Clericus præbendam suam, seu aliquod ecclesiasticum beneficium aliquo modo alienare præsumat; quod si præsumptum olim fuit, vel aliquando fuerit, irritum erit, & canonice ultioni subjacebit. Mirum porrò esse non debet, Urbano II. tributa fuisse, quæ potius Callisto II., seu Concilio Lateranensi, sub eodem Pontifice celebrato, tribui debuissent; cum enim Callistus proximè Urbano II. successerit, facile utriusque Pontificis acta à quodam collectore confundi potuerunt. Evidens hujus rei exemplum præbent iudicem Romanii Correctores, qui ad canonem 8. dist. 27. Callisto tributum observaverunt, se eumdem canonem reperiisse unà cum canone alienationes caus. 12. quæst. 2., & can. paternarum caus. 24. quæst. 3. in quodam fragmento Concilii, quod dicebatur ab Urbano II. celebratum; hi tamè omnes canones leguntur in memorato Lateranensi Concilio sub Callisto.

Can. 2. & Auctor Palearum errandi occasio-
6. cau. 16. nem nonnullis præbere potuit, qui cre-
diderunt ad Urbanum II. pertinere ca-
nonem 2. caus. 16. quæst. 2., qui ta-
mè Urbani non est, sed potius Conci-
lii Moguntini anni 813. In veteribus
Gratiani codicibus nec iste canon 2. nec
sequentes 3., 4., & 5. habebantur; quemadmodum in notis ad Gratianum Balu-
zius monuit, quamobrem nomen Ur-
bani II., quod eisdem canonibus præ-
figitur, potius spectat canonem 6. Por-
rò in commemorato Concilio can. 38.
ita legitur: *Admonemus, atque precipimus, ut decimas Deo omnino dari non negligatur, quas Deus ipse sibi dari constituit; quia timendum est, ut quisquis Deo debitum suum abs- trahit, ne forte Deus per peccatum suum aufe- rat ei necessaria sua.* Eadem verba referun-

Tom. III.

tur in Capitularibus Francorum lib. 5.
cap. 154. Baluzianæ editionis, his ad-
huc adjectis: *Necessaria sua, & qui deci- man Deo dare neglexerit, novem partes au- ferantur ab eo.* Nomine etiam Concilii
Moguntini retulit Burchardus in cap.
131. lib. 3., & Ivo parte 3. cap. 197.
Itaque liquet, inscriptionem canonis 2.
pertinere potius ad canonem 6. caus. 16.
quæst. 2., qui canon 6. quemadmodum
ad Urbani II. Constitutiones referendus
sit, jam tradidi in prima hujus operis
parte cap. 63., ubi de Concilio Claro-
montano, seu Arvernensi. Hic nonnulla
subjiciam ex Baluzio, qui, postquam
canonem ediderit, atque illustraverit in
cap. 31. lib. 6. de concordia Sacerdot.
& Imper., in notis ad Gratianum ad il-
la verba *cum Abbatum consensu*, animad-
vertit canonem hunc non levem difficultatem
ingerere, ubi tota instituendi
Presbyteri auctoritas datur Episcopo,
Abbati solus consensus, licet in princi-
pio dicatur, electionem Presbyteri, si-
ve collocationem, ut ibidem dicitur,
tribui Monachis, consensum Episcopo,
dum præcipitur, ne Monachi in Paræ-
cialibus Ecclesiis, quas tenent, absque
Episcoporum consilio Presbyteros col-
locent; quæ primâ fronte videntur esse
contraria. Controversiam istam dirime-
re conatur vir eruditus, dum rationem
habet usus, quem in Ecclesiam statim
invexit canon ille Claromontanus. Cer-
tum quippè, ait, eodem tempore, quo
conditus fuit, intellectum de jure præ-
sentationis fuisse, quod Abbates deinceps
habuerunt in institutione Presby-
terorum, qui regerent Paræciales Ec-
clesias eorum Monasteriis contributas.
Testis est ipsem Urbanus auctor con-
ditorque canonis, cuius hæc sunt verba
ex epist. ad Hugonem Abbatem Clu-
niacensem edita in Bibliotheca Cluniacensi
pag. 520. *Liceat quoquè vobis, seu fra-
tribus in Ecclesiis vestris Presbyteros eligere, ita
tamè ut ab Episcopis, vel ab Episcoporum vi-
cariorum animarum curam absque venalitate suc-
cipiant. Quæ verba haud ita multo pòst
repetita inveniuntur in epist. Paschalis*

Ecc

II.

II. ad eumdem Hugonem data pag. 522.
 Anno deinde 1111. Lambertus Atrebatusensis Episcopus, qui Concilio Claromontano interfuerat Ecclesie B. Petri de Insula concedens altare de Moncellis hanc cautionem donationi suae adjecit apud Ferreolum Locrum in Cronico Belgico pag. 268. *Adjicimus etiam, ut Ecclesia B. Petri per vos Presbyterum idoneum Episcopo Atrebateni presentet, qui ei obedientiam promittat, & de vita sua honestate, si ut canonicum est, promissionem faciat, ac deinde curam in populo de Moncellis gerendam gratis suscipiat.* Biennio post Guillēlmus Cadurcorum Episcopus statuens in futurum de Ecclesia S. Stephani Vairiacensis, quæ tenebatur à Monachis Tutelebus, his, quæ sequuntur, verbis explicavit potestatem Episcopis, & Abbatibus datam in Concilio Claromontano. *Electione, & providentia Tuteleensis Abbatis, & Monachorum in sapè dicta Ecclesia S. Stephani de Vairiaco Sacerdos ponatur, sed nobis presentetur, à nobis curam suscipiat animarum, nobis obedientiam promittat.* Eodem modo canonem posteà explicavit Eugenius III. in epist. de privilegiis majoris Monasterii Turonensis, data anno 1145. *In Parochialibus vero Ecclesiis, quas tenetis, Presbyteros eligatis, quibus, si idonei fuerint, Episcopi Parochia curam committant, ut ejusmodi Sacerdotes de plebis quidem cura Episcopo rationem reddant, vobis autem pro rebus temporalibus debitam subjectionem exhibeant.* Apertiū Alexander III. anno 1179. cum privilegia confirmaret Monasterii Tornodorensis in tom. 4. Galliæ Christianæ pag. 645. *In Parochialibus autem Ecclesiis, quas tenetis, liceat vobis Sacerdotes eligere, & electos Episcopo representare; quibus, si idonei inventi fuerint, Episcopus &c.* Unde facile colligi potest, esse huic Concilio Claromontano imputandam originem juris, quo recentioribus temporibus utuntur Abbates, quoties Sacerdotia vacant, quibus incumbit cura animarum, quæ ab eorum Monasteriis pendet. Desinunt enim virum huic ministerio, quem Episcopo præsentant, tum vero Episcopus eum in Sacerdotio instituit,

si idoneus repertus fuerit. Rursùm ea ratione sublata est quoquè repugnantia, quæ esse initio videbatur in verbis canonis Claromontani. Huc usquè egregiè Baluzius.

Canon 1. caus. 16. quæst. 4. tam
 Can. caus. 16. I.
 tum abest, ut sit Urbani II., quin po- q. 4.
 tiùs ejusdem Papæ adversari sententiis videatur. Siquidem non semel constituit Urbanus, ut Monachi jure optimo illa possiderent, in quibus illis tricennaria possessio suffragabatur. Hinc in Concilio Claromontano anni 1095., quod Baluzius edidit in lib. 6. de Concord. Sacerd. & Imp. cap. 31. can. 3. ita legitur: *Porro quacunque altaria, vel decimas ab annis 30., & suprà hujusmodi redemptione Monasteria possedisse noscuntur, quiete deinceps, & sine molestia qualibet eis possidenda firmamus.* Eadem propemodùm verba repetita legimus in Concilio Nemaussensi anni 1096. can. 1., ex quibus profectò colligitur, temporibus Urbani II. sufficientem fuisse, ad res ecclesiasticas à Monasteriis præscribendas, tricennalem possessionem. Potius itaque Gratianus canon referendus erit ad Concilium Lateranense Callisti II. anno 1123. celebratum; neque enim novum fuit Gratiano, aliisve Collectoribus, monumenta ejusdem Concilii Urbano tribuere, quemadmodùm superiùs tradidi ad can. 37. caus. 12. quæst. 2. Itaque in can. 19. illiū Concilii hæc habentur: *Servitium, quod Monasteria, aut eorum Ecclesia à tempore Gregorii Papa VII. usquè ad hoc tempus Episcopis facere, & nos concedimus. Possessiones Ecclesiarum, & Episcoporum tricennales Abbates, vel Monachos habere, omnimodo prohibemus.* Hic canon habetur quidem in editione Concilii, facta à Cossatio, sed desideratur in editione Baluzii facta ex vetere MS. Monasterii Anianensis in lib. 8. de Concord. Sacerd. & Imp. cap. 21., forte abrasus, aut omis-sus à Monachis Anianensibus, ejusdem codicis auctoribus. Juvat hæc paulispè explicare. Ante Justinianum Imperatorem universa jura, & actiones 30. anno- rum spatio præscribebantur, quæ pru- den-

dentia in omnibus rebus ecclesiasticis, utut singulari privilegio donatis, obtinuerat. Primus Justinianus in rebus ecclesiasticis Ecclesiae Orientalis centenariam tantummodo præscriptionem locum habere decrevit l. 23. cod. de Sacros. Eccles., quam deinde ad Occidentalem Ecclesiam protraxit Nov. 9. Sed demùm restricta eadem præscriptio fuit ad annos 40., uti colligitur ex Nov. 111. & Nov. 131. cap. 6.; ita ut usquè ad Urbani II. ætatem quadragenaria præscriptio in rebus ecclesiasticis obtineret. Contigit tunc, Laicos bona quamplurima ad Ecclesias pertinentia occupasse, neglectis sacerorum canonum sanctionibus, ex eo præsertim, quòd Episcopi Laicorum potentiorum famulatui addicti, vel ipsa etiàm decimarum jura Laicis eisdem concederent iteratò; & parùm juvaret illa Ecclesiis, Episcopisve restitui; quotidianum enim erat periculum, ne rursùs transferrentur in Laicos. Quid igitur? Plausu receptum est apùd Viros probos, ut Monachi illa ipsa decimarum ecclesiasticarum jura redimerent, ac retinerent; eâ enim ratione eveniebat, ut à Laicorum manibus eximerentur, & si non ecclesiastica omnino evaderent, ecclesiasticis saltè juribus religiosa facta propius, quoàd tempora paterentur, accederent. Hinc factum est, ut Monachis daretur non solùm hæc ampla redimendi facultas, sed præterea eadem jura sic redempta præscribendi solo triginta annorum spatio contrà legem quadragenaria præscriptionis, ut lique perspicue ex commemoratis canonibus Conciliorum Claromontani, & Nemaensis: adjuvanda autèm erat hujusmodi præscriptio, quæ favorabilis Ecclesiae videbatur, ideoque minori etiàm temporis spatio perficienda. Gavisi sunt hoc privilegio Monachi, quodque erat singulare in redemptione decimarum, non autèm in aliis Ecclesiasticis rebus redimendis expressum, utpotè quod erat reparandis illius temporis injuriis accommodatum, cœperunt ad alias res Ecclesiasticas extendere, imò etiàm ad se-

quentia sècula prorogare. Quamobrem opportunum fuit Ecclesiæ rebus, in Concilio Lateranensi Callisti II. tricennali hujusmodi præscriptione rerum Ecclesiasticarum Monachis interdicere, ut rursùs jus commune vigeret quadragenaria præscriptionis. Id, licet paulò obscurius, agnovit ipsemet Gratianus, qui, postquam laudavit in can. 1. caus. 16. quæst. 4. Concilii Lateranensis fragmentum, statim animadvertisit, adversus Ecclesiam quadragenariam præscriptionem Monachis non denegari; erat enim ipse in hac re admodùm versatus, qui in Monasteriis degebat, & jura Monasteriorum sui temporis ignorare non poterat.

Quæ hucusquè velùt per Juris historiam de præscriptione rerum Ecclesiasticarum disserui, lucem non modicam adferunt canoni 2. caus. 16. quæst. 7. Certum est, Laicos, qui ab Episcoporum liberalitate res Ecclesiasticas acceperant, easdem Monachis, aut Clericis Regularibus tandem aliquandò restituisse: et, quamquam id pluribus placuerit, redire eâ ratione ad Ecclesiam bona sua, Episcopi tamèn ægrè senserunt, bona eadem minoribus potius Clericis, aut Monachis adsignari, quam restitui sibi; aut saltè in hujusmodi restitutionibus postularunt suum debere intervenire consensum, in quo præstando sui juris vestigium quoddam agnosceretur. Ita statutum legimus in Concilio Melphitano anni 1089. can. 5. & 6., in Concilio Beneventano anni 1091. can. 2., in Concilio Claromontano can. 6. & 7., & in Concilio Romano anni 1099. can. 15. & 16. Ceterùm, quæ leguntur in can. 2. caus. 16. quæst. 7. exigenda sunt ad canonem 6. Concilii Claromontani his verbis: *Ut altaria, congregationibus Canonicorum, vel Monachorum per personas data, mortuis personis libera redeant in manus Episcoporum, nisi fuerint illis per eorum scripta, vel privilegia confirmata; ex quibus adparet, Palearum auctorem in describendo eo canone non verba Concilii, sed potius sententiam, quam ipse aliis.*

Can. 2.
caus. 16.

verbis ornavit, descriptissime. Apud Mansium in Supplemento Labbeano tom. 2. pag. 142. ad Concilium Claromontanum exhibetur idem canon paulò aliter exaratus ex ms. codice Decreti Gratiani Bibliothecæ Lucensis Congregacionis Matris Dei, quem vir eruditus conjicit esse sæculi duodecimi exeuntis, ibi: **Congregato apud Claramontensem urbem multorum Coepiscoporum Synodali conventu, proposta est nobis à quibusdam questio de Ecclesiis, vel Ecclesiasticis progressionibus à Clericis, vel Monachis usquè in præsentiarum inconsultis Episcopis adquisitis. Nos autem usi saniorum consilio eorum.... condescendentes, providentesque Ecclesiarum pace, vel.... scandali periculo hujusmodi, quod non poterat procedere apostolicâ auctoritate decrevimus, ut ea, qua à Clericis, vel Monachis, à quibuscumque personis prout potuerit usquè hodie fuerint acquisita, rata probentur, & inconcussa permaneant, hoc tamen tenore, ne in posterum Episcopis inconsultis talia præsumant.**

Canon 2. caus. 19. quæst. 3. tri-
Car. 2. caus. 19. g. 2. buendus potius est Anselmo Episcopo Havelbergensi, qui in libro de Ordine Canonicorum Regularium, edito apud Bernardum Pezium tomo 4. Thesauri Anecdotorum, cap. 5. ita scribit ad sua Diæcseos Clericorum institutionem. **Mandamus, & mandantes utiliter interdicimus, ne quisquam Canonicus regulariter professus, nisi, quod absit, publicè lapsus fuerit, Monachus efficiatur; quod si decreto nostro contrarie præsumens facere tentaverit, ad ordinem canonicum præcipimus ut redeat, & deinde memoriale præsumptionis sua cucullam deferat (fortè legendum videretur deserat, quemadmodum ex sequentibus facilè colligi posset) Gratianus autem legit: memorialem cucullam deferat, & ultimus in choro maneat. Et quidem de hoc verbo apud quosdam contentio, vel dubium est, uerum deferre, vel deserere cucullam in precepto sit. Nos vero de verbo non contendimus. Id tamen indubitanter scimus, ipsum præcepti datorem Urbanum Papam II., ac post ipsum alios Romanos Pontifices ejusmodi præsumptoribus cucullam detraheisse. Postrema hæc verba, quæ indignant, hanc prudentiam probatam fuisse**

Romanis Pontificibus, et specialiter ipsi Urbano II., in causa fuerunt, cur Gratianus, aut is, qui Gratiano auctor extitit, ejusdem monumenti Urbanum II. auctorem faceret.

Inter monumenta Urbani II. minime reperitur canon 23. caus 22. quæst. 5., qui licet in aliquibus vetustis Gratiani codicibus desideretur, quemadmodum animadverterunt Correctores Romani, tamè relatus est inter Decretales Gregorii IX. in cap. 3. de jurejurando. Quod sanè in eodem canone decretum legitur, & generali sacrorum canonum traditioni consonat, in ea parte, quâ Clerici jurare prohibentur; consonat præterea disciplinæ temporum Urbani II., quâ vigebat, ut Clerici illi, qui bonorum Ecclesiasticorum administrationem obtinuerant, fidem suam, & sponsonem jurejurando firmius obstrinxerent. Canon 13. Cabilonensis II. Concilii anni 813. juramenta Clericorum fuisse improbata demonstrat ibi: **Dictum est interea de quibusdam fratribus, quod eos, quos ordinaturi sunt, jurare cogant, quod digni sint, & contraria canones non sint facturi, & obedientes sint Episcopo, qui eos ordinat, & Ecclesie, in qua ordinantur; quod juramentum, quia periculosum est, omnes una inhibendum statuimus. At vero jurare temporibus Urbani II. consueuisse Clericos, quibus singularis erat bonorum Ecclesiasticorum commissa administratio, probat perspicuè canon 8. Concilii Londinensis, celebrati anno 1108. ibi: *Jurabunt Archidiaconi omnes, quod pecuniam non accipient pro toleranda transgressione hujus statuti, (statutum illud erat de mulieribus abiciendis), nec tolerabunt Presbyteros, quos sciunt feminas habere, cantare, vel vicarios habere: similiter & Decani hac eadem per omnia jurabunt. Qui vero Archidiaconus, vel Decanus hac jure noluerit, Archidiaconatum, vel Decanatum irrecuperabiliter perdet. Huc sanè referri commode possent duæ epistolæ Paschalis II., quæ habentur num. 5. & 6. apud Labbeum, in quibus Archiepiscopis Panormitano, & Polono non aliter se concessurum pallium idem Pon-***

tis ex profiteatur, nisi illi jure jurando fidem suam Sedi Apostolicæ obstrinxerint, adiectâ ratione, quia in pallio conceditur plenitudo Pontificalis officii, seu generalis rerum sacrarum administratio.

Can. 22. caus. 23. quest. 8. in
caus. 23. quest. 8. Canonem 22. caus. 23. quæst. 8. in monumentis Urbani II. huc usquæ editis reperire nusquam potui; non tamè eo facile adducor, ut illud apocryphum censem, cum in primis neverim, non omnes Urbani epistolas ad nostram usquæ ætatem pervenissem; deinde videam temporibus Urbani, & monumentis illâ ætate editis, plurimum congruere. Nemo sanè ignorat, quanta fuerit tunc temporis sacrorum Antistitum, ac præsertim Romanorum solertia, ut res Ecclesiasticas à Laicis potentioribus jam diù occupatas vindicarent. Vix Acta alienus Concilii, aut Decreta, Epistolas ve Pontificis illius sæculi arripere potes, cum statim objiciantur oculis hujusmodi imagines. Commemorare sufficiat canonem 11. Concilii Melphitanæ, sub Urbano II. celebrati, & epistolam Urbani ad Rodulphum Comitem, quæ hodiè non superest integra; cuius tamè fragmentum legitur apud Ivonem parte 6. cap. 408. Ad hanc ipsam materiem pertinere puto memoratum canonem 22., immò si in re valdè obscura conjecturis locum dare licet, suspicor eum canonom pertinere ad epistolam Urbani II. ad Robertum Comitem, qui Flandrensem Clerum ita gravabat, ut nihil esset de bonis Ecclesiasticis à Clero possessis, quod non tandem per vim in illius Comitis potestatem redigeretur. Edita est ad calcem Concilii Rhemensis anni 1092. epistola Cleri Flandrensis ad Rainaldum Rhensem Episcopum, in qua post expositas injurias, à Roberto in Clerum, & Cleri res jam diù illatas, refertur, Robertum eumdem per epistolam ab Urbano Pontifice commonitum fuisse, imò & gravi præcepto obstrictum, ut à susceptis facinoribus temperaret. Hæc epistola Urbani deperiit; cum autem Gratianum illud fragmentum convenire vi-

deatur sententiis illis, quæ ad commōendum Robertum aptæ esse poterant, quid prohibet, ne interea putem, Gratiani canonem ad illam epistolam pertinere? Utinam rei huic plurimum dubium majus lumen accederet; illud statim se querer quam lubentissimè.

Antonius Augustinus in dial. 5. lib.

2. de emendatione Gratiani canonem

Can. 24.
caus. 24.

Gratianum 24. caus. 24. quæst. 3. quest. 3.

asseruit se vidisse in quibusdam schemis Urbano II. adscribi, addito numero capitatis 1. Baluzius verò in notis ad Gratianum putavit, esse potius Concilii Claromontani. Ego cum canonem editum video in Concilio Lateranensi I. Callisti II. anni 1123. quod nimis edidit Cossartius can. 20. his verbis: *Paternarum traditionum exemplis communis pastoralis officii debitum persolventes, Ecclesias cum bonis suis tam personis, quam possessionibus, Clericos videlicet, ac Monachos, eorumque conversos, oratores (Gratianus legit oratores) quoque cum suis nihilominus rebus, quas ferunt, tutos, & sine molestia esse statuimus. Si quis autem contrà hoc facere presumperit, & postquam facinus suum recognoverit, infra 30. dierum spatium competenter non emendaverit, à liminibus Ecclesia arceatur, & anathematis gladio feriatur.* Neque mireris, canonem Concilii Lateranensis sub Callisto editi adscriptum fuisse Urbano; siquidem id jam in aliis canonibus evenisse animadvertisendum superius fuit ad canonem 37. caus. 12. quæst. 2. Duplex autem esse potuit ratio illius edendi Decreti in Concilio Lateranensi. Prima, quod Laici passim eâ ætate bona Ecclesiarum diriperent, atque per vim occuparent. Altera, quod post Urbanum II. sequentes Pontifices Maximi incubuerunt in expeditionem fidelium faciendam causâ recuperandæ, ut vocant, Terræ Sanctæ; undè opus fuit opportuno decreto, quo bona illorum, qui eo etiam studio detinebantur, imò illud exequabantur, dum peregrinè proficerentur, ab omnium impetu, & injuria præcavendo eriperentur. Hinc in eodem Concilio can. 11. hæc leguntur:

Eis,

Eis, qui Hierosolymam proficiscuntur, & ad Christianam gentem defendendam, & tyrannidem infidelium debellandam efficaciter auxilium præbuerint, suorum peccatorum remissionem concedimus, & domos, familias, atque omnia bona eorum in B. Petri, & Romana Ecclesia protectione, sicut à Domino nostro Papa Urbano statutum fuit, suscipimus. Itèm in canone ultimo Concilii Claromontani anni 1095, editi apùd Baluzium hæc habentur: Et quia plerique Galliarum regiones alimentorum inopiat laborabant, interdictum est, treviā usquè ad annos tres villanis, & mercatoribus esse continuam, militibus verò à quinta feria usquè ad dominicam per singulas hebdomadas observandam; Clericis autem, & Monachis omnibus aequè temporibus, ac primum peregrinis ad sacra loca tendentibus. Similia leguntur in Concilio Rothomagensi anni 1096. can. 2., ex quibus fieri fortè potuit, ut idem canon Urbano II. potius tribueretur. Unum adhuc adjiciam, memoratum canonem 20. Concilii Lateranensis inveniri quidem in editione Cossartii, ast in editione Baluzii ad lib. 8. cap. 21. de concord. Sacerd. & Imper. desiderari.

Licet inter Urbani II. monumenta non facilè reperiatur canon 37. caus. 24. quæst. 3. imò potius congruere videatur scriptori alicui adversus schismatistarum sectas disputanti, quām Pontifici quidpiam per epistolam decernenti, tamè ego non dubitaverim, quin rectè Urbani ejusdem temporibus tribuatur, uadè Urbani nomen illi adscribi potuerit. Nemo ignorat, illis temporibus frequentissimas fuisse excommunicationum sententias, præsertim adversus Enricianos, qui diutius Ecclesiam exagitabant. His proximi erant Ecclesiasticarum rerum invasores, simoniaci, concubinarii, quorum facinora turpem sæculi illius faciem reddiderunt. Interè vero, qui flagitiis detinebantur, aut Enricianis adhærebant, graviter de excommunicatoribus conquerebantur, asserentes aut se nihil, nisi mali speciem admisisse, aut, etiamsi malum admiserint, non ideo ab Ecclesia esse expellendos, sed potius to-

lerandos; quam ob rem adferebant Sanctorum Patrum, præsertim Augustini testimonia, quibus demonstrabatur, in Ecclesia malos tolerari: nec omiserunt Christi Domini exemplum, qui non ex agro dominico voluit eradicanda zizania. Hujusmodi querimoniarum, ac disputationum exemplar insigne est in epistola Leodiensium, scripta circà annum 1107. adversus Paschalem II. Urbani II. successorem, quæ habetur apùd Labbeum inter epistolas ejusdem Paschalis post septimam. Quoties hæc integra legatur, deinde cum ea conferatur memoratus canon 37., facilè colligetur, canonem 37. ad quoddam illius temporis monumentum pertinere, quo Leodiensibus excommunicatis, vel aliis hujusce generis hominibus, responderetur, collectis Patrum sententiis, & exemplis ad demonstrandum, quo jure Ecclesia excommunicationis pœnâ uteretur adversus improbos homines, quānam præterea essent observanda inter excommunicationem, eradicationemque discrimina.

Sententia canonis 6. caus. 25. quæst.
1. convenit quidem cum aliis, et quidem egregiis Romanorum Pontificum monumentis, quorum multa in eadem causa & quæstione Gratianus commemorat: convenit præterea cum iis, quæ habentur passim apùd Gelasium Pontificem Maximum, qui nihil adversus Acanianos antiquius habebat, quām formulas hujusmodi proponere, quo præter canonem 1. caus. 25. quæst. 1., referri etià potest canon 2. caus. 24. quæst. 1. Sed minimè legitur inter monumenta Urbani II. quæ huc usquè edita proponantur. Ab eodem Pontifice abjudicandum esse eum canonem fidenter dicendum non est, cum nulla ad hanc rem possint esse argumenta; neque etiam tutò posset ille eidem Pontifici adscribi. Tantum ego dixero, non nihil simile legi in epistola ejusdem Urbani ad Lucium Præpositum Sancti Juventii, ibi: *Illud B. Petri respondemus: obedire Deo oportet magis, quām hominibus; in quo exemplo notandum est, hominibus interdum obedi debet*

Can. 37.
caus. 24.
q. 3.

Can. 6.
caus. 25.

re, sed magis Deo: hominibus quidem in his, quae contraria fidem, & religionem non sunt: quoniam cives Jerusalem legitimus Babylonis civibus militasse, ut sanctum Joseph & socios Danielis: quorum primus stuprum domine, sequentes vero idolatriam perhorrentes, Rempublicam & alienigenarum Principum strenue gubernaverunt. Et in Evangelio habes, cum eo, qui te angariaverit uno milliario, alia duo ambulare debere; & reddere que sunt Cesaris Cesari, & que sunt Dei Deo. Item Hieronymus super epistola ad Philippenses: Si dominus ea jubet, que non sunt adversa Scripturis Sanctis, subjiciatur domino servus; si vero contraria præcipit, magis obediatur spiritus, quam corporis domino; & infra: Si bonum est, quod præcipit Imperator, jubentis exequere voluntatem: si malum, responde: obedire oportet Deo magis, quam hominibus.

Can. 1.
caus. 3.
q. 2. De canone 1. caus. 31. quæst. 2., ut Urbano II. Pontifici illum tribuamus, nos dubitare non sinit, non solum Panormiæ auctor, qui eadem verba retulit sub hoc titulo: *Judicium Urbani Papæ de filia Jordani*; verum etiam Ivo Carnotensis Urbano ipsi coœvus, qui in parte 8. Decreti cap. 23. hæc habet: *Judicium Urbani Papæ de filia Jordani Principis*: Si verum esse constiterit, quod nobis legati Jordani Principis retulerunt, scilicet quod ipse coactus, & dolens filiam suam infantulam, nolentem, flentem, & pro viri-

bus renitentem, non assentientibus, sed valde dolentibus, matre, & parentela, Raynaldo Riddelli filio despousaverit, quoniam canonum, & legum auctoritas talia sponsalia (ut infra ostenditur) non approbat, ne ignorantibus leges, & canones nimis durum, quod dicimus, videantur, ita sententiam temperamus: ut si Princes cum assensu filiae, matris, & parentela, id, quod cœptum est, perficere voluerint, concedamus. Sin autem, legatus noster utrasque partes audiat, & si nihil fuerit ex parte supradicti Raynaldi amplius, quod impediat, ab ipso Jordano Sacramentum quod ita constent hæc, ut dicta sunt, accipiat: & nos canonum, ac legum scita sequentes, deinceps non prohibemus, quin alii viro, si voluerit, prædicta filia ejus tantum in Domino nubat. Fateor, canon iste inter editas Urbani epistolas non reperitur; sed nec omnia monumenta ad nos usquæ pervenerunt; & præ certis non maxima habenda fuit hujus monumenti ratio apud Collectores, cum de causa privatorum ibidem agatur. Ceterum & similia quædam in simili propemodum causa definitivit Urbanus in can. 3. caus. 31. quæst. 2.: item ad impediendos abusus, qui tunc temporis in hac materie irrepserant, habemus editum canonem 13. Concilii Nemausensis, temporibus Urbani II. celebrati, ibi: *Puellæ usque ad duodecim annos non nubant*.

C A P U T LXXXVI.

De Paschali II.

Paschali II. Pontifici sequentes Canones apud Gratianum tribuuntur.

Ex Epist. ad Guido-

nem Archiepisco-

pum Viennensem.

Addi potest.

Ex Epist. ad Rhe-

ginum Episco-

pum.

Addi potest.

Can. 1. caus. 14. q. 2. à Successore Pontifice retractatus.

Can. 19. caus. 25. q. 2. perperam adscriptus Gelasio I.

Can. 5. caus. 30. q. 3.

Can. 5. caus. 30. q. 4.

Can. 22. caus. 35. q. 2.

Can. 1. caus. 30. q. 4. ex memoratis Paschalis monumentis inter apocrypha recensendum.

Can.

Ex Epist. ad Victo-
rem Episcopum
Bononiensem.

Adjiciuntur.

PARS SECUNDA. CAPUT LXXXV.

- | | |
|--|---|
| Can. 9. caus. 16. q. 1. plurimū convenit Paschalis II. tem- | poribus. |
| Can. 125. caus. 1. q. 1. } conveniunt cum aliis Paschalis II., aliis | Can. 14. caus. 1. q. 3. } etiā ejusdem temporis monumentis* |
| Can. 47. caus. 16. q. 1. Paschali II. jure tributus. | |
| Can. 16. caus. 16. q. 7. | referendi ad Trecense Consilium |
| Can. 17. caus. 16. q. 7. | anno 1107. celebratum. |
| Can. 18. caus. 16. q. 7. | |
| Can. 19. caus. 16. q. 7. | |
| Can. 18. caus. 18. q. 2. incerta admo dūm auctoritatis. | |

PErveni tandem ad ipsum Gratiani sāculum, scilicet sāculum Ecclesiae duodecimum, cuius initio & Gratianus vivebat, & summum Pontificatum gessit Paschalis II., eo cōcepto ab anno 1099., protractoque usquē ad annum 1118.: utinā verō in hac ipsa ētate multō accuratiorem Gratianum intueremur! Verūm, quod lugendum est, eo tempore, ipso etiā vivente Pontifice, falsarii plures extiterunt, qui sub nomine Paschalis comminisci decreta, & epistolas minimē dubitaverunt, undē concertationibus inopportunis datam fuisse occasionem, perspicuē demonstrat Baluzius in notis ad Gratianum ad canonem 53. caus. 2. quæst. 7. Sanè epistolæ, quæ sub Paschalis II. nomine præferuntur, plurimæ numero sunt, atque ex illis nonnullæ apud Labbeum referuntur, quibus aliquot addidit Mansius unā curans, ut singulæ, quoād fieri posset, ad sua tempora referrentur. Ego Gratianum ex proposito sequar, postquam initio præmonuerim, eumdem Paschalem Pontificem variis temporum, & locorum vicissitudinibus agitatum fuisse, aliquandō etiā in grave discrimen adductum maximē laboravisse, quemadmodū universi historici scriptores testantur; neque enim adhuc res Ecclesiasticæ, jam diū Prædecessorum tempore turbatae, firmam ubique ubtine-re potuerunt tranquillitatem.

De Epistola ad Guidonem Archiepiscopum Viennensem.

Ex Dacherii Spicilegio edidit Venetus Labbeani codicis typographus Can. 1.
num. 80. epistolam Paschalis II. ad Guidonem Viennensem Archiepiscopum, caus. 14.
quæ habetur apud Gratianum in can. 1. caus. 14. quæst. 2. his verbis: Paschalis Episcopus, Servus Servorum Dei, Venerabilis Fratri Guidoni Viennensi Archiepiscopo, Sedis Apostolica legato, salutem, & Apostolicam benedictionem. Supèr prudentia tua plurimā admiramur, quod in negotio Ecclesie B. Stephani Clericorum ipsorum testimonium acceptare nolueris, cum B. Gregorius in hujusmodi causis Ecclesiarum auctoribus (legunt alii, fortè etiā melius, auctoribus) probationem imponat. Diversæ namquæ sunt in causarum auctoribus species, nec in omnibus causis criminis agitantur. In criminibus siquidem accusatorum, restium illa districtio observanda est, quæ canonibus continetur, ne qui ad probationem domestici assumantur. Ceterū in possessionum, vel ceteris hujusmodi negotiis, hi potissimum assumendi sunt, qui eadem negotia tractaverunt, de quorum visu, & auditu hasitatio esse non debeat. Si ergo iidem Clerici idonei sunt, ab assertione cause illius nullatenus repellantur, sed sicut aliis literis deliberatum est, inter Sancti Joannis, & Sancti Stephani Canonicos, lis illa plenius decidatur. Cesset jam malitia zelus, & dolositatis cavillatio, & prædictarum Ecclesiarum negotium juxta literarum tenorem omnimodis peragatur. Alioquin ad presentiam nostram parati prorsus, & instructi proximo quadragesimalis Concilii tempore re-ver-

vertantur. Datum Trojae 6. Kalendas Septembris inductione VIII. Non inutile etiam erit huc referre aliam Paschalis ad eumdem Guidonem Legatum Apostolicæ Sedis epistolam, quæ apud Labbeum est numero 79., quæque ad eamdem Ecclesiæ Sancti Stephani causam pertinet, his verbis: *Controversiam, quæ inter Bisuntinos Canonicos, & Sancti Stephani tanto jam tempore voluta, & revoluta est, canonico nunc tandem iudicio apud nos noveris esse decisam.* Precipimus igitur sollicitudini tue, ut pro hoc negotio peragendo, & tanti scandali lite sedanda, adhibitis tecum sapientibus, & religiosis fratribus, vel Divionum, vel ad alium competentiorem locum convenias, quod possint sine gravamine personas sibi necessarias adducere, ut, omni partium animositate seposita, ita sincere, ita liquide judicii hujus perfectionem accipias, quatenus inter eos nulla ulterius hujus rei lis, aut querela remaneat. Testes autem hujus questionis probatores, quia de capite Parochie causa gravior agitur, quinque sint, sive Clerici, sive laici, qui secundum canonicas sanctiones de visu, & auditu testimonium profabant. Eadem epistole habentur etiam inter acta Concilii Trenociensis, celebrati anno 1115. à Guidone Viennensi Archiepiscopo, & Sedis Apostolicæ Delegato, immò & illa epistola, quæ incipit *Controversiam fusiū describitur*, ex quâ propterea, quo tota disputatio pertinéret, facile colligi potest: nám post illa verba nuper relata noveris esse decisam, ita prosequitur: *Cum enim & illi, videlicet Canonici S. Joannis, per multos jam annos Episcopalem Sedem in Ecclesia sua permansisse perhiberent, & illi contrà, videlicet Canonici S. Stephani, suam Ecclesiam matrem esse, quibusdam privilegiis, & preceptis assererent, sed per occasionem destructionis Ecclesia sue cathedralm ab ea remotam conquererentur, juxta Chalcedonensis decreta Concilii communis fratrum nostrorum consensu iudicatum est, ut si Canonici B. Stephani testibus idoneis probare potuerint, quod post redintegrationem Ecclesie sua infra annos triginta super querela hac questionem fecerint, per quamillorum videatur interrupta retentio, videlicet vel ante Antistitem suum, vel ante Legatum nos-*

Tom. III.

trum in communi audientia: hac probatione perfectâ, privilegia eorum proprium robur obtineant, & Episcopalis Sedes in posterum apud B. Stephani Ecclesiam habeatur; alioquin, Canonicī B. Joannis ab hac querela liberi maneat, & Episcopalem Sedem, sicut tenuerunt, teneant. Sanè in hac negotii executione nihil eis impedit illa excommunicationis diuturnitas, quam à Fraternitate tua pro hoc negotio passi sunt. Prætereà Canonicī B. Stephani Ecclesie sua munimenta detineri à Canonicis S. Joannis conquesti sunt. Item Canonicī S. Joannis, quadam usualia sibi ab eis subtracta clamatabant. Judicatum est ergo, ut & istis omnino Ecclesie munimenta reddantur cum vino, & præbenda mansionarii, & illi rerum corporalium restitutionem recipiant, id est, vini, carnis, & cerae. Precipimus igitur sollicitudini tue &c. ut suprà usquè ad illa verba testimonium proferant, post quæ adhuc ista erunt adjicienda: Planè hujus judicii executionem usque in Assumptionem proximam B. Mariae perfici, consummarique precipimus. Interim processiones, vel officiorum celebrationes, quæ ab alterutra solent Ecclesiæ exhiberi, mutuè secundum consuetudinem persolvantur. Datum Laterani X. Kalendas Maii. Hinc itaque adparet circà annum 1115. exortam fuisse concertationem inter duas Ecclesiæ in urbe Vesontionensi sitas de jure primatus, quarum una erat S. Joannis, altera S. Stephani titulo insignita. Utrisque se Cathedram Ecclesiam, & principem esse dicebat, quod Episcopalis Sedes modò in una, modò in altera colloquata fuisset. Causam hanc Paschalis Papa dirimendam primù voluit à Guillelmo Vesontionensi Episcopo, deinde ipse decreto suo absolvit, definiendo peccates Canonicos B. Stephani Ecclesiæ Cathedram habendam esse, quoties testibus probaretur, infrà annos triginta super ea querela questionem fuisse factam adversus Canonicos B. Joannis. Intereà verò Paschalis eam probationem per testes faciendam mandavit, aut coram Ordinario, aut coram Apostolico Delegato. Legatione functus est Pontificiā Guido Viennensis Episcopus, qui, convocato in eam rem Concilio

Fff

apud

apud Trenoreium, testes examinavit, quotquot à Canonicis B. Stephani producēti fuerant, quorum tamē plurimos rejiciendos voluit, quod eidem Ecclesiae B. Stephani deservirent; proptereaque favore Canonicorum B. Joannis sententiam pronunciavit. Id placere non potuit Paschali Pontifici Maximo, qui eam ob rem memoratas literas de rejectis testibus dedit ad Guidonem, quemadmodum habetur apud Gratianum. Non tamē hic res constitit: nām, mortuo Paschali Papa, ubi summum Pontificatum obtinuit idem Guido Viennensis Episcopus sub nomine Callisti II., in primis plura favore Monasterii B. Joannis privilegia confirmavit, & consuetudines adseruit etiā adversus Canonicos B. Stephani, ut liquet ex epistola 13. in collectione Labbeana, & anni 1120.; deinde in epist. 14. scripta ad Ansericum Archiepiscopum Bisuntinum, & Canonicos S. Joannis, eo progressus est, ut sui Prædecessoris factum, quod subreptionis vitio laborare professus est, retractaret, ita exorsus: Decessorum statuta siut legitima, & justa successorem convenit custodire, ita etiā debet malefacta salubri provisione corriger. Ea propter nos subreptionem illam, quæ Domino Prædecessori nostro sanctæ memoriae Paschali Pape à Clericis S. Stephani de maternitatis iudicio facta est, ad veritatis, & justitiae curavimus ordinem revereare &c.

Hic interea paulispèr subsistendum puto, quod in prioribus memoratis Callisti II. verbis facilè demonstro verba causonis 19. caus. 25. quæst. 2., quæ jam suo loco dixi perperam fuisse Gelasio Māgno tributa. Sunt enim illa Callisti II. Pontificis, atque ad causam Canonicorum S. Joannis, & Canonicorum S. Stephani, de qua hūc usquè sermonem habui, pertinentia; quamobrem canonom illum hūc referendum esse, non prorsū immerito censui.

Revertor in viam. Callistus II. in laudata epist. 14. enarravit, jam diū inter Canonicos S. Joannis, & Canonicos S. Stephani agitatam fuisse controversiam

super Episcopali Cathedra, & Ecclesiastica maternitate; allegantibus ex una parte Canonicis S. Stephani, Ecclesiam suam matricem antiquitū extitisse, sed propter ejus destructionem Episcopos ad Ecclesiam S. Joannis secessisse: ex altera parte Canonicis S. Joannis contendentibus, usu se jura Cathedralis, & Matricis Ecclesiae cepisse, quasi longā possessione. Præterea enarravit Callistus, se jam pridē, dum Viennensem Episcopatum teneret, vice Apostolica celebrato Episcoporum plurium conventu controversiam diremisse, ac favore Canonicorum S. Joannis sententiam in Concilio pronunciasse. Post hæc prosecutus Callistus, retulit Canonicos S. Stephani fraude factā clanculū Romam provocavisse ad Apostolicam Sedem, ubi Paschalis Papæ animum ita circumvenerunt, ut persuaderent nihil cō usquè fuisse discussum, sed integrum adhuc controversiam pendere; atque ita jam Curiam totam figmentorum suorum fallacius, & assentacionum blandimentis asperserant, ut, aliis nullum in ea locum habentibus, ipsi scriptum Maternitatis acceperint. Insuper retulit, Paschalem conscientum de re gesta apprimè factum vehementius doluisse, ac facultatem concessisse Episcopo Bisuntino, ut in quacumque vellet Ecclesia, seu S. Joannis, seu S. Stephani, Episcopalia perageret. Tandem ex integro controversiam omnem à se retractatam adfirmans revocavit scriptum, favore Canonicorum S. Stephani à Prædecessore datum, declarans, jura Episcopalia Ecclesiae S. Joannis competere; quod etiā firmatur subsequentibus epistolis 15. & 16. quæ commodè apud Labbeum legi possunt, ut magis, ac magis res in aperto collocetur. Itaque adparet ex his, quâ ratione interpretari debeamus memoratum Gratiani canonem 1. caus. 14. quæst. 2., cuius sententia yīsa fuit à successore Pontifice Maximo quodammodo retractata. Unum adhuc adjiciendum puto, quod ex hūc usquè traditis facile colligitur; nimirūm epistolam Paschalis ad Guidonem, cuius fragmentum apud Gra-

Gratianum legitur, non posse referri ad annum 1100. quod in sua Syntaxi Chronologica epistolarum Paschalis II. tradidit Mansius, laudabili ceteroqui labore; cum videatur epistola data circà tempora Concilii Trenorciensis, ac propterè circà annum 1115.

De Epistola ad Reginum Episcopum.

Tres apùd Gratianum canones legi-

Can. 5. num Episcopum scribentis, nimirùm ca-
caus. 30. q. 3. nonem 5. caus. 30. quæst. 3., canonem
Can. 5. caus. 30. q. 4. & canonem 22.
Can. 22. caus. 35. quæst. 2. His ego jungendum
caus. 35. q. 2. putavi, quem inter monumenta Nico-
Juncto Can. 1. lai Papæ, utut illis adscribatur, recen-
caus. 30. q. 4. sere nolui, canonem 1. caus. 30. quæst.

4.; iste enim canon 1. ex aliis memoratis Paschalis Papæ fragmentis tanquam omnino apocryphus reputatur. Legitur quidem ipse apùd Ivonem Carnotensem in parte 1. cap. 137., nec non in cap. 35. partis 9. sub nomine Nicolai, ad Salomonem Episcopum Constantiensem scribentis: verum religio, & fides Iovonis non satis me liberat suspicione, non tam quod nihil tale inter edita Nicolai monumenta legam, quam quod resistat Paschalis Papæ, Regino Episcopo rescribentis, auctoritas. Quæsiverat Reginus Episcopus, nùm, mortuā uxore, superstes maritus defunctæ uxor commatrem posset sibi conjugio jungere. Respondit Paschalis, id nulla videri auctoritate vel ratione prohibitum, in dicto can. 5. caus. 30. quæst. 4. Quomodo verò ita rescriptisset Paschalis, si tūm notum esset Nicolai rescriptum initio ejusdem causæ & quæstionis apùd Gratianum exhibitum; ne forte dicamus aut nullam fuisse Nicolai auctoritatem penè Paschalem, aut monumenta Nicolai Papæ ad Paschalis usquæ ætatem minimè pervenisse, quando tamè non diuturnum tempus à Nicolao interfluxit ad Paschalem. Erant quidem temporibus Nicolai interdictæ nuptiæ inter eos, qui compatres, com-

matresque spirituales appellabantur; quod idem Nicolaus in suis responsis ad Bulgaros tradidit can. 1. caus. 30. quæst. 3., at ne leve quidem vestigium est ulterius productæ disciplinæ, quâ fieret, ut hæc spiritualis cognatio adfinitatis legibus subjaceret, quemadmodum subjacet consanguinitas. Controversiæ istæ circà finem undecimi tantum, aut initio duodecimi saeculi prodierunt, quo tempore, non ignoramus, fuisse de cognationum juribus ad finem impediendi matrimonii acerrimè disputatum. Neque pepercerunt, qui disputabant, effingendis Maximorum Pontificum decretis, sententiisque, quibus opinionem suam quasi in tuto collocarent. Atque inter ista non injuriâ recenseo memoratum canonem 1. caus. 30. quæst. 4.; cui effingendo verosimilem præbebatur occasio nem epistola quædam Nicolai I. data Salomoni Episcopo Constantiensi in causa Ludovici Germanici Regis, in qua nonnulla de injustis ejusdem nuptiis tradita fuerunt.

Sic paucis expeditus à canone, Nicolo Pontifici adscripto, ad alia accedo, quæ Paschali Pontifici tribuuntur. Romani Correctores ad canonem 5. caus. 30. quæst. 3. jam observaverunt, epistolam Paschalis ad Reginum ferè integrum legi apùd Anselmum, atque apùd Polycarpum hoc ordine: nimirùm, ut primùm legatur canon 5. caus. 30. quæst. 4., deinde canon 5. caus. 30. quæst. 3., postremò canon 22. caus. 35. quæst. 2. Ego non dubito de hujus epistolæ veritate, tanquam ejus, cuius meminerunt Collectores Paschali II. coævi. Dixero tamè, Anselmum Lucensem ætate Paschalis jam obiisse, proptereaque nisi collectionem ipsam ab Anselmo abjudicemus, necessariò concludere oportebit, eam epistolam recentiore manu Anselmi collectioni adsutam fuisse: cum autem recentior eadem manus Gratianam collectionem anteverterit, utpote quam Gratianus secutus est, non dubito, quin Paschalis II. temporibus ea-

dem epistola addi Anselmi collectioni potuerit, ac proīdē additamentum in ipsa tempora Paschalis inciderit. Neque vero aliquid in eisdem monumentis occurrit, quod minus admodum disciplinæ illius sacerduli videatur. Etenim in primis canon 5. caus. 30. quæst. 3. comparat filios, ex baptimate susceptos, fillis adoptione quæsitis, ita ut, quemadmodum adoptio matrimonia impedit inter naturales liberos, atque adoptivos, sic etiā spiritualis quædam filiorum susceptio inter spirituales, naturalesque filios conjugia prohiberet. Quis autem ignorat, has fuisse non tantum Ecclesiasticorum Patrum, sed etiā veterum Principum tales nuptias prohibentium sententias? quemadmodum etiā ratiocinabatur inter ceteros Nicolaus I. in can. 1. caus. 30. quæst. 3. Deinde in can. 5. caus. 30. quæst. 4. declaravit Paschalis, cognitionem spirituali adfinitati non subjici, ut subjicitur consanguinitas, quod sanè receperit Ecclesiasticae disciplinæ principiis minimè adservabatur. Nimirū ipsa exempla adoptionis, quæ facile accommodabantur, ut diximus, cognitioni spirituali, id ipsum facile, & sine discrimine evincebat; præsertim, quod nulla veterum auctoritas intercederet, quin amplius facessere negotium possit memoratus canon 1. caus. 30. quæst. 4., quem ob eam rationem perperam Nicolao Pontifici adtributum fuisse, nupè scribem. Imò eidem firmandæ disciplinæ commodè accedere huc potest canon 47. Concilii Triburiensis ita conceptus: *Qui spiritalem habet comparem, cujus filium de lavacro sacri fontis accepit, & ejus uxor commater non est, liceat ei, defuncto compatre suo, ejus viduam ducere in uxorem, si nullam habent consanguinitatis propinquitatem.* Demum, quod spectat ad canonem 22. caus. 35. quæst. 2., consonat ipse germanis, quæ jam diù stabilitæ erant, regulis adfinitatum, quibus cavebatur, ut non solùm inter consanguineos à nuptiis abstineretur; verū etiā vir abstineret à ducenda defunctæ conjugis con-

sanguinea, sicut uxor abstineret à conjugio cum defuncti conjugis consanguineo celebrando.

De epistola ad Victorem Episcopum Bononiensem.

Ex Collectione Anselmi primū etiā repetitur canon 9. caus. 16. Can. 9.
caus. 16. quæst. 1. tributus Paschali II. ad Victorem Bononiensem Episcopum scribenti. Verū ex iis, quæ superiùs jam dicta sunt, liquet, collectioni Anselmi posteriore manu eundem canonem fuisse adjectum, cum antè Pontificatum Paschalis vitâ jam functus fuisse Anselmus. Ego sanè affirmare non possum, jure optimo canonem Paschali adscribi, cum inter edita Paschalis ejusdem monumcata minimè reperiatur; cum præterea Victoris Bononiensis Episcopi nomen non adpareat inter monumenta Ecclesiastica illius ætatis. Dixero tamè, quod in eodem canone traditur, convenire admodum canonibus numero plurimis, eo tempore constitutis. Nimirū contentiones tunc acerrimæ fuerunt inter Clericos, & Monachos de Sacramentorum administrationibus, Monachis passim Ecclesiastica officia sibi vindicantibus; & quamquam, ubi Episcopi id in Diœcesibus permisissent, res nullam dubitationem haberet, rejeeti tamè Monachi ab eisdem muneribus frequentissimè fuerunt, quotiè ipsi propriâ auctoritate eam sibi potestatem adsererent. Id ipsum etiā de decimarum juribus passim constitutum est; nemo enim ignorat, undecimo Ecclesiæ sèculo decimas ex concessione Episcoporum, Maximorumque Pontificum pluribus in locis Monasteriis fuisse donatas, ut tandem aliquandò à Laicis auferrentur, qui easdem pridè occupaverant, & viris Ecclesiasticis, quasi non satis tunc officio suo fungentibus, denegaverant. Ita ad eam rem scribit Ivo Carnotensis in epistola 192. ad Monachos Columbenses. *Abbes, & Procuratores Monasteriorum aliquas decimas, quæ jure pertinent ad dispensationem.*

sectionem Episcoporum, Monasteriis suis adquisierunt.... Licet enim decime, & oblationes principaliter Clericali debeantur militiae; potest tamen Ecclesia omne, quod habet, cum omnibus pauperibus habere commune. Quantò magis cum his pauperibus, qui, relictis facultatibus propriis, non in angaria bajulantes Christi crucem sequuntur pauperem Christum? Est tamen, in quo Abbatibus, & Präpositis Monasteriorum parcendum esse non astino, si ab illis, ad quos non pertinet, id est, à laicis decimas, & oblationes accipiant, si inordinatè eas à quibuscumque personis adquirant, si terminos transgrediantur antiquos, id est, si stipendia Presbyterorum antiquitùs instituta minorent, ac sibi usurpent. Ut verò canones illos in medium producam, Paschalis II. temporibus editos, quibus nonnulla similia cum sententia memorati canonis 9. continentur, in promptu est canon 38. Concilii Strigoniensis anni 1114. apud Mansium ità conceptus: *Abbates mitram, sandalia, nodum antè cappam non habeant, vel cetera insignia; neque baptizent, neque pénitentiam dent, neque ad populum sermonem faciant.* Huic similis est canon Concilii Lateranensis, paulò post Paschalis II. obitum celebrati sub Callisto II. anno 1123. num. 17. ibi: *Interdicimus Abbatibus, & Monachis publicas pénitencias dare, & infirmos visitare, & unctiones facere, & missas publicas cantare. Chrisma, & oleum, consecrationes alta ium, ordinationes Clericorum ab Episcopis accipiant, in quorum Parochiis manent.* Huc etiā pertinent canones 6. 10. & 11. Coneilii Picavensis, celebrati sub Paschali II. anno 1100. ibi: Can. 6. *Ut nullus Abbatum utatur chirotecis, sandaliis, annulo, nisi quibus fuerit per privilegium à Romana Ecclesia concessum.* Can. 10. *Ut Clericis Regularibus ius Episcopi sui baptizare, prædicare, pénitentiam dare, mortuos sepelire, liceat.* Et can. 11. *Ut nullus Monachorum parochiale ministerium presbyterorum, id est, baptizare, prædicare, pénitentiam dare, præsumat.* Facere etiā posset ad eamdem rem epistola Paschalis II. 75. ad Pontium, & Cluniacensem Abbatem, ubi, postquam Sanctus Pontifex retulit, temporibus Berardi Matiscensis Episcopi inter Monachos, &

Episcopum eumdem omnia quietè, pacificèque ordinata fuisse, conqueritur deinde, quod illi post Episcopi ejusdem obitum sibi jura quædam Episcopalia temerè vindicassent. Adde, si lubet, canonem 6. caus. 16. quæst. 2. qui pertinet ad Claromontanum Concilium, sub Urbano II. celebratum, paulò antè, quam Paschalis II. summum Pontificatum consequeretur. Adde demù duos canones 15. & 16. Concilii Romani sub Urbano II., & anni 1099., quo ipso anno Paschalis II. ad Pontificatum electus est: sunt autem his verbis concepti: Can. 15. Nullus laicus decimas suas, aut Ecclesiam, aut quidquid ecclesiastici juris est, sine consensu Episcopi, vel Romani concesione Pontificis, Monasteriis, aut Canonicis offerre præsumat. Quod si quis Episcopus improbitatis, & avaritiae causa consentire noluerit, Romano Pontifici nuntietur, & ejus licentiâ, quod offerendum est, offeratur. Can. 16. Nullus Abbas, nullus Ecclesiasticorum Präpositus, quæ juris sunt ecclesiastici, à laicis accipere sine Episcopi concesione præsumat. Ex quibus omnibus satis arbitrator demonstratum, canonem 9. caus. 16. quæst. 1., & si fortè indicari non possit quonam singulari ex monumento deceptum sit, tamè Paschali II., & ejusdem temporibus plurimum convenire.

De ceteris canonibus, Paschali adscriptis.

Supersunt adhuc nonnulla Paschalis II. monumenta, quæ aut apud Collectores alios perierunt, aut ad alios auctores pertinent, ideo verò Paschali adscripta, quod temporibus ejusdem Papæ in variis Episcoporum Conciliis edita fuerint. Hujusmodi sunt in primis canon 125. caus. 1. quæst 1., & canon 14. caus. 1, quæst. 3., quorum equidem verba in ipsis Paschalis epistolis desiderantur; sed sententia aut maximè congruit ejusdem Pontificis ætati, aut in canonibus illius temporis Conciliorum facile continetur. Pertinet illa ad improbandam simoniae labem, item ad redarguendam vim, quæ

quæ in beneficiorum ecclesiasticorum, præsertim majorum, concessionibus intervenire solebat, quemadmodum apprimè norunt, quotquot in historia illius sæculi vel leviter versati sint. Cum vero ea res non modicis contentionibus esset obnoxia, unde gravia & ipse Pontifex pati incommoda debuit, mirum non est, si sancti Viri scripta eo colimantia non ad nos usquæ pervenerint: quamobrem curandum est, ut similia quædam adhuc adferantur, ex quibus Paschalis sententia in tuto collocetur. Profecto cum memorato canone 125. plurimum consonat epistola Paschalis 3., 41., & 42. ad Anselmum Cantuariensem in Veneta editione Labbei, ubi sanè Episcoporum electiones liberè, nec vi adhibita, faciendas esse traditur. Eo etià referri possunt canones aliquot, non longè dissiti ab ætate Paschalis; inter quos memoratur canon 4. Concilii Tolosani anni 1119., ubi, qui bona Ecclesiarum regulariter ordinari non patitur, ita damnatur, ut ab Ecclesia linnenib[us] tanquam sacrilegus arceatur; & canon 4. Concilii Lateranensis anni 1123. in quo ejusdem criminis reus ut sacrilegus judicatur. Item cum memorato canone 14. plurimum consonat canon 9. Concilii Piëtavensis, sub Paschali II. celebrati anno 1100. ibi: *Ut neque Clerici, vel Monachi per pecuniam Altaria, vel decimas à Laicis, vel quibuslibet personis sibi adquirant, similiter sub excommunicatione interdicimus.* Romani Correctores etià adnotaverunt, verba illius canonis eadem esse cum verbis canonis 3. caus. 1. quæst. 1. ad quem videre quisque poterit, quod de eo superiùs tradidi, junctis etià ad illum Romanorum Correctorum adnotationibus, quibus canon ipse ad varia veterum Conciliorum capita exigendus porrigitur.

Canon 47. caus. 16. quæst. 1. inter

Can. 47.
caus. 16.
q. 1. edita Paschalis II. monumenta desiderantur: tantummodò nonnulla similia sub ejusdem Pontificis nomine leguntur apud Gregorium in cap. 2. de decimis, & uberiori in Collectione 1. Decreta-

lium cap. 7. eod. tit. his verbis: *Novum genus exactiōnis est, ut Clerici à Clericis frugum decimas, vel animalium exigant; nusquam in lege Domini hoc præcipi legimus, aut permitti; non enim Levite à Levitis decimas accepisse, vel extorsisse leguntur. Illi profecto Clerici, qui à Clericis spiritualium ministeriorum labores accipiunt, decimas eis debent.* Ceterum, quoties memoratus canon 47. exigendus sit ad Constitutiones, aut ab eodem Paschali II., aut ejusdem Paschalis II. temporibus editas, facile in medium ea producentur, unde colligatur, canonem illum jure optimo Paschali tributum fuisse. Tres canon ille partes habet: nimis in prima agitur de obligatione decimarum Sacerdotibus, ac Levitis persolvendarum; in secunda de exemptione Monachorum, ac Clericorum, communem vitam ducentium, à decimis præstandis; in postrema Gregorii Magni sententia explicatur. Sanè, quod ad primum attinet, extat egregium monumentum Paschalis II. apud Gerohum Præpositum Reichersbergensem in psalmum 64. editum apud Baluzium lib. 5. Miscellaneorum pag. 188., & apud Mansium in tom. 2. Supplementi Labbeani pag. 171., atque in illo traditur, Sacerdotes novæ legis locum quodammodo tenere Levitarum antiquæ legis, ut, quemadmodum olim Levitis, ita Sacerdotibus hodiè decimæ persolvantur, his verbis: *Clericorum ordinem in Ecclesia tribus Levitica locum tenere, & apostolice dignitatis jura servare, & officia gerere, nemo sanum sapiens dubitat. Unde certum est, eos Levitarum, & Apostolorum regulas, & vias imitari debere, quorum noscuntur locum tenere, dignitatem habere, & officia gerere. Quæ enim lex Levitis, & quæ à Domino regula datur Apostolis, hac eadem Catholicis pariter Clericis, usque in finem mundi vices eorum supplentibus, indicta nequaquam ambigitur.* Ecquidem, quod Levitis interdicitur adhuc in umbra gradientibus, quomodo nobis conceditur jam in veritate persistentibus, cum multa legamus illis fuisse concessa, quæ nobis procūl dubio sunt prohibita? Aaron itaque, & filii ejus, ceterisque Levitis à Domino dicitur: *In terra*

filiorum Israel nihil possidebitis, nec habebitis partem inter eos; ego enim pars, & hereditas vestra in medio filiorum Israel; & paulo post subsequitur: Filiis Levi dedi omnes decimas Israelis in possessionem pro ministerio, quo serviant mihi in tabernaculo fœderis: & de eisdem post passa: Nihil aliud possidebunt, decimam oblatione contenti, quas in usus eorum, & necessaria separari.... Hæc Levitis, & Apostolis mandata sunt. Utrisque una regula, & eadem lex præcipitur. Qui ergo alii regulâ, & lege istâ tenentur, nisi Clerici, qui Levitarum Domini, & Discipulorum Christi locum tenent, ministerium implent, vices servant, ordines habent? Quod spectat ad secundam partem, plurimum facit canon 62. Concilii Strigoniensis anni 1114. celebrati temporibus Paschalis, in illis verbis: *Decretum est, & sancti Concilii sancitum est auctoritate, ut de propriis horreis, seu cellariis, aut quolibet Monasteriorum, & Ecclesiarum, & omnium, qui in Clero sunt, decimæ non exigantur, exceptâ quartâ parte parochiani Presbyteri.* Quod demum nomine Gregorii Magni in pos-trema canonis parte describitur, referendum est ad celebrem illam epistolam ejusdem Pontificis ad Augustinum Anglorum Episcopum cap. 2., de quo jam agendum fuit ad canonem 8. caus. 12. quæst. 1.

Non aberravit à veri specie Balu-
Can. 16.
17. 18. zijs ad canonem 16. caus. 16 quæst. 7.
& 19. cum tradidit, putare se, illum conditum
caus. 16. fuisse in Concilio Trecensi, cui Pas-
chalis II. præsedidit; addens, ad illud
ipsum Trecense Concilium videri per-
tinere etiam tria capita, quæ sequun-
tur, videlicet canones 17., 18., & 19.
Sanè, quotquot Scriptores de Concilio
Trecensi anno 1107. celebrato men-
tionem fecerunt, universi testati sunt,
ea omnia ibidem decreta fuisse, quæ in
memoratis Gratiani canonibus contine-
ntur. Perierunt hodiè illius Concilii acta:
tantum nonnullæ actorum reliquæ su-
perfuerunt, undè vix Gratianeorum ca-
nonum verba ad alios codices exigi quo-
quo modo possunt: interea tamè non
dubito, quominus eorum per omnia
consistat auctoritas. Etenim, si in pri-

mis consideremus canonem 16., scribit Urspergensis in Chronico ad annum 1107. latam fuisse in Trecensi Synodo sententiam de libera Pastorum electione, & de coercenda Laicorum in ecclesiasticas dignitates presumptione. Aptius Crantz lib. 5. cap. 33. inquit: *Paschalis autem Pontifex tum in Galliis apud Trecas habuit generale Concilium, in quo inter alia decretum est. quod nemo investitur alicujus beneficij, aut ecclesiastica dignitatis à manu laica excipiat, quod usque hæc questio inter Papam, & Regem synodaliter terminaretur.* De eadem re scripsit Paschalis ad Rothardum Archiepiscopum Moguntinum utens canonibus vulgo Apostolorum, & sententiâ Concilii Antiocheni, quemadmodum liquet ex epistola, quam edidit Martene veterum monumentorum tom. 1. pag. 616., cujus in fine hæc leguntur: *Nos quoque Sanctorum Patrum constitutiones sequentes cum fratribus nostris in Trecensi Concilio statuimus, ut, quicumque Clericorum de hac hora investituram Ecclesiae, vel ecclesiastice dignitatis de manu laici acceperit, & qui ei manum imposuerit, gradus sui periculo subjaceat, & communione privetur. Nemo statim non agnoscit in his verbis memoratum canonem 17. caus. 16. quæst. 7.* Huc quoquè pertinet, quod dicitur in alia Paschalis epistola ad Reinhardum Episcopum Halberstadensem apud laudatum Martenium pag. 618. ibi: *Statutum est in Trecensi Concilio, ut si quis ex manu laica Ecclesia investituram acceperit, tam ipse, quam ordinator ejus deponatur, & à communione removeatur.* Idem Martene in tom. 7. monumentorum ex MS. S. Germani à Pratis nonnullos edidit Trecensis Concilii canones, quorum pri-
mus hic est: *Qui ab hac hora investituram episcopalem, seu aliquam spiritalem dignitatem à laicali manu suscepit, si ordinatus fuerit, deponatur, similiter & ordinator ejus.* De canone 18. caus. 16. quæst. 7. præ-
tèr ea, quæ Romani Correctores obser-
vaverunt, illud notandum est, quod deducitur ex epistola Richardi Alba-
nensis Episcopi, & Sedis Apostolicæ Legati, quæ habetur inter acta Concilii

Claromontani anni 1110. ibi: Dominus Papa Paschalis in Concilio Trecensi omnes eos excommunicavit, qui pacem violarent, & præcipue eos, qui res ecclesiasticas usurparent, vel personas in aliquo injustè laderent, ut nec in vita, nec in morte Ecclesia communionem haberent, nisi aliqua satisfactione priùs resipiscerent &c. Eadem ferè constituta leguntur in Concilio Piætavensi anni 1110. sub eodem Paschali II. celebrato, can. 14. & 15. ibi: *Ut nullus laicorum de oblationibus, quæ offeruntur, vel donantur ad Altaria, sive ad manum Presbyteri, ut quod pro sepultura fidelium devotè donatur, præsumat participare, sub excommunicatione interdicimus. Ut nemo Advocatus, vel quæcumque persona res Episcopi, sive in vita, sive post mortem, sibi vendicare presumat. Quid si fecerit, anathema sit.* Demùm verba canonis 19. caus. 16. quæst. 7. non leguntur quidem ipsa in iis, quæ supersunt, Trecensis Concilii laciniis, sed tamèn facile ad illius Synodi sententias rediguntur; eo nimirūm, ut intelligatur res ecclesiasticas à nemine diripiendas fuisse, ne Dei Ecclesia dividi quoquo modo videretur. Huc referri potest Capitulum quoddam Concilii Guastallensis, à Paschali II. celebrati, & quidem editum apud Labbeum ad annum 1106. ita conceptum: *Jam diu à pravis hominibus, tam clericis, quam laicis, Catholica est Ecclesia conculcata, unde plura temporibus nostris schismata, & hereses emerserunt. Nunc autem per Dei gratiam, hujus nequitia deficienibus auctoribus, in ingenuam libertatem resurgit. Unde providendum est, ut horum schismatum cause penitus absindantur. Patronum ergo constitutionibus consentientes, Ecclesiarum investituras à laicis fieri omnino prohibemus. Siquis autem hujus decreti temerator extiterit, tanquam materna injuria reus, Clericus quidem ab ejusdem dignitatis consortio repellatur, laicus vero ab Ecclesia liminibus arceatur. Porro Trecenses Patres in eo canone, qui apud Gratianum laudatur, imitati quoquo modo videntur verba S. Augustini in enarratione 2. in psalmum 21. ita scribentis: Diviserunt sibi vestimenta mea: vestimenta sua, Sacra menta ipsius: Attendi-*

te, fratres, vestimenta ipsius, Sacra menta ipsius potuerunt dividi per heres, sed erat ibi vestimentum, quod nemo divisit. Et super vestimentum meum miserunt sortem. Erat ibi tunica, dicit Evangelista, desuper texta. Ergo de cælo, ergo à Patre, ergo à Spiritu Sancto. Quæ est ista tunica, nisi charitas, quam nemo potest dividere? quæ est ista tunica, nisi unitas? In ipsam sors mittitur, nemo illam dividit: Sacra menta sibi heretici dividere potuerunt, charitatem non divisorunt: & quia dividere non potuerunt, recesserunt; illa autem manet integra. Sorte obvenit quibusdam; qui habet hanc, securus est. Nemo illam movet de Ecclesia catholica. Et si foris illam incipiat habere, intromittitur, quomodo ramus olive à columba. Hæc omnia simùl juncta facilem memoratis canonibus universis exhibent interpretationem.

Solius Gratiani testimonio Pascha-
li II. adscriptum invenio canonem 18.
caus. 18. qæst. 2., verùm Collector
ille apud me tanti non fit, ut statim ad-
quiescendum putem. Nimirūm aut ea,
quæ in canone exhibentur, non sunt
Paschalis verba; aut si sunt, commodè
erunt interpretatione donanda, non ea,
quæ ex ipso verborum cortice colliga-
tur. Nimirūm statutum ibidem videtur,
nemini ex Abbatibus, Monachisve sa-
cra ministeria esse à quoquam Episco-
po concedenda, qui non fuerit aut
Episcopi, aut Archiepiscopi, aut Pri-
matis, aut Patriarchæ alicujus obno-
xius jurisdictioni. At verò, quid juris, si
Episcopi, aut Metropolitæ, aut Prima-
tis, aut etiàm Patriarchæ jurisdictionem
declinet Abbas ex Apostolico, quod ri-
tè obtinisset, privilegio exemptionis?
Equividem verba canonis generalia sunt,
nec sinunt hujusmodi Abbates aliquam
cum Episcopis habere communionem.
Verùm hæc omnino dissonant à mente
Paschalis II., & aliorum Pontificum Ma-
ximorum illius sæculi, qui non semel
plurimis Monasteriis exemptionum pri-
vilegia concessere, id est, ut soli Pon-
tifici Maximo subessent, nemini ex in-
ferioribus Antistitibus, quacumque dignitate
condecoratis, ita tamèn, ut iidem
Ab-

Abbates, & Monachi à proximis Episcopis, quos elegissent, Sacraenta quædam, & Sacramentalia postularent. Sic Paschalis II. sibi immediate subjecit Monasterium Cabilonense, ut liquet ex ejus epistola 2., salvâ tamèn Cabilonensis Ecclesie canonica reverentia. Sic epist. 47. Soli Romanæ Ecclesie subditum, & ab omni Ecclesiarum iugo liberum haberi voluit Cœnobium Sanctæ Sophiæ Beneventanum, ità tamèn, ut *Chrisma*, *Oleum sanctum*, *consecrationes Altarium*, sive *Basilicarum*, *ordinationes Monachorum ad sacros Ordines* ab Episcopis Dicecesanis acciperentur. Idipsum habetur in epist. 51. de Monasterio Vezeliacensi, necnon in epistola 67. & 75. de Monasterio Cluniaensi, & in epistola 94. de Monasterio S. Mariæ apud Bantum, ut multa alia omittam similia, & vetustiorum, & recentiorum Maximorum Pontificum monumenta. Itaque aut memoratus Gratiani canon à Paschali II. erit abjudicandus,

tanquam is, qui Paschalis sententiis minime consonet; aut si forte à quoquam recipiatur, ita erit intelligendus, ut pertineat ad Abbates illos, qui temere, & nullo obtento à Sede Apostolica privilegio, Episcopis Dicecesanis parere, ac subesse detrectabant. Illis occasionem excutiendi Antistitutum jurisdictionem dare potuerunt Monasteria quædam, quæ vel fundationum tabulis, vel singularibus privilegiis exempta fuerant ab Ordinariorum potestate. Tunc autem temporis plurimos fuisse hujusmodi Abbates, qui adversus Episcopos contenderent, unde propterea oriri occasio potuerit Paschali II. ita constituendi, eosdemque ad præstandam Episcopis legitimam obedientiam hortandi, compellendique, facile colligitur ex universis propemodùm Conciliorum actis, quæ sub sæculi undecimi finem, vel sub initium duodecimi celebrata feruntur.

CAPUT ULTIMUM.

De Innocentio II.

Innocentii II., cuius ætate Gratianus aut jam collectionem suam adornabat, aut adornandam meditabatur, Decreta, & Constitutiones aut ex Lateranensi Concilio, sub eo celebrato, aut ex duabus illius Pontificis epistolis deppromptæ sunt.

Ex Concilio Lateranensi.

- | | |
|--------------------------|--|
| Ex Concilio Lateranensi. | Can. 2. dist. 28. consonat etiā cum canonibus Concilii Romani anni 1131.
Can. 3. dist. 60. jungendus cum can. 5. caus. 21. q. 2.
Can. 35. dist. 63. ex integris exemplaribus emendandus.
Can. 11. dist. 90. ex integris Concilii exemplaribus supplendas.
Can. 15. caus. 1. q. 3. ex integris Concilii exemplaribus emendandus.
Can. 7. cans. 8. q. 1. supplendas ex integris Concilii exemplaribus.
Can. 47. caus. 12. q. 2. ex aliis integris exemplaribus emendandus.
Can. 29. caus. 17. q. 4. ex adjunctis illius temporis explicandus.
Can. 25. caus. 18. q. 2. consonat cum integris Concilii exemplaribus.
Can. 5. caus. 21. q. 2. jungendus cum can. 3. dist. 60. |
|--------------------------|--|

PARS SECUNDA. CAPUT LXXXVI.

Ex Epistolis Inno-
centii.

- Can. 5. caus. 21. q. 4. paulò varius in aliis Concilii exemplaribus.
 Can. 32. caus. 23. q. 8. ex integris Concilii exemplaribus sup-
 plendus.
 Can. 40. caus. 27. q. 1. supplendus ex integris Concilii exem-
 plaribus.
 Can. 8. de pœn. dist. 5. consonat cum integris Concilii exemplaribus.
 Can. 17. caus. 2. q. 5. conferendus cum aliis Pontificum Maximo-
 rum collectionibus.
 Can. 8. caus. 35. q. 6. consonat etiam cum Concilio Rhemensi
 Innocentii II.

Gelasii II., Callisti II., Honorii II. gesta non recenseo, quod apud Gratianum vix quedam alicui ex ipsis tribuenda referuntur, atque ista jam aliis in locis commodiùs descripsi. Hinc rectâ methodo progressus sum ad Innocentium II. anno 1130. Maximum Pontificatum adeptum, non tamè sine contradictione nonnullorum; siquidem aliqui facto schismate ab eo deficientes Pontificem nominarunt Petrum quemdam, & nomine Anacleti II. appellaverunt. Et quidem quoque Petrus vivit, omnem movit lapidem, ut Innocentium huc illuc exagitaret. Eo deinde vitâ functo anno 1127. nondum quies restituta Ecclesiæ Romanæ, & Innocentio, quum Schismatici, Petro olim adhærentes, alium Victorem IV. nominatum in Apostolica Sede collocaverunt. Sed hic Victor paucis mensibus Sedem tenuit, sponteque suasionibus Virorum gravissimorum publici Ecclesiarum boni cau sâ abdicavit, undè tandem liberè Innocentius universam Ecclesiam rexit usque ad annum 1143., quo demum obiit.

De Concilio Lateranensi.

Pacatis Romanæ Ecclesiæ rebus anno 1139. mortuo jam Petro Pseudo-Pontifice, & post Victoris abdicationem, uti nupèr scriptum est, nihil sollicitius curavit Innocentius II., quam ut ferè lapsam Ecclesiasticam disciplinam repararet. Ob eam rem Romæ Concilium convocavit, quo confluxerunt Episcopi numero circiter mille, ubi

triginta canones constitutos scimus, qui apud Collectores Conciliorum exhibentur. Ut plurimum isti ad auferendos varios in Ecclesiæ inductos abusus pertinent; simili autem nonnullis edendis occasionem etiam præbuerunt dira schismata tunc temporis concitata, nec non aliquot hæreticorum novissime prodeuntium errores, quales erant Petrus de Bruis, in templo Summo Deo dicata, in sacram ipsam Christi Redemptoris crucem, in sacrificium Divinum, mysteriaque seu Eucharistia, seu baptismatis impia verba evomens; item Arnaldus quidam de Brixia in viros ecclesiasticos, & Ecclesiis concessa bona quecumque debachatus. Percurram universos ejus Concilii canones, singulos eò referens, quod potissimum spectant, sive ad memoratas hæreses confodendas, sive ad disciplinam Ecclesiasticam restaurandam, ac potissimum eos, qui apud Gratianum habentur, ne ultrâ propositum meum vagari videar.

Exordiuntur Lateranenses Patres in can. 1., & 2. adversus gesta Simoniacorum, ac detestati sunt non solum simoniacas Clericorum ordinationes, verum etiam simoniacas quascumque rerum Ecclesiasticarum, sacrarumve concessiones. Verba canonis 1. apud Gratianum non habentur; sed verba canonis 2. leguntur in can. 15. caus. 1. quæst. 3. ita describendi ex integris Concilii illius exemplaribus: *Siquis præben-*
caus. 15.
dam, vel prioratum, seu decanatum, aut ho-
q. 3.
norem, vel promotionem aliquam ecclesiasti-
can, seu quodlibet Sacramentum ecclesiasti-
cum, utpote Chrisma, vel Oleum Sanctum,
con-

consecrationes altarium, vel Ecclesiarum, interveniente execrabilis ardore avaritiae, per pecuniam acquisivit, honore male acquisito careat, & emptor, atque vendor, & interventor notam infamiae percellantur. Et nec pro pastu, nec sub obtentu alicujus consuetudinis antea, vel post a quoquam aliquid exigatur, vel ipse dare prasumat, quoniam simoniacum est; sed libere, & absque immunitio aliquam collata sibi dignitate, atque beneficio perfruatur. Nova sanè non fuit hujusmodi constitutio, sed jam ab anno 1231. edita in Concilio Rhemensi celebrato, cum Innocentius II. in Gallia consisteret, ut subortas in Romana Ecclesia, schismate turbata, seditiones eluderet, nam ibidem can. 1. haec habentur: Statuimus, ut si quis simoniace ordinatus fuerit, ab officio cadat, quod illicite usurparit. Ut, si quis prebendas, aut honorem, vel promotionem aliquam ecclesiasticam, interveniente execrabilis ardore avaritia, per pecuniam acquisivit, honore male acquisito careat, & emptor, ac vendor, & interventor notam infamiae percellantur. Similia etiam ferè leguntur in universis illius

ætatis Conciliis, cum simoniacorum heresis latè in Ecclesia diffusa plurimorum animos occuparet.

In canone 3. ejusdem Concilii statutum fuit, ne excommunicati à Diœcесano Episcopo ab aliis susciperentur. Deinde in can. 4. leguntur eadem verba, quæ retulit Gratianus in can. 5. caus. 21. quæst. 4., dummodo pro illis, sed potius, quod eorum deceat sanctitatem, preferant, ista substituantur ex Codice Labbeano, sed potius, quæ eos deceat, sanctitatem præ se ferant. Similia jam edita fuerant in Rhemensi Concilio, superius memorato, can. 2. ibi: Præcipimus etiam, quod tam Episcopi, quam Clerici, in statu mentis, vel habitu corporis Deo, & hominibus placere studeant, & nec in superfluitate, aut colore vestium, intuentum, quorum forma, & exemplum esse debent, offendant aspectum, sed quod eorum deceat sanctitatem. Opportuna sanè erant hujusmodi constitutiones ob effrenem illorum licentiam, qui, duce Arnaldo Brixensi heretico, cuius superius mentionem feci, adversus

Clericos & res Ecclesiasticas vim faciebant, contrà quos nihil sane salubrius objici poterat, quam sanctior, & purior Clericorum eorumdem vita, etiam quæ ex humili exteriore corporis habitu colligeretur.

Ex eadem ratione nimis adversus Arnaldum Brixensem, ejusque socios, sanciendum fuit in canone 5. quod etiam eisdem verbis statutum fuerat in canone 3. Concilii Rhemensis præludati, quod apud Gratianum legitimus in can. 47. caus. 12. quæst. 2.; ubi tamè emendanda videntur postrema verba ex integris exemplaribus tam Lateranensis, quam Rhemensis Concilii, in quibus non legitur, ut apud Gratianum: simili sententia subjaceant, sed: simili sententia subjiciantur. Id autem sedulò animadvertendum velim, præsertim ab illis, qui in verbo subjaceant excommunicationem quamdam, ut recentiores loquuntur, latæ sententia agnoscent, quam sane agnoscere non possent in verbo subjiciantur.

Quid præterea aliud exhibetur in canone 6. Concilii, quem retulit Gratianus in can. 2. dist. 28., quam sollicitudo quam maxima Innocentii Papæ in Clericorum moribus jam diu corruptis reformatis, ut tandem os obstrueretur Arnaldistis, Clerum universum insimulantibus, & res ipsas Ecclesiarum invadentibus, quarum possessione indignos viros ecclesiasticos adfirmabant? Imitatus jam fuerat in hac parte Innocentius vigilantiam Praedecessorum suorum, qui similes passim constitutiones ediderant: imo & ipse totidem verbis eadem ipsa jam constituerat in cap. 4. memorati Concilii Rhemensis.

Eo quoque mentem Innocentii pertinuisse dignoscitur, dum primum in laudato Concilio Rhemensi canone 5. ita statuit: Ad hæc Praedecessorum nostrorum Gregorii VII., Urbani, & Paschalis Romanorum Pontificum vestigiis inherentes præcipimus, ut nullus missas eorum audiat, quos uxores, vel concubinas indubitanter habere cognoverit. Deinde in Concilio Lateranensi

itā definiendum voluit cap. 7. Ad hęc, Predecessorum nostrorum, Gregorii VII., Urbani, & Paschalis Romanorum Pontificum vestigii inherentes, præcipimus, ut nullus missam eorum audiat, quos uxores, vel concubinas habere cognoverit. Ut autem lex continentie, & Deo placens munditia in ecclesiasticis personis, & sacris Ordinibus dilaretur; statuimus, quatenus Episcopi, Presbyteri, Diaconi, Subdiaconi, Regulares Canonici, & Monachi, atque conversi professi, qui sanctum transgredientes propositum uxores sibi copulare prasumpserint, separentur. Hujusmodi namque copulationem, quam contraria ecclesiastica regulam constat esse contractum, matrimonium non esse censemus. Qui etiam, ab invicem separati, pro tantis excessibus condignam penitentiam agant. Et in canone 8. Idipsum quoque de sactionialibus feminis, si, quod absit, nubere attentaverint, observari decernimus. Hinc erutus est canon 40. caus. 27. quæst. i., qui etiam legitur eidem verbis in Pœnitentiali Romano, edito ab Antonio Augustino tit. 8. cap. 7.

Non satis id fuerat Innocentio, ut Clericos ab Arnaldistarum conviciis tu-
distr. 60. tiū liberaret; hinc in can. 9. eisdem
& Can. 5. Clericis interdixit, ne aut Imperialium
caus. 21. legum, vel medicorum disciplina ope-
q. 2. ram darent. Deinde vero in canone 10. ad Laicos orationem convertens illos præsertim, qui hæretici Brixensis dictis adhæserant, & res ecclesiasticas, præ-
capuè decimas, à Clericis abstulerant, itā voluit definiendum: *Decimas Ecclesia-
rum, quas in usu pietatis concessas esse cano-
nica demonstrat auctoritas, à laicis possideri
apostolicā auctoritate prohibemus.* Sive enim ab Episcopis, vel Regibus, vel quibuscumque personis eas acceperint, nisi Ecclesie reddiderint, sciant se sacrilegiū crimen committere, & periculum eterna damnationis incurere. Præcipimus etiam, ut laici, qui Ecclesias tenent, aut eas Episcopis restituant, aut excommunicati subjaceant. Innovamus autem, & præcipimus, ut nullus in Archidiaconum, vel Decanum, nisi Diaconus, vel Presbyter ordinetur. Archidiaconi vero, Decani, & Prepositi, qui infra ordines prænominate existunt, si inobedientes ordinari contempserint, honore suscepto priventur. Prohibemus autem, ne adolescentibus, vel infra sacros Ordines constituis, sed qui prudenter, & merito vita clarescant, predicti concedantur honores. Præcipimus etiam, ne conductiis Presbyteris Ecclesia comittantur: & unaquaque Ecclesia, cui facultas suppetit, proprium habeat Sacerdotem. Ex hoc canone deprompti sunt, simul propterē jungen-
di, can. 3. dist. 60., & can. 5. caus. 21. q.
2. Similia etiam propemodū jam constituta fuerant in memorato Concilio Rhemensi, ubi canone 8. hęc leguntur: *Innovamus autem, & præcipimus, ut nullus in Archidiaconum, vel Decanum, nisi Diaconus, vel Presbyter ordinetur. Archidiaconi vero, Decani, & Prepositi, qui infra ordines prænominate existunt, si inobedientes ordinari contempserint, honore suscepto priventur.* Prohibemus autem, ne adolescentibus, vel infra sacros Ordines constituis, sed qui prudenter, & merito vita clarescant, predicti concedantur honores. Et canone 9. Placuit etiam, ne conductiis Presbyteris Ecclesia comittantur: & unaquaque Ecclesia, cui facultas suppetit, proprium habeat Sacerdotem.

Hęc sanè erant opportuna remedia, quibus & Sacerdotum, & Ecclesiarum honori adversus Arnaldistas consuleretur.

In canone 11. Concilii Lateranensis renovatus est canon 10. Concilii laudati Rhemensis, quo parta Ecclesiasticis viris, Monachis peregrinis etiam, Mercatoribus, & rusticis viarum securitas. Deinde in can. 12. constitutum est, quod jam ante decretum in Canone 11. Concilii Rhemensis, his verbis: *Treguam autem ab occasu solis in quarta feria usque ad ortum solis in secunda feria, & ab adventu Domini usque ad octavas Epiphanie, & à quinquagesima usque ad octavam Pasche, ab omnibus inviolabiliter observari præcipimus.* Siquis autem treguam frangere tenuaverit, post tertiam communionem, si non satisficerit, Episcopus suus in eum excommunicationis sententiam dicet, & scriptam Episcopis vicinis annunciet. Episcoporum autem nullus excommunicatum in communionem suscipiat, imò scripto susceptam sententiam quisque confirmet. Siquis autem hoc violare præsumpt-

sumpserit, ordinis sui periculo subjacebit. Et quoniām funiculus triplex difficile rumpitur, precipitus, ut Episcopi ad solum Deum, & salutem populi habentes respectum, omni tepiditate sepositā, ad pacem firmiter tenendam mutuum sibi consensum, & auxilium prebeant, neque hoc alicujus amore, aut odio pretermittant. Quod si quis in hoc Dei opere tepidus invenerit fuerit, damnum propriæ dignitatis incurrat. Posteriora hæc Lateranensis canonis verba leguntur apud Gratianum in cap. 11. dist. 90., ad cujus interpretationem nonnulla adjicienda hoc in loco viderentur de trevia, ut canones habent, Dei, nisi vel apud Scriptores Canonici Juris jam plura ad eamdem hanc rem pertinientia haberentur, vel alibi de hac ipsa re sermo incidisset.

Can. 29. De canone 13. & 14. Concilii Lateranensis, quibus & fœneratoribus usura interdictitur, & detestabiles nundinorum, vel scriarum tempore concertationes improbantur, verba non facio, cum de illis nihil apud Gratianum occurrat. Hinc progredior ad canonem 15. unde deceptus fuit Gratianus canon 29. caus. 17. quest. 4. His verbis ille describitur: Item placuit, ut, si quis suadente diabolo hujus sacrilegii reatum incurrit, quod in Clericum, vel Monachum violentas manus injecerit, anathematis vinculo subjaceat: & nullus Episcoporum illum presumat absolvere, nisi mortis urgente periculo, donec apostolico conspectui presentetur, & ejus mandatum sus-

cipiat. Precipimus etiam, ut in eos, qui ad Ecclesiam, vel cæmeterium confugerint, nullus omnino manum mittere audeat. Quod si fecerit, excommunicetur. Non hæc primū in Lateranensi Concilio constituta fuerunt, sed in Concilio Rhemensi memorato, cuius in canone 13. hæc habentur. Item placuit, ut, si quis suadente diabolo hujus sacrilegii reatum incurrit, quod in Clericum, vel Monachum violentas manus injecerit, anathemati subjaceat. Et nullus Episcoporum illum presumat absolvere, donec Apostolico conspectui presentetur, & ejus mandatum suscipiat; & can. 14. Precipimus etiam, ut in eos, qui ad Ecclesiam, vel cæmeterium confugerint, nullus omnino manum mittere audeat: quod qui fecerit, excommunicetur. Severior hæc disciplina, quæ qui manus violentas in Clericum vel Monachum injecisset, anathemate percellebatur, sine spe absolutionis à Dicēsano Episcopo obtinendæ, opportuna admodum fuit, ut occurreretur incommode, quibus quotidiè subjacebant Clerici universi ab Arnaldistis, infenso ducitis spiritu, & publicè jactantibus adversus Clericos esse pugnandum, Clericosque perdendos esse, quo puto referenda esse illa verba canonis suadente Diabolo. De Arnaldo Brixensi, hujusmodi hereticorum adversus Hierarchiam Ecclesiasticam temerè debacchantium Duce, ita scribit Guntherus Ligerinus.

Assumpta sapientis fronte, diserto
Fallebat sermone rudes; Clerumque procaci
Insectans odio, Monachorum acerimus hostis,
Plebis adulator, gaudens popularibus auris,
Pontifices, ipsumque gravi corrodere lingua
Audebat Papam, scelerataque dogmata vulgo
Diffundens variis implebat vocibus aures.
Nil proprium Clerici, fundos, & prædia nullo
Jure sequi Monachos, nulli fiscalia jura
Pontificum, nulli curæ popularis honorem
Abbatum, sacras referens concedere leges.
Omnia Principibus terrenis subdita, tantum
Committenda viris popularibus, atque regenda.

Pontificum fastus, Abbatum denique laxos
Damnabat penitus mores, Monachosque superbos.

PARS SECUNDA. CAPUT ULTIMUM.

Veraque multa quidem, nisi tempora nostra fideles
Respuerent, monitus falsis admixta monebat.
Et, fateor, pulchram fallendi noverat artem,
Veris falsa probans, quia tantum falsa loquendo
Fallere nemo potest: veri sub imagine falsum
Influit, & furtim deceptas occupat aures.
Articulos etenim fidei, certumque tenorem
Non satis exactam stolidus pietate fovebat,
Impia mellifluis admiscens toxica verbis.
Ille suam vecors in Clerum, Pontificemque,
Atque alias plures adeo commoverat urbes,
Ut jam ludibrio sacer, extremoque pudori
Clerus haberetur. Quod adhuc, ni fallor, in illa
Gente nocet, multumque sacro detruncat honori.
Mox in Concilio Romae damnatus, &c.

Itaque perspicue exinde liquet, qui-
busnam primum de causis obtinuit, la-
tius deinde subsequentium Pontificum
Maximorum decretalibus producta, dis-
ciplina, juxta quam, quicumque violen-
tas manus in Clericos injiciant, anathe-
mati subjaceant, cuius absolutio sit a
solo Romano Pontifice impetranda. Di-
xi: latius productam recentioribus de-
cretalibus; etenim, si unum Concilii La-
teranensis canonem consideres, non sta-
tim, & faciliter tibi persuadebis, anathe-
ma in percussores inflictum fuisse latæ
sententiæ, quemadmodum à recentiori-
bus receptum est: sed potius interpre-
taberis de excommunicatione ferendæ,
ut nostri loquuntur, sententiæ, ob ver-
ba illa *anathematis vinculo subjaceat*, quæ
loquendi formula cum non majorem
habeat vim, quam ista sit *anathematiza-*
tus, vel sit ab ecclesiastica communione se-
questratus, indicat profectò adhuc sen-
tentiae pronunciationem expectandam,
quemadmodum in ipsis disserunt Glos-
sographi ad cap. 2. de foro competen-
ti. Adde his, etiamsi de dubia formula
ageretur, eam capiendam esse interpre-
tationem, ut de anathemate ferendæ
sententiæ intelligatur, eo præsertim
tempore, quo excommunications latæ
sententiæ, nullaque prævia sacrorum
Antistitum monitione inflictæ, minimè
frequentarentur. Quamobrem mihi non
dispicet nonnullorum Juris ecclesiasti-

ci Interpretum opinio, qui scripserunt
excommunicationem, quæ infligitur in
percussores Clericorum juxta mentem
Lateranensem Patrum, non ipso jure,
& latæ sententiæ, quoad originem atti-
net, appellari, quamquam deinde talis
evaserit ex jure recepto, ita postulanti-
bus temporum, locorum, & causarum
adjunctis, unde gravioribus pœnis per-
vicaces gravissimorum criminum rei
plectentur. Qui hac disputatione de-
lectatur, conferre poterit etiam canonem
5. Lateranensem, seu canonem
47. caus. 12. quæst. 2., ubi de diri-
piente ecclesiastica bona dicitur, *excom-*
municationi subjaceat; item canonem 10.
Lateranensem, quem superius retuli, in
eo siquidem legitur de laicis, qui Ec-
clesias tenent, ut aut eas Episcopis res-
tituant, aut *excommunicationi subjaceant*.

Quæ habentur in canone 16. Con-
ciliis Lateranensis, jam edita fuerant pri-
caus. 7.
dém in Concilio Rhemensi ab eodem
Innocentio II. can. 15., utrobique au-
tém hæc sunt canonis verba, ex quibus
supplere juvabit, quod deest Gratianeo
canoni 7. caus. 8. quæst. 1. *Indubitatum*
est, quoniam honores ecclesiastici sanguinis non
sunt, sed meriti, & Ecclesia Dei non heredi-
tario jure aliquem, neque secundum carnem
successorem expectat, sed ad sua regimina, &
officiorum suorum dispensationes, honestas, sa-
pientes, & religiosas personas exposcit. Prop-
terea auctoritate prohibemus apostolicâ, ne-
quis

quis Ecclesias, Prabendas, Preposituras, Capellaniās, aut aliqua ecclesiastica officia hereditario jure valeat vendicare, aut expostulare presumat. Quid si quis improbus, aut ambitiosus reus attentare prasumpserit, debita pœna multabitur, & postulatis carebit. Hæc quoquè, ut patet, opportunè, & salubriter erant decernenda, ut, quoad fieri per tempora posset, suus honos Ecclesiis, & Viris Ecclesiasticis restauraretur.

De consanguineis justo conjugio non copulandis conceptus est canon 17. can. 32. caus. 23. Lateranensis, qui apud Gratianum de- q. 8. sideratur. Sed in canonibus subsequen- tibus, nimirūm 18., 19. & 20., ha- bentur ea, quæ jam diu definita fuerant in canone ultimo laudati Concilii Rhe- mensis. Eadem recensuit Gratianus in can. 32. caus. 23. quæst. 8., ubi tamè multa supplenda sunt ex integris Concilii exemplaribus. Canon 18. ita exprimitur: Pessimam siquidem, & depopulatricem, & horrendam incendiariorum mar- litiam auctoritate Dei, & Beatorum Apostolo- rum Petri, & Pauli omnino detestamur, & interdicimus. Hæc etenim pestis, hæc hostilis vastitas omnes alias deprædationes exuperat. Quæ quantum populo Dei sit damnosa, quan- tumque detrimentum animabus, & corporibus inferat, nullus ignorat. Assurgendum est igitur, & omni modo laborandum, ut tanta clades, tantaque pernicies pro salute populi era- dicetur, & extirpetur. Siquis igitur post hujus nostræ prohibitionis promulgationem malo stu- dio, sive pro odio, sive pro vindicta, ignem apposuerit, vel apponi fecerit, aut appositoribus consilium, vel auxiliū scienter tribuerit, ex- communiceatur. Et si mortuus fuerit incendia- rius, Christianorum careat sepultura. Nec ab- solvatur, nisi prius danno, cui intulit, secun- dum facultatem suam resarcito, juret se ulte- riùs ignem non appositorum. Pœnitentia autem ei detur, ut Hierosolymis, aut in Hispania in servitio Dei per annum integrum permaneat. Canon 19. Siquis autem Archiepiscopus, vel Episcopus hoc relaxaverit, damnum restituat, & per annum ab officio episcopalī abstineat. Canon 20. Sanè Regibus, & Principibus fa- cultatem facienda justitia, consultis Archiepis-

copis, & Episcopis, non negamus. Ad lau- datum Gratiani canonem non nihil ad- notavit Baluzius, scribens in primis, idem ferè legi in Coneilio, habito ab Innocentio II. apud Claramontem initio sui Pontificatus; in quo tamè hæc di- versa leguntur à vulgato canone Synodi Lateranensis: Omnimodis laborandum... ig- nes apposuerit.... & si in hoc mortuus fuerit &c. Deinde animadvertisit ad verba illa in Hispania in servitio Dei, non intelligi ibi- dèm iter hispanicum causâ simplicis pe- regrinationis susceptum, sed potius iter causâ belli sacri, quod tum adversus Sarracenos, Christianis universis infestos, fuerat institutum.

In capite 21. Concilii ejusdem La- teranensis hæc leguntur: Presbyterorum fi- lios à sacri Altaris ministeriis removendos de- cernimus, nisi aut in Cœnobis, aut in Cano- niciis religiosè fuerint conversati. Verba ista hæc alias retulit sub nomine Urbani II. Gratianus in can. 1. & 11. dist. 56., imò etià similia quædam sub nomine Concilii Pictaviensis habentur apud Gre- gorium IX. in cap. 1. de filiis Presbyte- rorum. Subsequitur caput 22. his ver- dist. 5. de pœn. 8.

Adversus eos, qui Divina Ecclesiæ Sacra- menta damnarent, aut res sacras pudendæ mercaturæ supponerent, editi can. 25. caus. 18. q. 2. fuerunt in Lateranensi Concilio cano- nes 23., 24., & 25.: deinde in cano- ne 26., & 27. damnati sunt nonnullarum mulierum mores, quæ quidè sanctimonialium speciem præferebant, prætextu autem singularis cujusdam pie- tatis, ac religionis ab integritate vitæ procûl, & longissime aberant. Ipsamet canonum Lateranensium verba haben- tur apud Gratianum in can. 25. caus. 18. quæst. 2., unde sempèr adparet, quæ constans fuerit Innocentius in instituenda, restaurandaque religiosa- rum personarum vita, ne occasio dare- tur

tur hominibus hæreticis de Viris ecclesiasticis conquerendi, & adversus eos convicia proferendi.

Supersunt adhuc tres Concilii canonnes 28., & 29., & 30. Sed apud Gratianum nec 29. habetur, quo artem *Bal-*
listariorum, & Sagittariorum adversus Christianos, & Catholicos exerceri vetitum est,
Can. 35.
dist. 63. *nec 30., quo irritæ declarantur ordinationes celebratæ à Petro Pseudo-Pontifice, & aliis Schismaticis, vel Hæreticis.* Tantum legimus in canone 35. dist. 63. canonem 28. Lateranensem, qui his verbis exhibetur in vulgatis Concilii exemplaribus: *Obeuntibus sive Episcopis, quoniam ultra tres menses vacare Ecclesias prohibent Patrum sanctiones, sub anathemate interdicimus, ne Canonici de Sede Episcopali ab electione Episcoporum excludant religiosos Viros, sed eorum consilio honesta, & idonea persona in Episcopum eligatur. Quod si, exclusis eisdem religiosis, electio fuerit celebrata, quod absque eorum assensu, & conniventia factum fuerit, iritum habeatur. Quinam religiosorum Virorum nomine intelligantur, satis obscurum est.* Ego vero arbitror, laicos quosdam fuisse de Ecclesia optimè meritos, quique patrocinio suo fovere, ac tueri Ecclesiam possent; quod facilè deduci puto ex canone 25. Lateranensis ejusdem Concilii, ibi: *Laii, quamvis religiosi sint, nullam tamen habent disponendi de ecclesiasticis facultatibus potestatem.* Intererat sanè tunc temporis Viros istos in electionibus Episcoporum admittere, ut eorum præsidio tutior Episcopus esset, qui etiam illorum suffragio ad cathedram concendisset, cum alias non ignoremus, Arnaldistarum ausubellum quodammodo adversus Episcopos fuisse, & Clerum universum indicatum. Præterea sub eo religiosorum Virorum nomine, reor, venisse etiam Clericos, qui in Canonicis non versabantur, id est, communem vitam minimè ducebant. Siquidem, cum saeculo undecimo in Clerum reducta fuisset vita communis, qui istam amplexati fuere, quasi soli Clerum constituerent, facile ceteros aspernabantur; undè tandem fac-

tum est, ut ipsi Capitulum Cathedralis Ecclesiæ appellarentur, & frætres Episcoporum, ceteris non in eadem vita consistentibus à rerum ecclesiasticarum generali administratione, & præcipua cura remotis, quemadmodum hodierna etiàm disciplina demonstrat. Initio novæ hujus consuetudinis pati non potuit Innocentius, ut soli Canonici in communi viventes, vacante Episcopali Sede, ad successoris Episcopi devenirent electionem, sed voluit, religiosos quoscumque, id est, præ ceteris etiàm Clericos non inter Canonicos viventes admitti debere, quibus admissis Clero universo major accedebat honos, de quo restaurando potissimum Innocentius cogitabat.

De duabus Innocentii Epistolis, apud Gratianum laudatis.

Duo adhuc supersunt fragmenta, quæ à Gratiano sub nomine Innocentii Can. 17. caus. 2. H. describuntur, nimirum can. 17. caus. 2. quæst. 5., & can. 8. caus. 35. quæst. 6. quos non nisi temerè ab eodem Pontifice abjudicaremus. In primis quod attinet ad canонem 17. caus. 2. quæst. 5. fateor, apud alios Gratiano coævos Collectores nihil tale reperiri. Verum hac in parte plurimum valet auctoritas Gratiani, dum de sui temporis testimonium facit; neque suspicandum est tantam fuisse ejus audaciam, ut in evulgando opere, ex quo non mediocrem laudem sui nominis expectabat, falsa obtruderet sui ejusdem temporis monumenta, de quibus propterea facile, atque illico redargueretur. Non ignoro, quod adnotatur à Romanis Correctoribus, in aliquibus vetustis MSS. Gratiani codicibus eundem canonem desiderari, in omnibus vero desiderari versiculum *nos itque usque in finem;* quemadmodum nec ignoror, in nonnullis Gregorii IX. codicibus eundem canonem referri in cap. 5. de purgatione canonica usque ad vers. *nos itaque sub nomine Innocentii III.* Verum Innocen-

tio

tio III. nullo modo tribui posse facile evincitur non solum ex eo, quod animadverterunt jam Romani Correctores, quia Collector Decretalium Gregorii IX. in Decretalibus, sive earum capitulis describendis servavit ordinem temporum, laudatumque capitulum edidit quasi editum ante tempora Alexandri III., sed etiam quod idem capitulum sub nomine Innocentii Papae legatur in prima Collectione Decretalium sub eodem titulo de purgatione canonica cap. 4.: aliis vero auctor prima Collectionis Decretalium minimè attigit Innocentii III. etatem, cuius propterea rescripta recenseret. Itaque Innocentio II. recte tribui memoratum caput Gratiani, probat auctoris Collectionis 1. Decretalium, & Gregorii IX. testimonium. Quid habeat Gratianus, quid deinde Gregorius IX. describendum ex ea epistola voluerit, facile omnibus patet. Ego hoc in loco describam, quid in memorata 1. Decretalium Collectione referatur adsutis optimis Antonii Augustini annotationibus. Verba Collectoris Decretalium haec sunt: *Innocentius Papa Aquileiensis Patriarcha & Episcopo Mant. Quoties frater noster A. Tridentinus (notat Antonius Augustinus in aliquo Codice legi Tridentinus, alibi Adispertinus Tudertinus, apud Raymundum vero, & Contium omissam fuisse literam A., ut omnibus facilè patet) Episcopus in nostra, & vestra de simonia impetus sit presentia (adnotat Antonius Augustinus aliquam in his esse codicum varietatem, quam ego omittem puto, cum in simplici vocum transpositione consistat), prudentiam vestram latere non credimus, cuius causam in presentia nostra ventilavimus.* (Antonius Augustinus refert, alibi legi: *cujus causa in nostra tandem ventilata presentia; alibi: cuius causa tandem in nostra presentia ventilata.*) Producti sunt apud eum (legunt alij, ut notat Antonius Augustinus adversus eum) accusatores; & una voce scriptum adferentes (teste Antonio Augustino alibi legitur: vivâ voce, & scripto asserentes, quod &c. alibi: & testes vivâ voce, & scripto accusan-

te eum, eo quod &c.), nec testes secundum formam canonum (alibi: *formam canonicas*, producere potuerant, quod Ecclesiam B. Petri de Pasorum (alibi: producere nequiverunt, quod Ecclesiam B. Petri de Pado) Presbytero Paulo dederit pro quatuor modiis de frumento (alibi modiis frumenti, alibi pro mittendis modiis frumenti) quos ab ejusdem Ecclesia laici accepit. Unde quia (legitur alibi verum quia, alibi verum quoniām) nec accusatores, nec testes secundum formam canonum, & statuta Sanctorum Patrum in causam ipsa (alibi ex Antonio Augustino in causa ipsa) procedere potuerunt, communī fratum nostrorum consilio (alibi de communī fratum Concilio) iudicavimus, ut tertiam manū sui ordinis, & quatuor (legerunt alii & quarta manu) Abbatum, & Religiosorum Sacerdotum de supradicta simonia in vestra presentia se debeat expurgare (alibi: de predicta simonia debeat se purgare, alibi: se expurgaret.) Porro expurgatoris tenor erit hujusmodi. Idem Episcopus super sancta Evangelia (alibi Dei Evangelia) priūm jurabit pro Ecclesia Sancti Petri de Pa. (postremam hanc vocem alii Codices ita ediderunt de Pajo, alii de Pado) Presbytero Paulo danda, nec ipse per se, nec per submissam personam, nec aliquis pro eo se sciente pretium receperit. Deinde expurgatores super Sancta Evangelia jurabunt similiter, quod ipsis credunt, quod verum juravit. Legunt alii: scilicet quod, sicut ipsi credunt, verum juravit: alii: quod ipsi credunt, verum esse, quod ipse juraverat; alii demum, quod ipsi credunt eum verum jurasse. Sic testatur semp̄r Antonius Augustinus, cujus sunt suprà allate animadversiones, omissis illis, quæ levissimi momenti essent. Concludit autem vir eruditus, ea, quæ sequuntur apud Gratianum in vers. Nos itaque, uti in eadem Collectione prima Decretalium, & in Collectione Decretalium Gregorii IX. desiderantur, ita etiam deesse in multis veteribus Gratiani libris. Proinde eumdem ego versiculum non omnino indubiae fideli existere arbitrarer.


Quæ habentur in can. 8. caus. 35. quæst. 6., integrum exhibent epistolam ^{Can. 8.} _{caus. 35.} Alexandri II. ad Ottonem Lucensem q. 6.


Episcopum, quæ inter Labbeanas eisdem omnino verbis recensetur numero 43. Similia etiam nonnulla definita videntur in Concilio Rhemensi anno 1131. celebrato ab Innocentio II. juxta editionem Mansii in tom. 2. Supplementi Labbeani pag. 407. can. 13. ibi: *De conjugis dissolvendis cautè determinatum est, quod post manifestam nupiarum celebrationem nec marito, nec uxori licet querere occasionem spontaneam dissolvendi conjugii, nec juramentum eorum recipiendum, qui induti familiaritate privatè jurant cognationem conjugitorum. Sed, si quis fidelis pro charitate Christi aliquam lineam consanguinitatis præpediamentum conjugium monstraverit, ceterisque inibi-*

cis, & testimonii comprobaverit, ei fidem habendam esse censem Sedis Apostolice venerabilis auctoritas. His absolutam, arbitror, secundam mei operis partem, dignissimam profectò, in quam labor omnis impenderetur. Quod meæ tulerant vires, perfeci; quod deest, humanissimos, eruditissimosque lectores rogo ut suppleant doctrinâ suâ, eaque, quam huc usquè numero plurimi & verbis, & epistolis erga me exhibuerunt, benevolentia, undè eadem animi hilaritate tertia Operis parti manum admoveam, istudque opus meum, Deo dante, undecumquè perfectum læte dicari bono publico potuisse.

F I N I S.







B

Q

C

Est 1971

Nº 16

GERARD

ANONE

The image shows the front cover of an antique book. The cover is made of a dark, mottled material, possibly leather or cloth, with a prominent grain texture. In the upper half, there is a decorative panel featuring three raised bands. Between the first and second bands, there is a rectangular blind-tooled frame containing a stylized floral or foliate motif. Above this panel, the letters 'LIT' are stamped in large, raised gold tooling. Below the panel, the word 'LIBRARY' is stamped in a smaller, gold-tooled serif font. The bottom portion of the cover is plain, showing the dark material.

104

卷之三

— 1 —

— 1 —

— 1 —

卷之三

1000-10000